

**DANIEL AULAE
SPECULUM SIUE
DE STATU, VITA,
VIRTUTE
AULICORUM...**

Adam Contzen, Giovanni
Battista Coccini





Ex Bibliotheca
majori Coll. Rom.
Societ. Jesu


8.7.10.

8 8
6 6
10 25



Ex legato

M. mi. Cocini



DANIEL,

Sine

DE STATV, VITA,
VIRTUTE AVLICORVM

atque


MAGNATVM.

Authore

R. P. ADAMO CONTZEN

E Soc. IESV, SS. Theol. Doct.

PERMISSV SUPERIORVM.



COLONIAE AGRIPPINAE,
Apud IOANNEM KINCKIUM sub
Monocero.

ANNO M.DC. XXX.



S E R E N I S S I M O

P R I N C I P I A C

D O M I N O,

M A X I M I L I A N O,

C Ò M I T I P A L A T I N O R H E N I,

V T R I V S Q V E B A V A R I A E

D V C I,

S A C R I R O M A N I I M P E R I I

A R C H I D A P I F E R O E L E C T O R I,

Domino meo clementissimo,

DANIEL regio genere, sum-
mo ingenio, innocentissima
educatione nobilis, Chal-
dææ, Medicæ, Persicæ monarchiæ
Legislator, & præses: quinque ma-
ximorum imperatorum, qui se iure
merito reges regum vocabant, Na-
buchodonosoris magni, Euilme-
rodachi, Balthasaris, Darij, Cyri
collega, conuiua, comes Palatinus,

* 2 ma-

EPISTOLA

magister aulæ, propheta, monitor,
 vir desideriorum, angelorum fami-
 liaris, experientia centum anno-
 rum aulam edoctus, omnium im-
 periorum ad supremum vsq; mun-
 di diem ex oraculis præscius, sapi-
 entia supra omnes mortales emi-
 nens, sanctitate Noacho & Iobo
 comparatus, ad Serenitatem Tuam
 maxime & prudentissime Princeps
 Elector affectat viam. Multa nimi-
 rum Danieli & Maximiliano com-
 munia, genus regium, ingenium par
 generi, in magno imperio dignitas,
 in comitatu imperatoris iudicandi
 facultas, quæque illis præstantiora
 sunt, sapientiæ studium, pietatis ar-
 dor, animi constantia, consanguini-
 tasque virtutum, quæ nec locorum
 spatijs, nec ætatum interuallis affe-
 ctus minuit. Æquum etiam est, vt
 alter

DEDICATORIA.

alter alterum conciliet eadem gubernandi disciplina, consulendi in publicum beneuolentia, sumptuum ac laborum impendia, quibus Rempublicam ad Danielis normam, recta ad Deum conscientia, nulla priuati emolumenti, nulla dominandi, nulla glorię cupiditate, administras, tueris, exornas.

Merito igitur magnus, ac sapiens ille tot monarcharum Comes Palatinus, Boici electoratus ostia pulsat, & cum vitę suę heroico exemplo, simul imperatorię prophetię facilem ac moralem doctrinam defert, non incognitam, & nunc cœlesti auctoritate commendatam, integrōs aliquando, si Deo visum fuerit, commentarios laturus.

In cruenta regum barbarorum aula, apud Babylonios proceres Di-

* 3

uinæ

EPISTOLA

uinæ Danielis virtuti locus fuit: spero illius præconio etiam inter primores Boiorum, & Christianorum Principum intra portas locum fore, nec infructuosum Germanicæ nobilitati, quæ ea lege, & fine terrenis potestatibus assistit, ut cum rege regum, & domino dominantium regnet æternum. Danielis prophetia, vitaque à capite ad calcem usque, à pueritia ad ultimam senectam tota regifica est, tota aulica, de regijs, aulicisque officijs, & vitijs, ipse in aula, perpetuò tractat; qua de causa ex illo ad instruendam Procerum excitandamque virtutem documenta collegi, quæ Tuæ Serenitati lubens volens offero, dedicoque, ut tanto patrocinio fulta, alijs quoque prodesse valeant,

Quemadmodum autem viri sancti, qui ab omnibus mundi turbis secedunt,

DEDICATORIA.

dunt, vt propius ad eum ; qui omnia condidit, accedant, & in solis desertisque locis numen impensius colunt, Eliam, Ionadabum, Baptistam, Antonium, Basilium, Benedictum, Brunonem priuatæ, atque in se collectæ pietatis profitentur auctores: ita magnatibus ac principibus in optimam mundi gubernationem semper intentis, per ardua periculorum euntibus, Daniel lumine corusco sapientiæ, quæ in eo plus quam in cunctis viuentibus erat, viam regiam signat, sequentesque normam exercitatæ virtutis è labyrinthæis flexibus nusquam incertus antecessoreducit, doctrina, exemplo, votis. Omnes qui Rempublicam capeffunt, in mari magno, vt vocat Daniel, nauigant, conantur medijs aquilonibus ire per altum: siue in prora confidant, siue temonem tor-

*

4

que-

EPISTOLA

queant, ab omni latere verberantur
 procellis, viam illam Daniel cen-
 tum annorum nauigatione decur-
 rit, & nunc salutare cœlo fixum fi-
 dus, multò quàm cynosura, aut He-
 lice felicius Palatinas rates dirigit,
 & innoxium per turbida liquentis
 elementi iter ostendit. Daniele m fi-
 denter aspiciant procures: quicquid
 in vasto balænarum, & delphinum
 regno, aut flatibus turbulentum, aut
 fluctibus vndosum, aut malacia fal-
 laciter blandum, aut syrtibus tenax,
 aut scopulis asperum est, magno a-
 nimo ille vicit, & procures vincere
 docuit. Summa sapientiæ Danielis
 est rectum de rebus humanis iudi-
 cium. In potentissima monarchia, in
 honoratissimo illius ministerio om-
 nes discriminum casus, partem feli-
 citatis nullam inesse. In palatio nul-
 lum æmulari, nullum metuere æ-
 mu-

DEDICATORIA.

mulum. Ad regnum illud aspirare,
 in quo nullus ambitus inimicos, ca-
 ritas omnes consortes facit. nemo
 enim fulgore maiestatis, sed recto
 potestatis usu felix est: eoque solo re-
 ges aulicique iusti ab iniustis discer-
 nuntur, quod eleganter, ac Danieli
 consentaneè Hipponēsis antistes ex-
 posuit, lib. 5. cap. 24. de ciuitate Dei.
 Neque enim nos Christianos quos-
 dam Imperatores ideo foelices dici-
 mus, quia vel diutius imperarunt,
 vel imperantes filios morte placida
 reliquerunt, vel hostes Reipublicæ
 domuerunt, vel inimicos ciues ad-
 uersus se insurgentes, & cauere, &
 opprimere potuerunt. Hæc enim &
 alia vitæ huius ærumnosæ, vel mu-
 nera, vel solatia, quidam etiam cul-
 tores dæmonum accipere merue-
 runt, qui non pertinent ad regnum
 Dei, quò pertinent illi. Et hoc
* 5
ipsum

EPISTOLA

ipsius misericordia factum est, ne ab
 illo ista, qui in eum crederent, velut
 summa bona desiderarent. Sed foeli-
 ces eos dicimus, si iustè imperant; si
 inter linguas sublimiter honoran-
 tium, & obsequia nimis humiliter
 salutantium non extolluntur, sed se
 homines esse meminerunt: si suam
 potestatem ad Dei cultum maximè
 dilatandum, maiestatis eius famu-
 lam faciunt: si Deum timent, dili-
 gunt, colunt: si plus amant illud re-
 gnum, ubi non timent habere con-
 sortes; si tardius vindicant, facilè i-
 gnoscunt; si eandem vindictam pro
 necessitate regendæ tuendæque Rei-
 publicæ, non pro saturandis inimi-
 citiarum odijs exerunt: si eandem
 veniam non ad impunitatem ini-
 quitatis, sed ad spem correctionis in-
 dulgent: si quod asperè coguntur
 plerunquè decernere, misericordiæ
 leni-

DEDICATORIA.

lenitate & beneficiorum largitate compensant : si luxuria tanto eis est castigatior, quanto posset esse liberior; si malunt cupiditatibus prauis, quàm quibuslibet gentibus imperare. Et si hæc omnia faciunt, non propter ardorem inanis gloriæ, sed propter charitatem foelicitatis eternæ; si pro suis peccatis humilitatis, & miserationis, & orationis sacrificium, Deo suo vero immolare non negligunt. Tales Christianos Imperatores dicimus esse foelices; interim spe, postea re ipsa futuros, cum id quod exposcimus, aduenerit. Hæc eadem omnia in regum administros planè conueniunt. Spectatiorem omnino in excelso virtutem postulat, qui proceribus locum altiorem tribuit. Nunquam audiendi, qui vitia sua moribus, aut legibus palatij excusant. Segnitiam & impudentiam illis

EPISTOLA

illis Daniel exprobrat, in aula regis
 vltra omnem terram pessimi, in pa-
 latijs Babylonis, hoc est Orbis vni-
 uersi prostibulo, animum ac corpus
 incontaminatū conseruauit. Osten-
 dit contraveram virtutem nihil pos-
 se insanientis imperij vitia: Danielis
 virtus inter malos speciosior & pro-
 batior, procerum inter Christianos
 aulicos tutior est. Praue consuetudi-
 ni obluētandum, non cedendum
 magister ille docet. Nunc quoq; ca-
 uendus error stultorum exitiabilis,
 qui pręcepta virtutum ad sacros ho-
 mines relegant, sibi velut mundanis,
 qualibet, ire via, permillum instant.
 Quasi non eadem omnibus & vir-
 tutis amandæ, & vitij detestandi de
 cœlo leges figantur. Non ignoro, &
 dolenter confiteor, eò lapsos quorū-
 dam mores magnatū, vt vſitata vitia
 pro legibus habeantur. Madere vino,
 in-

DEDICATORIA.

indulgere genio, in purpura gēmaq;
tumescere, inimicari, iniuriam ma-
nu vlcisci, subiectos opprimere, ma-
iorum vitijs adulari, de fama detra-
here, fallere, irridere, inuidere, stoli-
dis prudentia videtur, & viro nobili
non indecora libertas. Hæc Daniel
& ipse fugit, & consuetudinem de-
linquendi, continua consuetudine
puniendi abrupti docuit, suo ævo
illa minatus est, & cunctis regnis
tum futuris, nunc magna parte præ-
teritis, vaticinatus est. Palatiorum
studia, artes, fraudes, scelera, interi-
tus, omnes euentus, etiam Heroum
constantiam, pietatem, decora, præ-
ciosas in conspectu Domini mortes,
quasi ex intimis consilijs historicus
descripsit, vt posterius euentura cre-
dant, quæ nondum ætas attulit, cum
facta legunt, & eadem de priscis &
suis temporibus sinceritate iudicēt.
Om-

EPISTOLA

Omnia ad Deum & prouidentem, & prædicentem referant, vt immensitati omnipotentis seruiat hominũ qualiscunque, certè breuis, magnitudo. Cœteri Prophetarum Israël, & finitimarum gentium fata prænunciarunt, & oraculorum veritatẽ nõquam antè satis creditam, euenta comprobarunt. Daniel omnes monarchias, etiam nostram, omnem mundi etatem, etiam nostros annos, & actus complexus est. Testimoniũ illi Saluator dedit, cùm Christianos visuros affirmat desolationem prædictam à Daniele propheta, stantem in loco sancto.

Ne vero quispiam Danielis imitationem, aut disciplinam difficilem esse causari queat, plurimorum regum, principum, procerumque exemplis ostendo, in aulis non modo terrenæ dignitatis apicem, verum

CCE-

DEDICATORIA.

Cœlestis quoque philosophiæ culmen à Deo constitutum. Sanctissimi in Ecclesia Præfulum, gloriosissimi Martyrum de palatio venerunt: illud enim generosos animos non corrumpit, sed probat, & euehit. Danielem igitur audiant, Proceres, qui vera sapientia, & virtute animos informat, contra omnia, quæ fortuita videntur, à Deo autem præuisa, & prædicta fuerunt, mentem firmat. Omnes ille in sublimi collocat, ut regnorum ortus atque occasus, mūdique incendia ac ruinas intuiti, ne mirentur in cinerem abituras & opes, & dignitates; sed animos parent creatori, iudiciq; suo, ut cum iudicium sedebit, aut auferatur potētia, & conteratur, & dispereat vsq; in finem. Regnum autem & potestas, & magnitudo regni, quæ est subter omne cælum, detur populo sanctorū altissimi-

EPISTOLA

Omnia ad Deum & prouidentem, & prædicentem referant, ut immensitati omnipotentis seruiat hominū qualiscunque, certè breuīs, magnitudo. Cœteri Prophetarum Israëlīs, & finitimarum gentium fata præ-nunciarunt, & oraculorum veritatē nūquam antè satis creditam, euenta comprobarunt. Daniel omnes monarchias, etiam nostram, omnem mundi ætatem, etiam nostros annos, & actus complexus est. Testimoniū illi Saluator dedit, cū Christianos visuros affirmat desolationem prædictam à Daniele propheta, stantem in loco sancto.

Ne vero quispiam Danielis imitationem, aut disciplinam difficilem esse causari queat, plurimorum regum, principum, procerumque exemplis ostendo, in aulis non modo terrenæ dignitatis apicem, verum

COC-

DEDICATORIA.

Cœlestis quoque philosophiæ culmen à Deo constitutum. Sanctissimi in Ecclesia Præfulum, gloriosissimi Martyrum de palatio venerunt: illud enim generosos animos non corrumpit, sed probat, & euehit. Danielem igitur audiant, Proceres, qui vera sapientia, & virtute animos informat, contra omnia, quæ fortuita videntur, à Deo autem præuisa, & prædicta fuerunt, mentem firmat. Omnes ille in sublimi collocat, ut regnorum ortus atque occasus, mûdique incendia ac ruinas intuiti, ne mirentur in cinerem abituras & opes, & dignitates; sed animos parent creatori, iudiciq̃ suo, ut cum iudicium sedebit, aut auferatur potētia, & conteratur, & dispereat vsq; in finem. Regnum autem & potestas, & magnitudo regni, quæ est subter omne cælum, detur populo sanctorũ altissimi.

EPISTOLA DEDIC:

tissimi; cuius regnum, regnum sempiternum est, & omnes reges serui-
ent ei, & obediēt. Quos inter San-
ctos, & reges stationem honoratam
Serenitati Tuæ, ex vita piè acta spe-
ro, voueo, & quotidianis precibus,
sacrificijsque exposco.

Serenitatis Tuæ

Humillimus servus

Adamus Contzen.

INDEX



DANIEL,


Seu

DE STATV, VITA,
VIRTUTE MAGNATVM
ATQVE AVLICORVM.

CAPVT I.

Scopus operis totius.

¶ I.



ORONÆ regnorum sunt vrbes, vr-
bium porro gemmæ, palatia; ho-
rum ornamenta principum proce-
rumq; virtutes: Quicquid enim vel
materia preciosum atq; augustum,
vel arte eximium ac rarum régia mi-
rantium oculis ostentat, præ virtute lutum est, ludi-
ciumq;. Vastæ marmorum moles, saxorum colores,
texta peristromatum, lucētes per aurata laquearia v-
niones, ludentes in Serum vellere Smaragdi, fulgen-
tes ex omni cervice pyropi, gemmari calices, auratæq;
lances, oculorum oblectamenta sunt, breuia, inania,
assuetudine vilescunt, aduenis spectaculo sunt, inco-
lis fastidio, neutros iuuant. Non enim, nisi errantium
iudicio verâ ac solida bona sunt, quæ contemnere,
summa sapientia est. at virtutum fulgor ab animo est,
precium è cælo, fructus in cælo. illa expers periculi iu-
sta cunctos admiratione rapit, detinet, sine satietate dele-

*Virtus v-
nicum an-
la decus.*

A

dele-

delectat, sine fraude pascit, familiaritate vsuq; iucundior: nunquam inueterascit, senecta formosior, semper vt noua suspicitur, atq; amatur. Nimirum æterni numinis sententia verum est, vnicumque humani generis bonum, scopus & meta nostri laboris, bonum quod quæri solum debet, & solum non quæritur. Quicquid absolutum aut natura produxit, aut ars expoliuit, quod aliqua dote virtutis præstantiam adumbret, ideo æstimari debet: omnium enim rerum precia, in summa virtutis maiestate inclusa sunt, quæ nobis non ad vanitatem luxumve, sed ad doctrinam ad pietatem collata sunt, [a] vt ex auro, & lapidibus preciosis, architecto Jesu Christo, domum ædificemus
 a 1. Cor. 3.12. b 2. Cor. 5.1. quam ignis probet, non absumat. [b] Scimus enim (inquit Apostolus) quoniam si terrestris domus nostra huius habitationis dissoluatur, quod adificationem ex Deo habemus, domum non manufactam, æternam in cælis. Nam & in hoc ingemiscimus, habitationem nostram, qua de cælo est superindui cupientes: sit amen vestiti, non nudi inueniamur. Nam, & qui sumus in hoc tabernaculo, ingemiscimus grauati: eo quod nolumus expoliari, sed superuestiri; vt absorbeatur quod mortale est, à vitâ.

¶ 2.

Ex aula
 terrena
 ad cælestem iter.

Hæcaula, & principes ac Palatini, meæ scriptionis argumentum est: in qua virtus pietasq; cælo deuecta candidatos æterni regni ad originem suam reducat, mentem instruat, consilia animet, imperia regentium, obedientiam subiectorum gubernet, ex qua prudentia, iustitia, temperantia, fortitudo innocentia ac felicitas tanquam è terrestri cælo in omnem prouinciæ plagam descendat. Vt apud animos vestros solliciti cogitetis, quâ via de luteo palatio ad cæleste sit eundum. ad quod non pedum gressu, sed rectæ voluntatis affectu ducimur. Etenim si vos fastigia turrium, splendor atriorum, si rerum species dignitasque delectat: non committendum est tamen, vt in limo, fucosq; nobilitas vestræ mentis acquiescat: sed excitandus animus,

mus, ut in augustissimam cœli regiam cogitationes ac desideria transferat. Nihil sublime, nihil sua magnitudine dignum arbitretur, quod humi iacet, quod de pulvere concrevit.

Anxios vos habeant, ac terreant innumera aulicorum exempla, qui post toleratas in regum obsequio ærumnas graues & periculosas, post gestos sæuiore periculo honores, sæpe etiam post rerum omnium, famæq; naufragia, post mortes cruciatu ac contumelia acerbas, arcano Dei, iusto tamen iudicio, ignibus Barathri excipiuntur, cum potentibus potèter torquendi. aulicis enim, si officium deserant, pœna superincubata asperior. Quemadmodum fidelis, si peccet, fidem negauit, & est infideli deterior, ita magnates quoque plebe sunt nequiores, postquam Deum, à quo magni sunt, spreuerunt. Iudices quidem huius mundi magnis *Delicta* grauissima, paruis vix minima delicta condonant: *Magnatū* Non ita ille, qui non veretur magnitudinem cuius- *grauiora,* quam, quia magnum fecit, & paruum. Nec enim ma- *et pœna* gis opus suum timet plastes omnipotens postquam fe- *acerbior.* cit, quam ante mundum conditum, cum nihil esset. Impensius igitur nobis illa mala fugienda sunt. Tristior futura pœna est teneris & gloriosis, si eos aliquando vastum chaos à beatitudine secludat, si regali opulentia semper assuetos perpetua sitis vrat: acrius enim post gloriam dedecora cruciant, & post delicias tormenta. Acerbior autem pœna, quia longe lateque patens malum est, peccatum aulæ. Nautæ ac remigis inscitia leue damnum adfert, error naucleri perniciēs est nauigantium. In republica cum subditi delinquant, sibi quisque nocet, cum rectores, & eorum domestici, & sibi, & cæteris detrimentum adferunt, ut egregius principum doctor Agapetus demonstrat. Ab his malis ad illa bona, quæ nec oculus vidit, nec auris audiuit, nec in cor hominis ascenderunt, duce ac comite gratia Dei transibitis.

Hic finis est meæ scriptionis. Utinam etiam vestra

A 2 serui-

seruitutis & vitæ, seruitutis splendidæ, vitæ ærumno-
sæ. Interim hoc meditemur, quicquid sumus, pere-
grini sumus, genus, dotes corporis, spem nostram, di-
gnitatem, mentem habemus in cœlis, si Christiani
sumus.

C A P. II.

Magnatibus, Aulicis, nobilibus, senatoribus scribere opera precium esse.

§ I.

*Singulis
hominum
statibus
præcepta
dare con-
uenit.*

NEc vero labor meus inter librorum centurias,
quibus ad virtutem hominum instruitur ruditas,
& infirmitas manuducitur, superuacuus debet videri.
Virtus in publico posita est, bonum commune, eo-
dem in circo virtutis doctrina, eadem omnibus, vna
omnium norma voluntatum, quam æterna sapientia
direxit: non in omnibus tamen idem virtutis est mo-
dus, eademq; in singulis leges. Hinc aliis laudi datur,
quod cum reprehensione alij faciunt, non quia non
vna sit vbique honesti natura, & diuinæ legi consen-
tiens virtutum rectitudo, sed quod circumstantiarum
varietas diuersam postulet amussim. Vinum cado, au-
rum libella metimur: illud gustu, hoc lydio lapide,
gemmas scalpro probamus & pondere, adamantem
incude, & malleo, Smaragdum sole. Quod in rebus
est natura, hoc in hominibus est vitæ conditio siue sta-
tus. Ea causa bene meriti sunt de vniuersis, qui singu-
lis hominum statibus leges, ac viuendi rationem præ-
scripserunt, vti meus præceptor Ioannes Bulaeus insi-
gni opere de hominum statibus. Hinc tam multa de
coniugum, de cœlibum vita, de iudiciis, de magi-
stratibus, militibus, sacerdotibus, religiosis, conciona-
toribus, Episcopis etiam, Cardinalibus & Pontifice.
Non quod non omnibus multa communia, sed quia
multa quoque cuique propria, & suo quodam modo
per-

*Ioannes
Bulaeus de
statibus
hominum.*

peragenda. Quod cum in vita Palatina præcipue cer-
natur, mirari potius oportet, cur nemo de illa integre
scripserit, quam ex me quærere, cur illud oneris in hu-
meros sulceperim.

¶ 2.

Occurrere non nemo posset: Communibus vitæ
Christianæ præceptis satis instrui mores aulicorum,
nihil opus esse singulari tractatu. at illa ratiocinatio-
ne cunctos de diuersis hominum statibus libros amo-
ueris. De publico sumunt omnes, quod fructuose sin-
gulorum ingenio, negociis, periculis, salutis accommo-
dent. Ad felicitatem quam omnes exoptant, pauci as-
sequuntur, vna via regia virtutis est: at vero iter agen-
tibus, sua cuique natura, propensio, mores, consuetu-
do, vitia, studia raro eadem, exitus diuersi, vt pluri-
mum calamitosi. via ipsa inæqualis, & sibi dispar, lata,
angusta: flexus inobseruabiles, loca ardua, prona: as-
pera, lubrica: æstuosa, vliginosa: amœna, tristia:
nulla sine discrimine, omnia cum labore. Quapro-
pter sua quemque pericula & præsidia cognoscere ne-
cesse est, occasionesq; & tempora sine noxa transeun-
di. Nusquam maior, quam in aulis adhibenda cau-
tio. Hic conspectior est innocentia, vberima virtuti
materies, exercitia laboriosa, anxia, Dei colendi in-
gens occasio. Insunt tamen difficultates, non nisi pe-
ctore generoso exuperabiles, vitia non suis magis ille-
cebris, quam contubernalium exemplis valida, dupli-
ci violentia, velis & remis in exitium raptantia, vt ver-
bo dicam: Virtuti in regia deliciarum sedes haud op-
portuna. Vbicunque Sirenes voce mulcent, ibi fran-
gunt & scopuli, sæuit mare, blandis vocibus horridum
immurmurant procellæ. Præter vñtata itaq; bene a-
gendi præsidia, singulatim quædam aulicis conueni-
unt, & contra morbos animorum remedia, & ad ho-
nesta prosequendum incitamenta: quæ breui scripto
comprehensa etiam aliis profutura confido. Præcipue
tamen Palatinis scribo, atque hoc quicquid operis est

*Singulis
accommo-
danda præ-
cepta com-
munia.*

*Efficacis-
sima do-
ctrina in
singulari,*

consecro. Quemadmodum enim horarum indices, Sphæræq; & Machinæ eruditorū Mathematicorum tum demū vsus suos habēt, cum pro situ climatum statuuntur, & ad immobiles cœlorum axes diriguntur, ita doctrina quoq; virtutis vtilissimæ traditur, cum singulis in statione sua excubantibus vis illius, ratioq; singulatim exponitur: thesis ad hypothesein reuocatur, vt velut ex propinquo penitius eius maiestas inspicatur atq; diligitur.

§ 3.

*Sibi quis-
que tribu-
ere debet,
quod in
commune
dicitur.*

Qui suspicionibus indulgent, omnem sermonem, nutumque ad seipsos referunt, & cum vitia publica carpuntur, in suam contumeliam accipiunt verba monitoris, praua animi inductione, desperationique similima: Inter desperatos namque æger censetur, qui medico irascitur, & nullum mortis indicium certius est, quam nolle sanari. Hoc imitari debet, qui bonos adhortatur, ac singulis applicare sermonem, vt sibi quisque, non aliis, dictum arbitretur, qui proficere velit: Multi enim sunt, qui peccatis fieri conuitium gaudent, nec in suam tamen conscientiam descendunt, latebrasque, & recessus explorant, non vitia emendant. In Palatio autem multa ferenda sunt, quædam laudanda, quæ in cœtu ciuium, studiosorum, rusticorum reprehensioni sunt obnoxia. Prudentissime Solon, Athenis profectus Sardeis ad Cræsum, cuius nunc quoq; in prouerbio sunt opes, Philosophatus est. Regi illi vt nihil opum, & potentiæ decrat, ita splendor aulæ, satellitij multitudo, magnatum pompa ipsas superabat opes, Solon ipse toto orbe celeberrimus accipiendus erat ea magnificentia, quæ vtrunque deceret. Primum igitur amplo ornatoq; comitatu Satrapas occurrit, quem regem Solon existimabat, subinde alius atque alius augustiore splendore, in quibus eundem errorem errabat, donec ad ipsum Cræsum veniens toties deceptus dubitare cœpit: indicauit se tamen magnus rex maiori hospiti, & de sua maiestate, ac feli-

*Solonis in
docenda
Cræse pru-
dentia,*

felicitate quid sentiret, comiter interrogauit. Solon et si inopinato in tantum fastum incurrisset, & nouitas admirationem fecisset, non tamen reprehendit, gnarus alio modo reges procedere, alio Philosophos Athenis ire obsonatum: satis habuit ostendere non esse in opulentia, & ostentatione potentia summū hominis bonum. Non esse felices quibus ista affluant, nec eos miseros quos tam onerosa familia, sarcinæque non premunt. Tantumque effecit, ut Cræsus inter opes stultus, captius deinde ob sapientiam Cyri consilia rexit. Hoc in aula quoque obseruandum, nec omnia culpanda putemus: quod alibi superfluum, hic necessarium: quod in ciue superbum, in aula decorum videtur. Sola vitia reprehendenda, suadendæ sunt virtutes, cæterorum liber est, sed moderatus vsus. Plerumque tamen peccatur excessu, etiam à viris sacratis. Hermannii Pragensis antistitis iam morientis extremas voces recenset [a] Dubrauius. Plus temporis operæ- a L. II. hist. Boh. que se Palatio, quam templo impendisse, luxum & vitia aulæ, quæ corrigere debuisset adiunxisse, auxisse, atque ita multo peccati dolore, trepida spe diuinæ clementiæ, plurimo astantium horrore, anceps sui anima æternitatem ingressa est.

C A P. III.

*Curiam ac Aulam sacra doctrina & virtutis
esse capacem.*

§ I.

EVntem tamen iniecta tragula retrahit, atque admonet amicus. Incaustum ista strui, oleum, operamq; perdi. Scribere sapientibus asseuerat esse superfluum, officium suum illi norunt, nec ignoratione, sed affectu labuntur. Quid prodest, in syluas frondes, in

mare aquas ferre? soli lucernam accendere? Docere autem stultos infelicitis est magistri, disciplinam non capiunt. Viuendi leges figere felicibus, inutile. Regi prudentia nolunt res nimium prosperæ. cum pleno sinu secundos flatus excepere vela, nulla vi nauem, nulla arte sistas, etiam in scopulos vorticesq; ituram. Nec discrimen est, siue vere felices, siue opinione sua censeantur, idem vtrinque tumor, ex falso tanto maior, quanto vanior. Cum igitur sapientia vitæ lux alieno ductu non egeat, stulticia monitiones non capiat, *Omni-
bus utilis pia
lectio.* felicitas non admittat, arrogantia contra docentem excandescat, in irritum casurus labor videtur. Metamen illa incitant ad scribendum, non deterrent. Sapientes legendo proficiunt, imprudentes ignorationem ponent, felices in secunda fortuna aduersam meditantur, inflati veritatis aculeo confixi detumescent, adhortatione enim boni redduntur optimi, mediocres vero boni, ex æreis aurei. Nec optimis infructuosa lectio, virtutis enim conseruatio haud minus ardua est, quam acquisitio. nam quotidiana de eius possessione dimicatio est, & noua bella fastus inferre solet, qui ex gratia oritur.

§ 2.

Tædij maioris est cum fastidiosis certamen. Haud facile paratu est, quod delicatis allubescat, quicquid nauseanti offertur, intempestiuum est, horrore sunt salubria. nocitura petuntur, morbis enim sunt affinia, finitima morti. Talium animus, & palatum non dispare ægritonia fatiscunt. Regum sunt conuiuæ, quorum mensis ministrat orbis, in illo tamen cupediarum aggestu vix inuenitur, quod languentem stomachum excitet, nihil ad leuanda fastidia tot hominum flagellati ventres, tot attritæ manus proficiunt, manet viscerum languor, & tabes, sic animus corruptus & vixors salutem fastidit. Neque ex tot eruditis, disertis, sanctis reperiri potest vllus, cuius scripta cum profectu voluant, quomodo illi loquantur non quid facere
ipfas

*Periculū
fastidien-
tium fa-
ciam do-
ctrinam.*

ipſas conueniat, ſupercilioſe iudicant. Audiunt, legunt, diſputant, nonnunquam etiam mouentur, nec ad ſcopum tamen perueniunt, ſed in circuitu ambulat, veluti cum gyro trochus exercitus celerrime voluitur, in eodem tamen loco permanet, ſic multi tot annos monita concionesq; audiunt, in priſtinis tamen vitiis, & in illis vitia perfeuerant. Facit hoc contem-
 ptus ſacræ doctri-
 næ, atq; incuria ſalutis, triſte æternæ reprobationis præſagium, non modo ſanctorum iudicio, ſed diſerta iudicis noſtri ſententia. Qui enim verba Dei non audit, non eſt ex Deo. Audiebant verba Dei Judæi, ſed aure carnis, non obedientia cordis, ad damnationem, non ad ſalutem. Audiendus enim eſt Dominus, quod eſt plurimorum; obtemperandum audito, quod eſt electorum. Inuitat redemptor; *Venite ad me omnes.* Non vacat audire inuitantem? audies expellentem: *Item maledicti in ignem æternum.* Hæc ergo nauſea febrientis animi, hæc mollities excutienda eſt, roborandus eſt intelligentiæ ſtomachus, vt obuioſ ci-
 pos admittat & in vegetabiles ſuccos decoquat.

§ 3.

Non ſunt ignominia notandæ fidelium principum aulæ, vt negemus in illis virtuti, innocentia, pietati locum eſſe; in regum tæterrimorum palatiis ſemper aliquorum integritas & iuſtitia eluxit. Diocletiano nemo fuit in Deum iniurioſior, in homines innocentes ſæuior, aula tamen illius ſanctiſſimos viros ſemper habuit. Dorotheus [a] Palatii præfectus Gorgonium collegam, cæterosque & rerum, & cubiculi adminiſtros, in feruentiſſima perſecutione erudiebat, in fide confirmabat, deinde animi conſtantiam non ſpe veniæ, ſed exſpectatione mortis patefecit: cum enim martyrum quorundam exquisitiſſimis tormentis lacera-
 ri, vtrique ſpectaret, glorioſæ mortis conſortium feruenter ambiuit, ſequæ Chriſtianum profeſſus per omnia, quæ ſunt in natura triſtiſſima diu tortus cœleſte regnum violentus occupauit, aulicorum omnium

*Aula im-
 piorum pios
 habuerunt.*

*a Ado. Su-
 vius Mar-
 tyrol. Rom.*

*Dorothei
 aulici vir-
 tutu.*

A 5 exem-

*Georgius
pro Chri-
stianis
perorans.*

exemplar, & nunc patronus. Illa quoque aula Cæsaris insaniens Georgium nobis exhibuit virum nobilem, senatorem, tribunum militum, inter comites primum, qui contra crudelissimi tyranni furorem summa libertate, pleno senatu pro Christiana religione peroravit, nec vultum instantis beluæ, nec Senatus inimici offensam veritus, quo minus ingeminaret: *[b]* Quousque persequimini innocentes? idola non sunt dii. Illum nec Consul Romanus in senatu disputans, nec Imperator vel tanquam filio insidiosè blandiens, vel tanquam ministrum imperiosè territans à generosa confessione abducere potuit, sanctissimo igitur obitu per cruciatus magnos in vitam beatam transiit, & valuit eius pietas inaccessa blanditijs, inuicta tormentis, ad religionis, multorum accessu, crescentis augmentum.

§ 4.

*Religionis
in aula
presidiū.*

A Palatio excludi virtutem, qui iudicant, vehementer errant, in regia eius tutela præcipuè constitit, nobilissimi martyrum ex aula veniunt. Julianus apostata subdolum, immanemque persecutionem à Palatinis inchoavit, quod familiare omnibus persecutoribus fuisse docet Greg. Nazianzenus. *[c]* Neque enim externos aggredi se posse putabant, si domestici dissiderent, quemadmodum ab Imperatore dissidens exercitus in hostem duci non potest. Studium ergo illis fuit, illos vel ablegare, vel è medio tollere, militum simplicitatem fallere. Si igitur Palatia sæuissimorum tyrannorum, aulæ Busriridum, Phalaridum, Diomedum, Neronum, Domitianorum, Diocletianorum, ferarum lustra, & sylvæ virulentorum fructuum feraces, tam nobiles plantas tulere, & posita feritate mansuescere potuerunt, ut poma ferrent dulcia, in odorem suavitatis Deo.

*In aula
impiorum
pii.*

Sic Deus inferens novos furculos, succos emendat acerbos,

Ferre novus cogit frondes, & non sua poma,

ut ex

ut ex horridis illis resquis, & tristibus arbutis,

Carpas ad optiuos inuito stipite fructus.

Si isti in arido ligno flores, cur non in bene constitutis arcibus regum Christianorum coli, & perfici virtus queat? Exemplo nobis est Daniel, omnium videntium suo tempore sanctissimus, & sapientissimus, à quo discere sapientes, quem imitari omnes debent. Ille ex cultissima terra, nobilissima & regia stirpe translatus in aulam regum barbarorum, pulcherrimos fructus protulit,

Daniel aulicorum princeps.

— Nec longum tempus, & ingens

Exiit ad cælum ramis felicibus arbor.

Ædificium spiritale in media Babylonis arce fundauit, multo elegantius, firmitusq; turri, quam eum in Susiana eduxisse narrat Josephus, [d] quam nec suo quidem tempore nouitatis amisisse gratiam affirmat. Lapidum & cæmentorum quamuis concinna, & expolita congeries ruinas suas metuit, & experitur, virtus ætate non marcescit, auctoritatem senectute firmat, pulchritudo eius longæuitate florescit: non enim ad interitum deficiendo, sed ad immortalitatem crescendo iter facit, par quodam modo cælestibus corporibus, quorum est immutabilis, atq; inscissa sordium natura, cætera quæ durare perhibentur, ætatem non ferunt, [e] aurum ipsum tardiore quidem, æuo tamen putrescit.

Zabarella de metallis.

C A P. IV.

Danielem aulicum & aulicorum Principem, curiæ doctorem esse.

¶ I.

PRæstantium igitur virorum indoli, & virtutibus aula non obstat. Josephus Pharaonis aulae magister, summa post regem potestate annos octoginta Aegypto imperauit. Annorum triginta erat, cum de carcere eductus oracula regi panderet, [a] Triginta autem erat annorum, quando stetit in conspectu regis Pharaonis.

1 Gen. 41.

46.

b Mor-

b

*Sanctiffi-
mus in au-
la viri.*

[b] *Mortuus est expletis centum decem vita sua annis.* Aula non preffit ingenium viri excellentis, sed prouexit, vt & factis suis, & ad figurandum redemptorem Saluator mundi diceretur. In eodem Mempheos palatio, inter barbara pyramidum miracula, superbix regnantis trophæa educatus est annos quadraginta Moses, in omni sapientia, & opibus nobilis, quibus protulit improprium Christi, à Deo ad exitium tyranni, ad libertatem populi Israëlitiçi prædestinatus. Ephebus aulicus, Saulis armiger, tribunus militum, gener regis fuit Daud, & inter illa officia, non desuit esse vir secundum cor Dei. In aula Assueri dominatus est Mardochæus, qui Israëlẽm sublato in crucem Amane liberauit. Aulicus Artaxerxis & pincerna Nehemias fuit, Persis Atherfata dictus, alter conditor Jerosolymorum. At nunc de Daniele mihi sermo est, omnium aulicorum principe, atque exemplo, cuius ex virtutibus, factis, scriptisq; aulam instruendam suscepi.

§ 2.

c Herf. Illibata Prophetæ, quæ prima dos aulæ putatur, nobilitas fuit. Regium illi genus Epiphanius tribuit, [c] *s.* ex Isaia propheta testimonio vsus. [d] Agnatum Sedeciæ Dorotheus in Synopsi asserit. Verum vtcunque illa habeant, fane de tribu Juda genus duxit, ex qua & ille sanguis, qui precium mundi fuit, & in quo nos dealbatur, profluxit. Ita ipse testatur: [e] *c. 1. 3.* Et ait rex Asshenez, *prapósito Eunuchorum, vt introduceret de filiis Israël, & de semine regio & tyrannorum.*

f c. 1. 6. Deinde [f] *Fuerunt ergo inter eos de filiis Iuda, Daniel, Ananias, Misaël, & Azarias.*

*Nobilitas
Danielis.* Laudi fuit Danieli non probro nobilitas, quam nullis infectam vitiis profapia virtutis impleuit. Ierosolymis patriis, quamuis illo æuo corrupti mores exitium gentis vrgebant, sancte atq; innocenter educatus est: inter impios pius, inter noxios insons, cum rege consanguineo, Ioakimo Babylonem deductus calamitatem exilij pietate pensauit. vt principio ipse testatur:

statut. [g] Anno tertio regni Ioakim regis Iuda, venit Nabu-^{g Dan.1.2.}
chodonosor rex Babylonis in Ierusalem, & obsedit eam: & tra-^{& 3.}
didit Deus in manu eius Ioakim regem Iuda, & partem vaso-
rum domus Dei: & asportauit ea in terram Sennaar in do-
mum Dei sui.

De maiorum igitur vrbe, & templo, in arcem sæuis-
simi tyranni translatus, super flumina Babylonis sedit,
& in contritione lumborum

Iudæ cineres, excisa busta Sionis

Fleuit, & Assyriâ diruta templa manu.

Nec legem tamen Dei sui in obsequio deterrimorum
regum, inter elatos, crudelesq; idolorum cultores ne-
glexit. In illa scelerum officina, turpitudinum cloaca,
verbo dicam: Babylone, qua quicquid toto mundo
dirum erat, atq; horrendum, cum imperio confluit.
Babylone inquam, Danielis innocentia incontamina-
tis fulsit honoribus, &

Firma stetit virtus ipsius animosa periculis.

¶ 3.

Nomen illi duplex, Daniel à parentibus nomina-^{Danielis}
tus est, hoc est, iudicium Dei. Illo enim nascente, & in^{nomen.}
captiuitatem abducto, in domum exasperatricem
Deus iudicium exercuit, & ipse aureæ Monarchiæ su-
premus iudex orbem administravit, sententiam Dei
de regibus & tyrannis etiam futuri temporis edixit, &
fata nasciturorum, quæ ipsi ignoraturi erant, conscrip-
psit. Alterum nomen ab Assyriis & Chaldæis indi-
tum Baltassar, cuius ipse quoque testis est, [h] Danieli^{h c.1.7.}
Baltassar, & [i] Daniel, qui cognomento Baltassar, priore^{i c.10.}
notior est Iudæis & Ecclesiæ, altero gentibus. Illo e-
nim in sententia pronuncianda, & edictis utebatur.
Nec nomen illud sine oraculo, sine numine inditum,
Nabuchodonosor hoc ipsum agnoscit. [k] Donec collega^{k c.4.5.}
ingressus est in conspectu meo Daniel, cui nomen Baltassar se-
cundum nomen Dei mei, qui habet spiritum Deorum sancto-
rum in semetipso: & somnium coram ipso loquutus sum. Va-
ria nominis eius interpretatio. Hieronymus; de locis
Hebræi-

Bel, Bal,
Baal,
Beal,
Beil, Beel,
Deus Do-
minus.

Hebraicis. Capillus capitis. Hugo Brugthonus, dator opum, abscondite thesaurizans, in malleatore thesaurizans, occulte ferens angustiam. alij, Dominus occulte ferens angustiam, alij, cordis occultus thesaurus. asperior est Chaldæa pronuntiatio, dicitur enim Baltaschar, & sæpe Baltasar, quod malo interpretari, Dominus occulti thesauri. cum enim rex Chaldæus dicat nomen illius esse secundum nomen Dei sui, non sit autem dubium, quin nomen Chaldæum sit Bel, seu Bal, quod Hebræis Baal, hoc est, Dominus. alii Beal, & Beil, primæ syllabæ non est dubia significatio, Tasch vero occultum, at-far, seu azar thesaurum significat. Magnus omnino, in Daniele thesaurus auro & lapide precioso præstantior sapientia, prophetia vero mundi ad finem usque fata complectens: quæ etiam sententia est, viri doctissimi, præceptoris meis, Baltasaris Etrolij Danieli cognominis.

§ 4.

Studia
Danielis.
l c. 1. 18.

Nunc cum Daniele aulam ingrediantur, in ea triennio studiis operam dedit: [l] Completis itaq; diebus, post quos dixerat rex ut introducerentur: introduxit eos præpositus eunuchorum in conspectu Nabuchodonosor.

m Dan. 1.
17.

Magnos progressus fecit: [m] Pueris autem his dedit Deus scientiam & disciplinam, in omni libro & sapientia: Danieli autem intelligentiam omnium visionum & somniorum.

n Dan. 2.
42.

Inter honoratos postquam somnium exposuit haberi cœpit. [n] Tunc rex Nabuchodonosor cecidit in faciem suam, & Daniele m adoravit, & hostias, & incensum præcepit, ut sacrificarent ei.

Exteri nō
contem-
nendi.

Laudabile prorsus regis barbari institutum, qui victæ gentis nobilitatem miseratus est, nec modo opibus peregrinis, sed ingeniis etiam uti voluit, eaque excolere, nam indolem disciplina, & eruditio, ut terram, aratrum aperit, quo fruges ferat, talis enim ager, qualis cultus, talis ciuitas, qualis educatio iuuentutis. Ludibrio sunt, qui tantum sua mirantur, & ingenia

Cultus
ingenio-
rum.

genia suis mœnibus metiuntur, quibus nihil nisi domesticum probatur. Vitium olim illud erat Spartæ, solos se hominum numero censebant, solos liberos, Agesilaus non oratores, non Philosophos audire, eorum se discipulum duntaxat profiteri, quorum & filius esset, [o] stulte prorsus, cum nec à solis parentibus vestiantur, nec armentur. Nec tamen absque examine admittendi peregrini. Quemadmodum enim extera pharmaca, ita & ingenia imposturam faciunt, profecto transmarini frutices, lapides, saniesque terrarum sine fraudulentia precium non haberent. Verum omnia longinqua miramur, solam sapientiam peregrinam odimus. Sed ad Danielelem reuertamur.

o Plut. in

Agesil.

Peregrini
examinandi.

¶ 5.

Vitam in Palatio egit omni tempore captiuitatis Judæ, hoc est, totos septuaginta annos, si illius initium sumas à captiuitate regis Joacimi. Si autem à capra & deleta ciuitate, seu anno vndecimo Sedeciae, etiam plures annos. Nam Joakim pro fratre victo rex constitutus est, & victus in Babylonem ductus est, sed in regnum remissus, anno tertio rebellauit, cum eo ductus est Daniel [p] & filij principum. annos vero vndecim [q] regnauit. Abiectus deinde est postquam captus secundò est, Jeremia teste, [r] Cadauer eius proicietur per diem ad aestum, & ad gelu per noctem, [s] vt prophetauit Jeremias. Porro Joacimum in Babylonem ductum docemur ex Paralipomenorum libris. [t] Contra hunc ascendit Nabuchodonosor Rex Chaldaeorum, & vinctum cathenis duxit in Babylonem.

Tempus
Danielis in
regum obsequio.

Joacimus.

p 4. Reg. 23.

q 1. Par. 36.

r 1. Cadauer v. 3. & 4.

s 1. c. 36. 30.

s 1. c. 22. 18.

t 1. c. 36. 6.

Cum regnare desuisset Joacimus successit Joachin filius eius octo annorum, qui tribus mensibus & diebus decem regnauit, & malum fecit, & ductus ille quoque est in Babylonem. [u] Deinde secutus Sedecias sub quo vastata terra est, templum desolatum, ab hoc igitur si annos captiuitatis inchoamus, iam ante Daniel

Joachin, seu
Iechonias.

u 2. Paral.

36. 8.

Daniel in aula Babylonica vixerit, est necesse, nimirum annos vndecim, quibus regnavit Sedecias, tres menses & decem dies lechoniam, quia vero Ioacimus anno quarto aut quinto regni sui ductus est in Babylonem, deinde remissus septem regnavit, efficientur anni octo & decem, qui efficiunt annos, octoginta octo additis septuaginta, usque ad annum primum Cyri, quo ab exilio remissi sunt. Ita Daniel ipse: [x] *Fuit autem Daniel usque ad annum primum Cyri regis.*

x c.1.21.

c.1.49.

Et porro Daniel autem postulavit à Rege, & constituit super opera provinciam Babylonis, Sidrach, Misach, & Abdenago: ipse autem Daniel erat in foribus regis.

y c.10.1.

Iungendi his annis tres quibus cum Cyro vixit. ut habet Scriptura. [y] Anno tertio Cyri regis Persarum, verbum reuelatum est Danieli cognomento Baltassar, & verbum verum, & fortitudo magna: intellexitque sermonem: intelligentia enim est opus in visione.

Non re-
dit iero-
solyman.

Nonaginta igitur & unum annum in aula vitam egit, si hanc temporis rationem teneamus. Cum Zorobabele in Iudam profectus non est, sed cum Cyro mansit, Cyri imperio, Iudæorum precibus, Dei voluntate, ut nimirum populo Dei procul diffito, Satraparum, & finitimorum iniuriis obnoxio in regia esset aduocatus, manentibus in Chaldæa doctor & consolator. Sane non peccasse eum manendo, docet eius summa cum Deo & angelis familiaritas, reuelationes, inter quas gratissima, de eius in vitam æternam ele-

z Elestio
Danieli
reuelata.

ctione. [z] Tu autem vade ad præsinitum: & requiesces, & stabis in sorte tua in finem dierum.

a l.1. c.1.

c.2.

Post illa non diu vixisse probabile est, nihil de eo legitur, finis Prophetiæ esse dicitur, ad æternam quietem inuitatur. mox etiam Cyrum à Iudæis calumniatores abalienarunt, ædificationem templi impediunt, quod viuo Daniele potuisse obtineri credibile non est, qua de re consulendus Esdræ liber. [a] Magnus ergo Daniel in aula, & longo tempore, summa experientia, qualem nunc vix vllius vita capere potest.

Expe-

perientiæ diurnæ coniuncta fuit summa prudentia, de qua Spiritus Sancti testimonium tenemus: *Danielis experientia.*

Cumque eis locutus fuisset rex, non sunt inuenti tales de *b. Dan. 1. 29.*
uersis: vt Daniel, Ananias, Misael & Azarias, & steterunt
spectu regis. Et omne verbum sapientia, & intellectus, quod
citatus est ab eis rex, inuenit in eis decuplum super cunctos
illos, & magos, qui erant in vniuerso regno eius.

Daniel ipse non iactator bonorum suorum, sed gra- *Sapientia.*
uictori Deo confitetur, se cunctis sapientior em.

[c] Mihi quoque non in sapientia, quæ est in me plusquam *c. Dan. 2. 30.*
cunctis viuentibus, sacramentum hoc reuelatum est: sed vt
interpretatio regi manifesta fieret, & cogitationes mentis tua
es.

Ezechiel [d] quoque regem Cyri increpat, quod *d. 28. 3.*
videretur Daniele sapientior. Nec impar sapientiæ
ctitas, sine qua Sapientia fere astutia est, noxia & in- *Sanctitas.*
cora. De sanctitate testimonium dicit per Ezechie-

1 [e] Deus. Et si fuerint tres viri isti in medio eius, Noe, *eccl. 14. 12.*
niel, & Iob: ipsi iustitia sua liberabunt animas suas, ait Do- *Eccl. 10.*
minus exercituum.

Omibus igitur in aula degentibus magister, & dux,
ponitur Daniel, sanctissimus, sapientissimus, ex-
tissimus.

C A P. V.

*Summa Danielis experientia & di-
gnitas.*

§ I.

¶ Non omnis terra fert cedrum, oleam, aut vites, non
omnis aula absolutum perfectumq; palatinum. Sunt
e regulorum, quæ in arce parua, nec facere, nec ferre *Non omnes*
sunt magnos. At vero nec in maximis experientia *in aula*
nium est, maximis in castris lixæ & calones non e- *aulici.*
unt bellatores, Cæsarium in palatio aquarum & cini-
es laborum sordidorum duntaxat norunt obsequia.

B

Daniel

Daniel sapientiæ, & virtutis suæ theatrum maximum consecutus est, Monarchiam Chaldæorum, deinde Persarum & Medorum.

Reges domini Danielis.

In vtraque supremo post Monarchas fastigio stetit, Insignes etiam temporum varietates, rerumque expertus est commutationes, Chaldæorum, interitum, Persarum concusso mundo exortum. Monarchas quinque; seruitio enixus tulit, Nabuchodonosorem crudelē, superbū, iracundū, deinde mansuetū, & diuinæ potentiæ præconem, Euilmerodachum moderatū: Balthassarem sæuū, luxuriōsū, qui in summa potestate, quid summa vitia possint, & quid mereantur, ostendit. Darium Medum iam rebus gerendis imparem æquitatis amantem. Cyrum populo Dei per Isaiam promissum, & omnium gentium scriptis celebratum, cuius initia, ut fere solent, lenia fuerunt, media plena crudelitatis & fastus, exitus cruentus.

§ 2.

Potentia Chaldaea. 2 c. 2. 37. & 39.

Quæ fuerit regni illius potentia ac maiestas Daniel ipse demonstrat. [a] *Tu rex regum es: & DEVS Cæli, regnum, & fortitudinem, imperium, & gloriam dedit tibi. Et post te consurget regnum aliud minus te argenteum: & regnū tertium aliud æreum, quod imperabit vniuersa terra.*

bl. 1. p. 2.

cl. 12.

dl. 1. contra Appionem. cl. 9. de præp. Euang.

Reges se regum etiam Persæ vocabant, ut de eorum Monarchia Brissonius ostendit. [b] Alexander quoque accepto imperio regem se terrarum omnium, ac mundi appellari iussit, auctore Iustino, [c] imitatus superbiam inclytam Chaldæorum. Ingeniem huius regni latitudinem faciunt Iosephus, [d] Eusebius [e] testes producit Berosum, Philostratū, Megasthenem, qui immensos terrarum tractus illi tribunt ab India ad Æthiopiam usque, Abydenus ex Megasthene Lybiam adiicit & Iberiam, ne vero de Iberis orientalibus, seu Asiaticis accipiamus, obstat Strabo, qui eisdem auctoribus [f] Iberos occidentales & Celtas nominat, eosque translatos ait ad Pontum, Colchidem, & fluuium Araxem. Mirari illud de Celtis & Hispania magis libet,

fl. 1.

, quam credere, Illo tempore Seruius & Tarqui-
Romæ tenebant regnum, nec de Chaldæis me-
videntur, cum tantæ classes in Hispaniam & A-
m sine Italiæ consternatione proficisci non potue-
leremias eos potentissimos fore prædicit [g] *Gens g c. 17. 8.*
& regnum, quod non seruiert Nabuchodonosor regi Ba-
is, & quicumq; non curuauerit collum suum sub iugo regis
onis, in gladio, & in fame, & in peste visitabo super gentē
, ait Dominus, donec consumam eos in manu eius.
e gentibus illis, quæ monitæ fuerunt, vt se Chal-
subderent, intelligo. Nam ad intimam Æthiopi-
& occidentales eos venisse, nemo dixerit. In nobi-
na igitur aula, seu capite aureo versatus est Daniel;
de venit ad regnum minus, pectus argenteum, hoc
gnum Persarum, & Medorum. Non tamen infir-
or, insulas maris, Afros, Græcos; forte alios Euro-
magno regi aut vectigales fuisse, aut fœderatos;
riore tamen conditione, quod amat fieri non amici-
npare, vt comiter potentiorum maiestatem obser-
iubeantur imbecilliores. Nam reges subiectos ha-
, non euertere solitos, Scriptura nos docet, nisi
ma meruissent. Itaq; Joacimo victo regnum resti-
& Sedeciam deinde regnare iussit.

§ 3.

augustissima quoq; aula honoratissimus fuit lo-
danieli. Quæ dignitas exponitur, ab ipso Daniel. *Daniel præ-*
Postquam enim dixisset locos suos positos super *factus aula;*
Babylonis; hoc est super omnia negocia Mo-
niæ, subdit, [h] *Daniel autem erat in foribus re-* *h c. 2. 49.*

Chaldæus Bithragh. In porta, qua loquendi ratione
in aula præfectum, iudicemq; prouinciarum,
consiliorum præsidem significabant: in porta enim
alia erant, & senatores. A porta vt primaria Pa-
arte, tota regia nomen accipit. Manet consuetu-
risca in aula Turcica vestigium, Palatium enim

ie 4.54.

k 10m. in 4.
Dan.

portam excelsam nominant. Rex magnus, rex regum collegam illum appellat [i] *Donec collega ingressus est Daniel.* Quod quidem verbum ab editione Septuaginta interpretum abesse & Origenes, & Hieronymus queritur [k] Tres tamen Græcas editiones habere, atque etiam Theodotionem constat. Chaldæus habet Acharim, quod alium, socium, collegam significat. Honoris illius species apud Persas deinde in illis quos vocabant *δμοτίμους*, perseveravit. Hoc est, eiusdem honoris participes.

¶ 4.

Euilmerodach.

14. reg. 15. 27

Nabuchodonosoris successor Euilmerodach clemens & æquus erga Iudæos, patris monitu, & Danielis institutis Ioachimum è carcere, nec dubium quin prophetæ rogatu, eduxit, regioq; cultu habuit, ex quo duces, & deinde natus est ille, in quem omnes Monarchiæ erant desiturae, ut scriptura docet. [l] *Factum est vero in anno trigésimo septimo transmigrationis Ioachim regis Iuda, mense duodecimo, vigesima septima die mēsis: subleuauit Euilmerodach rex Babylonis, anno quo regnare cœperat, caput Ioachim regis Iuda de carcere. Et locutus est ei benigne: & posuit thronum eius super thronum regum, qui erant cum eo in Babylone. Et mutauit vestes eius quas habuerat in carcere, & comedebat panem semper in conspectu eius cunctis diebus vitæ suæ. Annonam quoq; constituit ei sine intermissione, quæ & dabatur ei à rege per singulos dies, omnibus diebus vitæ suæ.*

¶ 5.

Ba'thasar
Danilem
sprenit.

m Dan. 5. 13.

Regnante Balthasare minor Danieli honos. Siue corruptissimam aulam, in qua monenti nemo parebat, propheta fugiebat, siue rex perditissimus, cui nulla honesti cura, virtutem tacite scelera exprobrantem odebat. Sane velut ignotum alloquitur [m] *Tu es Daniel de filiis captiuitatis Iudæ, quem adduxit Pater meus Rex de Iudæa.*

n Dan 3. 30

Regina tamen nouerat matrona meliore marito digna. [n] *Regina autem pro re quæ acciderat regi, & optima-*

ritus

as eius, domum conuiuui ingressa est: & proloquens ait: Rex
 eternum viue: non te conturbent cogitationes tuae, neq, fa-
 tua immutetur. Est vir in regno tuo, qui spiritum Deorum
 etorum habet in se: & in diebus patris tui scientia & sapie-
 inuenta sunt in eo: nam & rex Nabuchodonosor pater tuus,
 incipem magorum, incantatorum, Chaldeorum, & aruspici-
 constituit eum, pater, inquam, tuus, o rex: quia spiritus am-
 or, & prudentia, intelligentiaq, & interpretatio somniorum
 ostensio secretorum, ac solutio ligatorum, inuenta sunt in
 hoc est in Daniele: cui rex posuit nomen Balthasar: Non
 tum in aula iam morientis monarchiae, & a priscis
 am vitiis degenerante prophetæ locum non fuisse.
 nophon sane regem Babylonis scelerosissimum
 se narrat. Studio procerum atque insipientis aulae
 udibus, honoris specie in Susianam prouinciam, *Daniel Susa.*
 etum Chaldaeo parebat, ablegatum crediderim, fuit
 perfidos illa portio, Elymais vocitata. Anno tertio
 aisse in castro Susis dicit Daniel. [o] Anno tertio Re- *oc. 8. 1. & 1.*
 Balthassar regis visio apparuit mihi. Ego Daniel, post id,
 dvideram in principio, vidi in visione mea, cum essem in
 s castro, quod est in Ælam regione: vidi autem in visione
 me super portam Vlai.

Nec priuatus viuebat, sed negocijs præerat, [p] Et p 8. 17.
 Daniel langui, & agrotavi per dies: cumq, surrexisssem,
 ebam opera regis, & stupebam ad visionem, & non erat, qui
 rpretaretur. Occasionem absentiae quæsitam Pro-
 tæ fuisse non dubito, vt qui ex ratione temporis,
 norum, videret aurei capitis ruinam, toto orbe in-
 ti fragore sonaturam? Regi etiam & purpuratis sa- *Monitis offer*
 consilia, monitaque fuisse molesta nemo dubitare *si magnæ. 5.*
 est. Nec omittere tamen Daniel illa potuit: qui
 n pereuntem periculi non admonet, perinde fa-
 atque is, qui venena non tollit ab eo, quem vipera
 mordit, aut aculeo scorpius fixit. Magnum hac in
 sa bonis viris certamen: fides postulat, vt de pe-
 ilis moneant, pericula deterrent.

Nec modo in regno dæmonum, lubricoque vitio-

B 3 rum



in dominatu, sed in illorum quoq; palatiis, quorum in frontibus, & turribus Christi insignia fulgent. Acerba sunt plurimorum exempla, ut Lamberti, Friderici, aliorum, cœpere â cæde præcursoris desinent in morte Enochî & Eliæ. Viri sancti ferre regum vitia coguntur, Deo tamen vindicanda relinquunt.

§ 6.

Babylonis tamen excidio illum adesse Deus voluit, ut suis ipse vaticinijs frueretur, regem moneret, & nobili prophetia Dario commendaretur, ex primis enim principibus illius fuit, & conuiua regis. [p] *Placuit Dario, & constituit super regnum satrapas centum viginti, ut essent in toto Regno suo. Et super eos principes tres, ex quibus Daniel vnus erat: ut satrapa illis redderent rationem, & rex non sustineret molestiam. Igitur Daniel superabat omnes Principes & satrapas: quia spiritus DEI amplior erat in illo: porro rex cogitabat constituere illum super omne regnum.*

1 Dan. 5.

p. ult.

Daniel notus Dario.

Sed brevis honor: annum enim Darij fuit imperium, quod ille suscepit natus annos sexaginta duos [r] At quomodo Daniele bis captum, neglectis illis per quos vicerat, inter initia ad supremum apicem dignitatis extulit? Nemo sane mirabitur, si perpendat Daniele in celeberrimo regno notissimum, tot annos rerum moderatorem, fœderum, belli, pacis arbitrum, cui apud omnes gentes

——Maximarum

Verborumq; fides. ——

Dario Cyroq; uti vicinis regibus, quibuscum etiam pacis tempore multa peragenda erant (multæ enim inter finitimos lites) notus, atque etiam familiaris fuit.

CAP-

C A P. VI.

Danielis externus Splendor.

§ I.

Danielem Josephus totius regni *Πρίστον* mode- *Principum*
 ratorem, præsidemq; , sacræ Scripturæ conueni- *dignitas, &*
 ter appellât. Erat eorum plane regia dignitas, splen- *opes.*
 dor, opes, sane legatus Sennacheribi Ezechix expo-
 nat, non posse eum vel vni satraparum, ex seruis do-
 mini sui minimis obistere. Holôfernes quam ambi-
 osa pompa regis sui maiestatem repræsentarit, Judi-
 æ nobis aperit historia. Eadem erant instituta Assy-
 rorum, Chaldæorum, Persarum, crescente semper, q-
 onû est, magnificentia. Persis belli dux erat Surenas,
 em in pace inter proceres summus. Persica Monar-
 chia ad Chaldæam, quam optimis legibus & consiliis
 aniel administrauit, attemperata fuit, Daniel inter
 egistanas Babylonios seu maximates principatum
 nuit, & Darij tempore apud Persas. De Surenæ ma-
 nitudine multa Marcellinus [a] & Plutarchus [b] su- *a l. 14. &*
 llectilem eius memorat mille camelis vectam, pelli- *30.*
 s ducentis curribus, in obsequio habuisse decem e- *b In Crasso.*
 ritû millia, ex his mille cataphractos, cætera ad eum
 odum. Daniele ad tutelam sui, ad auctoritatem, & *Danielis*
 cus imperij, ad coërcendos improbos forti fidoq; sa- *magnifi-*
 llitio vsum, magnificos etiam sumptus fecisse nō du- *centia.*
 to, nam multa & magna illi munera rex dedit: Pellis
 s & instrumenta libidinum ab aula viri sanctissimi
 orsus remoueo. Hæc dignitas Baltassaris, atq; opu-
 ntia, cui nemo ex aulicis nostratibus, ne regibus qui-
 em par fuerit. Nec per hæc tamen ille magnus, aut
 elix, eo solum laudandus, quod nec deliciæ ani-
 um eius emolliuerint, nec honos in altum extule-
 . Honor & opes cum à sanctis possidentur, mate- *Diuitia-*
 a sunt virtutum, æternæ felicitatis typi & symbola, *quid præ-*
stent.

B

4

con-

contumeliæ, paupertasque ad virtutem eos exercent. In exilio tam honorato animæ puræ patria Deus erat, illa sedes sapientiæ, corpus pro sepulchro, omnem pompam pro cypresso, & funerali instrumento habebat, efferri se non procedere iudicabat. Non mirabatur ista, quasi magna, ideo verè magnus. Nihil enim in mundo magnum, nisi animus mundi contemptor, Deo plenus, qui rerum affluentia ad miserorum egestatem subleuandam vratur.

¶ 2.

Honor pro-
cerum.

Magno igitur in honore regnorum procures, quos etiam *συγκυβερνῆς*, cognatos vocabant reges, confidebant illi coram rege, venientem osculo excipiebant, non fugebant vestigiis basia prostrati. Tales quinque millia Darium habuisse, auctor est Curtius, [c] & Diodorus Siculus. [d] Horum princeps Daniel, adeo, ut e Dan. 2. illum rex adoraret. *Tunc rex, [e] inquit Scriptura, cecidit in faciem suam, & Danielelem adoravit, & hostias, & incensum precepit, ut sacrificarent ei.*

c l. 3.

d l. 17.

e Dan. 2.
46.

Calvinus.

f lin. 2.

Dan.

g Eodem
loco.

Daniel ad-
oratus.

Qua de re non vna est interpretatio, ideoque pauca pro Danielis defensione dicenda. Porphyrius adoratum negit. *Nostri temporis Hæresiarcha aulicis moribus corruptum, passum se adorari affirmat, ut docet Maldonatus, [f] sed illa calumnia est, quam etiam hæresiarchæ comites Junius & Tremellius à Propheta amoliuntur. Hieronymus [g] triplicem expositionem adducit, ut in singulis tamen excuset Danielelem. Prima interpretatio: Regem communi errore adorasse tanquam Deum, ut in actis Apostolorum Lycaones Paulum, & Barnabam: nec inusitatus in rege error: Paulo post statuam adorandam proponit. Altera: Regem signorum magnitudine turbatum, nescisse quid ageret. Tertia: A rege non Danielelem, sed in Daniele Deum esse adoratum; coram Daniele, non Danieli, sed Deo hostias oblatas. Hanc sententiam secutus est Theodoretus. Nam rex causam adorationis subiungit. [h] Vere Deus vester DEVS Deorum est, & Dominus regum, & reuelans*

h c. 1. 47.

lans mysteria: quoniam tu potuisti aperire hoc Sacramentum. Daniel quoq; omnia ad Deum retulit, [i] *Sed est Deus in* ic. 1. 28.
 cælo reuelans mysteria, qui indicauit tibi rex Nabuchodonosor,
 qua ventura sunt in nouissimis temporibus.

Adorare Daniele rex potuit sine scelere, vt Abrahamus populum terræ, Dauidem Bethsabæa: cultus ciu-
 nim ille ex adorandi causis spectatur Menander reges Adoratio ciu-
 uilis.
 adorari dicit, vt viuas Dei imagines: Principem enim
 dat Deus, qui erga genus humanum sua vice fungatur,
 vt veretatur Plinius. [k] Ea cautela Persarum reges k in panegy.
 adorari Artabanus disputabat, velut imaginem cuncta
 seruantis Dei: ita Plutarchus. [l] Postea tamen cre- l in Themist.
 scente fastu, alimenta suggerentibus parasitis adoratio
 ciuilis in diuinum conuersa: Brissonius. [m] Hoc m l. 1. in Per-
 sici.
 modo Nabuchodonosor excusari potuit, quia tamen
 sacrificia iubet offerri Daniel vitiosam etiam adora-
 tionem, & victimas idololatricas fuisse existimo à tur-
 bato, & errante rege præceptas: quemadmodum Ly-
 caones Paulum Mercurium, Barnabam Iouem crede-
 bant. Nec tamen illa Danieli, admisit, verum omnibus
 modis obstitit, etsi id scriptura non commemoret, la-
 tis enim ex aliis factis colligi poterat. Quomodo enim
 se pro idolo prostitueret, qui ne regio quidem cibo
 contaminari voluit? quomodo aulicis moribus cor-
 ruptus tam submissa prece somnij cognitionem, & in-
 terpretationem diuinitus acceperat? regem instru-
 erat, non esse illa virium humanarum, at vero, cur
 non indicauit se repugnasse? Neminem tam suspica-
 rem existimauit, vt putaret honores diuinos à se ad-
 missos. Quod si cauillis eiusmodi locum damus, Pau-
 lum Apostolum eadem argumentatione infamabi-
 nus: Melitenses enim cum excussa vipera innoxium
 vulnus cernerent, Deum esse dicebant. [n] At illi ex-
 timabant eum in tumorem conuertendum, & subito casurum
 & mori. Diu autem illis expectantibus, & videntibus nihil ma-
 in eo fieri, conuertentes se, dicebant eum esse DEVM. Nec ta-
 men s. Paulus errorem illum refutasse tradit. An ergo

*Daniel ado-
 rationem nō
 admisit.*

n A. 18. 6.

diffimulasse credendus est : nullo modo ; præstabat
 morfu eius interire corpus , quam praua taciturnita-
 te animos spectantium in errore confirmari. Hunc
 igitur in modum res contigit : Daniele rex Deum
 arbitratus in faciem cadens adorauit , & sacrificia of-
 ferre imperauit. Daniel summa modestia regem sub-
 leuat , se hominem , Dei ministrum , non Deum esse
 docet , adorationem & sacrificia cum magna obte-
 statione deprecatur , tum rex ad se reuersus , & Pro-
 phetæ credens , in verba illa prorupit , [o] Verè Deus
 vester DEVS Deorum est , & Dominus regum , & re-
 uelans mysteria : quoniam tu potuisti aperire hoc Sacramen-
 tum.

9 Dan. 2.
 47.

C A P. VII.

*Danielis Prophetiam omnino Aulicam esse , regi-
 bus , proceribusq; primario scriptam,
 & toti nobilitati.*

§ I.

*Difficulus
 Danielis.*

DETERRET multos à lectione Danielis magna diffi-
 cultas. Legunt in eo statuas , montes , arbores ,
 ventos , bestias , maria , angelos , hebdomadas. Diuina
 esse credunt , tot autem obiecta velamentis , vt post
 lectionem pluribus , quam antea pulsantur quæstio-
 nibus , & scientiam labore partam , nouos semper par-
 turire labores experiantur. Neque mirum , qui fixo
 obtutu solem aspeçant , nec diuturno visu radios di-
 stinctius notant , & telis illis verberati hebescent , me-
 moriaque vacillant. Mens nostra ad arcana Scriptu-
 rarum lucemque diuinitatis inaccessam obstupe-
 scit , & nisi certo ordine modoque Scripturarum
 Sacramenta scrutetur , à gloria increatæ maiesta-
 tis

*Imbecilli-
 tas in di-
 uinis intel-
 ligendis.*

tis opprimitur. Recondita sunt, multisque allegoriarum inuolucris circumcincta Danielis oracula; nec pauca tamen veniunt primo intuitu intelligenda, & moribus bene formandis sponte se offerunt, ut diuinæ legis amor, Danielis abſtinentia, eiusdem & ſociorum conſtantia, contemptusque mortis, imperiorum orbisque in ſe colliſi commutationes, ſuperbiæ, auaritiæ, fraudum pœnæ, rerum omnium inſtabilitas, Chriſti regnum & beatorum æternum, pereuntium ſine fine duraturi cruciatus. Etiam prudentia, comitas, doli fraudumque; euitatio, factorum verborumque; cautio.

Danielis enim Prophetia plane regia eſt, & Pa-
latina, quicquid bene aut male in aula geritur, in
Daniele exemplum, & doctrinam habet. De mo-
ribus igitur & pietate ex illo Prophetæ documen-
ta hauriam, integros Commentarios etiam ali-
quando, ſi Deo viſum fuerit, daturus. Hæc
quo ab omnibus percipi poſſunt, ſi legantur, ad
ſecretiſſima quoque Prophetæ myſteria manu du-
cent.

§ 2.

Admiranda ſane eſt naturæ quam nobis creator in-
ſtituit, & gratiæ quâ illam ornauit, in ſingulis conuenien-
tia ac conteſſeratio. Quamvis enim ab inſita natura,
ac conſuetudine gratiæ dignitas efficientiaque; non de-
pendeat, quæ ſupra naturam eſt, & operatur; non
tolliteam tamen, ſed expolit, & perficit, propenſiones
promouet vitioſitate correctæ, quod cuique pro-
prium, aut conſuetum eſt; ad virtutem excitat, atque
accommodat, quod tum in Daniele, tum aliis prophe-
tis cernimus. Iſaias regij ſanguinis inter Magnates e-
ducatus, graue, ſonorum, neruoſum orationis genus
habet, naturæ & educationi conſentaneum. Jeremias
ſacerdos odoraſcentia & victimas cum multis lacry-
mis immolare ſolitus, flebiliter clades prædicit immi-
nen-

*Aula ma-
giſter Da-
niel.*

*Gratiæ na-
tura con-
ſens.*

*Iſaiæ Pro-
phetia gra-
uis.*

Prophetia E-
zechielis sa-
cerdotalis.
Amos de a-
gro parabo-
las sumit.

nentes, & deplorat illatas, ipse populi & procerum o-
diis agitatus perpetua in tristitia vixit. Ezechiel quo-
que de templo, Cherubim & Seraphim, de animalibus,
de quibus sacerdos erat meditatus, loquitur, Prophetiam
illius de altari & sanctis sanctorum sumptam merito
dixeris. Quin Amos de pastoribus Thecuc vellicans
sycomoros, de rurē ferē loquitur, numine hominis ingenio,
& consuetudini dona sua attemperante. Ille Prophetiam ab agro
orditur. Dominus de Sion rugiet, & de Ierusalem dabit vocem suam:
luxerunt speciosae pastorum, & exiccatus est vertere Carmeli.
Hinc illud: stridebo [a] subter vos, sicut stridet plaustrum onustum
feno.

b c. 4. Et: Audite [b] verbum hoc vaccae pingues, quae estis in monte
Samarina, quae calumniam facitis egenis.

Hinc pluuias, ventos, siccitates, planctum in vinea,
e c. 5. & 6. arationem, aliaque agricolis tristitia commemorat. [c]
d c. 8. Hinc vncinus pomorum. [d] Deum ipsum vocat ficto-
e c. 7. rem locustae, bestiolae vilis, sed rusticis formidatae. [e]
f c. 9. Hinc felicitatem vitae aeternae, regni caelestis opes ter-
rarum vbertati comparat, [f] Ecce dies veniunt, dicit Do-
minus: & comprehendet arator messorem, & calcator vuae
mittentem semen: & stillabunt montes dulcedinem, & omnes
colles culti erunt. Et conuertam captiuitatem populi mei Israel.
Atque illam prophetandi rationem tenet, exempla
similitudines de agris & pascuis, tanquam de proprio
sumit, diuinis autem reuelationibus secundum ingenium
suum delectatur, qui professus est coram impio
g c. 7. 14. rege. [g] Non sum Propheta & non sum filius Prophetae: sed
armentarius ego sum vellicans sycomoros.

Danielis
Prophetia
aulica.

Non quod ille, quem ad arcana consilia rex mundi
vocauit, parum idoneus ad pereuntis aulae negotia
tractanda videretur: sed quod is, qui virorum sanctorum
operā vtitur, etiam secundum illorum ingenia,
indolemque; vsurpet. Quapropter cum Daniele ad periculosas
regum barbarorum amicitias euegit, eumque; alto in culmine
dignitatum collocauit, animum eius pietate,

pietate, constantiaq; solidum atque immobilem politica regiaq; prudentia imbuunt, eoq; propensiones flexit, ut ex aula cognata veniens, in aulica disciplina educatus, de regnis, Monarchiis, rerum conuersionibus, malis iuxta ac bonis Magnatum artibus perpetuo loquatur, & quemadmodum regum clypei, vexilla, palatia, leonum, vrsorum, tigrum, monstrorumque formis insigniuntur, ita ille his quoque utitur hieroglyphicis. De ipsis angelis non alio modo quam regnorum respectu loquitur, alium Persarum, alium Græcorum principem vocat, Michaëlem ducem populi Dei agnoscit. Quin angelorum etiam cum illo habita colloquia de regnis, gestis, & moribus aulae tractant Christum ipsum, ne à politica recedat, ducem vocat. * Ille in aureo capite statuae, diuitem Chaldaee potentiam, in argenteo pectore Persarum durius imperium, in ventre æneo Macedonum foedissimae gentis auaritiam, atque ingluuiem, in tibiis, & pedibus partim ferreis, partim luteis Imperij Romani foris inuictum robur, domi discordiis fragilem, sibiq; insociabilem rempublicam describit. [h] Regia etiam prophetia est, quâ miserabilem Nabuchodonosori Metamorphosin [i] Baltasari exitium prædicit [k].

Danielis cū angelis colloquia aulica.

* c. 9. 25.

h c. 7.

i c. 4.

k c. 5.

¶ 3.

Nimirum finis Prophetarum est, & legis, ut ad Christum deducant electos, illud modo à Dei spiritu præscripto quisq; facit. Daniel per imperio. um euerfiones, & exortus, per purpureas tyrannorum mortes, per omnium interitum, quo auferuntur sicut puluis, ut regnum Christi & sanctorum crescat in montem excelsum. Quod autem, inquit, [l] vidisti ferrum mistum testa ex luto, commiscebuntur quidem humano semine, sed non adharebunt sibi, sicuti ferrum misceri non potest testa. In diebus autem regnorum illorum suscitabit DEVS cæli regnum, quod in æternum non dissipabitur, & regnum eius alteri populo non tradetur: comminuet autem & consumet vniversa regna hæc: & ipsum stabit in æternum.

Nullum

Apollonius apud Philostratum affirmat, omnes bel-
 uas ab illis sæuitia superari. Caput illis infirmum, oculi
 hebetes, summa laborum tolerantia, fortia brachia, ^{c l. 2. hist.}
 tarditas, ita Aristoteles, [t] Ælianus. [u] Miris modis ^{c. 3.}
 ista in Persicum regnum, vrsis suis non dissimile con- ^{u l. 5. c. 53}
 ueniunt. Darius caput infirmum, cui nihil ex regno, ni- ^{Darius in-}
 si titulus maiestatis in sepulchro. Cyrus quidem forte ^{firma.}
 caput, sed prudentia minore: iactatur omnium ore ^{Cyri demen-}
 Cyri dementia Gyndes: Tempora belli in amnis pœna ^{tia.}
 consumpsit, nec facile maiora vsquam regum deliria
 mihi lecta sunt. Alioqui Persici reges hebetes, stolidi,
 alienis imperiis obnoxij, seruatorum suorum famuli, in
 summis opibus inopes. Vrsæ dentium ordo triplex, tria
 regna: Medicum, Persicum, Chaldæum. Vrsæ dicitur:
Surge, comede carnes plurimas. In Persis sanguinis insatia- ^{Perfarum}
 bilis ardor. Leæna carcere, ærumnis, laboribus capti- ^{sauities.}
 uas nationes attriuit, sanguinis parcior, seruitio gau-
 debat: nam

Corpora magnanimo satis est prostrasse Leoni,

Sed lupus & turpes instant morientibus vrsi.

de crudelitate Perfarum Herodorus, [x] Justinus, [y] ^{x l. 6.}
 Xenophon, [z] Heliodorus, [a] Plutarchus, [b] Dio- ^{y l. 1.}
 dorus, [c] Aristides, [d] Marcellinus, [e] Strabo, [f] ^{z l. 3.}
 Seneca. [g] ^{a l. 3. Æ-}
^{b In Afr-}

Quanta fuerit Vrsæ venantis immanitas, cum sage- ^{saxeræ.}
 na militari integras insulas peruaderent, puberesque ^{c l. 18.}
 trucidarent, explicuit [b] Plutarchus. ^{d ...}

¶ 5.

Belluæ supra omnes sæuæ, & voraci dentes Leopardus ^{e l. 30.}
 excussit, seu Pardus, seu Panthera cognatæ enim ^{f l. 16.}
 naturæ sunt, generis Leonini: sed degeneris, Macedo- ^{g l. 3. de ira.}
 niæ symbola. Bestia est odora, mobilis, impetu valens, ^{h l. vira a-}
 olosa, vinosa, frustrata in magistrum vertitur. Hæc a- ^{nimalia de-}
 ud Aristotelem, Plutarchum, Pollucem, Ælium, ^{piensiora.}
 uenies. Alexandro, Ptolomeis, Seleucidis, mirificè ^{Leopardi}
 conueniunt; & passim in historiis obuia sunt. Hoc sin- ^{natura.}
 ulare, quod in Alexandrum, & diuiso imperio in pro-
 niem eius bestia versa est. Nam intra annos quin-
 decim

*Macedones in
se mutuo cru-
delas.*

decim postquam Alexandrum magistrum veneno sustulit, matrem eius, filios, vxores, fratrem, totam domum extinxit, duces eius & commilitones mutuis vulneribus concidêre, quorum posterî superfuerunt, in continua lanienâ vixerunt.

§ 6.

*Romanum
imperium.*

Quarta bestia Romana est, omnibus dissimilis, etiam sibi ipsi discors, sub regibus, consulibus, tribunis, patritiis, plebeis, Augustis, Monarchis, Aristocratia, Democratia, fortior, aliis diuturnior, comedens, & pedibus conculcans, quæ integris voluminibus Romani scriptores exponunt. Quæ vero c. 9. 10. 11. 12. prædicit tanta breuitate & veritate proponit, de Perside, Græcia, Romanis, Antichristo, vt regibus nascituris intimus Consiliarius, & arcanorum omnium participes fuisse videatur. Sane consilia, dolos, euentus, scelera, ipse tot centenos annos, & millenos ante cognouit, quam fierent, non experientia modo: sed etiam futuri cognitione præstans. Daniel igitur aulicus est nō vnus sæculi, neque sui tantum temporis, sed omnium ætatum, donec vniuersum hoc in cineres abibit, libri aperientur, & iudicium sedebit, in quo & bestia exurentur, & regnum populo sanctorum dabitur: quæ nunc etiam in imperio geruntur describit, vt talem nemo magistrum dedignetur, qui maximorum monarcharum, magister supremus aulae, imperia rexit: & quæ post futura erant, melius quam reges ipsi, proceresque perspexit.

C A P. VIII.

Aula mala, & procerum, curiaq.

§ 1.

VTinam in reliqua parte mundi tam deessent mala, quam in aula supersunt. Facile est carpere mores palatiorum, & benigna materia in vitia dicere: quod
vritam

utinam cum Nazianzeno faciant omnes , vt aliena peccata lugeant, non vt exprobrent. Vtinam tam vera esset aliorum in vrbibus , in Ecclesiis , in Cænobiis videntium laudatio, quam promptum est regiæ vituperium. Contra aulicos tamen dicere quid vetat ? Da- *In aula*
 niel ipse aulicorum Princeps & Doctor, de aula quod *grauior*
 narraret boni, nisi regis Nabuchodonosoris pœnitentia, nihil habuit. Omnia plena fraudibus, flagitiis, corruptelis. Solus Daniel & tres eius socij , profanis cibis non polluebantur, cæterorum puerorum infirmitas turbam sequebatur. Malasari pietas Danielis, furci causam præbuit, [a] Porro Malasar tollebat cibaria & vinū a *Dan. 1.*
 potus eorum : dabatq; eis legumina. Mox quam sæua regis *16:*
 ira sine discrimine etiam innoxios ad cædem destinans ? [b] Quo audito, rex in furore & in ira magna præce- *b c. 2. 11.*
 pit, vt perirent omnes sapientes Babylonis. Quam diræ calumniæ procerum collegas Danielis accusantium ? [c] *c c. 3. 12:*
 Sunt ergo viri iudæi, quos constituisti super opera regionis Babylonis, Sidrach, Misach, & Abdenago : viri isti contempserunt, rex, decretum tuum : Deos tuos non colunt, & statuam auream, quam erexisti, non adorant. Et deinde Medorum & Persarum optimates omnes impium consilium inueniunt, & conspirant in Daniele, [d] mons ille nebulosus, mons Peltifer, Babylon, incluta illa Babylon, vt pœna sua legem Dei sanciret, quam factis violarat, omnium gentium erat scelestissima. Exitij tamen causam in regem & aulicos Daniel confert, non populi peccata, [e] Idcirco ab eo missus est articulus mannis, quæ scri- *c c. 5. 24:*
 psit hoc, quod exaratum est. Deinde vero beluæ omnes sæuæ, iniquæ, libidinosa. [f] Quæ deinde de regnis præ- *f c. 7. & 8:*
 dicit, scelera tantum regum & procerum, virtutes nullas continent. [g] Erat enim respublica malorum, & *g c. 10. &*
 cruentæ regiæ, in quibus nihil laudabile Propheta *11.*
 præuidebat. In oppidis crimina committuntur, in palatio regnant. Omnia in Monarchiis sunt exempla, in Chaldaea illustrissimum : Magnatum sanctæ Ecclesiæ, & captiuæ quidem, persecutio, proponitur statua au-
 rea,

*In aula
gravior
tentatio.*

rea, victis populis & victoribus adoranda, tubæq; & li-
tui, omnia instrumentorum & vocum delinimenta,
atq; ad idololatriam incitamenta, inde fornax ardens,
ignibus suis minax tanquam Æthna insontes haustu-
ra. Grauis & periculosa tentatio, non nisi adiutorio cæ-
lesti vincenda. Sed aulicis formidolosior: cæteris arde-
bat fornax vice simplice, viris illis quos rex posuerat
super opera Babylonis, septem gemina flamma suc-
cenditur, [h] & præcepit vt succenderetur fornax septuplum,
i c. 3. 19. quam succendi consueuerat. Itaq; maior vis flammæ, [i] &
effundebatur flamma super fornacem cubitis quadraginta no-
uem. Non faciebat hoc ad cruciatuum augendam a-
trocitatem, quo illa acrior, eo dolor breuior, sed vt ap-
pareret, in aula septem dæmoniis innocentiam expu-
gnari, in aliis vno duntaxat.

¶ 2.

Ratio porro notior est, quam vt negari queat. Pala-
tini aureis vincti catenis, vt in ambitiosis etiam pœna
honoretur, ad ærumnolos labores in amplo latoq; er-
gastulo educantur, in eminentissimo mundi loco sta-
tionem habent: hinc illorum vtraq; latera perpetes
verberant procellæ.

*In alto
positi pro-
cellis ob-
noxii.*

*Æstiuæq; niues vrunt, atq; inscia veris
Frigora constringunt scopulos.*

*Seruius
aula.*

Quisquis se turbis inserit, turbas patitur: & queri
non potest, si eliditur, vt fieri cōsuevit, cum ad specta-
cula venit, & de loco pugnatur: quem sibi quisque
commodissimū quærit. Aditus ad superna limina peri-
culo plenus est; ignobili seruitute, probrosis sordibus
emunt viri magni, vt aliquando fulgeant. Quot arro-
gantium supercilia ferre coguntur, vt aliquando ipsi
imperēt? quo cum venerunt, hinc vitæ, inde innocen-
tiæ periculum intērat. quorum illud magis timetur,
hoc magis timendum est, illo nocentius. Bona fluxa,
bona fugientia persequuntur, sua quisq; cupiditate &
spe ferūtur ad illa bona, quæ sperant omnes, adipiscū-
tur pauci, atq; illi ipsi aut partis excidūt viui, aut mor-
tui deseruntur, dum ad hæredem transfugiunt opes.

Quem-

Quemadmodum regem in summo Carchesio curantem violentæ feriunt auræ, sic aulicos illi proximos vexat Eurusq; Nothusq; creberq; procellis

Aficus, & tumidas voluunt ad tartara mentes.

Non sic Lybicus Syrtibus æquor

Furit alternos voluere fluctus

Vt præcipites aula casus

Fortuna rotat.

*Seneca in
Agam.*

Sic Deus voluit, qui in præcipiti dubioq; excelsa locat.
Hinc alia ex alia cura fatigat vexatq; animos noua tempestas.

Licuit Senecæ dicere in media aula, & aula cruenta,

—iura pudorq;

Et coniugii sacrata fides, fugiunt aulas.

Quid igitur in locum fugientis boni succenturiatur?

sequitur tristis

Sanguinolenta Bellona manu,

Quæq; superbos vrit Erynnis,

Tumidas semper comitata domos,

Quas in planum qualibet hora

Tulit ex alto.

Omnia in ore est illud eminentis aulici.

Lucanus.

Exeat aula, qui vult esse pius.

Hoc etiam impij vsurpant.

De aula vituperatione librum conscripsit Antonius Guevara vir doctissimus, qui in aula vitam penè contriuit.

*Antonius
Guevara,*

¶ 3.

Illud porro non minimum aulae malum, quod difficile remedium mali vehementis: non capiunt monita magnates. Quos arthritjs vrit, aut vlcera cruda, & flammata excruciant, ad suspicionem tactus exclamant. Tanta vis in summâ morbi atrocitate, plumulam, & mulcentem manum tanquam saxa, & ungulas exhorrescunt, non alius animus est, qui potestate & honore inflatus, & vitijs grandibus est labefactus, nihil magis horret, quam medicum. Nec tamen à monitione cessandum.

C

1

Pge

Peccare, & non cohibere peccantes iuxta æstima: si quis enim in ciuitate vitam quidē ipse traducat, & quē toleret autem viuentes iniquē, socius malorum apud DEVM iudicatur, quod si velis bifariam approbari, pulcherrima quæq; gerentes honora, ira teterrima patrantibus succense, vt prudenter Justinianum monet Ægapetus. Et monendi etiam cum periculo: quamuis extrema expectentur. Exempla nimium sunt multa: Clitus, Callisthenes, Parmeno. Maximē Joannes Episcopus, cuius salutaria, sed flagitiis inimica monita Junipertus cum ferre nollet, iratus equo indomito infontem iussit imponi, quod ostenderet, non magis se bonis consiliis, quam bestiam ferocem frenis, compesci posse: atque ita molestum censorem excuteret ac perderet. Sed iumenta domari possunt, peruicax arrogancia frena perrumpit. Obstinatio autem signum est mala voluntaria, ab habitu, & non per ignorantiam fuisse. Qui reprehensus irascitur, culpam maiorem non tam agnoscit, quam celare non potest. Quod in aula fit. Correctionem autem ferre absq; commotione & excandescencia, argumentum est, quod aut victus, aut ignorans fuerit.

§ 4.

Regum stultitia.

Malis omnibus vitam & vigorem suppeditat regum stultitia & malitia, improbitasque, non nouum est, vt sub furioso capite distorti, ac monstrosi membrorum oriantur motus. Nescio quam sapienter, historicē profecto locutus est, qui dixit: *Aut regem, aut fatuum oportere nasci*, Acerbe sane Romanus sapiens, Claudium tam stultum fuisse, vt regnare posset, sed blandiens Neroni, dixit. Quid porro aliud historia generis humani, quam

Stultorum regum & populorum continet æstus?

Ex regibus Chaldæorum, Persarum, Græcorum, priscisq; Romanorum, furentibus plures, quam prudentibus similes fuere. Nolo ista ad Christianos principes aut reges traducere. Nimium contumeliose Erasmus

in A-

in Adagiis : Si annales veterum , & neotericorum euoluatur , *Erasmi de*
tur , vix sæculis aliquot vnum alterumve exstitisse principem , principibus
qui non insigni stultitia maximā perniciem inuexerit rebus hu- *contumeliosa*
manis. Christianis temporibus fuere plurimi principes *sententia.*
 prudentissimi , & optimi cladibus amoliendis nati : in
 comparatione tamen improborum , pauci . Alioqui &
 laudatorū principum sunt errata , & ex illis populorum
 strages . Regum facta primum familiares corrumpunt ,
 per hos plebs in vitia trahitur , celeriter in magnates
 pestis transfilit , populus quasi extra teli iactum contra
 primos impetus securior est , aulici in prima acie peri-
 clitantur , populus post præsidia subsidit . Ea causa est ,
 cur heroum filij noxæ , non occulto nascendi fato , sed
 aulæ , & domus opulentæ corruptelis .

§ 5.

Auctoritati regiæ , quam etiam criminum patrocini-
 a vrgentem profanissimi hominum sacrosanctam
 esse iusq; fasque censent , iungitur consuetudo , quam
 merito Iustinus martyr turbulentam appellat . Plerum-
 que violenta trahit , in aula violentissima rapit inuitos , *Dereligionem*
 propellit resistentes , veritate ipsa valentior . Illa efficit , *Christiana.*
 vt grandia scelera , quæ ne in mentem quidem hominis
 venire posse , viri boni putant , ne pro delictis quidem
 habeantur . Honestum esse iudicant , quod fit à multis
 & magnis , Tyrannicum est consuetudinis imperium
 adeo vt si quis illius flagitiis legem Dei opponat , pœna
 dignus iudicetur . In aula vero maior regis est , quam
 Dei auctoritas , vt regi placeant , inimicitias cum Deo
 suscipiunt : ne vitia inolira deferere cogantur , cum cœ-
 tera deficiunt , consuetudine se tuentur , quasi id quod
 more peragitur , etiam iure fiat . Duabus igitur anchoris
 vitia Palatina firmantur , potentia regnantium , &
 consuetudine ferrea peccantium , cui etiam impare est
 dominatus .

Quantum principis mores officiant , insigne docu-
 mentum præbuit , sed longo post Daniele interuallo
 aula Persica . In illa primum dignitatis & gratiæ locum

viceris. Fermenti pugillus ingentem massam acidam efficit, mastra plena fermento acorem non minuet. Flumini ruptis aggeribus obfisti non potest, violentia sua obices secum rapit, malis fortibus & magnis quicquid opponitur, magnitudine obruitur, ruenti turri nemo opponit humeros, ut casum sistat, fuga melius declinantur, quæ corrigi non possunt. aulæ igitur mala fugienda sunt ipsa vitanda, quæ sine tot malis non regitur.

Hæc sunt capita eorum, quæ contra vitam palatinam, & mores aulicos declamant, ac concludunt vitam aulicam nulli suadendam, ab aula deterrendos omnes. Quibus tamen adeo nihil efficitur, ut maximos quotidie ad splendidam miseriam concursus fieri animaduertamus.

C A P. IX.

Aula defensio.

§ I.

NEq; nihil, neq; omnia sunt, quæ contra principum familiam dicuntur. multa iactat rude vulgus, plura regum ministri in sua probra diserti, Populi voces facile sapiens contemnit; maledici sunt enim ciues, & fortuna spectatior ciet inuidetiam, ut Pindarus canit. *Vulgi dicta spernenda a 1. Pyth.* [a] In plebe plurimum obtrectationis est, etiam cum vera narrantur. Miser illi animus est, cui vicina felicitas figit vulnus: quo cæco pectore latens viscera depasceret, nisi maligna voce proderetur. In aula, inquit, omnia ficta, turbulenta, in aula deliciæ, ambitio, inuidia, doli, fraudesq; stabulant.

Per magna discrimina ascenditur ad maiora, per ista ad summa ut longius audiatur sonitus ruinæ. Non est meum ista negare, non est prudentis inficiari, quæ experientia probantur. plus famæ credendum est, quam singulis, sunt utique ista in palatiis regum. Sunt utique

C 4 ubiq;

Nonnullæ vbiq; vbi sunt & homines. Sæpe etiam extra aulam de-
Vrbe au- teriora, adeoque in vrbibus, vbi nulla est aula. Athe-
la deterio- nas, Corinthum, Ephesum, Sybarim, Capuam, Ta-
res. rentum, Alexandriam, Cyrenas aspice: nostris vrbibus

parco, ne vera dicenti diem dicant. Multæ sunt vrbes
 & Respublicæ deprauatiores, quam aulæ principum
 maior ambitio, quamq; hæc semper parit, inuidia. At
 mihi omnium instar est Daniel, & collegæ Danielis, vi-
 ri sancti, nobiles, martyres, numinis sanctissima prou-
 dentia ac voluntate, non Barbarorum nutu Daniel in
 aulam teterrimam in aulam Babylonis adlectus est,
 De v s cuius in manu cor regis erat, ad hoc eum impu-
 lit, vt benigne captiuos haberet. [a] Et ait rex Asphenez

3c. 1. 6. 3.

4. 5. 7.

præposito Eunuchorum, vt introduceret de filiis Israel, & de se-
mineregio & tyrannorum, pueros, in quibus nulla esset macu-
la, decoros forma, & eruditos omni sapientia, & doctos discipli-
na, & qui possent stare in palatio regis, vt doceret eos literas, &
linguam Chaldaeorum. Et constituit eis rex annonam per singu-
los dies de cibis suis, & de vino vnde bibebat ipse, vt enutriti tri-
bus annis, postea starent in conspectu regis. Et imposuit eis præ-
positus eunuchorum, nomina; Danieli Balthassar; Anania,
Sidrach, Misæli, Misach; & Azaria Abdenago.

Nomina
mutata.

Noluit curam tacere regis Spiritus sanctus, qui vt
 plane faceret Chaldæos, etiam nomina mutauit. Fecit
 id in Iosepho Pharao, Romani libertis nomina sua im-
 ponebant. Duplicia fere Assyriis & Chaldæis nomina.
 Julius Scaliger Baladan priuatum, Nabonassorem re-
 gum nomen affirmat. [b] Sic Pharao Joacimum no-
 minat, qui ante Eliacimus vocabatur. Nabuchodonos-
 sor Marthaniam vocat Sedeciam, postquam regem
 constituit. Mansit ea in Perside consuetudo, vt Ctesias
 testatur. [c] Ea lege Nehemias Atherfata, Zorobabel
 dicitur Sassabasar. [d] Causa regi erat, vt sic plane in
 patrios regni mores abirent, ne peregrinitatis odio, q-
 nomen ipsum indicaret, premerentur: Dei autem vo-
 luntas, vt potentia inclyti, ferociam Barbarorum coër-
 cerent, & populum sanctum defenderent. Ananias

Hebræ-

b. De emēd.
temp. l. 6.

c. In Dario
Cedomāno.
d. Esd. l.
et 2.

Hebræis dictus, quod à Deo donatus, idem quod Jo-
chanan, siue Joannes; à Chaldæo vocatur Sidrach,
præda tenera, miseratione credo ætatulæ, mox à cuna-
bulis in seruitutem abactæ. Misaël, à Deo ablatus, in
Mesachum conuertitur, quod deducentem, aut sepiē-
tem aquas significat. Azarias, auxilium Dei, vocatur,
Abdenago, seruus claritatis, seu clarissimus. atque hæc
omnia Dei nutu acta, vt fide & pietate retenta Chal-
dæis similes euaderent. Voluisse Deum vt starent illi *Daniel vo-*
in conspectu regis, & Daniel in foribus regis, ex eo co- *casus ad*
gnosceatur, quod sapientiam, & dotes idoneas contu- *aulam.*
lerit. [e] *Pueris autem his dedit DEVS scientiam & disci-* *c. 1. 17.*
plinam, in omni libro & Sapientia: Danieli autem intelligen-
tiam omnium visionum & somniorum.

Hoc si negasset, ab aula facile indoctos, & stupidos
remouere fuisset. Daniel quoq; diuinæ voluntatis con-
scius, Socios ad dignitates promouit. [f] *Daniel au-* *c. 2. 49.*
tem postulauit à rege; & constituit super opera prouincia Ba-
byloniæ, Sidrach, Misach, & Abdenago: ipse autem Daniel erat
in foribus regis. Ipse quoq; regnante Balthasare quamuis
honorem non ambiuit: oblatū tamē recepit. [g] Tunc *c. 5. 19.*
iubente rege indutus est Daniel purpura, & circumdata est tor-
ques aurea collo eius: & predicatum est de eo quod haberet po-
testatem tertius in regno suo. Sub Dario quoque & Cyro
in magistratu vixit, nihil veritus improborum æmu-
lationes.

§ 2.

Quæ contra aulicos antiqui scripserunt ad regum
impiorum atq; infidelium palatia pertinent, quorum
tamen insolentiam sæpe ciuium nequitia adæquauit.
Daniel exemplum nobis exhibet. Senum ac iudicum
captiuorum in conseruas libido exarsit, amore deinde
frustrato, in odium ac sœuitiem conuersi Susannam cō. *Israel pe-*
demnant, calculum populus præcipitat, innocentem *ior aula.*
tuetur Ephebus ex aula. [h] *cumq; duceretur ad mortem,* *h Dan. 13.*
suscitauit Dominus Spiritum S. pueri iunioris, cuius nomē Da- *45. & 46.*
niel: Et exclamauit voce magna: Mundus ego sum à sanguine
huius

huius. Pares hic non Babylon, & aula, sed Israel & aula imo hæc melior, populi seruientis correctrix. Si crimina accusamus, ubiq; abundant, & sanguinem tangit sanguis. Non ideo nostra religio culpatur, quod eam fures, adulteri, latrones profitentur; quorundam scelera non contaminant famam omnium. In aula ut in templo imo in adytis ac sacrariis boni ac mali miscentur, antiquitus virtutes & vitia iuxta aluntur. Omnia mala fugienti, homines etiam ipsi fugiendi sunt, loca sola petenda, & forte tibi ipsi à te ipso exeundum. Non maiora semper crimina palatiorum sunt, sed videntur quia conspectiora.

*Omne animi vitium tanto conspectius in se
Crimen habet, quanto maior, qui peccat, habetur.*

*Magnatū
vitia in
conspēctū
sunt.*

Regiæ splendor, personæ magnitudo latere peccantem verat. in partem populus venit, qui libēter magnatum vitia traducit. Illustri fortunæ materies obrectationibus est. præposterum malitiæ ingenium est; contra illos loqui amat, à quibus timer. maledicēdi incitamentum est periculum sermonis. Interim fora, compita, vici, theatra, cauponæ, fornices, priuatorum ædes malis inundāt; sed pessimus quisq; sua vilitate securus viuit, infamia circum alta capita volitat. Multa in porticu millia deambulant, soli magnates in se oculos, atq; ora ciuium conuertunt, vestitu, equis, satellitio, aliave re conspicui. Ornatus eorum, vultus, incessus, comites, vitia quoq; & virtutes in fama sunt, florent arentque pro vulgi fauore aut malignitate.

¶ 3.

Aula honesta.

In aula, inquiunt, bonis legibus praua exempla prævalent. Vtinam negare fas esset. Verum illa non cogunt nolentes, & crebro emendantur à principibus, etiam non optimis. Julius senatum indignis impleuit, Augustus purgauit, Tiberius reiculos quoque venire vetuit; Seuerus nomina eorum edebat, quibus erat magistratum mandaturus, ut si quid obiici posset, mature accusatio institueretur; si accusator non probaret, erat pœna

pœna talionis. Alexander Seuerus aulam suam magna
 icueritate correxuit, turpes, atq; infames eiecit. Vlpianū
 iurisconsultum purpura protexit, quod innocentem
 iudicaret. Grauior Armuziensium regū coërcitio, Lu-
 sitanæ classis præfectus quindecim inuenit reges, qui
 malè gesta republica oculis priuati à regiis procurato-
 ribus alebantur. [i] Nec tamen sola aula, sed mundus <sup>i Orosius de
gestis Em-
man.</sup>
 totus prauarum legum, & morum tenax est. In Episco-
 piis, in Canonicorum collegiis, in monasteriis religio-
 forum, quoties Christianæ pietatis non res modo, sed <sup>In Ecclesia
deprauatio.</sup>
 etiam species amissa est? Sane lego in sacris gestis, & S.
 Benedicto, & S. Godefrido venenum à sacratis homi-
 nibus, quorum mores ad normam Diuinæ legis exige-
 bant, oblatum, S. Godefridus Præsul Ambianensis bis
 Romam proficisci coactus est, vt monachos S. Wale-
 rici compesceret, qui vitiis suis canonum prætextu &
 Romanæ sedis auxilio, patrocinia quærebant. Wil-
 helmus quoq; vir nobilis & sanctus, nec canonicos ad
 Genouesæ, nec monachos in Dania ad frugem redu-
 cere potuit, vtrosq; hostes grauissimos expertus. [k] <sup>k Cranzius
Surius.</sup>
 Romualdum summi generis, prudentiæ, Sanctitatis
 religiosi quos ad vitæ integritatem, perfectionemque
 religiosam hortaretur, occidere conati sunt. [l] Ille <sup>l Dam in
eius vita.</sup>
 idem à suis fratribus ex monasterio, quod suo sumptu
 struxerat, ac fundarat fustibus, sudibusq; expulsus est.
 Oswaldus episcopus Wigorniensis. cum commissum
 clerum, nec corrigere, nec deponere posset, sponte ces-
 sit, adultis vitiis impar. Atque vtinam non plura eius-
 modi exempla sæculorum fæces proferrent. [m] <sup>m Hist. An-
glic.</sup>

§ 4.

Plurimum itaque aberrant, qui nemini sine culpa <sup>Sancti in au-
la impiorū.</sup>
 posse suaderi vitam aulicam arbitrantur, & ipsi omni-
 bus consulentibus dissuadent. Aristidem aiunt Diony-
 sio filiam petenti respondisse: malle illam ad libiti-
 nam, quam ad arcem tyranni ire. [n] at ille tyrannus e-
 rat, qui regnum iniuria partum, iniustissimè admini-
 strabat. Neroni Cæsari multi Christiari in aula serui-
 runt,

o Ta.

Daniel
aulam
Cyri non
fugit.

runt, nemo illi vim intentavit, quanquam multi gentili-
tium in eum conspirarint, inter quos Sulpitius As-
per interrogatus cur conspirasset, asperrimè respon-
dit, aliam scelerum eius finiendorum se rationem non
vidisse. [o] At potius audiendus Daniel, qui regibus im-
piis nō negavit obsequiū, nullius criminis suasor, aut
administer. Etiam Cyro, quem Susis nondum regem
nouerat, operam præstitit. Beluina tamen erat in Cyro
crudelitas, qualem supra in Persico versu descripsi: ad-
eo, vt ex vrbibus Joniæ sæuitiem eius veriti, multi è
portu in altum nauigarent, atque in mare consensu se
præcipites darent, horridum elementum animo ty-
ranni mitius arbitrati. Quæ erat illa seruitus, quæ sup-
plicia, quæ vrbes integræ ita formidabant, vt fluctibus
mergi mallent, & cibi esse monstris marinis? Necta-
men cum ista partim futura sciret, partim præsentia
videret Daniel, negociis se abdicauit, sed monuit, aspe-
ra mitigauit, & Politicen suam ex lege DEI, quæ est ars
artium, exercuit.

¶ 5.

Prudentes anxie & lentè consilia tribus de rebus
dare consueuerunt: de bello, nuptiis, aula: in his e-
nim offenditur. In bello pœnitentiam Mars solet an-
teuertere, & querelas vno ictu præcidere. In coniugio
sunt nimium crebræ. In aula sibi ipsis contrariæ, vitam
suam miserantur & amant, cum libitum est querun-
tur, bene & male contenti viuunt, auctori suo ita gra-
tias agunt, vt exprobrent. Non minus tamen quam a-
lia, ita & regum obsequia suaderi viris fortibus pos-
sunt. Ad illa namque Reipublicæ munia sapientes, at-
que viri integris moribus DEI vocatu ducuntur. Re-
gnum à DEO est, cuiusq; enim vult, dat illud, vt Nabu-
chodonosor confiterur. [p] Regibus addidit poten-
tiam & maiestatem Rex regum: Vtrumq;, vt tuendo
subiectos, debellando superbos, in dignitate mortali
immensam maiestatem repræsentent, mundo tran-
quillitatem præsent. At regum potentia sine consilio
sapien-

p c. 4. 22.

Deus regi
aulam
dedit, an-
licos vo-
cat.

sapientium, sine auxilio fortium nulla est. Rex sine fidelitate ministrorum infra mendicum est. Multa videre oculis, plura animo complecti debet, omnia non potest solus, proinde multis illi manibus, oculisque opus est, præcipuè multorum mentibus, industriaque, sine quorum fida solertia manuum atq; oculorum auxilia sunt inualida. Cum igitur illum regendi ac parandi ordinem Deus ipse constituerit, etiam præsidia atq; adiumenta dedit, quibus imperia retineri, mundus gubernari possit, præstantes viros excitauit, qui in parte gubernarent, & regnantibus adessent. Sua cuique animanti arma, suas homini artes tribuit, ducibus milites, naucleris remiges, architectis fabros: An reges quorum est suprema in terris dignitas & maiestas, deseruit? An in illorum obsequio culpa cogitari potest? si reges à Deo, igitur & illi, sine quibus regnare nequeunt. Regna dat, & regnorum columnina, in regno viros sapientes, fortes, alios ad regnum, alios ad regum obsequia vocat. Iosephum Pharaoni, Regibus Israëlitis Prophetas, legisperitos. Nabuchodonosori, Euilmerodacho, Baltasari, Dario, Cyro Daniele, Nehe-miam Artaxerxi, Mardocheum Assuero, adeoque Hestherem coniugem non ad insanas Barbari libidines, sed exulantis populi salutem. Exortes criminum agebant legitimi duntaxat imperij, & legum administri. Qualis erat Abdias in aula Achab, summus in familiaritate regis, qui venditus erat vt faceret malum, in aula Jezabelis, Sidoniæ Medæ, veneficæ, & ebriæ de sanguine Prophetarum, nihil tamen sancto viro obfuit Dominorum impia crudelitas, sed virtutem exercuit, & perfecit. Nunquid, inquit, [q] nō indicatum est tibi q 3. reg. 18. Domino meo, quid fecerim cum interficeret Iezabel Prophetas Domini, quod absconderim de Prophetis Domini centum viros, quinquagenos & quinquagenos, in speluncis, & pauerim eos pane & aqua?

¶ 6.

Naturam atque exemplum mirifici lapidis nobis
Phyfici

*Fortes au-
la non cor-
rumpit.*

*r Carda-
nus de
subtilitate*

*Scaliger
Exer. 131.*

*f Phil. 4.
c. 22.*

*Aulici Ne-
ronis cœ-
teris Chri-
stianis præ-
lati.*

*t Bar. an-
no 9. &
seq.*

*u Marty-
vol. Rom.
2. & 27.*

*Maij. Ado
Beda.*

*x Baron.
ultimo an-
no Domit.*

*y Ado V-
suard Su-
vini.*

*Christiani
in aula
Diocle-
tiani.*

Physici proponunt. [r] in quem acus adacta, ac po-
stea infixæ corpori, non sentiatur. Acus illa acuta, cuspi-
de de radice Chalybis indurata omnia tela dæmonis i-
gnea, penetrantia, spes, timores, exempla, iussa impia
significat, quæ in aula impia, sine noxa, sine doloris
sensu excipiunt fideles, ut non sit illis ad mortem acu-
leus, sed medicum ferrum in vitam. Itaque & Christiani
sanctissimi in aula belluæ portentosa, hoc est Neronis,
fuerunt. Testis Paulus. [s] salutant, inquit, vos sancti, ma-
xime autem, qui de Cæsaris domo sunt. Non modo in Cæsaris
domo sancti, sed externorum præ cæteris amantes, sed
comitate & affabili charitate præstantes, maxime eos
salutasse Philipenses S. Spiritus nos scire voluit, ut
certo constaret, eos cæteris Romanis sancta urbanitate
& humilitate prælatos. Sanctis igitur in aula monstri
illius de luto & sanguine concreti locus erat, tenuerunt
illi fidem & constantiam, obitaque per cruciatus morte
coronati sunt & familiares quidem Neronis. [t] Inter
illos Torpes, Euellius, aliique quorum certamina legi-
mus. [u] Nec deinceps unquam Sanctis aula Vespasiani &
Titi; Domitianus quosdam senatores familiarissimos
habuit. Tam carus illi fuit Flavianus Clemens consula-
ris, ut filium eius successorem designaret Imperij, sed
odio Religionis, cognito Christianos esse, & ipsum &
totam domum oppressit, fecitque ut felicius in cælo,
quam Romæ regnarent. [x]
Perseuerarunt alij in acerba persecutionum procella
in aula Traiani, Adriani, Antoninorum, nec Diocletia-
no quidem defuerunt. [y] Serena Imperatoris con-
iunx, Helsthera Romani generis, pietate sua mariti im-
pietatem, & constantia læuitiam, tolerata pro Christi
fide morte triumphauit. hoc ipso felicius Hebræa He-
roide, quod sceptrum dominantis non signum clemē-
tiæ, sed crudelitatis experta est. Nobilissimi viri Petrus,
Dorotheus & Collegæ cubiculo præfecti in ipso fano
impietatis, & ardore persecutionis inter ministeria in-
tima Cæsaris, Christum colebant, & prædicabant, fi-
deles

deles impio domino, & cum ille scelera imperaret, cō-
 tempto iussu, ad mortem fideiiores Christo perseuera-
 runt, vt Eusebius, aliiq; testantur. [z] Nec minus Fla-
 uianus, [a] qui in Cæsaris flagrantissima gratia, summos
 honores, & Romanæ Urbis præfecturā gessit, Diocle-
 tiano ab intimis consiliis; hunc, aliosq; plurimos ha-
 buit aula illa in Christiano sanguine natans, nec tamen
 exeundum sibi aula putarunt, sed in aula pro Christo
 moriendum. Aulici profecto Martyres erant genere
 & virtute clari Sergius & Bacchus, quos de Christia-
 nismo cum accusassent æmuli, inuidia magis ob gratiā
 Cæsaris, quam Religionis odio, iussi sunt immolare i-
 dolis; illi ne templum quidem adire dignati, Impera-
 tori generosa libertate responderunt: *Nos, Imperator,
 sola terrena militia tibi obstricti sumus, in animas nullum tibi
 ius est, illarum dominus est solus DEVS.* Fortibus verbis
 facta fortiora fuere: Postquam muliebribus vestibus
 per Urbem atq; ora hominum circumducti (hoc con-
 tumeliarum genere infamare viros fortissimos voluit
 tyrannus) & tormentorum omnium victores, mortem
 constātissimè tulerunt, magnoq; triumpho comitan-
 tibus Angelis in cœleste palatium deducti sunt. [b]
 Dalmatius toga, sagoque nobilis, senator, aulæ decus,
 Adaurus per omnes aulæ dignitates ad summam eue-
 ctus, in statione sua perseuerarunt, aulam non dese-
 ruerunt, donec ex ea in æternam aulam Martyres ab-
 ierunt. [c] Apollonius quoque cum Christianorum
 sanguis funderetur, nec curiam, nec regiam vitauit, sed
 crudeles sententias arguit, & pro religione nobile vo-
 lumen cōposuit, cui auctoritatem auctoris nobilitas,
 constantia, virtus fecit. Pietas Christiana barbarorum
 quoque palatio impleuit, Dada Saporis Persæ con-
 sanguineus, Cosroa vxor, Gabdela filius, fidem in
 conspectu regis impij propugnarunt, donec in carce-
 rem & vincula coniecti, dein obtruncati sunt. [d] San-
 cius adolescens regij stemmatis in aula Saracenica e-
 ducatus, Religionem innocentiamque coluit, donec
 diade-

z Eusebius
l. 8. histor.

a Marty-
rol. 8. In-
nuarii.

b Euseb.
Ado. Syn-
rims.

c Euseb.
l. 8 c. 19.
Niceph. l. 7.
c. 10.

d Niceph.
Beda.

beneficia, præcipites iniurias, plura dari immeritis, improborum in altum ascensus, subitas ruinas. Fuerunt ^{M.} hisce annis exempla, & vt se mores dant, breui erunt. ^{Alia.} Sed nolo viuentium vigentia narrare scelera, quæ totus mundus & nouit, & odit. Vetera audire placet. ^{Petrus: nea.} Petrus Vineæ Frederici secundi rector, & pene Dominus, abusu honoris & potentix, quæ solo Imperatoris arbitrio nitebatur, tandem accusatione detectis criminibus conuictus, damnatus, excæcatus est, & violentas manus sibi intulit. homo enim arrogans & barbarus specie iniuriæ perculsus in furorem agebatur, sæculi sui nobilis historia, posteris exemplum, ne vnus plus posse velit, quam omnes. Non igitur aula, præsertim Christiana, quemquam arcebo, sed omnes hortabor, vt ea cautione. reges, & regna colant, quo semper ob oculos animosque regnum Christi versetur, quod est sanctorum: omnia enim alia regna exurentur; Meminerintque florem humani generis in aula esse, sed florem esse caducum, florem sanctitatis in pauperum tabernis, florem odoratum, cœlestibus aris adolendum. Sed tamen sunt & aulæ flores illibati, & inter spinas asperiores suauiore habitu fragrantés. quorum in odorem currere debet, quisquis ad arcem Domini festinat.

C A P. X.

*Quatuor in aula difficilia omnibus, pariterq;
in Senatu.*

¶ I.

NON commendo vitam aulicam, vt propere & absque matura deliberatione ambiatur. Multa sunt, quæ magnetis instar ad illam trahunt, sed eadem ipsa aliâ sui parte abigunt: rara est, atque ardua vitæ ratio, rarissima est ætatis sine culpa transigendæ perfectio,
D eoq;

*Difficilis
aula.*

*Vita for-
tior morte.*

a Dan. 3.

*b Dan. 2.
42.*

c. Dan. 6.

eoq; difficilior paratu, quo pluribus officiorum parti-
bus illa constat, ac muneribus absolvitur. Qui soli Deo
vivit, qui in solitudinem concessit, vnum quærit, in
cōtrarias curas nec animum ipse diuidit, nec à negotiis
distrahitur: vnum illi negotium est placere creatori,
probare se suo remuneratori, sentētia sui iudicis absol-
ui, iudicio agonotheæ coronari. At Palatini, qui me-
dio in strepitu iactantur, negocia sibi adsciscunt, at-
que obruuntur: fines plures obtinere, & necere labo-
rant: quamobrem plurimis quo; malis onerantur. Ar-
gutè porro Indus Philosophus Alexandro in nobilium
corona respōdit, quærenti: Vita, an mors robustior vi-
deretur? vitam responderet, quæ tot mala, tot labores
ferre posset: regi stolido ærumnas & vulnera non ob-
scure exprobrans. Hoc in circo tota aula desudat, vt
Deo, regi, collegis, populo placeant. vni omnia ista pro-
posita, quæ singula prudentiam virtutemq; eximiam
postulant. Omnium concursus vitam anxiam, trepi-
dam, inquietam, laboriosamq; efficit, irritosq; perſæpe
conatus. Nabuchodonosori placuit Daniel, & socij,
proceres Chaldæos senserūt inimicos. [a] Nemo satis-
facere potest omnibus, sicut pedes statuæ partim lu-
tei partim ferrei erant. [b] *Ex parte regnum erit solidum
& ex parte contritum.*

Sic in palatio nemo omnibus amicus, nemo tam di-
uersis coalescere potest, metalla calore soluuntur,
lutum durescit, contraria prosunt, atq; obſunt. Dario
Daniel placuit, Medos & Persas habuit inimicissimos.
[c] Dario, placuit, à Babylonis coniicitur in lacū Leo-
num. Procerum liuore, populi tumultibus petitur. Ita
curfus est dignitatum: vbiq; offenditur, vbiq; obices.
Dauid principes Israhēlis & populum, ipsum adeo fili-
um regis habuit amicum, Saulis iram sensit implacabi-
lem.

§ 2.

*Omnibus
placere
arduum.*

Voluntates horum omnium ita aliquando inter se
diffident, vt quamuis omni opera annitaris, non ta-
men

men. expedire te queas, quæ minus in alicuius offensionem incurras, Deo quidem viuere omnes debent, non omnes faciunt. Placere principi omnes student non omnes possunt, Deo placere omnes possunt, non omnes student. Sola innocentia Deo placet, quisquis placet, & cum illa desit, pœnitentia. Principi bono ^{Deo placet innocentia.} semper grata est integritas, malo vt plurimum: non quia virtutem sectetur, sed quia commodam rationibus suis arbitratur, damnaturus vbi detrimento fore putabit, nec regi tamen bono innocentia satis est: vigilantiam, industriam, obsequia, honorem, affectum desiderat. Ea causa ad fauorem conciliandum plus valent sæpe malorum ficta obsequia, quam fida ministeria innocentium. Diuersi sunt regnantium affectus, ^{Diuerse principum affectus.} alius quodam libertate seruientium gaudet, vt Augustus ^{d Suet. in Aug.} [d] iocandi licentiam exigens, atq; imperans. Alius venerationem sui silentio ministrorum augeri existimat: vt Agesilaus. [e] Alius quæ vbique aguntur inquit, gratos habet curiosos, vt Gallus Iuliani frater. [f] Non ^{e Plut. in Ages.} desunt, qui sibi noua referri indignanter ferunt, quæ si ^{f Marcellin.} exprobraretur, quod nescissent. Locrorum magistratus, si quis peregre rediens, quæsisset: Quid noui? multam dicebant. Suspectum enim de seditione, & nouitatis studio habebant. [g] Deo tamen placere, & principi, ^{g Plutarch.} qui & ipse sit seruus Dei, non admodum est operosum, Non imperabit ille quod Deus verat, non puniet virtutem, iustitiæ viam suo monstrabit exemplo.

§ 3.

Simul autem cum principe proceres habere amicos non multis, nec diu concessum. Multi sibi reges, pauci ^{Socios demereri difficile est,} collegas demereri, nemo oēs potuit. Adeo res lubrica est, vt hoc ipsū regi placere, amicis regis reddat inuisū. Nō n. in palatio amicorum amici sunt cōes, liuor semper reperit odiorum causas, odium sui fecundum, ex qua- nis causa scæuit. propter dissentientiū varietatem in aula

*Amor fi-
liae.*

maximè verum est, nulli esse amicum, qui omnibus sit amicus. Vigent æmulationes, malæq; testæ simultates faciuntq; vt crescētium commoda suam calamitatem existiment. Cum in altum quispiam euehitur luminibus infra stantium obstruit, & molestus est. Placere regi laborant, fauorem ambiunt, atq; id ea rivalitate, studioq; quo se ostendunt principem non amare. Proci, quorum est impetuosa, ardens, & per gladios itura rivalitas, non sponsam ipsam amant sed suas quisq; quas ex illa sperat, voluptates. Nunquam Paris amavit Helenam, non Hercules Omphalen, non Absolon sororem. Non enim illis, sed sibi ex illis bene esse voluerunt illas ipsas oderunt, quia sui causa in multas calamitates miseras coniecerunt, atq; infamarunt. Si Helenam amasset Paris, domo regia, à marito illius amantissimo, ex Græcia in barbaram terram non abduxisset, non omnium execrationibus obiecisset, & quod caput est, non fecisset adulteram. Amoris falsi improbitas ex cōparatione veri intelligitur. Parentes filiam natura & instituto vehementer diligunt, nuprias felicissimas, vi-

*Parentum
amor.*

rum honoratum, excellentem, beneuolum exoptant, deteriori nubere verant, vbi melioris est copia. Filiæ nimirum optimè esse volunt, illam agere ætatem in matrimonio felicem. At procerum alia mens est, sibi eam postulant, quamuis alij locatam credant fore felicitem, secum per labores & inopiam viuere, quam in re lauta cum rivali. Hæc fabula in aula continuo agitur, rarus est principis amator, gratiam ambiunt, se primos omnium, alios exclusos esse cupiunt, etiam meliores, prudentiores. Multis commodis principem fraudulenter priuant, cum amouent, quos se præstantiores cognoscunt. Oderunt reges, quos ope magnorū virorum destituunt. Quis enim in aula etiam dignioribus cedere paratus est? Si vere principem colis, si non ad oculum seruis, de gratia & fauore secunda cura sit, aut nulla, prima de vtilitatibus Domini tui. Athenienses, cum in acie Arcades honoratiorem locum obtri-

*Rivalitas
aulæ.*

nui-

nuissent, Lacedæmonum iniqua dispositione, de loco periculosam contentionem omiserunt, se vbiq; fortes viros fore protestati. [b]

*h Xenophon.
Plutarch.*

§ 4.

Populo placere & facilius est, & magis necessarium. Principum enim familiares quos vulgus exosos habet, ipsis quoq; odium & periculum creant. Et cum auctor est, leui momento deficiunt, causati per improbos regem, à iusto, & legibus abduci. Eaque ex causa olim plurimas legimus, & nostro ævo videmus seditiones, rebellionesque. Populo placere facilius dixi, graui scilicet bono, & mediocriter malo; quia belua est multorum caput, quæ vna casside integri non possunt. prudenterque disputat Nazianzenus; curare beluam quæ ex multis, diuersisque constet naturis, quæ dispari cibo sit alenda, esse difficilimum. Talis est belua populus corruptus, & bonus, in quo multitudo maleuolorum magna est, qui malos mali oderunt, bonis inuident. Ex tot millibus plurimi in eo solo conueniunt, vt sibi bene esse velint. Pessimorum exemplum fuerunt Ephesij, ciuitas illa Hermodorum in exilium egit, quod nullum secum bonum pati veller. Siue ille simulatè, siue verè vir bonus fuit, illi certe tanquam bonum mali expulerunt; quo facinore omnes necem meruisse Heraclitus censuit. Eiusmodi in Aristide, Phocyone, Socrate Athenienses fuere: vt Laërtius, Plutarchus, alique referunt. Inter Christianos tam improbus vniuersim populus nusquam est, quocirca facile illius fauorem obtinet, cui fama est integra: etsi enim plebis sit temerarium iudicium, non tamen odisse solet, nisi quos improbos suspicatur. itaq; populi odium semper antecedit infamia, quam facile tuentur boni viri. verum procures & æmuli etiam ex secunda fama dolorem, ac proinde odium concipiunt. Famam igitur sollicita cura tuebitur palatinus, Ne regibus exprobreter, quod Augusto eques falso accusatus obie-

Populus belua.

Ephesij Hermodorum expulerunt.

Fama fauorem efficit.

D 3 Et ab at:

ctabat: In posterum cum de honestis inquiris, honestis manda-
i Dion. in to. [i] Porro plurimum aberrant, qui popularitate qua-
dam, & lenitate conciliare plebis animos conantur.
Non amantur illi, sed delectant, viles habentur, & hi-
strionibus similes. Amabili grauitate, & virtute pla-
ceat aulicus. Non quæruntur in leone blanditiæ, sed
Popula-
ritas.
k Orat.
de Basilio. regia grauitas, in vultu, verbis, factis, qualem in Basilio
Nazianzenus laudat. [k]

§ 5.

Qui DEI, regis, principum, populi amorem con-
Ioseph
constanti
fauore v.
sua. stanter tenuerit, vnum Iosephum lego: fecit hoc be-
neficij magnitudo, potius tamen DEI prouidentia, qui
sanctum virum post fraternam inuidiam, plagiumq;,
post dominæ ardentis, & sæuiantis insidias, post car-
ceris ærumnas, solatio solido, non interrupta lætitia
fui voluit: Christi enim resurgentis & regnantis ty-
pum gessit dum vixit, & dominatus est in vniuersa ter-
ra Ægypti. Non contingit hoc aliis, nec necesse est. Ni-
mis verum est: placere multis, est displicere bonis.
Non est hoc admodum laudabile, sed placere, vt Pau-
lus monet, in bonum. Quod si omnium te odia pre-
munt, sufficit illius amor & fauor, qui Paulo dixit: suf-
ficit tibi gratia mea. In solo DEO satis præsidij est ad a-
liorum alienationem vel compescendam, vel mutan-
dam, vel certè tolerandam. Qui sanctis suis leones, ti-
I Surius. gres, vrsos, vt S. Humberto, seruire iussit, [l] etiam ani-
mos hominum ad mansuetudinem inclinabit. Mori-
tutorum plausus sine DEO flunus est, & quasi funebris
conclamatio, frequenter exitio. Populum veneraris?
sibi multum permittit, plus ab aliis exigit. Populo fi-
dis? mobilis est ille, tu in fluxu & vento ædificas: flu-
ctu turbidior est populus. [m] Summum in illo ma-
lum, quod cum non intelligat, tamen indicat, [n] tor-
rentis ruit impetu & strepitu, non audit, non sistitur.
Quilibet improbus illi pro vento est, qui mare ciet sua
sponte quietum, vt Polybius, Stadius, [o] Herodia-
nus. [p] Hanc varietatem expertus est Dunstanus, vir
Eccle-

m Seneca
in Hercu-
le.
n Herod.
in Clio.
o l. 1. Syl-
uarum.
p Epist.
77.

Danieli, quam nostris aulicis similior: [q] In aula, in q *Histor.*
 Ecclesia, Palatinus & Archiepiscopus semper Deo, *Anglic.*
 plerumq; populo, rarius verò regibus & proceribus fa- *Surius.*
 tisfecit; Coluit reges, & fido seruitio seruauit bonos & *S. Dunsta-*
 malos, Ethelstanum, Edmundum, Edredum, Eduinū, *mus auli-*
 Edgarum, Eduardum, Edelredum, mentis semper in- *cus simili-*
 uictæ aduersum spes & metus; Publico bono absq; sui *mus Da-*
 periculi respectu sapienter ac fortiter consulebat. Non
 putabat se mala pati, cum recte ageret, virtutis in hoc
 æuo præmium vnicum; & bono viro experendū iudi-
 cabat calamitates & dolores: quòd de fructu beatæ æ-
 ternitatis nihil decerperent, gloriæ messem augerent.
 solitus dicere, cum veritate offensos dominos videbat:
 reges occidere posse, nocere sibi nō posse, quod ex san- *r Apolad*
 ctissimo Philosopho ac martyre Justino [r] acceptū a- *Anon.*
 nimo condiderat. Consenuit ille in seruitio sancto re-
 gum, retentâ & innocentiâ, & auctoritate. Nectam hoc
 agebat, vt ipse regibus, quam vt Deo placerent reges.
 Quod præclaro atq; omnibus sæculis memorando fa- *Dunstani*
 cinore demonstrat. Eduinus diademate insignitus de- *nobile fa-*
 more dabat proceribus conuiuium, quod magnificen- *ctum.*
 tia regia, & lætitia publica dignum erat: at ille amoribus
 perditus, detritâ fronte, contemptis magnatibus,
 vt erat coronatus, ad pellices, vt illis se iactaret, com-
 messatum abit, vbi depositâ coronâ vnguentis delibutus
 agitabat; proceres initio cum nescirent quam ob-
 rem conuiuium rex excessisset, nihil sinistri suspicari, co-
 gnito regem cum scortis esse, diemq; inaugurationis,
 regni maiestatem, principum dignitatem tam fædè
 polluere irati sunt: neq; à talibus initiis exordia imperij
 inchoantem porro melius sperabant acturum. cresce-
 bat conuiuantium liberrima indignatio, seque mutuo
 tum ira, tum vino accēdebant. Nemini tamen tantum
 animi fuit, monere regem vt auderet; cōmunem que-
 relam nullus sui vult esse periculi, vbiuis potiùs, quam
 vbi proderant, verba iactabant. Neminem regis ignari
 discrimen monebat, res enim prope tumultum erat.

Tum vero Dunstanus ne eadem dies regi initium, & finis regni fieret, ne conuiuium sanguine deflueret, ad regem male sobrium ingreditur, serio sapienterque reprehendit, cunctanti diadema imponit, è gynecæo manu prehensum extrahit, proceribus restituit, pacem conciliat. pellices muliebri ira furentes mortem seruatori suo machinantur; rex exilio contentus fuit, quod summa cum laude suscepit Dunstanus; regem mox ignaue, libidinosè, iniustè regnantem procerum coniuratio regno expulit: Dunstano reddita dignitas est, ipsi laboriosa, rei publicæ salutaris.

C A P. XI.

Rempublicam & Aulam adeunti prima cura sit placere Deo.

§ I.

*Cura au-
lam ad-
eunti.*

PLeriq; ad primos regum congressus pauent, oratione exquisita, voce, gestuque quo maximè dominos demereantur, anxij vtuntur. Prudenter Telemachum Poëta dubitantem inducit, quomodo Nestorem alloqui, quo honore colere oporteret. Magnam vim habet primus aspectus. A D E O quoque spectantur initia, in quem illa finem tendant: finis enim vnicuique propositus facta antecedit, efficitq; malorum bonorumq; discrimen. Hic cunctis Daniel exemplo præit, & monstrat Deo placendi modum. [a] *Proposuit autem Daniel in corde suo, ne pollueretur de mensa regis, neq; de vino potus eius: & rogauit eunuchorum præpositum ne contaminaretur Regem quoque præferocem, vt D E O placere coneretur, eius potentiam explicando, inducere laborat.* [b] *Idem animus sociorum illius, agere ne contaminarentur. Quod propositum adeo fixum animo habuerunt, vt nec ira tyranni, nec fornax septena incendia voluens deterruerit, [c] non oportet nos de hac re respondere tibi.* Quam verò impuritatem Daniel locique

que fugerunt? cibos mensæ regiæ, non quod dicerent, *Mensam se illos spernere, legumine & aqua delectari; quam regiam fugiunt.* diffimilationem corruptor scripturæ Josephus falso sanctis attribuit, sed verâ patriæ religionis professione, quam cum nominû mutatione & exilio nequaquam deferere obfirmarunt. Periculum porro erat etiam in sociorum conuictu, colloquioque, & dæmonum cultu, quem separata mensa pueri deuotabant. In regiam mensam inferebantur variæ carniû deliciae, condimenta;q; vetita Judæis: Etiam idolothyta, Belo litabant, diuisque aureis, & argenteis. Ipsas etiam delicias horrebant, adolescentiæ inimicas, sapientiæ aduersas. Vino igitur abstinebant, quod Babyloniis duplex de vite & palma, vt docet Herodotus. [d] d l.i.

§ 2.

Fatalis est virorum nobilium error, ipso in limine impingens, & scopulus multorum naufragio infamis, dolosæque *mediis in fluctibus ara*, ad quas aulicæ sapientiæ illisa ratis frangitur, & quæsitâ operoso seruitio opes, spesque immodicas in ventum, & vortices effundit. Gratiam DEI spernunt, tempori cedant, regum procerumque fauorem per fas & nefas aucupantur, numinis cultum amoremque ad tempus seponunt, virtutem post nummos, si fortuna volet, recepturi. Mundo obsecundant, & dæmoni, donec à DEO deferantur, à mundo opprimantur, à diabolo in captiuitatem abripiantur. Animo sincero DEVM illi non colunt, etiam cum religioni maximè vacare se putant: nam propter temporalia illum venerantur, quæ plus diligunt. ideo DEVM nō diligunt. Non intelligunt illi ab ostio se aberrare, & in ipsis principiis, quæ res tota in vita maximas turbationes, & difficultates efficit: hoc enim la- rete eos: DEO placere, vitæ humanæ summam esse felicitàtem, vnicum bonum. In stadio versamur, certantium lex est probare se illi, à quo coronam expectant. non de frutice aliquo, aut metallo, sed regni perennis

Error aulicorum.

Sincerus Dei cultus.

Omni vita fructus placere Dei.

immarcescibilem. In qua reddenda non facultatem, sed voluntatem Deus attendit: ut olim Augustinus, & ante eum Paulus docuit. Cæteris abdita est cuiusq; voluntas, de cuiusq; conscientia ex signis iudicant. cum autem nec facile bonus de malo suspicetur malum, & malus facile de bono male iudicet, non ex vero, sed ex se alium quisq; censet. In solo DEO, quia nullius rei est ignorantia, sola est æterna norma iudicij nunquam fallentis. Tantum itaq; ad vitam beatam quisq; proficit, quantum Deo placet, cui nihil potest placere mali, nihil displicere boni.

§ 3.

*Demure-
gas concili-
ant.*

Atque utinam vnicum hoc curemus, sine quo cætera carent profectu & emolumento! Profectu, quia à DEO est, ut aliis placeas. Ille ad te conuertet corda regum, quæ manibus suis versat, si ab illo tu te non auerteris. sin autem: & regem, quod durum tu arbitraris, & faciem suam, quod est formidabile, auertet. Itaque neque fructus est regis amicitia, si DEO sis hostis. Qui verò DEO conciliatus est, qui DEO seruit, regnum in omnes habet: cum enim amicum habet, qui omnia est in omnibus, omnia potest, & in omnes. Ambis amicitias pallidas potentum, & offensas cruentas reformidas? omnibus antepone omnipotentis, cuius in ipsos reges imperium est, amorem. Nefas est magis amare principem, quàm DEVM. Quod verbum frequenter in ore habebat Fredericus Tertius, autore Ænea Syluio. [e] Sententia planè digna maiestate regnantis, & seruitio obtemperantis. Si flagitium est præ DEO velle placere regi, immane crimen est, velle placere homini, ut displiceas DEO. Modus placendi, ne gentibus quidem in magnis tenebris incognitus planè fuit. ut nimirum ea studiosè cures, quibus corpore solutus indigebis: quibus autem defuncto opus non erit, ea omnia despicias, ad illa verò anhelan-

*e In Bo-
hinc.*

helando DEVM adiutorem poscas : quæ Pythagoræ doctrina fuit. Itaque meus Palatinus nullius verebitur offensam, si illam pietas exigit, nullius quæret gratiam, si culpa admittenda sit. Altè hoc animo imberat Aphianus Martyr, vt narrat Eusebius; [f] ille ^{Aphianus Martyr tyrannum offendit.} vir nobilis, magnæ in aula potētix, qui Vrbani præfidentem, cum apparatu ingenti dæmoni victimas immolaturum, prehensa manu à nefando sacrificio retraxit, verbisque grauissimis deterruit; nec dubitabat tamen præclarum factum grauissimo se supplicio luiturum, in quo non minus fortis, quam in asserendo DEI honore promptus fuit. Cura illa DEO placendi, Religionemque defendendi, in Joanne Diodoretiani familiarissimo vixit: Nam præsentibus Nicomedix Imperatoribus, contumeliosum in DEVM, ^{Ioannes Martyre dictum discipit.} crudele in Christianos eiectum de sublimi loco detraxit, & media luce, in foro conferto, increpita Cæsarum sæuitie, conserpsit. Latere inter multos poterat, fuga non negabatur volenti, auferre clam securum erat, sed supra virtutis mediocritatem euectus erat ille heros, asserere DEO honorem voluit, tyrannis placere timuit, Displicere sibi ostendit, quicquid contra DEVM ageretur, magnitudine animi cæteris Christianis ad generosas mortes robur iniecit. Egregium serui sui factum singulari mentis lætitiâ DEVS remuneravit: inter duros enim cruciatus, longissimamque mortem, nullo carnificum ingenio tantus dolor corpori admoueri potuit, quamuis per omnia viscera torqueretur, vt vultu mæstiore aut voce generosam constantiam obfuscarer. Tremebant Iudices, sæuibant carnifices, se vinci dolebant, in martyre vox hilaris & blanda, incunda in vultu renidensque serenitas, de multa pectoris luce & gaudio refulgebat, ^{Eusebius l. 8.} atque illo animo, quasi per rosam ad DEVM suum, cui placuerat, intrepidus proficiscebatur. ^{Baron. A. do.}

Non-

¶ 4.

Pigmenius.

Nonnunquam illa se rerum ac personarum effert conditio, vt non modo obsequi potestatibus contraria DEO præcipientibus non oporteat, sed contemptum etiam ostendere, beneuolentiam aspernari, ne vel atrocita facta approbare, vel à religione desciscere videamur. Hac mente Pigmenius Julianum spreuit, infelicis Apostatae sanctissimus præceptor. Illum Cæsar Christianismi accusatum in exilium ire iussit, professus se hoc magistri sui meritis tribuere, vt soli exilio legendi potestatem liberam faceret. In Persas exulatum abiit, plus fidei apud barbaros, quam sub Apostata fore ratus. Inde postea Romam reuersus, cum cæcus duce puero occurreret Juliano, atque ille gratulabundus exclamaret: *Diū gratiæ, quod te video*: comitatem enim affectabat; martyr respondit: *Gratias ago Deo meo, quod te non video*. Ne videre quidem tyrannum, voluit, nedum placere, tantum aberat, vt exilij, cæcitatatis, inopiæ, malis victus de constantia remisserit. DEO qui placet, illi cætera parent, etiam beluæ, vt Florentio Argentinensi Episcopo. Charilephus in syluam se DEI cultor abdiderat, Childebertus rex faceßlere inde iussit indignabundus, tuibatæque venationis impatiens: Deus tamen fidum seruum non destituit, regem abire molientem, cum paululum discessisset, vi arcana detinuit, equus quasi fixus nulla arte loco moueri potuit, nec ex eo rex descendere. Intellexit viro sancto factam iniuriam, conuerso equo ad eum redit, supplex veniam petit, impetratq;. Didicitq; non facillè lædendos, quorum instituta DEO placerent.

¶ 5.

Florentinus.
Charilephus.

Non pauci tamen illa cura se fallunt. DEVM enim eosdem induere affectus, quos ipsi habent, æquum opinantur, eumq; in suam sententiam conantur adducere, vt non DEO ipsi, sed ipsis DEVS placeat. Non est illa norma Sanctorum; illi quæ DEI placita norunt, semper agunt, vt à DEO agantur,

Numen

Numen colenti cuncta dirigit Deus.

Vis non errare? DEVM sequere. vis non frustrari? DEO fide. Vis consequi quod vis? velis quod DEVS vult. Etiam si aspera & graua videantur. Victor ex aula nobilis cum dirissimis tormentis cruciaretur, iudexq; Sebastianus crebro ingeminaret: *Sacrificia, non satiam;* inquit, *quod tu vis, sed quod DEVS vult.* [h] atque in eo proposito, capite deorsum suspensus, triduo perseuerauit, mansit immotus, lætusq; aliorum hortator, pronuntiataq; sententia, vt viuus degluberetur: *cutem,* inquit, *detrahere poterunt, cogitationes tamen, & mentem non superabis.* Si graue supplicium instat, ne time, DEO placebis. opes oblatae sunt, DEO placere stude, multi eas fugerunt. Iodocus filius regis Britonum, regno contempto horrida eremo splendorem aulae mutauit. Juditha regis Britonum filia augustos thalamos, regias opes deseruit, rogata causam, & cur tritae laceræq; lacernæ, & pauperis tugurij non puderet. His sese suo sponso placere respondit, eique similem se fieri, qui cum esset diues, pro nobis factus est egenus. Nunc placere se DEO existimant, si omni studio honores, opes, voluptates congerant. Hæc si ad voluntatem fluant: tum verò seruire DEO lubentes, volentes se iactant, sed in faciem DEO benedicunt; si ista remoueat, qui dedit, mox lamenta & desperatio. Qui DEO placere cupit, qui DEO nititur, gratum habet, quicquid DEO placuit.

Victor Martyr.

h Metaphras.

Omnia Deo postponenda.

C A P. XII.

Fidelitas palatij & curiæ, illa principi & DEO præstanda est.

§ I.

Ministri prima dos, qua domino commendatur, fides est. In regis, regnoque præcipuus error infidelita-

Fidelitas delitatis cuius ne nomen quidem ad aures admittunt, *in aula prima virtutis.* qui rem non fugiunt. Fidum, qui dixit, omnia complexus est. Nullum regibus acceptum est nisi à fida manu obsequium. Cætera animi corporisq; ornamenta, si absit fidelitas, suspecta sunt & tanquam fraudum instrumenta odio habentur. Fidelitate nos omni tempore opus habere, & pace & bello demonstrat Clemens
al. 2. c. 3. fromatū. Alex. [a] Illa se dote iactavit Lacæna bello capta. rogata, quid sciret? respondit: *fida esse*. Haud alius fidelitatis æstimator est DEVS. imo seuerus fidei exactor, & qui specie fallaci decipi nequeat. Vere inter multa mala Propertius:

*Non boue mactato caelestia numina gaudent,
 Sed qua præstanda est, & sine teste fide.*

Daniel Propheta fidelis coram Domino, primo in regiam ingressu, vt supra exposui, ne fidē DEO violaret, *bc. 1. 8.* magna vitæ austeritate cauit. [b] Jus suum DEI semper asserit. Fidus autē est, qui Domini sui cōmodis honoribusq; studet, eius detrimenta, qua potest, auerit, iura propugnat, occupata repetit. [c] *cc. 2. 28. Daniel Dei causam agit.* *dc. 2. 22.* *Daniel Dei potentiam ostendit.* *cc. 4. 22.* *fc. 4. 32. c. 34.* *Mysteriū, quod rex inter-* rogat, sapientes, magi, arioli, & aruspices nequeunt indicare regi. Sed est DEVS in calo reuelans mysteria, qui indicauit tibi rex Nabuchodonosor, qua ventura sunt in nouissimis temporibus. & deinceps [d] omnia regna in manu DEI esse docet. In diebus autem regnorum illorum, suscitabit DEVS celi regnum, quod in æternum non dissipabitur, & regnum eius alteri populo non tradetur: comminuet autem & consumet vniuersa regna hac: & ipsam stabit in æternum. atq; ita regem edocuit, vt exclamaret: Vere DEVS vester Deus Deorum est, & reuelans mysteria. Fidem illam præstitit DEO, etiam aspera, & calamitosa denunciando. [e] *fc. 4. 32. c. 34.* *Eiicient te ab hominibus, & cum bestiis ferisq; erit habitatio tua & sanum vt bos comedes, & rore cali insunderis: septem quoq; tempora mutabuntur super te, donec scias, quod dominetur Excelsus super regnum hominum, & cuiusq; voluerit, det illud. Et bene rex profecit ex boue factus homo, dum laudat & glorificat DEVM regem cali. [f] Collegæ quoq; Danielis fidem*
 DEO

DEO præstiterunt, in medio fornacis : [g] Ecce enim ^{g.c.3.17.} ^{18.} DEVS noster, quem colimus, potest eripere nos de camino ignis ardentis, & de manibus tuis, ò rex liberare. Quod si noluerit, notum sit tibi, rex, quia deos tuos non colimus, & statuam auream, quam erexisti, non adoramus. Eandem fidem Balthasari ^{h.c.5.24.} morituro exhibet, [h] & dum orationem non omit- ^{i.c.6.10.} tit. [i] Toto tractatu deinde DE I potestatem & Chri- ^{k.c.7.9.} sti imperium describit. [k] de Antiocho [l] infido. ^{seq.} Neq; minus fidelis regi: Nam, qui DEO suo fidem obe- ^{l.c.8.26.} dientiam, & amorem præstat, non potest non esse fide- ^{Daniel regi} lis vicario summi regis; Rationem & conscientiam ^{fidelis.} consulit, & vitæ totius regulam seruat, qua iustus esse docetur. Quanta fide, atq; integritate regi seruiert, in confesso est. Testimonium dicunt Medi & Persæ, principes magni, hostes infesti, non esse locum calumniæ. ^{m.c.6.5.} [m] Dixerunt ergo viri illi: non inueniemus Danieli huic aliquam occasionem, nisi fortè in lege DEI sui.

§ 2.

Fidei etymon est, vt fiat quod dictum est, ad quod ^{Fides in quo} etiam pertinet, vt quod fit, absq; simulatione peraga- ^{consistat.} tur. Infidelitas si aliud sit, quam dictum, aut quod agitur in speciem emolumenti sit damnosum. Fides eadem in vtroq; palatio exigitur, cælesti, & terreno. ab ea ne discedatur, aut spe, aut metu vtriusque regni lege sanctum est. Seruandi sunt in acie ordines, & mors eodem in vestigio expectanda. maior autem fidei necessitas, cum publice aut priuatim clades ingruit. fidem secunda poscunt, aduersa exigunt. Eam præstare DEO reges & magnates tanto magis tenentur, quanto magis illis opus est multorum fide; quodque plurimorum fidem vnus perfidia reddere irriatam potest. Monet reges & Principes Nazianzenus. [n] ^{n orat. 27.} Orbis vniuersus manui vestræ subiectus est, diademate paruo, atque exiguo panno retentus. ^{Reges egent} Supera ^{fide.} solius DEI sunt: infera autem vestra etiam sunt. Subditis vestris deos vos præbere: liceat enim audacius

cius aliquid dicere. Corregis in manu D E I est, vt ex Scriptura audimus, ac credimus.

*Ignobiles
in aulam
adscripti.*

Hic imperium vestrum sit, non autem in auro & in exercitibus. Aulici procures, ac sublimibus thronis & dignitatibus insignes, ne ob potentiam magnopere animos efferatis, nec de mortalibus rebus tanquam immortalibus cogitetis. Fidem imperatoribus seruate, sed prius D E O, propter quem his etiam, quibus commissi & traditi estis. Qui generis splendorem iactatis, date operam vt mores quoque nobilitetis: aut aliquid dicam, iniucundum quidem & molestum, at nobile tamen & generosum. Nam tum verè nobilissimus vester ordo esset, nisi libelli ignobiles etiam in vestrum album ascriberent.

§ 3.

Fides nulla in scelere præstatur.

Infidi sunt, quicunque malis artibus fidem principi probare suam conantur, fallaciam illi in fidelitatis locum substituunt, sinceritatis colore tinctam. Fides non est, qui contra officium præstat fidem, vt Amb. de officiis. Augustinus fidem esse negat, si peccato præstetur. Hoc enim in genere fides criminosa est, quod etiam Gentes numinis ignaræ intellexerunt. Seneca in Herc. Oeteo.

*Præstare fateor posse me tantam fidem,
Si scelere careat: interim scelus est fides.*

Fides iustitiæ fundamentum est, non administra criminum. Cicero in offic. Horatio dicitur iustitiæ soror incorrupta fides. Preciosa res omnino in aula fides: magis enim principem tuetur, quem valla, quam ferum. Hoc enim sine fide periculum auget. Interim non emitur fides donis, quin potius

Precio parata, vincitur precio fides.

Quia autem precia potentum ad eos alliciunt multos, ideo notus adulter ait:

Non intrat vnquam regium limen fides.

De regia Agamemnonis, illiq; similitum si quis negare velit,

velit, exemplis confutabitur: fidelium principum pa-
latia non excludunt fidem si DEO incorrupta serue-
tur. Fida impetio Thebana legio mori maluit. [o] Thebana
quam idolis sacrificare, quam defendi, principes eius legio.
Mauritius & Exuperius ad imperatorem legati fidem o Surius.
spondent. *Milites sumus tui, sed tamen serui DEI.* Ado. V. si-
longa; ardus.
oratione ostendunt, non posse sibi in castris credi, si in
DEVM suum sint perfidi: grande enim scelus fidem in
Baptismo datam numini violare.

§. 4.

Fidelis igitur est, qui pro DEI, & pro principe suo *Vera fide-*
mori paratus, DEI causa omnia, principis ergo impe-
rata facit, & ea ad quæ fides obligat, & hæc tamen in-
DEVM refert. Hæc fidelitas est sanctissimum hominis
bonum, nec vlla ad fallendum necessitate cogi po-
test. Hæc ficta omnia fugit, nemo enim fidus inuisis se
mendaciis contaminat, ut Pindarus occinit. Infideli et-
si multa adsint bona, nulla tamen vera virtus est. Hæc
virtus tanto preciorior, quanto in aula rarior, ubi ma-
gna turba sectantium, pauci fideles, fortunæ comites
multos, paucos fideles princeps numerat. Fidem tamen
in magna fortuna illustrem Alexandra Imperatrix DEO *Alexandra*
in prius, deinde marito seruauit. [p] *imperatrix.*
dignitas, nec matrimonij angusti illecebræ; nec vis *p Surius*
tormentorum, à fide data Christo, auellere potuit. *Nicoph.*
Fida ad necem usque perstitit; & DEVS quoque illam ad-
mirando euentu probatam sibi ostendit: Religionis
causa in fornacem calcariam Babylonicæ non impa-
rem conicitur, in illa post triduum non modo sine no-
xa, sed spectatissimo fulgore lucens, quasi astrum ali-
quod cæleste, inuenta est. populum miraculi magni-
tudine ac nouitate attonitum non verbis magis, quam
factis ad virtutem conuertit, ut regnum Christi mul-
torum comitatu regina ingrederetur; ad quod iter sæ-
niente adhuc superstitione, crepidis ferreis induitur,
sed candentibus; vicit tamen ignem ardor fidei, nec

E

lædi

Andreas
Chimus.

lædi potuit corpus, quod anima cœlestis vegetabat, donec permissu numinis gladio truncata, integram secum fidem anima cœlo intulit. Multa veterum sunt facta, fidei benè cultæ monumenta. Insigne plane Andree viri nobilis, qui natione Chius, illustri facinore fidei Christianæ dignitatē ac robur Mahometanis ostendit. Cum ingentia illi munera Turcæ pollicerentur, celso animo silentium tenuit: hostes magnitudinem animi interpretati contumaciam, tumultuose instabant. Tum ille: *Non esse digna responso quæ proponerent. Non esse terrena miscenda cœlestibus. fidem se Christo dedisse, hostibus diuinitatis renunciasse, perfidiam omnem sibi displicere.* Mox ad tormenta itum. reperit gens sæua quicquid excogitare crudelitas, quicquid ferre potuit patientia: corpus laceratur, vitur, deinde plagæ ipsæ, & vulnera cruciantur; hæc per diem certamina, noctu, in carcerem compingitur, diuinâ potentia sanitas vigorq; redditur. Multos dies admiranda vicissitudo tenuit; interdiu sæuiebat carnificina immānissimæ gentis, noctibus verò Martyr ad noua supplicia renouabatur, donec DEI voluntate, non crudelitatis barbaræ arbitrio mors adueniret, & in Martyrum consortium spiritus emigraret. Cum interim animus inuictus cuncta contemneret, & tormenta, quasi in alieno corpore, non æstimaret, solum in hoc intentus, vt quam diutissimè Christum coram hominibus confiteretur, & spectantibus Angelis legitimè certaret: discerent etiam infideles, non posse fideles vinci, sed coronari.

§ 5.

Fortis animus & fidus etiam speciem perfidiæ abhorret. Militum quidam [q] imperante Juliano, cum per fraudem & ignorantiam thus in ignem coniecissent, & adolentium idolis speciem dedissent, ipsi nullius sibi criminis conscijs sub meridiem corpora curant, sibi mutuo in Christi nomine propinant. Audiit hoc è gentilibus quispiam, atq; amarulenta irrisione increpat,

q Nazianzenus orat.
2. & Theodoretus.
Militum in fide zelus.

pat, quod deorum operati sacris, Christi nomen iam abdicatum, in cōuiuio honorarent. Tum primum deceptos se intelligunt, & quamuis sola manu, non mente peccassent, dolore accensi labem innocentiae illatam eluere statuunt, & perfidiae, quamuis falsae, probro se liberare. In publicum igitur erumpunt, praesidem ad-eunt, Christianos se profitentur, mortē orant; eam sibi deberi, vel ex lege Cæsaris, quod à Christi fide deficere nolint, vel ex merito, quod dæmoniis immolasse putetur; hanc infamiam, seu veram, seu falsam omnibus tormentis magis esse intolerabilem, omnibus mortibus grauiorem. miraculo virtus fuit, parcitum est mori paratis, clementia contristauit inuitos. Fides etiam exigit, vt speciem perfidiae non metuat, qui fidem seruare velit. Pipinus, proceresq; nonnulli in Carolum coniurabant, verba conspirantium Fardulfus Longobardus sacerdos excepit, deprehensus metu mortis intentatae, silentium iurare cogitur, eas Carolo tamen insidias indicat, neglecto iureiurando, quod violatum, perfidiae speciem, seruatum verò perfidiae crimen habebat.

*Species per-
fidiae falsa
non curanda.*

¶ 6.

Hac ex fide manat altera, quæ principibus semper deberetur, & patriæ p̄uiatisq; Non pauca referuntur fidei benè cultæ exempla. Sic Alcestis Admeto marito animam impendit. [r] Sic Quinti Ciceronis patris, & filij mutua fidelitas. sic, quod mirabilius est, seruorum quorundam in dominos clara fides. M. Antonius orator incesti accusatus ad quæstiones dare seruos coactus est; ex his nondum ætate adulta vnus, vt dederetur poposcit, grauiam sustinuit, nec dominum indicauit. Alius Domino proscripto, in speluncam abdito, se Dominum esse mentitus, pro illo cæsus est. Alius mutato habitu Dominum subire lecticam iussit, ipsa in eâ residens à persequentibus obtruncatus est, Dominus quasi lecticarius euasit. [s] Michaëlē Zigalium à Cor-niuo rege Vngariæ captum coquus seruauit. [t] Verum illa vetera comparata fidelitati sanctorum iara sunt, &

*r Eurip. in
Alcest.
Plato in
Sympos.*

*s Sæton.
Dion.
Tacitus.
t Bonif.
1. dec 3.*

exigua, si consideremus quot millia martyrum, doctorum, Episcoporum pro aliorum salute morti se fideliter obtulerint, quanta egerint, tulerintq; ne alios proderent. Sanè apud veteres omnia plena perfidiæ, Christiani pactorum & promissorum tenaces fuerunt. Quin hoc ipsum res ipsa docet: pauci veterum regum sine sanguine obierunt, pleriq; Christianorum principum in pace decedunt: Fidelitas est enim Fidei filia, vt deinceps ostendam.

C A P. XIII.

Fidum homini neminem esse, qui Deo non credit.

§ I.

Impius infidus.

VNus hominum error penè omnium, maior in aulicis, in rege maximus: se suaque credere infidelibus, impiis. Turcus est, inquiunt, Judæus, Hæreticus, blasphemus, heluo, scortator, ariolorum auditor: verum tenax secreti, fidus Domino. Non est, inquam, fidus. subdola fidelitatis larua aditum perfidiæ quærit. Qui DEO non habet fidem, omnes de perfidia suspectat. non principi, non collegis credit, non ipse sibi, nisi quod fallere sit paratus. Proinde cum neminem fidum arbitretur, nulli, quam à nullo expectat, præstat fidem. Verum hac de re Danielē audiamus. Omnium hominum teterrimum foie Antichristum nemo dubitat: proximo impietatis gradu eius familiares, & principes, abominationis eius, & criminum administratos.

a c. 11. 45. Horum perfidiam breui elogio describit Daniel. [a] *Et nemo auxiliabitur ei.* Impiorum in Romano imperio

b c. 2. 43. perfidiam idem indicat. [b] *Quod autem vidiſti ferrum miſtum teſta ex luto, commiſcebuntur quidem humano ſemine, ſed non cohærebunt ſibi, ſicuti ferrum miſceri non poteſt teſta.* Nulla fides ferro & teſtæ, ferrum comminuit opera figuli,

guli, & opus figlinum efficit fragile ferrum. Ne regi quidem impio fidendum. Amicus rex erat Danieli & sociis, at cum nefanda iussa recusarent, [c] repletus fu- c c. 3. 19.
 rore: & aspectus faciei illius immutatus est super Sidrach, Mi-
 sach, & Abdenago, & praecepit ut succenderetur fornax septu-
 plum, quam succendi consueuerat. Martyres socij Danielis
 in media fornace regiae infidelitatis causam adferunt
 improbitatem. [d] Et tradidisti nos in manibus inimicorum d c. 3. 32.
 nostrorum iniquorum, & pessimorum, prauaricatorumq; &
 regi iniusto & pessimo ultra omnem terram Sed & Chaldaei Nabucho-
 impij adoratores statuæ sodalibus infidi, prima occa- dono for-
 sione eos calumniantur. [e] viri isti contempserunt, rex, impius.
 decretum tuum: Deos tuos non colunt, & statuam auream, c c. 3. 12.
 quam erexisti, non adorant. Nec fidi Nabuchodonosori,
 quem regno eiecerunt. [f] Eiectus est, & saxum ut bos f c. 4. 30.
 comedit, & rore cæli corpus eius infectum est: donec capilli eius
 in similitudinem aquilarum crescerent, & ungues eius quasi a-
 uium. Darius etiam Codomannus extremo prælio Chaldeo,
 fugiens desertus ab omnibus, & ab amico vulneratus Persa, Ma-
 miserrimo exitu vitam, & Persicam Monarchiam fi- cedoni infi-
 nit: nec desperatum erat, nisi suorum perfidia cecidi- deles mani-
 disse. Lamentabilem regis fortunam sic Daniel de- strit.
 scribit. [g] Cumq; appropinquasset prope arietem, esseratus g c. 8. 7.
 est in eum, & percussit arietem: & comminuit duo cornua e-
 ius, & non poterat aries resistere ei: cumq; eum misisset in ter-
 ram, conculcauit, & nemo quibat liberare arietem de manu e-
 ius. Nemo acerbior, atq; immanior suorum in-
 fidelitatem expertus est, quam Alexander Magnus,
 qui per illos, quos ad summa euexerat, insidiis crebro
 peritus, veneno potatus est, cuius totam posteritatem
 amici ac perfidi clientes funditus exciderunt. quod
 Daniel suo more exprimit. [h] Et cum steterit, conteretur h c. 11. 44.
 regnum eius, & diuidetur in quatuor ventos cæli; sed non in
 posteros eius, neq; secundum potentiam illius, qua dominatus est.
 lacerabitur enim regnum eius etiam in externos, exceptis his.
 Cum negat posteros eius regnatos, ex more regum
 significat, trucidandos. Nemo tyrannus legitimos re-

gni hæredes tolerat. Balthasarem etiam Chaldaum Herodotus suorum perfidia desertum scribit, vocat autem Labinitum. Tarquinius etiam superbus defectione procerum, Julius Cæsar, alij ceciderunt. Nul- lum pene magnum regnum fuit, quod non perfidia malorum perierit, quod variis etiam locis Daniel indi- cavit.

ic. 9. 3. 4.
14. & 25.

¶ 2.

Deo infi-
delis non
est homini
fidus.

Fides igitur diuina virtusque fundamentum est hu- manæ fidelitatis, scutum & lorica contra mundi per- fidiam. Hæc docet in vnum D A V M recumbere, om- nia ab eo expectare, qui fecit omnia. nullum dolum infidelitatemq; lucrosam esse, obseruare promissa, fal- li malle, quam fallere, proximo vitam impendere po- tius quam aliena calamitate viuere. Hoc animo quisquis est, fidus & solus fidus est; qui autem D E I contemptor est, & cupiditatibus alternatur, non fini- tur esse fidelis. Fidem datam omne vitium oppugnat & fere expugnat. Superbia tumebat tribus Ephra- im, & seruatorem Gedeonem opprimere conabatur, inuidia victoriæ, qua seruitute liberati erant. [k] I- terum Jephthe victorem opprimere conantur, arro- gantia fecit infidos. Abimelechus septuaginta fra- trum interfector à Sichimitis deseritur, & occiditur. Egressus est ignis de ramno & excussit cedros Libani. De Abimelech egressus ignis inflammat Sichimum & Mellonem, & ex illis regula contriuit Abimelechum.

k Judi-
cum.
Abner.

l Iudicum
9. & 10.
m 2. Reg.
11. & 15.
leab.

[l] Infidus Absolon fratri & patri, quia improbus. [m] Abner diu fidus domui Saul, reprehensus ab Jsbo- seth regnum illi abstulit. Quam fortis Joab, & re- gno fidus! non perstitit tamen; ideo Salomon iussus est canitiem eius cum sanguine ad inferos deduce- re. 3. Reg. 2. Nunquam constanter est fidus, etsi sui commodi causa vna alteraue in re, qui improbus est: impietas enim expugnatu facilis est, quia à se dissidet, & in cuncta vitia trahitur. Magna auctoritas Achito- phelis

phelis, perfidia tamen, & turpitudine consilij ad restim illum adegit. Historiam profanam si attingam, plena omnia exemplis perfidiæ, Homo planè improbus Manuel in Conradum, exercitumq; in Palæstinam ad infideles expellendos euntem omni maleficiorum genere vexauit: quod alij Græcorum etiam perfide egerunt, digni Turcarum iugo ferreo, quibus fauerant. Magnū, sed triste perfidiæ improbitatis monumentum, nationis vniuersæ longissima, miserrimaq; seruitus. Prospera diu Nortmanorum fortuna, felicesq; successus, quos perfidia perdiderunt: isto cum Carlomanno fædere, illud eius morte finitum interpretari cupiditatibus agitati, vetera latrocinia repetunt, donec variis attriti cladibus regnante Arnulpho penitus deleti sunt. Iam quoq; multa nos docent. quoties pax cum Turcis inita? quoties ab illis violata? Nulla fides impiis, nulla pax. Vix vlli inter Græcos maior gloria, quam regi Pausaniæ, ille tamen quinquaginta talenta pactus Xerxi Sparram prodere aggressus est. Melechsalæ Ægypti⁹ cum se improbiſſimis militum, quos emerat, & munimiserat, incautus credidit, ab illis occisus est. Improbi atque infideles suorum vitiorum pondere feruntur, fidem non seruant. Lapidem illos appellat Clemens Alexandrinus. [n] Quare inter barbaros fidelitatis nomen notū est, metu, & vtilitate peraguntur omnia. Indi Pagæi, Troglodytæ ægri à proximis occidebantur, quod nunc etiam Anthropophagorū feritas in Occidente imitatur. Hinc cum morbis vexabantur, non à medicis, non à filiis, aut familiaribus subsidia vlla, sed necem expectant, ideoque in solitudines inuias, quo possunt modo, prorepunt, vbi inedia conficiuntur, aut vulsis radicibus viuunt: vbi enim ad summam feritatem vitia excreuerunt, humanæ societati locus nullus est. Homo nefarius Otho Longus Brandenburgensis Marchio, tutor Wenceslao puero regi Bohemiæ datus, Rudolpho Cæsari Bohemos trucidan-

Improbi infidi sunt.
Nortmanni.

Melechsalæ.

n Exhortat.

ad gentes.

Indi ægri.

Otho longus perfidus tutor.

Carolus
quartus.

o derebus

Henrici.

p in sua

Bauaria

lib. 8.

Boleslaus

Perfidia.

dos oblicere constituerat, & infami pupilli, regnique proditione crudele facinus peregrisset, ni Rudolpho misericordia fidesq; potior fuisset. Puero ille regnoque fœdera seruauit. Carolum IV. perfidia ducum Philippi Austriaci seruauit; cui, cum se imparem esse videret, aulicos tres auro corrupit, vt Philippum opinionione maiorum Cæsaris copiarum delusum retrocedere præ metu cogerent. Proditionem illam Carolus amabat, proditores oderat, & præmium sceleris ad ulterius pecuniâ persoluit, illam subleuata fidei veram tesseram, ac mercedem conuenientem iocatus. Maius sceleris perfidiæque exemplum in duobus improbitate pari principibus, narrat Adelboldus. [o] & Andreas Brunnerus noster. [p] Id Boleslaus tempus suum ratus (mortuo Blademario Bohemæ) Boleslaum Polonum, cognati sanguinis fiducia, vtpote Patris sui sorore natum federe sibi iungit, eiusque potissimum viribus subnixus, non expectata Henrici voluntate, Principatum occupat; Breue gaudium fuit; & qualia esse omnia conuenit, quæ sceleribus emuntur. Ille ipse quem rebus suis stabiliendis, raptæq; per vim potentia columen adsciuerat, vix erectum euertit. Polonus enim nimis à se simpliciter peccatum reputans, quod alienæ gloriæ fauisset potius, quam suæ, errorem modestiæ insigni impudentia correxit: Bohemæ, per simulationem amicitie, quæ turissima ad fallendum & regia via est, non modo de gradu dignitatis, sed etiam vitæ spe deiecto. Patrando sceleri hospitalis mensa delecta, à qua secure accubantem abstrahi orbatiq; oculis iussit non indignum ea calamitate, si alius auctor fuisset. Ita fratrum suorum carnifex iudem, quas exercebat, petitus artibus perditio recuperatoque per scelus imperio exutus, Iustitiæ vindici cecus satisfecit.

¶ 3.

Danielis æuo gemina contra Dei maiestatem perfidia mentes hominum cæcabat, & ne mutuo sibi fidem præstarent, magno scelere efficiebat: quæ in nostros mores vtraque perennauit, Pseudotheismus, dzmo-

dæmonum, & idolorum cultus, & Atheismus, eorum profanitas, qui aut nullum esse numen credebant, aut si quod esset, nulla prorsus rerum humanarum tangi cura. Vtrum malum humano generi nocentius fuerit haud facile explicatu est, vtrumque nocentissimum. Superstitio gentes in tætra & dira scelera impulit, vt merito poëta Atheus recensitis pseudotheismi malis exclamarit. [q]

*Superstitio.**q Lucretius lib. 5.**Tantum religio potuit suadere malorum.*

Atheismus peccandi & timorem sustulit, & pudorem, quin & peccati nomen. Superstitio feruentius veritatem, atheismus latius oppugnavit: illa gentes gentiumque reges in rabiem efferauit, vt Christianos Deo sceptrisq; fides non iudicata causa, sola nominis odio consumere suppliciis æquum iudicarent. [r] Facilis tamen superstitionis est in Atheismum mutatio, dum consultius existimant, nullos, quam pudendos habere Deos.

r Iustinus Apol. ad Antoninum.

Itaque sic idola etiam ex animo infidelium excidere. Nostorum etiam temporum infelicitas docuit, hæreses initia in sui propaginem, & augmenta arduentes, ideoq; cruentas in Atheismum definere. Nascuntur de hæreticis Cyclopes, quales Calviniani, & eorum sæces Libertini, qui vel omnia fluere, & fortuito geri, vel necessitate fatali, Stoam aut Epicurum secuti, putant euenire. Præcipua tamen pars aulae ad Epicurum declinat, prudentia sua mundum administrare se posse existimant, nullum tales numen credere, omnibus se accomodare, pro arcano reip. palladio habent. Hæc fuit impietas Babylonis, in quam tot diuorum dedecora abierunt. Mulier illa est, quam in campum Sennaar deferri Zacharias post tempora Danielis vidit. [s] Et ait: hæc est amphora egrediens. Et dixit: Hæc est oculus eorum in vniuersa terra. Et ecce talentum plumbi portabatur, & ecce mulier vna sedens in medio amphora. Et dixit: Hæc est impietas. Et proiecit eam in medio amphora, & misit massam plumbeam in oseius. Et leuaui oculos meos: & vidi: & ecce due mulieres egredientes, & spiritus in aliis earum, & habebant

*Hæreses in Atheismum definiunt.**sc. 5. 6.**Impietas in campo Sennaar regnat.*

E 5 bebant

bebant alas quasi alas milui: & leuauerunt amphoram: Et dixi ad Angelum, qui loquebatur in me: Quo ista deferunt amphoram? Et dixit ad me: vt edificetur ei domus in terra Sennaar, & stabiliatur, & ponatur ibi super basem suam.

Medi &
Persa A-
thi. t. c.
67.

Ad eam impietatem iam tempore Danielis præludebatur. Dario enim regnante editum Medorum & Persarum in caput Prophetæ editum est. [t] *Dari rex in aeternum viue: consilium inierunt omnes principes regni tui magistratus, & satrapæ, senatores, & iudices, vt decretum imperatorium exeat, & editum: Vt omnis, qui petierit aliquam petitionem à quocunque DEO & homine, vsq; ad triginta dies nisi à te rex, mittatur in lacum leonum.* An numen vllum inter ludibria deastrorum crederent, qui Darium iam moriturum, in locum deorum substituunt? Quid enim aliud agunt, dum ab aliis quicquam peti vetant? Quid cælum sistat, terra moueatur, mare exæstuet, lues vulgetur, Darius ipse moriatur, quis rebus labentibus opem feret? Nullum Deum credunt, qui talem fingunt, non potest in illis quicquam esse fidum, qui in fabricando numine, inuidia præceptrice, assentatione architecta vtuntur. Atq; hic quidem stultitiæ apex est, cum vel putant, vel videri volunt, Deum se facere posse, qui ne muscam quidem possunt. Fieri non puto posse, vt serio tales vnquam agant, sed mera esse ludibria, qualis erat Caius, cum se & equum suum Deum faceret. [u] Tanta stultitia dum vigere diu non potest, ab hac in aliam plane contrariam transeunt, qui numen esse negant.

u Dion.
Sueton.
in Caio.

Numinis
contem-
ptores.
w Exhor-
tat. ad
Gentes.
x....
y De nat.
Deorum.
z De vltis
Phil.

§ 4.

Quapropter Diagoras, Theodorus, Protagoras, Euemerus, Hippo Melius, Nicanor Cyprius, multique profanissimæ insanix Philosophi, de quibus Clemens Alexandrinus. [w] Epiphanius. [x] Tullius. [y] Laërtius. [z] omnem e rerum natura diuinitatem sustulerunt. Epicurus fortuitis atomorum concursibus ipsam rerum naturam constare delirauit. Deorum, quos colere videbant, pudebant, & certo sciebant, Deos esse non posse,

posse, quod perditorum sceleribus implicari, & criminum auctores iudicarentur, quo vno argumento Belerophon Deos negabat, & pedibus, & cogitationibus in campis Aleis errans, vestigia mortalium deuitans. [a]

a Homerus.
Plutarchus.
Causa Deos
negandi.

Mundi & Creatoris ignaris, quiq; nihil esse putat, quod vniuersum hoc condiderit, aut gubernet, nulla cura fidei, aut fœderum, nonnullam illi rationem adhibent, quibus anima naturaliter, vt Tertullianus loquitur, [b] Christiana, cum in discrimine est, b de anima.

cælum suspicit, & auxilium deprecatur. Fœdera illis sancta sunt, apud quos iuxta diuinas religiones fides humana colitur, vt verè Liuius. [c] fœdera, inquam, & pacta priuata, fides erga reges; quæ omnia violant numinum contemptores. Nunc etiam idem agunt impij

c de anima.
etc. l. l. 9.

raro palam & exerte artes & prætextus quærunt. Nunquam perfidos deficit causatio. quod male agunt, peius defendunt, nihil tam iniquum, cui non speciem iuris imponant. Hæc causa est, cur tam multi regum, principumq; domestica fraude pereant; improbis se commiserunt, sibi fidos crediderunt, qui sunt in Deum per-

Reges domestica fraude perant.

duelles. Hinc quotidianæ in palatio regum magnatūq; querelæ, ab amicis, agnatis, fratribus, clientibus collusoribus, compotoribus, in fraudem se duci prodi-que optimo prorsus iure ac merito, nec cura illis fuit, vt bonos legerent, nec agerent, quo boni illi redderentur. Vna ratio ab illis cauendi, si nihil credas.

¶ 5.

At vero cui animo fixum est, Deum Opt. Max. interesse nostris actionibus ac cogitatis, fidei sancte sincereq; cultæ remuneratorem, perfidiæ ultorem, illi semper

Iustus neminem fallit.

bene creditur: quia tam fallere, q̃ falli ab aliis metuunt. Quemadmodū enim Diuinam Sapientiā quaq; omnia cognoscit, perspicientiam, decipi à se nō posse certum habet, ita neq; hominem, etiam si posset in fraudem inducere, officij sui esse iudicat; dignus, qui cum in tenebris mices, vt est, in Patetia. Insigne exemplum nobis

aula

*Philæus
martyr.*

aula ipsa præbet. Philæus vir antiquæ nobilitatis, summa eruditionis, in Repub. palatioque Augusto maximis honoribus ita functus, ut magistratibus & fascibus dignitatem virtute sua addiderit, tanta fide, ut eius acta omnium consensu probata fuerint; ille, inquam, à prætexa & securibus ab aula ad infulam, ad pedum, & Ecclesiam translatus, Episcopus Urbis in Ægypto celerrimæ Thmuis electus est. Nullum in viro delictum. Sanctitas religionis Christianæ apud persecutores crimini dabatur. [d] desertur ad iudicem impium innocentia pietasque. Fidem abnegare, maledicere Christo tyrannus imperat, accedunt in causam amici, agnati, magna nobilitas, precibus, lacrymisque; martyre adfurgent, ut cruciatus mortemque; desertione aut verâ, aut simulatâ fugiat. Stat ille inter monitus gemitusque;

*d Euseb.
l. 8. c. 9.*

10.

Ado. 4.

*Febr. Su-
rius.*

suorum immobilis, vultus gravitate ac contemptu improuida consulta repudiat, ipso silentio venerabilior; donec Philoromus tribunus, & ipse in palatio honoratus, cum fidum Christi seruum magis inanibus argumentis & suorum stolidi sapientia, quam tormentorum, quæ apparabantur, expectatione, angi cerne-
ret, fidem Deo ipse quoque & Collegæ præstitit, atque exclamavit: *quid inaniter & superflue viri constantiam tentatis, quid eum, qui Deo fidem seruat, infidelem efficere vultis? quid eum cogitis negare DEVM, ut hominibus acquiescat?* Ipse quoque Philæus omnes deinde contestatus est: malle se omnia tormenta, quæ inferorum arbiter dicere posset, sustinere, quam vel Deo datam fidem iureiurando violare, vel subditis suis deficiendo dare causam ruinorum.

*Philoro-
mus.*

Antipas.

e Apoc.

2. 13.

f Euseb.

l. 1. Ado.

Baron.

T. 1.

Vtrique itaque, & martyri & exhortatori, data merces est, quam illis impietas ad exitium, Deus ad gloriam prædestinavit, uterque abscisso capite ad iustum iudicem, cui fidem seruauerant, cum laurea peruenerunt. Fidelis etiam Domini testis Antipas à filios Tonitruum laudatur: [e] fidem ille forti disertoque eloquio, plenus Deo spiritu Pergami defendit, [f] cum gentibus disputabat, eos & Deo & hominibus

bus

bus infidos esse conuicit, Deos eorum esse impostores, esse dæmones Apostatas, à Christianis illos vinci & coërceri, opitulari non posse, nisi quantum illi permiserint: Christianis solis fidem haberi. Hæc contestatus, forti animo superatis tormentis, æneo in boue tostus, quod crudelibus hostibus, Siculi tyranni supplicia placuissent, magna lætitia Deo spiritum reddidit. Tali quoque virtutum decore Isdegerdæ Persarum regis aula inclaruit. Hormisdam nobili prosapia, gente Achæmenidum, [g] rex vrgebat familiariter, vt Christo renunciaret, deos coleret, solem adoraret; instabant aulici, præmia perfidiæ proponebantur, qualia fides mereri solet. Tum ille sapienter, & grauitè: noli, *rex, in tuam perniciem esse facundus, suadere aut imperare noli, quo solum ruat sceptrum extorqueantur. qui DEVM negare docetur, ille regem contemnet & deseret. Antu homini fidum putas futurum, qui erga Deum perfidus est? hæc ille disputans, seruili ministerio ad camelos ablegatur, deinde exilio plectitur: nobilitatis & sapientiæ reuerentia tyrannum, ne sanguinem funderet, morabatur. Acerbiores eadem in aula Persici Busitidis, sub eodem tyranno, ob fidem Benjamin Diaconus pertulit. [h] Regi instanti, & extrema minitanti, ni patria numina, & solem coleret, eodem modo, quo Hormisda respondit: Quo tu illum, ô rex, dignum supplicio iudicares, qui te regnum eiecto, alium in solio tuo locaret: & diademate redimitum populis ostenderet? Nec dubium à rege responsum. Extrema exempla daturum, reum maiestatis, nec vna morte, nisi diuturna luiturum. Tum Diaconus: at sanè immānus est scelus, DEO deserto alium DEVM, alium mundi opifitem, rectoremq; in eius throno collocare. Scelestior est aduersus DEVM quam hominem perfidia: quanto scilicet hominibus mortalibus sublimior est æterna, & intrensā maiestas. contra eam si quis insurgat, & fidem rumpat, na tu vehementer erras, si homini fidum existimas. Non verebitur in humanis esse perfidus, qui cælum contempsit. Non rulit sinceræ veritatis libertatem tyrannus: nouo & inusitato suppli-*

g *Surius*
Rom. Mart.
tyrol.
Hormis-
das.

Benjamin
Diaconus.
h Ado.
Martyol.
Rom.

Deo infidus
non est ho-
minis infidus.

supplicio sæuitiam pascere decreuit, sudēs sub vnguīb. vbi est acutissimus doloris sensus, deinde verendis infigi iubet, demum per naturæ secreta stipite ramoso violenter immisso corpus animæ carcerem reclusit, quæ tanto gloriosior in cœlos ascendit, quanto contemptius erat & pudore ipso grauius supplicium.

Delectu igitur certissimo, sed raro in aula vtendum, vt eum, qui DEO fidus est, tibi quoq; fidelem speres. qui fidem Christi irritam fecit, qui iram cœli irritat, i Plin. l. 2. c. 7. eum in fide stabilem desperes: impius enim cum omnibus rebus bonis fidem deneget, non potest illi fides haberi. nec DEVM, nec hominem colit. [i] Del. 556.

C A P. XIV.

Improbos constanter caros regibus non esse, nec principes malos habere amantes suos.

§ I.

Fauor
malorum
mutabilis.

Sollicita agitatione plectuntur improbi, siue conscientia suppressa deseruit DEI mortuos, siue adhuc vellicat & mordet inquietos, anxiosq; Vultum, oculos, nutus, dicta regum obseruant, an forte offenderint, an delati sint. suspicax res est malitia, anguntur foris, in animo nulla est consolatio, cum de DEO, aut de vitâ cogitatur & morte, inuitos subit horror, cum de principe, sub ictu stare videtur sibi: nec enim fauorem sibi perpetuum spondent aut spondere possunt. Æternæ iustitiæ vigilans oculus suis contemptoribus haudquaquam gratiam stabilem fauoremq; principum indulget. Arioli, magi, sapientes Babylonis, non modo in amore, sed etiam æstimatione erant Nabuchodonosori, at ira subita omnes iubentur occidi, audit & inaudit. [a] Quotidie ista aguntur, impropiæ oriuntur offensiæ, inuitata & noua putant illi, qui vetera non recognoscunt. Ostendit Daniel multis hoc modis, inprimis in Antiocho & Ptolomæo: [b] Et ponet faciem

a c. 2. 6.

b c. 11. 17.

ciem suam vt veniat ad tenendum vniuersum regnum eius, & recta faciet cum eo: & filiam fœminarum dabit ei, vt euertat illud: & non stabit, nec illius erit. Videtur quidem charitas, sed falsa est, & mox in prælia erumpit. Antiochus Magnus Romano bello nobilis, Ptolomæum puerum Ægypti regem euertere, regnum illius occupare conabatur: idonea iniuriæ visa regnantis ætas, nec pacis, nec belli artibus matura. Duces tamen fidi & strenui auaris conatibus obstabant. senex igitur vt fraude puerum circumueniat, Cleopatram filiam despondet vxorē, addita ingenti dote, Cœlesyria, Judæa, Samaria, Phœnicia; at filix mandata nefaria dedit. vt maritū interimeret. [c] Verū apud Cleopatram plus valuit caritas mariti, quam iniusti præcepta patris, igitur Ptolomæum seruauit. Antiochus & filix, & genero infensus Ægyptum bello petit. In sociabilis est improbitas, nō potest cohærere, sicuti ferrum & lutum coalescere nequeunt. Dario cari erant procures Medorum & Persarum, belli adiutores, nauatæ operæ præmiis inclyti, velox turbo auram illam difflauit. [d] Iubente autem rege, adducti sunt viri illi, qui accusauerant Danielelem: & in lacum leonum missi sunt, ipsi & filii, & vxores eorum: & non peruenerunt usq. ad pauimentū laci, donec arriperent eos leones, & omnia ossa eorū comminuerunt. Eadē ratio non durantis fœderis & amicitix apud Danielelem. [e] Et post finem annorū fœderabuntur: filiaq. regis Austri veniet ad regem Aquilonis facere amicitia & nō obtinebit fortitudinē brachii, nec stabit semen eius: & tradetur ipsa, & qui adduxerunt eam, adolēscētes eius, & qui confortabant eam in tēporibus. Noluit Deus longo tēpore perseverare caritates impiorū, ne boni opprimātur. Vix vnquā amicitia integrior inter reges, & ex illa ingentia bella, quibus multos annos, cum regū exitio vastata est Asia. Historiā exponūt Hieronymus, [f] Bruchtonus, [g] Justinus, [h] Attingit Pausanias. [i] Sed Danielelem videamus. Post finem annorum, post multa bella, quæ gessere Ptolomæus Philadelphus rex Ægypti, & Antiochus Deus rex Asiae, totius regni vterque viribus, post

Falsa amicitia.

Antiochus Magnus Ptolomæus.

c Hieron. in Danielelem.

d c. 6. 24.

c c. 11. 6. Ptol. Philadelphus, Antiochus Deus.

f In c. 11. Dan.

g eodem loco.

h l. 27. i In Attic. l. 1.

post

*Berenice.**Omnes
improbo-
rum cari-
tates fin-
xa.**Infida
malitia.*

post tot funera, & virbium strages conuentum est, vt nuptiis cruentum certamen finirent: itaque fœderabuntur, coniungentur, vt est in Hebræo: Veniet filia regis Austri Berenice filia Ptolomæi, ad regem Aquilonis Antiochum Deum facere amicitias, seu vt in Hebræo, rectitudines, pacem æquis vtrinq; conditionibus, ideoque, vt putabant, diuturnam & inuiolabilem: falluntur tamen improbi reges, non enim obtinebit fortitudinem brachij filia ipsa Berenice, quæ brachium erat patris & mariti, quo extento, velut data dextera focer & generi iungerentur, forti, nec dissociabili vinculo. Eam pater Pelusium vsque deduxit cum infinitis auri atque argenti millibus. qua ex causa *Φέρνα Φόρε*, *dotata* est nominata. Agebantur ista inter reges sincerè, & maximorum regnorum bello festorum gratulatione. sed imbecille brachium fœmina ad continendas regum ambitionem, auaritiam, cupiditates. ita fortitudo brachij contrita est: nec stabit semen Berenices, filius eius ex Antiocho natus, & ipsa traderetur in manus hostium, & trucidabitur. Historia tristis & cruenta, malis tamen regum consiliis non aliena. Nuptialibus pactis cautum erat, vt Antiochi vxor Laodice, ex qua Seleucum Callinicum, & Antiochum filium patri cognominem genuerat, nouæ nuptæ Berenicæ locum daret, & filij illius, filio ex Ægyptia nascituro cederent regno. porro Laodice pellicis instar haberetur, filij legitimi non censerentur. Impium planè fœdus, quo patris animus & legum reuerentia, opum & potentia cupidine exuebatur. Laodice ex regina iam ad concubinarum contumeliam reducta, fortunam forti dissimulatione tulit, filios etiam continuit, ne reginam offenderent, atque sensim mariti animum magis magisq; deuinxit, qui amore legitimæ coniugis, & filiorum superatus, in pristinam illam dignitatem, regiamq; & filios in spem regni reduxit, quamuis iam alius quoque ex Berenice genitus aulam occuparet. futuri belli certa semina, reginae

duæ

duæ, fratres æmuli. Accessit, qui ignem gladio foderet Magas Ptolomæi regis frater, rector Cyrenarum, gener Antiochi, is socerum inter mulierû amores alternante ad faciendum Ptolomæo bellum incitabat, quod sceleris, & nepotis exitio futurum præuidebat. sed potentior omnibus naturæ vinculis erat amicitia: fratri & filio illius infestus vivebat, illoque potentissimi regis armis oppresso, regnum Ægypti sperabat. [k] ita fratrum improborum brevis caritas, inimicitia capitales. Non est improborum amor constans. Laodice ab Antiocho in regiam & honores reducta, irritata priore iniuria, non pacata beneficio, metuens etiam mobilem viri animû ne timore belli iterum loco deiceretur, recepta Berenice, veneno maritum interficit, Seleucum Callinicum patri regem substituit, Berenicen filitumq; eius obsidet deinde dolo circumuentam contra datam fidem Itadioni & Gemmeo principibus occidendam tradidit Hinc ingens bellum, quod Ptolomæus Euergetes Philadelphi filius gessit, quo Asia tota peruastata est Seleucus, dein Antiochus, tota pene progenies perit.

& Pausan. Atticus lib. i.

§ 2.

Documento est Antiochus Epiphanes regum sceleratissimus, Antichristi typus, non esse stabiles improborum ministrorum seruitutes, nec regum in illos fauorem. Nemo tyrannum illum magis demeruit, quam illi qui à veri Dei cultu ad insanias idololatriæ se conuerterunt. Tamen apostatas grauiter afflixit, ut prædixit Daniel: [l] & venient super eum Trieres & Romani, 1c. ii. 38. & percutietur, & reuertetur, & indignabitur contra testamentum sanctuarii, & faciet: reuerteturq; & cogitabis aduersum eos, qui dereliquerunt testamentum sanctuarii. De Jasone, cuius exitio plurimi impliciti fuerunt, Maccabæorum liber recenset. [m] Et principatum quidem non obtinuit, m. l. 2. finem vero insidiarum suarum confusionem accepit: & profugus iterum abiit in Ammaniten. Ad ultimum, in exitium sui conclusus ab Areta Arabum tyranno, fugiens de ciuitate in ciuitatem. Mac c. 5. 7. Iason p. nitus.

Antiochus Hobilis.

F. item

tatem, omnibus odiosus, ut refuga legum & execrabilis, ut patria ciuium hostis, in Ægyptum extrusus est: & qui multos de patria sua expulerat, peregrè periit, Lacedamonas profectus, quasi pro cognatione ibi refugium habiturus: & qui insepultos multos abiecerat, ipse & illamentatus, & insepultus abiicitur, sepultura neq; peregrina vsus, neq; patrio sepulchro participans. sunt enim principibus improbis etiam inuisi scelerum ministri. Quis homo homini vnquam amicior, quam Tiberio Scianus? quis deinde magis inuissus? quis vtroque sceleratior? vncō tamen ducitur, & sæuo ludibrio putrescit; eadem procella omnes illius amicos perculit, & primæ in aula dignitatis, carnificinam Suetonius, Dion, Tacitus, describunt. [n] Simile factum Plautiani Seueri imperatoris amici. Plena est verus & noua historia. Sunt illis domesticæ furix, quæ alios effectus excutiant, & obliuione obsequia obliterant. Aristotelem consule. [o] ad breue enim tempus concordēs sunt, quod omnia ficta sint & adulterata, & impietas ipsa sumus. [p]

§ 3.

Cur bre-
uis impie-
rum ami-
citiā.

Causam breuis amicitix, quæ inter principes & ministros est, si nouerimus, facile submouebimus. De o qui inimicus est, non est principi diuinitatis imagini amicus. Si principem non diligit, nec ab eo amatur, nisi decepto, breui fraudulentia amatur, inquam, errore principis, qui mercenariam sibi seruitutem & dolosa obsequia nescit ingeri. Pectora vtrinq; in abdito latent, donec aliquando De v s recludat.

Amor sã-
pernatu-
ralis &
naturalis.

Duplex amor est proximi, primus sanctorum, qui supra naturam est, cuius fundamentum est immortale, De v s ipse: hic amor in improbis non est: facit enim sanctum & filium. De i Superest igitur amor duntaxat humanus, qui quamuis gratuitus sit, & amicitix, non concupiscentix, fragili tamen vinculo continetur. quem autem amore diuino per Spiritum sanctum in corda nostra diffusio, & propter De v m ipsum diligimus, eum simul cum De o amamus, facile in a-

in amore constantiam tenemus, eandem quam in am-
 ore D E O : nam qui fratrem amare sic definit, à ca-
 ritate D E I excidit : hic enim amandi causa inuaria-
 ta atque æterna permanet, auxilium etiam est à Spiri-
 tu sancto stabile, quod de illo amore D E I Paulus pro-
 fitetur. [q] *Quis nos separabit à Charitate Christi ? tri- q Rom. 8.*
bulatio ? an angustia ? an fames ? an nuditas ? an peri- 35.
culum ? an persecutio ? an gladius ? caritati fratrum & prin-
cipum conuenit. ut enim sancti Deum tribulatione, fa-
me, gladio ferientem amare pergunt, ita ministri in-
nocentes & boni regem suum amant, & constanter a-
mant : non enim possunt D E V M amare, & regem
suum non amare. [r] Certi sunt enim, quia neq. vita neque r Rom. 8. 38.
Angeli, neq. principatus, neque virtutes, neq. instantia, neque 39.
futura, neq. fortitudo, neq. altitudo, neq. profundum, neq. crea-
tura alia poterit eos separare à Charitate D E I, quæ est in
Christo I E S V Domino nostro. Non est eadem vis amoris
 humani, sed illo quælibet, offensa, quoduis vitium po-
 tentius est, & ut experientia docemur, cupiditatum in-
 teruentu amicitia in dies soluantur & rumpuntur. A-
 mor noster nostrum pondus est, quo ferimur. [s] ideo s *August.*
 grauiore pondere eleuatur & excutitur. Signum bre-
 uis amicitia tot verborum blandimenta, cærimonie
 & gestus, quos frequenter leue verbum excipit & ab-
 scindit, succedit ab alienatio, vindicta, duellum. Cur
 autem amor humanus sit imbecillis, causæ sunt innu-
 meræ. De amore concupiscentia nihil opus est dicere :
 non est ille verus amor, sed cupiditas, quo fundum, e-
 quum domum amamus. Sic venator ceruos, apros, aquil-
 as amare dicitur, non tamen diligit, quia illorum mor-
 te sua oblectamenta quærit. Quantis impuri senes a-
 moribus Susannam ardebant? [t] Infestissime tamen t *Dan. 13.*
 oderant : nam summa cum infamia totius familiae da-
 mnabant innocentem, vultum orantis detegi iubebant,
 ut libidinoso, sed crudeli pereuntis aspectu fruerentur
 hic amor & odium : amor sui, odium proximi. De amore
 igitur humano loquor, quo principe amari non solum

*Amor
gratuitus.*

principis causa, amore gratuito, quo illi bene volunt
ut illi, non sibi bene sit, qui in improbis esse potest, alu-
turnus esse non potest: cum illo enim iunctus est ar-
dentissimus amor sui ipsius, cui si rex obster, si alius plus
adiuuet, protinus desinet. nunquam igitur adducetur,
ut sibi male esse quam principi malit. Deinde vitiosa est
natura, minimo malo turbatur, iras & amicitias in ho-
ras sumit & ponit. Amor Diuinus in quibus viget, illi
succincti lumbos, muniti pectus, ocreas calceati, ad
obsequia habiles sunt promptiq; quos solus hominis
affectus de naturæ consortio mouet, similes sunt pue-
ris, qui suo Marte ingredi nō possunt, serpera stris & ad-
miniculis insistant, magno conatu parum promouent
ut constantes sint perpetua benignitate, donis spe infi-
nita fulciendi sunt. Quin & illud cōsiderandum, prin-
cipem amandum quidem, ut propter ipsum bene veli-
mus illi, nō in illo tamen sistendum, sed velle oportere
ut illi bene sit propter D E V M. Hoc sine destitutus
est amor impiorum, eaq; causa nec bonus ipse, nec ab-
solute secundum naturam, ideoq; brevis, & euani-
dus, nam rex non habet, ut sui duntaxat causa diligatur,
cum causas aliquando aliquas, persæpe multas habeat
ut non diligatur. quæ etiam nimium in proceribus sunt
frequentes. Fieri autem non potest, ut sincere, constan-
ter, ex animo ob causas iustas odiorum amemus. qui
autem amoris suo finem non posuit D E V M, in homine
causas perpetui amoris raro inueniet. Aulica verba
sunt: opes, vitam, sanguinem, omnia lubens volens
• principi impendam, præ me meisque illum diligo, a-
manter, magnifice; intimos tamen conscientia recessus
inspice, causas expende: si postulata negauit, si al-
lium prætulit, si reprehendit, si multam dixit, si mouit
officio, omnia querimouis personant, abutuntur me-
ditantur, & quia dicere in principem, cui in manu est
male facere, intutum iudicant, iram in consiliarios, &
maledicta conuertunt.

*Rex pro-
pter Deū
diligendus*

Voce

§ 4.

Voces illæ de pestilente corruptæ naturæ scaturigine ebulliunt. Non parcam nostris temporibus, parcam tamen magnis nominibus viuorum, quos videmus tanquam in scena regibus illudere, & venditione amoris sui integras præuincias explicare, nulli vero amico aditum ad explicandam veritatem permittere. Credunt reges & pereunt; quod orbis clamat, soli nesciunt, aut vni, aut paucis obnoxij, nota iam humani generis calamitate, qua sit, vt pecudum ac beluarum rebus publicis ciuitas rationis & consilij particeps sit infelicior. Amor autem in homine vinculum est voluntatis, quod vitia dirumpunt, in beluis naturæ nexus, quem nulla feritas dissoluit. Leunculis suis blandum mater immurmurat, simia catulos arcto cõplexu stringit, vrsa lambendo format, tigris fœtus suos deamat, anguibusetiam cura prolis est. Nunquam fallit indolos ferarum. bonum earum à natura est, optimum & stabile. Humanus animus postquam corruptus est naturam violat & vltra bestiarum ingenium efferatur. Cain in fratrem, Absolon in patrem, Ptolomæi in fratres, simul & patres, imo & matres fruent: fratres enim quasi ex more, & iure trucidabant. Antoninus Caracalla parentem non semel occidere annisus est, vincente naturam regnandi libidine. Pœna illa fuit iniquissimæ persecutionis, quam familiarium illius sæuities accendebat. non tamen illis profuit Cæsaris amicitia, & criminum par commercium, parentis amicos Caracalla omnes interfecit, ne vno quidem reliquo.

[u] Alexandinorum etiam multa millia ob leuem irrisum occidit, quos habebat amicissimos. Summa gratia Imperatorum, & quæ inde sequebatur potentia floruerunt Byzantij Aspar & Arduburius, mox à Leone mense adhibiti. [x] comiterque habiti, crudeliter mactati sunt. Leonem illi coluerant, in gratiam redierant, sed odiis vtrinq; ardebant, Leo facinus occupauit, adeo vt Arduburius Aspari exprobraret, quod non

*Ficte amore
reges produn-
tur, prouin-
cia expi-
lantur.*

*Caracalla
patrem oc-
cidere co-
natus.*

u Lamprid.

*x Zonaras.
Aspar, Ar-
duburius.*

prius Leonem interemisset, quam eos ipse mensæ apponeret.

Nunquam igitur fuit, nec inueniri potest diu erga improbos caritas, nec sperari potest ab improbis. In vniuersum, omnia eorum sunt instar puncti; ad se omnia referunt, aliena causa nihil perficiunt.

C A P. XV.

Bonos in aula euehendos, malis nihil committendum in republica.

§ I.

Daniel bono promouet.
2 c. 2. 49.

b c. 1. 4.

c. 6. 3.
c. 4.

d c. 13. 5.

DAniel factō & dictō ostendit, quanta cura sit adhibēda, ne ad imperia & fasces improbi assumantur. ipse collegas suos virtutis probatæ promouet. [a] Daniel autem postulauit à rege; & constituit super opera prouincia Babylonis, Sidrach, Misach, & Abdenago: ipse autem Daniel erat in foribus regis. Nabuchodonosor in cōspectu suo stare voluit illos, quos sapientia commendasset, vt Daniel exponit. [b] pueros, in quibus nulla esset macula, decoros forma, & eruditos omni sapientia, cautos scientia, & doctos disciplina, & qui possent stare in palatio regis, vt doceret eos literas, & linguā Chaldæorum. Nouæ Monarchiæ tuēdæ Darius quoq; bonorum virorum præsidia quæsiuit, ipsumq; in primis Danielelem. [c] Igitur Daniel superabat omnes principes & satrapas: quia spiritus DEI amplior erat in illo. Porro rex cogitabat constituere eum super omne regnum: vnde principes & satrapæ quærebant occasionem vt inuenirent Danieli ex latere regis: nullamq; causā & suspicionem reperire potuerunt, eo quod fidelis esset, & omnis culpa & suspicio non inueniretur in eo. Magna clades Reip. mali iudices & præfecti. docet hoc Propheta. [d] Et constituti sunt de populo duo senes iudices in illo anno: de quibus locutus est Dominus: quia egressa est iniquitas de Babylone à senioribus iudicibus, qui videbantur regere populum. Adhuc Sionis ci-

neres

neres & templi parietes calebant, nondum seruitutis *Israelis* suæ mala omnia cognorant, cum barbara libidinum & *malicia* crudelitatum exempla produntur. Quales eos in superbia Sionis, in deliciis volibamæ & vollæ fuisse putandum est, quorum effrenatas cupides nec exiliū nec paupertas, nec publica seruitus continere potuit? Principum est officium, virorum insignium electio. Quapropter ipse Nabuchodonosor tantæ monarchiæ dominus, ephebos aulicos in conspectum adductos examinat, illis ipse loquitur, sciscitatus est ab eis verbū intellectus & sapientiæ, & in Daniele inuenit *decuplum super cunctos ariolos & magos, qui erant in vniuerso regno eius.* Laudatissimum factum regis iniusti, magnum laboris *Chaldæus* exigui emolumentum! Quis regi Daniele & socios *ipse suos* exules, captiuos, quibus nullus in aula fautor, nullæ *aulicos examinat.* o pes, nulli potentes amici, commendasset? Quis referre auderet peregrinos pueros omnibus regni sapientibus esse decuplo sapientiores? Quis tanto se odio oneraret? Notos, diuites, cognatos, affines, beneficos laudassent. nunquam rex vera audisset, nisi ipse examē præfens instituisset.

Imitamini reges: vobis, non aliis credere: pereunt *Daniel se* regna, dum sine delectu præficiuntur indigni. Hoc autem fit regum inēuria, dum potestatem illis committunt, qui sibi commodos, non publico seligunt. Nemo facile regi commendat, sibi præferendum. An si Nabuchodonosor à sapientibus Babylonis postulasset, vt sibi proponerent, quem sibi principem dari vellent, credibile est Daniele iuuenem, peregrinum, captiuum petituros fuisse? Qui idoneos quærit, eam cæterarum rerum rationem tenebit, vt semper sua sit prærogatiua virtuti.

§ 2.

Principes ergo suo iure vt saluberrimum est, ne aulici consilio & arte munus ad se trahant, quod omniū est maximum, & publica perniciēs, cum reges habere magistratus coguntur, non quos ipsi vellent, sed quos

Boni pro-
messendi.

munera, fauor sanguinis & nuptiarum lenocinia conciliarunt. Nulla res grauiore commendantium culpa, maiore principis damno peragitur, & ferè eorum, qui auctores honorum illis sunt, iubore, aut etiam detrimento. In omni negotio bonorum cura suscipienda est, fouenda virtus; nam & hoc D E V S facit, qui bono præterito deteriorem eligit, Deum spernit. Quis principis hostem extollere, amicum eius delicere ausit? Palam simultatem cum æterno numine suscipit, qui filium Dei per contemptum omittit; demonis mancipium seruis D E I præficit. Bonus igitur vir quærat: vir bonus semper est salutaris, vt benè Menander. Vir bonus est imago D E I illustrior. nemo regum atria sua infirmi imagine ornari putat; eruditam manum quærit, Apellis, Dureri, Michaëlis, aliorum, quorum opera precium habent, & cum admiratione ornatum. Vt fucus in patetibus & aulæis pendeat picturatio & conspectior, cura principum facit; vt imagines viuæ ad immortale prototypum à sancto spiritu illustratæ in palatio fulgeant, vt cœlestis dexteræ miniaturam ostendant, princeps non satagat? Rari sunt viri boni. raros dico: Diogenes, *nusquam bonos viros, Sparta bonos pueros* dixit. credo ego, nec pueros illic bonos, quia fures. Rari sunt, erunt tamen sat multi, si boni quærantur. nunc officia viris, non viri magistratibus quærantur. Nemo ad magistratû promoueatur eo solum fine, vt illi benè sit, sed vt subiectis. Neminem faciliè commendaueris.

Proceres
ne facile
commendant.

f Hora-
tius.

*Si quem commendes, etiam atq; etiam aspice, ne mox
Incutiant aliena tibi peccata pudorem. [f]*

g Cicero
s. Tuscul.

Addendum est, quod ille nesciuit: ne tibi & illi adferant damnationem, etiam atque etiam aspice: vt enim de Philosophis non ex singulis vocibus, sed perpetuitate & constantia iudicamus, ita de aulicis quoque statuendum est: [g] in illis non modò virtus, sed probata & stabilis virtus spectanda est. Henricus sanctus, (alij Aucupem esse malunt) vt narrat Andreas

Brun-

nerus: [h] Leopoldo Austriae praefecturam facili de h 1.9. Ra-
 causa dedit. Historiam his verbis recenset auctor: Hic uaria pag.
 ergo Leopoldus cum Ephebus etiamnum Casari (quem Henri- 689.
 cum Aucupem alii annales faciunt) venanti olim, & praeda stu- Chronic.
 dio longius à comitibus abrepto vnus omnium latus tegeret, eue- MS. Bi-
 nit, vt Casari telum in destinatam feram libranti, in illo ipso sar. Rei-
 articulo, arcus rumperetur, tristiore, quam pro iacturâ, infor- chard.
 tunio; quod antequam detestari Casar posset, Leopoldus corre- Streim.
 xit, suo arcu, vt erat intentus armatusq; in tempore subiecto; Thom. Ha-
 hunc cum in feram feliciter laxasset, laudatâ officiosi iuuenis selbach.
 solertia eidem pollicitus est, quæ prima prouinciarum rectore or-
 baretur, illius imperium nauata opera primum illi se potissi-
 mum concessurum: Anno nongentesimo vigesimo octauo, cum
 Rudigerus de Pechlaria Orientali Limiti praefectus decessisset,
 magnisq; studiis pro se quisq; Palatinorum niteretur, Leopoldus
 promissi Casarem commonefacit, usq; ex templo competitio-
 ribus omnibus antelatum voti sui damnavit. Facile excusari
 Caesaris facilitas potest. Viderat in iuvene virtutes Non facile
 magno imperio pares, pietatem, iustitiam, fidem, indu- danda pra-
 striam, magnanimitatem, qui maximas deinde res ges- fectura.
 sit, & mortuum omnes prouinciæ luxerunt. Promis-
 sionis ergò causa fuit, non regiae voluntatis officiosa
 solertia: iam ante enim animo destinarat tantæ virtu-
 tis operâ, cum se occasio ferret, vti. Non igitur temerè
 imitari oportet, quod ille prudenter fecit; sed labo-
 randum, vt spectatae virtutis praesides prouinciæ im-
 ponantur, nec alij commendentur.

§ 3.

Non mirum est interdum malos eligi ministros;
 mali enim eliguntur & reges. Saulem è cælo designa-
 rum, [i] regno corruptum, [k] bonis infestum, [l] sua i 1. Reg. 10.
 manu occidisse, [m] lego; deinde Hieroboamum, qui k 1. Reg. 13.
 peccauit, & peccare fecit Israëllem, cum stirpe exci- l 1. Reg. 17.
 sum, [o] Azaëlem à Domino vinctum carnificem If- & 18.
 raëlis. [o] Nec opus exemplis, Pharaones, Necaones, m 1. Reg. 31.
 Nabuchodonosores, Cyri, Alexandri, Julij, Soliman- n 3. Reg. 23.
 ni, o 3. Reg. 19.

F 5 ni,

Reges mali quare dati. ni, Tamerlani, in funera humani generis nata portenta, latissimè regnarunt. clades illas exposcunt hominum scelera, ut eluiones, siccitates, terræ motus, incendia, bella, pestes, in ultionem criminum mortales absumunt. Non nouum igitur, & bonorum, & malorum malos esse ministros. Byzantij viro sanctissimo quærenti, cur Phocam Deus hominem nequissimum ad imperium peruenire passus sit, oraculo responsum est: deteriorem non fuisse: Constantino-politana scelera talem mereri vindicem. Daniel etiam de Seleuco, qui Philopator dictus est, propheta: *[p]* *Et stabit in loco eius vilissimus, & indignus decore regio: & in paucis diebus conteretur, non in furore, nec in pralio.* Ille nec ingenio, nec valetudine par sceptris, duodecim annos regnavit, nulla re quam tentato sacrilegio nobilior. *[q]* Illi etiam indignior successit, Antiochus nobilis, cui ex vita moribusque Epimani, *[r]* *furioso nomen fuit, quem sæpius Daniel describit. [r] Et stabit in loco eius despectus, & non tribuetur ei honor regius: & veniet clam, & obtinebit regnum in fraudulentia.* Romæ obses quasi in carcere fuit. Demetrio fratris filio *[s]* *regnum simulatione clementiæ præripuit, tardè illi datus honor regius, crudeliter in Ecclesiam sæviit, ut testatur Scriptura sacra. [s]*

Polybius & Athenæus eum cum vilissimis artificum commessari, publicè scortari solitum tradunt. Cum igitur tales sunt reges, quid mirum, si auctoritatem vitiosæ potestatis sequuntur ministri? Commodus quidem se, si haberet filium, suis moribus instruendum dicere solebat. Sunt in aula vix boni iuuentæ doctores. Phœnix Achillis, filiorum Cræsi Adrapas, Philippi Mnesitheus, Leonidas Alexandri, vitiis omnes turpati, celebresque.

§ 4.

Graui crimine mali promouentur.

Deplorare igitur exitiabile magnatum crimen licet, quia emendari non potest: superbos, avaros, indignos,

dignos, clientes, socios prædæ, facinorum conscios, dilaudant, & rebus imponunt, meliores deliciunt, aut præpediunt. Regum ignorantia & negligentia abutuntur. nullus, calculo eorum, ulli parti administrandæ idoneus est, nisi sit ex factione, quæ principi & legibus illudit. hoc est lupum ouilibus, aprum hortis, serpentem familiæ immittere. postulant subditi iudicem, accipiunt prædonem. eget defensore patria, latro immittitur. legibus datur executor, illas ipse ad miserorum fortunas euertendas arte detorquet. Ten-
torum malorum causa est. quisquis auaritiam factum-
que armavit, furenti gladium dedit. Cupiditates e-
nim amentes & efferæ res sunt, quas ubi potestate ar-
maris, qua data porta ruunt, lateque dant stragem,
metu non corriguntur, occulunt crimina, amant vi-
tia principum, sua defendunt; oriturque in Repub.
confusio, cui nec reges mederi possunt. Exultat fœ-
lix improbitas pessimorum, & optimorum calamita-
ti proterua insultat. Exempla è monumentis non quæ-
ro, oculis inuitis se quotidie ingerunt. si lege aliqua
aut timore paululum improbitatem cohibeant, co-
actum tamen bonum est, ideoque infirmum, mox
ubi metus cessit, velut arcus remissus, ad naturam re-
dit. Non sunt illi nisi sui causa boni, ideo semper ma-
li, regibus infidi, bonorum osiores & irrisores.

*Improbis
nihil com-
mittendū.*

§ 5.

Nihil facile vlla in parte committendum est im-
probo. In eius potestate quicquid positum est, in me-
dio periculo est, nihil enim periculosius est mala vo-
luntate. Ne ad breue quidem tempus.

Eutropius.

Nullum ad nocendum tempus augustum est malis.

ut verè Seneca. [r] Eutropius improbus, auarus, sum-
ma tamen potentia, in palatio Cæsaris assidens, illo
in scio totam Asiam vastauit, opesq; in arcas suas egen-
te Imperatore congeffit. [u] Res monstri similis, ne
minem

*et In Me-
dea.*

Rufinus.

u Claudius.

nus in Eu-

trop.

Sozom. Niceph. minem fuisse, qui Cæsarem moneret, aut Cæsarem fascinatum non credidisse. Sed ille partim metu, partim largitionibus ora occluserat, donec flagitiose parta cum sanguine refundit. Rufinus vir improbus & potens, Thermopylarum angustias Gerontio tradidit & Marico, qua se barbari in imperium infuderunt. *Stilico Ricimer.* Stilico Alaricum inclusum emisit, Eucherio principatum ambit. [x] Pari improbitate Ricimer pro sua utilitate, nunc defensor, nunc proditor imperij. [y] Sic Arbogastes ex duce parricida. [z] Sic Gainas stipendio Cæsaris exercituque potens, & spoliis prouinciarum opimus, in Dominum vertit arma. [a] Basiliscus Romani ductor exercitus, classem mille & centum nauium in gratiam Asparis & Ardaburij Genserico tradidit, militum suorum ex Imperatore proditor. Euentus & scelera illa iam antè præfaga signa præcesserant, impietas & Atheismus, Deo & Societati hominum inimica, & par illis malis superstitio. Sanè Bozius [b] regna & prouincias Christianorum, tum demum barbarorum ferreo iugo oppressas fuisse demonstrat, cum reges & ministri essent improbi, & prouinciæ hæresibus infectæ. Atque vtinam Græcia, atque ora illi finitima postremum sit exemplum. Improbus Julianus in Hispania comes, ab impio reges laceffitus Arabes aduocat, annos octingentos prouinciam illi tenuerunt, & nostro etiam æuo pericula auxerunt. [c] Quod de repub. principibus, idem quoque magnatibus, & in Repub. & rebus priuatis dictum velim. Olim Romanum in Occidente imperium euersum est non pessimis imperatoribus, sed præsidibus & aulicis scelestissimis, quorum tam auara, tam cruenta tyrannis erat, vt Christiani, & ciuili cultu educati, ad barbaros, ad infideles, Gothos, Francos, Hunnos transfugerent: Barbarorum superbiam & iniurias, quam exercitatissimam Cæsareanorum crudelitatem, mitiores rati. Quæ omnia ad improbitatis detestationem, & insequentium sæculorum exempla Saluianus veris lachrymis deplorat.

Quæ

*Pereunt
regna cū
malis au-
lici.*

*De Gu-
bern. Dei.*

Quæ ne etiam nobis deploranda sint, omnium regum, principum, magnatumq; cura, vigilia, sumptuque cauendum est.

¶ 6.

Cur autem negocia, seu priuata, seu publica, non sint impiis & sceleratis committenda, primaria ratio est, quod illi, quantacumq; dexteritate, versutia, laborumq; tolerantia valeant, minus idonei sunt ad gerendas res præclaras; & qui vtuntur opera talium, tandem falluntur, & exitus habent infelices: non enim sunt ex genere eorum virorum, per quos seruare populum suum DEVS constituit. Doctrina vera est, quam sanciant quotidianæ calamitates, & S. Spiritus nobis denunciat. [d] Cum æmulatione gloriæ, non dicitur vtilitate. ^{1. Macc. 5. 57. & sequent.} *Josephus & Azarias contra Judæ imperium in pugnam egressi essent, cum clade in fugam acti sunt. Faciamus, inquit, & ipsi nobis nomen, & eamus pugnare aduersus gentes, quæ in circuitu nostro sunt. Et precepit his, qui erant in exercitu suo, & abierunt Iamniam. Et exiuit Gorgias de ciuitate; & viri eius obuiam illis in pugnam. Et fugati sunt Iosephus & Azarias vsq; in fines Iudææ: & ceciderunt illo die de populo Israël ad duo millia viri, & facta est fuga magna in populo: quia non audierunt Iudam, & fratres eius, existimantes fortiter se facturos. Ipsi autem non erant de semine virorum illorum, per quos salus facta est in Israël. In DEVM namq; contumeliosi sunt, qui improbis DEVM committunt honores: saluari enim DEI concursu, spe nunt, auxilio, gubernatione, omnibus in negociis egent, ipsi qui improbis ministris vtuntur. instrumenta sunt duntaxat, & cum DEO operantur. at DEO socios operum insignium adiungere, qui DEVM oderint, quosq; DEVS oderit, qui DEI in se gloriam deriuare statuerint, qui ita impuri sint, vt tanquam instrumenta idonea à DEO tractari non debeant, quibuscum Angelus Domini ambulare nolit, hominis est DEVM spernentis. Si ad vicinam Rempub. aut principem legatus mittendus sit, studiosè inquitur, qui familiaria*

c. 2. Reg.
18.

miliaris gratusque sit, si quis sapientia & virtute pol-
 leat; si tamen illis ad quos legatio adornatur, sit in-
 uisus; ad perficienda negocia aptus non censetur. nam
 in suam contumeliam accipiunt, si ad pacem, ad fœ-
 dera facienda, ad affinitatem contrahendam lega-
 tur inimicus; quin imò contaminari se improborum
 hominum consortio arbitrantur. Quantum homini,
 tantum numis tribuamus, si res nostræ illius fauore &
 adiutorio consistere, & successus habere debent, ne
 administrum illi obtrudamus, quem detestetur, qui
 gratiam creatoris excludat. Justum Achab contra Sy-
 ros gerebat bellum, sed in eo tamen decipi, & inimi-
 cum suum cadere voluit. [e] Quod si rem ipsam vi-
 deamus, luce meridiana clarius experiemur, nun-
 quam improbos rebus gerendis sine sua vel publica
 clade adhiberi, non modo, quia ipsi inconspicentes, in-
 fidi stulti sunt (inconsiderata est enim malitia, ut Me-
 nander docuit) sed quia summo orbis rectori magna
 iniuria irrogatur, cum homini scelesto, ut opituletur,
 & negocia nostra per illum explicet, oramus. Graui-
 simè hoc in genere peccant, illi, qui Episcopos, Præ-
 latos, non probatæ viræ vel constituunt, vel eligunt,
 & scortatoribus, adulteris, potatoribus sponsam
 Christi committunt. Profana illa scelera, contem-
 ptusque DEI tot Ecclesiis calamitates inferunt, non
 cessaturas, nisi causa mali sublata. Atque hac in cau-
 sa à peccato neminem excipio, non reges, non princi-
 pes, non consiliarios, non laudatores, non interces-
 sores; siue domi, siue militiæ respublica admi-
 nistretur. Bona sæpe causa opprimitur,
 quia mali, quibus illam reges com-
 mittunt, puniendi ve-
 niunt.

C A P. XVI.

De duplici spe Aulicorum, & procerum, & errore sperantium.

§ 1.

HAud facile vllius vota damnarim, nec spem, quâ dulces solantur æumnas, culparim; illa inter tot ^{Spe bona} mala vnicum est bonum miserorum, & mundo fluctu- ^{& mala.} ante portus: hanc si reseces, virtutem & industriam simul extinxeris. Spes tamen est somnium vigilantium, in aula præcipuum ludibrium, etiam sapientium iactatrix. Toto errat illa mundo, auara voti, credula meliorum, nusquam maior, fidentior, sed nec vanior, quam in domibus regum, illa vinctos, fossiores, remiges, ægros solatur, & alit, & seu vere, seu falso

Melius cras fore semper ait.

seque dum consumat ipsa erigit, atq; animat. Rerum omnium communissimam dicebat Thales: [a] Illam ^{a Laert. in Thales.} enim habet, qui nihil habet.

Illæ sedet tectis, celsis laquearibus errat,

Et mox in gelido marmore nuda sedet.

Spem paries spem vela tenent, spem ianua ludit,

Sorsq; leuat celeri præcipitatq; vice.

Hæc ubiq; fallax, in aula fallacissima, imaginationibus indulget, & sterili labore destituit hiantes.

§ 2.

Error male sperantium grauis est, & perniciosus, Non qualis in atheis, & numinis contemptoribus, sed in illis, qui ab impietate ita recesserunt, vt nondum fidei, & sanctitatis mysteriis ad plenum sint imbuti. Hinc magnarum cladum scaturigo. Suprema illa bo- ^{Gloria &} na, quibus beatitudo nostra solis constat, quæque ad ^{gratia a so-} illa deducunt, munera gratiarum ac virtutum, nemo ^{lo Deo.} non a Deo sperat, & precatur, cui enim Deus cognitus est, & cui salutis curam gratia redemptoris impressit, non

non nisi à solo Deo postulat vitam æternam. Hanc enim tam dare non possunt reges, quam nec habere possunt. Hæc vera spes est, & sanctorum; nunquā destituit, nunquam fallit. Etiam mortis viatrix & contemptrix:

b Job. 13. Hac, in tormentis stetit inuictus Jobus. [b] *Etiamsi occiderit me in eum sperabo.* Huic Salomon felicitatem ad-

c prou. 16. scribit. [c] *Qui sperat in Domino beatus est*, ideo autem d Jerem. beatus, *quia benedictus vir, qui sperat in Domino.* [d] Bene-

17. dictio enim Dei felicitatis est effectrix, non sollicitudo, & turbulenta hominum discursatio. *Saluabitur enim qui*

c prou. 25. *sperat in Domino*, vt Salomon pollicetur. [e] Nec spes longinqua si Deum amas. Hæc igitur extra controuersiam spes est: quæ enim à solo Deo donari possunt, à solo speranda sunt, verum non eadem mens plerisque in illis quæ caduca, petitura; & plerumque nocitura sperantur. Nimirum illa & à Deo, & à rege sperantur.

*A rege
quomodo
sperent
bona.*

Sed ordine præpostero à solo pene principe petuntur: itaq, sæpe faciunt, quæ Deo displicent, vt principem habeant propensio-rem, quod aliud non est, quam Deo inuito bonum velle consequi. Hic vel precibus Deum non ambiunt, vel negligentius, quasi Cæsaris candidati. Cælum cæli Domino terram autem datam filiis hominum dicunt, ponunt carnem brachium suum, sperant in principibus, in filiis hominum, in quibus non est salus. Ne corporum quidem salus: nec enim illi ad staturam cuiusque adiicere possunt cubitum vnum, nec ad ætatem horam vnā. Honorem & nummos

Externa dat Deus. adiicere possunt, non efficere, vt sint vtilia. Hæc enim quæ cupidis altera anima videntur, non nisi Dei prouidentia dispensantur, quæ si Deo non probante principum temeritas dederit, accipienti sunt noxia. Deus est qui passerum plumas, & capillos nostros numerauit, non membra modo viscera, & ossa, sed capillos quoque, vt ostendat, quicquid dignitatis, at opum seruis Dei obuenit, cælesti senatus cōsulto mandari, reges ministerium duntaxat præstare & scribendo adesse.

Hoc

¶ 3.

Hoc Daniel, hoc Danielis discipulus Nabuchodonosor publico diplomate promulgat, ostēditq; Deum ^{Deum Danielis} ex rebus desperatis viam aperire secundis, & superbiā ^{li & de} ex prosperis ortam subita calamitate conuellere. Quis ^{omnia de-} Danieli & sociis dedit, quod legimus. [f] Post dies ^{dit.} autem decem, apparuerunt vultus eorum meliores & corpulentiores, ^{f c. 1. 15.} præ omnibus pueris, qui valescebantur cibo regio.

Quis eius socios in fornace defendit, ut rex & principes mirarentur. [g] Quoniam nihil potestatis habuisset ^{g c. 3. 24.} ignis in corporibus eorum, & capillus capitis eorum non esset adustus, & sarabala eorum non fuissent immutata, & odor ignis non transisset per eos. Tu omnia moliris in terra, supplicas omnibus, etiam æmulis, etiam idem petentibus, cœlum non respicis, quasi illi non sit cura tui, quasi non sit potestas in te illi. Non dicuntur illa quidem, sed ta- ^{Omnia à} men ita agitur, quasi præparentur. à Deo illa omnia ^{Deo.} pendent: Videbam, inquit, rex, [h] in visione capitis mei ^{h c. 4. 10.} super stratum meum, & ecce vigil & sanctus de calo descendit. ^{& seq.} Clamauit fortiter, & sic ait: Succidite arborem, & præcidite ramos eius: excutite folia eius; & dispergite fructus eius. Verumtamen germen radicum eius in terra sinite & alligetur vinculo ferreo & aereo, in herbis quæ foris sunt, & rore cœli tingatur, & cum seris pars eius in herba terræ. Cor eius ab humano commutetur, & cor feræ detur ei: & septem tempora mutentur super eum. In sententia vigilum decretum est, & sermo sanctorum, & petitio: donec cognoscant viuentes, quoniam dominatur Excelsus in regno hominum, & cuiuscumq; voluerit, dabit illud, & humillimum hominem constituet super eum. Hoc somnium vidi ego Nabuchodonosor rex. & omnes tam qui sperant quam qui donant, pari sunt iure, & loco, ut diplomate regio scribitur, [i] Quia potestas eius potestas sem- ^{i c. 4. 31. &} piterna, & regnum eius in generationem & generationem. Et o ^{31.} mnes habitatores terræ apud eum in nihilum reputati sunt: iuxta voluntatem enim suam facit tam in virtutibus cali, quam in habitatoribus terræ. & non est qui resistat manui eius, & di-

G

cat

cat ei : quare fecisti ? Balthasar exercitu circumdatus ut in rebus latis conuiuia licentiosa agitabat, eadem nocte interficitur. Hæc ad omnes pertinent, quorum singuli dies à vigilum consilio dependent. Laboras incassum, cum potentiorum limina teris, munera expendis, à senatu vigilum non postulas, à quo non accipere modo poteras, sed hoc etiam impetrare, ne accipias ad ruinam, quod plurimis solet euenire dum ex se quisq; malus, ex solo Deo bonus esse non quærit. Spes Valentis Imperatoris, Arianus in exercitu erat, Arianorum in solo Cæsare, omnes sectæ illius Orthodoxorum sanguini, & opibus inhiabāt, accusationes, & proscriptiones componebant. Ecce spem in homine instabilem, iunceo fulcro insistentem: Victus & exustus est, improbas spes iusta flamma deuorauit. Prædixerat illi cladem Isacius. Exprobrarat dux fortissimus Traianus, cum in Deo suo sperans Valenti dixit: *Persecutione in Christianos auxilio te diuino priuasti.*

Valens.

Isacius
Traianus.

¶ 4.

Causa malorum.

Gemini sunt malorum fontes, ex quibus humanarū cladiū exeunt flumina, quæ cursu ipso crescentia miseros in mare mortuum deuoluit. Primus est inuersus rerum ordo, cum Deo reges præferuntur, præque Deo coluntur. Auidis opum venerabilior lare diues est, ambitioso rex idolum est. Cum enim sint acres diuitiarum, honorum, voluptatum cupiditates, vndecunque harum rerum spes affulsit, eo mētis acies & nerui affectuum intenduntur, cæterorum in secundis cura est. Veri namq; boni est remissior appetentia, quia longe abesse putatur, & facile haberi. itaque illa animi inductione plerique hominum spes suas persequuntur, & Deo insalutato atq; inconsulto ad voluntates hominū sibi demerendas se cōferunt, Dei munera vel negligunt, vel post nūmos querenda iudicant, alterū flumen magis etiam nocet letalis vndæ plenum, solum illi corporum officia se regibus præstare iactant, in animos nihil illis esse iuris, vitæ rationem Deo reddi, atque ita hanc

Sine Deo
res suas
promoue-
re stultum
est.

hanc vitæ licentiam sibi præstruunt, vt nec Deo, nec regi fidem præstent. Vehementer vtrique errant, cœli tantum Dominus est Deus, sed terrarum quoq; qui solem oriri stillare rorem, frondere syluas, virere prata, germinare spicas iussit, nec spem agricolæ frustratur auari, ille quoq; res tuas diriget, in eum spera cuius auxilio spiras. Non fecit hoc rex temulentus, cui nequitiam Daniel morituro exprobrat. [k] Deus tibi principem potest beneuolum reddere, princeps Deum facere tibi propitium non potest; vt autem omnia sub manum succedant, fluxum est tamen à rege subsidium, *Spes in Deo,* Darius lugere Danielem, inimicos eius Leonibus obii-cere potuit, liberare non valuit, vbi rex defecit, Deus adest, obturat ora Leonum, & vngulas includit. Susanna quoq; vitæ, & quæ vita potior erat famæ subsidium à Deo petiuit. [l] *Suspexit ad cælum: erat enim cor eius fi-* l. c. 13. 35. *duciam habens in Domino:*

¶ 5.

Sicigitur statuendum est, si æstus pectorum, & sol- *Sollicitudo*
licitudines nihil profecturas, palatiorum ministri in *in Deum*
DEVM reiicerent, facile posse mediocri conatu rerum *resicienda.*
intricarum labyrintho expediri. commoda enim de cœlo venientia sentirent, quæ nunc laborioso suspi-rio per artes quæritant. cum grauia occurrunt, & humana ope destituimur ad DEVM preces conuertimus, hoc quotidie faciendum est, etiam in facili negotio, nihil tam facile, quod non difficile reddatur, si DEO resistente peragendum suscipiatur: Nihil tam arduum, quod non reddatur cœlesti adiutorio prouidum. Exemplum nobis Eustachius Traiani Cæsaris familiaris, summa nobilitate is erat, gestis rebus veterum cuiq; par, ereptam vxorem, liberos ablatos, DEO commendans incolumis incolumes recepit: ad pristina etiâ dignitatē retractus est, nouis victoriis clarus. Tandem imperante Adriano fidei causa cum filiis, & coniuge in boue æneû coniectus vegetior inde exiuit, nec alios ignis læserat, sed iucunde placideq; Deo animas reddi-

G 2

de-

m Dubra- derunt. Wenceslaum [m] Bohemiæ ducem, cui impia
nus Syl- mater ac frater innocenti bellum mouebant, Radisla-
nus. us quoq, amicus, & dux belli exercitatusissimus deseruit
 res perditæ videbantur, & viuus tam magni viri perfidia,
 omnium concussa fides, & facta ad hostes inclinatio,
 magna erat pars militum sub imperio transfugæ,
Singulare Wenceslaus bellum ciuile deestatus, miseratus etiam
certamen. ignobilem plebis sanguinem ad singulare certamen
 Radislaum prouocauit, omnibus rebus impar, sola
 causa, & in Deum spe potior. Stabant inter vtramq; aciem,
 duces alterutrius sanguine bellum finituri, & iam in plagas
 intenti. omnibus in euentum arrectis, vox missa cælo
 Radislaum perculit: vetabat enim ferire, nec ille perstitit
 in proposito, sed numini obtemperauit, ac duci se submisit,
 fidelemq; operam præstitit, matrem Wencesla⁹ Drachomiram
 in oppugnando filio obstinatam terra hiatu fatiscens haurit.
 Aderant pio principi vndiq; auxilia de cælo, nunquam bene
 sperantem frustrata.

¶ 6.

Ad opes properas? Saltem à Deo postula. Darille dignis,
 & indignis, iustis & iniustis. Danieli multa & magna munera
 dedit. [n] Cyro quoq; thesauros orbis aperuit, vt Isaias testatur.
 [o] Nabuchodonosori ingētia donauit. Bonifacius episcopus Ferentinus cum
 vineæ ex quibus alebatur grandine percussæ essent, nihilo
 segnius parari torcularia, & concinnari quasi in vberem
 autumnum vasa mandauit, [p] obediebat seni tanquam deliranti
 non sponte æconomus. Cum iam vindemiæ tempus esset paucos
 racemos torculari imponit, modicumque musti vasis infundit,
 tum vero vberima de cælo benedictio descendit, redundabant
 torcularia de vite non sua, dolia etiam replebantur, aduocati
 pauperes non ad racemationem, sed plenos lacus tam miraculo,
 quam donis læsi domum redibant. Non est etiam nunc astrictior
 Dei benignitas, ad nos tarde

n c.2.
o c.40.

Dem opū
largitor.

p Surius.
Martyr.
Rom.4.
Mai.

tarde ad Deum imus, fontem viuum negligimus, de
 pertusis cisternis mendicamus. Quam facile est Deo
 vel ex inopino ditare? [q] Fato episcopus Meldensis *q Sur. T. 7.*
 S. Fraciro ad monasterium extruendum tantum terræ *Molanus.*
 concesserat, quantum ipse per diem fossa circumdare *Martyr.*
 posset. Parum poterat senex ætate, ieiuniis, cœtera vitæ *Rom. 30.*
 austeritate exhaustus. Grato tamen animo conditione *August. V-*
 accipit, circumit, scipione terram inscribit, quacunq;
 incedit, ad tactum baculi tanquam vomeris, sulcus
 ducitur, tellus subsidit, cadunt arbores, ipse magnum
 gyrum non condendo modo, sed alendo quoq; mona-
 sterio efficit. Concursum omnium ad rei nouitatem
 facto improbi magicis artibus cedere humum, arbo-
 res procumbere iactabant, sed viri sanctitas, adeoque
 facta admirabilia Dei manum adesse monstrarunt.
 Vires exoptas? Ille qui tauris & Leonibus robur affi-
 xit, tibi quoq; dabit. Sane qui [r] Julianum Martyrē *r Vsuar-*
 Viennensem sepelierunt, iuuenile debiles robur vigo- *du.*
 remq; acceperunt, ut secum æstimarent, quantum ef- *Beda.*
 fect animæ martyris datum in cœlis præmium, cum i-
 psis non petentibus tam præclara merces periculosa
 caritatis collata esset.

¶ 7.

Fortibus Deus heroibus, qui supra omnem rerum *Terrena*
 mutabilium spem, cupiditatēq; positi ad æterna omne *solatia san-*
 cogitationem, affectumq; contulerunt, contumelias *ctis data.*
 tantum & tormēta expectantibus, multa solatia præ-
 stitit, ut omnes intelligerent benignissime Deum hu-
 manæ infirmitati consulere. Siue feliciter agendæ vitæ
 ratione subministrata, siue in asperis solatio data. Cum
 autem omnibus plane, nullo prorsus excepto multa
 toleranda sint, ru bante procella, in Deum spei ancho-
 ra deiicienda est. Petendumq; ut quod dare reges non
 possunt, ipse ferendi animum & vires infundat. Si-
 enim hoc in extremis, quæ nouit, & exhorret malis præ-
 stitit in se sperantibus, nonne facile in mediocribus, et-
 iam nobis præstabit? qui rogos, eculos, cruces suis iu-

b Martyr. cundas, delectabilesq; fecit, nonne nobis, & bona dā-
Rom. & bit, & quod summū hac in vita bonū est, malorū omni-
Menol. um ex caritate, & spe tolerātiā? Zenobius [s] *Ægææ*
30 Octo. in Cilicia Episcopus cum sorore Zenobia in lecto fer-
Metaph. reo subiectis ignibus dirisime cruciabatur, sed læta
Sur. t. 6. constantia dolores spernebat: Diocleriano autē insul-
Zenobius. tanti, atq; ingeminanti: *Liberet vos Christus:* respondit:
Spes san- *Adest ille, & mitigat dolores, sed eum tu cæcus non vides.* Cum
ctorū Deū viscera flamma depasceret, animus diuino alloquio
presentem fruebatur, & spei suæ iam maturæ primitias carpebat,
habet. quas non possunt sentire, nisi omnē spem in Deo ha-
Eusebius. bent. Antoninus [r] carnifex dum S. Eusebiū torquet,
Sur. Lip. eum excisa lingua loquentem, angelumq; vngulis sul-
Mamas. cata latera siccantē spongia intuetur, repente se Chri-
u Basil in stianum exclamat, & tortore martyr coronatur. Nemo
hom de tam longum à pueritia ad senectutē vsq; martyriū
illo. Greg. pertulit, quam S. Mamas, [u] qui imperāte Aureliano
Nazianz. agonem consummauit, sed nemo tanta fiducia omnia
Gregor. pertulit, nemo tanto gaudio delibutus vixit, vt merito
Papa, Be- felicissimam infelicitatē vocent historici. Sunt illa ma-
da, Vsu- gna Dei opera. Ille Margaritam [x] toto corpore lace-
ardus, ram, altera die sanam, florentemq; tyrannis ostentat.
Menolog. Cyrillum [y] annos natum octoginta quatuor illæsum
Margari de rogo abire iubet. Julianæ nocere ignem vetat, [z]
ta. flammā de fornace excutit, in lupanari prostitutæ pu-
x Martyr. dicitiam custodit, libidinum causa ingressos excæcat,
20. Iulij. ad virginis preces eorum oculos mentesq; illustrat, &
Menol. de scortatoribus facit martyres. Dionysiū cœlesti luce
Sur. t. 4. perfundit, [a] qua territi, qui flammis eum vrebant,
Beda V- subito conciderunt. Cum Anthimus torqueretur, car-
suard. nifices trepidi consistere nequiverunt, quod magno
y Martyr. cum splendore tres viri martyri assisterent. Nusquam
Sur. Christianæ spei solatia vberius, quam in Theodoro ad-
z Metaph. olescente nobili apparuerunt, imperante [b] Juliano
Cyrellus. apostata, tantum diuersus à vanis aularum trosculis ille
Iuliana. fuit, quantum paleæ ignis inferni pabulum, à tritico in
Dionys. Domini horreum inferēdo. Apollinem in Daphne lo-
a Metaph. qua-
Surius.
Theodor.
b Rufinus
l. 1. c. 36.
Theodor.
l. 1. c. 11
Babyla
ossa.

quacissimum dæmonem Babylas martyr prope tumultus elinguem reddiderat, hoc cum dæmon fateri coactus esset, permissum est Christianis ut ossa transferrent, fecerunt Christiani spectatissima pompa, in qua è Psalmo concinebant: *Idola gentium argentum & aurum, &c.* tyrannus amens ira, omnes illos occidi iusserat, periculosam crudelitatem Salustius dissuasit. Ille tamen è turba Theodorum nobilem, in palatio atq; vrbe celebrem fide feruētem, cuius inter alios ardor emicuit, ad supplicium delegit. Explicare difficile est, quæ pertrulerit: à generoso corpore nullum tormētum abfuit. inter quæ fixa in Deum spe, tortores inuitat, atq; increpat vltro trepidantes impavidus, dum pridianam cationem, *Idola gentium, &c.* liquida voce cantat. Tandem lassitudo carnifices, verecundia iudicē subit, stat martyr inuictus, & post mille mortes viuus dimittitur. Is postea Christianis narrare solitus erat, astitisse sibi iu-
Consolatio Theodori,
uenē, qui sudores abstergeret, frigidamq; suffunderet tanta animi voluptate, ut de catasta, & tormētis tristior discederet, quasi de paradiso in terram. Tanta vis diuinæ consolationis, tanta bonitas Domini amicos suos potantis de torrēte voluptatis suæ. Si igitur rerum nostrarum, quæ vel à nobis abeunt, vel à nobis deferendæ sunt, spem curamq; in Deum reponamus: Ille omnia ad salutem æternam, quietem, & securitatem temporariam disponet. Ille æterna sapientia & omnipotente voluntate ad bonos exitus deducet, quæ nos incitia, fragiliq; conatu corrumpimus.

C A P. XVII.

*Causa cur magnates & aulici vtraque spe sæpe exci-
dant, eam in ipsis herere.*

¶ I.

SPes igitur sursum, deorsum, vera iuxta, ac falsa: in-
ania; solida: prospera, aduersa voluit. Cum men-

G 4 rem

Spei tormentum. tem incerta suspendit, anxia: cum fallit, mœsta: cum fauet, vt plurimum sera. semper inquieta; mihiq; qui perpetua spe ac metu rerum incertarum fluctuant, similes videntur esse illis, qui in somniâ in carceribus torquetur, grauissimo supplicio. quo Perſes rex Macedonum obiit, à custodibus dormire prohibitus; illis est dormiendi summa cupiditas, stimulis, ignibusque & iactatione vigilare coguntur: sperantes extenta cervice euentum præstolantur, sed mox aut frustra se esse vident, aut differri; spei enim ex aduerso metus responſat, credulæ ac blandæ asper ac morosus, metus spe cadente erigitur, titubante firmatur, vincunt vicissim vincunturq; , prout ad alterutrum bilancis cornu, aut rerum, aut imaginationum momenta accesserint. Omne mortalium genus timor, atrociore cruciatu magnates exercet, res ipsa loquitur, & causa non est in abdito: Inter imperia, fasces, secures, hoc est, abrupta fortunæ, sæuissimas bestias ætatem agunt, beluas Daniel terribiles appellat, [a] metum etiam mansuetæ & cicures incutiunt: infidæ sunt, celerrimè efferrantur. Singulorum conscientias conuenio. miseri sunt, & sperant irrita spe, vt Pindarus loquitur, [b] ventosa venantur. causam dicere multi formidant. præcipua est finem certum legitimumque, in quem omnia dirigerent, nõ habuisse dum aulam sunt ingressi.

Finis. Hic error vitiauit vitæ actiones. Inſipiētia signum esse monstrat Aristoteles ad vitam non componi. [c] Finis est, quo cum quisque peruenit, beatus est, finis boni summum bonum, finis mali summum malum. quibus finis bonus non est, in omnibus inceptis fluctuant, & hærent ambigui, & secum desideriiis æstuantibus depugnant. ab illis remota sunt prouidentia fluenta, qui impudenti fiducia membra mentesque illigarunt, vt

[d] Nem. 11. Pindarus numerose canit. [d] Horum vita vniuersa, etiam longissima, error est, quia metam præfixam non habet; sagittas licet & Euros cursu anteuertant, cœlis ipsis velocius agantur; extra viam sunt, metam non attin-

gunt. Vani igitur labores, seruitia infructuosa, infœlix patientia in contumelias itura. Aurea doctrina *Intentio.* Augustini: quod non bona intentione feceris, tibi non proderit. cum non est bona intentio, tota actio ab hoste possidetur: qui enim venenato dente in radice vulneratur, fructum virulentum efficit. Intentio mala vitiat bonum, etsi intentio bona non excuset malum. Cauendum igitur, ne inter opera, quantumuis laudata, mala intentio cogitationibus illudat.

¶ 2.

Finis sibi proponendi nobile exemplum est Daniel.

[e] Proposuit autem Daniel in corde suo, ne pollueretur de men- *c c. 1. 8.*
sa regis, neq; de vino potus eius: & rogauit eunuchorum præ-
positum ne contaminaretur. Finis omnium describitur ab *Finis Da-*
eodem Propheta. [f] Regnum autem, & potestas, & ma- *nielis.*
gnitudo regni, quæ est subter omne cælum, detur populo sancto- *f c. 7. 37.*
rum Altissimi: cuius regnum, regnum sempiternum est, & o- *Finis o-*
mnes reges seruient ei, & obedient. Non erat ille finis regi- *mnium.*
bus, & aulicis, quos venturos prædixit Daniel: nam a-
ries carnibus ventilat contra omnes plagas, & non
poterant ei animalia resistere, sed fecit pro voluntate sua, &
magnificatus est. [g] hic finis tanti furoris, ideo ab Hir- *g c. 8. 4.*
co deiectus est, [h] & ille quoque magnus factus est ni- *h c. 8. 7.*
mis. Danielis finis erat Ecclesiæ captiue salus, Ethni-
corum conuersio, & crudelitatis Chaldææ mitigatio.
[i] Et posui faciem meam ad Dominum DEVM meum roga- *i c. 9. 3.*
re & deprecari in ieiuniis, sacco, & cinere. Et [k] Exaudi Do- *k c. 9. 19.*
mine, placare Domine: attende & fac: ne moreris propter te-
metipsum Deus meus: quia nomen tuum inuocatum est super
ciuitatem, & super populum tuum. Denique omnium re-
rum & actionum finem esse respiciendum monet. [l] *l c. 12. 1.*
Et in tempore illo saluabitur populus tuus, omnis qui inuentus *2. & 3.*
fuerit scriptus in libro. Et multi de his, qui dormiunt in terra
pulvere, euigilabunt: alii in vitam æternam, & alii in oppro-
brium vt videant semper. Qui autem docti fuerint, fulgebunt
quasi splendor firmamenti: & qui ad iustitiam erudiunt mul- *Vir de scribe-*
tos, *riorum.*

vos, quasi stella in perpetuas aeternitates. hæc quia ardentissime orabat, ieiunabatq; , opibus planè contemptis, causa vocatus est vir desideriorum. [m] *Ab exordio precum tuarum egressus est sermo : ego autem veni ut indicarem tibi, quia vir desideriorum es.* Duplici modo vir desideriorum dici potest : & quod ipse honorem DEI, salutem populi, reditum in patriam desideret; & q̃ Deo sit desiderabilis, iucundus, vt Symmachus vertit : In Hebræo est : *quia desideriorum tu.* Vitæ nostræ ratio non tam factis, quæ pauca esse possunt, quàm desideriiis æstimatur, quæ nullis terminis includuntur. quantum quisq; voluit, fecit. Nulla apud DEVM operis magnitudo in censum venit, nisi voluntatis precio æstimetur. In hunc finem cum erecta mens prophetæ ferretur, cum summos honores & opes, quas in Babylone possederat, tanquam lutum æstimaret, de templo, de sacrificiis & cultu DEI sui duntaxat sollicitus, DEVS Angelum misit, qui fata populi & futurum mundi statum explicaret : nec tamen regum fauore, aut rebus suis priuaret. Sapientiam, magistratus, dignitates, sanitatē desideras? Vir es desideriorum, non dico malorum, sed fluxorum tamen, nam & horum desideria, & ipsa cum sonitu transibunt; cum cælum & terra dissoluentur, aut tu in puluerem reuerteris. Finem horum omnium DEVM tuum desidera, & cætera adiicientur, aut alia dabuntur his preciosiora. ad beatitudinem parum facit ista possidere, sed bene uti, in DEVM refundere, cui sanctis desideriiis assimulemur, quæ nostra est fœlicitas.

§ 3.

*Teren-
tius
frustran-
tur & a-
ternis.*

Danielis exempla & verba tenemus: ad hanc amul-
sim nostra expendamus. Nam si nos fulgor aulæ traxit,
si purpuram & scepra sic admiramur, vt regnū, quod
populo Sanctorum DEVS per Danielem promittit,
minore cura ambiamus, meremur & ista, quæ vota no-
stra obsident, perdere. Si præpostera auiditate opes &
honores, hoc est vincula mentium, fomites cupidi-
num,

num, pietatis suffragamina quærimus, his quidem angoribus lassabimur, vias arduas, lubricas, difficiles ambulando, & ad illa non pertingemus, quia cum DEI iniuria contempsimus. Respondeat sibi quisque, ne mihi respondendo erubescat. Cur regiam ingressus es? cur laborioso studio superba teris limina? cur animum corpusque obsequio magnatum deuouisti? an ut iustius, temperantiùs, fortiùs viueres? ut Christianæ pietatis & deuotionis exercitia facilius & sine impedimento perficeres? ut tumultus mundi, strepitusque, & simultates, inuidiam vitares? ut in egenos benignior fieret liberalitas? ut superbiam, ut luxum ciborum, vestium vitares? AN DEI gloria, salus populi, tua tibi beatitudo pro fine proposita in palatium adduxit? Si ita factum est, beatus es, si perseueraueris vsque ad mortem. Si aliud quæstisti, nunc saltem ista quære, ne simul omnibus excidas. Opes fortè quærebas: verum si spes irrita destituat, si sumptus rem minuunt, animo angeris. si ista non peristi, damna rerum terrenarum spernis, qui ad promissa cœlestia festinas. Honores ambiebas, & rependitur contemptus, ex alto deiiceris. Dulce hoc est cœlum intuenti; nihil celsum in terra habet vniuersi centrum; si altitudinem cœli spectes, montium cacumina in imo iacent, tota terra puluisculus est. Si finis tibi verus vltimusque cordi est, media illa sine sensu transibis: si in his tibi finem constituisti, non modo tibi salutare, sed penè necesse est, ut ea DEVS auferat, & tanquam obices remoueat, quo ad vltimum ire possis. fanè ut auferantur meruisti. Nobilem aliquando virum miserabili magis animo, quàm voce, quiritantem audiui: ætatem sibi frustra consumptam, in aula se iuuenem sumptu processisse, patrimonium attriuisse, nec speratos tamen principis fauores assecutum. militiæ nomen dedisse, omnia belli mala, famem, vigiliæ, pericula, vulnera pertulisse, stipendia non perfoluta; demum ab hoste

*Finis aula.**Finis vltimus.**Nobilis viri casus.*

hoste captum pro libertate reliquias auctarum possessionum impendisse. iam senem se mutilo corpore, rerum inopem, nulla gloria vivere. Ille meo quidem iudicio beatissimus futurus erat, si cum se in palatium aut castra conferret, animo statuisset, omnia illa posse euenire, seque ad omnia ferenda DEI causa pręparasset. nunc sine fructu laborauit, quia sine causa. nihil mundus illi rependit, sed beneficia irrisu compensat; DEVS nihil illi debet: etsi enim magna fecit, grauiora tulit, non tamen Deo, verum Mammonę seruiuit, & illi Domino, qui caput est super omnes filios superbię.

§ 4.

Finis summum bonum.

Cum igitur ad palatiorum obsequia se viri nobiles pręparant, cum filios in turbas illas mittunt, illud & sibi & illis bonum proponant, quod nemo accipit indignus, nemo amittit inuitus; idque animis imis recondant: quicquid dari potest indigno, odiis obnoxium esse, quicquid eripi potest inuito, in turba potentium esse intutum. Finis igitur esto, in regia terrena quærere regnum cœleste: vt in consortio illustrium virorum nihil tua nobilitate, nihil palatio; nihil DEO facias dicasve indignum. Hoc consequuntur, qui nihil iudicant appetendum nisi summum bonum, aut quod adducit ad summū bonum vltimumq; finem. nihil fugiendum nisi summum malum, quodq; trahit ad summum malum. Media quę bona aut mala vocantur, contemni debent. nam si mala videntur, si dolorem ingerunt, faciliē absumentur à summo bono, quod non patitur admissionem mali; si bona videntur, atque ægrē deferuntur, omninō consumentur à summo malo, cui nihil potest subesse boni, cum ipsum esse sit malum. Faciant illa bona, quę nunquam manent irremunerata. adiicientur & illa bona, quę digna non sunt quærī, à spernentibus tamen accipi possunt: nam hæc, si vel sola, vel prima petantur, meritō negantur peruerse petentibus, peius vsuris. Non habet in electione

Ætione sua DEVS rationem illius, qui sibi suo Marte vitæ genus eligit, & fortunam suam fingit : improbas spes abscindit aut illudi finit, qui sorti sua commiserunt. Infœlices illi sunt, utcunque res cadat. Bonis ca-

Felicitas infelix.

ducis infelicissimus est, qui sibi beatissimus videtur. Anaxagoras homini profano, quique idem pecudis & hominis bonum existimabat, interroganti quis esset beatissimus? respondit: non is, quem tu putas, sed is, qui tibi infelix videtur. [n] Talibus regiæ stipantur infeliciter beatis; bonis palatinis, malis Christianis, ideo nec bonis quidem aulicis: bonus enim aulicus est eo bono, quo & Christianus. Hanc fidei confessionem inter aulica certamina & officia in singulos dies meditentur, ut eundem vitæ totius & singularum actionum scopum fiant.

n Plutarch. Apophth.

¶ 5.

Nimum, inquit, libertatem nostram restringis; aulici sumus, sæculares sumus, mundani sumus, solatia humana non repudiamus. an æquum censes in ege-
mum & claustra concedere, ubi tamen facilius est vestem, quam animum, mutare? At vero sæcularibus & mundanis loquor. non ad ista voco, quæ facere non vultis, sed quæ debetis. non veto quæ licent, non culpo remissiones, & quas usus & infirmitas vestra fecit necessitates; sed moderor affectus, & in viam duco, exuperantiam tollendam dico, ut olim Nazianzenus. [o] Mundani, sæculares, laici, duplici significato dicuntur: mundani, qui mundum amant, & ea quæ in mundo sunt, contra legem eius, qui mundum condidit: qui sunt in corpore diaboli, in concupiscentia carnis, in concupiscentia oculorum, in superbia vitæ, in quibus non est charitas patris; quos Christus non tulit de mundo; qui præuisi sunt in ignem æternum, nisi exeant de mundo, & inserantur corpori Christi. Nemo tam nefarius est aut impudens, ut illo modo mundanum se iactet: hoc est filium gehennæ. Mundanos

Vsus verum concessus.

o Orat. 6. Mundani duplices.

danos igitur se asserunt, non quasi legum DEI immunes, sed quod Clericorum & religiosorum nō teneantur votis & ceremoniis; ideoq; in rerum humanarum appetentia ac delectatione plus sibi indulgendum iudicent. Hac quidem de quaestione alias videro. ad finem bonorum nihil facit illa distinctio. Finis vitæ Platonis & Peripateticis est secundum naturam vivere, Christiano, secundum gratiam. Par hic ius est, eadem lex, idem peccatum aulico & religioso; neuter in quocunque mundi bono finem statuere debet, per omnia autem in DEVM tendere. Quicquid horum bonorum ita appetitur, ut in finem vltimum non dirigatur, mercede caret, nullam à DEO promissionem habet. Si laudem, opes, aliud quaesisti, nihil à DEO expectabis, illi obsecutus non es. Quod si nihil à mundo ingrato accepisti, mercedem tamen tuam recepisti: nihil apud DEVM tibi repositum est. nec æquum est ab eo præmium reposcere, cui obsequium non præstitisti.

*Mundani
& religio-
si idem fi-
nis.*

Cum igitur sint in aula grandes & magni labores, omnes instar somnij pereunt, si vanis impenduntur, non DEO. vita nostra mortalis est, spes autem vitæ immortalis. hanc sola fides dirigit, sine qua impossibile est placere DEO: quod enim sine fide fit, non fit propter DEVM. qui laborē DEI causa sustinere detrectat, mundana spe omnes ærumnas suscipit, in vanum sudat. Si amore DEI magistratum suscipiat, dignitates petat, diuitias acceptet, præmia de cœlo dabuntur, non ut compensentur ista inania, sed voluntati Christianæ, quæ non nisi ad DEI gloriam ista vel accipere vel habere nouit. Concordius martyr [p] nobilis, imperante Antonino, cum Torquatus comes quaestionum cruentarum Præses nomen eius nosse vellet, Christianum se esse confessus est. illo fremente & dicente: de nomine, non de secta se querere, non mutauit responsum: Christianus, inquit, sum, Christum profiteor. Merito sanè omnia præconia, tituli, & dignitatum nomina vni elogio Christianitatis cedere debent:

*p Beda.
Vsuard.
Concordius.*

debent: hoc enim continetur regnum sanctorum, quo quisquis excluditur, in exitium laborauit.

C A P. XVIII.

Metus imminantium in aula grauis: atq; omnirepub. moderatio illius, & victoria.

§ 1.

IN vita mutabili nemo tam est beatus, cui non super- *Metus grā;*
incubet mali metus, qui est ipse grande malum: sic- *de malum.*
ut sine metu viuere magnum est bonum; timemus
autem, quia vitam habemus, sed non sine fine, vt
Augustinus exponit. Nabuchodonosor caput au-
reum in summa felicitate, mentis anxietudine torque-
batur de futuris euentibus, auream spondam ascen-
debant atra curarum, & sub gemmeo conopæo car-
nificinam exercebant sollicitudines & timores. Hoc
Danieli **D E V S** reuelauit. [a] Tu rex cogitare cœpisti *a c. 1. 29.*
in strato tuo, quid esset futurum post hac: & qui reuelat my-
steria, ostendit tibi, quæ ventura sunt. **D E V S** quoque re-
gem magnitudine, potentiaque superbum minaci o-
stento terruit, dum arborem succidendam docet.
[b] Quantus quoque subitus in rege Baltasare iam te- *b c. 4.*
mulentio metus? quam fortis exclamatio? dum fata
morituri manus in pariete depingit. [c] Tunc facies regis *c c. 5. 6.*
commutata est: & cogitationes eius conturbabant eum: & *Timor Bal-*
compages renum eius soluebantur, & genua eius ad se inuicem *tasaris.*
solledebantur. Timor ille impiorum est, dum metuunt, quod
meruerunt. Horridus timor super impium Achaz, &
populum ad exemplum regis sceleratè viucentem cecidit,
cum intelligerent inter Syros & reges Israël fœdus
contra Judam esse pactum. Isaias trepidationē pulchra
similitudine exponit. [d] Et nunciauerunt domui Dauid, *d c. 7. 2.*
dicentes: Requieuit Syria super Ephraim, & commotum est cor
eius, & cor populi eius, sicut mouentur ligna sylvarum à facie
venti. Alius timor Sanctorum, reuerentia **D E I**, amoris *Timor san-*
sancti *ctorum.*

sancti filia. Daniel se perculsum gloria Christi scribit.

c c.7.15. [e] Horruit spiritus meus, ego Daniel territus sum in his, & visiones capitis mei conturbauerunt me. sed in illo terrore & fidem, & legem DEI, & oraculi veritatem obseruabat.

f c.7.28. [f] Ego Daniel multum cogitationibus meis conturbabar, & facies mea mutata est in me: verbum autem in corde meo conseruaui. Ad colloquium Angeli pauens corruit in fa-

g c.8.17. ciem suam, [g] Pronus collapsus est in terram; & deinde
e 18. super socios Danielis terror nimis irruit, & fugerunt in
visu. absconditum. [h] & [i] Ego autem relictus solus vidi visionem

h c.10.7. grandem hanc: & non remansit in me fortitudo, sed & spe-
i c.10.8. cies mea immutata est in me, & emarcui, nec habui quicquam

Timor virium. Sed hunc Deus erigit consternatum super fa-
Danielis. ciem terræ, & cum nihil mansisset in eo virium, &

k c.10.19. halitus intercluderetur, dixit illi Angelus: [k] Noli ti-
mere vir desideriorum; pax tibi: confortare, & esto robustus.

Cumq; loqueretur mecum, conualui, & dixi: loquere Domine mi, quia confortasti me. Darius quoque DEVM timeri vo-

l c.14. luit, quod bonorum auctor esset. [l] Tunc rex ait: Pa-
42. ueant omnes habitantes in vniuersa terra Deum Danielis: quia ipse est Saluator, faciens signa & mirabilia in terra: qui libe-

Sancti so- rauit Daniele de lacu leonum. Qui bonis caducis inhiat,
lum Deū vt semper metuat necesse est. Bona ipsa sunt corru-
riment. ptioni obnoxia, & aliorum iniuria tolli possunt. ille

etiam, qui illis adhæret caducus est: timor autem DEI liberatoris salutaris est, & cæteros animo timores excutit: quisquis DEVM veretur tanquam patrem, qui peccatum detestatur, qui pœnas peccati comites exhorrescit, nihil aliud in vita agnoscit formidabile: quæ enim velut terribilia meticulosis obiciuntur, infra suas curas esse existimant. fumum, vmbra, foliorum defluxus non metuunt, qui ignem, arma, ruinas ædium arborumq; contemnunt.

¶ 2.

Miserrima mortalium conditio est semper ex futuro pendere, de imminentibus angi, non viuere contentum

tentū vel presentibus bonis, vel malis; & cum dominus diei cuiq; malitiā suam sufficere dixerit, nos metuendo *Ex futuris* sequentium etiam annorum onera & ærumnas arcessi- *pendere mi-* mus, & animam premimus mole rerum nunquam for- *serum.* te venturarum. In aulē tamen agitationibus metus grā-
tior incumbit, & anxietas concitior trepidas cogita-
tiones exercet, in purpura dibapha & spectatiore for-
mido seder bis tincta curis. Causæ vero, cur in ordācio-
re sollicitudine procerum mentes vrantur, sunt plures.
In regum obsequio non parua aut ludicra, sed grandia
prælumuntur, quorum cupiditate mentes accensæ
magnis motibus agitantur. In arce prælustri sæua ful-
mina cuduntur, & subinde proximos steiunt, & ab o-
mni latere monumentum cladium, stat triste bidental.
Animus igitur spem inter & metum atrocem trepidat.
In illo negociorum, tutbarum, æmuloꝝq; conflictu
magna rerum, maior est animoꝝum inutabilitas & in-
constantia, quæ reges ipsos cunctis timendos non in-
terrupta formidine premit: omnibus Damocleus en-
sis de tenui seta impendit, facili casitus motu. recur-
sant angores, quantum regi, quantum æmulis, quan-
tum calumniis liceat, secum expendant. & merito: vna
offensa omnium obsequiorum fructus, tanquam ver-
nos flores,

Borea penetrabile figus adurit.

Ex alto si aliquem ira regis proruit, suam quoq; nū-
tare fortunam credunt, non alio columine fuliam; si
favor alium extollit, reliqui sibi turpe ducunt. Horum
igitur vita tota inter spem & metum tanquā duo crucis
statumina est pendula, in solido non consistit animus,
sed inquietus est, aura mouetur, & vt in mala māsione,
& quod adest, & quod imminet, semper cruciat. Pes-
sima suis aula, omnia sortem dare, & semper ab euen-
tu pendere; eo vero deterior, quod cura ardens cre-
dula est, & quod misere volūt, facile sperant, quod me-
riunt vehementer, nunquam amoueri posse arbitran-
tur. Sereca.

H

Pro.

Prona est timori semper in peius fides.

Miseri & meticulosi malorum creduli sunt. Adversa tristibus cogitationibus consentanea facilius fidem inueniunt quam læta, ad quorum vota cupidi festinant ipsa mora fastidio est,

— *Exultantiaq; haurit*

Corda pauro. —

Qualis eorum est, qui in carceribus mappæ signum expectant, & trepidi anhelant.

§ 3.

*Malati-
moris.*

*Timens
siquis vivit.*

*m T. 9. p.
98. 118.
n Scal. ex-
ercit. 42.*

Excutiendum animo malum est illud, quod monte gravius premit & fatigat, vti iactantur, quos per quietem obstructis cerebri meatibus morbus, quem ephialten appellant, sollicitos exercet & suffocat; atque adeo ipsum metum odisse oportet; nam facit ut præsentium incurij ad futura feramur. longam vitam optant, ad senectam anhelant, & quæ morri sunt propiora præoccupant, ipsis desideriis, quibus venientia sibi despondent, & timoribus, quibus fugiunt incommoda ficta, immoriuntur. Stultum est cupere absentia, præsentia negligere. Vere dictum est: stultum semper incipere vivere; at miserabilior meticulosus, quine vivere quidem incipit, sed meditatur in futurum vivere. Laborat ille fastidio omnium rerum, præcipuè tædio sui. Stultum autem est timere, quod euitare nō est in tua potestate, v t accuratè disputat Augustinus. [m] Hinc in vanis maximus timor & contractio: sal in igne crepitat. [n] nam aëreus est & aqueus, spissoque corpore; per calorē igitur dilatatus vapor violenter exitum quærit, sonumq; edit. ita timidi quoq; pleni aura & vapore, non solido animo, presso corpore, cum persecutio calfecerit, eiulant ac crepitant, corpori timent, quod quasi nubes quædam est animæ, ne flabris dissipetur, quodque turbines agunt in magno, hoc terror in paruo mundo. Maxima timorum pars vana est, fugiuntque homines non mala, sed bona aut media.

dia, non ex vera ratione, sed quod quædam insit vo-^{Timores}luntatis intemperies, qua ad timendum impellantur. ^{vani.}

Multis ingenerata est casei abominatio, vinum alij auerfantur. Scaliger ait vidisse cui mala attulerint fastidium; se ad Cressoni conspectum tremere adeo, ut horrore quassatus abire cogeretur. [o] Vidi ego, qui an-^{o Exerc.}guillarum odore expallescere. Germanicus Catti a-^{294.}spectum ferre nequibat. Nero fulmina horrebat. Cau-

fas ignorant, qui timent, & sapientia est, ista nescire. Sunt illa ex constitutione & temperatura sensuum ac viscerum; & cum in rebus nulla causa sit, affectum sibi debent, Simili metu constringit multos mens non sana. Apud Menandrum sibi malum ominatur, cui inter vestiendum calcei corrigia rupta fuit. Alius timore cruciabatur, quod Scropha nefrendes deuo-^{Superstitio timida.}raret, quem Antiphontes lætari iussit, quod fuculos, non liberos edisset animal stolidum & multiuorum. Pro omine accepit prisca superstitio, si mures calathum, balthum, aut clypeorum loramenta rosissent. Non erant illa ostenta, sed si ab ipsis mures arroderentur, ut Arcesilaus & Tullius censebant; metustamen ingentes res illæ attulerunt, ut ex talibus etiam de Rep. deliberarent.

Multa quidem metus scelera efficit, sed ex multa si-^{Periandri metus.}mul stultitia & ineptiis. Multi mortem metuendo in mortem rucie properarunt. Periander tyrannus, [p] cum mortem, & ne insepultus abiiceretur, ni-^{p Lactius in Periand.}miu[m] timeret, milites duos emisit via, loco, tempore designato, quo virum sibi occurrentem occiderent & sepelirent; alios deinde plures constituit, qui his à facinore redeuntibus occurrerent & trucidarent; ipse his per ordinem dispositis, ignota veste, clam egressus occurrit, & suo imperio à nescientibus inter-^{Ignavi est petere mortem.}fectus est, illi ab aliis: nec restamen latuit, sed nobilis historia ad posterq[ue] transmissa est, non sine detestatione ignaviæ: Non est fortis viri ad mortem ^{q Seneca,}properare. [q]

Qui fata proculcauit, ac vita bona
 Proiecit, atq; abscidit, & casus suos
 Onerauit, ipsi, ceu video, nullum est opus,
 Quare ipse mortem cupiat, aut quare petat,
 Virumq; timidi est, bellè contempsit mori,
 Qui non cupiuit &c.

Nemo magis seruituti obnoxius est, quam is qui multa & multos metuit: tot enim dominos habet, quot timores. Magno risu celebratus est Artemonis Periphoreti metus, sedenti supra caput scutum tenebant seruuli, ne aliquo è sublimi cadente læderetur, humi cubabat ne decideret, foras profectus lætica claudabatur. [r] Ludouicus IX. rex Gallia Jacobo Cotterio medico ita obnoxius erat, vt tanquam Dominum seruus formidaret, & ille impotenter imperium exercebat, cum terrere vellet, alium vt medicum quæreretur, saepe ingeminans. [s] rex sine illo se viuere posse diffidebat. Ita metu, seu vero, seu falso, animus discerpitur, & quasi in funda rotatur. Nero audita defectione Galbae torpuit, sine voce stetit, caput verberauit, ante mortem pene funeratus. [t] Isocrates dicendi quam viuendi peritior, cum natus annos nonaginta ægrotaret, rogatus quid valeret, vt homo, inquit, nonagenarius, qui mortem summum malum putat. Quem affectus ille captiuum tenet, omnia metuit, omnia tanquam letalia intuetur.

¶ 4.

Proinde quid cras futurum sit, fuge quærere: vtiq; quod Deus præuidit, quod voluit heri, quod noluit impedire. vtiq; & viro bono probandum est id quod summè bonus statuit. Indecorates est metus, etiam in corpore, cui vires demit: [u]

Ne time
 quod Deus
 vult.
 u Seneca
 in Medea.

Vagus per artus errat excussus tremor,
 Erectus horret crinis, impulsis adhuc
 Stat terror animis, & cor attonitum salit,
 Pavidumq; trepidis palpitat venis iecur,

& cum

& cum euentu reputat, & mores frementis aulae pal- x Seneca.
let; [x]

Quasi cum Siculi Virgo Pelori

Rabidos vtero succincta canes,

Omnes pariter soluit hiatus.

Quis non totos horruit artus,

Toties vno latrante malo?

Molestia est sine emolumento timor futuri. Nullum
est tedium expectatione fastidiosius. Metus futuri su- Cupido fu-
spiciosus est cruciatus, malum spontaneum. tura sciendi.

Sed malus interpret rerum metus omne trahebat

Augurium peiore via. [y]

y Claudia-
nus de bell.
Ger.

Somnum arcet, sanitatem carpit, senectam accelerat
totam vitam suspectam habet morte durior est mortis
metus. praestat semel cadere, quam semper timere, qui
semel frenum momordit, vt secum statuit, non metue-
re, iam liber est: nec metum metuit, vno alium; quod z 80. qq. jr.
verissimum esse docet Augustinus. [z] Incredibilis
hinc futura cognoscendi cupido. Hinc magicae sortes
auguria, omnia somnia, astrorum infamia. Hinc impo-
sturis magna pars hominum obiecta est; totiesq; dece-
pta non profutura curiositate maceratur. nolle futura
cupiunt, si nossent dolituri.

Prudens futuri temporis exitum

Caliginosa nocte tremis DEVS,

Ridetq, si mortalis ultra

Fas trepidat. [a]

a Horatius.

Nihil tamen efficit illa cura: nam si ventura sint, ea
timere est miserrimum, si non euentura, vanissimum,
si eo malo te crucies, quod nunquam futurum est.

¶ 5.

Nimis, inquis, formido, ne grauiora tempora infe-
lix experiar. Noli ante tempus esse miser, induciis quas
DEVS dedit frui, venient illa, sed non pura mala, ve-
hent secum lenimenta. [b]

b Seneca e-
pist. 109.

Meliora quidem prateruolant, deteriora succedunt, quem
admodum ex amphora primum, quod est sincerissimum, effluit;

H 3

gra-

grauissimum quodq, turbidissimumq, subsidit. id ex hauriri in aliis potius patimur, vt nobis fecem reseruemus. Inhareat istud animo, & tanquam missum oraculo placeat.

*Virtuti
studendū.*

*20.6.
6.14.*

*De ater-
nis sollici-
tudo.*

Venient, ne dubita, sed ne metue: fortè ante disces. inopiam, offensam, dedecus formidas, forsitan ante te mors absoluet. Omnis ætas de suis moribus quæta est & de calamitatibus, querentur & posteri. præterita meliora opinamur, quia non sentimus. Meliora tempora expectas, & ne tardent, metuis; at tempora bona sunt, male nos illis vtimur. sint homines iusti, non erunt iniqua tempora; dies sunt mali, quia pauci per illos boni, cur vero sint boni, à plerisq; male collocandi. Tu viue ex virtute, in Deo tuo, & omnis dies in lucro est. Quocunq; res cadat, operum bonorum nihil perit. Hodie regnum tibi parare potes, quid sedes pallidus & metuens futuri? occupanda sunt tempora ne ignauis elabantur, aspera magis sunt regno comparando idonea. Daniel dies octo inter leones sedit. [c] nihi nisi Deum timebat, omnium rerum, & vel mundi ruentis securus. Si incertum euentum cauilaris, frustra angeris: quod passurus es, hoc te manet. tuum est cauere, ne ex merito patiare; si autem innocens, gaude, illa te in portum tempestas celerius vehit, lancea illa vomitum aperit, pus & venenum extrahit. Media transili, postremo, quo de eternitate cernitur, euentu, cuncta estimato: ille dies de omnibus iudicat.

§ 6.

Demum vt præsentī momento viuamus, futura quoque ne metuamus, curandum. vis esse aulicus fœlix? liber esto à formidine; sic rex, sic beatus eris.

d Seneca.

*Rex est qui metuit nihil,
Hoc regnum sibi quisq, dat. [d]*

Imo DEVS dat, licet non sine nobis. DEVM time, ille Dominus est. ama DEVM, charitas foras mitter timo-

timorem. [e] serui D E O in timore & tremore. cætera e *Mal. 1.*
 non timebis, non magis quam spumas Indici maris:
 nemo D E V M timens, hominem formidat; non timer
 vbi non est timor, si timet quod D E V S iussit timere.
 bene viue, nullum genus mortis recte viuenti timen- *Solus Deus*
 dum, vt bene Gregorius. maiore timore minora con- *timendus.*
 temnimus. [f] Verissime itaq; Didymus: fieri non po- *f Augusti-*
 test, vt qui D E V M timet viuat in timore. Fortem virum *nus in*
 nemo facile aggreditur, & D E V M timentem alij ti- *Psal. 68.*
 mores deserunt: ille est enim bonus & prudentissi-
 mus, Chrysostomi & veritatis iudicio, qui fortis est &
 Deum timet.

Hinc vana timentur, quia vera pericula non cogi- *Veri mali*
 tantur. Nemo, aut sane pauci de multis, futurorum me- *timor va-*
 tum cogitant, diem & iram Domini, & incredulis ven- *num excu-*
 tura supplicia, statuta perfidis tormenta quasi longe *tit.*
 posita non respectant, quæ metueret conscientia, si *g T. 10. 2. 10.*
 crederet, vt deplorat Augustinus. [g] Illa valde ter- *h serm. 4.*
 rent, si fidem habemus, eos qui fidem non habet, non *de verbis*
 terrent. Augustinus, [h] & deinde [i] vanum docet *Domini.*
 esse timorem migrare trepidantium, & metum amit- *de verbis*
 tendi temporalia, cui tamen resisti nō possit. Homines *Apost serm.*
 illos increpat & plangit idem Aug. timentes vbi non est *15.*
 timendum, timentes de temporum, non animarum *k T. 9. 47.*
 contritione. [k] vinctos timore seruili quum non iu- *l Basil. 6.*
 stitia amatur, sed pœna timetur. [l] *Dorothe. De-*
trina. 4.

Tres enim sunt conditiones & status (vt diuus Basilius ait)
 quibus Deo grati esse possumus. Si enim pœnam formidamus, in
 seruili statu sumus. Si vero mercedis lucra consectantes, vtili- *Tres timo-*
 tatis & commodi proprii gratia diuina mandata peragimus, res.
 mercenariis assimilamur. Sin autem bono & honesto pro-
 pter seipsum adhæreamus, in filiorum genere sumus. Filius
 enim vbi ad prudentiam discretionemque peruenerit, pæ-
 terna vota exequitur non timore scilicet plagarum, non et-
 iam mercedis & premii cupiditate, sed amore, pietate, ob-
 seruantiæque erga patrem. Persuasus enim satis est, suum fore,
 quicquid patris fuerit.

Hac spe quisquis viuit, non metuit quicquam in mundo, extra mundum iturus. Qui stadium decurrit, gaudet, non timet, cum ad metam ventum est: cursum enim hoc est laborem absoluit, superest corona. Kilianus Hierbipol. Eccl. Episcopus cello latoq; animo percussiores excepit: Amici, inquit, ad quid venistis? vos praeceptum implebitis, nos cursum consummabimus. Hæc sola securitas est, & cum timore sine anxietudine laturi. Nec male Seneca, quanquam finis ignarus. [m]

m Epist.
106.

Securitatis magna portio est, nihil inique facere, confusam vitam & perturbatam impotentes agunt. tantum metum, quantum nocent: nec vlllo tempore vacant. trepidant, cum fecerunt, herent, conscientia aliud agere non patitur, ac subinde ad se respicere cogit. Dat penas, quisquis expectat: quisquis autem meruit, expectat. Tutum aliqua res in mala consistentia præstat, nulla securum. Putat enim se, etiamsi non deprehenditur, posse deprehendi: & inter somnos mouetur: & quoties alicuius scelus loquitur, de suo cogitat. non satis illi obliterratum videtur, non satis rectum. Nocens habuit aliquando latendi fortunam, nunquam fiduciam.

C A P. XIX.

Magistratibus & Palatinis feruenter orandum exemplo Danielis.

§ 1.

Orationis
necessitas.

MEntis nostræ in DEVM defixa aduersum spes inanes & metus constantia, vitæque honeste degendæ ratio, de qua egi, è cælo datur. oratione igitur nutritur & firmatur, orationi vicissim parandus est animus, ne minore DEVM veneratione, dum alloquitur quam regem prosequamur. Qui recte viuit, recte orat; & vicissim, qui recte orat recte viuit: affectus enim, non vox præstis æstimatur, hunc tamen sermo sequitur, Sancta doctrina Iustini Martyris. [n] orare debemus sermo-

a Devent.
Christiana
religio-
na.

sermone copiosi, factis potentes, & Antistes Hippo-
 nensis attendere nos iubet orationi, vt D E V s atten-
 dat: quomodo enim ille audiet, si re ipse non audis?
 illa oratione D E V s flectitur, quæ non in multitudine
 verborum, sed cordis affectu consistit; cordis tamen
 affectus multa verba, non inania tamen pronunciat.
 Paræmia dici solet; orare nescio nauigandum esse ma-
 re, indomitum elementum docere preces: tribus e-
 nim digitis cum absint à morte, cum vndique pontus
 insonet, vtraque latera nauius ventus & vnda tundat,
 humanis auxiliis destituti, ad D E I clementiam recur-
 runt, & veris lachrymis inuocant. In æquore vasto ia-
 ctantur & procures, lubrica ponunt vestigia, fluctibus *Aulici in mari.*
 suspensi: mare enim super quod ambulant, sunt popu-
 li. nam Joannes Apost. vidit mulierem sedentem su-
 per aquas multas [b] & ne dubitemus, quæ sint aquæ *b Apoc. 17.*
 & maria, exponit, [c] & dixit mihi: aqua, quas vidisti vbi *c Apoc. 17.*
meretrix sedet, populi sunt, & Gentes, & lingua. Imperant, *15.*
 populis & insultant, vt nauigantes fluctibus, ab illis
 tamen sustinentur & iactantur, & cum in horruere,
 merguntur. Nauta mare calcat & timet. solum in quo
 stant, solidum non est, sed liquens & mobile; nec illius
 firmitate, sed sua leuitate in alto tenentur. Euripi mo-
 re fluit, atq; æstus reciprocatur multorum naufragio in-
 fames. Orandum igitur illis est vt pericula discutiant,
 & in D E O subsistant: sunt enim in profundo maris, &
 non est substantia. [d] *d Psal. 68.*
3.

¶ 2.

Verum tu Daniel procede vir desideriorum, fili ho- *Daniel o-*
 minis, Angelorum collega, regum minister & arbiter, *rasor.*
 doce aulicos fundere preces, animas cælo tollere, ter-
 restrium tantisper inanes, cælestium refertos. Legant
 orationem Azariæ, qui aperiens os suum in medio i- *c Dan. 3.*
 guis, [e] legant & orationem trium puerorum, quam *26. vsq; ad*
 quotidie usurpat Ecclesia. [f] Sed ita legamus, vt eis *46.*
 dem periculis nos cogitemus implicitos: hinc aqua, *f Dan. 5. 3.*
& seq.

H. 5 hinc

hinc flamma exarsuat. Hæc ex narratione Danielis, nunc spiritū in illo precum & orationis videamus ardorem. [g] *Dixerunt ergo viri illi: Non inueniemus Danieli huic aliquam occasionē, nisi fortē in lege Dei sui.* Nouum calumnię genus laus est Prophetę. Quę vita, quis sermo, quę fama viri sancti fuerit inter incultissimos & ferocissimos barbarorum, res ipsa docet: publico in consilio, omnibus hostili diligentia expensis, nullam in Daniele causam fore iudicāt, nisi in lege Dei sui. Non minor Danielis pietatem & in oratione cōstantiam, aliorum quoq; fuerunt paria decora. Hoc ipsis virtutibus maius est, viuendo tantam excitasse inter barbaros religionis opinionem, vt certo statuerent, illum potius subiturum ora leonum & bestiariorum miseris vices, quam ab oratione cessaturū, & nisi talis esset, occasionem eius interficiēdi fore desperarent. Nec fefellit famam Daniel, sed vicit virtute, vicit miraculo [h] Porro, inquit, rex Darius proposuit edictū, & statuit. Quod cum Daniel comperisset, id est, constitutam legem, ingressus est domum suam: & fenestris apertis in cænaculo suo contra Ierusalem tribus temporibus in die flectebat genua sua, & adorabat, confitebaturq; coram Deo suo, sicut & antefacere consueuerat. Viri ergo illi curiosius inquirentes, inuenerunt Daniele m orantem & obsecrantem Deum suum. Deuotionem Prophetę aulici Christiani penitiūs introspeciant. fecerunt illud etiam idololatrę, illi, vt ad bestias damnarent, nostri, vt imitentur. Comperto igitur, quod iniqua lege parabatur, discrimine, Daniel tueri pietatem cōstituit. multa arte sine fraude machinas eludere potuit, sed noluit, orare noctu potuit, & lachrymis lauare stratum suum, quod fecit & Dauid, potuit clausis fenestris atq; ostiis, sine arbitris, potuit sedens, inambulans, aliud agere simulans, sine suspirio, sine voce, sola mente Deum orare: non enim vocem aut corporis gestum Deus exigit, sed animi pietatem; at illa maluit palam, apertis fenestris, in cænaculo, in turba ministrorum, versa ad Ierusalem facie, genibus flexis, ter in die fidem suam & cul-

tum

Daniel
latere no-
luit ora-
tionem.

g Dan.
6.5.

h c. 6.9.
vsq; ad
12.

tum profiteri, legē impiam factis refigere, Judæis pietatis exemplo præire, opprobrium gentium, qui deos suos regi postponebant, à se suisq; amouere. Alia sunt metuentium, alia heroum facta. Daniel eligit, quod mundus obstupeſcat, cælum probeſt, quo fames leonum frenetur.

¶ 3.

Orationis ſtudioſus erat Daniel, à qua nec metu mortis abduci potuit, nunc quo ſpiritu orauerit videndum. quod ve bis aliis exponi non debet, quam illis, quæ Spiritus Prophetæ dictauit. [1] In anno primo Darii i c. 9. v. 5. filii Affueri de ſemine Medorum, qui imperauit ſuper regnum ^{v/q; ad 24.} Chaldaorum: Anno vno regni eius, ego Daniel intellexi in libris ^{Omnis o-} numerum annorum, de quo factus eſt ſermo Domini ad Iere- ^{rationis} miam prophetam, vt complerentur deſolationis Ieruſalem ſe ^{perfectio in} ptuaginta anni. Et poſui faciem meā ad Dominū Deum meum ^{precibus} rogare & deprecari in ieuniis, ſacco, & cinere. Et orauī Dominū Deum meum, & confeſſus ſum, & dixi: Obſecro Domine Deus magne & terribili, cuſtodiens pactum & miſericordiam diligē- ^{Danielis} tibus te, & cuſtodientibus mandata tua. Peccauimus, iniquitatem fecimus, impiè egimus, & receſimus: & declinaui-
mus à mandatis tuis, ac iudiciis. Non obediuiſus ſeruis tuis prophetis, qui locuti ſunt in nomine tuo regibus noſtris, principibus noſtris, patribus noſtris, omniq; populo terræ. Tibi Domine iuſtitia: nobis autem confuſio faciei, ſicut eſt hodie viro Iuda, & habitatoribus Ieruſalem. & omni Iſraël, his qui propè ſunt, & his qui procul, in vniuerſis terris ad quas eieciſti eos, propter iniquitates eorum, in quibus peccauerūt in te, Domine nobis confuſio faciei, regibus noſtris, principibus noſtris, & patribus noſtris, qui peccauerunt. Tibi autem Domino Deo noſtro miſericordia, & propitiatio, quia receſimus à te; & non audimus vocē Domini Dei noſtri, vt ambularem in lege eius, quam poſuit nobis per ſeruos ſuos Prophetas. Et omnis Iſraël præuaticati ſunt legē tuam, & declinauerunt ne audirent vocem tuam, & ſtillauit ſuper nos maledictio, & deteſtatio, quæ ſcripta eſt in libro Moyſi ſerui Dei, quia peccauimus ei. Et ſtatuit ſermones ſuos, quos locutus eſt ſuper nos, & ſuper principes noſtros, qui iudicauerunt nos,

vt ſu-

ut superinduceret in nos magnum malum ; quale numquam fuit sub omni cælo, secundum quod factum est in Ierusalem. Sicut scriptum est in lege Moysi, omne malum hoc venit super nos : & non rogauimus faciem tuam Domine Deus noster, ut reuereremur ab iniquitatibus nostris, & cogitaremus veritatem tuam. Et vigilauit Dominus super malitiam, & adduxit eam super nos : iustus Dominus Deus noster in omnibus operibus suis, quafecit : non enim audiuius vocem eius. Et nunc Domine Deus noster, qui eduxisti populū tuum de terra Ægypti in manu forti, & fecisti tibi nomen secundum diem hanc : peccauimus, iniquitatem fecimus, Domine in omnem iustitiam tuam : auertatur obsecro ira tua, & furor tuus, à ciuitate Ierusalem, & monte sancto tuo. Propter peccata enim nostra, & iniquitates patrum nostrorum Ierusalem & populus tuus in opprobrium sunt omnibus per circuitam nostrum. Nunc ergo exaudi Deus noster orationem serui tui, & preces eius : & ostende faciem tuam super sanctuarium tuum, quod desertum est propter te metipsum. Inclina Deus meus aurem tuam, & audi : Aperi oculos tuos, & vide desolationem nostram, & ciuitatem, super quam inuocatum est nomen tuum : neque enim in iustificationibus nostris prosternimus preces ante faciem tuam, sed in miserationibus tuis multis. Exaudi Domine, placare Domine : attende & fac : ne moreris propter te metipsum Deus meus : quia nomen tuum inuocatum est super ciuitatem, & super populum tuum. Adhuc me loquente in oratione, ecce vir Gabriel, quem videram in visione à principio, cito volans tetigit me in tempore sacrificii vespertini. Et docuit me, & locutus est mihi, dixitque : Daniel nunc egressus sum ut docerem te, & intelligeres. Ab exordio precum tuarum egressus est sermo : ego autem veni ut indicarem tibi, quia vir desideriorum es : tu ergo animaduerte sermonem, & intellige visionem.

Oratio
exaudita
cum inci-
peret.

Hac in oratione Spiritus DEI non legitur tantum, verum sentitur, non verba sunt, sed anima liquefacta. summa modestia corporis in sacco & cinere, summa animi humilitas in confessione peccatorum, efficacia quoque ab Angelo ostenditur : non expectauit DEI benignitas donec oratio se humiliantis absolueretur,
ab ex-

ab exordio precum Angelus mittitur. Hoc etiam anno tertio Cyri expertus est, cum *lugeret trium hebdomadarum diebus*, [k] mox primo die exauditus est. [l] Et ait ad me: noli metuere Daniel: quia ex die primo, quo posuisti cor tuum ad intelligendum, ut te affligeres in conspectu Dei tui, exaudita sunt verba tua: & ego veni propter sermones tuos. Atque hoc exemplo Danielis aulici Doctoris omnes Christi fideles serui orationi se debent: illa enim peruenit omnia, penetrat omnia, dirumpit omnia, donec ad aures DEI perueniat, ut expertus testatur Augustinus.

C A P. XX.

Danielis imitatores omnes fideles, præcipuè Palatini & magnates, nobiles, tribuni, centuriones.

§ 1.

Omibus Christianis, præcipue regibus, & nobilibus, est in precibus successus: nam domus oratione, & ciuitas seruatur, & precibus potentia calcatur armata, ut probat Augustinus: exemplisque Moysis, Davidis, Ezechiae, Macchabæorum, è sacris literis docemur. Christiana Religio innumera nobis testimonia cumulat, hostes quoque nostri fatentur. De legione fulminatrice historia est apud Eusebium. [a] Constantini facta, sed precibus animata, Ecclesiam seruauit: Ille viros pios in aula publico sumptu alebat, qui pro imperio orarent. [b] Miranda Imperatoris & nostris temporibus penè probrosa pietas. imperium non armis & opibus, sed magis DEI auxilio, quod sancti impetrarent, consistere, rectè iudicauit; nec ullus principum dissentit, qui nouit mundum propter electos conseruari, malos vero viuere, ut bonis seruiant, tam exercendo eorum virtutem, quam commodà quædam

Omnia ab oratione pendent.

a Litter. Antonini.

b Euseb. l. i. de vita Constantini. Constantini pietas.

dam procurando : nisi enim aliqui essent boni , omnes perirent mali. Omnium sententia est , Sanctorum in Ecclesia preces expectandas esse. At vero esse , qui ea sola causa pios in aula sustentet , vt DEVM precentur & salutem poscant rebus , id rarum est. Nectamen sic aliorum precibus nitebatur , vt suas negligeret : nunquam ad bellum processit , nisi multis precibus propitiato numine , vt Eusebius testatur. [c] Pingi orantis habitu & sculpi se iussit , quo profiteretur , regnum se Deo largienti , non suæ prudentiæ viribusq; acceptum referre. palatium Constantini templo aliquando quam aulæ similis fuit. Super mentam Imperatoris Psalmi , Flauiani Episcopi instituto canebantur , [d] atq; illud ex vetusta Ecclesiæ consuetudine , cum fideles eâ curâ conuiuia agitent , vt disciplinam potius , quam dapes cœnarent , & ipsis agaparum conuictibus ad orationem animos præpararent. Quæ consuetudo hodie quidem etiam in clericorum & Episcoporum domibus ita exoleuit , vt qui reducere eam voluerit , offensam potius , quam fructû sperare debeat. Theodosius quoque , qui Constantinum & gestis , & Magni nomine æquauit , à precibus prælia semper exorsus est , [e] & in rerum discrimine sollicitum venti , viues , & fulmina propugnarunt. Sed Constantinus præcipuus fuit Danielis imitator , qui non modo factis , sed & monumentis , principibus & aulicis orandi studium commendauit : milites suos orare docuit : in nûmis species orantis exprimebatur , in tabulis erectus contemplantis imaginem habebat. [f] In idolorum fanis pingi suam imaginem vetabat. Nunc quoq; contrario sæpè modo in templis orantis specie visuntur mortui , qui viui orationem neglexerunt. Quis nunc Imperator ? quis dux milites orare docet ? imo quis blasphemare prohibet ? Vix orant nostro tempore ipsi duces , nonnulli etiam vates falsos & ariolos contulunt , vt neminem causæ pereuntis imperij lateant , quod Deo non commendatur , sed dæmonum consiliis vexatur.

Pre-

c. l. 9. c. 9.

Christia-
norum
pietas.
d. Soz. l.
7. 23.

c. Soz. l. 2.
c. 24.

f. Euseb.
de eius
vita l. 4.
c. 15.
ita rara
oratio mi-
litaris.

§ 2.

Precibus piè fufis nihil excellentius : oportet enim
 femper orare, [g] femper egemus auxilio, femper pe- g Eph. 6.
18. & 1.
Theff. 3.
10. & 5. 18.
h c. 12. 10.
 tendum eft, vt accipiamus; fine intermissione autem
 accipimus. Ecclefie Chriftianæ datus eft Spiritus pre-
 cum, vt prophetauit Zacharias. [h] *Et effundam ſuper ha-
 bitatores Ierufalem ſpiritum gratiæ & precum.* Prophetiam
 hanc luculentiffimè primavæ Ecclefie Hierofolymis
 expoſuit, non docendo, ſed orando. *erant enim perfeue-
 rantes in oratione.* [i] nec minus deinde orandi ſtudium: i Act. 1. 14.
& 2. 46.
 noctibus in oratione perfeuerabant, horis antelucanis
 conueniebant, & quod apud Babylonios vnus Daniel
 fecit, multa centena millia Chriftianorum quotidie Carolus
Magnus.
 faciebant, vt cum fortunarum, vitæ, & tormentorum
 periculo ad orationem & ſynaxes conuenirent. Qua
 de re Iuſtinus, [k] Tertullianus, [l] Hieronymus, [m] k Apol. ad
Anton.
l Apolog.
c. 49.
m Ad De-
metriadē.
n l. de Ef-
ſemp.
 Theodoretus, [n] Baronius. [o] Ad illam normam
 Carolus quoque Imperator orationi deditus erat, no-
 ctibus adire Eccleſias ſolitus, cum iſtis ſacerdotibus
 canere Pſalmos, atque inter tot imperia hoſtiumque
 certamina in precibus perfeuerare. Eadem ex discipuli-
 na Pipinus innumerabilem Saracenorum vicit mul-
 titudinem, & orationi, non armis, victoriam aſcri-
 bens, templum adiit, gratias egit illi, qui eſt trium-
 phator in Iſraël. [p] Ladislaus Vngariæ rex Beſſos
 per iniurias ſolitudines ſecurus, grauiorem mox ſen-
 ſit hoſtem, per viſcera graſſantem, famem; nec ani-
 mum tamen deſpondit, Deum rebus arctis non de-
 futurum ratus, ad preces ſe conuertit, & exercitui
 com meatum poſtulauit. mouere Numen preces: ob-
 iecti mox ceruorum greges, captique, militem gra-
 tulationis pinguiſque farinæ impleuerunt. [q] cur q Bonfin.
l. 4. c. 2.
 enim fame languentibus non ſubueniret cœleſtis
 clementia, quæ Iſraelitis per proteruiam manna
 faſtidientibus coturnices pluit? Si Chriftiana tem-
 pora recolamus, illuſtiores victoriæ orantibus quam
 præ-

*Crotildis
oratio.*

s In hist.

Franc.

Iacobus

Nijbisa.

s In Theo.

phil. c. 1.

& l. 1. hi-

stor. c. 7.

t De viris

illustrib.

c. 1.

u l. 1. c. 8.

x l. 9. c.

28.

y In Chro-

nic.

Mosci o-

ratione

victi.

z In Li-

uon.

Saraceni

victi ora-

tione &

mersi.

a In Chro-

nic.

b Dec. 1.

l. 10.

præliantibus obtigerunt, vt ex Constantino, Theodo-
sio, Belisario, Carolo, Narsete constat: miseriam
modis Deus suos periculis eruit benè precatos. Theo-
debertus & Childebertus regem Clotarium infesto a-
gmine sequebantur, nullum huic in viribus præsi-
dium, nulla in fuga salus; orante autem Crotilde,
DEVS fulmine insequentes repulit, & Clotarium ser-
uauit. auctor Papyrius. [v] Oratio contra aduersa-
rios quàm ira telis armata fuit valentior. Iacobus
quoque Episcopus Nisibin urbem, quam Persarum
tanta multitudo vallauerat, vt humana ope insupera-
bilis esset, cumq; iam machinas intenderent, aggerem
struerent, & cunctis exitio prona videretur, defendit,
& totam barbarorum colluuiem euertit: postquam
enim DEVM exorauit, ingens culicum nubes hostium
castris inuecta est, quorum tubis lanceis que cameli at-
que alia iumenta in rabiem acta, obsidionem soluere
inuitos coëgerunt, vt SURIUS, BARONIUS, ADO, aliq; re-
ferunt. THEODORETUS, [s] GENNADIUS, [t] CASSIODORUS,
[u] NICEPHORUS. [x]

Oratione OSWINUS rex NOTTUMBRÆ, cum paucis-
simis ingentem Merciorum stragem edidit, vt narrat
SIGEBERTUS. [y] Afflictos enim & obsessos cum alia de-
struunt, fidum auxilium est ab oratione. Præfectus
NOUODOMI, quæ arx est in LIUONIA, cum à MOSCIS ar-
cto obsidio preméretur, iamque extrema formidarent,
maximeq; barbari instarent, impotentes iras oratione
vicit: postquam DEO per preces & lachrymas propi-
riato tela sumpsit, dextræ certæ DEVS adfuit, & iacu-
lum in cor impij ducis direxit, vt vnus leto castra dis-
soluerentur. GAGNÆI, [z] BIZANTINI etiam cum trien-
nio inclusi vallatiq; à SARACENIS tenerentur, precibus
numerosa castra fugarunt, & abnauigantes hostes flu-
ctus hausit. IVO testis, [a] & BLONDUS. [b] Ad oratio-
nem ANIANI barbaros ab AUTELIANO imbre deciecit pre-
cum exauditor DEVS, sanctoq; viro futurum prædixit
fore vt cæderentur; nec fefellit: illos AERIUS paulò
post

post pene internecione deleuit, magis oratione S. Epi-
 kopi, quam armorum potentia, historiam recenset
 Turonens. [c] Lupus Episcopus Treassinus cum fu-
 renti potentia regis Attilæ obsistere non posset, urbem
 De o commendatam aperiri iussit, tyrannus cum ex-
 ercitu ferocissimarum gentium innoxius transiit, ne
 verbo quidem asperiore vsus. Vinxerat tot cædibus
 imbutas, tot rapinis consceleratas manus inaspectabi-
 lis quædam virtus, ne ad vllum scelus extendi possent.
 Eisdem armis Radegundis regina, vxor Clotarij, vin-
 cula dirupit. [d] & Robertus Franciæ rex dum in
 Ecclesia chorum regit & præcinit, mœnia castri, quod
 miles eius obsidebat, cecidere, in pio rege Josuam
 De vs repræsentare voluit, nec æquare modo, sed
 præferre: absenti enim tubarum sine clangore victo-
 riam præstitit.

S. Aniani
 oratio.
 cl. 2. c. 4.
 S. Lupi o-
 ratio.
 S. Radegun-
 dis oratio.
 d. Venant-
 ius.
 Fortunatus.
 Eando-
 mina.
 Turon T. 2.
 cl. 9. hist.
 c. 2. & 39.
 Siceb. n.
 Chronlc.
 Vincentius.

§ 3.

Regum ista & aulicorum sunt, virorumq; nobilita-
 te & dignitate illustrium, quorum sectari pietatem de-
 bent, quicorum loca tenent. Pietas autem in precum
 perseverantia magis, quam aliis virtutibus elucet. Nā
 in vsu ac functionibus aliorum sæpe multa intercut-
 runt obstacula ac difficultates: liberalitati obstat me-
 tus inopiæ, castitas est laboriosa, fortitudo & patientia
 aspera; vt à De o petere bona nolis, deprecari mala
 detrectes, nulla in speciem excusatio prætendi potest.
 Gratissima est misericordissimo Patri precantium im-
 portunitas ac violentia. Si quid molestum est, patri
 propone, si conseruuste affligit, habes tribunal Do-
 mini. numquam negat aditum ille rex, qui vbique est
 præsens, nunquam in eius conclaue ingrederis, quin
 ille te vocarit? non fastidit longam orationem, quia
 illam ipse dictauit, nunquam repellit. Isaaco Monacho
 ante valuas oranti, templum vltro paruit. Aedituum,
 qui orantem conuictio vexauit, malus dæmon corre-
 ptum exagitauit, vt Gregorius refert. [e]

Regum &
 nobilitum
 est oratio.
 Oratio Deo
 grata.

cl. 1. dist.
 14.

I

Turbant

us ostendit. Martyres sane in medijs tormentis la-
 ti & semimortui ingentia precibus miracula edide-
 nt, quo ipsa infidelitas, quæ persuaderi non poterat,
 his conuiceretur; tormenta eos non miserabili ne-
 sitate, sed laudabili voluntate perferre. Exempla
 nusquam defunt, hoc loco ponere non est neces-
 sarium, unicum sufficit, quia & probatum & memorabile
 Euphemiae martyris Chalcedoniae, de qua compê-
 martyrologium Romanum hunc in modum. [p]
 Chalcedone natalis S. Euphemiae Virginis & Martyris, quae sub
 Iuliano Imperatore, & Prisco Proconsule, tormenta. carce-
 verbera, argumenta rotarum, ignes, pondera lapidum, be-
 plagas virgarum, ferras auctas, sartagines ignitas pro
 isto superauit: sed rursus in theatrum ad bestias ducta, cum
 et ad Dominum ut iam spiritum suum susciperet, una ex
 orsum sancto corpori infigente, ceteris pedes eius lamben-
 , immaculatum spiritum Deo reddidit. Eius vitam habet
 ologium, Metaph. Lipom. T. 6. Illa nobilis gene-
 obilior claritudine testimonij, q̃ Christo dedit: in
 im iniicitur, orantem ignis reueretur, non vit. in
 rium, quod lupi, labraces, alii carnuori pisces im-
 ant; orantem brutissima animalia non attigere, ut
 to dentium ordine commolerent, dorso suo per
 ia triumphantem vexerunt; cum multa alia ora-
 auertisset, ne omnia vinceret, infelix astutia com-
 ta est, quo preces praeueneret: Nescienti parata fo-
 est, leui cespite tecta, ut in eam iucideret; sed cum
 ratione non cessaret, ab Angelo incolumis tradu-
 , satellites in fraudem, quam struxerant, impege-
 t. Serris iubetur secari, ferreas cuspides oratio e-
 iit ne virgineum corpus lacerarent. Bestiis obii-
 osa Deum plena fide, illam bestia qua poterant ve-
 ione adorarunt. Tot experta supplicia, omnium-
 triatrix, mortem non alio modo quam oratione
 uit: cum enim oraret Deum, ut liceret dissolui &
 um Christo, ceteris bestiarum blandientibus, &
 gia lambentibus, una vrsarum infixit optanti den-
 : corpore solutam caelo immisit.

p 16. sept.
 Euphemiae
 oratio, &
 martyrii.

CAP. XXI.

In aula esse pietati periculum, & in omni administratione publica.

¶ 1.

Aula magister impietatis. **D**Aniele magistro, adhuc puero hoc discimus regias dapes fugiente. [a] Principium omnino summæ impietatis à palatio ducitur, inde idololatria minis armata mentes inuasit. Hoc enim docet liber sapientiæ. [b] Acerbo enim luctu dolens Pater, cito sibi rapti filii fecit imaginem: & illum qui tunc quasi homo mortuus fuerat, nunc tanquam DEVM colere cepit, & constituit inter seruos suos sacra & sacrificia. Deinde interueniente tempore, conualescente iniqua consuetudine, hic error tanquam lex custoditus est, & tyrannorum imperio colebantur figmenta.

c. Dan. 2.1. d c. 3. 4. & 5. Statua Chaldaea. Chaldaeus quoq; statuam auream fecit adorandam, altitudine cubitorum sexaginta, latitudine cubitorum sex, statuitq; in campo Dura, [c] Conuocatis autem omnibus, [d] Præco clamabat valenter: vobis dicitur populus, tribubus, & linguis: in hora qua audieritis sonitum tubæ, & fistulæ, & citharæ, sambucæ, & psalterii, & symphonia, & vniuersi generis musicorum, cadentes adorate statuam auream, quam constituit Nabuchodonosor rex. Fornax ab aulicis succenditur, & in socios Danielis septuplū. Nec tamen ingenti miraculo Babylonis aula prorsus emendata est.

ec. 4. 16. Ipse rex suam potentiam miratur, [e] nesciens quod dominetur excelsus in regno hominū. Balthasar quoq; hæres paternæ impietatis, non tamen pœnitentiæ fuit.

f c. 5. 1. Balthasar impius. [f] præcepit ergo iam temulentus, vt afferrentur vasa aurea & argentea, quæ assortauerat Nabuchodonosor pater eius de templo, quod fuit in Ierusalem, vt biberent in eis rex & optimates eius, vxoresq; eius & concubinae. Impietatem illi Daniel exprobrat, [g] Tu quoq; filius eius Balthassar, non humiliasti cor tuum, cum scires hæc omnia, sed aduersum Dominatorem calieleuatus es: & vasa domus eius allata sunt coram te: & tu, & optimates tui, & vxores tuæ, & concubina tuæ, vinum bibistis

in eis

neis: Deos quoq; argenteos, & aureos, & arcos, ferreos, ligneos-
ue & lapideos, qui non vident, neq; sentiunt, laudasti. Alia
leinde in aula Dariana impietatis species. Atheismus. Darii aula
atheos.
b] Nuncitaq; rex confirma sententiam, & scribe decretum h 6.8. & 9.
t nō immutetur q; o l statutum est à Medis & Persis, nec præ-
aricari cuiquam liceat. Porro rex Darius proposuit edictum,
statuit. Porro aula quæ in mundo futuri est potentis- Aula An-
tichristi.
ma, nimirum Antichristi, impietatem supra omnes
igebit. magna erit potentia, quam millies arrogan-
a, & impietas exsuperabit. Eam Daniel describit. [i] i 7.25.
sermone contra Excelsū loquetur, & sanctos Altissimi cō-
et: & putabit quod possit mutare tēpora, & leges, & traden- k c. 11. 36.
r in manu eius vsq; ad tempus, & tempora, & dimidiū tem- & seq.
ris. Et pluribus deinceps. [k] Et faciet iuxta volunta-
n suam rex, & eleuabitur, & magnificabitur aduersus omnē
VM: & aduersus Deum Deorum loquetur magnifica & di-
etur, donec compleatur iracundia: perpetrata quippe est, de-
itio. Et Deum Patrum suorum non reputabit: & erit in con-
iscentiis feminarum, nec quemquam deorum curabit: quia
ersum vniuersa consurget. Deum autem Maozim in loco suo
erabitur: & Deum, quem ignorauerunt Patres eius colet au-
& argento, & lapide pretioso, rebusq; pretiosis. Et faciet vt
niat Maozim cum Deo alieno, quem cognouit, & multipli-
it gloriam, & dabit eis potestatem in multis, & terram diui. l c. 8. 13.
gratuito. Talis erit etiam Antiochus typus Antichri- & seq.
[l] Et post regnū eorū, cum creuerint iniquitates, consurget Aula Epi-
phanis.
impudens facie, & intelligens propositiones, & roborabitur
itudo eius, sed non in viribus suis: & supra quā credi potest,
uersa vastabit, & prosperabitur, & faciet, & interficiet ro-
os, & populum sanctorum secundum voluntatem suam, &
getur dolus in manu eius: & cor suū magnificabit, & in co-
rerum omnium occidet plurimos: & contra principem prin- m 2. 11. 31.
m consurget, & sine manu conteretur. Antiochi quoq;
a ad Domini exemplum impia fuit. [m] Et brachia
ostabunt, & polluent sanctuarium fortitudinis, & aufe-
iuge sacrificium: & dabunt abominationem in desolatio-
i: Et impii in testamentum simulabunt fraudulenter. Bra-
a sunt duces, aulici, & familiares, quos reliquit ad

monstris. Scitis Lutheri Stoicam necessitatem probari docet Alphonsus à castro. [s] Manant ista quoq; de cloacis Begardorum, qui hominem perfectum nō debere orare cōtendebant: vt legimus in legib. Clementis Papæ, [t] recensetq; Bernardus Luzenburgicus, [u] ille quoq; qui nostris calamitatibus prælufit, Wicleffus, vitalem orationem, hoc est bona opera probabat, vocalem, aut mentalem negabat esse necessariam. [x]

*s De hares.
c. de orat.
Begard.
t Ext. de
hares c. 3.
u De Begardis
x Thom.
Wald. c. 1.
G 2.*

§ 3.

Paucos nunc inuenias qui Deum verum ignorent, & alios adorent, qui non sint dii, vt impietatem Clemens Alexandrinus definit. [y] Nemo tam audax est, qui Deum non timeat, aut sane audaciam suam audeat profiteri. Regnat passim alia quædam dimidiata pietas, in vtramque partem claudicans impietas, ideoq; duplex impietas, quia simulata pietas: quam malitiam rationis expertem vocat Nazianzenus. [z] quod eo, quo fieri debebant meliores, reddantur deteriores. Cogitant illi Deum patrem esse hominum se ab eo creatos, impium, & nobilitati indecorum nihil debere admittere. Sed magis corpori, quo bestiis similes sunt, quam animo attendunt, atq; inde est illa pietatis iactura. Nulla in his pietas est, nam pietatem fugiunt. Mores eorum describere fas est. Principes suos regesq;, aut etiā episcopos honoris causa comitati deducunt viri nobiles, mox aut ex templo ipsi diffugiūt, & in circulis prauis colloquiis sese delectant: aut si ita officium postulat, stationes suas vicinis locis in sacris ædibus seruant: oculos deinde impudenter, ne dicam impudice circumferunt, donec inueniant cuius obtutu se oblectunt, tempusq; quo inuiti templo velut ergastulo includuntur sine tædio consumant. Vultum deinde ferocem toruitatem præferunt, hoc nobilitati decorum rati, capitis iactatione, oculorum nutibus, frontis nubilo, superciliorum adductione, humero-

rum attractu, manuum crispatione, corporis fracti
mollitie, pedum subsaltu fidem faciunt, non venisse
Ex impi- ad orationem, sed velle spectari. Deinde ne in-
tate laudē ter tremenda quidem mysteria fabulis, risibusque
quarunt. temperant, genua grauati quasi generositate inde-
corum sit, submittunt, preces muliercularum & Mo-
nachorum opus esse causati, fortunam suam ita abi-
ciendam non esse putant, certe non faciunt. Non Sa-
cerdotum, non populi suppliciter orantis vllus re-
spectus, non exempli non famæ. Gloriosum esse iu-
dicant, & magnanimum non subdi, non deditum esse
religionibus: pompaticè ingredi, palam ostentare
contemptum numinis.

§ 4.

Quam illi in præcipiti stent, quantum à Deo absint
quam exitio vicini, quia ignorant, miserrimi. Ac princi-
pio quidē indubitatum signum est eos, quos illa impu-
Fuga ora- dentia se in sacras ædes inferre videmus, extra Dei gra-
tionis si tiam esse; ideo letali crimine obstrictos teneri. Non e-
gnum gra- nim in corde ipsorum diffusam esse caritatem per Spi-
ritum pec- ritum sanctum, qui datus sit illis ostendit tanta ab ora-
tionum. tione, hoc est à Dei alloquio ab alienatio. Non enim
aguntur Dei spiritu, itaque nec filij sunt, exagitat igitur
eos spiritus à Domino malus, adeoque trahi capti-
uos, ut à Deo nihil boni petere velint, aut valeant:
nec adiuuat illos Deus nihil orantes, sed in publica
Ecclesiæ precatatione proteruientes. Alia ratio est eo-
rum quorum orationes impediuntur vagis, & vanis
cogitationibus, quorum animus à se fugit, & quærit
cancellis, quibus includat auolationes, & obices, qui-
bus vagos retineat motus, conantur stare ad Deum; ut
a In P/al. Augustinus loquitur. [a] & se tenere ut stent, & quo-
85. dammodo fugiunt a se, tolerat tamen ista Deus. At ve-
ro vocatum à rege, stantem in eius conspectu ab eo ad
alia se auertere, ingentis est contumeliæ: Signumq; a-
nimi à creatore prorsus ab alienati.

Quæ-

Quemadmodum autem deuotio, familiaritas cum ^{Fuga ora-}
 DEO, studium precandi signum est prædestinationis, ^{tionis signu}
 filiorum enim ista sunt, ita horror rerum sacrarum, & ^{reprobationis.}
 diu orandi, fuga pietatis indicium est reprobationis.
 Seruorum enim est, faciem Domini fugientium est
 metuentium. Tales enim de excelsis virtutum fasti-
 giis diabolus in profundum malorum detraxit, quod
 aliis multis contingit, quos DEVS ad summum bono-
 rum verticem reducit, sed illi deiectioni redire spernunt.
 Impius enim cum in profundum venerit, contemnet.
 [b] Impietas non finit eos ad DEVM respicere, vnde ^{b Prov. 18.}
 delapsi sunt. Augustinus. [c] ^{c De verb. ap.}

Potest quidem & illos liberare DEVS, sed fere re-
 probi sunt; Nec paucos eiusmodi noui quos subita
 mors abripuit, aut etiam duella, nec orandi spacium
 habuerunt, quod valentes contempserant.

C A P. XXII.

*Causa cur in aula deuotio facile in tepe scat, remedia,
 & adhortatio.*

§ I.

ALias impij causas prætendunt, alias nouit veritas,
 & cum dies venerit postremus mundi, iudicabit.
 Magnæ Danieli, & sociis erant occasiones, imperium
 tyranni, accensa fornax, rictus leonum, quæ omnia fa-
 cile superarunt. At nunc si quis dapes inferat, calicem ^{Causa fu-}
 miscet, principem vestit, equos, aut canes, aut accipi- ^{gienda o-}
 tres curat, de oratione se excusat, occupationum mo- ^{rat.}
 les & molestias precibus opponit. Omnis causa pro-
 fano sufficit, ne ad DEVM accedat, magna, parua, etiam
 nulla. Ocium non est, inquiunt, tolle negocia ociosa,
 erit tempus ad negociosum ocium, ad ocium oratio- ^{Occupationes præ-}
 nis, sabbatum animæ DEO vacantis. Tolle lusus fre- ^{tenduntur}
 quentes, confabulationes ociosas, criminosas, cogita- ^{falso.}

I s tio-

tiones friuolas, imaginationes infructuosas, lectiones noxias, somnolentiam, comestationes, ornan-
di comendique muliebre in morem probra, cu-
riosam alia vitæ inuestigationem. Tolle iram, su-
perbiam, inuidiam, amores, non deerunt tempora
expediendæ salutis, supererunt ad preces horæ, si
nullæ impendantur vanitati, nullæ exitio. Danieli
cura totius Monarchiæ impendebat, vastum onus, à

a c. 6. 2.

multis petatum, paucis bene gestum, [a] omnia ve-
ro ita administravit, ut invidia nihil culpandum vi-
derit: & tamen tempora orationis quotidianæ ha-
buit, hebdomadas sibi disposuit: etiam æger DEO,

b 8. 9. <.

DEO, & regi seruiit. [b] Danielis imitator egregius
fuit Rumoldus filius regis Scotici, iam à teneris cœ-
lesti gratia illustris, cum lusiis, & recreationibus,
spectaculisque se æquales delectarent, dissimulan-
ter secedebat, & solus diuino alloquio fruebatur,

c In vita
eius.

d T. 7.

e Molan.

Ind. San-

ctorum

Belus.

Surius.

T. S. in a-

ctis Gum-

mati.

Semper o-

randum.

Ludoui-

cus Gon-

Zaga.

Alexan-

der.

Theodoricus, [c] Surius, [d] magnæ deinde fan-
ctitatis Episcopus Dublinensis factus, vitæ inte-
gritatem, & dignitatis sacræ honorem fuso pro Chri-
sto sanguine purpuravit. [e] Partibi sit voluntas in-
uocandi, non deerit qui exaudiat. Quod si nec Da-
nielem, nec Rumoldum imitari libet, in ipsis ne-
gociis animum ad DEVM erige, & arcano mentis su-
spicio redemptorem implora. Fecit hoc quoque
Rumoldus, fecit & Ludouicus Gonzaga Princeps
& aulicus, cuius in manibus vita est. Nullus la-
bor excludit preces, omnis industria illis vititur, o-
mnis afflictio postulat. Alexander in tormentis,
imperante Aureliano cum varia interrogaretur, ge-
nerosa libertate molestias submouit. *Habere se, quod*
cum DEO ageret: non posse sibi esse ocium, quo homines
audiat. An illum in catasta, inter sulcantes ungulas,
& lucentes faces verberaque iacere, an cum Chri-
sto in folio confidere, & regnare dicemus, cum tam
præsenti pectore responderet? Verum ista à Palati-
nis vix postulare audeo, illud negare ipsi non possunt.

Illo

Illo ipso tempore quo templa adeunt, precandi ocium sibi esse, cogitationum turbas excludendas esse.

Templum enim domus orationis est, quod in cir-^{Templum} cum, theatrum, constrinam non est conuertendum. ^{domus o-} Deinde hoc sibi persuadeant, dies festos suo institu-^{rationis.} to preces poscere. Cætera diei momenta ex lege DEI vetantur noxiis actionibus impendere, quod nemo negat. Addo etiam inutilibus, infructuosis. Si enim verbum ociosum ab ore Christianorum Christi decreto proscriptum est, illique parata est iudicis feueritas, certum est ociosarum quoq; actionum censuram ad tribunal, cui omnis anima sistetur, pertinere. non igitur cuiquam liberum est sortiri quid dicat aut agat, sed ad finem vltimum omnia referenda sunt, etiam risus, & facetiæ.

§ 2.

Veræ igitur causæ sunt, quibus à pietate, & deuotione auocantur aulici, vt ante dixi, peccata, quæ con-^{Vere cau-} fortium cum DEO excludunt. Deinde incuria sa-^{sa pietatis} lutis, & damnationis, quæ velut remota minus mo-^{impedita} uent, accedit amor rerum, quæ in regno speciosæ ^{peccata.} salutis. videntur, occupationes non necessariae, quæ ger-^{Incuria} men deuotionis à spiritu satum suffocant, mentem ^{Amor} obtenebrant, anguntque vt ad creatorem respirare ^{mundi.} non possint; Nam veluti defluxus, fauces animæ ^{Occupatio.} obsident, spiritusque intercludunt, vt letali angina pereant, excussa omnino religione, quæ tamen fulcrum imperiorum est. Auger morbum pericu-^{Ocium.} losum ocium & segnities, actionum prauarum, vt Basilii ait, initium, [f] ex qua rerum mutilium cu-^{In regul.} pido, & inane negotium oritur. Plus etiam detri-^{Delicia.} menti adferunt apparatus, epulæ, deliciæ, intemperantiæ. Oratio animæ sobriæ opus est, comes ieiunij.

Danie-

- g c.9.3. Danielis illa cura. [g] Posui faciem meam ad Dominum Deum meum rogare & deprecari in ieiuniis, sacco, & cinere.
- h c.10.2. & deinde. [h] In diebus illis ego Daniel lugebam trium hebdomadarum diebus, panem desiderabilem non comedi, & caro & vinum non introierunt in os meum, sed neq. vnguento vntus sum. Hæc Deus quoque probavit. [i] Noli metuere Daniel, quia ex die primo, quo posuisti cor tuum ad intelligendum ut te affligeres in conspectu Dei tui, exaudita sunt verba tua: & ego veni propter sermones tuos.

Voluptates.
Vestes.
Lætitia, ioci.

Ea causa diuitum quoque remissior est oratio, difficiliorque in cælum ingressus, quam cameli per foramen acus transitus. Obsiti enim curis & deliciis exiguæ gratiæ scintillam facile opprimunt. delicias sequuntur brutæ voluptates, præciâ vestium, quæ vires animæ eneruant, rerum spiritualium horrorem adferunt, ineptam leuemque & gestientem ex rebus inanibus lætitiâ, in iocos, & dîcteria, risusque effusio, quæ facit, ut à seriis cogitationibus abeant, atque euanescent, hæc enim etsi leuia videantur, animi tamen deuotionem, ac tranquillitatem prorsus auferunt. Incredibile enim est, quam pietati obster leuitas, homines & Deum ludibrio habitura, si inualescat. Perniciosius est odium, inuidia, æmulationes, quæ aulam valde infestant, oratio & deuotio ex DEI caritate proximique procedit. Humilis sit oratio necesse est, in aula multa sunt, quæ animi confidentiam, ac fastum augeant, ad aliorum contemptum inducunt. Hinc torpor, somnolentia, acedia, euagatio, malitia, desperatio, meliorum contemptus. Qualis Hircanus Pontifex Iudæorum, qui irritatus à Pharisæis, sese Saducæis dedit, in omnem licentiam effusus. [k] Ad extremam enim impietatem deueniunt, qui mature cursum non abruptunt. Et plerunque eo ruunt nescij, tantum se venisse sentiunt.

Postremo plurimos deterrent sociorum exempla, & irrisiones.

§ 3.

Pietatem igitur amplectimini ad omnia vtilem, cui *Pietas ad*
promissio data est vitæ præsentis & futuræ. vt Paulus *omnia &*
monet. [1] Cæteræ virtutes in admiratione sunt, pie- *tilis.*
tas amabilis est, Deo & hominibus. Illa beatum facit, *1. 1. Tim.*
vt Moyses & Dauid consensu exponunt. [m] Chri- *4. 8.*
stiani nota est, non tituli, non dignitas, sed fides; & o- *m Dent. 13.*
ratio fidei, saluatric corporum atque animorum. Hæc *n Psal. 1. 1.*
constantes efficit, & vere nobiles, quos oportet, vt a-
pud reges, ita apud Deum habere primas, hæc est au-
rea clavis honoratæ admissionis instrumentum, & si-
gnum. Qui regia insignia in acie gerunt, robustos esse
oportet, ne erepti vexilli dedecus legionibus expro-
bretur, procures quoque spiritualibus armis instructos
poscit Ecclesia, ne per eos religio prodatur: Chryso-
stomus suis frequenter inculcat: Vires oratione com-
parantur. Hanc vero etiam pietatem requiro, quæ
non modo Deum animo teneat, sed ita cultu illius
tueatur, vt quicquid illi aduersatur abhorreat, ac vi-
vitet. Marcum Aretusium imitentur, & suspiciant, *Nihil con-*
[o] fanum dæmonis Constantino imperante euerte- *tra religio-*
rat, Ecclesiam Deo construxerat, magno gentibus e- *nem faci-*
rat odio, carus Christianis, conuersa republica, Julia- *endum.*
no rerum potito, ciues in vltionem consurgunt, Mar- *o Metaph.*
cum in vincula coniiciunt, vt templum euersum suo *Surius*
sumptu restituat, imperant: recusantem atrociter ver- *Mombr.*
berant, in eculeo distendunt, in cloacam coniiciunt, *Marcus*
puerorum stylis lancinant, melle oblitum apibus ex- *nihil pro*
ponunt, tandem si templum extruere nolit, vt redhi- *impietate*
beat sumptus, postulant, hoc quoque negantem vr- *facit.*
gent, vt saltem dimidium restituat, eo demum, ven-
tum, vt vel exiguum conferre veller. Ille in dolorum
acerbitate improbos irridens respondit: *Ad impietatem*
obolum conferre, perinde esse, ac si omnia conferas. Hæc vera *Valensi-*
pietas est, quam perpetua inter cruciatus oratio fouit, *nianus a-*
ne vsque eo dolor excreceret, vt Deum excuteret. Va- *dituo cola-*
lentinianus quoque minima symbola impietatis ode- *phum in-*
rat. *fregit.*

rat. Aquæ lustralis guttula in idolio in vestem trans-
euntis inciderat, indignatus ædituo, nihil Juliani præ-
sentiam veritus, colaphum infringit, laciniamque
profano humore impuram abscindit. post mortem
Juliani ad imperium vocatus est. Pietatis studium
etiam in defensione antiquitum religionis cernitur.
Basilium Judex impius in vincula ducere statuerat,
ad præfulis iniuriam adeo populus fidelis exarsit, vt

p In vita
Basil.

iudicem summo labore Basilus liberarit, ne discer-
peretur. [p] Bosonem regem Arelarenses Otho,
quod Episcopo inter sacrificandum alapam inflixisset
capite damnauit, ratus iniuriam Deo factam seueris
exemplis puniendam. In vsu quoque rerum media-

Juliani
malitia.

rum, quas adiaphoras vocant, pietas habet locum,
ostenderunt hoc Byzantini & Antiocheni eodem in
negocio factis contrariis, vtrinque laudandis. Julia-
nus Apostata cibos omnes, qui in foro Constanti-
nopolis veniebant, idolis consecraret, vt Christianos,
si sacrificiis pollui nollent, fame torqueret, si ido-

Pia libe-
ralitas.

lothytis vescerentur, peccati argueret, omnibus at-
tonitis, & cibos horrentibus, proceres opulenti, at-
que aulici, sprete Cæsaris sæuitia incontaminatas es-
cas largitione sancta populo donarunt. Eadem ar-

Antio-
cheni.

te cum Antiochenos aggredieretur, irrisus est. Illi
idolothyta edebant, & idola detestabantur, inter
cœnandum enim hilari irrisione clamabant: *Ido-*

q I. Cor.
8.4.

lum nihil est in mundo. [q] Facta contraria, vtrinque
pietatis & prudentiæ plenum. Constantinopoli-
tani abstinencia odium idololatriæ profitebantur, ne
gulæ fidem postponere viderentur. Antiocheni liber-
tatem Christianam vsurpabant, impiosque docebant,
munera Dei scelere hominum, & superstitione non
inquinari.

Tradere
codices
scelus.

Quanta cura priscis pietatis fuerit, vel inde est ma-
nifestum, quod etiam signa, & libros de religione scri-
ptos vel morte defenderent. Tantum nefas habeba-
tur, vt qui sacros codices persecutoribus dedissent,

tra-

traditores vocarentur, atque execrabiles haberentur. r 2. Ianua-
rii in mar-
tyr.
Romæ est commemoratio [r] plurimorum martyrum,
qui spreto Diocletiani imperatoris edicto, quo tradi
sacri codices iubebantur, potius corpora carnificibus,
quam sancta dare canibus maluerūt: inter eos pleriq;
magnates & aulici Romanæ nobilitatis. [s] Edi-
citi me- s Vsnar-
dus Beda.
t l. 7. c. 2.
de bap-
tismo.
L. 3. c. 27.
contra
Cresc.
Lib. 8. c. 3.
hist.
x Contra
Parmen.
y L. 4.
minit Augustinus, [t] Eusebius, Optatus Mileuitanus.
[x] Verum iam ante quoq; Cypriani tempore hoc dæ-
mon inuenit. Et Arnobius [y] testatur tum quoq; in
codices sacros sæuissse gentium furores. Hoc igitur est
pietatis ne minima quidem in re cedere, vbi Deus læ-
ditur. Quin laborum, & meritorum suorum præmia
poscere, quæ ad pietatem, orationemq; faciant, cætera
oportet spernere. Terentius nobilis in aula Valentinia-
ni, & Valentis, deinde legionum tredecim ductor,
cum rebus fortiter gestis præmia Valens pollicere-
tur, iuberetque edicere quid optaret, pro Ortho-
doxis Ecclesiam, & liberum religionis vsum postula-
uit, grauitè hoc ab impio, quasi hæresin exprobraret,
acceptum est, discerptus libellus, preces contumeliose
sunt reiectæ. ne tamen virum fortem alienaret copia
alterius beneficij cautius petendi iterata est. Teren-
tius quam pio animo priorem postulationem indi-
gnanti ingessit, tam magno alia munera contempsit.
Nec aliud deinde poposcit, omnia inferiora suis me-
ritis arbitratus, & imperatorum amicitia ad pie-
tatem duntaxat vsurus. Historia est apud Sozome-
num.

§ 4.

Quare nec à regibus, nec à Deo quælibet postu-
landa sunt, si Chrysostomi [z] consilio obsequamur, Animi bo-
na peten-
na.
sed quæ prosint animo, qui enim ad vitiosas affectio-
nes intentus Deum precatur, vt assentiatur, delirus z. De orat.
est. Quin multa sancte petuntur, quæ utiliter, aut iu-
ste negantur. Aca-
thius martyr expectatione tormen-
torum turbatus parci sibi optabât, ipsis deinde crucia-
tibus

tibus robustior, cum dire vexaretur, & clamaret, Christe ne derelinquas me; auxiliū expertus est. Cum post multa supplicia oraret, ut spiritum DEVS susciperet, iussus fortis esse diuina voce, & ad alia certamina seruatus est, ut coronæ decus cresceret, & multorum saluti constantia proderet: nec ille ingratus plus dolores animose subiuit. Quæ ratio si in aduersis nobis occurreret, facile cuncta tolerare possemus.

C A P. XXIII.

Aulica impietatis singulari seueritate Deus ultor.

§ I.

Impietas vel in DEVM exerta, audacter, & absque aliorum iniuria, vel in sacros homines, aut templa, sacra instrumenta, & res DEO oblatas committitur. Primæ impietatis documentum est Nabuchodonosor, dum statuam adorandam proponit, aureum Deum pro vero [a] dum suam potentiam DEO opponit, & fortiolem facit. [b] *Et quis est Deus, qui eripiet vos de manu mea?* Talem se ipse describit. [c] Talem Baltasarem Daniel c. 5. Talis Darius & proceres erant, qui in locum DEI regem per dies triginta substituunt. [d] Hoc faciet & cornu paruulum [e] dum sermonem contra Excelsum loquitur. Tales Antiochus & Antichristus. [f] *eleuantur enim supra omne, quod dicitur Deus.* Tales Darius & Babylonij. [g] Beli & Draconis adoratores. Talis Sennacherib Assyrius Deum Israël subfannans. [h] Talis Pharao cubans in medio fluminum suorum, & dicens: *Fluuus iste meus est, & ego feci memetipsum.* [i] Tales Syri quoque, qui Deum montium, & non vallium dixerunt. [k] Talis Pharao alius obduratorum exemplar, [l] qui respondit: *Quis est Dominus, ut audiam vocem eius, & dimittam Israël?* nescio Dominum,

num,

num, & Israël non dimittam. Quanto iam ista rariore est impietas, tanto altera frequentior, qua sacra, sacrorumq; ministri & antistites læduntur. Deliquit in illo etiam grauiter Nabuchodonosor templi euerfor & vasorum direptor. [m] Et tradidit Dominus in manu eius ^{m Dan. 1.} Ioakim regem Iuda, & partem vasorum domus Dei: & aspor-
tauit ea in terram Sennaar in domum Dei sui, & vasa intulit in domum Thesauri Dei sui. Et liber Patalipomenon. [n] ^{n 2. c. 36.}
Vniuersaq; vasa domus Domini, tam maiora, quam minora, ^{18.}
& Thesauros templi, & regis, & principum, transtulit in Babylonem. Ipsum templum incendit. [o] Et succendit do- ^{o 4. Reg.}
mum Domini, & domum regis: & domos Ierusalem, omnemq; ^{25. 9.}
domum combussit igni. & deinceps. [p] Columnas autem æ- ^{p 4. Reg.}
reas, quæ erant in templo Domini, & bases, & mare æreum, ^{25. 13. &}
quod erat in domo Domini, confregerunt Chaldaei, & transtū- ^{14.}
lerunt as omne in Babylonem. Ollas quoq; areas, & trullas, &
tridentes, & scyphos, & mortariola, & omnia vasa ærea, in
quibus ministrabant, tulerunt. Nabuchodonosor quidem illa abstulit, sed tamen tanquam vasa Dei, in templo Dei sui posuit, Baltasar ad profanum & luxuriosum conuiuium adhibuit [q] ideoq; eadem nocte per- ^{q c. 5. 23.}
iit. In sacerdotes quoque Nabuchodonosor animaduertit. [r] Tulit quoque princeps militiæ Saraim sacerdotem ^{r 4. Reg.}
primum, & Sophoniam sacerdotem secundum, & tres ianito- ^{25. 18.}
res. Deinde socios Danielis in fornacē coniecit. [s] Me- ^{s c. 3.}
di & Persæ in Danielē impij fuerunt. [t] Antichristus, ^{t c. 6. &}
quemadmodū Antiochus fecit, sanctos altissimi mul- ^{14.}
tis modis conteret. [u] Et sine discrimine sæuiet. [x] Et ^{u c. 7. 15.}
interficiet robustos, & populū sanctorū secundum voluntatem ^{x c. 8. 14.}
suam, & dirigetur dolus in manu eius: & cor suum magnifica- ^{& 25.}
bit, & in copia rerum omnium occidet plurimos: & contra
principem principum consurget, & sine manu conteretur. Varia autem erit mortis imago. [y] Et docti in populo doce- ^{y e. 1. 33.}
bunt plurimos: & ruent in gladio, & in flamma, & in captiuitate, & in rapina dierum. Acerbissima porrò futura est
persecutio. [z] Et veniet tempus quale non fuit ab eo ex quo ^{z c. 12. 1.}
gentes esse cæperunt vsq; ad tempus illud. Fuit & inter perse-

cutores veteres Ptolom. Philopator, sed monitus desit.

§ 2.

Pœna impietatis.

Quemadmodum prisca tyranni, portenta generis humani, signarunt factis impiis absolutam & omnia scelera superantem Antichristi impietatem, & pœnis eiusdem supplicia & interitum. Ita nunc quoque in aulis versantur monstri illius anteambulones: illi sacra iura violant, res diripiunt, profanant, manu & consilio potentes. hic tribunali suo premit Episcopos, ille decimas detinet, & rapinis iustitiæ speciem imponit. alius parochos seruituti subiicit, prælatos exagitat, bellum infert. multi conuiitiis excipiunt sacerdotes; & quidem multi merentur contemni, non tamen absque crimine sunt, qui eos insectantur. Totum hoc genus impietatis à Deo semper grauissimè punitum est, atque imposterum punietur: seruorum enim suorum sanguinem vindicat. Describit septem eorum plagas Joannes [a] quibus terra vehementer affligitur. & clamat Angelus aquarum. [b] *Iustus es Domine, qui es, & qui eras sanctus, qui hæc iudicasti.* Sic & Babylonio scorto ruina grauis impendit. [c] *Reddite illi, sicut & ipsa reddidit vobis: & duplicate duplicia secundum opera eius: in poculo quo miscuit, miscete illi duplum.* Ad magnates & aulicos pertinet comminatio & immutatio, qua Angelus ad cadauera procerum vocat aues cœli, tanquam ad lautum conuiuium. [d] *Et vidi vnum Angelum stantem in sole, & clamauit voce magna dicens omnibus auiibus, quæ volabant per medium cœli: Venite, & congregamini ad cœnam magnam DEI: vt manducetis carnes regum, & carnes tribunorum, & carnes fortium, & carnes equorum, & sedentium in ipsis, & carnes omnium liberorum & seruorum, & pusillorum, & magnorum.* Sunt illi Gog & Magog, qui soluto dæmone læuiunt, qui [e] *ascenderunt super latitudinem terræ, & circuerunt castra sanctorum, & ciuitatem*

tatem

tatem dilectam. Et descendit ignis à Deo de cælo, & deuorauit eos: & Diabolus, qui seducebat eos, missus est in stagnum ignis & sulphuris, vbi & bestia & pseudopropheta cruciabantur die ac nocte in sæcula sæculorum. Eri enim omnium, quos propter crimina inferis cæleste tribunal addixit, animas & corpora vastabit ignis, potentum tamen cum bestia ipsa, & Pseudopropheta potentior futurus est cruciatus. Cuius rei indicium est, quod etiam hac in vita supplicia euadere non soleant. Pharaonem cum exercitu mare Erythraeum obruit, Assyrium cæso exercitu filij obtruncant, Nabuchodonosor ad bestias relegatur, Balthasari vnus noctis negantur induciæ; omnium istorum progenies interit, Antiocho sera poenitentia non profuit, Asiatici reges continua laniena perierunt, & supersunt nostro tempore horrenda exempla, quæ sibi quisq; proponere potest: nam & recentia sunt, & inîgnia. Nec tamen omnium supplicia in hac vita cernuntur: cuius rei causam nos docet Chrysostomus, ne de resurrectione desperemus: credimus enim Deum, quem occulta non fallunt, etiam ab illis iustas pœnas exigere, quorum vita suppliciis vexata non est. Heliodorus, Iason, Simon, manum Domini expecti sunt vlticem, ad omnium horrorem; alios ita DEI consumpsit nobis incognitos, non tamen immunes; quibusdam etiam supplicia prædixit, vt testatur Jeremias. [f] Hæc dicit Dominus exercituum Deus Israel ad Achab filium Colie, & ad Sedeciam filium Maasæ, qui prophetant vobis in nomine meo mendaciter: Ecce ego tradam eos in manus Nabuchodonosor regis Babylonis, & percutiet eos in oculis vestris. Et assumetur ex eis maledictio omni transmigrationi Iudæ, quæ est in Babylone, dicentium: Ponat te Dominus sicut Sedeciam, & sicut Achab quos fixit rex Babylonis in igne: pro eo quod fecerint stultitiam in Israël, & mæchati sunt in vxores amicorum suorum, & locuti sunt verbum in nomine meo mendaciter, quod non mandauì eis: ego sum iudex & testis, dicit Dominus. Celeri & horrendo exitu procerum peccata plectit: Julianum

Non omnes puniuntur.

Pœna pro peccatis.

*Impii pu-
niti.
g l. 2. c. 11.
12.*

Juliani Apostatæ auunculum, quod sacra Ecclesiæ vasa polluisset, vermes exederunt. eodem in crimine Felix diruptus est medius, teste Theodoro. [g] Heron computruit, Theoteco blasphemus oculos vermes, ipse linguam deuorauit : Cresconium Stilico violenter ab Ecclesia abripuit, ipsi subsidio templum non fuit : Stiliconem ilico Cæsaris ira consumpsit; Stiliconis facinori, qui in theatro plaudebant, à Leopardo discerpti sunt. Tantum scelus, in alienam impietatem consensus ! Eutropius asyllum Ecclesiæ, quod violauit, trepidus petiit, Mascheschil vastator Ecclesiarum, de ponte præcipitatus est. Sozomenus, Theodoretus, alij. [h]

*h In hist.
August.*

Leutharis propter prædas sacrilegas Phreneticus ac rabidus sua membra laniauit ac deuorauit : nec immerito, vt qui matris suæ Ecclesiæ opes, pauperum patrimonialia in viscera condiderat, carnes suas in idē barathrum mitteret, æternum arsurus. nec sociis pœnitentiæ tempus datum : plerique apoplexia, & mentis errore ac delirio obierunt. Lattami monasterij direptores naufragio, & lancearum suarum ferro confixi periire. Pompeius templum DEI contra legem ingressus, in naue tyranni à spadone confectus est, oculos in aspectu sacrarij profanos toga inuoluit. Crassus, qui auream trabem inde abstulit, liquefactum aurum ad Carthas bibit. Pinianus Asiæ Proconsul, Christianos in gratiam impiorum Imperatorum suppliciis vexabat, ille quidem morbo correptus per Antimum & Sifinnium, quos Lucina aduocat, & peccato, & morbo liberatus est : Christianorum deinde patronus, defensor, & cum opibus valeret, altor. Chæremonem autem auctorem persecutionis dæmon arripuit, sanctos quos occiderat nequicquam inuocantem. [i] Periculosam defensionem impiorum rex Theodebertus sensit : ad templum venit & quidam cum eo, quibus Nicetius sacris interdixerat, Episcopus negat sacrificia oblaturum DEO, nisi profani & execrabiles existant;

*Pinia-
nus.*

*Chære-
mon.
i Menol.
23. Non.*

Nicetius.

sent; Theodebertus regio fastu restitit, suam hoc contumeliam interpretatus; cum neque de suo iure Episcopus, neque de pertinacia rex quicquam remitteret, energumenum exclamans, occultum regis adulterium ingenti illius verecundia publicauit, coëgitq; grauiora metuentē excedere templo. [k] De Nortmannorum interitu Lambertus, & Sigebertus, & noster Andreas Brunnerus. [l] Burcardi sacrilegia inimici telis probris q̄ue certatim ingestis vlti sunt: adeo rerum diuinarum ignarus erat, aut cupidine cæcus, vt calicem quem abstulerat, viuis reddere noluerit, vxori mandarit, vt post mortem restitueret. [m] De Bertholdo Marchione tristem, sed ad exemplum historiam recenser vtilem Arnolphus [n] & Brunnerus [o] quam eius verbis referam. *Eo ingenio Bertholdus Marchio fuit, qui D. Emmerammi opibus inhians, cum Michaëlis constantiam perfringere nequirit, iuratos testes daturum promisit, & rebus necessariis omnibus ostensurum, se merum liquidumq; ius postulare; Composita strenuè fallacia, duodecim viros boni omnes sanguinis produxit; eos Michaël tactis aris, ad pastorale pedum D. Emmerammi concipere iusiurandum iussit: quod cum illi intrepidè fecissent, pessimis exemplis ordine omnes perierunt; Arnolphus Vohburgensis Comes, qui factum annotauit, Arnoldum paternum auum suum presentario supplicia, obstupescente brachio, multatum, post annos pauculos Nabe fluminis vorticibus haustum, saluo comitatu, scripsit. Reliqui nihilo mitiora passi perfidiam suis quique suppliciis luerunt: oculis alius, alius mente captus, alter animam cum alio effudit, alteri laqueo extorta est; duo arserunt, prior cælesti, posterior familiari flamma, quæ domum iuxta Dominumq; eodem incendio inuoluit. Alius resolutis neruis, aqua intercute alius extabuerunt: fuit quem Herculanus morbus, fuit quem carcinoma depasceret; denique qui mitissimè plexus est, mancus luscusque sua sociorumq; funera iam non integer spectauit.*

§ 3.

Frequenter in se vindices sœuiunt, amantq; manus,

K 3

aut

aut infaniam augment impij. quæ summa pœna est.
 p *Iob. 11.* Quales illi, qui dixerunt DEO: *Recede à nobis.* [p] Jo-
 Ioannes Anglæ rex præfixæ malitiæ, cum exercitum
 rex An- à Gallo cæsi maudisset, mœstus cibo abstinuit, de-
 g'ia fu- inde multa in DEVM maledicta congerens actus
 tens. est in furorem, ut pœnitentiæ suæ illum pœnite-
 ret, professus nihil bene sibi cedere postquam cum
 q *Herolt.* DEO & Pontifice ingratiam redisset. [q] Maior hu-
 l. 5 c. de mana vœcordia Vici Codri fuit: cum ædes arde-
 bello sa- rent, damno furenter irascebatur, rabieque plenus
 cro. conuitia contra CHRISTVM iactabat Matremque
 CHRISTI. Veritus autem ne aliquando animum
 impietatis pœnitentia subiret, orabat, ne in morte
 se veniam fortè precantem exaudiret, inferis iam ani-
 mam se deuouisse, nolle in cœlum recipi. [r] Ra-
 r *Barth.* ratantifcleris pœnitentia, aut sœra, quia seruili me-
 Senonens *De trās.* tu coacta, timore pœnæ, non amore iustitiæ. De Ra-
 S. Germ. genario Nortmannorum duce Armoius, [s] & Brunne-
 t L. 6. rus. [t] Eminuit ante alios in ipsum latronum ducem Rage-
 Bau. p. narium vindex DEI manus, qui cum immensam auri vim
 127. in Horuci principis conspectu effudisset, & reuulsos ex porta
 urbis Parisiensis pedes truncumque trabis è D. Germani cæ-
 Sacrile- nobio exiisse, infamia spolia, iactabundus velut in trium-
 gi, & pho ostentaret, impiaque dicacitate bellum sibi cum viuis nega-
 perfidia ret fuisse, sed cum laruis tamen se luctatum; quod in Fran-
 pœna. cia tumuli tumultuari soleant; nam præter Germanum ca-
 pularem senem & iam olim defossam, mortalium neminem
 ausum secum congregi; intempestiuam urbanitatem no-
 uo supplicii genere exsoluit: in eodem enim vestigio oppres-
 sus afflictusque solo, miserabili quiritatu regiam compleuit,
 Germanum inclamans vindicem sceleris sui, cuius sibi ma-
 nibus animam elidi sentiat: cumque triduum integrum in-
 ter tormenta exegisset, ad vota non profectura conuersus,
 statuam auream ad sui corporis modum fingi iussit, quam
 Kobbo legatus placando Germano piaculare anathema Pari-
 sios deferret, promissione adiecta, simul ac vires recepisset,
 Christo se nomen daturum: sed irrita preces pondus non ha-
 buere,

buere, nouusq; sui saculi Antiochus vltima omnia passus, sol-
 lisq; in morem inflatus, confusis sensibus, monstrum hominis,
 rupto tandem ventre infelicem animam cum visceribus eiecit.
 votiuum aurum templo receptum non est, ne impurissimi la-
 tronis imago sanctitatem loci inquinaret. Similem exitum
 reliquorum fuisse idem Kobbo retulit: quin infantes et-
 iam grassantis luis contagione carpebantur, vt quotidianis
 funeribus Libitina non sufficeret; manassetque malum la-
 tins, nisi Horucus feralem illam regni sui pestem carnificis gla-
 dio subiecisset: precisa capita Christianis, quos captiuos ab-
 straxerant, annumerata, iique sine pretio dimissi memora-
 bilem de suis victoribus triumphum egerunt, quo nonnihil ac-
 cepta cladis emollita est acerbitas. Eadem fortuna Ru-
 dolfi Nortmanni fuit à Phrisiis cæsi, quia par cul-
 pa. De Gundacaro, qui ad Morauos transfuga, DE I
 vindicem manum non effugit, audire lubet grauissi-
 mum & elegantissimum historicum Brunnerum. [u] u L 6. Ba-
 Nam simulatque in locum certaminis ventum est, aduersa-
 que constitere acies, tantus Gundacaro repente iniectus diui-
 nitus pavor est, & tam densa animo offusa caligo, vt nihil ne-
 que prouidere ipse, nec militi præcipere posset: cumque tor-
 pentem socii excitarent bonumque habere animum iuberent:
 Vos quidem, inquit, macti virtute este, milites, & si quid in
 dextra opis est, aras focosq; defendite; mei vobis vsu mirata for-
 tuna negat; iniquam dicerem; si mitiorem meruissem. estis su-
 peri, nunquam impunè lesi? ingentes vires lassata cœli patien-
 tia: neque grauior vindicta venit, quam cum diu dilata est.
 Nunc ego Diuorum Manes toties irrisos manusque Emmeram-
 mi sentio, ad quorum olim aras perfidum Ludouico regi re-
 giisque filiis Sacramentum dixi, nullâ reuerentiâ erga testes
 mortuos: sed viuunt profecto & tota me mole premunt, ar-
 misq; impeditum & nexum furiis scelerum meorum victimam
 hostibus obiciunt; atque vtinam vno eoque vili capite satis-
 fieri superis hominibusque possit! Hac cum sibi ipse vaticina-
 retur iam iam periturus, superueniente Carolomanni exer-
 citu opprimitur, vir non vna morte dignus. diffusus à Du-
 ce in exercitum pavor ex bello cadem fecit; Carolomannus

victricem nobilem calitibus gratulatus laureatas ad patrem litteras misit, quæ non illum modo, sed Ratisbonam omnem gaudii festaq; latitia implevere; supplicationes per omnia templa decreta; sonuerunt ex turribus æra, mixtaq; plaudentium voces Emmerammum inclamantes, quod illius potenti dextra præsentiq; ope caso superbissimo hoste, grauißimum bellum esset extinctum; transmissum etiam ad posteros documentum, optimam esse artium militarium pietatem, qua si Superos in partes traxeris, nec tuas, nec hostium copias anxie numerandas; Cælo fauente neminem vinci: vnũ Emmerammum, aut quemcumq; cæli ciuium pro legionibus esse.

¶ 4.

*Sacrilegia
nobilium
punita.*

*Inopia ex
rapin
arum Ec-
clesiastica-
rum.*

Quorsum vero ista? id quoq; dicam: sæpe viri nobiles, eruditi, præfecti, consiliarij, aut aliqui gratiosi apud reges principesq;, quæstui suo seruiunt, sacra vestigalia passim in sua præmia vertunt, nouis artibus prædandi sacra atque aras expilant, praua regibus consilia suggerunt, concussionibus infirmos opprimunt, fundos Ecclesiæ per iniuriam venales faciunt, in æraria opes sacras condunt, filios sacerdotis onerant, de pauperum patrimonio luxuriantur. Nihil istorum vnquam impune fuit. Noui ego non paucos, quos inter ista mors subita extinxit, quorum familiæ ad egestatem redactæ Tolosanum aurum esse senserunt, quod de sacrario à parentibus raptum erat. Sed neque regna, regesque, & magnates lueſe ista desinunt. Regna vbi sacratæ opes à profanis flagellantur, vbi sacri magistratus & monasteriorum præfecturæ profanis, militibus, pueris, etiam sæminis dantur, vbi, vt Bernardus ait, Episcopantur in cunis (vtinam ne & in prostibulis) externis bellis perpetuo, internisq; seditionibus quassari, distrahi, & despoliari; vbi de Christi hæreditate & iure decerpitur, magis æraria exinaniantur, & in summa vestigalium copia, admiranda est pecuniæ egestas; hoc bello, quod iam decennio geritur, memini plurimos tribunos, centuriones, quæstores, qui de Christi æra-

arario loculos stipauerant, variis, sed miseris modis expirasse, aut cum infamia opes non suas perdidisse, & magnum eorum numerum anno vno. Expendant DE R iudicia procures: nam quotidie hoc ab avaris agitur, à DEO punitur, à paucis aduertitur.

C A P. XXIV.

*Obex virtuti ex consuetudine & exemplis aulicis,
& vitiis nobilitatis, & presidum.*

§ I.

DVplex pietati atque innocentia aries admouetur. Primus est, cū impia noxiaq; potentiorū voluntate imperantur, cum statua adoranda proponitur, fornax succenditur. [a] cum Bel adoratur, Draco pro DEO colitur, [b] & iubetur etiam propheta consentire publico errori. Alter est, in speciem mollior, facto ipso constantia murum fortius quatit, maiore impetu venit, plurimorum concursu violenter impactus, aulae consuetudo, quæ fortes deiicit, quasi torrens rapit a uersos, etiam si motis brachiis in contrarium tendant. Tanta in exemplis est persuadendi vis atque efficacia. Fiunt mali dum malis dissimiles esse verentur. Hoc loco, si vspiam generosa Danielis virtus se moribus opposuit: mensam & consortium vitauit. Tantæ monarchiæ exemplo cum toto campo principes & vulgus prosternerentur idolo, Collegæ Danielis deos Chaldaeos nō colunt, & statuam quam erexit, non adorant. [c] Daniel quoq; consuetudini Medorum & Persarum, adeoq; Babyloniorum restitit. [d] Belum destruxit, Draconem occidit, Leonum ora obstruxit; atq; fixum animo tenuit, propter hominem non esse Deum offendendum. Hac machina cornu impiæ bestia præualuit aduersus sanctos. [e] non aduersum omnes, sed quos constantia defecit. & quos occidendo victo-

K 5 res

res fecit. Hoc timuit Jeremias cum epistolam scriberet

f *Baruch.* Judæis in Babyloniam. [f] Nunc autem videbitis in Baby-
e. 6. 3. lonia deos aureos, & argenteos, & lapideos, & ligneos in humeris
portari, ostentantes metum Gentibus. Heroas Matthathiam

g *Dan. 6.* & filios illius describit Daniel. [g] Et docti in populo do-
11. 33. cebunt plurimos: & ruent in gladio, & in flamma. & in capti-
uitate, & in rapina dierum. Non enim omnium quidem
gentium illa debet esse auctoritas, quæ cōtra gentium
conditorem nos conciret; obniti potius oportet, er-
rantesq; corrigere. Prædixit illa de Matthathia & filiis
illius, quique Antichristi tempore fidem retinebunt.

Matthathias, ad Apostasiam cogente Antiocho, ita ut

h *1. Mac-* [h] multi de populo Israël consentientes accesserint ad eos: sed
cab. c. 2. Matthathias, & filii eius constanter steterunt. Quid autem il-
16. li, morem omnium proponunt. [i] Et respondentes, qui

i *1. Mac-* missi erant ab Antiocho, dixerunt Matthathia: Princeps & cla-
cab. 2. 17. rissimus & magnus es in hac ciuitate, & ornatus filiis & fra-
18. tribus. ergo accede prior, & fac iussu regis, sicut fecerunt o-

Matthathias non mnes Gentes, & viri Iuda, & qui remanserunt in Ierusalem: &
sequitur aliorum eris tu, & filii tui, inter amicos regis, & amplificatus auro &
scelera. argento, & muneribus multum. cōsuetudinem gentium op-
ponunt DEO, cōtra rationem & prudentiam, quæ non
quod malè agunt homines, sed quod benè creator de-
creuit, sequendum docet. Herosille igitur fortiter re-

k *Ibid. v.* spondit, & fecit. [k] Et respondit Matthathias, & dixit ma-
19. & 20. gna voce: Et si omnes Gentes regi Antiocho obediunt, ut disce-
dat vnusquisq; à seruitute legis patrum suorum, & consentiat
mandatis eius: ego, & filii mei, & fratres mei, obediemus legi
patrum nostrorum. Tantum horruit scelus idololatriæ,
ut contremiscerent renes eius, tyranni ministrum oc-
ciderit, & omnibus relictis, cum filiis fugerit in mon-
tes. Et sanè exemplum secuti sancti quos ad publicam

l *Ibid.* salutem DEVS elegit: [l] Tunc descenderunt multi quaren-
x. 29. tes iudicium, & iustitiam, in desertum. Illi legem DEI for-
m *Ibid.* tissimè defenderunt. [m] Tunc congregata est ad eos Syn-
6. 42. uſq; agoga Aſsidarum fortis viribus ex Israël, omnis voluntarius
ad 47. in lege

in lege: & omnes, qui fugiebant a malis, additi sunt ad eos, & facti sunt illis ad firmamentum. Et collegerunt exercitum, & percusserunt peccatores in ira sua, & viros iniquos in indignatione sua: & ceteri fugerunt ad nationes. ut euaderent. Et circuiuit Matthathias, & amicieius, & destruxerunt aras: & circumciderunt pueros incircumcisos quotquot inuenerunt in finibus Israël: & in fortitudine.

§ 2.

En tibi torrentem impietatis, qui genus hominum impetu alieno deuoluit in stagnum ignis & sulphuris cruciandum die ac nocte, ut Joannes vaticinatus est. [n] His quisque armis se contra vitiorum consuetudines muniat. Si princeps, si potentes, si totum vulgus potentibus adulando sequatur praua exempla tantumquam iura & leges, vnus obfiste, si retinere alios non potes, ne te illi trahant, animum obfirma. Multa agunt in palatio potentes, quæ Deo placere non possunt, & sibi displicere fatentur, qui faciunt, cogi se causificantur, morem gerendum regi ac sodalibus prædicant; at non est illa quam prædicant necessitas, impia est mollities aliis gratificari flagitio, audacissima temeritas inimicitias contra Deum suscipere, ut placeas perituris. Contrarium fieri oportet, ut mali à bonis adiuuentur, quo malitiam exuant, pietatem induant. Facit tamen infirmitas, ut mali obfint bonis, & iacentes ipsi, eos à quibus erigi debent, supplantent ac deiiciant. Casus labentium debet esse eruditio cautior; stantium; aliena peccata sint ad præcauendum exempla, non ad imitandum incitamenta. Nulla, in qua non sit aliquis perniciosè malus: nam res est contagiosa consortium malorum. Male facta bonos, si perseuerant constantes, cruciant, si delectant, perdunt. Quicquid agunt mali, comites ad exitia quaerunt, pleni sunt graueolentia, mephitin suam proximis inha-

n Apoc. 19.

Non probanda vitia potentium.

Consortium mali periculosum.

inhalant; cætera mala fugiunt, mala quibus ipsi mali sunt, diligunt. Hinc teterrima vitiorum confusio, ut alij in aliorum gratiam delinquant, potent, obscena loquantur, blasphemant, domum orationis in domum fabularum conuertant, non tantum peccandi furore, sed etiam voluntate gratificandi, timore displicendi; quo non excusantur, sed grauius iudicium sustinebunt: ideo enim & ipsi se contaminant, ne innocentia sua improbare aliorum flagitia videantur, ne peccantibus pudorem incutiant, ne velut censores odio habeantur. quod sane perquam frequens est in aula: tum ob hominum conglobatam multitudinem, tum ob vitiorum in magnatibus auctoritatem; quodque magis abominandum est, multis quæ sita per fas & nefas incrementa, quorum malas artes æmulantur, etiam postquam illi, qui per fraudes euecti sunt, de fastigio corruerunt. Quantus mundi insanientis est furor! Eutropius eunuchus apud Arcadium in precio fuit, aulae rector pudendus, auarus, & crudelis, consularu etiam insignis. [q]

Eutro-
pius.
a Claud.
in Eutro-
p.

— Trabeata per vrbes

Ostentatur anus, titulumq; effæminat anni.

Spadonibus ille fauebat. plurimi mortalium & sibi, & liberis virilitatem demere sustinuerunt, ut illi se commédarent, atque ad optatas dignitates eueherentur. Improbata vota, crudelem ambitionem D E V S abrupit, plerique eorum ex vulnere obierunt: ad magnam potentiam euectus est nemo, ipse Eutropius honores suos contumelia & morte luit. Sæua itaque rabies est, quam parit cura morem aliis gerendi, sese accommodandi, & viuendi leges ad potentium placita componendi. Nemo horum væcordiam non miratur, miserentur pauci: stultum enim est alienum malum sibi arceresere, ne male habenti dissimilis habere. nemo tam importune arrogans est, ut hoc postulet, nemo tam abiectè adulatur, ut sibi malè faciat. lippitudinem, gibbum, febrem, carum, cæcitatem, can-
crum,

crum, pestem alienam nemo sibi imprecetur, aut machinetur, ut agris similis sit, ne illos sanitas amici offendat. Curigitur omnes animarum pestes toto pectore hauriunt, ne sint dissimiles malis? ægrimonix & tabes amicorum, scabies, & vrentia vlcera, & Hydrops ad aspectum horrida, ad misericordiam mouendam idonea nos excitant, ut & illis succurrere & nobis cauere conemur, alieno malo sapientes, cur non igitur in morbis animarum grauioribus, in mortem æternam ducentibus eadem est, vel erga illos caritas, vel pro nostra securitate cautela? Ignorantia veri obtenebratur amicus, iracundiæ febribus æstuat, torpori & somnolentiæ mortem sociat, auaritia cæcatur libidine tanquam cancro putrescit, conuitiis & obtruncationibus luem pectoris sui in alios transfert, inuidia tabet, vino vritur, tympanite superbiæ inflatur. hæc mala auferre ab illis, si vere amici sunt, non conciliare nobis oportet. Ne igitur aliorum causa peccatis, sed ad hoc incumbere, ut tui causa peccatis abstineat, qui peccaturus erat. Misera fors humanæ conditionis: cadit corpus, omnes concurrunt, subleuant; cadit anima, sine qua corpus saluum esse non potest, & iacenti aridet, nemo subleuat, assentando non sentientem premunt. Cadit asinus, nec deest manus auxiliatrix, cadit in mortem anima, & nemo audet illi esse causa salutis ne offendat pereuntem. Trahimur letalis contagione, & consuetudinem dicimus. An cuiquam consuetudo est ut se perditum eat? an non potius vetustas erroris? licentia exitialis? torrens gehennæ?

§ 3.

Nunquam satis ista cauetur contagio, quæ occulta vi in mentes illabitur. Magnes trahit ferrum, naturæ ^{Magnes est exemplum.} arcana congruentia, adeo, ut Cardanus lapidem illum viuere, & ferrum illi pro pabulo esse iudicarit. [p] ^{p de Variet. r. rum.} errore manifesto: nam & ferrum maius trahit magnetem minorem, nec ferrum tamen depascitur magnetem

tem; quin magnes obductus lumina ferrea fortius trahit aliud ferrum, non vespenderit. Consule & Scal.

q Exercit. [q] Non impar est morum confociatio, quæ vi abdita trahit, & quodam consensu, felice, si ad bonum, misero, si ad malum. & tum trahit, si animis immitatur: aqua, quam vocant ardentem, & spiritus vini, quæque aromatum calore pollent; tum demum vim suam exerunt, cum recepta stomacho natiuo calore & humore excitata inardescunt, sic omnia exempla tam virtutum quam vitiorum non profunt, neq; nocent, nisi adiuta ingenio videntis vel audientis. facile tamen trahuntur, aut sese insinuant, præsertim mala, quia delectatione blandiuntur; tardius sincera, quia pugnam habent. Erudite Nazianzenus. [r]

Neque enim vel indelebilem tincturam pannus, vel foetidum aut suauem odorem res admota ita facile contrahunt, vel exitialis quidem vapor tam facile in aërem diffunditur, ac per aërem animantia occupat (quod quidem pestis, & est & appellatur). quam subditi Antistiti improbitate celerrime impleri solent, & quidem multo facilius, quam virtute.

Malorum facilius imitatio. Ita plane est: aëris pestilentiosi haustu sanus inficitur, salubri aura non corrigitur infectum lue corpus. Boni igitur & integri societatem malorum launt: difficile est manere incorruptum, qui vitioso lociatur. Vere dixit propheta David. [s] *Cum sancto sanctus eris, & cum viro innocente innocens eris: & cum electo electus eris: & cum peruerso peruerteris.* Ex motu, gestu, affatu, conuictu, spectaculis ipsis, vitia subrepunt. Si igitur amicum, si dominum honoras, dignum iudica, coram quo peccare non audeas: maior amico caritas, maior Domino honor exhiberi non potest. Princepses, aut Magnas, gratiam inferioribus hanc imprimis tribue, vt te duce sint boni, voce doce, sed plenius opere; longum iter per præcepta, breue & efficax per exempla. Plus credunt oculis quam auribus. integritatem rerum probat odor, virtutem exempla. Nil putre suaue redolet, Tu ipse assuesce in bonis imitari meliora. Rectores

Grave crimen in malis exempla.

res vrbium tot mortibus dignos S. Gregorius pronun-
ciat, quod mala exempla subditis transmittunt: non
moriuntur soli, vicini etiam sanguinis sunt rei. So-
cietas requirit concordiam morum, bono curandum,
vt in virtute perseveret, ne polluatur societate pra-
uorum.

§ 4.

Veteres Christiani in aula Neronum, Adrianorum ^{In Apol.}
Diocletianorum, magis exemplo quam verbis infide- ^{u Ad An-}
les ad Veritatem ductabant, vt Tertullianus. [r] Ju- ^{nium & de}
stinus, [u] ostendunt, Hilarion pene puer latrones ^{Verit. fidei}
ad sanctam vitam adduxit. [x] Sozom. [y] Nice- ^{Christiana,}
phorus. [z] Exemplo suo Macarius, nobilissimus Ar- ^{x Hier. de}
menus, multos qui linguam eius non intelligebant ^{Hilar.}
conuertit. ^{yl. 3. c. 13.}
^{& l. 3. c. 9.}

Sic igitur censura, & sic exempla parantur,

Cum iudex, alios quod monet, ipse fuit.

^{& 14.}

^{2 l. 9. c. 19.}

Habent eiusmodi exempla aulae & castra, quamuis ^{Exemplum}
tum in castris aula. Julius miles nobilis vtriusque mili- ^{lulii.}
tiae. Imperatoriae & Christianae, emeritus, [a] Alexan- ^{a marty.}
dro Caesare religionis causa ad supplicium raptus est. ^{Rom. Ade.}
Ad virtutis imitationem exarsere commilitones, quos ^{Beda.}
inter Hefychius martyri gloriosum gratulatus iter: ^{Petrus in}
memor, inquit, esto mei, nam & ego subsequor te. Pasce ratem ^{Catalogo}
& Valentionem commilitones saluta (illiam Deum morte ^{l. 5. c. 56.}
sua glorificauerant) cui Julius: festina frater, mandatum
tuum iam audierunt quos salutasti. Vterque coronam est
adeptus, & viae monstrator, & secutor, paruo temporis
intervallo. Atq; hoc documentum nobilis aulici, &
militis generosi, omnium animis inscriptum velim.
Nimirum ita viuendum inter aequales, vt animus sem-
per ad eos transferatur, quibuscum victuri sumus æ-
ternum. Hefychius ætatem degebat in colluue ma-
lorum, verum mensibi habitabat, vbi amabat, apud
coronatas commilitones, quos sancta vrbanitate salu-
tabat. In palatii sordidis & obscuris locis nemo se diu
conti.

Imitatio bonorum. continet, splendorem parietum & supellectiles miratur. hoc in virtutum spectet ornamentis, vitiosorum moribus nequaquam attendat, virorum illustrium dicta factaque dilaudet, & quod est probatissimum genus laudationis, imitetur: virtutem qui laudat, Deum laudat, qui exercet, plusquam laudat. magnum est summos viros vel parum imitari, sed ex animo, ut virtutes; non ut echo vocem, sed ut sancti sanctos; non ut multi S. Basilij barbam, incessum, loquendi tarditatem, æmulabantur, sed virtutem, vitia quæ in nullis viventibus non sunt, in omnibus vitare. cauenda fouea in qua alij iacent.

§ 5.

Stultorum est omnibus placere & vel-

Qui omnium voluntatibus absque discrimine honesti se offerunt, & obsequio omnes demereri conantur, similes sunt scurris, leuissimo hominum generi, qui iocis & risibus excitandis famam captant, & simulata fatuitate, quibus illudunt, placere student: qui etsi omnes delectant, à nullo tamen amantur. Hos Clemens Alexandrinus parasitos vocat agrestes, sine ratione risum captantes. illi profectò stultitiam simulando sapientiam perdunt, & quod esse videntur, etiam fiunt: nec comicè, sed reuera desipiunt. hos qui punire & corrigere velit, ridicula dicentibus non ardebit. Obsequi igitur æqualibus, seruire maioribus, urbane etiam comiterque loqui & iocari in aula scitum est. at sint ioci sine vilitate, sales sine amaritie, sine felle facetiæ: nulli se præbeat aduersum, nec se iungat indignis; ne tangat immundum, hoc est, prauis actibus ne præstet assensum, nec plausum; errori comiter resistat, ne approbare videatur: veritas enim dum errori non resistitur, indefensa opprimitur: non enim caret scrupulo societatis occultæ, qui manifesto desinit obuiare delicto, ut Pontifex Innocentius monet. Non satis innocens in hominum multitudine est, qui et si (quod Pius Papa affirmat) errore non polluitur suo,

suo, tamen consensum præstat erranti: par pœna fere,
 facienti & consentienti, Hic magnanimus & nobilis
 esto. Lex aulæ cœlestis est, nullius probare crimen, pec-
 cantibus non auxiliari, non arridere. hic ex caritate la-
 crymas, mœrorē, preces, & cū res exigit, aut finit, mo-
 nitiones postulo: pia est illa trinitas, & si sic dici potest,
 bona miseria, vitiis alienis tribulari, non implicari,
 mœrere, non hærere; contrahi, non attrahi. Hortatur
 Salomon. *[b] Fili mi, sive lactauerunt peccatores, ne ac-*
quiescas eis. Et in Ecclesiastico. *[c] Discede ab iniquo, & de-*
ficient mala abste. Agnoscere & expauescere eos iubet
 Bernardus, qui salutem animarum impediunt. Omnia
 officia exhibeto, sed vsq; ad aram, cum peccati causa
 agitur, nam non est officium, sed inquinatio. Faciunt a-
 liquando viri magni quod volunt, quod etsi indeco-
 rum videtur, nou est crimen tamen. Alphonsus rex Hi-
 spaniarum infantiæ genus esse saluationem dicere sole-
 bat; præsentē Cæsare Fredericō & ipsi saltauit, miran-
 tibus respondit, cum magnis viris aliquando infantiæ
 non indecorum videri; quam tamen ille sententiam
 ad ea, quæ legibus diuinis prohibentur, non extendit:
 qui enim in aliorum conspectu male agit, quantum in
 se esse videtur, occidit. Quin hoc quoq; in turbis illis
 memori mente reponendum: ne ad aliorum mores, sed
 diuinæ legis normam vitam exigas tuam, nō enim ideo
 tu innocens, si alius est nocens.

*b Prou. I. 10.
 c 6. 7. 2.*

Alphonsus

§ 6.

Ne quicquam mali vilius causā faciat, nec virtuti
 obicem esse patiatur vilius temporis morem, aut ho-
 minis arbitrium, vel illa causā magni momenti esse
 debet quod illis postremo reddantur inuisi, quos per
 flagitia demeruerunt, quod Daniel exemplo demon-
 strat. *[d] Et in temporibus illis multi consurgent aduersus re-*
gem Austrī: filii quoq; præuaricatorum populi tui extollentur
vt impleant visionem, & corruent. Cum enim in Judæos
 Ptol. Philopater sæuiret, multi spe præmiorum à patria

*Qui peccato
 placent,
 cito red-
 duntur in-
 uisi.*

d c. 11. 14.

L lege

lege defecerunt, vt l. 3. Maccab. scribitur. Verum muta-
 ta diuinitus in beneuolentiam regis ira, impetratum
 est, vt præuaricatores liceret interimere, vt eodem li-
 e 3. Macc. bro scribitur. [e] & vna die sunt interfecti trecenti.
 6. 7. Quamuis autem liber ille canonicus non est, huic ta-
 men historiæ cōuenit, nam versus ille ad Philopatrem
 pertinet. verum hac de re alibi actum. Andreas rex Vn-
 gariæ Constantinopolim profectus Bambanum regni
 f Bonf. de gubernatorem constituerat. [f] Gertrudis regina co-
 rebus gnito fratris, quo Bambani vxorem deperibat, amore,
 Vngar. facile artibus muliebribus effecit, vt scelere potiretur.
 Bambanus iras omnes in reginam conciliatricem effu-
 dit, eamq; interfecit. quod homini potenti, & iam regis
 vices gerenti difficile nō fuit. Facta cæde, ipse Cōstan-
 tinopolim profectus, regi crimen vxoris & vitionem
 exposuit, rex Bambanum absoluit, dolori viri fortis in-
 dulgens, præcipuo odio coniugis, quam fore castitatis
 amantem sperare nō poterat, alienæ vxoris lenam: nec
 frater quicquam tum mouit. inuisa omnibus ex æquo
 nequitia, etiam illi, cui bono fuisse videbatur.

C A P. XXV.

*Ad bene in aula, ac curia viuendum opus esse summa
 Sapientia.*

§ I.

Sapientia rerum diuinarum, & causarum primarum
 prudentia rerum agendarum; summa opus est, me-
 diocris in priuato locum habet, palatium vt genus no-
 bile, ita prudētiæ apicem postulat, vt inter tot laqueos
 Necessitas securus incedat, ne inter malos inficiatur. Inter scopu-
 prudentia. los procella surgente summa peritia vix efficit, ne na-
 uem allidas, nauclerus inexpertus certa est calamitas
 nauigantium: & quo quisq; audacius vela pandit, eo
 propinquior est periculo. Prudentius regna ac prouin-
 cias Christianorum orthodoxorum, quam Ethnico-
 rum

rum administrari magno argumento docemur. Inter illos pauci sine sanguine reges ad generum Cereris descendunt, & sicca morte tyrāni: procerum rari in aula consenuerunt mutuis calumniis, & regum sœuitia elisi. Regum Christianorum pleriq; placida morte obierunt, paucissimi etiam sanguinis fuerunt. nec qui vocantur in aulam gladios valde metuunt, aut crudelitatem. Egent tamen multa prudentia. Causæ & bonorum & malorum sub diuersa specie latent, non nisi sapientibus iudicandæ, prudentes inter, imo astutos, fallaces æmulos vita agitur: pluribus noxæ est non delinquere, nec paucioribus in aliena peccata non consentire, summa igitur requiritur prudentia, vt actiones caute disponantur, ne insidiatori latus nudum præbeatur.

¶ 2.

Danieli datam, & lociis sapientiam excellentem *Sapientia* constat, ex ipsa Scriptura. [a] Puëris autem hu dedit Deus *Danielis*. scientiam & disciplinam, in omni libro & sapientia: Danieli *ac. 1. 17.* autem intelligentiam omnium visionum & somniorum. Et deinde. [b] Cumq; eis locutus fuisset rex, non sunt inuenti *b. v. 19.* tales de vniuersis, vt Daniel, Ananias, Misael, & Azarias: & c. 20. steterunt in conspectu regis. Et omne verbum sapientia & intellectus quod sciscitatus est ab eis rex, inuenit in eis decuplum, super cunctos ariolos & magos, qui erant in vniuerso regno eius. Testis ipse Daniel Deum coram rege laudans. [a] *cc. 1. 30.* Mihi quoq; non in sapientia, quæ est in me plusquam in cunctis viuentibus, sacramentum hoc reuelatum est: sed vt interpretatio regi manifesta fieret, & cogitationes mentis tuæ scires. Illi quoq; testimonium dat regina Babylonis. [d] Est vir in *d. c. 3. 11.* regno tuo, qui spiritum deorum sanctorum habet in se: & in diebus patris tui scientia & sapientia inuenta sunt in eo: nam & rex Nabuchodonosor pater tuus, principem magorum, incantatorum, Chaldeorum & aruspicum constituit eum, pater, inquam, tuus o rex: quia spiritus amplior, & prudentia, intelligentiaq; & interpretatio somniorum, & ostensio secretorum, ac solutio ligatorum, inuenta sunt in eo; hoc est in Daniele.

e c. 6. 3. Perseueravit sapientia illa ad senectam. [e] Igitur Daniel superabat omnes principes & satrapas : quia spiritus Dei amplior erat in illo.

f c. 7. 16. Nec mirum discipulus erat angelorum. [f] Accessi ad vnum de assistentibus, & veritatem quarebam ab eo de omnibus his. Qui dixit mihi interpretationem sermonum, & docuit

g c. 8. 16. me. Imo Gabrielis ipsius. [g] Et audiui vocem viri inter Vlai : & clamauit, & ait : Gabriel fac intelligere istum visionem. Et ait ille : [h] Intellige fili hominis. Ingressus est

h c. 9. 22. & 23. autem de cælo angelus vt illum doceret. [i] Et docuit

i c. 10. 14. me, & locutus est mihi, dixitq; Daniel nunc egressus sum vt docerem te, & intelligeres. Tu ergo animaduerte sermonem, & intellige visionem. Quin hoc ipsum affirmat, non intellige-

kc. 12. 10. re impios, [k] neq; intelligent omnes impii, porro docti intelligent.

Porro quam facili sapientia senes impuros, iudices iniustos puerulus calumniæ conuicit ? & Susannam seruauit. [l] Plane Danielis exemplo in testibus, & complicibus examinandis omnia tribunalia vtuntur, vt falsarij se mutuo prodere cogantur. Dic, inquit, sub qua arbore videris eos colloquentes sibi ? Et cum verbo deprehendisset, morti adiudicauit. Jucundo stratagemate, sacrificulorum fraudes inuenit, & ipsos omnia de-
m c. 14. tegere cōegit. [m] Præcepit Daniel pueris suis, & attulerunt cinerem, & cribrauit per totum templum coram rege : & egressi clauferunt ostium.

n c. 14. Et deinde [n] & risit Daniel : & tenuit regem ne ingrederetur intro : & dixit : Ecce pauimentum, animaduerte cuius vestigia sint hæc. Et dixit rex : video vestigia virorum, & mulierum, & infantium. Et iratus est rex.

o c. 14. 26. Facili etiam sapientia draconem occidit, sine fuste & ense. [o] Tulit ergo Daniel picem, & adipem, & pilos, & coxit pariter : fecitq; massas, & dedit in os draconis, & diruptus est draco. Et dixit : Ecce quem colebatis.

Quantum viribus præstat sapientia, omniū poëtarū ingenia lassauit hydra, quæ creuit in Hercule vinci dolentem, Daniel offas septem faucibus deuorandas obie-

obiecisset, quo multo citius creparet. Regulus quoq; exercitu, & catapultis in Africa serpentem oppugnavit: pice, adipe pilis Daniel interfecisset. Hæc enim vis sapientiæ est, vt quiete, facileq; perficiat, quod stulti magnis iuribus, impensis, periculis moluntur, & multorum damno: neque dubium est, quin Monarchiam prudentissime gubernarit, plurimaq; prudentissime dixerit, legibus sanxerit, fecerit. Sapientia eius notior toto orbe, quam regnum Chaldæum fuit. Ezechiel, [p] enim principem Tyri reprehendit, at-^{p 6.18.3.} que exitium prædicit, quod **D E V M** se dixerit, & 4.5. Danieli se prætulerit. Ecce sapientior es tu Daniele. Omnes ironiam esse consentiunt, & concessionem: nam opinione sua sapientior erat: ad quod in-^{Sapientia Tyri.} dicandum 72. interpretes interrogandi forma posuerunt verba prophetæ, *An prudentior tu Daniele?* Hoc certum est regem Tyri sapientiozem se existimasse. nam dixit: [q] *Deus ego sum, & in cathedra Dei sedi in corde* ^{q Ezech. 28.2.} *maris*: Alioqui sapiens fuit Tyrius. [r] *Omne secretum* ^{r v.3.4.5.} *non est absconditum à te. In sapientia & prudentia tua fecisti tibi fortitudinem: & acquisisti aurum & argētum in thesauris tuis. In multitudine sapientiæ tuæ, & in negotiatione tua multiplicasti tibi fortitudinem: & eleuatum est cor tuum in robore tuo. & fateatur hoc propheta. [s] Tu signaculum simili- ^{s v.11.} *tudinis, plenus sapientiæ, & perfectus decore.**

Noxia & stulta fuit ista sapientia, sibi enim successus tribuebat. [t] *Eleuatum est cor tuum, quasi cor Dei,* quod ^{t v.6.} extremum erat dementiæ, quare Deus illi minatur: [u] *Et nudabunt gladios suos super pulchritudinem sapientiæ* ^{u v.7.} *tuæ, & polluent decorem tuum.*

Stultam sapientiam diuinitatis affectricem amare rideret verus Deus. [x] *Nunquid dicens loqueris: Deus ego* ^{x v.9.} *sum, coram interficientibus te: cum sis homo, & non Deus, in manu occidentium te?*

Hac superbia ille perdidit sapientiam, [y] *Et ele-* ^{y v.17.} *uatum est cor tuum in decore tuo: perdidisti sapientiam tuam in decore tuo, in terram proieci te: ante faciem regum dedi te vt*

cernerent te. Perfectus autem fuit, donec est in eo inuenta iniquitas: itaq; ignis ab eo egressus est, & in cinerem redegit. [z]

2 v. 18.

§ 3.

Duplex
sapientia.

Sapientia
cum reli-
gione
nexa.

b Lactant
l. 3. c. 6.

cl. 3. 16.
dl. 19. de
ciuit. c. 3.
c l. 1. offe.

f Lactan-
tius l.
4. c. 3.

Hæc testimonia de sacris Scripturis ponere oportuit, vt sapientiæ seu prudentiæ (nomina enim confundimus) aulicæ exempla cognoscantur. Duo hic sapientes, Daniel & Tyrius. Danielis sapientia secundum DEVM, omnia DEO tribuens, iuncta religioni, in sacco & cinere adorans. Sapientia mundi gubernatrix sapientissima, populi fidelis conseruatric. Sapientia deinde regis Tyrij, etiam illa à Deo, sed consurgens contra DEVM, regnum callide administrans, in cathedra DEI sedens, cor eleuans quasi cor DEI, & regnum patriamque, & semetipsum in cinerem redigens. Hæc infatuata est, qua rex superbissimus tum primum se DEVM dicere veritus est, cum de manu occidentium reciperet ferrum, & morte pulsante palleret. Hæc in aulis hodieque gemina sapientia cernitur, sapientia Christi quæ vbique est, sed tamen longe à malis est, qui vbique sunt: sapientia vera cultus est DEI, operumque ad scopum vnum & verum impigra directrix. [a] Hæc cælo erigere docet animos quo & vultus erectus est. [b] Sapientia vero, quæ in actu iustitiæ, & virtutis non versatur inanis est, [c] vt Lactantius ait, & Augustinus, [d] adeoque ipse Tullius. [e] Qua causa vera sapientia & religio inseparabili nexu cohærent. Nam si numen aliquod mundum gubernat, bona donat, si indulgentia mortales fouet, potestate creat, vult omnino gratiam sibi, & honorem deferri, quod qui negligit, sapiens non est, cum sit ingratus. Non alius igitur doctor sapientiæ, alius religionis est. Nam colendo DEVM sapere oportet, & sapiendo hoc est, sciendo quid & quomodo colere oporteat, re & actu ipsum implere. [f] Sapientia itaque ve-

ra in

ra in lingua, digitis, & gestu. Semper igitur, vbi fuit
 vera religio, DEI cultus, studiumq; virtutis etiam ve- *Antiqui.*
 ra sapientia fuit, quam falso Seneca mille ante suam *tas sapien-*
 ætatem annos initia cepisse existimat. [g] Sapien- *tia.*
 tes enim ante Homerum, & Hesiodum fuerunt, *g Lact. l. 3.*
 illi autem non fuerunt sapientes. Sicut neque septem
 illi quibus Græcia gloriatur, Thales, Solon, Perian-
 der, Pittacus, Chilon, Bias, Cleobulus, quorum ob-
 stat famæ, quod non DEI sed hominum, & quidem
 stultorum iudicio dicti sunt sapientes, stultus autem
 sapientiæ iudex idoneus non est. Daniele, & Tyri
 regem sapientes DEI iudicio cognouimus. Sed
 Daniele vere sapientem, qui vere iudicavit de rebus
 agendis, & singularum precio. Regem dein Tyri mul-
 ta vere cognoscentem, sed finisignarum, omnem e-
 nim ingenij vim ac eruditionis, in congerendos the- *Falsa sa-*
 sauros, vt Ezechiel memorat, imprudens contulit, *pientia.*
 & rem nobilissimam, de cælo venientem terræ cœ-
 noque immerfit: quod in palatio imitantur, qui o-
 mnino ope in hoc incumbunt, vt regum animos dеме-
 reantur, quo opes colligant, familiæ splendorem
 augeant, prouincias spolient, & census imperij in
 gazas suas nimium cruentas inferant, imitatores
 Tyrij regis, late dominantes, regum ipsorum, prin-
 cipumque tyranni. Plerunque in malo potentes. [h] *h Dan. c.*
 Egredia est iniquitas de Babylone à senioribus iudici- *13. 5. v. 52.*
 bus, qui videbantur regere populum. Et dein- *o 57.*
 ceps: Nunc venerunt peccata tua. Et: sic faciebatis filii
 Israel.

§ 4.

Hic plane requiro iuuentutem aulicam, cautam
 prudentia *Διανοήμων φρόνησιν*, quæ prudentiam ipsam
 cognoscat, ac iudicet, qualis Daniel describitur.
 [i] Veram à falsa discernat. præiudicia caueat: non *i 6. l. 3.*
 personas, sed rem penset, ne cum diuitem quempiam

L 4 aut

aut gratiosum potentia florere cernit, sapientiam arbitretur, atque eius vitia, quod parasiti solent, adoret. Ne Tyrios reges cum opulentos videt, etiam beatos iudicet, quos cœleste oraculum infra omnes homines abiicit, contumeliis & pœnarum diritatibus contritos.

k Xenoph.
l. 7 pad.

Aulam prius cognoscat, quam adeat, ad portam mores, exitusque hominum ut olim liberi Persarum [k] obseruet. Prudentiam in palatio similem esse, quem ad eius indicandam naturam vetustas finxit Argo, oportet. Plenus erat oculis, ne quid non videret, in vicem illi dormiebant, & exubabant: aut Jano bifronti, antecedentia, & sequentia videnti; aut, si de Scriptura similitudinem mutuari malumus, animalibus

l. c. 1. E.

Ezechielis, [l] quæ plena erant oculis intus, & foris. Intus ut se ipsas cognoscant, foris ut alios. Intus ut ex naturæ & gratiæ principio motuque facta & verba ad recti normam gubernarent, foris, ut euenta omnia, familiaritates, ipsa sibi infortunia accommodent, ne leui causa in luctum, aut lætitiā se dent, quod est imprudentiæ, cui soror est malitia. Quemadmodum vero calamitates antecedit insipientia, sic eas moderatur, minuit, & in bonum vertit prudentia. Hæc os est,

Sapientis
oculus.

Officium
prudentiæ.

dux, & aduocata cœterarum virtutum, vitæ oculus: ut enim nulla vox est piscibus, ita nulla virtus imprudentibus, nulla prudentia improbis. Magna autem eius officij pars in æstimandis rerum precijs consistit: si rem nullam magnam existimes, si totam aulicorum obsequiorum comœdiam iudices, cuius maior pars sit ludicra, solam virtutem, & benefacta digna seriis cogitationibus. Hoc enim modo consequetur sapiens, ut semper sibi similis sit, quæ est prima dos sapientis, quemadmodum palma, & in pugnam contracta eadem manus est, ut Augustinus docet, ita prosperis, & aduersis meus eadem. Sapiens enim utrumque euentum proposuit, & quem optauit, & quem formidauit. Illo studio facile perturbationes evitare licet, quæ ut

m Pyth. 7. vere Pindarus canit, [n] imponunt etiam sapienti. Mur-

rus

95.

piensis est. Imprudenter enim agunt, qui licet verum, *Incerta co-*
& æquum intueantur, non tamen quomodo oppu- *gnosenda.*

*Iuuenum
imprudētia.*

res. Quæ namque recens didicerunt, paulo ante ignari, etiam ignorare senes suspicantur, quia secum vna non didicerunt. *Bonum nouum*, ait Pindarus, *quisque extollit*. Hinc videmus adolescentes, qui dapes inferunt, canum, aut falconum curam gerunt, grandi supercilio sonare, sophos, sapientiæ apicem vertici imposuisse putes. Quod si aut Sequanam gustarint, aut viderint niues Appennini, etiam habitu, flexuque peregrinam sapientiam, non sine stultitiæ irritu venditant: ignari non esse prudentis, prudentiores velle docere. Cæcis illi persimiles sunt, qui cum viam nesciant, in omnes partes brachia tendunt, omnia pertentant, vt non magis pedibus, quam manibus ambulare videantur, parum tamen proficiunt, quoque magis satagunt, artusque mouent, eo magis cæcitas apparet, aliis miseranda, & vbi adest iactantia, ridenda, errores suos, & gestus indecoros, quia cæci sunt, videre nequeunt.

C A P. XXVI.

Nullam hominis sapientiam vita in aula aut curia degenda sufficere.

§ I.

DE humana sapientia loquor, quæ summa est, innocens, norma vitæ ciuilis, virtutum ductrix. Illa, inquam, aulicarum rerum molibus sustinendis impar est. *Nullum numen abest, si sit prudentia*: Magnifice, non vere dixit Satyricus. Etiam oculatissima sapientia in hac rerum temporumque caligine cæcutit. In Daniele maior erat, quam in cunctis viuentibus, [a] cessit tamen ciuium violentiæ, [b] cessit procerum dolis, [c] ne regio quidem patrocinio seruari potuit. [d] *Quod verbum cum audisset rex, satis contristatus est*: &

pro

a c. 2. 14.
b c. 14.
c c. 6.
d c. 6. 14.
e 15.

pro Daniele posuit cor ut liberaret eum, & usque ad occasum solis laborabat ut erueret illum. Cogitur tradere Daniele inuitus. [e] Vidit ergo rex, quod irruerent in eum vehementer: & necessitate compulsus tradidit eis Danielelem. Neq; socios Danielis sapientia liberare potuit. [f] David vir secundum cor DEI, quamvis prudentius se gessit, quam omnes serui Saul, in exilium tamen excussus est. [g] Atq; hæc de Sapientia eximia accipienda sunt, vulgaris parum in tantis periculis valet, multæ enim imprudentiæ misturam habet, & errores, qui circum mentem hominum pendent, ut de arbutis niuium vellera, quæ solus lumine suo cœlesti Sol iustitiæ decutit.

§ 2.

Quamuis autem ab incommodis sapientia immunem reddere nequeat, illa quæ humana ratione vitam erudit: efficit tamen sapientia sublimior ut nocere non possint, quæ vitari nequeunt mala. *Sapientia cœlestis.* Lacescunt illa, non subuertunt, hac Daniel Leones, Collegæ vicere fornacem. Hac Maccabæi Antiochum, Martyres tyrannos suos triumpharunt. Mala enim, quæ nulla prudentia fugere potuerunt, summa sapientia ad diuinam gloriam, suamque salutem retulerunt, feliciores, quam si declinassent. Atque hæc medulla est, & anima sapientiæ, ut si inopiam, infamiam, alia toleratu aspera vitare non valeamus, per illa ad summum bonum expeditiores, ac velociore euadamus. Christiana illa sapientia est, & sola sufficit. Hæc in paruulis quoque, sed in CHRISTO adultis viguit. [h] Pancratius adolescens nobilis annorum quatuordecim, Diocletiano carus, magno studio ad idololatriam impellebatur. Diocletianus ipse blanditias, & minas adhibebat, improuidam ætatem fraudibus obnoxiam ratus. at ille ostendit Christianos cœlesti sapientiæ præditos non cedere prauis consiliis, non lædi male;

*Sapientia
pueri Pan-
cratij.
h Sur. t. 3.
& Turm.
de glor.
Mart. c. 30.*

in diebus illis, quasi si quis consuleret Deum: sic erat omne consilium Achitophel, & cum esset cum David, & cum esset cum Absolon.

Cæteri regum quorum res memorantur, vñ sunt consiliariis se multo prudentioribus. Pharaonis erat quasi pater Josephus, [b] Daniel Chaldæis, & Persis b 45.2. Ge-
nes. regibus multo prudentior fuit. Nehemias quoq; Artaxerxi, Mardocheus Assuero aderat, salutare & prudentiore quam ipsi cogitare poterant consilio. Agamemnoni Nestorem & Vlyssē poëra adiungit. Stolidus enim rex erat, hi etsi minore potentia, sapientiores tamen. Dario etiam alteri adolescentes Judæi de sapientia disputantes aderant. [c] Alexandro Aristoteles, Antisthenes, alij, adeo vt in aula sua temeritate cæteros ipse supereret, nunquam magnus, sæpe stolidus. Aderat Scipioni Lælius, Augusto Agrippa, & Livia. Tiberio Seianus, Neroni Seneca, Burrhus, Constantino complures. Carolo Magno Eginhardus, Alcuinus, Henrico Meinwercus. Nunquam bellum Carolus suscepit, nisi belli causam, modumq; Episcopis & sacerdotibus approbantibus. [d] Aulæ Dagoberti d Regino
l.2. regis supremus magister fuit Arnulphus Episcopus Metensis summæ prudentiæ, tantæ auctoritatis, vt illorum temporum felicitas, Rex ipse, adeoq; regina ab illo penderent, consilij causa noctu quoque ad eum ventitarent. Laborem illius Deus probauit, nam Dagobertum remouere eum à republica cogitantem corripuit, & obrectatores grauius puniuit. [e] Beda, [f] Paulus Diaconus, [g] Otho Frising. [h] Vincentius Noddo aliique, qui inuidia ducti sancto viro conuertiabantur, atque in suspicionem trahebant, quasi regij thori subsefforem, cum vino maderent, flamma circumdati sunt, vrebantur, eiulabant, tandem in proximo volutabro sese versantes magno labore flammam extinguunt, ipse Noddo tanta castigatione non melior, in adulterio deprehensus pœnas luit, quas in soniti machinabatur. Arnulphus & in palatio, & eremo, ac demum

*Regibus
prudentio-
res consi-
liari.*

Carolus.

*Arnulphus
Metensis.*

*c T.3.
f De gestis
Long l.6.
c.5.*

*g Otho
Frising.*

*c.9.
h In spe-
culol.23.
c.71.*

*S. Faro in
aula sapi-
entia pra-
stat.
i Sur. t. 5.
Sige. in
Chron.
Vincetius
in spei
l. 2. 4. c. 17.
18. 19.
Trithem.
de viis
ill. l. 3. c.
74. tabu-
la Mel-
dens Eccl.
Pacitur
legatus re-
bellium.*

demum vita functus, miraculis claruit. Quin etiam Theodoberti & Clotarij temporibus regni columen fuit S. Faro, vir iustitia, ingenio, sapientia incredibili, regum instructor, & dictator, [i] Meldensis Episcopus annos sexaginta sex Ecclesiam gubernauit, regiam consiliis rexit, illius inter cætera hoc quoque præclarum narratur: Venerant ad Theodebertum Saxo- num legati rebellionem excusaturi, rex ira præcipiti iugulati eos iubebat, consiliarij valere ius gentium voluerunt, non irritandam noua seueritate gentem: Rex contra nitebatur: legatos quoque esse subditos, illos eodem crimine inquinatos, rebellionem eorum ius suum non esse factum deterius, nec illorum me- lius: Faro cum disceprando, quasi ventilando vide- ret iram regis accendi, se quoque regis sententiæ acce- dere simulauit, vnius tantum noctis spacium petiit, & facile impetrauit. Nam regis impetus cum obsi- steretur, vires colligebat, obstaculis remotis vt so- lent venti, diffuebat: noctu ad legatos Faro in car- cerem abijt, quo sine in periculo docet, ad fidem Chri- stianam conuerit, erudit, precibus magis, quam disputatione victor perfidiæ, altera die regem docet, quid actum sit, iam Christianos esse, rex euentu læ- tus morte captiuos liberat, & more legatorum ho- neste haberi iubet, gentem deinde etiam vicit. S. Gal- lus floruit [k] sub regibus Theodorico, & Childe- berto tutatus est Galliam sapientia, & consiliis, quæ quantum profuerint, euentus docuit, illo enim per scelus in exilium pulso regia domus extremis ca- lamitatibus conflictata est. Leodegarius Augustodu- nensis Episcopus, maior domus Theodorici, [l] diui- na & humana sapientia omnibus maior, cum omnia salutaria suaderet, multa perficeret, improborum in se odia concitauit, præsertim Ebroini, qui regis & re- gni arbitrium tenebat, atque omnia turbabat, sæcu- li sui Seianus. Ille cum Augustodunum iniquo Epi- scopi ductus odio obsideret, & crudelitatem in om- nes

*k Tir. de
hist. Fræc.
l. 4. c. 5.
6.
De vita
sanct. c. 6.
Venetius
l. 4.
Leodega-
rius.
l Sur. t. 5.
Vrsinus
in hist. e-
ius. Ado.
Vincen-
tius.*

mnes exerciturus videretur , Leodegarius ne sui causa ciuibus periculum crearetur , impio principi caput suum obtulit , atque in castra progressus post tormenta mortem latus obiit. Eadem Lambertus, Nicetius, Fredericus , alij præstiterunt. Thassilonius Boij felicitas , patriæque salus S. Virgilio Salisburgen-
Lambertus, Nicetius, Fredericus, Virgilius.
 sis , à cuius consilio rex nunquam discedebat , ascripta fuit.

§ 2.

Rarum est , prudentissimos esse reges & principes. *Curraro*
 Singulis tamen de sede magnitudinis suæ æterna sapi-
 entia misit , quam decreuit , prudentiam. Sæpe *reges sapientiores sint consiliarijs.*
 minorem , quam subiecti habeant. Quod adeo clara demonstrant exempla , vt nemo negarit. Agit hoc in regno DEVS , non vt regia maiestas sugilletur , verum , vt reges ipsi se agnoscant , alienis se auxiliis egere intelligant , non posse solos sustinere molem regni , potentiam aliorum iudicio temperent , supercilium ponant , eos quorum prudentia regnant , comiter habeant , libertatem loquendi , non concedant modo , sed exigant , obsequia quæ in dando consilio cernuntur , reuereatur. Prudentia enim res sacra est , quam venerabilem DEVS esse voluit : quam in Daniele Chaldæi , Persæ , Medi coluerunt. Nec verèor , ne reges offendam : nam si quis ex his sapientior est omnibus Palatinis , tantumque prudentia , quam maiestate antecedit , ille minimum ingenio suo fidet , alios audiet , irasci nesciet. Si quis non re ipsa , verum errore suo in culmine sapientiæ sedere se iudicarit , eximium ille se arbitrabitur : non enim dixi nunquam , sed raro fieri , vt reges sapientiores sint consiliariis , ipse se inter raros censebit. *Consiliarium officium.*
 Hinc procures magna cura , & formidine consilium accedent , quasi de suo capite sententiam dicturi. Nam & de salute sua , & multorum prosperitate in medium consulunt.

Aureum

ml. i. de **Aureum consilium est Episcopi Hipponensis. [m] Elige**
serm. Dom. **tibi consiliarios bonos, Deum timentes, & veritatem amantes,**
in monte **sape enim adulatorum blanda facie decipiunt animas audien-**
e i. **tium se, & perpetuis mortis laqueis interimunt. De talibus di-**
n Psal. 5. **cit Psalmista. [n] Quoniam non est in ore eorum veritas: cor**
10. 11. **eorum vanum est. Sepulchrum patens est guttur eorum, lin-**
guis suis dolo se agebant, Iudica illos Deus, à Spiritu sancto est,
ut dare possis vtile, & fidele consilium. Consilium, ut
o Psalm. **idem docet Augustinus, [o] à melioribus petitur. Et-**
140. **si enim consulens melior est, eo qui consulitur, illum**
tamen velut in hac re se meliorem interrogat, darenim ab ipso sibi posse putat, quo eger, & quidem in
nobilissimo munerum genere, quo sapientiae benefi-
cia conferuntur. Quæ si quispiam precio, aut aliquo
affectu corruperit, dissipabit DEVS ossa illius, quod
fieri ante annos aliquot multi viderunt, nos legi-
mus.

*Regum
officium.*

§ 3.

*Sancti
consulen-*

di.
Ioan. E

remissa.
pl 5. c. 16.

de ciuit.
q 27.

Mart.
rl. 2. c. 32.

hist.
sl. 5. c. 14.

tl. 7. c.
22.

De vit.
patr. c. 1.

xl. 11. c.
29.

In Chro

nico.

2. in Lau-
facis.

Regibus quidem tutissimum est, in consilium ad-
hibere non modo rerum gnaros, & prudentes, sed ve-
re prudentes, pios, Deo dilectos: suæ enim illi utili-
tatis rationem non habent, omnibus affectibus, qui
veri cognitionem studiumq; propediunt liberi. Ita fe-
cisse Theodosium magnum contra Maximum tyran-
num, quæ terribilem successus fecerat, recenset Augu-
stinus. [p] De bello enim consuluit Joannem in ere-
mo Ægyptia agentem, qui victoriam illi prædixit, &
alteram maiorem contra Tyrannum Eugenium: ut
etiam testatur Romanum Martyrologium. [q] In Æ-
gypti S. Ioannis Eremita, magna sanctitatis viri, qui inter cæ-
tera virtutum insignia, etiam prophetico spiritu plenus, Theodosio
Imperatori victorias de tyrannis Maximo, & Eugenio prædi-
xit. Eius consiliis in arduis rebus vsum scribit Paulus
Diaconus, Rufinus, [r] Theodoret. [s] Sozom. [t]
Euagrius, [u] Nicephor. [x] Prosper Aquit. [y] Palla-
dus. [z] Ut igitur regum est audire bonos, ita con-
silia-

filiariorum suadere bona. Nam malum certo certius redundabit in caput auctoris. Sensit hoc Vlpianus suus for persecutionis in Christianos, sensit Mardonius auctor belli Græcanici, qui lapide ictus occubuit. Iudicabant ita Carthaginenses, qui ducem, etsi belli euentus prosper fuisset, si tamen malo consilio usus esset, crucifigebant, [a] Valerius. Moysen mali consilij auctorem fame necabant. [b] Stobæus. Difficile est dare consilium; nam pendet ex præteritis, præsentibus, futuris, quorum prima habent notitiam, altera circumstantias plurimas, & singulares tertia coniecturam. [c] Quæ optime examinat Clemens Alexandrinus, optimum, ut Phocyon dicebatur in literis: mortuis, sine spe, & metu dant, non blanduntur, nec oderunt.

§ 4.

Tam publice, quam priuatim in dando consilio adhibenda est cautela.

Multis exitium attulit sine culpa datum consilium. At in aula, qui consilium petunt, raro circumstantias, nec sæpe mentem aperiunt, alienos sensus scrutantur, & ad sua commoda interpretantur in super habito periculo respondentis. De pacē cum inimico concilianda, de obtinenda dignitate postquam constituerunt, tum demum consilium petunt, cum explorare alienas voluntates conantur. Consilium vulgo pensatur euentu, optimum censetur, quod proposito tenuit, pessimum, quod male cessit. Ideo vero periculosius, quia plerunque quæritur in aduersis. Vtrinque peccari solat, pallium consulentis venenum est perimentis: siue in petendo, siue dando simulatio adhibeatur. [d] Daniel Nabuchodonosori, in magno metu dat consilium. [e] Balthasari eadem nocte morituro monita non obtrudit. Bonum consilium multas vincit manus, sed multos habet inimicos. Hoc primo tenendum est: Nullum dandum esse contra

M . . . domi-

Dominum. *Non est enim sapientia, non est prudentia, non est*
& Prov. x2. consilium contra Dominum. [f] Deinde cauendum ne se-
 ro detur : nam ostendere post naufragium, quo diri-
 genda navis fuerit, exprobratio est, non consilium.
 Deniq; sit in lingua silentium, in fronte verecundia, in
 corde consilium.

C A P. XXVIII.

Ad sapientiam discendam admonitio : de studio
Nobilium palatinorum & ex-
ercitationibus.

§ I.

Neglectus
studiorum
in aula.

Senectus
vera.

PVerilis est plurimorum error, usu noxius, exitu tri-
 stis: palatia non esse sapientiæ gymnasia, nec studio-
 rum phrontisteria: aulicos exisse de potestate magistri,
 suos iam factos esse, vti iam sapientia non discere: qua
 opinione inducti iuvenes, qui leuioribus obsequio-
 rum curis occupantur, nullum ad seria tempus sepo-
 nunt, multos annos imperiti, ætatem ignaui, ne in se-
 nectæ quidem ad magna idonei, ne canos quidem o-
 rant prudentia, talem gerunt iam tremuli atque effæ-
 ti annis, *qualem prima lanugine mentem.* ex quo consequi
 necesse est, vt cum iuuenilium laborum in aula tem-
 pus exierit, desit senectæ ineruditæ ætate digna occu-
 patio, locus, & honos; aliquando & census. Similes
 sunt illi symphoniacis, quos cum liquidæ vocis suau-
 itas, aut articulorum agilitas defecit, nulli operi
 sunt habiles, ad ludiora solum exerciti, similes equis
 vetulis, quos robore, velocitate, & nobili ferociâ per-
 dita ex palatio ad rustica opera ablegant. Omnia in se-
 nibus deficiunt præter sapientiam, hæc sola illis præ-
 cium facit, sola venerabiles, quæ si abest, infra iuuen-
 tam sunt nec queri possunt honore se destitui, cum nō
 fuerit ipsis vnquam reuerentia sui, vt dignam cani-
 tie

tie mentem efficerent, Palatinus itaque meus cum illa quæ in præfens agenda veniunt, sedulo perfecit, ad illa quæ in futurum vtilia sunt, se parabit. Non quæ & quo cum tempus fallat, cauebit ne tempore fraudetur, ne ab horis transeuntibus fallatur: stultorum est de annorum tarditate querela, quorum velocitate nihil citatius, iactura nihil damnosius. Sapiens omne tempus occupat, dies redimit, nec annos numerat, sed fructus. Stolidi sunt eruditionis contemptores quos graui irrisione confutat Nazianzenus. [a]

a Orat. 20.

Quamobrem non idcirco eruditio contemnenda est, quod ita quibusdam videatur: quin potius stulti atque imperiti habendi sunt, qui hoc existimant: qui omnes sui similes esse cupiant, vt priuata eorum inscitia sub communi deliteat, nec quisquam ipsorum imperitiam prodat & coarguat.

¶ 2.

Danielem & condiscipulos illius ob oculos sibi ponant, aulam Chaldei regis ingrediantur: non potuerunt stare in conspectu regis adolescentes indocti: iussit, [b] vt introduceret de filio Israël, & de semine regio & tyrannorum, pueros, in quibus nulla esset macula, decoros forma, & eruditos omni sapientia, cautos scientia, & doctos disciplina, & qui possent stare in palatio regis, vt doceret eos literas & linguam Chaldaeorum. In aula barbara, in aula inimicorum iniquorum, [c] & pessimorum, prauaricatorumq., & regis iniusti & pessimi vltra omnem terram. Studium erat tamen qualiscunq; sapientiæ, quæ vt cunque

Chaldei
scientia a-
maiores.
b c. 1. v. 3.
& 4.

c c. 3. 32.

Emollit mores, nec sinet esse feros,
nec eas disciplinas Daniel contēplit, nec socij: sciebant enim illa animam suam non contaminari, sed expoliri. De v s quoq; illis sapientiam dedit, non daturus, nisi utilis esset habentibus, quemadmodum & Mosi profuit, erudito in omni scientia Ægyptiorum. Quid igitur in palatio discendum? Omne illud, cuius ignoratia obesse, cognitio prodesse potest viro prudēti, viro nobili. Quicquid inferere pōt nobilitatē, aut illustres ornare. Dilce omnia, si nō quæ sunt discēda, at illa quæ potes,

Daniel sciē-
tias ample-
xus est.

M

2

Da-

Daniel omnia didicit, & puer didicit, & ut posset, ingenium DEVS excitauit. [d] & omne verbum sapientia & Intellectus; quod sciscitatus est ab eis rex, inuenit in eis decuplum, super cunctos ariolos & magos, qui erant in vniuerso regno eius. Laudatas disce & ingenuas disciplinas, vana & inutilia vitabis, ut ocium sit fructuosus: impia & vana non modo facere, sed ne cognoscere quidem fas est: eorum enim doctores, & alumni, impietate & ruina, quam scientia, sunt clariore. Daniel ariolos & magos decuplo superauit, non tamen eorum artes didicit, nisi quantum ad refutandos satis erat, non est cognoscenda profunditas Satanæ, ne discantibus placeat, & placendo absorbeat. [e] Veterum exercitationes in magna varietate erant: disco, cursu, saltu, lucta, iaculis, equitatu, nauigatione, natatu, pugna, præliorum imagine, musica exercebantur. In Chaldæa equestris disciplina florebat, quemadmodum & Assyria, ante translatum imperiū: deinde vero apud Medos & Persas, qui negocia sua in equis pertractabant. [f] Brissionius. [g] Hinc sacræ literæ equitatus Assyrij frequentes meminerunt. sane Ezechiel principes, & Magistratus iuuenes, dicit, vniuersos equites ascēsores equorum. Prouinciae plano camporum æquore tendebantur, lutosi erat pinguisq; gleba, incilibus interrupta, pabulo abundans, equiti apta non pediti. Artium plerasq; didicerunt, quas liberales dicimus, quæ à Chaldæis originē habuerūt, postea bellis, barbarie, vitiiis obscuratæ sunt; iura etiam legesq; patrias memoriæ mandabant. Sunt igitur ista discenda, poësis, eloquentia, philosophiæ partes, Logice, Mathesis, Ethice, Physice, Politice, Polemice, Oeconomice, Jurisprudētia vtraq; Theologia, Hæc omnia discas si tempus est & ingenium; si fieri nō potest ut omnia, at plurima; si pauca, at optima & utilissima. imprimis sapientiam, qua nulla est possessio preciosior, quam Salomon præposuit auro obrizo & lapidi precioso: Accipite, inquit, [h] disciplinam meam, & non pecuniam: doctrinam magū, quam aurum eligite. Melior est

h Prou. 8.

& 10. & 11.

est enim sapientia cunctis pretiosissimis: & omne desiderabile ei
 non potest comparari; Ne vero discendam non putemus ^{Sapientia}
 eruditionem sibi iungit ipsa. [i] Ego sapientia habito in ^{discenda.}
 consilio, & eruditus inter sum cogitationibus. Primarium suum ^{ibid. v. 12.}
 opus ait esse in regnando & consilia dando regibus. [k] ^{ibid. v.}
 Meum est consilium, & aquitas, mea est prudentia, mea est for- ^{14. usq;}
 titudo. Per me reges regnant, & legum conditores iusta decer- ^{ad 22.}
 nunt: Per me principes imperant, & potentes decernunt iusti-
 tia, Ego diligentes me diligo: & qui mane vigilant ad me, inue-
 nient me. Mecum sunt diuitia, & gloria, opes superba, & Iusti-
 tia. Melior est enim fructus meus auro, & lapide pretioso, & ge-
 nimina mea argento electo. In viis iustitie ambulo, in medio se-
 mitarum iudicii, vt ditem diligentes me, & thesauros eorum re-
 pleam. hortatur regum sapientissimus Danielis proge-
 nitor, quo nullum habuit ex posteris, excepta culpa si-
 bi similiorem. [l] Posside sapientiam, quia auro melior est: ^{1 Prou.}
 & acquire prudentiam, quia pretiosior est argento. ^{16. 16.}

At quereris non esse in domibus regum ducem &
 magistrū. non deerit, si tibi sit discendi ardor, & labor
 quærendi. Et si nemo sit viuius, disce à mortuis, à bestiis,
 [m] Vade ad formicam opiger, & considera vias eius, & disce ^{m Prou.}
 sapientiam. Non obstat sapientia viribus, animi constan- ^{66.}
 tia, sed eam roborat, lorica & galea præstantior. [n] ^{n Ecclesi-}
 Melior est sapientia, quam arma bellica: & qui in vno peccauit ^{stus 9. 18.}
 rit, multa bona perdet. Si te mala premunt, si vitiis angeris,
 si licentia diffuis, nullum præsentius remedium, toto
 orbe approbatum: [o] nam per sapientiam sanati sunt qui- ^{o Sap. 9. 19.}
 cumq; placuerunt tibi Domine à principio. Vtinam tibi im-
 perare possis vt sapientibus, seueris, pijs, lubens adhæ-
 reas, ab ore doctorum pendeas, ab ore eorum, quos
 D E V S ad te legatos misit, concionatores, confessari-
 os, religiosos, alios viros graues, pios. Consilium meum
 non est sed æternæ sapientiæ. [p] Ne despicias narratio ^{p Eccli. 8.}
 nem presbyterorum sapientium, & in prouerbis eorum con- ^{v. 9. & seq.}
 uersare. ab ipsis enim disces sapientiam, & doctrinam intellectus, ^{usq; ad 13.}
 & seruire magnatu sine querela. Non te pratereat narratio
 seniorum: ipsi enim didicerunt à patribus suis: quoniam ab i-

psis discas intellectum, & in tempore necessitatis dare responsum.
 Hos si audias, responsum dabis aulæ cœlesti & terrenæ
 probatum, si antequam loquaris discas. [p]

9 Eccl̃i.
 18.19.

§ 3.

Quid igitur tandem ? an ad pulveres scholasticos, labores sordidos, retrahis nobilitatis splendorem ? Planè ad sapientiam voco reges, principes, procures, palatinos,

Non indecoro pulvere sordidos.

*Discere
 procures
 debent.*

1 Sap. 6.
 v. 1. vsq̃
 ad 13.

Schola est, vbicunq; vigilatur ad fores sapientiæ. Academia est, vbicunq; de virtutibus inquiritur & respondetur. Amanti sapientiæ omne atrium, etiam sphæristerium, porticus est. Archimedes non in minio, non in cedro, sed pulvere eruditæ lineas duxit. Ad procures ista pertinere sapiens nos docet, minatur non discantibus, exitium insipientibus denunciat. [r] *Melior est sapientia quam vires, & vir prudens quam fortis.* Audite ergo reges, & intelligite, discite iudices finium terra. Præbete aures vos, qui continetis multitudines, & placetis vobis in turbis nationum: quoniam data est à Domino potestas vobis, & virtus ab Altissimo, qui interrogabit opera vestra, & cogitationes scrutabitur: quoniam cum essetis ministri regni illius non rectè iudicastis nec custodistis legem iustitiæ, neq; secundum voluntatem Dei ambulastis. Horrendè & citò apparebit vobis: quoniam iudiciū durissimum his, qui præsumunt, fiet. Exiguo enim conceditur misericordia, potentes autem potenter tormentâ patientur. Non enim subtrahet personam cuiusquam Deus, nec verebitur magnitudinem cuiusquam: quoniam pusillum & magnum ipse fecit, & equaliter cura est illi de omnibus. Fortioribus autem fortior instat cruciatio. Ad vos ergo reges sunt hi sermones mei, ut discatis sapientiam & non excidatis. Qui enim custodierint iusta iustè, iustificabuntur: & qui didicerint ista, invenient quid respondeant. Concupiscite ergo sermones meos, diligite illos, & habebitis. Tantam sapientiæ curam studiumq; Deus sapientiæ largitor vobis imperat: & iure optimo: Mundus conditus est & gubernatur æterna sapientia, illius ministri

nistri maiores, sunt reges, & minores, sub regibus prin- *Stulti non*
 cipes & aulici, quos etiam sapientes esse oportet, aut *sunt apti*
 manum remouere de tabula, clauum tradere melio- *ministri*
 ribus: nam stultitia regum non est diuinæ sapientiæ *sapientia.*
 idonea ministra; procerum imperitia calamitas est
 regum. Principibus imperatur à D E O, vt legem
 D E I cognoscant, ex ea iudicent. hoc sibi quisque
 dictum existimet, qui vel regum consilia regit, vel
 Rempubl. in parte administrat. Legislatorem ipsum
 audire præstat. [s] *Postquam autem sederit in solio regni s Deut. 17.*
sui, describet sibi Deuteronomium legis huius in volumine, v. 8. & 19.
accipiens exemplar à sacerdotibus Leuitica tribus, & habe-
bit secum, legetque illud omnibus diebus vita sua, vt discat
timere Dominum DEVM suum, & custodire verba & cere-
monias eius, qua in lege precepta sunt. Non sine causa ista
 postulat rex vester Opt. Max. adeoq; ipsa patria: Non
 arare, non fodere, non secare marmora, non pascere
 iumenta iubet. Ocium honestum, victum, lautitias,
 splendorem, præcia vestium, locum inter mortales pri-
 mum indulget. Non ad luxum fastumque, sed vt a- *Cur proce-*
 liorum securi sapientiæ soli operam detis, quā sola *res tenean-*
 possunt rectè imperia gubernari, quam si non quæri- *tur dare o-*
 tis, patriam fallitis, DEVM cum fallere non possitis, ha- *peram (a-*
 bebitis vltorem; si officio functi fueritis, remunera- *pientia.*
 torem. planè beati; non quia illa quæ impij possident,
 bona teneris, sed quia bono vsu per illa acquisistis æ-
 terna.

¶ 4.

Danielis etiam sententiam exquiramus. Duplex il- *Duplex ge-*
 le genus hominum nobis in aduersis Ecclesiæ tempo- *nus homi-*
 ribus (quæ nunc sunt tristissima) prædicit: Est enim *num.*
 populus sciens Dominum, qui obtinebit, & faciet, populus,
 qui est inuentus in libro vite, qui fuga impiorum, & sua *Dan. c.*
 salute cōtentus resurget ad vitam æternam. [t] Quales *12. 2.*
 erant, qui in simplicitate sancta moriebātur. [u] Et non *u. 1. Macc.*
 responderunt eis, (Antiochi ducibus) nec lapidem miserunt in *2. 36. &*
 M 4 605, 37.

Innocens eos, nec oppilauerunt loca occulta, dicentes: *Moriamur omnes*
simpac- in simplicitate nostra: & testes erunt super nos cælum, & terra,
tas. quod iniuste perditus nos. At Mathathias iam princeps religionis defensor, occiso tyranno, magna voce exclamat. [x] Omnis, qui zelum habet legis statuens testamentum, exeat post me. Illius filij comitesq̃, maiorem pietati prauitiam iungunt. [y] Et dixit vir proximo suo: Si omnes fecerimus sicut fratres nostri fecerunt, & non pugnauerimus aduersus gentes proximabus nostris, & iustificationibus nostris: num̃ citius disperdent nos à terra. Muneris enim regentium est, Dei gloriam, salutem subditorum tueri prudentia, sine qua vis & robur arena est sine calce, murus sine cæmento. paries sine paleis, vrbs sine mœnibus. De Mathathia filiisque ducibus, bellatoribus, catechistis, & doctoribus pietatis, vltoribus perfidiæ, oraculum Danielis est. [z] Et docti in populo docebunt plurimos: & ruent in gladio & in flamma, & in captiuitate, & in rapina dierum & deinde: [a] Qui autem docti fuerint, fulgebunt quasi splendor firmamenti: & qui ad iustitiam erudiunt multos, quasi stellæ in perpetuas æternitates. Hebræis dicuntur Maschilim, qui sunt intelligentes, prudentes, & qui faciunt alios intelligere: illa est enim coniugationis vis, quæ Hebræis dicitur Hiphil. [b] & [c] Illi in aliorum animis lucem accendunt, siderum imitatores. qualis Daniel salubre sidus in monte Nebuloso, in medio Babylonis. Horum studia tempore Antiochi Dei vs excitaui, nostro etiam sæculo falsis doctoribus multos opposui: cum vero erit tale tempus, [d] quale non fuit, ex quo gentes esse cœperunt, in atrocissima tyrannide Antichristi, doctissimos viros & fortissimos extremis Satanæ conatibus opponet: quod Angelus quasi miratus dicit, [e] & multiplex erit scientia. neque illa ociosa & inefficax: ad iustitiam enim erudiant multos, seu, vt Hebræus, iustificatores erant multorum, exemplo præbunt, sapientia trahent. Fecerunt illud Maccabæi vltimorum temporum figuræ, nostri in eandem gloriam prouocatores, vt eorum docet historia. [f] Et circuiuit Mathathias,

& ami-

& amici eius, & destruxerunt aras: & circumciderunt pueros in circumcisos quotquot inuenerūt in finibus Israël: in fortitudine. Et persecuti sunt filios superbia, & prosperatū est opus in manibus eorum. Multiplex illa fuit scientia in DEI populo, cum de sua consolatione scribunt Spartiatis fratribus [g] Nos, cum nullo horum indigeremus, habentes solatio san- ^{g¹ Macc.}
ctos libros, qui sunt in manibus nostris. ^{12.9.}

¶ 5.

Antiochi tyrannidem exercuit in Iudaica synagoga legis imperitia, quæ antea quoq; exilij Babylonici causa fuit, testibus Iſaia & Jeremia. Et auorum memoria apud nos quoq; portenta turpiū errorū peperit. Jafon contra Dei legem summū sacerdotiū data regi pecunia ambiebat, illud Menelaus de tribu Benjamin superponens Iafoni trecenta talenta, in se retorſit. [h] Tam fæda religionis nundinatio, sacrarij prophanatio regem impium ad templum dæmoni dedicandum incitauit, præſertim cum pecunia ſclerate promiſſa non ſolueretur. Inſcitia vero ſumma erat, quod Pontificatum de ſtirpe Aaronis in poſtremam tribum transferri poſſe iudicabant. hinc prima illa tempeſtas in eruditos ſæuiit, vti & Daniel prophetauit. [i] Et de eruditis ruent, vt ^{h² Macc.}
conſentur, & eligantur, & dealbentur vsq; ad tempus præſinitum: quia adhuc aliud tempus erit. Hoc nimirum antiquitus ^{4.24.}
egit Satan, vt eruditos de Eccleſia exterminaret, per illos ipſos quæ Eccleſiæ præſidere videbantur, eaq; fraude plus quam perſecutorū gladiis actum eſt. Et nescio fane, an etiam hodie plus ab æmulis vlli tolerant, quam illi, quorum eruditio & labor in orthodoxa religione tuenda, hæreſibusq; confutandis plurimum Eccleſiæ prodeſt, quos foris hoſtium furor, domi inſidiæ inuidentiū conſtāt vt eligantur, & dealbentur. ſed hoc vsq; ad præſinitum tempus: nam cum iudiciū ſederit, [k] & regnum dabitur populo ſanctorum, non ^{ic. 11.35.}
modo auferetur iniqua potentia, ſed & fraudeſ malicioſæ. Non ignorabat Julianus Apoſtata eruditione ^{k⁶.7.16.}
M 5 & ſtudio

*Julianus
litteris di-
scere Chri-
stianos ve-
nit.*

[Psal. 12.]

*Proceres
mali plebs
deteriores
m c. 5. & 4.
et 5.*

n erat. 10.

*Nosse
remp.*

& studio Christianam religionē seruari & augeri, quapropter Christianos docere & discere literas vetuit: quem hoc edixisse suarum rerum desperatione Nazianzenus refert, perinde ac si quis athletam illum fortem iudicaret, qui prohibet, ne alius fortior in arenam descendat, si ideo se virtutis inuictæ putet, quod hostem non sinat armari. Studium igitur diuinæ legis in principibus, in optimatibus summum requiri, quibus non potest deesse quod agant, cum illis regum maximus dixerit. *[l]* quoniam in lege Domini voluntas eorum, & in lege eius meditantur die ac nocte. cuius diligentia præmium propheta eximium adiungit. Et omnia, quæ facient, prosperabuntur: Erunt enim tanquam lignum quod plantatum est secus decursus aquarum, quod fructum suum dabit in tempore suo. Ligni natura est semper crescere; Christiani hominis, semper proficere, ubi stare incipit, retro relabitur. Folia, hoc est, externa ornamenta, non defluent, aut sane meliora reponentur. Si populus ignorat, at proceres eruditos esse oportet. Jeremias de his magis queritur. *[m]* Ego autem dixi: Forsitan pauperes sunt & stulti, ignorantēs viam Domini, iudicium Dei sui. Ibo igitur ad optimates, & loquar eis: ipsi enim cognouerunt viam Domini, iudicium Dei sui. & ecce magis hi simul confregerunt iugum, eruperunt vincula. Hæc quoque causa est, curgentēs pereunt, cum illi quos Deus saluti esse cæteris iussit, auctores sunt scelerum, properantque vindictam. Recte igitur & discant & faciant, antiquius est autem discere, quam facere doctrina altera natura est, prior corrupta est, hæc integra. doctrina facit ut rebus mundi sine noxa, cum utilitate fruamur: ferrum, aurum, ager, alia, nisi scienter tractentur, vtilia non sunt. In optimatibus si soli boni mores vel sola scientia reperitur, sententia Nazianzeni, luscii censentur. *[n]* altero enim oculo carent, quos geminos esse natura iussit.

¶ 6.

Jura quoque legesque & rem publicam nosse oportet, cum iudices sint, & consilia de repub. daturi, Carolus

Ius M. iuri dicūdo Comites fere præfecit: illi enim, qui genere nobiles & opibus pollent, magis integre caste-que iustitiam administrant, à muneribus incorruptiores. Tibicinem non ferres canendi imperitum, saltatorem loripedem rident omnes, & mystem Iustitiæ constituent reges, qui ex iure suum cuiq; tribuat, legis & moris ignarum? aut ad ista aspirabit inscius eius, quod ^{*Iuniorum aulicorum officium.*} gesturus est, officij? Aulici igitur iuniores ad eos se applicent, à quibus discere possunt; libros habeant, legant; doctos æstiment, non modo honorent: quod Antoninus faciebat statuas præceptoribus aureas ponendo, sepulchra floribus ornando, hæc enim nec possunt & ambitiosa sunt: sed imitando, ut virorum doctorum ipsi docti sint imagines viuis coloribus, studioso labore, cœlestis artificis penicillo expressæ. Vix hominum in numero est, qui totam ætatem nihil proficit. Barbaries illa quondam Gothorum, Arabum, ^{*Barbaris gratia imperitia.*} Moscorū, Indorumq; aulas obsidet apud quos in præcio est imperitia, quia austeris regnantium imperiis magis obnoxia videtur. Christianorum principum illa laus est, imperare intelligentibus, adeoque regnare valentibus, & forte quandoq; regnaturis. Ne temporū angustiiis præpediuntur, nemo tam eget tempore, ut non hora supersit ad cultum animi, peccados minutæ guttæ, torrentes, & lacus efficiunt. Nemini ætas obstat iuueni gloriosum est discere, seni turpe nescire, turpius certe, quam discere. & flagitiosum argumentum est, nolle discere, quia non didiceris: sane, quod in iuuentute non discitur, ætate matura nescitur. Senes quidem oportebat potius docere, quam discere, hoc tamen honestius est, quam ignorare: ipsa ignorantia in magnatibus est crimen. Ut multa discant, plura ignorabunt; & optimus quisq; & grauiissimus plurima se fatetur ignorare; qui scire se dicit, quod nescit, temerarius est; qui facere aggreditur, quod ignorat, perniciosus; qui negat se scire, quod scit, ingratus est Deo: qui negat se posse discere, impius.

fit, quæ Saluio Julio multorum principum familiari, profitebatur ille : *etsi alterum pedum in sepulchro haberem, adhuc discerem.* Neminem æqualium risus deterreat : *Saluius Iulius.* Juliano Cardinali Otho Varanus studiorum assiduitatem exprobrabat; *Quid cum mortuis,* inquit, *latitas? exi ad nos, qui viuimus.* cui ille : *Hi fama viuunt. Tu nec nomine, nec re uiuis, sed more pecudis ignaua tempora transmittis.* Miramur Antoninum Caracallam omnia oblitum, *s Suidas.* [s] pari fato quoque Francisco Barbaro memoriam excidisse. [t] Quidam seruorum nomina oblitus est. *t Volas. l. 2.* [u] Messala Coruinus nomen proprium meminisse *u Plin. l. 7. c. 24.* non poterat. [x] Bambæ regi Gothorum venenum omnem reminiscenciam excussit. *x Plin. i. bid.*

Miserandi illi quidem, casu enim animi apothecam amiserunt; at culpandi illi, qui nihil reponunt, qui rudia pondera sunt terræ, qui domi nihil habent præter incitiam, matrem erroris, quorum vita somnium est. Hoc vnicè studendum, vt discantur vtilia, non *Vtilia di- scenda.* superuacuis ingenia onerentur: nihil fabuitra opus est, cum bonis mercibus satis grauantur naues. multa nesciuntur melius, quam vt in illis mens occupetur. Jus vigilantibus scriptum est, dicebat Scæuola, at sapientia datur studiosis, vanitas insidiatur curiosis. Est verò hominum genus curiosum ad cognoscendam vitam alienam, desidiosum ad emendandam suam. [y] Quæ- *y Aug. l. 10. de Ciuit.* runt quod non est, quod est, non inueniunt. Hoc illis euenit, qui vtilia negligunt curiosa sectati; qui disputant quasi in cælo habitarent, scrutantur quæ occulta *Sapientia studium.* Deus esse voluit, quorum odiosa est subtilitas, quia sola. Soli itaque sapientiæ studendum est, qua Deus inuenitur, quam imprudentes oderunt. [z] vbi tamen *z Prou. 8.* non est scientia, non est bonum. Prouerb. 19. Rex insipiens perdet populum, [a] aulicus insipiens regem. Reipublicæ *a Eccl. 10.* salutaris est sapientia magnatum: nam ciuitates inhabitantur per sensum potentium, [b] vetat autem sa- *b Ibid.* piens stultos in consilium adhibere. [c] Cum fatuis *c Eccl. 8.* consilium non habeas: non enim poterunt diligere, nisi eis quæ *20.*

pla-

d Eccl. 11. *placent. Causam reddit Salomon, [d] cor fatui quasi vas*
 17. *confractum, & omnem sapientiam non tenebit. Quæramus*
igitur sapientiam omnes, at præ omnibus illi, quos
Deus suæ sapientiæ vicarios constituit. De illa dictum
 e Eccl. 11. *est à rege sapientissimo. [e] Scientia sapientis tanquam in-*
 16. *undatio abundabit, & consilium illius sicut fons vita perma-*
net. Hæc certior est quam natura, certior quam omniũ
artium humanarum, quamuis vtiles, callidæq; , inuen-
tiones. Optandum omnino foret, vt omnium princi-
pum aulæ ad normam, quam Ludouicus primus insti-
tuit, exornarentur: ad eam multi tamquam omnium
scientiarum ac sapientiæ domicilium confluebant; in-
ter quos etiam Radbodus, in aula Caroli Magni diu
versatus, solus eruditionis adipiscendæ causa, Impe-
ratori obsequium detulit.

C A P. XXIX.

*Astutia, & doli aulici ex Daniele, eorumq;
exitus.*

§ 1.

Astutia
& Fraus.

CALLIDA sapientiæ, & praua imitatrix est astutia, do-
 li mali solers conciliatrix, aulæ probrum, populi
 pernicies: Nusquam non illa se ingerit, quæ nusquam
 esse debet: Tecta sapientiæ velo, & laude promota:
 In regia tamen sedes eius, solium, currus, arma. Fraus
 soboles astutiæ, cum aliud agitur, aliud simulatur, a-
 liud in ore, aliud in pectore est, aliud in factis, idque
 ad alium fallendum. quando amicitia, atque iustitia
 ostentatur, cum odij atque iniquitatis conscientia.
 Sapientia bonum semper finem, & legitimas ad il-
 lam vias rationesque eligit: astutia aut finem ma-
 lum, aut illicitos illius consecrandi modos, aut vtrun-
 que malum usurpat. Qua causa astuti ac callidi sem-

In aula
regnat.

per

per malus est animus. & astuti olim male cordati intelligebantur: [a] vt refert Augustinus. Porro omnium in ore est illud sapientis aulici: [b] *Fraus sublimi regnat in aula.* In commerciis viribum, in vicis struere nouit insidias, nulli deest opifici. Omnes artes fraudem admittere affirmat Cardanus, [c] Medicinam solam accersere. Cur in aula sit regnum calliditatis ac doli, causæ tam magnæ sunt, quam iniquæ. Vberior ibi fallaciæ fructus, exercitatio, technæ operosæ munera caprantium, & certamina vel ascendere anhelantium, vel socios de sublimi detrahere molientium. Etsi enim astutiæ non datur attolli, æmulum tum deiecisisse iuuat. Hanc auaritia, ambitio, liuor exercet, & ipsis vicissim astutia vitiis ancillatur. Huic debere se putant fasces, prætoria, mensas, comitatus, ducatus, aliorum quoq; damna, lapsus, dedecora, mortes. Doli igitur in aula astu tractantur, artificio cælantur, laboriose vitantur, vno solo præsidio sapientiæ, quæ monet timere, & cauere fraudes, non facile fidere. *Vix fraudi locus est*, inquit barbara venefica, *Timemur.* [d]

a In gen.
l. 11. c. 2.
b Sen. in
Hipp.

c De sub-
til.

Vbiq; est.

Doli mul-
ta tribu-
unt.

d Sen. in
Medea.

¶ 2.

Fatum dolosi est, dolos pati, Cretenensis incidere in Æginetam solet, astus deluditur astu. Inde quisq; decipitur, vnde decipere voluit. Indignantur se falli, nec perpendunt suis se exemplis peri. opus suum probare debent artifices. In talione tantum iustus Phalaris visus est, cum

Astuti suo
vitio ple-
buntur,

Ipse suum, dixit, imbuat auctor opus.

Verum de versutia dolisque, eorumq; progressu, & fine Daniele, Magistrum aulicum legamus. Astutia sapientiæ est simia, qualia cunq; tandem gestet insignia, dolus est fucus, leui arte, vel iactis nucibus, vel aquæ aspergine deprehenditur. Quam callida Ariolotum, & Magorum, sapientumq; Babylonis professio? [e] Dic somnium seruis tuis, & interpretationem eius indicabimus.

Astutia fa-
cile pte-
scit.

c c. 2. 4.
e 7.

f c.2.9. *binus. Quibuseadem linea rex occurrit: [f] Si ergo somnium non indicaueritis mihi, vna est de vobis sententia, quod interpretationem quoque fallacem & deceptione plenam composueritis, vt loquamini mihi donec tempus pertrans-
eat.*

Si enim quæ eadem nocte in animo regis acta sunt, cognoscere non potuerunt, quomodo illa, quæ futura erant cognoscerent? Multo simplicius sapientia Danielis. [g] *Mysterium, quod rex interrogat, sapientes, magi, arioli, & aruspices nequeunt indicare regi. Sed est Deus in cælo reuelans mysteria, qui indicauit tibi rex Nabuchodonosor, quæ ventura sunt in nouissimis temporibus.*

h c.1.30. *Et deinde, [h] Mihi quoque non in sapientia, quæ est in me plus quam in cunctis viuentibus, sacramentum hoc reueletum est: sed vt interpretatio regi manifesta fieret, & cogitationes mentis tue scires.*

Doli finis. Finis porro fraudis omnibus decreta mors, & iam inchoata cædes, quæ non nisi simplicitatis interuentu repressa est. Non est illius auxiliator Deus, qui malitiôsæ calliditati fidit, cui etsi ad tempus prospere cedant artes, eunt tamen in interitum. Simplex sinceritas successus habet, quia à Deo est. Sapientissime dixit magnus heros, Matthathias flagellum impiorum iam moriturus: [i] *Daniel in simplicitate sua liberatus est de ore Leonis.* Summa simplicitate fenestris apertis orabat, deridentibus inimicis, & stultum esse credentibus. Deo aliter visum: [k] qui conclusit ora Leonum, ne nocerent illi, qui versutissimæ fraudis architectos ad bestias damnauit, [l] non curarunt argutias malæ Leonum, ipsorum, coniugum, liberorum ossa franguntur, artus, artesque malæ comminuuntur. Multus est, & vehemens in fraudibus redarguendis Daniel, quas præcipue Antiocho tribuit, mc.8.25. & Antichristo. [m] *Dirigetur dolus in manu eius. Sed quis exitus astutæ prosperitatis? Sine manu conteretur. Contra mutum ruentem non valet flabellum, non contra febrem sophismata. contritio fraudes obrerit.*

An-

Antiochum nobilem prædicit fore regem *impudentem facie, intelligentem propositiones, problemata, ænigmata,* in omni genere versatum, non alia causa, quam infelicissimum illius exitum cogitemus, qui in Maccabæis ^{n. i. Macc.} describitur. [n] 6.8 & eq.

¶ 3.

Omnia Danielis capita aulicarum fraudum habent exempla, etiam primum, in quo cætera bona & ex virtute facta narrantur, non tamen tacere Spiritus sanctus voluit, peculatum Malafacis. [o] Porro Malafar ^{Daniel re-} tollebat cibaria, & vinum potus eorum dabatq; illis legumina: ^{gum frau-} Callide alienam pietatem sibi quæstosam fecit. At capite vndecimo et si regum avaritiam; ambitionem; crudelitatem, aliq; vitia prædicit, principatum tamen fraudibus tribuit. ^{des prædicit.}

De Alexandro post multos annos venturo sic vaticinatur Daniel: [p] Surget vero rex fortis, & dominabitur potestate multa, & faciet quod placuerit ei. Et cum steterit, conteretur regnum eius, & diuidetur in quatuor ventos cæli, sed non in posteros eius, neq; secundum potentiam illius, qua dominatus est. ^{o c. i. 16.}

Surget rex ille; astu & dolo nominatus dux Græciæ occisus domi fratribus, ne rebellionis occasio nascere- ^{Fraudes} tur, Darius suorum perfidia cecidit, nec iniuria, cum enim de pace cum Alexandro ageret, eodem tempore caput eius pecunia licitabatur, & in parricidium domesticos incitabat. Surget rex, sed agitur dolis & insidiis suorum perpetuis, cum steterit conteretur regnum eius, quod Curtius, Plutarchus, [q] omnes do- ^{aulæ Ma-} cent, periit crapula, & Babylonio veneno, cum victor ^{cedonica.} ab Indiis omnium gentium gratulatione Babylonem redisset: ut autem constet nihil in eius aula sinceri, omnia vetusta, testata, dolosa fuisse, summum fuisse de morte eius Macedonibus gaudium tradit Curtius. ^{q In Alex.} nec mirum proceres velut tyrannum, ebriosum, inter ^{& de fortis-} epulas cruentum, amicorum sanguine assuetum for- ^{na Alex.}

N

mida-

^{Alexander}
^{fraude ce-}
^{cidit.}

midabant, ex morte eius regna sperabant omnes, quæ imperio lacerato nonnulli sunt consecuti: Imo & externi in Bactris, aliisque. Quis fuerit principum sensus in Alexandrum, quam se mutuo fraudibus deluserint, historia explicat, adeo ut inferis aula illa similior, quam hominum cætui fuisse videatur. Principes inter imitamenta huius mutuis odiis ardebant, dolo malo alius alium subuertebat, inter triginta sex primates, nemo fuit, qui non alteri insidias struxerit, cum autem doli in bella & acies erumperent orbem lacerarunt, omnes mutuis fraudibus, aut vi ceciderunt.

§ 4.

*Seleucus
in Syria
prauales
super Pto-
lomaum.
r. c. II. §.*

Moderatissimus & sapientissimus inter duces Alexandri fuit Ptolemæus Lagi Rex Ægypti, Rex Austri, sed tamen de principibus Alexandri præualebit super eum, nimirum Seleucus, quod Daniel præuidit. [r] Et confortabitur Rex Austri: & de principibus eius præualebit super eum, & dominabitur ditione: multa enim dominatio eius. Callidè Ptolemæus viuis hæredibus Alexandri, & ducibus eius inter se armis dolisque belligerantibus Ægyptum occupauit, & Syriam, clementiæ simulatione populos sibi deuinxit, Syriam tenuit, Judæam afflixit, cum Seleuco Nicanore bella gessit, atque etiam Antigono, & tandem Syriam tenuit Seleucus, præualuit enim, & multa dominatio eius ad Indum vsque, nemo enim sociorum Alexandri Seleuco latius regnauit, nemo Ptolemæo opulentior fuit. [s] Hieronymus, Theodoretus, Justinus, Pausanias.

*s. In Da-
niel.*

r. v. 6.

*Ptolemæi
i. hiladel-
phi, &
Antiochi
Dei frau-
des.*

Bella deinde inter horum posteros continua fuerunt, & fœdera, ut Daniel exponit. [t] Et post finem annorum fœderabuntur: filiaq; regis Austri veniet ad regem Aquilonis facere amicitiam, & non obtinebit fortitudinem brachii, nec stabit semen eius. Jam ante verba illa exposui, nunc hoc solum superest monere, in re gesta plures fraudes esse quam in Daniele verba. Facta sunt fœdera pactæ nuptiæ, sed versuta fraudulencia, ut Laodice cum regiis liberis pellici ditiori cederet, filij regno pelleren-

rentur, quod factum est. Nectamen sceleris fidem Antiochus seruauit, Laodicen simulatricem reduxit, illa maritum veneno interemit, Seleucum filium regem constituit, qui Berenicem nō vna fraude cum filio occidit. [u] Nec melius cessit astutia infelix Seleuco, & ^{u Iustinus l. 27.} ^{Hieron. x v. 7. 8. 9.} ^{Fratrum doli.} ^{Antiochus dat pœnas fraudis.} ^{y Iustin. l. 3.} ^{Pererius, Hieron.} matri Laodicæ. Danielelem audiamus. [x] *Et stabit de germinibus radicem eius plantatio: & veniet cum exercitu, & ingreditur prouinciam regis Aquilonis: & abutetur eis, & obtinebit. Insuper & deoseorum, & sculptilia, vasa quoq; pretiosa argenti & auri, captiua ducet in Ægyptū: ipse prænalebit aduersus regem Aquilonis. Et intrabit in regnū rex Austri, & reuertetur ad terram suam.* Fraudulenti fraude pereunt. German radicem est Ptolemæus Euergetes rex Ægypti filius Philadelphi, frater occisæ Berenices, qui cum ad liberandam sororem sero venisset, mortem eius ultus est, periit Laodice mariti dolosa interfecitrix, victus est Seleucus, nouercæ, & fratris sanguine oblicus, cæsi fraudis auctores, fugientē tempestas afflixit, misericordia tamen moræ ciuitates quædam naufragiū receperunt, dolo Ptolemæum eludentes, Seleucus impar Ptolemæo à fratre Antiocho, qui Hierax dictus est, auxilia petit, fecit id Antiochus & cōductis Galatarum copiis pro fratre stetit, sed vt sibi vinceret, fratri regnum eriperet, meruit Seleucus habere fratrem, qualem se ille fratri innocenti præstiterat: nec miratus est fraudē de suo exemplo: deinde equo prolapsus periit. Nec diu gausus est scelere Antiochus, à Gallogræcis quorum opera fratrem vicerat, captus, auro libertatē redemit, ab Eumene victus est, & regno amisso ad regem Cappadocem profugit, inde quoq; fugere coactus insidiarum metu, consumptis omnibus in cassum astutiæ artibus Ptolemæi hostis misericordiam implorauit seq; illi dedit, sed virum sanguinum, & dolosum ille abominatus in custodiam dedit, ex qua habitu mutato elapsus à latronibus in deserto trucidatus est. De regibus loquor: fuit idem finis aulicorum, qui omnes artibus irretiti perierunt. [y]

Ptolemæus Evergetes fraudum istarum ultor, a-
stn suo vicit, & periit: odio cædis Berenices regnum Se-
leucidarum deditibus se vrbibus pene totum occu-
pauit, mox dolo inimicorum in Ægypto tumultus mi-
fcentur, reuocatur domum victor, tum ille sine di-
scrimine Asiam amicam vastauit, contumelioseque
tractauit, quare Daniel dicit, *Abutetur iis, & obtrinebit.*

*Ptolemæo
se dedis A-
siatici eos
ille spolias.*

2 l. 5.

2 l. 18.

Laodicem aulamq; eius supplicio affecit, reliquit qui-
dem præsidēs in Asia, sed spoliata, quadraginta mil-
lia talentorum, præter vasa pretiosa, & deorum sta-
tuas auexit in Ægyptum, eamq; ditauit, qua de causa
dictus est Evergetes, benefactor. [z] Polybius & [a]
Justinus, Hieron. Quæstuosæ fraudis pœnas dedit fi-
lio suo, quæ ex facinore quo patrem occidit dictus est
Philopater, non pietas est vbi fraus regnat, non cicu-
rantur beneficiis vulpina pectora. Simul Evergete con-
iux, & filius periit. Simul in consiliarios & amicos
paternos sœuiit Philopater, Asiaticamq; prædam cum
sanguine extorsit. [b] Polybius. [c] Justinus, ex il-
lis Hieronymus. Sic reuersus in Ægyptum regni spo-
liator pœnas dedit.

bl 2.

cl. 29.

Ptolemæus Philopater sceleri debitum regnum
male administravit, contra illum consurrexerunt, fi-
lij Seleuci, cuius fraudem & pœnam explicavi. Habuit
ille filium Seleucum cognomine Ceraunum, & An-
tiochum magnum, de quibus Daniel prophetat. [d]
Filiis autem eius prouocabuntur, & congregabunt multitudi-
nem exercituum plurimorum: & veniet properans, & inundas,
& reuertetur, & concitabitur, & congregietur cum robore
eius.

*Ceraunus
Antiochus.
d v. 11. &
seqq.*

Tam accurate describit, ac si rei gestæ int r uisset.
Filiis autem eius, hoc est, Seleuci Callinici, Seleucus
Ceraunus, & Antiochus magnus prouocabuntur, &
se mutuo ad vltionem concitabunt, spoliatis arma su-
pererant. Antiochus quidem priuatam vitam agebat,
sed fratri aderat labore, & consilio, dum igitur bellum
Ægyptium meditantur subito dolo eos aggreditur

At-

Attalus Pergamenus, regno turbato, & nondum firmato Seleuco, se potiturum confidens, Seleucus impigre trans Taurū occurrit Attalo, sed per insidias ab Apaturio, & Nicanore occiditur, fraudem illam animose Achæus regis cognatus vlciscitur, cæsis perfidis, mox eodem tamen se crimine implicat, diadema sumit, & imperium, contempto Antiocho nondum magno, arripit. Seleucum alij veneno à purpuratis occisum volunt, quos Achæus trucidauit. [e] Achæum viccit Antiochus, Molonemq; & alios, ac deinde Syriam quæ Ptolemæi erat dolo accepit, quare etsi duo fratres bellum pararunt, vnus tamen venit, vt ait Daniel & [f] Polybius. Dolo malo Antiochum ex progenitoribus nemo superauit, ingens specimen dedit. cum occupata Syria legatis Ptolemæi inducias concessit, pollicitus prouincia se discessurum, omniaque facturum, quæ vellent Ægyptius, idq; ea causa, vt iuuenem voluntatibus marcidum à belli cura auerteret. [g] Pausanias. [h] Polyb. Justinus, Hieronymus.

Attalical-
liditas.
Dolo casus
Cerasinum.

c. Pol. l. 4.
Appianus.

l. 5.
Antiochus
fallit Pto-
lomaum.

g l. 5.
h l. 5.

Verum cum deinde de pace non conueniretur, reuersus est Antiochus inundans, & congressus cum robore eius. Tunc prouocatus rex Austri Ptolemæus Philopater egreditur contra Antiochum, & multitudo Antiochi datur in manus Ptolemæi, hinc cepit multitudinem, & exaltatum est cor eius, & deiecit multa millia, Polybius decem millia peditum trecentos equites cecidisse scribit. Hebræum Ribbooth decem millia significat, alij geminant, & viginti millia esse aiunt. Quomodo exaltatum sit cor eius liber Maccabæorum Apocryphus habet. [i] Primo quidem gratus Deo sacrificia obtulit, cum autem illi in templum negaretur ingressus in Judæos sæuiit, & totam gentem delere decreuerat. Felix igitur dolosus parentum, & fratris parricida, sed manet eum alia mors, in præsens Antiochi fraus punienda fuit. nec tamen vt omnino Ptolemæus præualeret. Sed non præualebit, inquit Daniel. Nam Ptolemæus Antiocho victo, anxioq; præter spem

i 3. Macc.
c. 1. & seq.

Templum
ingredi co-
natus f. so-
lomaus.

- inducias concessit, quibus ille in perniciem regis usus maiores copias collegit, beneficio redditus infestior, ut ante nominati scribunt auctores. Et Daniel causam reddit cur Ptolemæus non præualuerit, [k] *Conuertetur enim rex Aquilonis Antiochus, & preparabit multitudinem multo maiorem quam prius: & in fine temporum annorumq₃, veniet properans cum exercitu magno, & opibus nimis.*
- 1 v.14. Hic ergo conatus Antiochi, sequitur deinde pœna Ptolomæi: [l] *In temporibus illis multi consurgent aduersus regem Austri: filii quoque præuaricatorum populi tui extollentur, ut impleant visionem, & corruent.*

*Ptolomæi
mors.*

Ille in pristinas libidines reuolutus Eurydicen uxorem, & sororem occidit, amoribus Agathocleæ, & fratris illius Agathoclis perditus, qui cum Euanthe matre omnia regni officia vendebant, Agathocles urbem administrabat, inimicos, atque amicos fraudibus subuertebant, rex sagina in morbos prolapsus, solutis neruis à Cleomene Spartano occisus est. Fœminæ astu mortem cælarunt, donec aurum regiæ diriperent, dum autem inita cum perditissimis societate opes stabilire moliuntur, Agathocles occiditur, mulieres in crucem aguntur, dignum regiarum libidinum præmium. Daniel multos consurrecturos ait contra regem Austri: nam tota Ægypto tumultuatum est, & ab exteris prouinciis rebellatum. ut auctores ante citati recensent.

¶ 5.

*Translatio
regni do-
losi ad sin-
cerum.*

Sic hircus caprarum, sic Leopardus tertia bestia regnum Græcorum paulatim in vulpem mutatur, & quarta bestia adolescit, Imperium Romanum: nam dum ista geruntur Romani Carthaginenses subiugant, & imperij fines dilatant. Fallax sapientia hominum, vere stultitia. Regnum Græcorum ad Romanos translatum est falsa sapientia, fallacia, astu, non Romanorum, qui tum sincere egerunt, iusteque, & moderate, sed Antiochi & Philippi, qui augere regnum conabatur,

ur, & artibus suis extollere. Deus aliter vertit, vt constet Dei iudicio non præsidio fraudū dari regna. Mortuus Philopater quadriennem filium reliquit Ptolemæum Epiphanem, occasione suam esse ratus Antiochus, regnum Ægypti occupare constituit. Justinus hunc in modum recenset. [m] Mortuo Ptolemæo Philopatre rege Ægypti, contemptaq; paruuli filii eius ætate, qui in spem regni relictus, præda etiam domesticis erat, Antiochus rex Syria occupare Ægyptum statuit. Itaq; Phœnicem ceterasq; Syria quidem, sed iuris Ægypti ciuitates cum inuasisset, legatos ad eum senatus mittit, qui denunciarent ei, abstineret regno pupilli, postremis patris precibus fidei suæ traditi, quibus spretis, interiecto tempore, alia legatio superuenit, quæ omiſſa pupilli persona, ciuitates iure belli factas populi Romani in integrum restitui iubebat, abnuenti bellum denunciatur, quod ille facile susceptum infelicitè gessit. Ne vere aliunde obstacula obicerentur: in societatem politici facinoris Philippum Macedonia regem vocauit, qui multa quoq; loca & Insulas debellauit, quæ deinde restituere coactus est. Pacti igitur diuisionem Ægypti bellum impigre gerere instituerunt. Antiochus Phœnicem Syriamque intercipit, Scopam ducem Ptolemæi victum, Sidone cum decem millibus inclusum obsidet, vt Daniel prædixit. [n] Et comportabit aggerem, & capiet vrbes munitissimas: & brachia Austri non sustinebunt, & consurgent electi eius ad resistendum, & non erit fortitudo.

Sidonem enim aliasque vrbes extra Ægyptum, quæ velut brachia ad Aquilonem tendebantur, sustinere non potuisse Ptolemæus expertus est. Missi ad soluendam obsidionem Eutopus, & Meneceas duces re infecta abierunt: aggeribus enim urbem, & castra cinxerat Antiochus, vt brachia Ægypti, duo illi duces nocere non potuerint, nec Sidon defendi. Omnia igitur occupat, Judæam quoq; & Samariam. Beneuolus in Judæos fuit, templum honorauit, immunitates sacerdotibus dedit, Josepho teste. Itaque [o] stabit veniens in terra inclyta, & consumetur in manu eius.

p. 31.

Impia fr̃s
Antiochi.

q. 17.

Dolosus
fr̃s.

r. 18.

victoria itaque & bellum in conspectu terræ inclytæ,
 sanctæq; consummabatur. Verum veteratoria illa ne-
 quitia saluti fuit Ptolomæo, Antiocho & Philippo ex-
 itium attulit. Philippus omnia reddere coactus est,
 vt [p] Justinus, Polybius, Appianus, Pausanias. An-
 tiochus magna regni parte excidit. Missus enim à sena-
 tu est Lepidus, qui Ægyptum tutorio nomine admini-
 strauit, & duces Ægyptij regem puerum defenderunt.
 Nec tamen spes improbas peruersa prudentia de-
 rit: Regnū vniuersum occupari posse credit cæso pue-
 ro, itaq; sceleratissima post homines natos fraude cir-
 cumuenire adolescentem statuit. Impium stratagema
 Daniel præuidit. [q] Et ponet faciem suam vt veniat ad te-
 pendum vniuersum regnum eius, & recta faciet cum eo: & fi-
 liam feminarum dabit ei, vt euertat illud: & non stabit, nec il-
 lius erit. Recta. εὐλυσίαν omnium difficultatum solutio-
 nem facere cogitabat, imo simulabat cogitare. in pace
 bellum, in nuptiis sanguinem quærebat. Cleopatram
 filiam Ptolomæo despondit, pro dote Cœlesyriam,
 Phœnicem, Samariam, dedit, filiam fœminarum vo-
 cat, forma, genere, ingenio eximiam. Cur autem dedit?
 dolo malo, vt regnum auerteret à genero. Et non stabit,
 nec illius erit. Nam Cleopatra viri, & æqui iusti q; aman-
 tior, quam parentis, facinus est auersata, & coniugem
 monuit, vt insidias caueret. Doli mali tam nefarii soce-
 rum cautum faciebat generum, filiamq;. Justum Dei
 iudicium, prouincias multo sumptu ac cruore partas
 donat inimico. Nec quicquam præter inimicicias in-
 famiam, & ludibria reportat. Hic finis rerum est, quæ
 flagitiosa sapientia administrantur. Quid hic Asiaticus
 Ulysses? Exclusus spe Ægypto potiundi, alio rapitur, vt
 regnum dilater. Ad insulas & Græciam arma vertit, Æ-
 tolorum, & Hannibalis hostem Romanis, toto orbe
 quærentis suasu. Hisce consiliis Daniel quoq; interfuit.
 [r] Et conuertet faciem suam ad insulas, & capiet multas: &
 cessare faciet principem opprobrii sui, & opprobrium eius con-
 uertetur in eum.

Hic

Hic quoque fraudibus fauere visa est fortuna. Hel-
 lespontum, Æoliam, Joniam, Phocæam, Eubœam, ^{Punita}
 Delon, Samum, Thraciam subigit. Sed mox excutitur, ^{fraus An-}
 vt [s] Liuius, Iustinus, Polybius narrant. ^{tiochi.} Victus pri-
 mum est ab Acilio, cæsis, vt Antias scripsit, quadra-
 ginta millibus, quinque captis, rex turbida fuga Chal-
 cidem se recepit, inde fugit Ephesum metu anhelus.
 Deinde pugnae naualis non melior exitus, maius etiam
 dedecus, quod maritimos populos Mediterranei vin-
 cerent. Bis iterum Oceanum classibus strauit, & suo-
 rum sanguine decolorauit, ad Mionnesum, & Magne-
 siam. Itaque tot cladibus, & aulae suae fallacis sangui-
 ne, fraudibus parentauit. Quod ne dubitaret, gener
 & filia fecerunt. Nam quod tristius ipsas cladibus
 fuit, Ptolomæus & Cleopatra legatos Romam mise- ^{Ptolomæi &}
 runt, senatui gratulatum de victoria, hæc contra pa- ^{Cleopatra}
 trem, illæ contra socerum obtenta, ipsa curia inhor- ^{odia con-}
 ruit. Quid enim expectare aliud ex filia legatione ^{tra An-}
 faserat, quam preces! Sed dolus malus facit, vt omnes ^{tiochum.}
 necessitudines in odiorum fomites mutantur. Nec
 modo gratulati sunt, verum auxilia contra patrem pro-
 miserunt, quæ senatus, ne iustum bellum domestico
 scelere impiaret, prudens recusauit: atrocius etiam vi-
 sum, quod legati hortabantur, vt victum porro prote-
 rerent, atq; in Asiam traicerent, pietatem rati impium
 patrem, fratresq; regno exuere.

Hæc omnia in eius opprobrium conuersa sunt. Ipse
 cessare fecit principem opprobrii sui.

Nimirum princeps opprobrii Antiochi erat L. Sci- ^{Antio-}
 pio, quem victorem legationibus, precibus, Sci- ^{chus in}
 pioni Africano filium remittendo, multa pollicen- ^{opprobrii}
 do fecit cessare, ne totum regnum occuparet, magno ^{suum pru-}
 fastu Europam erat ingressus, quasi alter Xerxes, ^{dens.}
 maxima irrisione ex ea fugit, etiam Lyfimachiam vr- ^{Opprobria}
 bem munitissimam, omnibusq; rebus instructam de- ^{Antiochi}
 seruit, metu & imprudentia. Romanis Hellepontum ^{magni.}
 transeuntibus non obstitit: adeo astutia non sapit,

N 5 vbi

vbi sapere oportebat, ea causa in magnum contemptum venit. Adeo abiecti animi fuit, vt Africano nunciari iusserit, si per eum pacem obtineat, omnia in regno eius arbitrio acturum, vno nomine regio excepto. Hæc omnia opprobria, quæ Egyptio, Romanis, Græcis intulit in ipsum conuersa sunt. Fuit in eo insatiabilis opum, & regni amplificandi cupido, nec quicquam nefas existimauit, quo regnum augetetur: omnibus probrum iugi per fraudem imponere conatus, opprobrium ipse sustinuit. Princeps opprobrij illius in ipsum opprobrium deuoluit pacis conditionibus, quæ regi probrosæ fuerunt. [r] Europa abstineat, Asiaq; omni quæ cis Taurum est, decedat. Pro impensis in bellum factis quindecim talentorum Euboicorum millia pendat, quingenta præsentia, duo millia quingenta, cum senatus, populusq; pacem cõprobaauerint, mille deinde per duodecim annos. Quadringenta Eumeni, & quod patri illius debebat, redderet. Traderet obsides viginti, quos victor nominasset, naues & Elephantos quot imperasset, etiam Hannibalem, & Thoantem. Nec tamen in opprobrio illo quies misero fuit. Interitum itaq; Daniel illi prædicit. [u] *Et conuertet faciem suam ad imperium terræ suæ, & impinget, & condet, & non inuenietur.*

Pax cum Romanis.
Linus
l. 37.

u v. 19.

Periit Antiochus.

x In II. Dan.
y l. 16.
z l. 30.

Supererat victo regnum trans Taurum, Syriæ, Babylon, Media, Petris, Susiana. Itaq; trepidus Susa se recepit, & Apameam, & de pace legatos misit. Impegit autem dum fraude templū Iouis Elymæi spoliare vellet, cum exercitu cæsus, [x] vt Hieronymus docet [y] Strabo fuisse templum Iouis Beli, Justinus [z] Iouis Dodonæi, alij Dyndimæi. Sed fere ista conueniunt, Bel erat Jupiter Asiaticus, qui ab Elymaide dicebatur Elymæus. Plinius ab hisce dissentire videtur; nam ait à sodalibus, quos in conuiuio temulentus pulsarat, occisum. Vtrunque fieri potuit: nam à barbaris nocturno tumultu cæsus est, ea occasione aulici vti potuerunt, ad priuatas iniurias per tenebrarum licentiam vindican-

can-

candas, abiectus autem & obtritus est, nō agnitus, nec curæ barbaris fuit cadauerum lustrare vultus: atq; hic fuit exitus regis potentissimi, & fraudulentissimi: cuius præpostera sapientia fecit Monarchiam Romanam Græca fortiolem, in Asiam enim venêre Quirites, & Antiochus illis tributarius fuit. Ægyptus quoq; Lepidum rectorem habuit, cuius rei causam Antiochi fraudes dederunt.

¶ 6.

Hoc quoq; ad Antiochi opprobrium pertinet, filios habuisse improbos & contemptos, successit illi Seleucus, de quo nihil aliud Daniel quam ista: [a] *Et stabit in a v. 10. loco eius vilissimus, & indignus decore regio: & in paucis diebus conteretur, non in furore, nec in pralio.* Hæc de Seleuco, qui dictus est Philopater, & Soter, annos duodecim regnavit. [b] Hieronymus, [c] & Appianus auctores. Vene- b In Dan. no interemptum aiunt, alij gladio. Eius ingenium ex c In Syria- Maccabæis intelligitur. [d] Ille enim est, qui Heliodo- cia. rum ad spoliandum templum misit, & flagellatum re- d 2. Macc. cepit: ad eum profectus Onias est: [e] Goronides. In- c. 3. c De Onia. teremptum autem ab eodem Heliodoro iussu Antiochi nobilis auctores tradunt: vt plane appareat fraudem in auctores redire. Et euentum quidem esse incertum, malæ voluntatis pœnam certissimam.

Paternæ fraudis magis quam regni hæres fuit huius Seleuci frater Antiochus Epiphanes seu nobilis, Antiochi magni filius, quem multis versibus Daniel describit, typum Antichristi. [f] *Et stabit in loco eius despe- f v. 21. ctus, & non tribuetur ei honor regins: & veniet clam, & obtinebit regnum in fraudulentia.*

Fratri Seleuco succedet despectus, nam Romæ ob- ses fuit, & in vrbana seruitute, cultor, & adulator Quiritum, Roma volête Senatu, alij clam discessisse aiunt. Principio non est acceptus vt rex, sed Demetrii nepotis ex Seleuco fratre tutelam gessit, conniuentibus ad regiæ domus discordiam Romanis. Liuiana epi-
me ab

me ab vrbe dimissum ait, & renouata cum eo fœdera. In fraudulentia, seu vt Hebræus habet, in blanditiis regnum obtinuit, simulatione clementiæ. [g] Brachia pugnantis, principes ciuitatum, duces Demetrii pueri ab eo expugnabuntur, adiutoribus Eumene, & Attalo, quos sibi per Romanos cõciliarat: vt Hieronymus. Et dux fœderis Philometor rex Ægypti, qui natus ex Cleopatra Antiochi nobilis sorore fuit, quæ data erat ad faciendum fœdus, sed reuera ad interimendum regem Ægypti, vt supra dictum est. Belli & modum & victoriam Daniel prædicit. [h] Et post amicitias cum eo faciet dolum: & ascendet & superabit in modico populo.

Omnia plena dolis, nec finis vllus mali. Eusebius in i In Chro. Chronico hunc in modum rem gestam narrat. [i] Ptolomæo Epiphani sororio Antiochi nobilis duo filij fuere. Ptolomæus Philometor, & Ptolomæus Euergetes, abauī nomen referens. Philometor maior natus ab Euergete eiectus est cum annos vndecim regnasset. & hoc est, quod Daniel ait, Dux fœderis expugnabitur. Causa belli, quod mortua Cleopatra sorore Antiochi Eulalius Eunuchus, & Lenæus regiæ pueritiæ rectores Syriam dolo ereptam repeterent; Victus itaq; ab auunculo est Philometor, & pax dolosa vtrique facta. Deinde cum dolo iunior Ptolomæus maiorem eiecisset, & ipse Alexandriæ regnaret, Antiochus honestè specie nepotis reducendi Ægyptum occupat. Quod Daniel sic narrat. [k] Et post amicitias cum eo faciet dolum: & ascendet & superabit in modico populo. Et abundantes & vberes vrbes ingreditur: & faciet quæ non fecerunt patres eius, & patres patrum eius: rapinas, & prædam, & diuitias eorum dissipabit, & contra firmissimas cogitationes inibit: & hoc vsq; ad tempus. [l] Epitome Liuiana, Hieronymus, Justinus. & [m] liber Maccabæorum, Et paratum est regnum in conspectu Antiochi, & cœpit regnare in terra Ægypti, vt regnaret super duo regna. Cognita fraude Ptolomæus maior ad fratrem refugit, & resistunt.

Nam

Nam quamdiu quasi pro tutela egit, facile vicit, at cum præliari cœpit, vt est apud Danielē. [n] Et abundā- n v. 14.
tes & vberes vrbes ingreditur: & faciet qua non fecerunt pa-
tres eius, & patres patrum eius: rapinas, & prædam, & diui-
tias eorum dissipabit, & contra firmissimas cogitationes inibit:
& hoc vsq; ad tempus. Ægyptij restiterunt. Itaq; conci-
tata est fortitudo eius, vt Daniel ait. [o] Et concitabi- o v. 15.
tur fortitudo eius, & cor eius aduersum regem Austri in exerci-
tu magno: & rex Austri prouocabitur ad bellū multis auxiliis,
& fortibus nimis: & non stabunt, quia inibunt aduersus eum
consilia.

At ne sic quidem prospere: Ægyptiis consensu, & consilio repugnantibus. Itaque ad dolos se conuer-
tunt, pacem simulant: Antiochus Ægyptium è medio
tollere cogitabat, sed metu Alexandrinorum non est
ausus. Ægyptius insidias struebat auunculo, sed irri- Mutua
to labore. Tragediam Daniel repræsentat. Philo- fraudes.
metor à suis proditur, & Antiochus. [p] Et comeden- P v. 16.
tes panem cum eo, conterent illum, exercitusq; eius opprimetur:
& cadent interfecti plurimi.

Regum mutuas insidias & technas sic explicat:
[q] Duorum quoque regum cor erit vt malefaciant, & ad q v. 17.
mensam vnā mendacium loquentur, & non proficient: quia
adhuc finis in aliud tempus. Itaque Ægyptum deserit, vt
Daniel ait: [r] Et reuertetur in terram suam cum opibus r v. 18.
multis: & cor eius aduersum testamentum sanctum, & faciet,
& reuertetur in terram suam.

Elusa arte, aperte deinde vim parat, & magnas co-
pias, magnam etiam regni partem occupat. [s] Et statu- s v. 19.
to tempore reuertetur, & veniet ad Austrum: & non erit priori
simile nouissimum.

De hac expeditione liber secundus Maccabæorum.

[t] Eodem tempore Antiochus secundam profectionem parauit t c. 5. 1.
in Ægyptum. Hanc expeditionem describit [u] Justi- u l. 34.
nus, cæteri quoque auctores, cum Popilius Roma missus Popilius
circulo regem circumscripsisset, imperioso mandato regem cir-
Sed iam quartæ Monarchiæ indoles & vires se ex- culo inclu-
dis.
runt,

rant, Ptolemæi supplices ante curiam Romanam per legatos iacuerunt, Antiochus circulo inclusus parere cogitur, quasi robori inclusus, aut cōpedibus vinctus. Non fuit illa profectio priori similis, nulla spolia reportabat. [x] Venerunt enim super eum Trieres & Romani: & percussus est, & reuersus est, & indignatus est contra testamentum sanctuarii, & fecit: reuersusq; est, & cogitauit aduersum eos, qui dereliquerunt testamentum sanctuarii. Percussus dicitur tam violento imperio, quo magis quam vlla clade consternatus est. Græcus textus, Et humiliabitur. Inopem exercitum reduxit, Ægyptiis insultantibus, & hostem, qua poterant, cædentibus. Atque hætenus fraudes regum, & horribiles exitus. Et concludit Daniel. [y] Et impii testamentum simulabunt fraudulentè: populus autem sciens Deum suum, obtinebit, & faciet.

Impij illi, & fraudulentè omnes hypocritæ: Antiochus, Eupator, Simon, Jason, Alcimus, Menelaus, Nicanor, qui libris Maccabæorum describuntur.

De fraude sacrificulorum, & iudicum, quæ Daniel z c. 14. 13. [z] habet, ante dictum.

Quibus ex prophetiis aula regum dolo malo, & fraudibus imbuta describitur. Quæ omnia Propheta Dei spiritu, & futuri prospicientia meditatus, quid in aula fugere, quid prosequi debeant procures, edocet. Et si quidem nobiles ad Alexandri, vel Seleuci, vel Antiochi aulam ituros ad hæc præsciis instituisset, magnam vitandi infortunij occasionem dedisset, & nunc prudentibus eadem doctrina proponitur. Quid est enim, quod futurum est, & non factum? Ecclesia.

a c. 1. 9.
10.

[a] Quid est, quod fuit? ipsum quod futurum est, quid est, quod factum est? ipsum quod faciendum est. Nihil sub sole nouum, nec valet quisquam dicere: Ecce hoc recens est: iam enim præcessit in sæculis, quæ fuerunt ante nos.

C A P.

C A P. XXX.

De falsa sapientia & dolo malo cauendo in administratione & cura publica.

§ I.

Quantum in fallacia malorum sit ex Daniele demonstrari, nunc de exterminanda fraude dicendum est. Equidem rationem, qua fraudem alienam euitent, omnes scire exoptant, falli nemo desiderat: qui suo commodo se deceptos gaudent, mallent tamen sine fallacia bonis, quæ amica fraus attulit, potiri. at vero ita componere ius animi candoremq; virtutis, ut neminem fallere velint, pauci norunt, nec discere admodum satagunt. Rarus est, qui non aliquando mentriatur & fallat. quamuis in aula capitale sit dicere: mentientem mentiri. odere nomen, rem usurpant; at vnicum præsidium contra fallaces artes est, non fallere, visitatum est fallentem falli, maximè si calliditatis opinionone delectentur. tales decepisse, culpæ quidem est, sed apud plebem laudabilis, quæ sequitur doctrinam moribus non lege firmatam.

*Falli nemo
vult, multi
fallere.*

*Fallite fallentes: ex magna parte profanum
Sint genus, in laqueos quos posuere cadant.*

Hoc igitur à fraudibus detertere debet. Qui fraudē parat, fraudem expectet: captor capitur. Hac præcipuè ratione vitandæ fraudes: quod Deo decretum est, successum illis negare. hominem fallere & malæ artis à Deo præmium exposcere, impudentis est. Hominum est ea ingenuitas, ut quod dare volunt, dolo tamen noli à se deceptis extorqueri, & quod cōcedere statuerant, si fraus accessit, reuocant. Si hoc illi faciunt, qui dolis utuntur, quanto magis increata veritas ingratitude improborū detestabitur, qui prosperitatē suam
non

non DEI beneficiis, sed suis artibus acceptam ferunt? *Deum nemofallit.* MENTIRI DEO homines possunt, quia mali sunt, fallere DEVM non possunt, quia omniscius est; si tamen decipi DEVM posse crederent, etiam mentiendo fallere conarentur: Cain sanè dum parricidium DEVM latere credidit, negando fallere voluit, impia expostulatione:

a Gen. 4. [a] *nunquid custos fratris mei sum ego?* Infestus fratri inimicus, non nisi morte iusti positurus invidiam; grauior in pectore dolus, quo DEVM fallere conatus est. Irrita sunt igitur vota fraudulentia. Job *spem hypocritæ perituram* pronunciat, & fiduciam eius telis araneæ per similem, de viscerum putredine textam, fragilem, b c. 13. ignem quoq; eius tabernacula deuoraturum [b] gaudio vero instar momenti, somnium auolans. c c. 10. [c] Ecclesiastes quoque [d] ingredientem duabus viis negat d c. 3. habiturum successum.

¶ 2.

Viro igitur dolofo obsistit Dominus, nec successum permittit, quin grauiâ supplicia decernit. Quo quidem rerum tumultu nihil est in Daniele admirabilius: dum enim reges regumque ministri laboriosis discursibus fatigantur, turbantur, animos finitimorum disponunt, Daniel in DEI secreto cōsilio sedens, decipi & falli omnes intelligit. In illos tamen diuinæ iustitiæ iacula maximè fulminantur, qui electos DEI seruos

Pœna fallentiū. iacula maximè fulminantur, qui electos DEI seruos c I. Macc. circumueniunt, seque illis fraudulenter adiungunt. 6. & 61. Sensit illam seueritatem Rex Antiochus Eupater. [e] & 62. Et iurauit illis rex, & principes: & exierunt de munitione. Et intrauit rex montem Sion, & vidit munitionem loci: & rupit citius iuramentum, quod iurauit: & mandauit destruere murum ingyro. Eodem tempore quo iureiurando populum DEI fallebat, regnum periuro ereptum est, & paulo post vita: [f] Maledictum enim virum dolo sum

f I. Macc. 10. 7. & 6. [g] Jeremias profitetur. Accuratâ fraude egit Jeza- 13. 15. bel, vt Nabothum occideret & vineam possideret: 8 c. 9. Falso testimonio innocentem circumuenit, testibus falsis

falsis crimen probauit, sententia iudicum damnauit, &
 faxis obruit, duplicis crimine perduellionis; in Deū &
 regem; ager occisi ad fiscum deuenit: Possedit vineā A-
 chabus verū in agro Nabothi paulo post lingebant san-
 guinē Achabi canes, vindices necis iniustæ, & prophe-
 ticæ virtutis nouo latratu præcones, Carnes etiam Je-
 zabelis in plateis tanquam stercus terræ iacuerunt; de-
 uoratæ etiam tandem à canibus. [h] Non dissimilis h. 1. reg. 21.
Beatrix:
 pœna in pari scelere Lucretij præsidis: prædium virgi-
 nis Christianæ Beatrixis concupierat, virginem de re-
 ligione accusat, proficitur illa Christianam se esse, mar-
 tyrem in carcere præses suffocari imperat, prædium oc-
 cupat; in quo dum conuiuia agit, & pertemulen-
 tiam martiribus insultat, licentioris commestationis
 lasciuia in fans interrupt, forti voce exclamans: Lu-
 creti, occidisti, & possedisti, ideo datus es in manus inimici. in-
 solita voce omnes trepidant; nulla cura dapum; ca-
 dunt luxuriæ instrumenta de manibus. Lucretium ma-
 lus dæmon arripit; & tres horas immanissime tortum
 rumpit, animamque in nouos inferorum cruciatus de-
 uoluit: conuiuiæ attoniti, & Christi potentiam veriti; In ecclesia
Anthoni
Surius 1. 3.
Mem. 1. 3.
Ado 29.
Iulij.
k Sieb. in
Chron. ad
769.
 religioni accedunt. Historiam recentent scriptores Ec-
 clestastici. [i] Expertus & Dei manum Desiderius,
 qui simulatione pietatis Romam ingressus; [k] mul-
 tos in vincula coniecit & excæcauit, quæ causa fuit in-
 feliciū euentuum, quibus postea attritus est: Non
 defuerunt Christianis temporibus similia & crimina,
 & supplicia. Hilarius imperante Arcadio pecuniam ac-
 cepit, ne ex lege Cæsaris idola tollerentur Byzantijs; qui
 impiam auaritiā graui malo luit, exemplar omnium
 qui hodie in aulis principum auro corrupti religionem
 oppugnant, hæresibus patrocinantur, quos hodie faci-
 lius est, nosse, quam nominare. læsa Dei Maiestas bre-
 uis illos non modo grauitate supplicij, sed etiam infam-
 ia perfidiæ notatos tradet inimico, & male tectas
 fraudes aperiet; nunc frustra ingenio suo, & astutiæ fi-
 dunt reges principesq; fraudum ignaros ludunt.

§ 3.

Cum igitur hominum curas, spes, metus, tumultus, æstus, & iactationes animo reuoluo, hoc pessimum in omni rerum genere inuenio, quod ad metam per actum & dolos tendentes frustrentur & puniantur. Hominum omnium sui temporis astutissimum fuisse Sisyphum narratur in fabulis; ea de causa grauissimum laborem illi tribuunt, æternum, & inanem: vt grandem lapidem immenso sudore in verticem montis euoluat, quo postquam peruentum est,

*Effugit ille manum, rursusq; ad summa reuolui
Postulat.*——

Stat mæstus Sisyphus, & in fine laborum nouum initium auspicatur. Symbolum illud fraudem aulicarum ærumnosam negociationem significat: falsa prudentia ascendunt, cumq; iam tenent, aut tenuisse apicem supremum putant, ad infima reuoluuntur, dolos meditantur

—— *Et fronte polita*

Vapido seruant sub pectore vulpem.

I prou. 13. Animæ dolosæ errant in peccatis. [*l*] Rosimunda
Dolosus Helwigi iuueni à venatu redeunti venenum propinat
capitur ille inter bibendum sentiens virus, st. icto gladio cogit
dolis. illam bibere reliquum, bibit, & simul mortua est. Hoc
habet omnis dolus, cum alteri nocet, auctorem suum
perimit: maximam partem fraudis, & fæces ipsas fraudulentus haurit. nec ideo bene successisse putandum
est, si alium præuerterit aut euerterit, hoc ipsum ante-
m Crom- uertisse per dolum ruinam secum trahit. [*m*] Postquã
rus dere- Lescus fato cessit rex Sarmatarum, constitutum est (ea
bus Polon. erat temporum ruditas) vt candidati de regno cursu e-
quorum certarēt. Vanum hoc quidem, & Persicæ stul-
titiæ simile: prudentia enim, iustitia, virtute, non iu-
Lesci mentorum velocitate Respub. gubernatur; sed meta
frangi. tamen carceresq; constituuntur. Inter candidatos erat
& Lescus priori cognominis, qui viam, qua decurrendum

dumerat, muricibus strauit, quibusequi sociorum induiti ad metam pertingere non poterant, ipse ad latus innoxio itinere primus ad palmam euasit, regnumq; adeptus est, & mox cognita fraude, concursu popularium discerptus, æternaq; infamia notatus est. Semper ista citius aut tardius eueniunt, nunquam fraus ad finem vsq; sælix. Galeazius dux ex tempore fraudem in auctorem regeffit: præstigiator quidam longam sibi vitam, Galeazio breuem vaticinabatur, & quasi mortuo viuus tantum non insultabat: princeps ista prophetantem strangulari iussit, laqueo simul fauces, simul oraculum elisit, dolum mentientis exitio, risu aulicorum detexit. Hoc omnibus accidit: non vident omnes qui negotiis interfunt, Daniel etiam præuidit in suis regibus. Vilius tamen est factum ducis asperum censoribus, mihi æquissimum, genus illud hominum semper fraudis & imposturæ conuincitur, durat tamen & auditur. Nullum videlicet tam impudens est mendacium, vt sit sine teste, vt vere [n] Plinius. Ignarus docen- nl. 8. c. 1. 2.
 dus est, fallax priuato cauendus, principi damnandus venit. Prouincias quondam Leonum, tigrium, aut anguium multitudo perdidit, hoc est vis & potentia, non paucas vrbes animalcula pusilla, pauida, mures, locustæ, ranæ, cuniculi. [o] hoc est, fraudes, quæ sunt o Plin. l. 8.
 venena animorum humi repentium, quorum humile, c. 29.
 sed acre virus est.

§ 4.

Quanquam supplicia deessent fraudulentis, adesset etiam sælicitas, res fœda tamen & improba fraus est, artificem facit detestabilem, fraus furtum est, quo veritas auferitur, falsis assuescere est infame. Proprium a- Turpitudinem fraudum.
 rem dæmonis est decipere, atque in re omnium grauissima, dum temporaria ac fucata pro veris offert, & persuadet infanis. Fugiant igitur fraudulentos.

Valeant qui nigra in candida vertunt.

O 2 Leo.

Leones, tigres, vrsi, raro bona fide mansuescunt, aspides nunquam: matris vterum genitalem nascendo perrumpere feruntur, vt tanta pestis morte parientis e-
datur; non quod ille sit in naturæ molitionibus error, parabola est, non historia, quæ fraudulentiam distare à cæteris vitiis longissimè, docet. aliæ feræ iam adultæ nocent, angues in ipso ortu. Leunculorum imbelles sunt vngulæ, malæ inermes, cum tigrum catulis & pueri ludunt; at viperæ nascentis tam atrox est venenum quam annosæ, regulus mox ab ortu letale spirat. omnis dolus, etiam paruus, est virulentus, & fallit. Ea causa serpenti comparatur, omnium animalium astutissimo, versatili, & flexuoso, quod tamen super ventrem proserpat, terram comedat, & calliditatem suam lauat. [p] Dolosi indolem suam tenacissime retinent semper ad nocendum intenti. Non audiunt monita, & cum audiunt, ad fallendum componunt. Sirenes suauitatem concentuum ad naufragia intendunt. Quidam fœnerator infamis Vincentiæ Ecclesiastem summo orabat opere, vt quod instituisset contra vsurarium crudelitatem dicere, pergeret; causam rogatus, cur sua vineta cæderet, & infamiæ suæ quæreret præconem, respondit: iam multos concione territos fœnerari desisse, si perseveraret, alios quoque desituros, ita sibi soli, aut cum paucis in illo regno mammonæ facilem fore ad ingentes opes profectum.

§ 3.

Dolus facile deprehenditur. Fallacia mala.

q De vita Christi.

Fugiendus etiam ea causa dolus, quod diu celari non possit, quantumvis enim sinceritatem imitetur, & virtutis insignia ostendet, suis tamen se argumentis inuitus & inscius iudicat; colore oculis, superciliorum & capitis nutu, manuum pulsu simulationem produnt vt Justinus Martyr [q] ostendit. Difficile est, imo fieri non potest, vt non sit accusator sui qui dolose agit: nunquam ita pectus intimum latet, vt non per frontem &

tem, & vultum, velut animam suam exeat, & retrusam veritatem proferat, nec tam colorata sunt verba, vt nō per ipsa pigmenta virus appareat. Quare ipsi sibi fidem derogant astuti, verbis & fronti nulla fides, adulterinæ similes monetæ, [r] quæ quanto est probato auro affi-
 nior, tanto aptior ad fallendum; vt cuius omnis fulgor *Arist. 6. Ethic.*
 est fucus. Hinc etiam fraudulentæ mutabiles sunt, in omnem se partem versant, ex quo versuti dicuntur: Nulla enim inuentionum sufficit. quicquid insincerum est, instabile est. multa nouit vulpes, & tamen post multa effugia incidit in casses, nihil cōsecuta, nisi vt ærumnosius pereat. Hinc fraudes semper nouis fraudibus integendæ sunt, dolus dolum trahit, falsitas falsitatem, donec seipsam destruat, & artificem pessundet. Astuti vbi fallere se posse putant, sunt feroces, vt sacrificuli Beli contemnebant regem & Danielem, confisi abditis ostiis, quos tamen pars rerum vilissima, cineres prodiderunt; ast vbi deprehensi sunt, simul erubescunt, simul metuunt. Erubescunt de vili, indecora, ignobili malitia, quæ serpentum non hominum est, fraus enim similis est hybernæ niuib, quæ eodem candore recta aurea, cespites tuguriorum, lutum & amœna vireta integunt, quos vbi luce sua & calore sol liquefecit, apparent vera discrimina. fraus virtutū colore vitia imbuat, ideo omnibus vitiis deterior, quod virtutē simulat & histrioniam agat. Cætera vitia, vt superbia, inuidia, quo magis augentur, eo magis apparet à virtute discessus; fraus quo maior est, eo veritati similior, melior censetur hiltio qui veros affectus maxime imitatur. Olim nobilis actor, vt mœrorem Electræ voce & vultu exprimeret, ossa filij sui ex sepulchro elata secum in theatrum intulit, vt vero dolore tactus falsum accuratius exprimeret. Tanto melior tragædus, quanto mendacior. quem nunquam ex animo filium luxisse credam, cuius ossibus vsum esse video ad vanissimæ artis ostentationem. Perniciosissimi igitur sunt, qui artibus malis fallunt, pro qualibet re falsa dicunt, cum culpa sit etiam

iam pro salute mentiri; qui enim mentitur ut viuat, ante mortem moritur. Illi specie virtutum plurimos ad vitia trahunt: nihil enim in vitiis nocet periculosius, quam similitudo virtutum.

¶ 6.

*Non prodest
reip. a-
stutia.*

sl. 3.

*Astuti
non apti
ad disci-
plinam.*

Attramen in aula atq; adeo in Republica opus est viris dextris, callidis, versutis. Nequaquam. ad euerendam remp. valida est astutia, ad conseruandam sapientia. Ad res gerendas astuti idonei non sunt: nam opinione dexteritatis, fiducia sapientiæ tumidi, ad veram prudentiam peruenire non possunt, sed temeritate prolabuntur. Obseruauit illud in Græcorum liberis verbis prudentissimus historicus Thucydides. [s] *Rudiores*, ait, *melius ac felicius administrare rempub. quam nimium doctos astutosq;* Illi enim maiorum leges & scita sequuntur, quos prudentius & longa experientia salubrius consuluisse de Repub. arbitrantur, quam possint ipsi. Astuti veterum simplicitati illudunt, sapientiam suam ostentant, instituta & consuetudines abrogant sua obtrudunt, Remp. conuellunt, & postquam omnia concussa sunt, ad prima redeundum est, nam quicquid ingenio astruitur, si in Deo, & vera sapientia fundamentum non habet, fragile est, & alio ingenio acriore vel etiam hebetiore destruitur. Astutia enim, ut vere Græci definiunt, non est sapientia, sed *αυθάθεια*, hoc est, ex discendi neglectu nescientia, honesti & boni ignorantia, cui iuncta est, eius quod non est, ostentatio: videri enim volunt quod non sunt, vile malum & turpe quale est venenum. Sane serpentes cum sint inter bestias versutissimi, non est tamen eorum, ut aliarum natura docilis, ne vulpes quidē vllam disciplinam capit: malitiosa calliditas non admittit meliorem doctrinam, satis esse existimant, si bonum simuletur. Patet malum illud latissime, aulas obsidet.

Palatinus magni animi Frederico Cæsari querebatur de mul-

de multorum simulatione, & collubitum sibi esse affirmabat ultra Sauromatas fugere & Garamantas, donec eo, vbi non esset simulator, perueniret; cui apte Imperator respondit: non defuturum ne ibi quidem, postquam ipse eo venisset: Maxime enim de simulatoribus queruntur hypocritæ: non sentiunt cum ipsi fallunt alios, cum in fraudem ipsi inducuntur, regnum sibi eripi imaginantur, præ iracundia non sunt apud se; sunt tamen longissime illi à vera virtute, neq; eam, nisi plane mutati, induunt, quemadmodum nulla imago veritatem assequitur.

§ 7.

Neq; vero dum astutiam fraudesq; damno, easque *Fatuitas* vitandas censeo, fatuitatem & officij ignorationem *fugienda*. probo: Memini enim in sanctis canonibus [t] requiri- *c. dist. 39.* Ecclesiasticos etiam sæcularium negotiorum peritos Petrum Ecclesiæ Neapolitanæ electū Episcopum, non promotum, quia simplex fuerit. [u] Pelagius Ponti- *u ad cle-* fex constitui iubet alios, qui negocia tractarent, quod *rum Nar-* Joannes Episcopus esset simplex: culpabilis est simpli- *niens.* citas rerum agendarum nescia. de qua vere Canon: *nā reuera vbi simplicitati tantum studetur, disciplina negligitur.* Quædam fraus non mala. Hedwigis Henrici Boij filia, princeps lectissima, [x] quæ Grace, latineq; insigniter docta non *x And.* fuit tantum, sed omnis cui miraculum dici possit. Ea tenella et- *Brun. l. 8.* iamnum atate, Constantino Orientis Imperatori desponsa Gra- *Bau. pag.* cas perosa nuptias, neq; vultus sui formaq; imaginem ad inui- *433.* sum sponsum transmitti passa, sedulo oris elegantiam, corrugata fronte, obtortisq; oculis corrumpebat, quoties vultum pictori exscribendum præbere iussa est. Hac non astutiæ, sed sapientiæ adscribenda sunt.

§ 8.

Porro fraudes euitantur vera sapientia, diuina non humana, hanc enim non sufficere iam supra docui.

O 4

Sunt

Menda-
cibus non
credatur.

Sunt tamen & documenta Ciuilia, quorum primum est apud Græcos ἀπιστεῖν, non credere. Quod tamen non omnibus conuenit, nec semper. Sæpè decipiuntur, qui omnibus, aliquando qui nulli credunt. Seruulus apud Comicum vtrumq; Senem fallit vera dicendo, idque agendo, vt ne sibi mutuo credant. Quare Græcam sententiam Latini correxerunt, *Fide, sed cui, Vide.* Mendaci nunquam credes. Florentino cuidam impostori familiaris cum occurreret, & ille nescio quid loqui velle videretur: Mentiris: exclamat alter. Vanitatem illi exprobrans & se ostendens non crediturum.

Fugiente
fraudu
documen-
to.

Alterum documentum, nihil tuarum rerum fraudulentum communices. De quo & supra dixi.

Tertium. Ne ipsi tibi mentiare: suis quisque factis & sermonibus, tanquam amicis fauet, curat opinionem, neglecta veritate. Vt vertiginosis terra, ita sese amantibus bona propria maiora veris videntur. Tum maximè falluntur, cum se fallunt.

Quartum. Aliorum negotiis ne te misceas. Si tractare illa necesse sit, ne implices.

Strab.
1.15.

Quintum veritatis amans esto, & amantem ostende, falce ea falsarum adulationum, obtrectationum, calumniarum sylvas excideris. Fecit id aliquando sobrius Alexander. [g] Nam cum Jouis Ammonis filius ab Imperatore Sacrificulo dictus esset, arque ea res licet nulli credita multis exitio fuisset, quæsiuit Rex ex Mandane Indo, essetne filius Jouis, ille negauit, Alexander vera dicentem præmio donauit.

Sextum. Mores & genus Orationis inspicere: vbi recta est, bene sperandum est, vbi artificiosa, & gesticulationibus interpolata, sublesta fides est. Nam corpus nemo sanum esse credit, quod oblitum multis Pharmacis. & malagmatis obuinctum cernit.

Septimum vnicum & certissimum, vt Deo æternæ sapientiæ immobilis adhæreas, cætera contempnas, ibi omnia vera, hic falsa existimes. Illa aduocata clientem

tuto

tuto deducet, vera luce perfundet, per plana & aspera gradientem inoffenso pede deducet. Quod bona ratione demonstrat Nazianzenus. [x] *Quin autem ob anima cum corpore coniunctionem deterior factus est, ac luto usq; adeo haesit, ut nec in veritatis radios mentis aciem intendere, nec supra inferiora hac assurgere queat; idq; cum de super originem traxerit, & ad super a vocetur hunc cecitatis ergo miserum existimo, etiamsi res huiusce vitae illi ex animi sententia fluant: tantoq; etiam miseriorem, quanto magis à secundo ac felici fluxu delusus fuerit, sibiq; aliud quodpiam bonum vero bono praestabilius esse persuaserit, malum utiq; mala opinionis fructum decerpens, nimirum, ut vel tenebris mulctetur, vel eum tanquam ignem videat, quem ut lucem minime cognovit.* ^{2 Oras. 21.}

C A P. XXXI.

Obsequium in aula sincerum, & obedientia necessaria.

§ 1.

Sinceritatis est non ad oculum, sed ex animo servire, ut sint non modo oculi ministrorum in manibus Domini sui, verum & intelligentia, & voluntas in mandatis Regum, ut omnis astus, ut dolus malus obedientia excludatur. Vni quidem DEO, cuius intellectus veri, voluntas boni norma est absolutissima, prompta obedientia debetur: ut de illius imperio nunquam disceptetur, leges non discutiantur. DEO omnis Creatura praeter eam, quae maximè parere debuit, ad amissim obedit. Regi & Principi obediendum est secundum DEVM, non iniusta imperanti. Si iubeat, quod magnus Imperator vetuit, aut prohibeat, quod ille iussit, non parebit Domino minori contra decreta maioris. Contemnat potestatem, timendo potestatem. Vbiq; libertas est etiam in Aula tyranni, ne in legem Creatoris

Deo absolute homini considerandum.

O 5 com-

a c. 3.

b Nazi-
anzen.

Orat. 1.

Difficile
est impe-
rare.

committere cogaris. Nec vlli ius est aut faciendæ, aut imperandæ culpæ. Quod non modo Principibus, sed singulis etiam optimatibus cogitandum est. Quisquis enim imperat, quod facere non licet, contra Deum, Nabuchodonosori similis est: statuat adorare iubenti. [a] Et quamuis fornacem non accendat, Deum tamen loco se adorandum præbet. [b] At vero homini cū difficile sit scire parere, tū multo difficilius esse videtur, scire hominibus imperare, ac præsertim in hoc nostro imperio, quod in lege diuina situm est, & ad Deum ducit: cuius quo maius est fastigium, maiorq; dignitas, eo etiam maius periculum est, prudenti utiq; homini & cordato. quippe cui primum illud curandum erit, ut argenti atq; auri instar omni ex parte versatus, atq; in omnibus temporibus & rebus, nusquam adulterinū aut suberatum quiddam tinniat, nihilq; deterius materia, flammāq; acriori digna, in se ipso geslet. nam alioqui tanto grauius malum fuerit, quanto pluribus imperarit. Siquidem maior est ea improbitas, quæ ad multos serpit, quam ea, quæ in vno defixa heret.

§ 2.

Danielis
obedien-
tia.c In Da-
nielem.

d c. 11. 17.

Non exa-
minanda
imperia.

Daniel & collegæ illius insigne obedientiæ dederunt exemplum, dum literas, & scientias Chaldæas nō more vulgari, sed studiosissime perdiscunt. Cleopatra Antiochi filia patris & regis mandata, quibus iussa erat maritum occidere, contempsit, & Ptolemæum de insidiis monuit. Hieron. [c] & testis est Daniel [d] Et ponet faciem suam ut veniat ad tenendum vniuersum regnum eius, & recta faciet cum eo: & filiam sœminarum dabit ei, ut euertat illud: & non stabit, nec illius erit. Contrarium aulici Chaldæi fecerunt, dum pice naphtha, & stupa fornacem accendunt. Sed est Daniel perfectum exemplar obedientiæ, qui cum dixisset, non esse inuentam coram Deo in se iniquitatem, simul addit; sed & coram te rex delictum non feci. Non debent procures imperia dominorum ad examen reuocare, etsi enim non capiant legis rationem, obtemperare tamen legibus oportet, nec

nec enim multorum constituta consensu, vnius iudicio rescindi æquum est. Quare DEVS non sibi modo, sed & vicariis suis vult obtemperari. Josuam iudicem declarat, sed imperium firmat capitali lege, [e] *qui e* 10f.1. *sibi contradixerit, moriatur.* Et quasi peccatum ariolandi, f 1. Reg. 16. ait, *non acquiescere.* [g] Paulus omnem animam su- 23. perioribus potestatibus subditam esse iubet. Maxime g Rom. 13.1. ad proceres hoc pertinet, quos velle imperare minoribus, non obedire maioribus iniquissimum est. Hæc vnice colenda. Sola enim obedientia tenet palmam, sola inobedientia inuenit pœnam, vt recte antistes Mediolanensis. Hæc causa est sapientiæ: si vis esse sapiens, esto obediens, nata inobedientia est ex imperitia, & mentis duitie. Hoc secum omnes cogitent, parendum illi quem imperare sibi voluerunt. Hesiodus quidem eum qui per se, suo ingenio, & sponte omnia possit, optimum iudicauit, secundo eum gradu *Obtempe- randum* locat, qui alteri prudentiori obtemperet. *ACQUIESC.* Est enim honestum parere prudentibus. at qui nec ipse sapiat quantum satis est, nec alterius consilio pareat, hominum omnium esse postremum. Zeno tamen Philosophus secundum primo loco constituit: nam & ille sapit, qui bene monenti paret, & præter intelligentiam habet affectum compositum. Jumenta nobis obediunt, nos DEO, & quos ad nos ille miserit. Quos si contemnimus illud audiemus: [h] *Non te, sed me* h 1. Reg. 8.9. *abiecerunt.* Quemadmodum autem somnum est precium obedientiæ, qua DEO paretur, quia aliæ virtutes alia quædam spernunt DEI causa, temperantia voluptates, liberalitas opes, modestia honores, obedientia vero propriam voluntatem, & à natura insitam libertatis appetentiam. Ipsum martyrium obedientia placet. Sic regibus gratissima virtus est, qua imperio paretur, sine qua nulla stare resp. potest, sine qua nulla est regnantis auctoritas, nulla potentia.

§ 3.

*Inobedi-
entia au-
lice gran-
de malū.*

Frequenter aulicis obedientia sua expendenda est, studio seq̃; colenda: cum quia iureiurando est sancita, rum vero, quia in grauibus Reip. negotiis versatur: verendum sane ne vel periurij crimen incurrant, vel non obtemperando multos lædant; dum tardè maligneq̃; præcepta exequuntur. Nam qui disertè, & ex professo parere recuset, rarus erit. arte eludunt imperia, tarde exequuntur. differunt dum tempus exierit, vt fieri non possit. aut damnosum sit. Vsitatum quoque est, principem & consiliarios ab instituto auertere. Impedimen-

*Imperia
privati in
reges no-
xia.*

ta per artes iniicere. Deniq; negligenter exequi. Porro grauissime tandem peccatur, cum animus principum à Reipublicæ cura ad conuiuia, venationes, ludos, & conuiuia abducitur, atque illecebris detinetur, vt soli ipsi dominantur. Cuius improbitatis vtinam vetera tantum exempla legerentur, non hodie etiam magna pars orbis seruiret indignis regum regibus: aut sane si & regum est seruire, Iosephos habeant, & Daniele, quos solio duntaxat antecedant: non Amanes, & Rufinos, vt nomen inane sit in regnante, & onus diadematis, vis imperij in manu illuorum, & prædonum: quos mundi conuitio tandem in crucem agere cogantur. Summâ contumeliâ regnantium, maiore populorū damno spurij illi & suppositij reges ferrea sceptrâ quassant; & plerunque egreditur flamma de vilissimo rhamno, & exurit cædros Libani, dum humilifrutici celsitudinem suam inclinare coguntur. Qui enim alienâ mente, sensu, manu omnia agi sinunt, similes sunt statuis, & *nerus alienis nobile lignum videntur*, quod aulici pro arbitrio versant, qui ne iras quidem & amicitias nisi seruorum iussu concipiunt; quæ est infima seruientium conditio. Jactabat olim regis sui dominator asper, & arrogans: felicem se esse, qui quod facere noller, id regi suo mandare posset.

C A P.

C A P. XXXII.

*Laboriosa in palatio obedientia, & noxium
ocium.*

§ I.

Q Vicunque alienæ prudentiæ obtemperat, ipso *Obedientiæ prudentia.*
 prudente sapientius agit: nam aliena negotia
 melius plerunque viri magni, quam sua gubernant,
 sincero sine affectibus iudicio, obediens igitur, quod
 in sapiente est perfectissimum, libero iudicio utitur:
 sapiens ipse iudicio quidem bono, quod tamen pas-
 sionum nebulæ minus liquidum esse sinunt. Verum *Danielis labor.*
 in facili & tenui, ubi nec ingens labor est, nec pericu-
 lum, celeriter dictis parent. cum primum molestia se
 prodit, simul & querelæ nascuntur, & fuga sequitur.
 Non ita Daniel, stat in foribus regis. [a] Nec valens *a c. 1. v.*
 modo, sed æger, & extrema senectâ. [b] Et ego Daniel *& l.*
 langui & ægrotavi per dies: cumq; surrexissem, fa- *b c. 8. 17.*
 ciebam opera Regis.

Non ætas, non valetudo, non oracula, & colloquia
 cœlestia virum sanctum à laboriosis functionibus a-
 uerteabant. Solatium ingens viris prudentibus, quorum *Laboran- dum omni- bus.*
 sanitas, & vita palatinis laboribus atteitur: Daniel
 stationem suam in aulis impiorum ad finem vsque te-
 nuit, ut Dei gloriæ, & saluti animarum consuleret. Pla-
 ne laborandum est omnibus. periculose aulicis. Labo-
 rantibus, inquit [c] Augustinus, promittit Deus vi- *c In Ion.*
 tam æternam, ociosis minatur ignem æternum. Labor
 est, ut bene Eurip. pater *ευκλείας, vera gloria,* & nobilita-
 tis in utraq; vita, ciuili & spiritali. Nemo laudem fru-
 enda voluptate meretur, aut accipit. Sudoribus vendi-
 tur felicitas, sed magna paruis. Menander hominibus
 decretos labores, dum viuunt, affirmat: Xenophon
 vitæ tranquillæ ducem agnoscit. nam delicati dum
 fugiunt

*Labor nō
delectatio
quarēn-
da.*

fugiunt labores generosos, in molestos, atque indecoros incidunt. Nequaquam itaq; satis est ocium fugisse, industriam impendere. ocium labore etiam delectabili vitatur, lusu venatu, aucupio. Industria in rebus, quæ nec corpus, nec animum fatigant cernitur, in adornanda mensa, ludicris dirigendis. Palatinos ad veros labores, fatigationes, sudores ærumnosos voco. adolescentes errare moneo, qui in aula sine labore delicias, & honores per delectamenta parari credunt. aulicæ negotia vitæ illi ignorant, ne humanam quidem, qua nascimur, sortem expendunt. Faciendum, quod sollicitus imperator inclamabat, *laboremus*. Labor sit strenuus, scopus certa statione fixus. alioqui labores improbißimi similes fuerint æstibus Oceani procellosis, qui excurrunt, & in se vicissim recurrūt, & collisi frangunt, frangunturque, donec post inutiles agitationes, & sonantissimos fragores in spumam desinant. Talis est [d] Salomone teste *labor stultorum*, qui affligit errantes. Nullum illis præmium, de quo ne cogitarunt quidem, nec debetur sine ratione, & in incertum viuentibus.

*Laboris
necessitas.*

*d Eccles.
10.15.*

¶ 2.

*Contra
ocium le-
gis.*

c 2. Theß.

*3.
f lob 5.*

g Gen. 2.

Porro non ab aula modo, verum & ciuitate etiam eliminandum est ocium. Sane seuera, sed iusta lex à DEI spiritu per Apostolum lata : [e] *Si quis non vult operari, nec manducet*. Quare & Job [f] *Hominem nasci ad laborem docuit*. Lata est in omnes sententia, à qua appellare non licet. [g] *In sudore vultus tui vesceris pane tuo*. Nulla hic generositas excusat, ne sceptra quidem : Regium Alphonsi dictum : *Naturam non dedisse geminam regibus manum frustra*. Ociosum esse, & de alieno labore viuere inhonestum est. Quare S. Ægidius Francisci socius panem non nisi de labore manuum comedebat. Vtilissima lex Athenis ab omnibus rationem, qua vitam sustentaret, exigebat, h. l. c. i. Draco eam capitali pœna sanxerat, vt [b] Valerius

&

[i] Gellius, atque etiam [k] Athenæus cum magna ^{l. 17. c. 7.} laude referūt. Ægyptiorum eadem, quod mirum est, in ^{k l. 4. d. p. m.} provincia fertilissima seueritas, sed antiquitas, credo ^{l In En- terpe. m l. 2.} ex instituto Iosephi, [l] Herodotus, [m] Diodorus. Si aut malis artibus victum quæreret, aut in professione falleret, mors pœna decernebatur. Corinthi etiam ratio ocij, & negocij constare debuit, vt auctore est [n] Athenæus. Lucani alio modo ad laborem ^{n l. 5. c. 2.} excitabant, ocioso nihil dabatur, iniquum enim est ociosos frui laboribus industriæ alienæ, quare si quis mutuum illis dedisset, eum quasi ignauix patronum precio multabant. [o] Beneuole Pisistratus, tyrannus ^{o Ælian. o. l. 9.} alias crudus boues, & semina promittebat ociosis, si colere agros vellent. [p] Lex etiam Sardoia ^{p Ælian. l. 4.} multas pœnas ociosis, multa laborantibus commodo præbebat. [q] Lex porro atque etiam consuetudo ^{q Alex ab Alex. l. 3. c. 3.} eadem Argorum. Apud Spartanos quidem laboribus Helotæ opprimebantur, cæteris honestum censebatur ocium, non tamen ignauum, quia belli exercitationibus occupari solebant, aut aliis sudoribus ad Eurotam. Disertè enim Lycurgus ignauiam vetuit, per illam enim Rempublicam prodi censebat, quam etiam causam arbitror, cur Pisistratus sumptu suo subiectos ad laborem exacueret. Eadem de causa idolorum statux armatæ Lacedæmone viscebantur, vt ad militiam, & labores eorum cultores excitarentur. Noster autem Deus semper operatur, Redemptor vir dolorum, & laborum fuit, dum homo factus in terris versaretur. Paulus crebro ad labores vocat, ipse laboris magnum exemplum. Studiose itaq; laborandum est, vel ob eam causam, quod occasio præceps transcurrit, nec exspectat nostram ignauiam.

§ 4.

Proceribus igitur, & nobilitati Palatinæ studiose agendum est, vt serios ac fructuosos habeant, quibus exerceantur, labores. Discant, dum interualla sunt obse-

Labor obsequiorum. Non est turpe virum nobilem discere;
manuum sed nihil scire. nec ocium facile admittit, cui superest;
honestus. quod vtiliter discat, aut quæ didicit, exerceat. Nec pu-
dori sit manibus laborare. Setuile quidem & abiectum
illud sentit esse Aristoteles, sed honestum Augustinus.

x De op- [r] *Neg, enim honestas reprehendit, quod reprehendit superbia*
re Mo- *eorum, qui vocari honesti amant, esse non amant.* Nobilissi-
nach. mum ego arbitror Julianum [s] Conchensem antisti-
s Sur. tem, qui labore manuum victum quærebat, & facultates
Martyr. Ecclesiæ in pauperes erogabat; quantum diuersus
RS. ab illis, qui pauperes Ecclesiæ expilant; vt ipsi in luxu-
Opus ma- *ria enutrient corda sua.* Ille certe à Deo infinitis miracu-
nuū san- *lis nobilitatus est.* Vbi sunt, qui non modo de patri-
clum. monio Christi ociose viuunt, sed ociosos quoque a-
z Sur. t. 6. lunt? [t] Winoci summa fuit nobilitas, summus apud
Ado 6. principes honor. graui labore inopes sustentabat, mo-
Nouemb. lam circumagebat, Deus, cum aliis intentus esset, per
Mol. de angelos molere perrexerit, vt honoratum ostenderet la-
SS. Belg. borem societate cælestium spirituum. [u] Crispinus
u Mom- & Crispinianus claro genere, & dignitate Christiano-
bret. t. 1. rum pauperum calcæis reficiendis operam impende-
Petrus in bant. Memini & Pittacum regem Mitylenæorum exer-
Catal. l. 9. citij causa molere solitum. Video Saram cibos coque-
e. 106. re, Abrahamum ad armenta decurrere, cui trecenti o-
Sur. t. 5. ctodecim vernaculi milites erant, præter eos, quos
mobili suæ ciuitati præsidio reliquerat. Pædagogus
x l. 3. præ- quoque noster Christus apud Clementem [x] Ale-
dag. xandrinum iuuenes ad Gymnasium, fœminas ad la-
nam, ad pistrinum, & penum mittit; omnes ad labo-
res.

¶ 4.

Non ad illum tamen finem hæc refero, vt nobiles viros ad ligonem, & sarculum, aut asciam, & cæmenta relegem. Summum ostendo verticem, vt vel in late-
re montis consistent. Iniqua propono, si tamen iniqua;
vt æqua obtineam. Nimirum vt ne sint ociosi. Neque
nobi-

nobilitas, neq; opes ocij lenocinia esse debent. Hæc ^{Aulicos} virtutibus actiuosis sunt data instrumenta: illa heroicis ^{diuites ad} actibus sacra est, non torporis & saginæ marcida cau- ^{labores ob-} ponatrix: Si diuitias ignatiæ seruas esse velis, minu- ^{ligari.} et illas Deus, piger egebit. [y] *qui operatur terram* ^{y Prou. 12:} *saturabitur panibus.* Hoc moneo; diuites oportere aut corporis, aut animi aliquo vtili labore occupari, quis ille sit, res & negocia cuiusq; edocebunt. Eo quidem modo, vt non sint ociosi, cum videntur ociosi. Lau- datur enim ocium negociosum, vituperatur desidiosum. ocio non est fruendum, sed vtendum. Bonum plane ocium, si in illo maiora agas, quam erant illa; quæ reliquisti, negocia. De illo Attilius dixit: *Melius esse, ociosum agere, quam nihil agere.* Verbo rem expediam; De omni verbo ocioso, quod locuti fuerint homines Deo rationem reddent. Peccatum est enim omne ver- ^{Ocium ex} bum ociosum. Hinc alia quoq; consecutaria deduci- ^{natura} mus. De omni cogitatione ociosa, quam cogitauerint ^{peccatum:} homines, rationem reddituros, De omni actu ocioso; quem egerint homines, rationem reddituros. Qui sunt actus ociosi? qui nec vlli profunt, nec vt prosint, aguntur. Quemadmodum igitur, qui verbum vnicum elocutus est, quod etsi neminem lædit, non tamen vel ad Dei gloriam, vel propriam cuiusque, vel proximi vtilitatem spectat, nec in hos fines pronuntiatur, ociosum verbum dixit, & peccati reus est: & si totum diem tali colloquio insumpsit, multa ociosa dixit: Sic ad eam normam de actibus ociosis censendum est. Qui tot die fritillum fatigat, chartis ludit, pilam verberat, ad annulum decurrit, tota die ociosus est, nisi hæc ex præscripto virtutis agantur. Vt animo fatigato, tanquam arcui relaxatio concedatur, sanitas, & vires exercitatione seruentur. Nam vt Hippocrates docet: Desidia humectat, & imbecillum reddit, labor siccat, & roborat. Et tamen hæc ipsa bona ad vera refertenda sunt. Hos ob fines, recreatio, & oblectamenta permittuntur: in quo quidem genere plutimi diuitum

P

pec-

Recreationes peccata.

peccant, & pereunt. Totos dies, menses, & annos recreationibus indulgent, semper laxis iacet arcus, nunquam tenditur, mentis contentionem non remittunt, nunquam enim illa ad seria studia, actionesque tensa fuit. non ideo nervos ingenij relaxant, ut acius deinde intendant, sed ut sese oblectent, viuunt ut edant, non edunt, ut viuant. Ludunt ut ludant, non ludunt ut seria agant. Nam assiduitate recreationum à curis, & animum agentibus abhorrent: atque inutiles redduntur. Quin contentione rerum inutilium ac laborum ludicrorum non modo acrimoniam ingenij dilutam faciunt, sed etiam corpus eneruant, ut dixi. Generosos animos labor ipse nutrit, fructu exhilarat, etsi fatigat, ocio labor iucundior est.

Pingue solum lassat, sed iuuat ipse labor.

Omnium recreationum debet constare utilitas.

Huius igitur generis recreationes peccata sunt, quia inutiles, & ociosæ, quibus hoc agitur, ut tædium vitetur, non ut sibi constet utilitas. Nihil autem deterius est fastidio temporis, quod efficit ocium desidiosum, tollit ocium negciosum vano labore. Perinde autem, si res preciosissima tempus effluat, aut nihil, aut vana agentibus. Non est autem tempus à Deo datum, ut molestum sit, sed precium acquirendæ æternitatis. Quare qui ob ocium sibi molesti sunt, non possunt optare multos annos, quos Deus præcidere solet aut morborum doloribus exagitare, ne desit, quod patiantur, qui agere nolunt. Quemadmodum Ptolemæus ingluvie & ocio marcidus, cum podagræ cruciatibus arderet, è conclavi prospectans in litore ludentes pauperes, se vnum ex illis optabat esse; ita Deus diuitum ociosorum vitam frequenter pauperum molestiis facit miserabiliorem. Cum autem nihil agunt, nec esse videntur, nec sibi, nec aliis viuunt.

§ 5.

Ocium origo maiorum.

Porro ocium etiam ea causa fugiendum est, quod fons est vitiorum, occasionemque præbeat proximam delinquendi, quæ quidem res nobilitati exitio semper fuit,

fuit, & erit, mentem enim distrahit, & dum bona nulla agit, ad mala deducitur: vt corpus cum nutriti desinit, viuere non potest, cum stomacho negantur salubria, trahit noxia. Mentis nostræ infinita est capacitas, continua sine intermissione agitatio. Spirandi respirandi-
que vices, arteriarum pulsus, cordisque motio nunquam interquiescit, & cum morbo, aut violentia ab-
rumpitur, mors aduenit, actiones autem animi cum
ratione, & voluntate perficiantur, ex lege Dei, & vir-
tutum regula gubernandæ sunt, si enim intra hanc ob-
bitam non contineas, per auia & abrupta deliderio-
rum euagantur, nec desinunt, donec in profundum
malorum venerint. Nulli igitur vel vnus momenti oc-
cium esse potest, quo non appetitum, & animum regat,
ac multo magis ipsa opera. *Variam autem dant ocia*
mentem.

*Nullum
mens est
ocium.*

*Cogitatio-
nes semper
corribenda.*

Ocium reges simul & beatas

Perdidit vrbes.

Daniel describit Nabuchodonosorem regno eiectū
terræ affixum, cum bestiis vixisse: Tanti supplicij cau-
sam ingentia scelera dederunt, tempus tamen punien-
di Deus exspectauit dum ociosus esset. [2.] *Deambulat* 26.4.26.
enim in aula Babylonis.

*Ocium
Chaldaei
regis.*

Tempus Reip. debitum in arrogantissima potentia
meditatione, & se ipse perdebat. [a] *Nonne hac est Baby-* 26.4.27.
lon magna, quam ego adificaui in domum regni, in robore forti-

tudinis meæ, & in gloria decoris mei? Et quæ materiam la-
etantia: De congestu laterum, de sanguine ergastua-
riorum gloriatur. Illæ cogitationes sunt ociosarū de-
ambulationum quas Ferdinandus vehementer oderat, &
consilium quidem dabat, vt ambulonibus illis, & para-
fitis portorium constitueret.

*Pœna ocio-
forum.*

Meminerint Palatini in castris versari se, non in de-
liciis, negligentiam in hostis vicinitate letalem esse so-
mno stratos facile trucidari. Sopitus autē est, qui cogi-
tationibus suis non inuigilat, qui actibus suis non in-
terest: omnia illo sopore corrumpi sinit.

P 2

Cer-

*Cernit ut ignauum corrumpant ocia corpus,
Et vitium capiant, ni moueantur aqua.*

*Ægrè capitur à dæmone, qui bono exercitio vacat,
ociosus iam vinculis irretitur. Ferrum quod in vſu
non eſt, ærugo citius conſumit. Infructuoſam arborē
excidi Dominus iubet, pomiferam exciſæ ſubſtituit.*

§ 6.

*Labori pri-
mius da-
tur.*

Demum laborandum ſemper eſt, quia eſt merces operi. Merces tanta, quantus eſt, Deus, hoc eſt im-
menſa. Turpis omnis deſatigatio eſt, cum id, quod
quæritur, eſt pulcherrimum. Labor omnis, etiam re-
creatio cum ratione ad Deum relatus fructuoſus eſt.
Nullus videri debet labor durus, nullum tempus lon-
gum, cum æternitas acquiritur. Curam ne fugias, ne
virtutem abdicēs. Democritus cum laborioſum, &
ignauum cerneret, *Bonum*, inquit, *ſenectuti condū obſo-
nium*. ille bonum, nos beatum, ſed opus vtili labore.
Cleanthes dum alij pila ludunt, aquam haurit, aut ter-
ram fodit, non maiore, ſed vtiliore labore: Felicitati
æternæ laborem eſſe conuenientem oportet. Si quis
boue venatur, ſtulticiam, non fortunam accuſet, la-
borem ſuſtinere, quem Deus non deſiderat, abſur-
dum eſt. fugiendum itaque eſt ocium, vtili labori va-
candum. [b] *Multam malitiam docuit ocioſitas: eſt ru-
bigo ſapientiæ, & virtutum, Hieronymi testi-
monio in Ægypto monaſteria nullum ſine operis la-
bore ſuſcipiunt. Scitum eſt illud Hierony-
mi, [c] occupatum ab vno dæmo-
ne pulſari, ocioſum ab
omnibus.*

*b Eccli.
33.29.*

c Epiſt. 4.

C A P.

C A P. XXXIII.

*Industriam, Diligentiam & Celeritatem in curia
atque Aula plurimum requiri, precipitan-
tiam fugiendam.*

§ 1.

Solertia omnia artium genera constant: sunt enim *Diligentia*
artes manuariæ laborum quædam & temporum *& celeri-*
compendia, in ciuitate vſitata, quibus celeritas & fa- *tas com-*
cilitas paratur, ſi tamen diligentia & industria accedat. *mendata.*

Tarditas Principum plerumq; culpari ſolet, quam ta-
men ipſi grauiffimè oderunt. Et merito ſi miniſtrorum
negligentia aut nequitia, quæ celeritatis indigent, tar-
dius expediantur. Hinc enim oriuntur dilationes
vtilium, vt multi Principes euertantur. Sumptuoſæ li-
tes & immortales litigantur, innocentes in carcere,
quos æquum erat emitti, detinentur, bellica conſilia
cum iam occaſiones tranſierunt, mittuntur. Danielis
ſolertia intelligitur, quod eſſet in porta Regis aſſiduus.

[a] æger etiam faceret opera Regis. [b] Præter homi- *ac. 1. v. ult.*
num conſuetudinem, qua ſit, vt ſuis quiſque in rebus *b. c. 8. 27.*

ſit aſſiduus, aliena tarde curentur. De ſolertia Da-
nielis, qua ſacrificorum fraudes detexit, ſupra [c] di- *c. 6. 14.*

ctum eſt. De deprehenſa Iudicum calumnia, & oc-
ciſo dracone etiam expoſui. [d] Celeritatis ipſe refert *d. c. 13.*

in Hirco caprarum [e] inſigne exemplum, quale haud *& 14.*
facile par in omni Hiſtoria legimus: Et ego intelligebam: *c. 6. 8. v. 3.*

ecce autem hircus caprarum veniebat ab Occidente ſuper fa- *& ſeq.*
ciem totius terra, & non tangebatur terram: porro hircus habe-
bat cornu inſigne inter oculos ſuos. & venit uſque ad arietem *Celeritas*
illum cornutum, quem videram ſtantem ante portam, & cu- *Alexandri.*
currit ad eum in impetu ſortitudinis ſua. Cumq; appropinquaſ-
ſet prope arietem efferatus eſt in eum, & percuſſit arietem: &
comminuit duo cornua eius, & non poterat aries reſiſtere ei:

P 3 cumq;

cumq; eum misisset in terram conculcavit, & nemo quibat liberare arietem de manu eius. Aries qui Hirci celeritate vincitur est Monarchia Orientis, duo eius cornua Medorum regnum & Persarum. Altius succreuit Persicum.

fc 8. j.

[f] Hircus est regnum Græcorum, quod venit in omnem Asiam ad Indum vsque. Cornu insigne Alexander Macedo. Nam quod Angelus dicit Arietē & Hircum caprarum esse Reges, de tota Regum serie seu regno loquitur. Singuli enim reges cornibus figurantur, vt ex verbis constat. [g] Aries, quem vidisti habere cornua, Rex Medorum est atq; Persarum. Porro Hircus caprarum Rex Græcorum est, & cornu grande, quod erat inter oculos eius, ipse est Rex primus. Porro illa verba nostro instituto conueniunt: & non tangebatur terram, & cucurrit in impetu fortitudinis sue. His enim & Alexandri & aulæ totius, ducumq; celeritas indicatur, diligētiaq; & industria, quæ magnopere necessaria est, & viribus fere plus pollet. Forma autem loquēdi ista etiam profani vtuntur. Camillam Virgilius ita velocem scribit, vt per segetes currere posset,

g v. 20.
21.

Nec summas calcaret aristas.

———per mare

Nec tingeret aquore plantas.

Ita Hircus quaqua uersum spatia camporum decurrebat, vt terram non tangeret, vt volare non gradi exercitus videretur. Primo mox Anno gentes rebellantes, & seditiones domi composuit, citato deinde gradu in Græciam profectus Dux constituitur. [h] In apparatu belli Persici nunciatur Athenienses, Lacedæmonios, Thebanos ad Perlas defecisse, vt Justinus.

h Plu-
tarch. in
Alexand.

i Lib. 11.

[i] Quibus motibus tanta celeritate instructo paratoq; exercitu occurrit, & Græciam oppressit, vt quem venire non senserant, videre vix crederent. Vsque adeo, vt pueritiam eius Athenienses supra virtutem veterum Ducum attollerent. Deinde in campis Adraistiis, seu ad Granicum exercitum Darij celeritè vicit, Persarum peditum sexaginta millia cecidit;

cidit, & fugauit, equitum centum viginti millia cecidere, ex Alexandri exercitu nouem pedites, centum viginti equites cecidere. Post eam victoriam magna pars Asiæ ad eum defecit. Equè expedita fuit pugna Iffica, & tres aliæ, quas cum præfectis Darij pugnauit, quos non tam armis, quam nominis sui terrore deuicit. Cum Taurum montem, immane Asiæ dorsum, transenderet, stadia quingenta, hoc est quindecim nostratia milliaria cursu confecit, velocitate nusquam vñitata. Tyrus eum morata est menses septem, quæ tot annos alium sustinere potuisset. Sed moram Ægyptus, Cilicia, Rhodus sine certamine dedita pensarunt. Dum Alexandriam exstruit, per Duces varia bella confecit. Ex Samaria vñdecimis castris venit ad Euphraten. Breui tempore omnia confecit, adeò, vt Darius ipse diceret, senescendum fore tantum terrarum vel sine prælio obeunti. Ad Gaugamela cruentissimo prælio pugnatum est, ibi enim ad eum venit & cucurrit. Curtius festinasse ait Alexandrum, ne animi suorum ob hostium multitudinem caderent. [k] Alacritate seu tædio expectationis Macedones k L.4. narrat pugnantium sonitum edidisse, & contineri non potuisse, quin cursu quoque ad hostem contenderent. Sic comminuta sunt cornua arietis, ipse in terram proiectus est, conculcatus, Hircus factus magnus. Danieli quoq; testimonium ipse Alexander dedit. Rogatus enim quomodo tam citò Asiam vicerit? respondit: & δὲ ἀναβαλλόμενος, nihil differendo in aliud tempus, præsentia occupando.

§ 2.

Celeritas laudatur: non tamen præcipitantia, quæ est temeraria, & sine consilio festinatio. Nimirum perinde Nabuchodonosor præcipit, & Ariochus ad cædem sapientum festinat. [l] Nimium præcipitanter tres viri in fornacem iaciuntur, quod iussio Regis vrgeret, [m] & celeritatem suam luunt ministri à flamma exulti. Hircus quoque caprarum præceps in

Præcipitantia fugienda.
l c. 2. 12.
& seq.

hostem se immergebat, pericula sua, non militum esse volebat. Præcipitanter in conuiuio amicorum sæuebat carnifex. Theodosius sententia lata per dies viginti differri executionem iussit, quod semel præcipitasset in cæde Theſſalonicensium. Ludouicus Palatinus Mariam coniugem temere suspectam occidit, Constantinus Crispum, alij alios. Superest igitur, vt obsequia actionesque sint festinatæ celeresq; sed examinatæ, solertiâ & industriâ comite. Omnis res properando errorem parit, in cunctando multa sunt bona, quæ non statim apparent, cito nascitur cucurbita, sed tarde cedrus, hæc in ætates durat, illam dies vna consumit. Itaque & celeritas & tarditas nisi vtramque prudentia dirigat, in crimine sunt. Magnorum in palatio vitiorum non est infrequens querela, meritis suis tarde reddi præmia, nec animo interim pensant, quæ ipsi incuria sua tenuibus damna intulerunt. Quisquis diuitum dona Principum tardo pede venire dolet, non meminit quoties oculos pauperum expectare fecerit.

§ 3.

Cum igitur ingenia Regum plerumque moræ sint impatientia, cum multi æmuli sese excitent, vt expedite obsequantur, vt cum Domini eos incepisse putant, ipsi perfecerint imperata, cum in properando facilis sit lapsus, adhibenda est solertissima diligentia, illique iungenda tarditas, & industriæ celeritas, quæ sæpè plus valet, quam virtus. [n] Celeritas tarditati præstat. Matura satio aliquando spem fallit agricolæ, sera semper mala est. Justè non potest reprehendi diligentia, vt Sophocles ait. Nec faller si adest exercitium & assiduitas. Mali autem principium est negligentia boni, sicut discessus lucis est principium tenebrarum, vt Nazianzenus. [ø] Negligentia nouerca est eruditionis, mater confusionis, officij excusationem præten- dit, non habet. Nihil est, quod à diligentibus caneri & perfici

¶ Gellius
l. 10.

¶ Nazianzenus.

perfici non possit, nihil quod non euenire focordibus. Apud ignauos nulla sunt insignia virtutis. Piger replebitur egestate. [p] Porro quantum timeri debeat ^{P^{rom.}} in Aula etiam probatorum Principum negligentia, ^{18.19.} id historia Ludouici ob oculos ponit, quam in hæc verba recenset noster Brunnerus, [q] Sanctioribus de- ^{q^{1.6.}} inde solennis ieiunij feriis cum à curis publicis digressus tempus omne studiis pietatis impenderet, sub nocturnam quietem, Manes Ludouici patris sibi adstantes vidit specie squalida & lachrymabili eiulatu, quem in hæc verba, quæ inuertere religio mihi sit, coactum veteres annales illo ipso æuo summa fide conscripti referunt: Adiuro te per dominum nostrum JESVM CHRISTVM & per trinam maiestatem, vt ^{Ludouici} me eripias ab his tormentis, in quibus detineor, vt ^{Cæsaris} tandem aliquando vitam possim habere æternam. ^{negligentia.} Vox sine dubio omni tragœdia tristior, tantoque dignior stupore, quod illius Imperatoris fuit, cui virtutes & fama publica nomen Pij indiderunt. Hunc ergo tam Pium, post triginta quatuor annos (totidem enim ab illius morte numerauimus) serum sibi auxilium flagitasse ex flamma, ingens apud bonos omnes, qui de Deo diuinisque recte sentiunt, momentum habeat, necesse est, neque enim Auentinum illiusque similes moramur, qui esse aliquos Manes & subterranea regna nisi experti non credunt, & hæc talia fabulis accensa neque pluris, quam Plauti Mostellarias, habita scriptione indigna & fide putant. Sanior sanctiorque Ludouico mens; patris proinde quiritatione alte in animum demissa, ad placandum illi Numen totum regnum excitauit, dimissis quaquauersum epistolis, vt supplicationes per omnia monasteria decernerentur. Ipse per sanctiores Christi rediuiui ferias in Fuldensi cænobio precum causa se abdidit, ad quas patris flammis accendebatur, cum ea cura subiret, diuinum tribunal non humilium tantum reorum, sed etiam Cæsarum scopulum esse; quinimo hos deteriore

præ illis causa niti, cum non sua tantum, sed subiecti sibi orbis facta cogantur defendere; quem si vel exemplo, vel indulgentia corruerunt, plectentur sane Reges, quidquid Achiui delirant, ut nihil necesse sit, cuiquam inuidere purpuram, quæ non modo à dicenda apud DEVM causa neminem eximit, sed rigidissimi iudicij metum duplicat, cum iam olim inter oracula nostra receptum sit, Exiguus misericordiam concedi, Potentes potenter tormenta passuros. Nam in Ludouico priuatim nihil reprehendas; ut si imperantibus fatis sit, viros Bonos esse, prouocare hic omnes principes possit; sed dormiebat subinde regius ille vigor, & lenitudine in lentitudinem migrante, scelera, quia non vindicabantur, velut acceptatâ licentiâ & approbatione, aurâ perniciosæ clementiæ nutriebantur crescebantque pessimo publico: & vero cum monitores non deessent, mortalibusque silentibus, consiliariorum officium cælum occuparet, monitaque grauissima à cœlesti genio dictata, duodecim capitibus comprehensa, Einhardus Abbas Cæsari in manus dedisset, ille, siue grauitatem rei non assecutus, siue ingenij facilitate remissioneque magnitudini cœlestis consilij impar prius viuendi finem fecit, quam imperato operi manum admoueret. Atque hinc illo æuo creditum est, has neglecti per eam occasionem officij pœnas exsoluisse; quas orbi innotescere, tanti Præconis ore, principum maxime interfuit, quorum pauci cum Pium virtute æquent, præfidentes esse oportet, si Ludouicum triginta quatuor annis arsisse sine animorum motu audiant, negentque exemplum illud ad se pertinere.

CAP.

C A P. XXXIV.

De palatinorum familia, senatorumq; ac nobilium.

§ I.

Legem innocentiaë quisque non sibi soli, sed familiae quoque dictam existimet. Nunquam enim deest, quod in Domino culperetur, si familiam trahat illaudabilem. Cum ex Thoma Zarzanensi, qui factus Pontifex Nicolaus Quintus dictus est, de vita Eugenij moribusque quæreretur, respondit: Intuemini familiam eius, talis ipse est. Supra modum enim vituperabile est, vel non elegisse probos, vel disciplina non continere sibi commissos. Qui enim suorum, maxime domesticorum, curam non habet, fidem negavit, & est infideli deterior. Daniele habuisse familiam inculpatissimam quamvis ex officio peramplam, ex eo docemur, quod nullam in eo causam inueniri iuritestantur hostes. [a] Si eius satelles, secretarius, a c. 6. 3. centurio, quæstor, aulae magister ab honesto discessisset, non defuisset occasio calumniarum contra Danielem. Mirum illud quoq; in tanta familia nullum fuisse, quem corrumpere se posse sperarent, ut in Dominum falsa testimonia diceret. Plancus cum accusatus esset, serui torquebantur, cum Dominum nemo proderet, ille pari amore, ut liberaret insontes, crimen falsus est. At vero integritas Baltassarinae familiae tanta fuit, ut iudicarent neminem quicquam dicturum, quod periculum creare posset innocenti Domino. Non dissimilis familia Joacimi & Susannae, qui erubescabant ad accusationem Dominæ. [b] Cum ergo b c. 13. 26. audissent clamorem famuli domus in pomario irruerunt per posticum, ut viderent quidnam esset. Postquam autem senes locuti sunt, erubuerunt serui vehementer: quia nunquam dictus fuerat sermo huiusmodi de Susanna.

Ex familia iudicium fit de Domino.

a c. 6. 3. Danielis familia.

Regi

c. 5. 3.
 & 4.

Regi Baltasari similis & familia, omnes impij. [c] Et biberunt in eius rex & optimates eius, uxores & concubinae illius. Bibebant vinum & laudabant Deos suos aureos, & argenteos, areos, ferreos ligneosq; & lapideos. Alexandri familia cruenta, & ambitiosa describitur, qualis ipse fuit. Familia Antiochi Epiphanis qualis & ille fuit, ut testatur Da-

d. c. 11. 31.

niel. [d] Et brachia ex eo stabunt, & polluent sanctuarium fortitudinis & auferent iuge sacrificium & dabunt abominationem in desolationem. quod Antiochus fecit, imitati sunt illius duces. Quamuis in Græco est ἀρεμὰ, semina, ex similitudine Hebræorum dictionum. Eupator Antiochi filius Judæos oppressit. Sed brachia sunt regis ipsius aulici, amici, qui & manus, & oculus dici solent. De illis agitur in Maccabæis. [e] Reliquit

c. 1. 2. 45.
 22. & seq.

autem & prepositos ad affligendam gentem: Hierosolymus quidem Philippum genere Phrygem, moribus crudeliorem eo ipso, à quo constitutus est: in Garizim autem Andronicum & Meneleum, qui grauius, quam ceteri imminebant ciuibus. Cumq; appositus esset contra Iudæos, misit odiosum Principem Apollonium cum exercitu viginti & duobus millibus, precipiens ei omnes perfectæ ætatis interficere, mulieres iuuenes vendere. Qui cum venisset Hierosolymam, pacem simulans, quiescit vsq; ad diem sanctum Sabbati: & tunc feriatis Iudæis arma capere suis precepit. Omnesq; qui ad spectaculum processerant trucidauit: & ciuitatem cum armatis discurrens ingentem multitudinem peremit. Et in eodem libro. [f] Sed

1. Macc.
 6. 1. 2.

non post multum temporis misit rex senem quendam Antiochenum, qui compelleret Iudæos, ut se transferrent à patrii & Dei legibus: contaminare etiam, quod in Hierosolymis erat templum, & cognominare Iouis Olympii: & in Garizim, prout erant hi, qui locum inhabitabant.

§ 2.

Ut familiam suam bono exemplo, verbis instruant, g. c. 19. de delinquentes corrigāt, etiam magnates obligantur. Si salutari- non suo; certè sanctorum virorum iudicio. Augustinus [g] comitem quendam hortatur: ut omnibus si- bi sub-

bi subiectis, & bonæ voluntatis in domo sua, à maiore
 vsq; ad minimum, amorem, & dulcedinem regni cœ-
 lestis annuntiet, de eorum salute sollicitus ac peruigil
 existat; quia pro omnibus sibi subiectis, qui in domo
 eius sunt, rationem Domino sit redditurus. *Annuntia,*
 inquit, *præcipe, impera, suade eis, vt caueant se à superbia, à de-*
tractione, ab ebrietate, à fornicatione, à luxuria, ab ira, à per-
iuurio, à cupiditate, quæ est radix omnium malorum. Corripi
 per Dominum debent; non enim turpe est, sermone
 castigare, quem cogere valeas. Si quis contumax est, vt
 corrigi non possit, excusandus est Dominus. [h] Do- ^{h Aug. ad}
 mum tamen suam tam improbo homine non sine fu- ^{Amb.}
 nestari. An igitur magnates & comites æquum censet
 fieri concionatores? Imo vero & catechistas, & do-
 ctiores; vt & ipsi fulgeant in æternitates. Monitis, im-
 perio, pœnis hoc agant, vt familiam habeant inte-
 gram, Dei timentem. Hoc ipso enim, quod in eum lo- ^{Instruendi-}
 cum te Deus prouexit, vt alere familiam queas, serui- ^{famili.}
 tutem seruire, & sub alieno arbitrio viuere non coga-
 ris, voluit ministros tua virtute erudiri, vt te illi aucto-
 rem salutis habeant, non vt tu comitatus incedas, &
 turbam trahas. Felix familia cui talis est Dominus.
 Beatos seruos regina dicebat, qui audirent sapientiam
 Salomonis: Sapienti enim seruire libertas est, & bea-
 tus est, qui seruit beatis: vt Menander rectè iudicauit.
 Graue autem onus Dominus insipiens.

¶ 3.

Præter eos, quos continuus labor occupat, sunt in ^{Ministris}
 ædibus magnatum, qui honoris causa in obsequio pe- ^{ociofis di-}
 ne ocioso versantur, quo ne abutantur, re aliqua exer- ^{senam.}
 ceri debent, præsertim qui rem non habent, ne post
 longa ocia, & lautas dapes ad malas artes delabantur.
 Discant scribere, rationes ducere, aliaq; , aut aliquam,
 quæ portus infelicitatis priscis dicebatur, artem. Vt
 nunc fugiant ocium, & cum discesserint quæstum fa-
 ciant, habeantque inopix refugium. Ipsi sibi quoque
 atten-

*Docendi
famuli.*

attendant, ne magnitudine seruitiorum cum pompa & publico spectaculo ad paupertatem proficiſcantur. Plurimos fabros, & architectos Crassus alebat, ipse famulos docebat. [i] vt Plutarchus refert.

*i in Crasso
Benigni-
tas in fa-
mulos.
k Ad lu-
stinian.*

Summa lex est, vt talem te geras erga inferiores, quales in te esse optas superiores, imo qualem ipsum Deum. [k] Bene Agapetus Talem te præsta tuos erga famulos, qualem optas erga te Dominum, prout enim audimus, audiemur, & vt respicimus, respiciemur à diuino, cunctaque obtuente aspectu: priores igitur nos misericordiæ misericordiam conferamus, vt pari par recipiamus.

Deinde ipse rerum tuarum satage, diligens esto: Fieri non potest, vt serui Domini socordis sint industrij.

*Humani-
tas.
l Epist 47.
m ibidem.*

Gtauis, amica tamen erga illos familiaritas sit. Maiiores olim seruos familiares vocabant, vt [l] Seneca testatur. Posterorum fastus loqui illos coram Dominis vetuit, vt ipse narrat & detestatur. [m] Aristoteles non permittit, vt famulis Dominus arrideat; Sed hoc tamen aliquando non indecorum est, de quo prudenter

n l. 3. pad. [n] Clemens Alexand.

c. 12.

Ante omnia sint imperia moderata. Fideles sunt, forte & sancti, sane domini est officium, facere, vt secum vna sint conserui Christi: Nemo in orbe tantus est dominus, vt non sit seruus Dei, & cum familia sua in eodem ergastulo, in eisdem compedibus, quare aspere tractare fideles non debet: oportet misereri conserui quemq; sui, sicut & nostri Deus misertus est. Legem sibi Deus à nobis poni, & Maiestati suæ præscribi patitur: vt quod conseruis facimus, ab ipso expectemus. [o]

*o Matth.
18. 28.*

Remittimus cōseruis nostris centum denarios, ille nobis decem millia Talentum condonat. repetis denarios? exigeris ad vltimum quadrantem talenta. Barbarorum est in miseros sæuire. Querebatur iam olim Augustinus de crudelitate dominorum, & [p] Saluianns atq; adeo inter causas, cur in omnes Romani imperij pro-

*p Degu-
ber. Dei.*

prouincias immiffi fint barbari, non minima fuit, fer- *Bene ha-*
uulorum oppreffio!, quæ tum erat numerosior pars *bendi ferui.*
humani generis. Summa iniquitas eft: Vbi feruus co-
gitur pati, & nemo finitur compati, dolere cōpellitur,
& nemo condolere permittitur. Seruus amicus eft do-
mesticus ad omnia promptus, vtendum illi tanquam
nobis. Sunt enim & homines, ficut domini, sæpe do- *q̃l. 3. c. 12.*
minis meliores. Confule [q] Clementis Alexandrini
pædagogum.

¶ 4.

Nulla gens hodie in familiam afperior eft Arabibus
& Tartaris, per Africam omnes domus tormētis, & e- *Crudelitas*
iulatibus personant, Tartari miferos fame, & nuditate *in familiā.*
cruciant. Spartani præter modum sæuebant: filiis fa-
milias potestas erat, noctu vrbe egredi, & Helotas in
agris occidere, vt eo modo ad bella extitarentur. At ne-
que gens vlla infelicioꝝ, fine fedibus certis Tartari va-
gātur, & mutua laniena viuunt. Arabes hostibus, mor-
bis, principum tyrannide premuntur. Spartanorum o-
lim magna pars in prælio periit. Noui ego nonnullos,
alioqui viros præftantes, qui nullo officio, nulla arte in
principum dignationem venire potuerunt, multa infam-
ia, atque incommodis agitados, nec caufa alia fa-
cile apparet, quam eorum in familiam iniqua asperi-
tas, viderum cum fratribus, & filiis lites, & inopiam,
plaudentibus famulis, qui fuas iniurias vindicari gau-
debunt. Tyrios olim ferui occiderunt, & regnum te-
nuerunt. Vnus tota vrbe Clemens Dominus, fer- *Tyriorum*
uus vnus fidelis fuit. Stratonem Dominum fer- *ferui Do-*
uus, filiumque absconderat, de rege creando in comi- *minus*
tia eundum erat nouis ciuibus, qui occifis dominis sua *cadunt.*
fe manu emiferant, fibi & liberti, & patroni. Con-
uentum fuit, vt qui solem orientem primus vi-
difset, Rex effet, hæc omnia ad Dominum feruus
refert, ab illo confilium accipit, vt cæteris in
Orientem verſis, ipſe auratum altiffimæ turris
conum

conum fixis oculis intueatur, quem ubi relucere radiis solis videt, iam ortum solem exclamat, & non suo lumine fulgentia fastigia ostentat. Dignum diademate iudicant conserui. Quia tamen supra ingenium serui e illam solertiam existimabant: an ipse sibi auctor cal- lidi consilij esset, an alium doctorem habuerit, exqui- runt. Ille dilaudata Stratonis in se moderatione, & modestia, abscondisse se, & pepercisse Innocuo seni fatetur: nec mora ad eum consensu itum est, qui mor- tem metuens in solio collocatus, regem clementem, & æquum egit, regnumq; filio, & posteris reliquit. Benè igitur mereri de seruis conabere: nam prodesse, & ob- esse possunt, aut si ista non valent, linguas eorum me- tue,

Lingua mali pars pessima serui.

Irati mala quæ inferre nequeunt, imperantur. Pon- dus infaustum est mala familia, Dominum obsidet, non cingit. Arbor est inexhausto studio colenda. Chri- stiana disciplina etiam forminis eam curam imperat, quemadmodum [r] Clemens Alexandrinus ex An- tip. docet. Non enim ad hoc clauēs tenent, vt pictæ
 s 1. Tim. ad spectaculum sedeant, sed domum regant, [s] vt A-
 3. 4. postolus iubet. Domum non minus existimat [r] Ta-
 c In Vita citus, quam prouinciam regere. In illa prima cura fi-
 agrico- liorum: illos sedulo curandos monet Ecclesiasticus
 la. u c. 7. 25. [u] [x] & cauendos. si mali. à filijs tuis caue & à domesti-
 Domum cis tuis attende. [y] Nec indulgendum ultra ratio-
 regere ma- nem. Lacta filium & pauentem te faciet: lude cum eo & con-
 gnum est. tristabit te. Seruorum, omniumq; domesticorum ea-
 x c. 32. dem cura sit: nec enim filij frugi erunt, vbi serui im-
 26. probi. Qualis Syrus, talis Pamphilus. Quare Deum
 y 30. 9. audi, [z] & Mosen. Et quem ante produxi, Ecclesia-
 z Lem. sticum. [a] Non ladas seruum in veritate operantem, neq;
 19. 13. mercenarium dantem animam suam. Seruus sensatus sit tibi
 a Eccli. dilectus quasi anima tua, non defraudes illum libertate, neque
 c. 7. 22. inopem derelinquas illum. Et [b] si est tibi seruus fidelis, sis
 23. b Eccli. tibi quasi anima tua: quasi fratrem sis cum tracta: quoniam
 33. 31. in san-

in sanguine anima comparasti illum. Cur vero in aulis magnatum tanta sit malorum multitudo, causam Salomon ostendit, cuius verba consideranda propono. [c] *Eccli. 33. 25. 26. 27. 28.*
 cibaria, & virga, & onus, a fino: panis, & disciplina, & opus seruo. Operatur in disciplina, & querit requiescere: laxa manus illi & querit libertatem. Iugum & lorum curuant collum durum, & seruum inclinant operationes assidua. Seruo male uo tortura & compedes, mitte illum in operationem ne vacet.

Quod autem multi domini seruos habeant improbos, causa est eorum male cōposita vita, qui similes amant à piis quasi censoribus abhorrent. Dantes poëta *Domini* prudens, & oris quam pauperi vtile esset, libertioris, *malis amāt* Veronæ apud Canem honeste habebatur, erat in ea *se uos si- milis.* dem principis familia scurra & stolidus, qui inopiam Danti ferox exprobrabat, quætebatq; cur cum tanta sapientia egeret? & quando tandem felix futurus esset? respondit ille: Vbi Dominum sibi similem adeptus esset. Reuera bonos seruos multi refugiunt, malos amāt: non enim honesti duntaxat obsequij, sed cupiditatum malarum quoq; quærunt administratos, aut sane laudatores. Vitant eos, quos verentur. Probitas autem ubiq; venerabilis est.

C A P. XXXV.

Oeconomia ratio in adibus magnatum.

§ 1.

OEconomia alia regia est; alia Satraparum, alia ciuium, seu priuatorum. De regia in Politicis dixi, de secunda & tertia iam dicam: Nam in aula sunt magnates, & procures, Danieli & Satrapis pares. Et minorum gentium Palatini ciuibus non dissimiles. Est vero *Oecono-* *mia Pala-* *tinorum* *facile pe-* *rit.* *Q* *fran-*
 conomia domus, & sumptuum iusta & prudens administratio. Procella rei familiaris aula est incautis, non quæ vnus anni prouentum anticipet, quæ à calamis

frangendis calamitas dicitur, aut oleas vitesq; flagellat, sed quæ fundos haurit integros. Plures enim in regum seruitio rem frangunt, pauci ditantur.

De Oeconomia Danielis singulatim scriptum non est. [a] Captiuus ad aulam venit, nulla re, nisi virtute diues, ne suus quidem, sed possessio victoris. Deinde vero consecutus est magnas opes. [b] Tunc rex Danielē in sublime extulit, & munera multa & magna dedit ei: & constituit eum principem super omnes prouincias Babylonis, & praefectum magistratuū super cunctos sapientes Babylonis. Quod [c] veteres referunt de comœatu, qui Babylone fuit eo tempore, quo Darius, & Cyrus urbem ceperunt, Danielis prudentia collectum nonnulli in annos viginti repositum scripserunt. Insignem fuisse in prudentia Oeconomica constat ex eo, quod Darius inter tres principes eum esse iussit, cui centum viginti satrapæ de. 6. 1. 1. 3 redderent rationem. [d] Placuit Dario, & constituit super regnum satrapas ceterum viginti vt essent in toto regno suo. Et super eos principes tres, ex quibus Daniel vnus erat, vt satrapæ illis redderent rationē, & rex nō sustineret molestiam. Igitur Daniel superabat omnes principes & satrapas: quia spiritus Dei amplior erat in illo. Hoc quoq; indicatur, reges hæc ten' molestias rationū & Oeconomice sustinuisse: Darium iam sexaginta & duorum annorum eas fugisse. Sane res ipsa docet præstantiorem Oeconomum non fuisse, nō modo regiæ, sed domesticæ quoq; : si enim domui suæ prouidere non potuisset, quomodo tantæ Monarchiæ rationes tractare potuisset? Regiæ quoq; Oeconomix specimen dedit in Xerxe. [e] Et quartus ditabitur opibus nimis super omnes. [f] Deinde Alexandri quoque potentiam iudicat, qui rex fortis dominatus est potestate multa: opes erant magnæ, non modo lata regna, multa sunt enim regna vasta, sed æraria vacua, at Alexandro, etsi multa largiretur, triginta mulorum millia aurum captiuum ferebant.

Alexandri
opes.

ec. 11. 2.

fc. 11. 3.

§ 2.

Sumptuum modus civilis est; ne reditum superent ^{sumptuum} expensæ. Sumptuum ratio quæ Deo redditur ne ullæ ^{ratio ci-} sint inutiles expensæ, opes datæ sunt in usum virtutis ^{utis, & spi-} ociosum verbum culpa est, ociosi, & quæ nulli profunt ^{ritatis.} sumptus, in Deum iniuria est, & in pauperes. Quod enim inutiliter effunditur, superfluum erat, illud autem pauperibus debetur. Verum ea de re propria erit tractatio, nunc de civili sumptuum temperatura sermo est. Profusio parit æs alienum, calendas formidabiles, hinc discursatio creditorum, rigida postulatio, lenta solutio, debitorum inficiatio, præstitæ operæ neglectus, mercedis pactæ defraudatio, munerum captura, iudicia precio venalia, concussiones, aulicis multis non insue- ^{Aulici se-} ra: quæ domos principum vehementer infamant. His ^{musuo} malis implicantur fere, & sumptu prodeunt æmulatio ^{perdunt.} ne potentiorum, famulatio, equis, vestitu, ædificiis, cō-
uiujs certant. indignum putant illis cedere, quibus sunt impares. Huc impellit fastus dissipator opum, ut nouo opus sit patrimonio, quo nihil habeant. Paupertas potentium in flagrantissima opum cupiditate & male suada est, & malefica. Amphiaræum hiatu terra absorbit, proceres terram ipsam sorbent, quos Scyllæ, & Charibdi, imo ipsi Oceano comparat Tullius, qui tot res, tam diuersis locis positas hauriunt. Decoram prodigalitatem existimant, & di- ^{Æs ali-nt} gnitati conuenire, errore exitiabili, Decorum enim ^{non con-} est, suo quemque se pede metiri, pro opibus mœnia ^{trahendū,} exstruere. Haud leue conscientiae vulnus infligit, qui æs alienum contrahit, cui non sit soluendo, furti enim genus est, & imposturæ, quod Romuli lege morte plectebatur, si enim soluendo non erant, sententia inhumana proferebatur: *Patres secanto.* Si enim crimen est, apparatus & splendore vitæ rem dilapidare, ut fame tabescat pauper, magis iustitiæ aduersum est, si creditor perit, si hæres proscribitur de patrum luxu mendicis.

Q 1

Atte

At retinenda est auctoritas, & decus nobilitatis. Ingens omnino stultitia. Nullius magis attrita est existimatio, quam nobilium pauperum, quos exercet fenerator Alphius.

Quos rigida compellat voce Secundus.

*Auctori-
tas pars
monia
quaritur.*

Grauat illa paupertas & genus, & proavos, onus etiam ipsa sibi. apud plerosque tanti quisque est, quantum habet. Sapientibus videri magnus non potest, qui plus erogat, quam habet: cuius domum creditores obsident, aures querelæ. Cuius mali causa crebro sunt ipsi reges, qui cum propria dilapidant, aliena rapiunt, simul prodigi, & raptores. Hinc Palatini æs alienum non dissolunt: à rege enim salarium sibi solui negant, *g Sigon l. 6.* [g] Theodosius ut modum sumptibus poneret à se, & palatio censuram inchoavit, leges deinde sumptuarias fecit. Nam quando luxuriæ, & superbiæ certamina inualescunt, vix resisti potest, non possunt catarrhactæ inhiberi, cum obex ablatus est, nec infania de splendore pugnantium, ex quo sequitur egestas & prædæ, nullo discrimine. Exemplum est avarus, & prodigus tyrannus. Facinus, qui cum à Gibellina factione Ticinum admissus omnes expilaret, amicos & hostes, querentibus respondit, Eos quidem Gibellinos esse, opes facultates Guelfas.

§ 3.

Magna publice sollicitudo regibus fuit, ne nimio sumptu subiecti perirent. [h] Augusti Oeconomia, mentis, & supellex vix privatae elegantiae fuit. Matthiae Coruino Vngarorum regi non aulae, non gemmata pocula, sed omnia etiam domi Martia, & ad arma spectantia. [i] Cato pellibus hedinis pro dapetibus utebatur, Agesilaus domum habuit pauperi, quam regi conuenientiore. Augustus substructiones intra septuagesimum pedem coercuit. [k] Fabricius patram & salinum ex argento ducibus exercitus in censura sua concessit. iam centurionum tabernacula auro splen-

*h Suet in
August.*

*i Val.
l. 4. c. 3.*

*k Alex l. 5
c. 24.*

splendent. Ælius Catus duo pocula argenti, à Paulo Macedonico legata solum habuit. Constantius Chlo-
 rus Constantini magni patens, si conuiuium exhiben-
 dū esset, mutua vasa ab amicis petebat. [l] Tiberij tertij <sup>l Cedren. de
Tiber.</sup>
 magna cura fuit luxum vestium reprimēdi, Nabathæo-
 rum fuisse accuratam Oeconomiam docet [m] Strabo. ^{ml. 18.}
 Insignis etiam Oeconomus fuit Otho Bambergensis, ^{c. 36.}
 illius Ecclesiæ tabulis laudatus. Prudentis patris fami-
 lias est, leges eas anticipare, facere suo cōmodo, quod
 vtile est. Cato quem merito opulenti & nobilibus ac-
 censeo, domum definit esse paruam ciuitatem, cui ni-
 hil sit superflui, nil desit. Eius laudem, & officium, Be-
 ne pascere, Secundo, satis bene pascere. Tertio, bene
 vestire. Quarto, Bene arare. Hæc enim familiam faci-
 unt fidam, si Domini humanitas accedat, quod inaxi-
 me iuuat Oeconomiam: vbi enim familia alienata est,
 & offensa, nocent, damnis non occurrunt, & necessa-
 rio Dominum ad inopiam redigunt. Thales itaque o-
 ptimam Oeconomiz rationem esse illis in ædibus di-
 cit, vbi ex fidelitate ministrorum dominis plurimum <sup>Fœmina
Oecomo-
miam cu-
rent.</sup>
 ocij conceditur: quod ocium Palatinis ad aulicas, &
 publicas functiones necessarium est. Cui rei conducit
 in primis coniunx fortis & prudens, qualem Salomon
 describit. [n] *Mulierem fortem quis inueniet, procul & de* ^{Pro. 31.}
ultimis finibus precium eius. Confidit in ea cor viri, & spoliis non ^{10. & seq.}
indigebit. Quæsiuit lanam & linum, operata est, consilio ma-
nuum suarum. Hanc prædicat nauem institoris, noctu o-
 perantem, pascentem, domo sitcos duplicibus vestien-
 tem, negociantem, agros considerate ementem, inopi-
 dantem. Et ne dictum hoc matribus existimemus, quas
 labor ruri atterit, soles exurunt, nobilis fœminæ opera
 recensere se affirmat. [o] *stragulatam vestem fecit sibi: bys-* ^{o Pro. 31.}
sus & purpura indumentum eius. Nobilis in portis vir eius, quæ- ^{22. & 23.}
dosederit cum senatoribus terra. Fœmina timidior natura,
 rerum optima custos est, telum texit, coniugium curat.
 Quæ si sumptuosa est, magnas opes labefactat, quic-
 quid acquiritur in vas pertusum mittitur. Si ex lege Sa-

lomonis viuit, domum seruabit. Talis Anna Wandala, ex Vasconibus regibus oriunda Vladislai Vngariæ regis coniux, aulam, & regnum dexteritate conseruauit. [p] vt Bonfin.

p Dere-
bus Vng.

§ 4.

Eargitio-
nes inu-
les.

Qui magnos sumptus faciunt, vbi parui faciendi sunt, è contrario, vbi magnificentia ostendenda est, præparci sunt. His nihil satis est, nihil turpe, Henricum Tuncelium vestitum preciosis pellibus videbant aulici Ludouici regis Vngariæ & Bohemiæ, regi persuadent, vt sibi donari vestem petat, Henricus negat petenti, causatus aulicos eius iuuenes esse, minus egere pellium integumentis, quam se senem: quo & illorum peracitatem, & regis facilitatem perstrinxit. Illi enim tanquam aureum veruicem tondebant, & deglubebant, & cum regi nihil esset, eum ad aliena rapienda impellebant, quæ tum maxime aguntur, cum homines improbi reges in suam potestatem spoliatos redigunt, & principis nomine prouincias expilant. Faceta est ratio Oeconomix, quam Crates in Ephemeride posuit. Coquo decem minas, Medico drachmam, adulatori talenta decem, consiliario famam, scorto talentum, Philosopho triobolum. Non suspicor tam improbas in Christianis magnatibus rationes: Ipsi tamen videant, quantum abeat in res non necessarias. Sibi persuadeant, nihil tam necessarium, quam scire, quid sibi sit necessarium. Multa supellex pondus est inutile, multi equi grex noxius, multi ministri pompa ad paupertatem, preciosæ vestes tinearum commearus, eleemosyna thesaurus in cælis. Minus miradentur ista videri, si veterum disciplinam recolentibus, Regum vxores cibos parasse Herodotus auctor est. [q] Palamedes bello Troiano sibi ministrabat, seruus & Dominus. Phocyon vxorem duabus ancillis contentam esse iubebat. Marcus Curius dentatus duos calones, [r] Scipio famulos quinque, & cum his Consul

q l. 8.

r Plu: in
S ip

sul fuisset septem, Caro duos, & bubulcos habebat, qui facile sumptu exercerent suum. Innocentius Sextus, & Platina [s] familiam minuit, & ut idem facerent Cardinales, imperavit. Hoc modo & rebus suis, & sibi consulit. Nam ut rectè Petrarcha, multitudo famulorum facit inquietos; &, quod experientia docet, pauperes.

C A P. XXXVI.

Aula accuratissimam verborum cautionem postulat, maiorem senatus.

¶ I.

NVsqum opus exquisitiore curâ, in consilio dando, in conuictu, & familiaritate: ubi nutus, & colores observantur, & ipsa silentia censentur loquacia. Ne tum quidem cum loqui iussere dominantes, vox libera est. Ingenia potentum norat, qui dixit, [a]

*Periculum
lingue in
aula.
a Sen. in
Oedip.*

Odere reges dicta, quæ dici iubent.

Notum quoque multorum exitio illud Sophocleum:

Magna verba, magna plaga.

Ne aures quidem securæ. aliena gesta narrant, atque euenta, ut iudicium sensumque eliciant, aut vultus oculosque scrutentur, quo ad ferendas suspiciones animum habeant. Silentia carpuntur, quasi subdola. & quamvis maior libertas à tyranno non petatur, quam ut silere liceat, non semper tamen tuto licet. Apud Neronem capitale fuit frigide diuinam principis vocem laudasse. Difficile autem est vera & grata dicere. nam falsa profari nefas. Incauta dicta raram habent apud magnates veniam. optimè dicta carpunt obrectatores.

Q 4

¶ 2.

§ 2.

- Daniel in tanta negotiorum multitudine, & gravitate, verbo lapsus non est. [b] Nec enim inimici ullis ex sermonibus occasionem accusandi habuerunt, nisi ex illis, quos ad Deum habuit. Magnum linguæ rectè gubernatæ encomium, si in illa nihil omnino fideles reprehendant, impij solam pietatem loquentis accusent. nec mirum: quid loquendum sit, à Deo exquirat. [c] *Sociis suis indicavit negotium: ut quærerent misericordiam à facie Dei cæli super Sacramento isto.* Chaldaeorum sapientes temerè loquuntur, somnium ignorare se fatentur, interpretationem promittunt: [d] *Rex somnium dicat servus suus, & interpretationem illius indicabimus.* Quæ cum vanè dicerentur rex incautos refutat. [e] *Certe novi, quod tempus redimitis, scientes quod recesserit à me sermo.* At illi stultissimè sapientes, verba improba, vana, contra ipsos valida proferunt. [f] *Respondentes ergo Chaldaicorum rege, dixerunt: non est homo super terram, qui sermonem tuum, rex, possit implere: sed neq; regum quisquam magnus & potens verbum huiusmodi scitatur ab omni ariolo, & mago & Chaldaeo. Sermo enim, quæ tu quæris, rex, gravis est: nec reperietur quisquæ, qui indicet illum in conspectu regis: exceptis diis, quorum conuersatio nō est cum hominibus.* Si nemo scire somnium potuit, quod transactum erat, cuius species obscuratæ in regis mente hærebant, quam incautè fatebantur, se interpretationem allaturos, hoc est rerum futurarum euentum? An ad solos deos pertinebat somnij cognitio, non etiam interpretatio? Semper incauta est nimia sapientia, quid igitur de ariolis, qui suæ vocis indicio, velut forices perierunt, rex constituit? Daniel recenset: [g] *Quo audito rex in furore & in ira magna præcepit ut perirent omnes sapientes Babylonis.* Regis temeritate magorum professio punitur. Duo planè sunt in Daniele admiranda, quæ loquendi innocentiam ostendunt. Primum est summa eius libertas sine offensa. [h] *Nabuchodonosorem repre-*

b c. 6.
Daniel
cauere
docet.

c c. 2. 19.
Mali in-
cauti.

d c. 2. 7.

e c. 2.

f c. 2. 10.
11.

Incauta
disputa-
tionis fi-
nis.

g c. 2. 12.

h c. 4. 21.

reprehēdit. [i] Baltassarem increpat, & prēmio dona-
 tur. [k] Israēlitas puer obiurgat, & paretur, senes iudi-
 cat, & saxis obruuntur. Alterum est illius cum angelis
 fermocinatio, & quidem cum archangelo Gabriele,
 quas familiariter rogauit, & audiuit: & ab illis, qui
 verbum nullum, nisi Dei iussum proferunt, didicit gu-
 bernare linguam humanam, angelicis colloquiis exer-
 citam. [l] Dimidia enim pars prophetiæ illius vel ora-
 tione ad Deum, vel angelorum alloquio constat, cœ-
 lestes itaq; linguas discere Daniel incepit, & iam cœlo
 maturus nouas amicitias, ac familiaritates sectari. Re-
 gendæ igitur linguæ Daniele virum desideriorum, fam-
 ilyliorum contubernalem, aula ducem veneretur, ac
 sequatur. Lingua celere malum est, mentem crebro
 præuertens, cuius retinaculum est oratio, & conside-
 ratio.

ic. 5. 27.
 k. c. 14.
 Danielis
 libertas.

l. c. 7. vsq;
 ad libri fi-
 nem.
 Daniel an-
 gelorum
 familiaris.

§ 3.

Incautæ locutionis multa mala sunt, Ecclesiastes
 nervosa similitudine explicat. [m] *Sagitta fixa in fa-*
cie, sic verbum in ore stulti. Jaculum in vultu fixum sum-
 mos adfert dolores, tegi non potest, faciem deformat,
 maior linguæ insipientis perniciēs. Multos præsta-
 ret esse elingues, quam male loquentes, an vero tibi
 Crocodilus, quod lingua caret, mutilus videbatur,
 quærit ex Cardano [n] Scaliger: & respondet, *Vti*
nam maximè hominum parti lingua potius, quam cornua de-
essent. [o] Vincentius vehementer rogatus fœminam
 mutam sanare recusauit, quod diuinitus sibi reuelatum
 esset, lingua illam ita abusuram, vt in æternum da-
 mnaretur, si loqui posset, itaque post annos septem
 muta, sed pia mortem obiit. Mille exempla sunt eor-
 um quibus lingua cladem attulit in aulis principum:
 obuia sunt, & quotidie noua nascuntur: nam vt
 beluæ carniuoræ in singulos dies noua cæde fauces
 cruentant, sic & lingua malum indomitum, quod
 mansuescere non potest, licet feræ cificentur. Hoc

n exere..
 181.
 Lingua
 abusus.
 o Surina.

Q 5 me-

meminisse oportet, quoties loquimur, de nobis fieri iudiciū. *Loquere*, inquit Philosophus, *ut te videam*. Diu tacere stultus non potest, non enim loquitur, cum res exigit, sed cum lingua prurit, quam tam continere non potest, quam non irasci.

§ 4.

*Multilo-
quium
vitan-
dum.*

Vis non errare lingua! consule omnium dicendorum veritatem, & veritatis opportune proferendæ utilitatem: atq; ita demum loquere. ne propterea: Elige quod loquaris, sicut eligis quod emis, quod edis. Audire gaudeas, loqui metuas: ita disces cum voluptate, loqueris absq; discrimine. Phocas dum procacius loquitur Cæsari, alapa cæsus est, contumeliam parricidio vindicauit, & ipse quoque miserrimo exilio periit, ut Sozomenus, & Theodoretus recensent. Considera, ne sortiari quid dicas. Sic fabulas, & multiloquium vitare disces. Non est eloquentis multa loqui, sed apta. Vlysses cautus, & brevis, disertus tamē habitus est. Vigilanti etiam sit linguæ quies. Loquaci euenire solet, quod illis, qui in somno loquuntur, & ambulant, nec enim quæ loquuntur, nec quæ agunt, iudicio faciunt. Horum ridicula est loquacitas, quos paræmia condemnat, de fabulonibus usurpata, *Ex tympano comedi, & cymbalo bibi, factus sum mysticus*. Semper falsi suspicionem adfert multiloquium: nam veritas multis verbis non eget. Ideo enim laudabile breuiloquium, quia silentio finitimum est. Aulæ contracta imagines abduunt, explicata ostentant, oratio longa totum animum nudat raro formosum, hoc est, prudentem; Videri volunt eloquentes, & tædio occidunt. Respondebant Spartani prolixæ orationi, priora se oblitos, ideo posteriora non intellexisse. Graues sunt principibus, & collegis in quo mirabiles videri volunt aulici dum longi sunt. Ad Urbanum septimum incommode habentem venerant oratores Perusini, eorum alter prolixissimam orationem nauseabundo recitauit, qua absoluta, Pontifex quæ-

quæsiuit; An aliud à sua repub. mandatum haberent? Tum collega eius, qui verbositate audientem afflixerat: Habemus mandatum, vt nisi continuo negocia nostra expediri iubeas, orationem suam socius meus de integro tibi recitet, delectatus vrbauitate Urbanus postulatâ concessit.

5.

Et si tam facilis linguæ lapsus, difficilisque cautela, non omnino tamen fugienda colloquia. Tacere plurimum, sed ad ea quæ opus est, vrgente vsu respondere prudentis est. Si vitia culpanda sunt, aut monendi magis, Dei spiritu & caritate fiat. Qui carpentis, *Quomodo loquendū,* iridentis, vel insultantis speciem monendo præbet, vitia irritat, non emendat: Sui odium, non virtutis amorem inferit. Apollodorus ob perpetuos reprehensionum aculeos *μαυινός*, hoc est, furiosus appellatus, nullum correxit, omnes offendit.

Dæmonactis aurea doctrina est: optime ab illo prouinciam administrari, qui *minimum loquens, plurima audiat.* Garrulitas enim malum difficile est, & molestum. Eius proprium detrimentum est, Non audire: profluunt verba mente cassa, Verborum flumen est, gutta sapientiæ. Multi errores illo in amne nantant. facete Demosthenes homini garrulo: Si sapuisset, nunquam tam multa locutus fuisset.

Prudentis animi murus est silentium.

Viranda non mala duntaxat alloquia, sed inania quoq; quæ quia bona non sunt, mala fieri necesse est. Justinus martyr, [p] Christianos ita viuere & loqui *p de vita Christi.* assuetos docet, vt nihil nugandi causa dicant: quæ falce omnia verba ociosa non modo in religiosis conuentibus, sed in aulis etiam amputat. Sola mens rea linguam ream facit: illa sit integra, vt hæc bene gubernetur. Sine vanitate, sine fraude iusta, & salutaria loquamur.

§ 6.

¶ 6.

*Materia
sermonū
in aula.*

*q Mom-
bur. T. 1.
Sur. T. 1.*

*Pruden-
tium in
hymno.*

*1 Petrus
de natali
bus.*

*Gratum
est Deo
laudare.*

Quid igitur in aula loquemur? Quod ille dederit, qui linguas infantium facit disertas. Immensa est materia, Deus ipse, laudetur ille, qui laudabilis, & gloriofus est in sæcula in commune illud vtile est: adeo gratum creatori, ut multis prodigiis approbarit. [q] Romanus Martyr nobilis Antiochiæ cum inter cruciatus oranti lingua abscinderetur, vacuo ore concinnius in Dei laudem verba formabat. Pari potentia numinis [r] Florentius & Hilarius resectis linguis, carunculæ excisæ vices implente Spiritu sancto, perfectissima eloquentia Deum prædicabant, donec gladio ferirentur. Germanus antistes Antisiodorensis dum canit Alleluia, hostes in fugam vertuntur. Nemini deesse potest, quod loquatur, si Deum nouit.

Deinde virtutem commendemus, contra vitia disputemus. Nemo tam impudens, ut hæc defendat. Qui virtutem laudat, Deum laudat.

Defendamus innocentes, ut lucremur persequentes, & obtrecentes. Vectius Epagathus aulicorū eruditissimus, non ubique modo pro Christianis loquebatur, sed in medio etiam sævitæ furore aduocatum se publicè obtulit, celeremque mercedem accepit sanctæ professionis, à Cæsare supplicium, à Deo coronam. Et ne multa dicam, totus mundus liber est,

totus inuitat ad auctorem. Absint à pectore pra-

uæ cupiditates, non eructabunt cum fa-

stidio audientium verba im-

proba.

* *
* *

C A P.

CAP. XXXVII

*Contumelia, calumnia, obtreſtationes in aula,
vrbe, curia.*

§ I.

DEterius omne meliori inſidiatur, ſi perdere non poteſt, contaminat. Teſtimonium mundas ipſe ſemper in peius labens præbet apud [a] Daniele. a c. 2. 31. Aureum capitis fulgorem deſtruit argentum, Chaldæum Perſa ignobilior, hunc Macedonum ærugo, quam ferrum ignobile, & lutum de fæce Romuli comminuit. Quæ pugna eſt inter ſe Monarchiis, ea- Calumnia dem eſt ſingulis. minor maiorem, peior meliorem cum peioris re non poteſt, verbis, & calumniis exagitat. Quam a- sunt. cerba calumnia Chaldæorum? [b] Sunt ergo viri Iudæi, quos conſtituiſti ſuper opera regionis Babylonis, Sidrach, b c. 3. 13. Miſach, & Abdenago: viri iſti contempſerunt, rex, decretum tuum: deos tuos non colunt, & ſtatuam auream, quam erexiſti, non adorant. Nec Daniele rex ſine contumelia appellat, [c] Tues Daniel de filiis captiuitatis Iudæ, quem ad- c c. 5. 13. duxit pater meus rex de Iudæa? Et proceres Medi ac Perſæ: [d] Daniel de filiis captiuitatis Iudæ non curauit de lege d d. 6. 6. 13. tua, & edicto, quod conſtituiſti. Daniel ſenes iudices aſpere compellat, vice Dei iudicans, & ſpiritu Dei doctus: [e] Inueterate dierum malorum. [f] Et: Semen Chanaan, & non Iudæ. Hæc non eſt contumelia, ſed iudicij veritas. e c. 13. 52. Neceſſe eſt aliquando non quidem inferre contumeliam, ſed manifeſtare delicta. Magis nocet, qui 53. mala cælat, quam qui nocentem accuſat. Ille multos f c. 13. 56. lædit, hic vnum emendat. Optimos quosque in aula Crimen calumniæ ſternunt, aut aſſlant, ſubtili fulmine, cuius nox: sum ante cladem violentia non videtur, & mors ſine vulnere. non colandum. Nota aulicæ calumniæ exempla, Joſephus, Miſphiboſeth, Nabothus, Hippolytus, Tenuus, Bellerophon,

phon, Myrtilus, Timasion, Crispus, Sigeticus, Bonifacius, Aëtius. Vix aula vlla etiam sancti principis illò decore caruit.

Contumelia ma-
lam.

Contumeliæ finis est, probro afficere præsentem, irridere. Calumniæ falsum crimen imponere. obtre-
ctationis famam lædere, quæ omnia ad despicien-
tiam, vexationemque pertinent: atque inter fami-
liares inualescunt, ac demum in rabiem exeunt. Ut
merito quemadmodum illorum comæ, qui bacchico
furore hydri incincti, lymphatique discurrunt, ita
maledicorum linguæ serpentibus coronari dicantur,
mordent vbi facultas est, & venena fundunt, vbi soli-
do illudunt, vbi felli draconum est obsepta via, quod
vnum possunt, sibilant, quid non possint, ostendunt.

g Naz.
orat. I.

[g] Nihil hominibus adeo suaue ac iucundum est,
quam de rebus alienis miscere sermones, præsertim si
benevolentia, vel odio trahantur, qui aduersi sunt ve-
ritati affectus.

§ 2.

Qui profert contumeliam insipiens est, obtre-
ctator detestabilis. nemini tolerandus. Diogenes maledico
& caluo vnum respondebatur, ad cætera tacitus. *Iam
laudo capillos tuos, quod tam improbam caluam fugerint.* Hoc
primum maledicentiæ malum, quod eadem via oc-
curratur. malè roganti, malè respondetur. [h] Qui quæ

h Sophocl.
Eurip. in
Andron.

non vult dicit, quæ non vult audiet. Et in hoc certami-
ne par pari refertur, quin augentur mutuo concussu,
& percussu ignes, ex vno verbo cædes & bella na-
scuntur. Sermo levis haud leuiter volat, grauitè vul-
nerat, ut Bernardus. Amygdalum pruina, concordiam
contumelia exurit. Quapropter ne legitima quidem
accusatio à canonibus admittitur, nisi de radice cari-
tatis procedat, si cum irrisu, aut contumelia, repudia-
tur. Atheniensium hoc in genere nota erat rabies, a-

pud

pud quos nemo bonorum morsus illos serpentinos
 an fugit, & quibus sanata sunt vulnera, mansit tamen
 cicatrix: Erat in illa plebe ficus super ficum. Fano & a-
 râ contumelia, & impudentia colebantur, [i] vt Cice- i l. 2. de la-
 ro, & [k] Clem. Alexandrinus docent. Abydeni & gib.
 Moschi ad calumnias sunt propensi. Apud Constan- k Exhort.
 tium notus calumniator erat Mercurius, etiam somnia ad gentes.
 ad aliorum pericula trahebat. Et Paulus quidam Cate-
 na dictus: de quo multa [l] Ammianus. Talis Acacius l. 14.
 Cyrilli apud Constantiū accusator. de quo [m] Theo- m Hist.
 doretus. De calumniatoribus S. Narcissi [n] Ful- Eccl.
 gius. Insigne etiam exemplum in aula Alexandri: Re- n l. 8 c. 1.
 gi carus videbatur [o] Dioxippus, procures inuidia po- o Diod.
 culum aureum clam sublatum sub puluino posuerunt, l. 17.
 quâ contumeliâ tantum doloris concepit, vt scriptâ
 prius epistolâ, quâ innocentiam suam contestaretur, se
 manu suâ interemerit: furti enim conuictum pronun-
 ciabant.

§ 3.

Contumelia etiam putatur ab illis, quos pulsar, *Contumelia etiam*
 cum ex vero dicitur. Multi petiêre, dum vera crimi- *in vero crimi-*
 na exprobrando, aut irridendo obiectant. Qui se-
 uerum, verè seuerum, verè imperatorem nominis
 sui, verè pertinacem dixêre, trucidati sunt. Tacui-
 se oportuit: Infrenis oris vestigal est hæc calamitas.
 Alexandrini importunâ dicacitate Bassianum Cara-
 callam Oedipum, Juliam nouercam eius, quam vx-
 orem duxerat, Jocastam vocabant, qua de causâ mul-
 ta cæde bacchatus est, & aliquot millia cecide-
 runt. Verum erat conuictum, sed exprobratio ir-
 ritabat. Domitianus Elia Lamiæ vxorem eripuerat,
 hortabatur eum Titus imperator, vt aliam duceret.
 Tum ille: *Ant tu quoque eripere mihi vx, vt frater tuus?* Do-
 mitianus libertatem asperere dicentis gladio ultus est.
 Hera-

Heraclius dum Saracenos stipendia postulantes appellat canes, causam dedit, ut multis annis ab illis imperium lateretur. Et si peccasse fateantur, obiici tamen nolunt: nec fieri debet. Ex scintilla fit incendium,

p Doctri-
na 8.

ut [p] Dorotheus, *Accendit quis ignem, primum habet carbunculum, id est, verbum vnicum, quo quis fratrum affligitur. Quid vnicum fratris verbum est, si illud a quo animo feras? illico ignitum carbonem extinxisti. Sin vero post verbum illud tute tecum pergas cogitare & dicere, hoc mihi cur dixit, quid rei mihi est cum ipso? nisi me affigere voluisset, hoc non esset locutus, sed ne dubitet, se quoque à me pariter remordendum. En verbis huiusmodi & cogitatione adiecisti ligna & fomenta, ut qui ignem accendit, capistiq, fumum excitare, quæ est ipsa perturbatio.*

q Prou.
16.28.

Pœna ca-
lumnia-
torum.

r In Aug.
Neron. &
ceteris.

Plerumque fieri solet, ut qui alienos mordere se putant, proprias vocent carnes. [q] *Verbosus separat principes, in se vero concitat.* Augustus primum leges contra delatores tulit: sub Tiberio regnarunt. Nero præmia eorum ad quartas redegit. Vespasianus flagellis per theatra cædebat, Domitianus expulit, [r] Suetonius. Moderatè Antoninus, si non probaret capitis supplicium irrogabat. Macrinus undique conquestos puniebat. nec tamen cessant, ne hodiè quidem talibus carent aulæ. Deo & hominibus in pœnas intentis pergunt maledicere, accusare, ridere. *Derisoribus constituta sunt iudicia, [s] ut Salomon protestatur. [t] Honor est homini, qui separat se à contentionibus: omnes autem stulti miscentur contumeliis.* Causas deinde removere iubet. [t] *Eiicè deteriorem, & exhibet cum eo iurgium, cessabuntq, causæ & contumeliæ.* nam odia etsi celantur, sese tamen produnt. Abîcondat licet corde profundo, infra ipsos inferos, in solem tamen prodibunt.

Cōtume-
lia non in-
ferenda,
sed feren-
da.
x Tur. de
vita SS.
6.6.

§ 4.

Contumeliæ acerbitas in Ennodio senatore, & patientia iniuriæ in S. Gaillo Episcopo Aruernensi apparuit. [x] *Erat Gælius ex prima nobilitate Franciæ, sum-*

mæ

ma auctoritatis in aula Theodorici regis, qui illius ad Episcopatum eligendi fuit auctor, ciuibusque inau-
gurationis die epulum præbuit. Ennodius inuidia &
ambitione feruens contumeliis, calumniisque virum
sanctum vexabat. Ille nullo verbo respondebat, tem-
pla precatum adibat: cum in conuiuio alapa caderetur,
nec animo commotus nec asperiore verbo de in-
iuria questus est. Vicit patientia iniuriam, modestia
ambitionem, Ennodius in media platea occurrens,
genibus aduolutus veniam orabat, & promptius ille
dabat, quam petebatur, qui iam dudum ignouerat,
& pro inimici salute lachrymas precesque fuderat,
monuit tamen vt senatorem Episcopus, vt pastor o-
uem, in posterum conuiujs abstineret, futurum et-
iam prædixit, vt episcopatu, quem ardentissime con-
cupierat, arceretur. Parnit Ennodius, spem tamen e-
piscopatus non posuit, paulo post vt Ecclesiæ Gabe-
litanæ præficeret, electus est, atque in ipso momento
adeundæ dignitatis, cum sacris ceremoniis iniciandus
esset, orto tumultu deiectus est, & vix iratorum ma-
nus viuus euasit, summa cum ignominia, qua & pœ-
nas pristinæ obtreactionis dedit, & viri sancti prædi-
ctionem ratam ostendit, simul anxiam ambitionem
posuit. Diuersa, sed durior fortuna [y] Bristij, qui
S. Martinum exagitauit, senem delirum vocitando, a-
liaque conuitia ingerendo, pro illo sanctus orauit; vt
sibi in episcopatu succederet: quod quidem consecu-
tus est, sed multis calamitatibus, & contumelijs ob-
iectus miseram & laboriosam vitam egit.

Pœna non adeo grauis, facta tamen consentanea, illata sacerdoti, qui S. Nicetum stolidum appellarat:
oris maledici supplicium fuit, vt deglutire salinum
per quadriaginta dies non posset, sed more fatuorum,
& insanientium inuitis humor deflueret. Sabinus &
Crescentinus, [z] Gregorium Agrigentinum in Sy-
nodo centum quinquaginta patrum accusabant stu-
pri cum Eudocia puella commissi, & illa pecunia cor-

*Tur. de
S. Mart. &
sulpitij
Martini
Bristij.*

Nicetius.

*2 Metaphr
Sur t. 6. Li
pont. T. 5.*

R

tapia

rupta in dedecus suum mentiebatur, ut innocenti probrum inferret. Laborabat oppressa testimoniis innocentia. Deus fraudem patefecit, nam dæmonem inferorum carnificem calumniatrici immisit, qui veritatem tormentis extorsit, cōgitque fateri omnia esse falsa, illos odio & inuidia, se auro inductam, ut immerenti insidias strueret. Grauius in Cardinales iudices iniquos, qui Henricum Moguntinum archiepiscopum loco mouerant, animaduersum est, alter furcens digitos præmordit, alter intestina, ut olim Arius a Casarum eiecit. [4] Temerariam quoque contumeliam luit vir nobilis, qui Engelberto præfuli Colonienfi maledicebat, eoque progressus est, ut sibi furorem ante mortem imprecaretur, si sanctus esset Engelbertus: Vota audiit omnipotens, tanto furore debacchatus est, ut uxorem, & liberos occidere conaretur, Causæ irarum, quod eum Episcopus quadraginta marcis multarit propter filij incontinentiam, qui vim intulerat forminæ.

§ 5.

Cur magnapars hominum damnatur

Consideratione dignum hoc est peccatum: eoque valde fugiendum, quod rara sit eius pœnitentia, rarissima famæ in integrum restitutio, & honoris reparatio. Summum inter homines bonum aufert, famam & honorem: difficulter adducitur ut restituat, nam se mendacij arguere aliquando opus haberet. Quare cum tot passim sint detractiones, calumniæ, raræ restitutiones, consecrarium est, plurimos æternum perire præsertim magnates, qui famulis, cæterisque inferioris notæ hominibus iure suo quodam in orbe visitato, in cœlis damnato, conuitia dicere consueverunt.

* *

C A P.

C A P. XXXVIII.

Contumelia & calumnia ferenda omnibus in sublimi positis, & eorum seruis.

§ 1.

PRorsus ferendum est, quicquid maledictia imponit. Necessitatis telum est, non volunt ora claudi, aërem proflant, hauriuntq; , linguas compescere nemo tyrannus potuit, non magis quam ventū vtribus includere, aut nubes obturare ne pluant. Fac de necessitate virtutem. Garamantes soli maledicunt radiis æstus fixi, si ferrent, beatiore. Vbiq; palam obsequia, in occulto simulas, itrisus, & contumelia, non læsuræ nisi dolentem. Hæc pati proprium est Christianorum. [a] ^{a Matth. 5. 13.} Dominus enim noster beatos nos dicit, cum homines dixerint omne malum aduersum nos, mentientes propter nomen Jesu, at quid Christianus? *Multa non audit, non videt, cæcus & surdus*, inquit [b] Justinus. Aulici degunt in regno inuidiæ, obrectationis, dicacitatis, florenti liuor, misero parata est irrisio. Daniel totiaculis linguarum petitus, omnia tolerantia clypeo excepit innoxius. Jussu regis vocatur ad carnificinam. [c] ^{c Eccl. 2. 13.} Et egressa sententia sapientes interficiebantur: quarebanturq; & socii eius ut perirent. Nihil queritur, sed regem beneuole docet, & somnium exponit. à medis & Persis crudelissime accusatus, & ad Leones deductus, nihil queritur, tantum se innocentem esse, docet, ideo beluas non nocuisse. Omnia Daniel tulit, Deus illius defensor, & victor est.

§ 2.

Rem ipsam expēdenti haud graue fuerit, omnia illa *Dei contumelia faciunt, ut nostra negligenda sint.* nō modo ferre, sed plane cōtemnere. Deus ipse in quo viuimus & sumus, iugiter toto mūdo maledictis incessitur, falsorum Deorū simulachra constituuntur, tanquam trophæa victi numinis qui Deum non ignorant, *sint.*

R 2 ipsum

ipsum quoque blasphemant. non tot sunt arborum folia, quot Deo inferuntur contumeliæ, creatori, redemptori, conseruatori: & quis hominum conqueri audeat parum se comiter haberi? Si dolendum est, si iusta causa irarum videtur, in tantæ maiestatis contemptu, & contumelia tantum iusta est indignatio.

*Peccans
est dignus
contumelia.*

Si tu quoque contra Deum fecisti, si in legem Dei commisisti, noli mirare, vt alienæ in te linguæ aspererentur, meruisti, contra peccantes omnis creatura armabitur, factori suo ultionem petitura. Si de alio dixisti, quæ in te dici nolles, legem tuam agnosce: patere, quæ pati alios coëgisti. Hoc solum enitere: vt vita tua maledicos mendacij conuincat. Virtute sola iacula in mittentem retorquentur. Ita viuere, vt de te nemo malum credat. Conuitia in te iacit turba? ne concidas animo. Vide, ne illi minora carpant, maiora nesciant. Forsitan sunt illa verba vitiiis tuis remedia, salubri dolore vomicas secantia. nocent dulcia, profunt amara, suauia bilem augent, acria abstergunt, laudes arrogantiam, vituperia modestiam generant. De alieno malo profice. Venena, si recte vtrius, efficacissimam faciunt medicinam. Scorpius crudele virus arcuato stimulo infundit, & ipse remedium est vulneris, quod fecit. Nec laus meliorem facit, nec vituperatio deteriorem: sed illa securum, hæc sollicitum. Verba male prolata, si vrge, litem gignunt, si dissimules, in laudem cedunt. Nullum præsentius in-

*Vituperia
purgant.*

di. Reg. 10. 27. innocentia signum, quam maledicti patientia. [d] Saul crudus ab aratro rex, nondum in aula perpolitus, quando improbi electionem irridebant, se dissimulabat audire, nec populo in ultionem accenso consensit. Viri fortis est contumeliis ab officio non dimoueri. [e] Richardus Cicestriensis Episcopus, omnibus spoliatus, ad extremam inopiam ab Henrico rege redactus curam gregis non abiecit. Alieno recto utebatur, & sæpe cum contumelia reiectus res Ecclesiæ repetebat.

*e Rodul-
phus Ci-
cestriensis
Surinus 2. 3.*

§ 3.

[f] Attamen seruanda fama, & maledicis occurrendum: Curandum, ne racendo crimen videatur agnosci. Hoc quidem præcipue, cum à nostra fama diuinæ gloriæ & cultus augmentum dependet, cum infamia nostra proximi salus periclitatur, at crebro leues culpæ sunt, aut errata minuta, atq; acta quæ ipsi proceres narrant, quibus gloriantur, si eadem alius dixerit, ira & vindictæ cupidine insaniunt, fallunt, mentiuntur & de successu doli gloriantur, si quispiam hic scapham dixerit scapham, aut ligonem esse ligonem, non nisi sanguine veritas expiatur. Fama legibus, & sine furore defendi potest, cum necesse est. Plerisque magis opus est morum emendatione, ut boni sint, quàm famæ restitutione, ut honesti videantur. [g] Hoc conabatur Ludouicus Landgravius, qui cum in venatione lōgius prouectus, amisso comitatu ignotus ad lignatorem diuertisset, omniaq; sua, & aulæ vitia audisset, agnouit, & correxit, maxime territus, quod homo rusticanus dixerat, Et principem, & proceres inferorum cruciatus esse meritos. quæ ille non ut à maledico dicta, sed à Deo pronunciata accepit. Erat rusticus ille linguæ seruus, & Dominum, ut absentem, rodebat, at princeps aurium suarum Dominus, quam vere ista dicerentur secum cogitabat. Non sunt cuncta in disquisitionē vocanda. Nihil aliud magnatibus agendum foret, si de sua fama cognoscere vellent, omne tempus seruulorum sermones occuparent. Præclare [h] Titus imperator, in delatores flagellis, & virgis cæsos deportari iubebat, accusationem illius, qui maledixisse sibi ferebatur, non accepit: regia voce profatus: *Cum nihil mali faciam, nihil contumelia dignum, mendacia non curo.* Magn⁹ animus Theodosij, qui lata lege veruit suos obrectatores puniri, quanto is maior illis, qui vnus dicti offensa vrbes exciderunt, nulla re magis indignari, quam quod vera dicerentur. Nec fama mouentur, sed furore:

f August.

T. 7. p. 202.

Fama quomodo defendenda.

g Spangenb.

Ludouicus auditis Titii suis raspuit.

Titimoderatio. h Sueton. Tit.

Theodosii lex.

R 3

omnia

omnia enim à maioribus ferunt, in minores sæuiunt. Si famam tuam proximo vtilem contaminari doles, cur de tua magis, quam de aliena læsa irasceris? cur ita torqueris iniustitia aliena, vt à tua iustitia recedas? Quid moueris? malo displicere laudati est viri. Magnum bonum est, quod displicet malis, malus autem est omnis obtrektor. Aderit famæ tuæ veritas æterna, nisi eam tu factis tuis inquinaris. Franciscus de Paula ab improbo calumniatore oppressus, cum innocentiam nec testibus, nec verbis asserere posset, eam prunas cõplexus cum admiratione repræsentauit. [i] Lingua calumniatoris ignis erat in flammans rotam natiuitatis, *lingua ignis est vniuersitas iniquitatis*, cum ignem sustulit alius ignis, dum nefas ostendit sæuire in innocentem.

i Iacobi
3.6.

§ 4.

Si igitur vera ratione contumelias odimus, primum ante omnia detestemur, quæ numini inferuntur, deinde quæ Dei amicis, aliisque, quos nobis caritas proximos esse, iussit. [k] Sancta mente Besa miles eos, qui Iulianum & Eunum Martyres, dum camelis impositi, per urbem circumducti flagellis laniarentur, & rogo iniecti exurerentur, cõuitiis incessabant, insultabantq; reprehenderat. quam ob causam ad iudicem tractus, capite est truncatus. Christi gloriam, & Martyrum innocentiam in refutandis maledictis defendebat. Nihil inde sibi cõmodi, nisi Martyriũ sperabat. At Martyres ipsi qui cruciatibus suis illud videbant, sibi gratulabantur, contemnebant sui contemptum, sciebant facere illos, q̃ solent hoc est maledicere. Fecerunt illud, & alij licet improbi Chrysippus maledico respondit: *optime fecisti, quod nihil eorũ, quæ in te sunt, praterieris*. Socrates mirantibus improbi conuitia: *Non didicisti, inquit, bene loqui*. Aristippus: *utinam Dominus lingua esses*. Pistratus cum audiret à maledico se laudatum: *mortuum me putat*, inquit, *de nullo enim viuo bene locutus est vnquam*. Contemnenda sunt Christianis illa vitia, homines ipsi miserandi: Non respondendum: nam vti porticus Olympica septe-

k Euseb.
l. 5. c. 30.
Martyr.
Rom. 27.
Eabr.

septenis vocibus resonant, Metuant omnes, quod [l] Granatensis habet, & probat. Maximam partem hominum illo scelere perire, quo aliorum famam lædit, vix aliquem apud inferos esse qui non sit contumeliosus obtrektor, & delator. Fit hoc vitio humani ingenij aliena infamia gaudens. Huic sententiæ assentior, & alteram adiungo, maximam quoque partem damnari, dum acerbius recriminantur, & augment malum sua impatientia. Anastasius Synarita cum dies supremus adesset, iamq; accusator diabolus crimina pararet, & tribunal appareret, terrorq; iudicis, hilariter mori se affirmabat, quod nec vllum iudicasset, nec iniuriam intulisset: quo continebatur patientia tolerandi, & cautio non malefaciendi. [m] Remouendum igitur os prauum, & labia detrahentia. Deinde vetat cum illis agere. [n] cum detractoribus non commiscearis Sepulchrum patens est guttur eorum, & Ventus Aquila dissipat pluias & facies tristis linguam detrahentem.

l conc. 3.
dom. 3.
quadrag.

m Prom.
4. 24.
n Prom.
24. 21.
o Prom.
25. 23.

C A P. XXXIX.

Accusationum ciuiliū, Aulicarum delationum, obtrektionum, calumniarum detestatio.

§ I.

DE falsis criminibus deferre insones non in palatio sed in omnibus conuentibus vñtatum est. Daniele xēpla præbet. Medorū & Persarum nobiles, gentium liētores Babylonis opibus superbi ad falsas criminationes vertuntur. [a] & ex tanta generositate in synophantas degenerāt. Nec Chaldei mitiores in Danielis collegas [b] statimq; in ipso tempore accedentes viri Chaldaei accusauerunt Iudeos. Malitiæ tantum hætenus defuit occasio, qua data sine mora, sine modo insaniunt, & atrociter calumnioseq; deferunt [c] viri isti contempserunt decretum tuum. Non enim cōtemptu regis sed cōsciētia restiterunt. Delatio senum grauissima: [d] quod si no-

R 4

lueris

lueris, dicemus contra te testimonium, quod fuerit tecum iuuenis,
 c. 6. 10. & ob hanc causam misit eis puellas à te. [e] Anno tertio Cyri
 2. 1. & 3. regis Persarum Daniel luget trium hebdomadarum diebus, pa-
 nem desiderabilem non comedit, & caro & vinum non introeunt
 in os eius, sed neq; unguento ungitur. Causæ tantæ tristi-
 tiæ, in qua & mortuus videtur Propheta, delationes
 falsæ ad regem Persarum, quæ describuntur ab Esdra:
 Fl. 1. 6. 4. 5. [f] conduxerunt autem aduersus eos consiliarios, ut destrue-
 rent consilium eorum omnibus diebus Cyri regis Persarum, &
 usq; ad regnum Darii regis Persarum. Perfide & malè rem
 proponendo & Cyrum & deinde Artaxerxem dece-
 perunt. At tempore Darii facile obtinuerunt, ut tem-
 plum extrueretur, & serio adiuuerunt.

§ 2.

Prædonibus sunt deteriores, illi nostra rapiunt, hi
 nos diripiunt. Scelus illud furto grauius est, quemad-
 modum honor opibus. [g] Gratianus homicidio
 g. Diff. 1. comparat. [h] Bernhardus triplex homicidium esse
 h. De cu- affirmat, detractoris, audientis. eius, qui infamatur.
 stodia tri- Hoc ipso sunt homicidæ, quod inauditos perire co-
 plici. gunt. [i] Chrysostomus humanas carnes mandere
 i. Hom. 3. probat. [k] Ea causa Salomon repentinam illis mi-
 ad An- natur perditionem. Clemens etiam Papa homicidij
 tiocb. k. 1016. genus esse definit. Augustinus quoque non esse minus
 2. 4. 22. periculum in lingua mentiente, quam manibus san-
 guinem fundentibus asserit. Hoc ipsum de se despe-
 rantium est, velle placere in comparatione malorum.
 l. Ps. 37. [l] Tribuunt mala pro bonis: [m] pro eo, ut diligant,
 m. Psal. 108. detrahunt. [n] Dauid non minus orat, ne tradatur
 n. Psal. 118. calumniantibus, quam inimicis. Odibiles Deo sunt,
 terra obrectatores absorbit, Moses autem defendi-
 tur. Vnam ex summis mundi calamitatibus esse cen-
 set [o] Salomon: vidi calumnias, quæ sub sole geruntur, &
 o. Eccl. 4. 1. lachrymas innocentium & neminem consolatorem: nec posse
 resistere eorum violentiæ, cunctorum auxilio destitutos. Et:
 Eccl. 26. [p] à tribus timuit cor meum, & in quarto facies mea metuit:

Dela-

Delaturam ciuitatis, & collectionem populi, calumniam mendacem super mortem omni grauius. [q] Elaias vehementer detestatur; non adiciēs vltra vt gloriēris, calumniam sustinens virgo filia Sidonis: in Cethim consurgens transfreta, ibique non erit requies tibi, Sic [r] Amos quoq; Propheta: auditum facite in adibus Azoti, & in adibus terræ Aegypti: & dicite: congregamini super montes Samaria, & videte insanias multas in medio eius, & calumniam patientes in penetralibus eius. Vel ex eo detestandum malum, quod Dæmonis est proprium. A calumniando enim dictus est diabolus, quem portat in lingua quisquis aliorum famam infestat. Plus ille archilycophanta per calumnias, quam per hostes mali struit. Nam & lingua sanguis funditur. Calumniis olim Ethnici Christianos grauius, quam igne & gladio petebant [s] Justino, Ad Antiochum, & [t] Tertulliano. Calumnia imprimis excusat ipsum auctorem. Puluerem sibi ipsi in oculos sufflat, vt minus videat. In crimen vocat omnia, nihil probat. Infamia non facile credenda, sed probata vindicari debet. Gladius est, quo ignauus vincit præstantiorem: nihil illâ malignius. Quare vt vipera calumniator perimendus est. Damasci Præfectus cum vincere fidem Christianorum non posset, famam aggressus est, meretrices, quæ Christianos commercij secum habiti insimularent, subornabat. Populus Noberum, oues Pastorem penè inter ipsa sacraria occiderunt, sparsa per improbos fama, cum thesauro eum auferere voluisse,

§ 3.

Magna culpa loquentium, quam incitat audiendi facilitas. Tiberius nulli calumniatori fidem abrogabat, quare vix successorum labore & pœnis rabies lycophantarum cohiberi potuit. Delatori conuicto caput auferebatur, & ne viri graues terribilissimo cuique, & propter inopiam malefico obnoxij essent, accusare non licebat, nisi qui quinquaginta aureos haberet.

R 5

Ca-

u Ad No- Cauendum itaq; ne facile audiamus. [u] Hieronymus:
 potian. bilari, inquit, vultu qui audit, adiuuat. Nemo inuito au-
 ditori libenter aliena defert crimina, vt Gregorius mo-
 net. Et Synod. 8. non solum illum reum esse, qui falsa
 de aliis profert, sed etiam eum, qui aurem citò crimi-
 nātibus præbet. Hunc Anacletus Pontifex deteriorem
 affirmat. Vilis autem est hominis, alios viles facere, vel
 duplici malo aliorum gaudere, infamantis & infama-
 ti. In palatio cum pēstis illa inualuit, fulminis instar
 plurimos sternit. Bonifacium armis inuictum, Augu-
 stini familiarē, calumnia superauit, vt indignatus bar-
 baris Africam traderet. Aëtius à Maxima tam vehe-
 menti calumnia oppressus est, vt irritatus Valentinia-
 nus eum propria manu interficeret. Constantinus ve-
 nenum fugit sibi paratum ab vxore, quod ipse subor-
 nârat. Nec inter sacros homines rarum est. Gebhardus
 Ratisbonēsis Antistes Ramwoldum apud Orhonem
 accusat, sed sanctitas eum & iudicium Cæsaris inson-
 tem ostendit. Cæpit etiam ille furor inquadere Mona-
 steria, & Eremitarum greges, vt ex vitis Patrum satis
 constat, optimos enim quosq; deferebant, donec pla-
 ne dissiparentur. Necesse est enim eos, qui se inuicem
 mordent, & rodunt, inuicem consumi.

C A P. XL.

*Adulationes aulica; & loquendi libertas
in curia.*

§ I.

Calumnia iaculum est viperino felle illitum, gla-
 dius est vitalia penetrans, acutus, os durum cha-
 lybe munitum. Maledictio, contumelia, arma hostium
 apertorum. Adulatio dulce venenum, armatura inimi-
 corum, symbola atq; insignia amici præferentium. O-
 leum virulentum est, sed melle illitum, palatum ludi-
 ficat. Balsamo simile, quod odore inuitat, vnctione
 prodest

prodest, intra viscera admissum letale est. Vtrumq; linguæ malum est, vtrumq; perimit, illud sæuiendo, hoc blandiēdo. Vtrumq; in eadem lingua virus est. Omnis obrectator parasitus, omnis assentator etiā sycophanta est. In medio posita est parrhisia iusta linguæ libertas, quæ nec malis adulatur, nec insonitibus obrectat. Illos admonet, hos confirmat. Res, in aula rara, nec quidem in reliqua mundi parte frequens. Quamdiu quidem Daniel in Babylonio palatio fuit, medium tenuit, extrema medio & sibiipsis contraria fugit. Regem regum agnoscit Nabuchodonosorem, sed à Deo datam potentiam, & mox desituram pronunciat. [a] ^{2 c. 1. 37.} Tu rex regum es: & Deus cæli regnum & fortitudinem, & imperium, & gloriam dedit tibi: & omnia, in quibus habitant filii hominum, & bestia agri: volucres quoq; cæli dedit in manu tua, & sub ditione vniuersa constituit. Ne gloriētur mox addit, [b] ^{38.} post te consurget regnum aliud minus te: & regnum ^{b c. 2. 39.} tertium aliud arcum, &c. Ei igitur mortem, & in alium translatum iri imperium prædicit. [c] ^{c c. v. 44.} Deinde cum de sanctis dicit regnum alteri populo non dandum, satis indicat Babylonios seruituros iterum. [d] ^{d v. eod.} Imo comminuet, & consumet omnia regna hæc. Quantum libertatis in Propheta fuerit, quam fugerit assentationem, cum verba illa profert & explicat: [e] ^{e v. 35.} tunc contrita sunt pariter, ferrum, testa, æs, argentum & aurum, & redacta quasi in fauillam æstiuæ aræ, quæ rapta sunt vento: nullusq; locus inuentus est eis, &c. experietur si quis in regum palatio dicat, breui in aliam gentem regnum transferendum esse. Non audiunt ista Principes, ne nobiles quidem, & magnates. Pari animo Danielis amici regis impietatem reprehenderunt. [f] ^{f c. 3.} Quam aperte regi Daniel facta misera prædicit? [g] ^{g c. 4. 21.} hæc est interpretatio sententiæ altissimi, quæ peruenit super dominum meum regem. Eucient te ab hominibus, & cum bestiis ferūq; erit habitatio tua, & sicut ut bos comedes, & rore cæli infunderis: septem quoq; tempora mutabuntur super te, donec scias, quod dominetur Excelsus super regnum hominum, & cuiuscunq; voluerit, det illud.

Impro-

- Improbum fuisse regem, & causam supplicij ab ipso
 h c. 4. 14. datam diserte monet: [h] *quamobrem, rex, cōsiliū meum
 placeat tibi, & peccata tua eleemosynis redime, & iniquitates
 tuas misericordis pauperum: forsitan ignoscet delictis tuis. Cui
 nunc animus est, cum videt reges impia bella gerentes,
 hæreseon patronos, ebriosos, adulteros, raptos, ut
 procedat in medium, & ad pœnitentiā hortetur? To-
 tis regnis nullus est Daniel, ideo nec Deus ignoscit. Sa-
 nè Baltasari adulatus non est, nec dignitate passus cor-
 rumpi veritatem. Non modo scripturam explicuit, ve-
 rum etiā regem reum pronunciat, & exitium meruisse*
 i e. 5. 22. *dicit: [i] tu quoq; filius eius Baltassar nō humiliasti cor tuum,*
 23. *cum scires hæc omnia: sed aduersus dominatorem cœli eleuatus
 es: & vasa domus eius allata sunt coram te: & tu, & optimates
 tui, & vxores tuæ, & concubina tuæ vinum bibisti in eis: deos
 quoq; argenteos, & aureos, & æreos, ferreos, ligneosq; & lapi-
 deos, qui non vident, neq; audiunt, neq; sentiunt, laudasti: porro
 Deum, qui habet statum tuum in manu sua & omnes vias tuas,
 non glorificasti. Poterat hæc tacere; nec enim ad intel-
 ligentiam Scripturæ erat necessaria tam grauis expro-
 bratio; non profutura pereunti, sed libertate vsus est.*
 k e. 11. 3. *De Alexandro quoque prophetat: [k] cum steterit, cum
 fecerit, quod placuit ei, conteretur. Cum nimirum adula-
 tione deprauatus adorari se pro Deo iusserit. Antio-
 chum quoque magnum adulationibus corruptum
 periisse constat. [l] Si enim Annibali paruisset vera
 dicenti, defendi poterat. Porro supremus est gra-
 dus adulationis, cum sibi ipsi magnates blandiun-
 tur, qualis fuit in Antiocho, qui locutus est aduersus
 DEVM magnifica. Et in Antichristo futuram va-
 ticipatur: [m] & faciet iuxta voluntatem suam rex, & ele-
 uabitur & magnificabitur aduersus omnem Deum, & aduersus
 Deum deorum loquetur magnifica, & dirigitur donec com-
 pleatur iracundia, perpetrata quippe est definitio. Et Deum pa-
 trum suorum non reputabit: & erit in concupiscentiis femina-
 rum, nec quenquam deorum curabit, quia aduersum vniuersa
 consurget.*

§ 2.

Grande igitur aulæ malum est, tam graue quam dulce, assentatio amici improbi, [n] vt Curtius, [o] ^{n l. 8.} & Vopiscus. Augustinus linguam adulantem pestilentiorem censet manu interfectoris. Blandumenim, ^{o in Aureliano.} sed letale vulnus infligit. [p] Hieronymus quoq; in eandem sententiam: *Adulatores vt inimicos caue, quorum sermones super oleum sunt molles, & ipsi sunt iacula: animos leues corrumpunt.* Nam suaue vulnus spernunt & suo malo fauent. adulator seducit vt delectet. [q] Esaias ^{q c. 3. 12.} tales fuisse falsos Prophetas sui temporis narrat: *Popule meus, qui te beatum dicunt, ipsi te decipiunt, & viam gressuum tuorum dissipant.* Salomon quoque fraudem in adulatione agnoscit: [r] *Melius est à sapiente corripì, quam stultorum adulatione decipi.* ^{r Eccl. 7. 6.} Mentem enim emollic perniciofa dulcedo. Queritur & Hormisdas Papa inimicam esse iustitiæ bonitatem, palpare criminosos, & vulnera eorum, vsque ad diem iudicij incurata seruare. Plane seruantur, & recrudescunt, nec coalescere sinit perpetuus mali prurientis confrictus. [s] Hieronymus in domibus regum adulatores esse: ^{s in Ezech. 11.} queritur. Nec immerito, vbi sunt & molles vestes, & verba serica. Eadē sentētia Petri Rauennatis: *eliminat à palatiis adulatio veritatem, & illi soli in gratiam magistratum admittuntur, qui palpant blanditiis.* Ipsi magistratus porro amplificat beneficiis quos torquere debebant. Fallit adulator, cum ferit, amica loquitur. Cani lupus est similis, parasitus amico. Vitrum imitatur gemmas: magi fascinatores laudando necant. Pardi odere bestię dum illiciuntur, pereunt. Omnis enim adulatio amicitię expers est. Letale porro crimen est, laudare, vt noceas, aut seducas. Qui dicit impio iustus es, maledicent illi populi. Nemo assentatorem credat amicū: Mendax enim est. Nam Augustinus adulationem definit esse mendacium cupiditate placendi de suaui eloquio. Mentitur autem amicitiam, qui mentitur & laudem tuam. Præstat bene offendere, quam malè

e Epist. ad Casulanum malè placere. Virilis sententia Augustini, [t] *melius est pro veritate pati supplicium, quam pro adulatione beneficium recipere.* Canones ea causa Clericos adulatōres deponi iubent.

§ 3.

u Agapetus ad Iulianum.

Adulatōtes parit; alitque audientium facilitas. Quicquid concessit adulario, ut debitum prendimus. Qui non laudat, aut invidus putatur, aut inimicus, certè morosus, & superbus: Eâ causâ pro amico admittitur blandus inimicus! Laudatus etiam cum erubescit, lætatur. Nam in periculo est, ne lætitiâ ex assentatione conceptâ prodat vultu. Quanquam enim foris resistitur, & in speciem parasitus reprehenditur, intus tamen auditur, & laudibus hoc adiici pulchrum putatur, laude sua videri non delectari, &, quod inexcusabile est, etiam hoc agitur, cum encomium vanum esse cognoscitur. Etiam cum ab illaudatis probrosa laus defertur. Nihil autem est miserius pastore, qui luporum laudibus delectatur. Hic remedium præsens est, si credantur obsequium simulando illis illudere, quos laudant, quibus nocere non possunt, nisi recipiantur. [u] Cum audiuntur bona nunquam dant consilia, sed quemadmodum umbræ ad motum corporum cientur, ita adulatōres omnibus factis & dictis applaudunt. Stolidi, degeneri animo, & ridiculi. Damocles circa Dionysium, tanquam liberum Patrem salrabat. Æthiopes, si qua rex infirmitate, aut defectu teneretur, eadem se parte corporis debilitabant, tam facta erat placendi cupido. Stulti qui sic illudunt, stultiores qui tantâ insaniâ delectantur, & non, quid ipsi sint, aut aliis videantur, sed quid de se alij mentiantur, expendunt à conscientia, quæ semper patet Deo, & Apertius in multitudine est, sed à ludionibus rationem vitæ sumunt, ab illis, incanis credunt verbis. Tribonia-

bus

nus Justinianum immortalem fore affirmavit, stultus si credidit, stultus qui retinuit parasitum. Tiridates rex Armeniæ Neronem suum DEVM & sua fata dixit, à Corbulone in regnum restitutus est, & vicies centena aureorum millia accepit, vt Cæsarem sic irrideret: historia est apud Xiphilinum. Facile est reiicere ignobili vilitate iridentem, si ostendas te fraudem agnoscere. Pudet indecoræ adulationis. Philippum, in Deos Messenij retulerunt, & illud Regi psephisma transmiserunt. Ille facetè monuit, vt ipsi se prius deos facerent, deinde alios. Athenienses Antonio despondere Mineruam, ille dotem exegit. Alexander Cassandrum adulantem in parietem impegit, librum Aristobuli falsis laudibus refertum in Hydaspem proiecit, non suæ laudis impatiens, sed irrisionis. Diogenes laudantem admonuit, desineret, nihil illum proficere, se nihil intelligere. Cicures sunt belluæ, sed letaliter vulnerant.

§ 4.

Inter asperitatem & blanditias media est libertas. Tam rara virtus, vt vix singulis sæculis fuerint, quorum libertas spectata reges corripere. Alexandrum, Neronem, alios morituri cruciatuum magnitudine asperati increpuerunt, Augustum Mæcenæ supplicia decernentem, cum diceret, Surge tandem aliquando carnifex. Antigonum Zeno Cisticeus adeo molestus, vt rex multis muneribus libertatem eius oppugnarit, [x] sed frustra, non enim mollitus est, ^{x Laert.} vt vera taceret. Beronice Ptolomæum maritum reprehendere ausa est. [y] Maiore periculo vxor Polyxeni fratrem Dionysium Siciliæ tyrannum; professa se ^{y Ælian.} si sciuisset, cum marito in exilium fuisse ituram, male se vxorem dici Polyxeni, quam tyranni sororem. Percit sanguini suo tyrannus, non amore propinquitatis, sed metu infamiæ. Magno deinde à Syracusanis in honore fuit, eique regium sepulchrum constitutum, quod

quod una fecerit, quæ nemo audebat. Christiani pluri-
 mi & verbis & scriptis impiorum regum crimina in-
 cusarunt. Antoninum Pium Justinus cōsiderare iubet
 ut sic imperet, ne solo nomine Pius vocetur, rem perse-
 quendo Christianos amittat. Nec mirum Christianos
 ausos cum vitam aliam sperarent. Ausus est Democri-
 tus Abderites liberè apud Philippum sine metu regiæ
 scutitæ causam Atheniensium agere: cumque rex mi-
 nitabundus interrogaret: an non timeret ne proterui-
 isti caput auferret? Respondit: si id rex faceret, patriam
 immortale daturam. At quomodo daret immortale i-
 psa moritura? Si memoria beneficium coleret, illa ipsa
 interitura era; si statuum collocaret, mortuum signum
 mortuo statueret, breui deiiciendum. Deus suis & to-
 tum & immortalem vitam reddit. Fortior Democri-
 to Antonius Sculus, & liberior, qui cum Turcarum
 classem ad Callipolim incendisset, & Imperator ad-
 ductum ad se miraretur eum hoc ausum. Ipse vicissim
 tyrannum eiusque scelera increpans, mirari se aiebat
 illius admirationem, cum palam esset, se odio Turcicæ
 tyrannidis fecisse: nec vllum supplicium recusauit, ut
 21.3.6.4. refert Egunius. [z] Magni facienda est libertas, recti
 tenax, supplicij contemptrix. S. Georgio Cappadoci
 magno stetit sua libertas, sed maius fuit libertatis pre-
 tium. Quia namque magna libertate in dæmonum
 crudeles & impios cultores inuehebatur, ungulis rodi-
 tur, calce vulnera vruntur, fidiculis tenditur, demum
 membratim cōciditur, ut Metaphrastes, Pasicrates, [a]
 47.1. Surius. Par libertas & loquendi & agendi in Procopio
 aulico veterano, Cæsarum amico, duce Orientis, ille
 idola confecta pauperibus distribuit, ut de destructo
 cultu dæmonū mēbra Christi reficeret: qui ipse quoq;
 64.7.15. ungulis, ignibus, ferroq; tortus libertatis præmium tu-
 lit, in perfectam libertatem filiorum Dei assertus. [b]
 Nicephorus, Surius. Nec modo libertati apud Ethni-
 cos precium, periculosum etiam fuit reges Christianos
 admonere. Vadinus Episcopus Londinensis regem

Vorrigerum reprehendit, quod Christiana coniuge repudiata Ethnicam pellicem induxisset: qui diris suppliciis est excarnificatus. [c] Petrus Coloriensis Episcopus ob Matthiam Vngariæ Regem de vitiis admodum sex annos in squalore carceris iacuit. Et ne solos reges impatientes veri putemus, Arnulphus Episcopus Brixienfis à clericis, quorū peccata detestabatur, submersus est. Vitia enim licentiam suam vituperandi libertate constringi nolunt.

§ 5.

Nec cedendum tamen est. Proceres, Episcopi, viri docti & pii insurgere debent, Deicausam agere, vt si potentium peccata non possunt sisti, tamen erubescunt, & lentius ad interitum tendāt, trahātq; Ambrosius Theodosium, Chrysostomus Arcadium, & Eudociam, Gregorius Attilam, Benedictus Totilam, Agaperus Justinianum, Thomæ, Cantuariensis, & Morus reges Anglos, Stanislaus Boleslaum, publice & grauius, & multo magis eorum Palatinos admouerunt. Ignatius Constantinopolitanus Bardam propter adulterium templo arcuit. Iacobus Gnesnensis Vladislaum Secundum Poloniæ Principem, fratres expellere conatum diris deuouit. Gerardus Zaladiensis Episcopus Petro regi diadema imponere recusauit, quod consiliarios quadraginta stipite crudelem in modum adacto trucidasset. Deinde cum ab alio coronā accepisset, celerē mortē prædixit, & prophetiam firmavit euētus, vt

dl. 6. c. 1.

[d] Fulg. Wilhelmus Roschildensis Sueonem regem Daniæ, ob cædem in templo factam, duriter increpitum, fidelium societate eiecit. Dunstanus Ethelstanum ad pœnitentiam hortatus est, & quamuis omnia promittentem, ipso die inaugurationis Oraculo perterritus, regnumq; sanguine fraterno partum infelix fore alleueravit. Liacius Monachus Valentem impium, in prælium, quod infestū fore præſagiebat, ire vetuit, quod criminibus illius exitium deberetur, iubet eum Episcopus restituere, quos vrbibus expulerat, Arianis

S

Iubati.

el. 3.
fl. 4.
gl. 10.
6. 50.

substitutis. Non paruit Valens, vatem suum in carceres coniecit, victus, & exustus est. cladē carceris custodib⁹ narrauit Isacius. vt [e] Zonaras [f] Theodoretus, [g] Nicephorus. In eundem Valentem Traianus ductor copiarum libere locutus est, cum negaret, se victum esse, scelere Imperatoris victoriam corrumpi. Rarum tamen est vt Præfecti & Magistratus suos moneant Reges. Theodosium Junioem nemo monebat, cum illius præfectus Antiochiæ auro corruptus Judæorum Synagogas restituere iussisset. Simeon Stylites de columna Cæsarem appellat, intercedit, atque vt præfectum parum religiosum amoueat, hortatur. Regnant hodie passim ista vitia, desunt monitores, torpent vindices. Quis regum hodie experitur, quod tremuit Anastasius, cum seuerus monitor apprehensa purpura diceret: Hæc te vestis, Imperator, non comitabitur ad Tribunal Omnipotentis? Quis principi in res Ecclesiæ manus iniicienti dicere ausit, q̃ Constantio Leontius Tripolitanus obiectabat: miror ad alia destinatum, te rebus Fidei iudicandis ingerere, & episcopis præsidere: Peccatur liberius, quia iam dudum cessat vigor Sacerdotalis, eoq; res deuenit, vt etiam minores si moneantur, iniuriam fieri arbitrentur. Interim manet in palatio lex fraternæ charitatis: vt illum admoneas, in quo fructum speras: ipsum etiam regem. Si res male administrari, opprimi subditos, capi dona vides, & taces, reuses, si non consors prædarum, particeps tamen delictorum. Non est enim duntaxat data, sed etiā præcepta in aula libertas.

C A P. XLI.

Comitas aulica, urbana, nobilitatis humanitas.

Hanc exercet aula virtutem, veram; si verbis, gestibus, vultui respondet animus sincerus: hypocrisin; si operosis cærimoniis occulta tegitur simulas. Daniel sane comiter, & vrbane agit. Regi prædicturus mala

*Danielis
comitas.*

mala imminencia, ac tristitia deprecatur: [a] Domine ^{2c.4.16.} mi, somnium huius, qui te oderunt, & interpretatio eius hostibus tui sit. Adeo conturbabant eum cogitationes, vt eum rex hortaretur, ne formidaret, sed libere enunciarer, quæ Deus reuelasset. Tunc Daniel cepit intra semetipsum tacitus cogitare quasi vna hora & cogitationes eius cõturbabant eum, Respondens autem Rex ait, Balthassar, somnium & interpretatio eius non conturbent te. Nec refugit vti titulis vsitatis, quamuis adulationis speciem præferrent, vt cum dixit: [c] Rex in æternum viue, quem nouerat intra annum moriturum, sed cõmuni & vsitato titulo, qui regibus ex more dabatur, in bonum sensum vitur. Nimirum oprabat regi quem ad Dei cognitionem adduxit deinde vitam æternam. Urbanè etiam cum sacrificulos deprehendisset, & rex clamaret. [d] Magnus es Bel, & ^{de.14.17.} non est in te dolus dolus quisquam. At ille ostenturus fraudes iussit. [e] Et risit Daniel & tenuit regem, ne ingrederetur ^{cc.14.18.} intro, & dixit, Ecce pauimentum, animaduerte cuius vestigia sint hæc. Hanc palatini, tanquam virtutum aliarum ornamentum tenebunt, vt humani sint, affabiles, faciles ^{Comitas ornat virtutes.} in appellationib⁹ comes, in titulis largi. Fecit illud quoque [f] Paulus, cum Festum hominem improbum ^{fact.16.25.} vocasset optimum: officij ille titulus erat, non ex virtute datus, sane sine comitate virtus non modo inornata, sed odiosa quoq; videtur, & pietas superba. Hoc tantummodo laborandum est, ne sola sit, hoc est, spuria; nam genuina non nisi ex virtute nascitur.

§ 2.

Lupini infusa aqua dulcescunt, comitas quoq; eorum, quæ in hominum societate, cõuietq; amara ^{Comitas propria est natura humana.} miscent, condimentum est & agendi suauitas naturæ maxime consentanea.

Dextera præcipue capit indulgentia mentes,

Asperitas odium saeuq; bella facit.

Figuram humanã mutat morositas, humaniorẽ facit comitas. Maxime placere eum, qui iucundissima loqui-

*Signum
genuina
comitatis.*

*g T.c.3.
4.5.*

tur, dicebat Antalcides: nimirum si *mislum* est *vtile dulci*, Medicus qui scammonio, & antimonio, acri veneno corpora vexat, qui igne & ferro sæuit, si crustulis suauibus & malua sanare potest, carnificis nomen meretur, nec in vita adhibenda tristitia, & morositas est, si satis efficax remedium est humanitas. Vera illa est si erga inferiores, erga pauperes affectum ostendit. His enim qui comem se & humanum ostendit, Deum imitatur: non enim ex merito pauperum, nec spe præmij in illos officiosus est. Sic de Domino nostro Paulus [g] cum autem benignitas & humanitas apparuit Saluatoris nostri Dei: non ex operibus iustitiæ quæ fecimus nos, sed secundum suam misericordiam saluos nos fecit. Hic bonitas, suauitas, philanthropia, affabilitas vera commendatur, quia de visceribus miserationum orta sunt. Non enim nos Seruator noster magnificentia quadam, & fastu redemit, sed comiter ad nos veniens, homo factus, & nostras infirmitates assumens.

*Comitas
in elemo-
syna.*

h Eccli. 4

i Eccli. 4.

2.3.

k ibidem

v. 5. 6.

l v. 7. & 8.

Hæc sunt vera comitas est: at qua magnatibus blandiuntur, et si vera esse potest, facile tamen assentatione vitatur, nec suauitas est grauiæ caritatis, sed aliquando spe metue extorta simulatio. Comitas primario pauperibus exhibenda est, quia soboles est misericordiæ, quæ illis debetur. Deinde beati illi, promissionem regni cælestis habent, quare nostri Domini sunt, & maiore colendi honore. Hoc nobis rex sapientissimus, & opulentissimus cōcionatur [h] oculos tuos ne transuertas à paupere. [i] Animam esurientem ne despexeris, & non exasperes pauperem in inopiam suam. Cor inopis ne afflixeris, Minatur vero etiam Salomon: [k] Ab inope ne auertas oculos tuos propter iram: non relinquant quærentibus tibi retro maledicere. Maledicentis enim tibi in amaritudine animæ exaudietur deprecatio illius. Exaudiet autem eum, qui fecit illum. Non de sola liberalitate ista accipienda, sed de comitate, quæ beneficium commendat, subiungit enim [l] Congregationi pauperum affabilem te facito. Declina pauperi sine tristitia aurem tuam, & redde debitum tuum, & responde illi pacifice in mansuetudine.

¶ 3.

Hicigitur lapis Lydius est, veræ comitatis probator, quam paribus quoq; , & magnatibus exhibere debent qui amicitiasnectere, qui solitudinem fugere desiderant, quod pleriq; faciunt intempestiva beneuolentia, quæ si odio par non est, nihil tamen differt à rusticitate cærimoniosa. [m] Fuit vera in Scipione, in Tito, ille Sy- m Liuius Sueton. Comitatis exempla. phacem humanitate ad Romanos attraxit, hic ea causa delicię generis humani dictus est. Talem se Ludouicus primus rex Franciæ, omnes alloquēdo, salutandoque præbuit. [n] Talem Ericus rex Daniæ, qui cum lo- n Saxol. 6. queretur viris humanissime, per eos & coniuges salutabat, & liberorum se tutorem promittebat. Quem Froto eodem in regno, & in Vngaria ex parte imitatus est Matthias Coruinus. Antonini Florentini tanta erat comitas, vt cum grauius reprehenderet, non tamen irasci posse videretur. Jucunda autem visa [o] S. Nort- o In Vita S. Norberti. berti comitas, cum enim ex aulico factus antistes Mag- T. 3. deburgicus solita pompa in templum induceretur, & Norberti comitas. dituus, tenui palliolo tectus, ex veste hominem æstima- Anthimi Marty- ris, qui equitibus à Maximiano missis, vt eum ad sup- comitas. plicium pertraherent, magna vrbantate epulum præbuit, & securos esse iussit, Anthimum, quē quærerēt, se illis traditurum esse pollicitus est. Inter prandendum autem se Anthimum esse confessus, atq; ita de religione locutus, vt ad Christum omnes conuerteret, qui cū nollent tyranno crudelitatis ministeriū exhibere, iusserunt eum quo vellet abire: at ille recta ad Impera-

S 3

torem

Ad Nepotian. Cauendum itaq; ne facile audiamus. [u] Hieronymus: bilari, inquit, vultu qui audit, adiuvat. Nemo inuito auditori libenter aliena defert crimina, vt Gregorius monet. Et Synod. 8. non solum illum reum esse, qui falsa de aliis profert, sed etiam eum, qui aurem citò criminatibus præbet. Hunc Anacletus Pontifex deteriorem affirmat. Vilis autem est hominis, alios viles facere, vel duplici malo aliorum gaudere, infamantis & infamati. In palatio cum pestis illa inualuit, fulminis instar plurimos sternit. Bonifacium armis inuictum, Augustini familiarē, calumnia superauit, vt indignatus barbaris Africam traderet. Aëtius à Maxima tam vehementi calumnia oppressus est, vt irritatus Valentinianus eum propria manu interficeret. Constantinus venenum fugit sibi paratum ab vxore, quod ipse subornarat. Nec inter sacros homines rarum est. Gebhardus Ratisbonēsis Antistes Ramwoldum apud Orthonem accusat, sed sanctitas eum & iudicium Cæsaris infontem ostendit. Cæpit etiam ille furor inquadere Monasteria, & Eremitarum greges, vt ex vitis Patrum satis constar, optimos enim quosq; deferebant, donec plane dissiparentur. Necesse est enim eos, qui se inuicem mordent, & rodunt, inuicem consumi.

C A P. XL.

*Adulationes aulica; & loquendi libertas
in curia.*

§ I.

Calumnia iaculum est viperino felle illitum, gladius est vitalia penetrans, acutus, os durum chalybe munitum. Maledictio, contumelia, arma hostium apertorum. Adulatio dulce venenum, armatura inimicorum, symbola atq; insignia amici præferentium. Oleum virulentum est, sed melle illitum, palatum ludificat. Balsamo simile, quod odore inuitat, vnctione prodest

prodest, intra viscera admissum letale est. Vtrumq; linguæ malum est, vtrumq; perimit, illud sæuiendo, hoc blandiēdo. Vtrumq; in eadem lingua virus est. Omnis obrectator parasitus, omnis assentator etiā sycophanta est. In medio posita est parrhisia iusta linguæ libertas, quæ nec malis adulatur, nec insonitibus obrectat. Illos admonet, hos confirmat. Res, in aula rara, nequidem in reliqua mundi parte frequens. Quamdiu quidem Daniel in Babylonio palatio fuit, medium tenuit, extrema medio & sibiipsis contraria fugit. Regem regum agnoscit Nabuchodonosorem, sed à Deo datam potentiam, & mox desituram pronunciat. [a] ^{2 c. 2. 37.} *Tu rex regum es: & Deus cæli regnum & fortitudinem, & imperium, & gloriam dedit tibi: & omnia, in quibus habitant filii hominum, & bestia agri: volucres quoq; cæli dedit in manu tua, & sub ditione vniuersa constituit.* Ne glorietur mox addit, [b] ^{38.} *post te consurget regnum aliud minus te: & regnum* b c. 2. 39. *tertium aliud areum, &c.* Ei igitur mortem, & in alium translatum iri imperium prædicit. [c] ^{c. v. 44.} Deinde cum de sanctis dicit regnum alteri populo non dandum, satis indicat Babylonios seruituros iterum. [d] ^{d v. eod.} Immo comminuet, & consumet omnia regna hæc. Quantum libertatis in Propheta fuerit, quam fugerit assentationem, cum verba illa profert & explicat: [e] ^{e v. 35.} *tunc contrita sunt* e v. 35. *pariter, ferrum, testa, æs, argentum & aurum, & redacta quasi in fauillam æstiuæ areæ, quæ rapta sunt vento: nullusq; locus inuentus est eis, &c.* experietur si quis in regum palatio dicat, breui in aliam gentem regnum transferendum esse. Non audiunt ista Principes, ne nobiles quidem, & magnates. Pari animo Danielis amici regis impietatem reprehenderunt. [f] ^{f c. 3.} Quam apertè regi Daniel facta misera prædicit? [g] ^{g c. 4. 21.} *hæc est interpretatio sententiæ Altissimi, quæ peruenit super dominum meum regem. Eiciet te* g c. 4. 21. ^{22.} *ab hominibus, & cum bestiis feruq; erit habitatio tua, & sicut vt bos comedes, & rore cæli infunderis: septem quoq; tempora mutantur super te, donec scias, quod dominetur Excelsus super regnum hominum, & cuiuscunq; voluerit, det illud.*

Impro-

- Improbum fuisse regem, & causam supplicij ab ipso datam diserte monet: [h] *quamobrem, rex, cōsiliū meum placeat tibi, & peccata tua eleemosynis redime, & iniquitates tuas miseru. ordiū pauperum: forsitan ignoscet delictis tuis. Cui nunc animus est, cum videt reges impia bella gerentes, hæreseon patronos, ebriosos, adulteros, raptōres, ut procedat in medium, & ad pœnitētiā hortetur? Totis regnis nullus est Daniel, ideo nec Deus ignoscit. Sannè Baltasari adulus non est, nec dignitate passus corrumpi veritatem. Non modo scripturam explicuit, verum etiā regem reum pronunciat, & exitium meruisse*
- i c. 5. 22. dicitur [i] *tu quoq, filius eius Baltassar nō humiliasti cor tuum, cum scires hæc omnia: sed aduersus dominatorem cœli eleuatus es: & vasa domus eius allata sunt coram te: & tu, & optimates tui, & vxores tue, & concubina tue vinum bibisti in eis: deos quoq, argenteos, & aureos, & æreos, ferreos, ligneosq, & lapideos, qui non vident, neq, audiunt, neq, sentiunt, laudasti: porro Deum, qui habet flatum tuum in manu sua & omnes vias tuas, non glorificasti. Poterat hæc tacere; nec enim ad intelligentiam Scripturæ erat necessaria tam grauis exprobratio; non profutura pereunti, sed libertate vsus est.*
- k c. 11. 3. De Alexandro quoque prophetat: [k] *cum steterit, cum fecerit, quod placuit ei, conteretur.* Cum nimirum adulatione deprauatus adorari se pro Deo iusserit. Antiochum quoque magnum adulationibus corruptum periisse constat. [l] Si enim Annibali paruisset vera dicenti, defendi poterat. Porro supremus est gradus adulationis, cum sibi ipsi magnates blandiuntur, qualis fuit in Antiocho, qui locutus est aduersus DEVM magnifica. Et in Antichristo futuram vaticinatur: [m] *& faciet iuxta voluntatem suam rex, & eleuabitur & magnificabitur aduersus omnem Deum, & aduersus Deum deorum loquetur magnifica, & dirigetur donec compleatur iracundia, perpetrata quippe est definitio. Et Deum patrum suorum non reputabit: & erit in concupiscentiis sœminarum, nec quenquam deorum curabit, quia aduersum vniuersa consurget.*
- m c. 11. 36-37.

§ 2.

Grande igitur aulæ malum est, tam graue quam dulce, assentatio amici improbi, [n] vt Curtius, [o] ^{n l. 8.} & Vopiscus. Augustinus linguam adulantem pesti- <sup>o in Au-
reliano.</sup> lentiolem censet manu interfectoris. Blandumenim, sed letale vulnus infligit. [p] Hieronymus quoq; in eandem sententiam: *Adulatores vt inimicos caue, quorum sermones super oleum sunt molles, & ipsi sunt iacula: animos leues corrumpunt.* Nam suaue vulnus spernunt & suo malo fauent. adulator seducit vt delectet. [q] Esaias ^{q c. 3. 14.} tales fuisse falsos Prophetas sui temporis narrat: *Popule meus, qui te beatum dicunt, ipsi te decipiunt, & viam gressuum tuorum dissipant.* Salomon quoque fraudem in adulatione agnoscit: [r] *Melius est à sapi- ^{r Eccl. 7. 6.} ente corripì, quam stultorum adulatione decipi.* Mentem enim emollic perniciofa dulcedo. Queritur & Hormisdas Papa inimicam esse iustitiæ bonitatem, palpare criminolos, & vulnera eorum, vsque ad diem iudicij incurata seruare. Plane seruantur, & recrudescunt, nec coalescere sinit perpetuus mali prurientis confectus. [s] Hieronymus in domibus regum adulatores esse <sup>s In E-
zech. 11.</sup> queritur. Nec immerito, vbi sunt & molles vestes, & verba serica. Eadē sentētia Petri Rauennatis: *eliminat à palatiis adulatio veritatem, & illi soli ingratiā magistratum admittuntur, qui palpant blanditiis.* Ipsi magistratus porro amplificat beneficiis quos torquere debebant. Fallit adulator, cum ferit, amica loquitur. Cani lupus est similis, parasitus amico. Vitrum imitatur gemmas: magi fascinatores laudando necant. Pardi odere bestię dum illiciuntur, pereunt. Omnis enim adulatio amicitię expers est. Letale porro crimen est, laudare, vt noceas, aut seducas. Qui dicit impio iustus es, maledicent illi populi. Nemo assentatorem credat amicum: Mendax enim est. Nam Augustinus adulationem definit esse mendacium cupiditate placendi de suaui eloquio. Mentitur autem amicitiam, qui mentitur & laudem tuam. Præstat bene offendere, quam malè

Epist. ad Casulanum. malè placere. Virilis sententia Augustini, [1] *melius est pro veritate pati supplicium, quam pro adulatione beneficium recipere.* Canones ea causa Clericos adulatōres deponi iubent.

§ 3.

u Agapetus ad Iulianum.

Adulatōres parit; alitque audientium facilitas. Quicquid concessit adulatio, ut debitum prendimus. Qui non laudat, aut invidus putatur, aut inimicus, certè morosus, & superbus. Eâ causâ pro amico admittitur blandus inimicus! Laudatus etiam cum erubescit, lætatur. Nam in periculo est, ne lætitiâ ex assentatione conceptam prodat vultu. Quanquam enim foris resistitur, & in speciem parasitus reprehenditur, intus tamen auditur, & laudibus hoc adiici pulchrum putatur, laude sua videri non delectari, &, quod inexcusabile est, etiam hoc agitur, cum encomium vanum esse cognoscitur. Etiam cum ab illaudatis probrosa laus defertur. Nihil autem est miserius pastore, qui luporum laudibus delectatur. Hic remedium præsens est, si credantur obsequium simulando illis illudere, quos laudant, quibus nocere non possunt, nisi recipiantur. [u] Cum audiuntur bona nunquam dant consilia, sed quemadmodum umbræ ad motum corporum cientur, ita adulatōres omnibus factis & dictis applaudunt. Stolidi, degeneri animo, & ridiculi. Damoscles circa Dionysium, tanquam liberum Patrem saltabat. Æthiopes, si qua rex infirmitate, aut defectu tenebatur, eadem se parte corporis debilitabant, tam facta erat placendi cupido. Stulti qui sic illudunt, stultiores qui tantâ insaniâ delectantur, & non, quid ipsi sint, aut aliis videantur, sed quid de se alij mentiantur, expendunt. Non à conscientia, quæ semper patet Deo, & Angelis, quæ semper in multitudine est, sed à ludionibus atque irrisoribus rationem vitæ sumunt, ab illis, inquam, qui nec ipsi suis credunt verbis. Tribonia-
nus

nus Justinianum immortalem fore affirmavit, stultus si credidit, stultus qui retinuit parasitum. Tiridates rex Armeniæ Neronem suum DEVM & sua fata dixit, à Corbulone in regnum restitutus est, & vicies centena aureorum millia accepit, vt Cæsarem sic irrideret: historia est apud Xiphilinum. Facile est reiicere ignobili vilitate irridentem, si ostendas te fraudem agnoscere. Pudet indecoræ adulationis. Philippum, in Deos Messenij retulerunt, & illud Regi psephisma transmiserunt. Ille facetè monuit, vt ipsi se prius deos facerent, deinde alios. Athenienses Antonio despondere Mineruam, ille dotem exegit. Alexander Cassandrum adulantem in parietem impegit, librum Aristobuli falsis laudibus refertum in Hydaspem proiecit, non suæ laudis impatiens, sed irrisuonis. Diogenes laudantem admonuit, desineret, nihil illum proficere, se nihil intelligere. Cicures sunt belluæ, sed letaliter vulnerant.

§ 4.

Inter asperitatem & blanditias media est libertas. Tam rara virtus, vt vix singulis sæculis fuerint, quorum libertas spectata reges corripere. Alexandrum, Neronem, alios morituri cruciatuum magnitudine asperati increpuerunt, Augustum Mæcenæ supplicia decernentem, cum diceret, Surge tandem aliquando carnifex. Antigonum Zeno Cittieus adeo molestus, vt rex multis muneribus libertatem eius oppugnarit, [x] sed frustra, non enim mollitus est, ^{x Laert.} vt vera taceret. ^{l. 7. c. 1.} Beronice Ptolomæum maritum reprehendere ausa est. [y] Maiore periculo vxor Polyxeni fratrem Dionysium Siciliæ tyrannum; professa se ^{y Ælian.} si sciisset, cum marito in exilium fuisse ituram, ^{14. 43.} male se vxorem dici Polyxeni, quam tyranni sororem. Percit sanguini suo tyrannus, non amore propinquitatis, sed metu infamiæ. Magno deinde à Syracusanis in honore fuit, eique regium sepulchrum constitutum, quod

quod una fecerit, quæ nemo audebat. Christiani pluri-
 rimi & verbis & scriptis impiorum regum crimina in-
 cusarunt. Antoninum Pium Justinus cōsiderare iubet
 ut sic imperet, ne solo nomine Pius vocetur, rem perse-
 quendo Christianos amittat. Nec mirum Christianos
 ausos cum vitam aliam sperarent. Ausus est Democri-
 tus Abderites liberè apud Philippum sine metu regia-
 sœuitiæ causam Atheniensium agere: cumque rex mi-
 nitabundus interrogaret: an non timeret ne proterui-
 isti caput auferret? Respondit: si id rex faceret, patriam
 immortale daturam. At quomodo daret immortale ip-
 sa moritura? Si memoria beneficium coleret, illa ipsa
 interitura era; si statuam collocaret, mortuum signum
 mortuo statueret, breui deiiciendum. Deus suis & to-
 tum & immortalem vitam reddit. Fortior Democri-
 to Antonius Sculus, & liberior, qui cum Turcatum
 classem ad Callipolim incendisset, & Imperator ad-
 ductum ad se miraretur eum hoc ausum. Ipse vicissim
 tyrannum eiusque scelera increpans, mirari se aiebat
 illius admirationem, cum palam esset, se odio Turcicæ
 tyrannidis fecisse: nec vllum supplicium recusauit, ut
 refert Eguntius. [z] Magni facienda est libertas, recti
 tenax, supplicij contemptrix. S. Georgio Cappadoci
 magno sterit sua libertas, sed maius fuit libertatis pre-
 tium. Quia namque magna libertate in dæmonum
 crudeles & impios cultores inuehebatur, vngulis rodi-
 tur, calce vulnera vruntur, fidiculis tenditur, demum
 membratim cōciditur, ut Metaphrastes, Pasocrates, [a]
 Surius. Par libertas & loquendi & agendi in Procopio
 aulico veterano, Caesarum amico, duce Orientis, ille
 idola confecta pauperibus distribuit, ut de destructo
 cultu dæmonū mēbra Christi reficeret: qui ipse quoq;
 vngulis, ignibus, ferroq; tortus libertatis præmium tu-
 lit, in perfectam libertatem filiorum Dei assertus. [b]
 Nicephorus, Surius. Nec modo libertati apud Ethni-
 cos precium, periculosum etiam fuit reges Christianos
 admonere. Vadinus Episcopus Londinensis regem

Vortigerum reprehendit, quod Christiana coniuge repudiata Ethnicam pellicem induxisset: qui diris supplicis est excarnificatus. [c] Petrus Coloriensis Episcopus ob Matthiam Vngariæ Regem de vitiis admodum sex annos in squalore carceris iacuit. Et ne solos reges impatientes veri putemus, Arnulphus Episcopus Brixienfis à clericis, quorū peccata detestabatur, submersus est. Vitia enim licentiam suam vituperandi libertate constringi nolunt.

§ 5.

Nec cedendum tamen est. Proceres, Episcopi, viri docti & pii insurgere debent, Dei causam agere, ut si potentium peccata non possunt sisti, tamen erubescunt, & lentius ad interitum tendāt, trahātq; Ambrosius Theodosium, Chrysostomus Arcadium, & Eudociam, Gregorius Attilam, Benedictus Totilam, Agaperus Justinianum, Thomæ, Cantuariensis, & Morus reges Anglos, Stanislaus Boleslaum, publice & grauius, & multo magis eorum Palatinos admouerunt. Ignatius Constantinopolitanus Bardam propter adulterium templo arcuit. Iacobus Gnesnensis Vladislaum Secundum Poloniæ Principem, fratres expellere conatum diris deuouit. Gerardus Zaladiensis Episcopus Petro regi diadema imponere recusauit, quod consiliarios quadraginta stipite crudelem in modum adacto trucidasset. Deinde cum ab alio coronā accepisset, celerē mortē prædixit, & prophetiam firmavit euētus, ut [d] Fulg. Wilhelmus Roischildensis Sueonem regem Daniæ, ob cædem in templo factam, duriter increpitum, fidelium societate eiecit. Dunstanus Ethelstanum ad pœnitentiam hortatus est, & quamuis omnia promittentem, ipso die inaugurationis Oraculo perterritus, regnumq; sanguine fraterno partum infelix fore alleuerauit. Hicinus Monachus Valentem impium, in prælium, quod infastū fore præſagiebat, ire vetuit, quod criminibus illius exitium deberetur, iubet eum Episcopus restituere, quos urbibus expulerat, Arianis

S

subā-

el. 3.
fl. 4.
gl. 10.
6. 50.

substitutis. Non paruit Valens, vatem suum in carceres coniecit, victus, & exustus est. cladē carceris custodib⁹ narrauit Isacius. vt [e] Zonaras [f] Theodoretus, [g] Nicephorus. In eundem Valentem Traianus ductor copiarum libere locutus est, cum negaret, se victum esse, scelere Imperatoris victoriam corrumpi. Rarum tamen est vt Præfecti & Magistratus suos moneant Reges. Theodosium Juniozem nemo monebat, cum illius præfectus Antiochiæ auro corruptus Judæorum Synagogas restituere iussisset. Simeon Stylites de columna Cæsarem appellat, intercedit, atque vt præfectum parum religiosum amoueat, hortatur. Regnant hodie passim ista vitia, desunt monitores, torpent vindices. Quis regum hodie experitur, quod tremuit Anastasius, cum seuerus monitor apprehensa purpura diceret: Hæc te vestis, Imperator, non comitabitur ad Tribunal Omnipotentis? Quis principi in res Ecclesiæ manus iniicienti dicere ausit, q̃ Constantio Leontius Tripolitanus obiectabat: miror ad alia destinatum, te rebus Fidei iudicandis ingerere, & episcopis præsidere: Peccatur liberius, quia iam dudum cessat vigor Sacerdotalis, eoq; res deuenit, vt etiam minores si moneantur, iniuriam fieri arbitrentur. Interim manet in palatio lex fraternæ charitatis: vt illum admoneas, in quo fructum speras: ipsum etiam regem. Si res male administrari, opprimi subditos, capi dona vides, & taces, reuses, si non consors prædarum, particeps tamen delictorum. Non est enim duntaxat data, sed etiā præcepta in aula libertas.

C A P. XLI.

Comitas aulica, urbana, nobilitatis humanitas.

HAnc exercet aula virtutem, veram; si verbis, gestibus, vultui respondet animus sincerus: hypocrisin; si operosis carimoniis occulta tegitur simulas. Daniel sane comiter, & vrbane agit. Regi prædicturus mala

*Danielis
comitas.*

malis imminencia, ac tristitia deprecatur: [a] Domine ^{ac. 4. 16.} mi, somnium huius, qui te oderunt, & interpretatio eius hostibus tuis sit. Adeo conturbabant eum cogitationes, ut eum rex hortaretur, ne formidaret, sed libere enunciaret, quæ Deus reuelasset. Tunc Daniel cepit intra semetipsum tacitus cogitare quasi una hora & cogitationes eius conturbabant eum. Respondens autem Rex ait, Balthassar, somnium & interpretatio eius non conturbent te. Nec refugit uti titulis usitatis, quamvis adulationis speciem præferrent, ut cum dixit: [c] Rex in æternum viue, quem nouerat intra annum moriturum, sed cōmuni & usitato titulo, qui regibus ex more dabatur, in bonum sensum utitur. Nimirum optabat regi quem ad Dei cognitionem adduxit deinde vitam æternam. Urbanè etiam cum sacrificulos deprehendisset, & rex clamaret. [d] Magnus es Bel, & ^{de. 14. 17.} non est in te dolus dolus quisquam. At ille ostensurus fraude si iussit. [e] Et risit Daniel & tenuit regem, ne ingrederetur ^{cc. 14. 18.} intro, & dixit, Ecce pauimentum, animaduerte cuius vestigia sint hæc. Hanc palatini, tanquam virtutum aliarum ornamentum tenebunt, ut humani sint, affabiles, faciles ^{Comitas ornas virtutes.} in appellationib⁹ comes, in titulis largi. Fecit illud quoque [f] Paulus, cum Festum hominem improbum vocaret optimum: officij ille titulus erat, non ex virtute datus, sane sine comitate virtus non modo inornata, sed odiosa quoq; videtur, & pietas superba. Hoc tantum modo laborandum est, ne sola sit, hoc est, spuria; nam genuina non nisi ex virtute nascitur.

§ 2.

Lupini infusa aqua dulcescunt, comitas quoq; eorum, quæ in hominum societate, cōiuctuq; amara miscent, condimentum est & agendi suauitas naturæ ^{Comitas propria est natura humana.} maxime consentanea.

Dextera prapicue capit indulgentia mentes,

Asperitas odium sauaq; bella facit.

Figuram humanā mutat morositas, humaniorē facit comitas. Maxime placere eum, qui iucundissima loquitur,

*Signum
genuinae
comitatis.*

*g T.c.3.
4.5.*

tur, dicebat Antalcides: nimirum *si mistum est vtile dulci*, Medicus qui scammonio, & antimonio, acri veneno corpora vexat, qui igne & ferro sœuit, si crustulis suauibus & malua sanare potest, carnificis nomen meretur, nec in vita adhibenda tristitia, & morositas est, si satis efficax remedium est humanitas. Vera illa est si erga inferiores, erga pauperes affectum ostendit. His enim qui comem se & humanum ostendit, Deum imitatur: non enim ex merito pauperum, nec spe præmij in illos officiosus est. Sic de Domino nostro Paulus [g] *cum autem benignitas & humanitas apparuit Saluatoris nostri Dei: non ex operibus iustitiæ quæ fecimus nos, sed secundum suam misericordiam saluos nos fecit.* Hic bonitas, suauitas, philanthropia, affabilitas vera commendatur, quia de visceribus miserationum orta sunt. Non enim nos Seruator noster magnificentia quadam, & fastu redemit, sed comiter ad nos veniens, homo factus, & nostras infirmitates assumens.

*Comitas
in elemo-
syna.*

h Eccli. 4

i Eccli. 4.

2.3.

k ibidem

v. 5. 6.

l v. 7. & 8.

Hæc sincera comitas est: at qua magnatibus blandiuntur, etsi vera esse potest, facile tamen assentatione vitatur, nec suauitas est grauiæ caritatis, sed aliquâdo spe metue extorta simulatio. Comitas primario pauperibus exhibenda est, quia soboles est misericordiæ, quæ illis debetur. Deinde beati illi, promissionem regni cœlestis habent, quare nostri Domini sunt, & maiore colendi honore. Hoc nobis rex sapientissimus, & opulentissimus cōcionatur [h] *oculos tuos ne transuertas à paupere. [i] Animam esurientem ne despexeris, & non exasperes pauperem in inopiam suam. Cor inopis ne affllexeris*, Minatur vero etiam Salomon: [k] *Ab inope ne auertas oculos tuos propter iram: non relinquo quærentibus tibi retro maledicere. Maledicentis enim tibi in amaritudine anima exaudietur deprecatio illius. Exaudiet autem cum, qui fecit illum.* Non de sola liberalitate ista accipienda, sed de comitate, quæ beneficium commendat, subiungit enim [l] *Congregationi pauperum affabilem te facito. Declina pauperis sine tristitia aurem tuam, & redde debitum tuum, & responde illi pacifice in mansuetudine.*

¶ 3.

Hicigitur lapis Lydius est, veræ comitatis probator, quam paribus quoq; , & magnatibus exhibere debent qui amicitias necare , qui solitudinem fugere deliderant, quod pleriq; faciunt intempestiva beneuolentia, quæ si odio par non est, nihil tamen differt à rusticitate cærimoniosa. [m] Fuit vera in Scipione, in Tito, ille Sy- m Liuius Sueton. phacem humanitate ad Romanos attraxit, hic ea cau- Comitatis exempla. sa deliciæ generis humani dictus est. Talem se Ludoui- n Saxol. 6. cus primus rex Franciæ, omnes alloquendo, salutando- que præbuit. [n] Talem Ericus rex Daniæ, qui cum lo- n Saxol. 6. queretur viris humanissime, per eos & coniuges salu- tabat, & liberorum se tutorem promittebat. Quem Froto codem in regno, & in Vngaria ex parte imitatus est Matthias Coruinus. Antonini Florentini tanta erat comitas, vt cum grauitè reprehenderet, non tamen i- rasci posse videretur. Jucunda autem visa [o] S. Nort- o In Vita Surii. T. 3. berti comitas, cum enim ex aulico factus antistes Mag- Nortberti comitas. deburgicus solita pompa in templum induceretur, æ- dituus, tenui palliolo tectum, ex veste hominem æsti- mans, repellit etiam verbis increpitum, quod nobiles magnatesq; homo plebeius antecederet, clamantibus vero comitibus hunc Archiepiscopum, & Dominum suum esse, trepida se fuga proripuit, quem accitum Nortbertus solatur, comiter subridens: Frater, inquit melius tu me nosti, quam illi, qui indignum ad episco- patum impellunt. Quod ex animo dictum fuisse san- ctissima deinde vita, & viuientis, beatiq; prodigia de- monstrarunt. Venerabilior comitas Anthimi Marty- Anthimi comitas. ris, qui equitibus à Maximiano missis, vt eum ad sup- plicium pertraherent, magna vrbani- tate epulum præbuit, & securos esse iussit, Anthimum, quæ quærerët, se illis traditum esse pollicitus est. Inter prandendum autem se Anthimum esse confessus, atq; ita de religio- ne locutus, vt ad Christum omnes conuerteret, qui cū nollent tyranno crudelitatis ministerium exhibere, iusserunt eum quo vellet abire: at ille recta ad Impera- torem

S 3

torem

*Mamantis
comitas.*

torum gradibus omnes antecessit, lætoque animo supplicium, cui se sponte obtulerat, passus est. Par omnino humanitas in Mamante, qui cum in sylva ageret, atque à persecutoribus inuentus esset, ingenti omnes beneuolentia excepit, pauitque, & comitatem miraculo Deus voluit honoratam, ceruæ enim capræq; tenfa ferentes vbera mulgendas se sancto martyri sistebant, vt lactis, butyri, casei copia benefaciendi potestatem præberet. Hanc illi humanitatem satellitibus ad immania supplicia trahentibus præstabant: nã erat diffusa caritas Dei per corda cupientium pro Christo mori. Ad hanc normam sese examinent viri nobiles, qui ad minimam contemptus speciẽ furentes irascuntur: & si gladium non exerunt, auerso tamen vultu animoq; odiũ in intimis conditũ, occasione promendũ profitentur. Vnde tantũ mali? In tenebris ambulant, corda generosa obsidet calumniator fratrum diabolus, qui non sinit amare fratres. Inimicũ comiter aspice, saluta, facies amicũ. Discant ferre comiter, si in se aliquid facite, aut aspere dictum sit. Fecerunt illud multi impiorum: Augustus, Traianus, Antoninus Pius, Christiani etiam occidentibus se blandi sunt.

§ 4.

Risus decorus.

pl. 2 pag. c. 5.

Ne risum quidẽ comitas excludit: Illum, inquam, qui sit humanitatis ac beneuolentiæ, modicum, & lætitiæ, qui sit amicitie testis. [p] *Vrbane*, inquit, *Clemēs*, & lepidè loquendum est, nō mouendus risus: Quinetiam ipse risus est comprimendus. Nam ipse quoq; si quo modo oportet proferatur, præ se fert decorem & honestatem: sin aliter prodeat, indicat intemperantiam. Nam vt semel dicam, quacumq; naturalia sunt hominibus, ea ab illis minime sunt tollenda, sed eis potius modus & cōueniēs tempus est adhibendũ. Acrimoniam & vehementiã vultus remittere docet comitas non tamen incōcinne dissoluere, decora illa frontis hilaritas est μειδίαμα, subrisiōne Græci appellat. ita tamen, vt in vultu ridentis resideat modestia, modestia inquam, & grauitas, nō tristitia. Risus quem in fœminis illi vocant κίχλιασµόν, immodestum & lascium, meretricis est.

Risus indecens.

Quem

Quem καγχασμὸν cachinnationem in viris, nisi grandis causa sublit, levis est, *Fatus in risu exaltat vocem suam, Vir autem Sapiens vix tacite ridebit.* Nemo igitur comitatis existimabit, more Heliogabali in theatro ridentis tanto sono, ut solus audiretur, in cachinnos effundi. Qua quidem in re peccant aulici, ut apud Terentium parasitus, dum aliorum facete dicta immani risu commendare volunt. Bruta est illa adulatio, perinde ac si hominis acumen ruditu asinus laudaret. Hoc velim, non risui, quod Hippatenses faciebant, sacrificare, sed intemperantiam castigare, ne ridiculi fiant ridendo.

Tirinthij supra modum ad inconditos risus propendebant, siue genio terræ, & gentis, seu consuetudine, quæ iam in naturam degenerarat: ut indecoro, & molesto se affectu liberarent, delphicum oraculum consuluerunt: respondit dæmon, Futurum ut risum temperare, & in potestate habere possint, si taurum Neptuno (αἰγέλας) sine risu immolarent. Vbi ventum ad sacrificium, summa modestia, grauitate, nubila fronte, seueritate tristi omnia peragunt. Forte puer insuetam popularibus grauitatem admiratus, ipse quoque præter ætatem omnia seuera, matura, torua assimulabat, quo spectaculo ciues omissis mœstitiæ incitamentis in risum soluti litare non potuerunt. Siue ista fabula, siue historia est, risum immoderatum probro fuisse nos docet. Malo tamen in hac re illos excedere, quam in austeritate defectu comitatis. [q] Quis enim Domitium ferat, qui ex morositate dictus est Insanus? Quis

Risus immoderatus.

Tirinthij ridiculi.

Austri.

q. Gell. l. 18. c. 17.

Pholoclem quem χαλῶ, *fel* dixerunt? Domitium quoque Neronis atauum Ahenobarbum, os ferreum cor plumbeum habere iactabant, nam verbis asper, & animo stupidus erat. Timon omnis humanitatis expertus, omnium hominum odio tenebatur, nec celabat affectum, diabolismum Timonis imitabatur Apemantus, duo illi conuiuium sibi fecerant. Nec enim alios conuiuas admittere illorum morositas poterat, nec cum hostibus humani generis conitari cuiquam volupe erat. Tum Apemantus, ô quam

Timonis conuiuium.

egregium est nostrum conuiuium ! Cui Timon : Si-
quidem tu abesses. Neq; enim discipulum Timon a-
mabat. Monstra illa animorum sunt, omnia humani-
tatis officia nesciunt.

C A P. XLII.

*De fide secreti in senatu, aulaque maxime ne-
cessaria.*

§ I.

Secreti fi- des. **M**VLTA secreti vel accepti, vel violati pœnæ.
Innumeraq; virum docuere silentia mortes.

Danieli DEVS dicenda, tacendaq; commisit, Pro-
phetiam signare iubet : [a] Tu ergo visionem signa, quia
b c. 12. 4. post multos dies erit. Et deinde ; [b] Tu autem Daniel clau-
de sermones, & signa librum vsque ad tempus statutum : pluri-
mi pertransibunt & multiplex erit scientia. Imperante Bal-
tassare Chaldæorum & aliorum regnorum fata non
Chaldæâ, vt antecedentia, sed Hebræâ linguâ scripsit,
tum eam multi quoque Hebræi ignorabant. non enim
profutura erant pereuntibus, sed posteris libros porro
suos fideli sacerdotû custodiæ cômisit. Quisq; in aula
c c. 12. 4. sibi canat, [c] Signa sermonem, sermonē claude. Amicorum
sermones, qui euulgat, cauendus est, Spartanis ad sua
Sysitia euntibus fides secreti nunciabatur, senex enim
d In La- quidam omnibus insurrebat : [d] His foribus nulla
coniciis. verba egrediuntur, vt Plutarchus memorat. Sermonum
deposita fidelius, quam rerum deposita custodienda
sunt, & tacere necesse est tacenda. Domi tuæ ista per-
eant tu potius obliuiscere, quam vt dicas aliis. Euripi-
des quod probro dabatur, in laudem vertit, obreclan-
ti enim oris graueolentiam multa secreta in illo com-
putruisse respondit. Iniurij sunt, qui enunciant, qui
qui aud'unt, velut proditorem oderunt. Nam qui non
celat commissa, vel iniustus est, si lucri causa facit, vel
intem-

intemperans, si garrulus. Nec veniam meretur; non enim melioris ignorantia malè agit, sed dedita opera. Qui enim ambulat fraudulenter reuelat arcana, qui autem fidelis est, seruat amici commissum.

¶ 2.

Summa autem cura silentij in domibus regum, in magistratibus. Ibi cunctis præsidet Angerona diua silentij. Romæ nemo enunciabat secreta patrum, in hoc assuescebant adolescentes, ex quibus Papyrius prætexta donatus est. Hippocrates quoque Medicos iureiurando astringit. Quare nemo facilè nisi iussus accipiat, ne aliorum culpam luat, facilè enim suspiciones oriuntur, non enim latent, etsi fama non distulit. Prudenter Philippides Lyfimacho petenti quid sibi committi veller, respondit, quod regi videretur, modo nihil secreti. Nam ex factis regis semper fama nascitur. Ignobilium alia ratio est, eorum benè facta, ut in lucem veniant, diu luctantur. Culpæ quoque caligine sopiuntur, in magnatum dictis factisque, fama ludit. Tam dextra, quam læua in maius attollit. Verissimè [e] Seneca soli latere non licet, nec principi. Illi etsi nubes obtendantur, lucet tamen, mox emicat, magna fortuna nihil occultum habet, peruia sunt intima cubiculorum, in gramine latent lepores, & locustæ, grandiora animalia superstant. cum omnia feceris, ut lateant, in publico erunt. Norat hoc famosa adultera apud [f] Senecam:

Perlucet omne regia vitium domus.

f In Agam.

Monet & Claudianus, ut te totius

— Telluris in orbe

Viuerè cognoscas, cunctis tua gentibus esse

Facta palam: nec posse dari regalibus vnquam

Secretum vitii. nam lex altissima fati

Occultum nihil esse finit, latebrasq; per omnes

Intrat, & occultos explorat fama recessus.

Negociosa sunt arcana, quæ facilè suspectos red-

S

5

dunt,

dunt, aut implicant, & plurium aurium commissa cum celari creduntur fama sunt : & cum exitio multorum. Tartari bellicorū secretorum proditores centum plagis multant. Principes morte vindicant.

§ 3.

*Propria
secreta
calanda.*

Tua ipse non nisi necessitate detegēs, celata semper in tua sunt potestate, semel egressa reduci nequeunt : iam ab alio pendunt, mox à tertio, quartoque. Amicos se parare credunt voluntariā rerum suarum explicatione : nihil enim celare pignus amicitiae putatur. At alter ille alium etiam amicum habet, cui committere secretum desiderat, sciet ille etiam tuum, tandem ad innumeros, etiam ad inimicos perferetur, & fama erit, quod arcanum arbitrabare. Amicitiam res illa non auget, si absque necessitate fiat : potius securitatem tollit : nam te pignore obligatum tenet, an famęque habet, quo nocere possit. Leuem arbitrantur, qui tacenda effuderis, nemo sua tibi committet, priorum prodigo. Nimium improba spes est, confidere alios tacituros, quod ipse continere non valeas. Vis custodem arcani fidum, & certum? Optimus est, qui nescit.

C A P. XLIII.

Beneficia consideratè petenda.

§ I.

*Daniel
nihil petens
omnia accepit.
a c. 2. 6.
ult.
b c. 2. 48.
c c. 5. 17.
d c. 6. 2.*

FELIX aulicus Daniel, qui nihil pro se vnquam, [a] pro sociis præfecturam super opera Babylo- nis petiuit. Verum tamen nihil petens omnia obtinuit. [b] Nam Chaldaeus eum in sublime extulit, & muna multa, & magna dedit ei. [c] Baltassar quoque in funere suo, haud placitura vaticinantem, torque & ter- tię dignitatis loco honorauit. [d] Darius inter tres prin-

principes primum fecit, & eum cogitabat constitue-
re super vniuersum regnum. [e] Cyrus ei totam ca- e Esdras.
ptiuitatem donauit, vt omnibus liceret in patriam re-
dire. Euilmerodach In gratiam Danielis Joachimum
è carcere eduxit, thronum eius posuit super thronos
omnium regum, & cibaria constituit illi. Non peti-
uit Daniel munera, recusasse quidem legitur, ne
concupiscere videretur, aut DEI dona vendere. Qua-
re regalis illius est responsio: *Munera tua tibi sint, &
dona domus tuæ alteri da.* Admisit tamen non cupidine,
aut ambitione, sed ne regiam maiestatem in impio,
& morituro despicere videretur, atq; illa occasione vi-
ctori commendatus Ecclesiam exultantem commen-
daret.

¶ 2.

Causa cur non petierit, quia non æstimauit dona Contempsit
transuolantia, munera bestiarum, [f] quas exurendas Danielis
& in puluerem redigendas regnator æternus osten- regnum.
derat. Regnum igitur sanctorum quæsiuit, de quo An- f c. 2. &
gelus loquitur. [g] *Suscipient autem regnum sancti Dei al-* c. 7. 11. 12.
tissimi: & obtinebunt regnum vsq; in seculum seculorum. Ita g c. 7. 18.
quicumq; nō vult abiectus, & odiosus fieri terrena pe-
tendo, ne desideret; si quispiam æstuat desiderio, pe-
tendum ab eo magnum bonum, quod est ipse, qui dat
omnia, & non improperat. Dare cupit, sed petenti. Pe-
runt fragiles à fragilibus, sed frangēda. Christianos ista
non petere monet Justinus: [h] Mundum alienū puta- h De vita
mus, nec expetēda eius bona, ideo nec petenda. Profe- Christia-
cto nō est operæ precium ibi angi, vbi nō vis permane- na.
re. Si Deus aliquando tardius dat, facit vt dona sua cō-
mendet, reseruat tibi quædam, vt magis desideres, ma-
lè vsuris misericordissimè negat. Si Daniele mimitis
à rege mereberis, à Deo petes. Daniel merebatur, &
virtute sua docebat reges non esse ingratos beneficiis.
Primus error eorum, qui spes importunè vrgent suas,
nec quid facere reges, nec quid petere ipsi debeant
animo

*Errores
beneficia
poscentiū.*

animo expendunt, sed quid ipsis vrile sit. Instant cœco voto, & dulcissimum putant potiri cupitis, vt Thales docebat. Nec minus aberrant, qui petunt, quibus pares non sunt, quæ nec dare, nec accipere expedit. Ea de causa ne Deus quidem semper postulata concedit. Scitum dictum viri sapientis: si Deus daret omnibus quæ petunt, omnes perirent: Falluntur & illi, qui spe de aliquo beneficio accipiendo accepta, importunè certo tempore, locoq; dari poscunt, etsi incommodo publico, aut aliorum damno futurum sit. atque ita iniustum petunt. Hac importunitate offensus Agesilaus respondit: si iustum est, promisi. Si iniustum, dixi. Non enim generali promisso tenentur principes, si euentu, aut ex circumstantiis futurum est iniuriosum. Sylla petenti consulatum abnuuit, molestius vrgentem sua manu occidit. Sæuiter ille omnino: sat tristis erat repulsa, Mitius Antigonus, cui cum Bias talentum extorquere conaretur, & violentâ impudentiâ perurgeret, exclamauit; Date illi talentum vel vi. Plus illi perdunt, qui sic accipiunt. Deteriores illi, qui præfractè petunt, quod abliguriant. Similes cisternis rimosis, quæ nullo imbri implentur, dolia Danaïdum, qui principes citius inopes, quam se opulentos fecerint. qua de re Pontanus [i] accuratè. Fredericus Cæsar importuno flagitatori respondit: Si tu finem poscendi non feceris, ego modum negandi inuenero. Plurimi non accipiunt, quia poscunt, vel alieno tempore, vel plus quam oportebat; Qui enim plus petit, quam meretur, & quod habet, amittere meretur. Alphonfus cum equiti, sine ratione, sine pudore multa flagitanti quædam donasset, quædam negasset, iocose familiaribus petacitatem eius expressit: Timebam ne etiam vxorem meam peteret. Importunitas aliquando vincit, nunquam sine offensa. Multo autem molestissima est regibus multorum concursatio pro eo, quod vni soli potest dari. Quin sæpe iam ante animo destinatum habent, ad nullius preces sententiam

*Importu-
runt po-
scones.*

*i C. de li-
beral. c. 9.*

*Molesta
postula-
tiones.*

tiam mutaturi. Deinde reges vel ratione, vel affectu sua beneficia dispensant. Si ratione; iam forrè aliquem cooptarunt aptiorem. Si affectu; incassum rogantur. Grauius impingit, qui contra affectum principis, quam qui contra iudicium eius venit. Nam iudicium regis etiam aliena iudicia audit, & sapientiori cedit, affectum si moreris tantum dolere nouit, & irasci. Cau-rè igitur pete: nec illud, quod negaturus esses: qui petit indignus, sibi negat. Nihil hac in re verecundiâ efficacius.

Et pudet, & metuo, semperq; eademq; precari,

Ne subeant animo tadia iusta tuo.

Verum quid faciam, res immoderata cupido est,

Da veniam vitio, mitis amice, meo.

*Verecun-
dia in pe-
tendo.*

In palatio veniam non habent illa vitia. Frustra petit, qui iustam fastidij causam esse fatetur. Merito respondetur, vt moderetur cupidinem, & auida vota compescat. Multos præire, melioribus dignos. Nulla impudentior postulatio, quam cum à principe egente, aut qui æ alienum habet, diuites poscunt. Athenienses à Phocyone congiarium petebant, negauit: *Phocyon.* Puderet, inquit, si nobis darem, & Callicli creditori non darem. Non dubium, omnes illos suspendio dignos, qui pauperes reges exossant, postquam sanguinem epotarunt, carnem vorarunt. Eiusmodi harpyiæ obsidebant Ludouicum Franciæ regem, cui cum essent alata vndecim aureorum millia, & quod donaturum scirent, singulis officia sua, meritaque iactantibus, cancellario nihil petenti dedit, mente detestatus aliorum impudentiam, aliam opportunitatem expectare iussit. Aliquando subitæ sunt, negandi causæ, atque inopinæ. [k] Adolescens Vespasiano pro præfectura data gratias egit: ille quod vnguenta oleret, indignatus, literas reuocauit.

*k Sueton.
in Vespas.*

ditatum flabra motus cient. Et imis stagna refusa vadis, de conflictu turbinum bestię, hoc est regna nascuntur, immitia, dura, rabiosa, vltricia, cruenta, quęq; se mutuo, vt procellę elidunt. Nihil in his crudelitate spectatius, sanguine gaudent, & magna crebro sunt latrocinia, impetu & violentia plurimum, non ratione & æquitate reguntur. Origines fermè regnorum pudendę, fastigia inuidenda, & auctis cum potentia vitiis, magis pudenda. Cruda fuere semper Chaldęorum, Medorum, Persarum, Macedonum supplicia: regum procerumq; præcipientes irę, gentium internecione lætę. Romanum imperium cruentum, conditor fratrem, mutator filios, restaurator vndecies centena hominum millia interfecit. Peculiaris huic imperio fuit laniena amphitheatralis, quod Daniel indicat, cum dicit: *& reliqua pedibus conculcans*, auxere iras Stoici, misericordiam vitiis accensentes. vt nulla abesset crudelitas, vbi nulla adesset caritas. Nemini solent ignoscere, quibus non est datum se agnoscere. Bestię igitur cruentę imperiorum figurę, ac typi sunt, suis tamen prototypis mansuetiores. Illę enim ventris causa venantur, homines vltra famem sæuiunt.

¶ 2.

Nunc Danielis reliqua spectanda sunt. Quanta ira Chaldaeorum
 [d] Nabuchodonosoris occidentis quos volebat? [e] rum iram
 quam subito omnibus sapientibus decernit mortem? d c. 2.
 Socios Danielis nullo iure solo furore in fornacem c c. 2.
 coniicit. [f] Tunc Nabuchodonosor in furore & in ira præcepit, vt adducerentur Sidrach, Misach & Abdenago. Et f c. 3. 13.
 deinde: [g] Tunc Nabuchodonosor repletus est furore: g v. 19.
 & aspectus faciei illius immutatus est super Sidrach, Misach & Abdenago, & præcepit vt succenderetur fornax septuplum, quam succendi consueuerat. Ecce iram bestię. nec mitiora membra, cum Rege efferantur aulici. [h] Et non cessabant, qui miserant eos ministri h v. 46.

regu

filiariis ac familiaribus fuit, quasi in arctum collecta ideo virulentior. Ut enim aspidi in lingua, regulo in oculis habituq; , scorpio in cauda venenum est præsens, & noxium, licet tota corpora venenata sint, ita regnorum ira, crudelitasque in capite, & proceribus maxime cernitur, & per illos vim suam exerit, tristesque clades efficit.

¶ 3.

Sane ira maxime in vultu, oculis, voce videtur. *Ba-* *Irati vultus signa.*
 filius iratos similes ait obsessis, qui alienis viribus aguntur, vultumque in modum horribilem distorquent. Cyrillus irato mari comparat, quod magno sonitu fluctus suos collidit, & frangit, & quod interceperit, profundo haurit. Beluæ cum irascuntur feritatem suam exasperant, ora, vocem, oculos, pilos mutant, fletu anhelato ardorem ostendant, arenam proieciunt, sibila collatinent, naturam suam motu concitatore efferant, sic in homine [r] *alii affectus apparent, ira eminet.* *r Sen. l. 1. de ira.* Iratam alumnam describit pauida nutrix apud [s] Senecam. *s In Medea.*

Furoris ore signa lymphati gerit,

Flammata facies spiritum ex alto citat.

Heret, minatur, aestuat, queritur, gemit,

Proclamat, oculos fletu rigat,

Renidet, omnis specimen affectus capit.

Non decent ista hominem, animal mite, minime *Ira corporis nocet.*
 Christianum, cui vna spes salutis est si non irascatur fratri suo. Grauiore etiam iras indicant corporum mutationes noxiæ, & viscerum tormina, ut cum Valentinianus in Quados iratus detonat, ruptis venis, cum sanguine effuso animam reddit. Alexander Seuerus inter bonos alioqui imperatores, auditis iudicum iniquorum criminibus adeo commouebatur, ut bilem effunderet, atque adeo toto corpore commoueretur. Iracundissimum pene omnium hominum memorat [r] Blondus Icelinum tyrannum Italiæ plane barbarum, & cruentum. *tl. 8. decad. 1.*

T

¶ 5.

Ira imperij Romani sauior igne. Romanum imperium, sub Cæsaribus suis cultu politum, ira barbarū fuit, igne, & beluis efferatius, à diabolo nimirum fera illa idolomania in iustos incitabatur. Vbi ignis vim suam remisit, sæuitiem illa intendit

u Sur. T. 6 [u] Polycarpum plena theatra ad rogum deposcunt, acceptum ignis in modū fornicis cinxit, & venerabundus circumstetit, nec tamen impiæ leges pepercerunt.

x Prudentium Hym. Eccles. Tolos. [x] Cucuphas ignibus superatis gladio cæditur. [y] Hyacinthum etiam, quem ignis attingere ausus non est, alia tormenta cælo intulerunt. Viri illi nobiles, & magistratus à sua bestia, cui proximi erant consumpti sunt: ira enim beluæ irritatæ supra omnem flammam exardescit. [z] S. Tiburtius aulicus à Torquato aulico accusatus, super prunas ambulare iussus, flores ac rosas sibi videri affirmavit, vt Beda, Vsuardus, Deus summi doloris instrumentum in delicias conuertit, dæmon tamen, cuius halitus prunas ardere facit beluā suam furore accendit, vt cum ignis non succenderet, gladium stringeret. Eadem belua, cum Getulium martyrem flamma absumere non posset, fustibus comminuit. Erat ille nobilissimus & doctissimus in aula Adriani, Cæsaricatus, cum eo passus eadem est Amantius

a 10. Ian. b Sur. T. 3. Potestas irata sauium malum. c in catal. l. 2. 50. d 6. Ian. frater Getulij, Adriano intime familiaris, & Cerealis præfectus, vt [a] Martyrologium Rom. Ado. Beda, [b] Surius. Nec ira beluæ sexui parcere infirmo didicit. [c] Macram Rictius Varus Diocletianæ crudelitatis administer in rogum coniecit, in quo cum perstaret, flammarum victrici mammas abscidit, carcere sæuo afflixit, super acutissimas testas, prunasq; volutauit, donec orantem cælo Deus excepit. Petrus, [d] Rom. martyrol. Nullus sæuendi modus est, cum potestatem efferauit indignatio, cum flamma succingitur iracundia. Nam cum ira etiam imbecillis noxias vires suppeditat: Etenim

Quamlibet infirmas adiuvat ira manus.

el. 8. c. 19. quid non faciet cū vires ad sunt? Sane recenset [e] Eusebius

95.

*Sanitizing
milk.*

15 April.

g Niceph.
l.6.

*Bestie mi-
tiores ho-
minibus.*

Inter Leo-
nes cusi
agni.

Leonum & pardorum familiaritate tales fuere, qualis in medio Leonum Daniel. His præceps, & moderatio-
nis nescia ira, illis nesciens iræ mansuetudo, vitæ ratio-
nes composuit. Vtrique aulicis ad exemplum propositi
sunt. Iracundiam fugiant, mansuetudinem sectentur.
Imperia seua sunt, sed de sanguine Christi pasta, de cor-
de mansueto clementiam biberunt. Si enim virtus
Christi beluis demere furorem potuit, de quibus cu-
ra non est Deo, quanto magis filiis suis, pro quibus
sanguinem fudit, dabit spiritum bonum petentibus se,
spiritum mansuetudinis & caritatis? Caro serpentum
acre venenum est, at medica manu parata, præstans re-
medium. Imperia in plurimorum exitia nascuntur, ex
illis tamen antidota creat potentia Saluatoris. Chri-
stiano Palatino laborandum est, ut de Christo leni-
tatem hauriat, ne in Ethnicam bestiam degeneret.

¶ 6.

*Magna-
tum ira
pertinax.*

h In Medea.

Ira magnatum duas ob causas est pertinax, fastum,
& præcipitantiam. Tanti sublimitatem suam æstimant,
ut grauius puniendum existiment, si quis quocunque
modo obstitat. Creontes illi sunt, [h] æquum, inquit,
unt, atq; iniquum regis imperium feras. ut tyrannus apud
Senecam causam suam agenti responderet:

I, querere Colchus.

Vere tamen illa, & bene venefica.

Difficile quam sit animum ab ira flectere

Iam concitatum: quamq; regale hoc putet,

Sceptris superbas quisquis admouit manus,

Quam cepit ire: regia didici mea.

*Ira sine
ratione.*

In Oedip.

Non facile iras mutant imperantes: dictum Euripi-
dis est. Imperum primum, ne sine causa concitati vide-
antur, retinere perseverant, Vera docentem, velut ex-
probrantem oderunt, iniquitas facit pertinaces, qua-
si iusta sit, si longa. Hac igitur causa viuax est iracundia
tarde senescit, nec nisi morte finitur, ut Sophocles
docet.

Altera.

Altera causa est, quod princeps ruat, non admittat habenas rationis, nisi quibus male ducitur. Non habet ira rationem, nec aliunde capit, nisi qua crescat. Levis censetur dolor, qui capere consilium potest, victa est ira, si rationem audit.

*Cæcus est ignis stimulatus ira,
Nec regi curat, patiturq; frenos
Haud timet mortem, cupit ire in ipsos
—— Ocyus enses.*

*Ira impetu
sus sine
consilio.*

Contra obstantes, quamvis amicissimos armatur, & veluti turbo, ubi turribus, aut arboribus illiditur sonitu vim prodit. Irata mulier

*Non inquit, rapidus amnis, non procellosum mare,
Pontoq; corus saeuus, aut vis ignium
Adiuta flatu possit inhibere impetum
Irasq; nostras.——*

Quis porro finis tanti furoris? quo fertur impetus?

—— Sola est quies,

Mecum ruina cuncta si video obruta.

Se ipsa non excipit. Similes sunt illis, qui Orestem, aut Herculem furem agunt, quorum studium est, quam maxime exhibere iracundiam, aut furorem spectabilem, mediocris enim affectus admirationem non habet, sic qui iratus est, omnia, quibus iusta probetur ira, conquirat, omniaq; exaggerat.

§ 7.

Hæc tanta turpitudine merito à concitatione abducere debet: Deinde quod iratus ut alteri noceat, sibi damnum infert, se turbat, verberat, ut alter doleat, [k] virum stultum interficiet iracundia. [l] Fieri non potest, qui alterum lædit, quin prius ipse sibi noceat, illum extrinsecus lædit, se intrinsecus vastat. Si boni sunt cur lædis? si mali, cura ut ægros. [m] Spectaculo fuit Ctesiphon, qui furens ira mulæ calcitranti recalcitrauit, rabiem suam ipse puniens. Ne minus tamen sto-

*Iratus à se
læditur.
k Iob. 5.
l Aug. serm.
16. de verb.
Domini.
m Flu-
tarch. de
ciogys.*

T 3 lidæ

lide Joannes Rex Angliæ, qui subiectis indignatus, ceruos & damas ex hortis regiis in segetes immisit, ut damno colonos affligeret. Verum ipse in primis & damnum ferarum sensit, & eorum, qui erant ex agris, censuum; facile enim erat pauidas animantes abigere, aut clam mactare.

*Leues i.
parum
causa.*

Hoc vero proprium habent iracundi cum epilepticis, quod inconditè moueantur, sæuiant, brachia iactent, causas conturbationis non habeant. Pollio Crystallo fracta, puerum ad murenam iubet abripi, & ne timida videretur ira, Cæsare præsentē. Quæ bestia tam leui causa tam enormiter sæuaret? Commodus, quod tepidum esset balineum, in fornacem ardentem proiici balneatorem iussit, nec quieuit, donec nidor pellis, quam pro misero famulo iniecerant fidem executionis fecisset. Scilicet tam importunæ iræ quæuis causa ad carnificinam satis erat.

Mahometes II.

Nero nulla re magis offendebar, quam si malus Citharædus diceretur. Mahometes Secundus dum ex pomis vnum deesse videret, & tres ex ephēbis puerilis furti suspectaret, ventres secari iussit, bene cecidit, quod in primo inueniretur, alioqui vnius pomi causa plures occidisset. Paulus Cracouiensis eum, qui feram inscius à cassibus repulerat, venabulo transfixit. Ira inter hominem, & feram discrimen non facit, & quod asperrium, nescit tenere modum.

*Paulus
Ep. Cra-
couiensis.*

Quemadmodum & L. Domitius eum, qui captam feram deferebat, tanquam extrema meritum cruci affixit. Cruda planè res ira, perisse volunt, quos oderunt. Julianus iratus Christianis iura illis negabat, sæuo ioco gentium odiis obiectabat desertos. Quid enim graue est, dicebat, si vna Græcanica manus decem Galilaos interficit? Guntrannus magnam causam habere visus est, sed incertam: Medicos, qui reginam neglexisse videbantur indefensos occidit. Longa ira Galeazij Sfortiæ: Pædago, à quo puer vapularat, iam Dux factus, virgis pœ-

Julianus.

*Galea-
zjus.*

nas

nas rependit, plagasque inflixit, non tam læuas, quam indecoras ætati. Et ille quoque acceptæ iniuriæ nimium memor, discipulos in principis necem instigauit. Vna eademque ira fecit discipulum contumeliosum in magistrum, & hunc crudelem in principem. Ira parit iram, natura enim irascenti sibi quisque irascitur: molienti exitium vicissim insidiatur, sic Perdiccas summus ducum Alexandri iracundia fu- *Perdiccas.*
rens, & supplicia irrogans militum irritatis animis concisus est. Cruda Eruoia Spoletani ducis ira, qui Paulo Chuporo in aula Sigismundi se boatu salutare solito, pellem bouis assuit. Wernarius Episcopus dum ira præceps ad extirpandos Hirsaugienses, equitum turmis præit, decidit, & expirat, vitam ad cædem euntis iusta ira interclussit. Leues itaque ob *Mollis e-*
causas iras graues gerere, vt perniciosissimum, ita *ductio*
peculiare magnatibus: Ad hoc enim facit mollis *facit iras-*
educatio. Dum pueros nemo corrigit, omnes fa- *cundes.*
uent, laudant, blandiuntur, voluntatibus puerilibus nemo obsistit, peruicaces euadunt, & iniuriam existimant, si non colantur, si verum dicatur. Zeno Imperator occidit patricium bene monentem, & vltionem à Deo postulantem. Iram concitatam necratio, nectimor moratus est, donec per ebrietatem correptus simul morbo comitali, viuis ab uxore sepultus, in tumulto, rabioso clamore funus suum ipse lamentatus est. Tanti
mali causa per indulgentiam
omnis eius ætas corrupta,

* *

T 4 CAP.

C A P. XLV.

*Contra iram remedia, & mansuetudinis præcepta,
Magnatibus idonea.*

§ I.

*Difficile
iracundiæ
remediū.*

*Ratio ad-
hibenda
iræ.*

IRacundiæ idcirco difficile est remedium, quia sua cuiq; iusta videtur. Mitia suadentem pro inimico habet. Trabs est in oculo, spiculum in vulnere, dentes viati, quæ dum hærent magnos dolores adferunt, acerbiores vero dum extrahuntur. Prima igitur cura fuerit ostendere, nunquam iustam irascendi causam, nisi cū sibi quispiam irascitur, quod male faciat, non quod male patiat. Sibi aduersari debet, qui ira commouetur, non alteri malum optare. Noli litigare cum inimico tuo, sed cum corde tuo, præsta tibi misericordiam, vt Deo reconcilieris. Itaq; ratione animus conuincendus est, quæ si opportune adhibeatur, vt feruorem solis ros copiosus attemperabit. Cum Galeno Gortynensis dynasta nauigabat, ira concitus seruos gladio vulnerabat, deinde pudore, & pœnitentia ductus lorum Galeno offerebat, & vt ab eo caderetur, rogabat, Verum ille verberare abstinuit, animum ratione ad lenitatem deduxit. Si igitur ratione ostendere promptum erit, causam iræ non esse, facile tanquam ignis aqua affusa exstinguetur. Ratio porro duplex: Nam leui de causa ira concepta inexcusabilis est. Si iniuste læsus est, qui irascitur, ne tum quidem vlciſci ipse debet, non contra violenter agere; nec satisfactionem nisi legitimam; & ordine legum postulare, iræ nequaquam indulgere, potius multam remittere. Atq; adeo hoc secum perpendere: dæmoni simillimum esse, qui vindictam postulat, eaq; gaudet. Spiritus ille exoptat genus humanum, quantum est, maximas, & grauissimas æternum pœnas pendere.

§ 2.

Premendæ iræ exempla sunt Leones Babylonici. *Mansuetudo in libro Danielis.*
 [a] Deus meus misit angelum suum, & conclusit ora Leonum, & non nocuerunt mihi. Ne quidem cum ingenti septem dieum fame feritas exaceretur in Daniele, exarserunt. [b] Porro in lacu erant Leones septem, & dabantur eis duo corpora quotidie, & duæ oves: & tunc non data sunt eis, ut deuorarent Danielem. In Danielis libro exempla mansuetudinis rara sunt, agit de sæuissimis bestiis, quæ se vlcisci solent, Deo illam tribuit, quia regibus deerat. *a c. 6. 27. b c. 14. 31.*
 [c] Tibi autem Domino Deo nostro misericordia & propitius. Daniel ipse & collegæ illius tam dira passi nunquam re, aut verbo iniurias vlti sunt. Prophetat tamen de illis, qui Sabbato mortui sunt, nec lapide quidem in hostem misso, [d] ut ostenderet patientiam sanctorum. De quibus Maccabæorum liber. *c c. 9. 9. d ...*
 [e] Et dixerunt: non exibimus, neq. faciemus verbū regis, ut polluamus diem Sabbatorum: Et concitauerunt aduersus eos prælium. Et non responderunt eis, nec lapidem miserunt in eos, nec oppilauerunt loca occulta: dicentes: moriamur omnes in simplicitate nostra: & testes erunt super nos cælum & terra, quod iniuste perditis nos. *c 1. Macc. 2. 34. 35. 36. 37. 38.*
 Et intulerunt illis bellum Sabbatis: & mortui sunt ipsi & uxores eorum, & filii eorum, & pecora eorum vsq. ad mille animas hominum.

De regibus porro impiis nemo sine crudelitate fuit. Mitissimus in grege pereuntium laudatur Ptolemæus Lagi, illi summas opes Deus contulit, & regnum diuturnum, atque in posteros propagatum: ut si non mites, saltem minus crudeles possiderent terram. Hæc quoque Daniel prædixit. [f] Et confortabitur rex Aulstri & de principibus eius praualebit super eum, & dominabitur ditione: multa enim dominatio eius. *f c. 11. 5.*

Nemo ex omnibus hirci cornibus, Alexandri ducibus Ptolemæo Lagi filio prudentia, moderatione, clementia par fuit, nemo diutius regnavit, nullius posterit tam multi, tam diu sceptrata tenuerunt, [g] ut Hiero-

T 5 nymus.

nymus, Polybius, Diodorus Siculus. Ægyptum orbis terræ regionem occupauit firmissimam. Phœnicem, Cyprum, Cariam, Judæam, Samariam, Cyrenas adiecit. Non omnia illius laudo, clementia præstitit, vt fraudes, & sueta regibus vitia dissimulentur. Jerosolymis captis centena, & duodena Judæorum millia iratus captiua duxit, verum humanissimè, vt alios quoque subditos, habuit, arces & oppida custodienda dedit, in palatio & obsequiis aluit. Seruantissimos enim Juramentorum esse, ex Jaddi Pontificis ad Alexandrum responso didicerat. adeoque se Judæis beneuolum exhibuit, vt multi deserta Palæstina in Ægyptum migrarent, & opulentæ regiæ spes sectarentur, vt narrat Iosephus, & Hieronymus. Filios suos duces variis locis præfecit. Quare Daniel adiecit: *Et de principibus eius praualebit super eum.* Filius illius Philadelphus præualuit super eum, potentior patre fuit: illi pater sponte regnū dedit, & regi pro satellite astitit. Maius esse ratus, regis patrē, quam regem esse. Philadelpho maior, quam patri potentia, prudētia, lenitas. Judæos omnes manumisit, Bibliothecam nobilem instituit, sacras literas per septuaginta duos interpretes in Græcum eloquium conuerti curauit: omnibus carus, Judæis pater: in fratres durior, quorum tres sibi insidiosos necessitate miserabili occidit. Ptolemæo Lagi Theoclitus triginta tria millia, trecenta triginta nouem oppida tribuit. Eadem, & plura habuit Philadelphus. De quo Daniel: *Dominatio eius multa.* Hieronymus aluisse in armis ducenta millia peditum, viginti millia equitum, totidemque millia currum, quadringentos elephantos, mille quingentos naues longas, mille onerarias, annum reditum quatuordecim millia & octingenta talenta argenti. Decies centena millia artabaturum frumenti. Artaba tres modios & tertiam eius partem continet, piscium, pecorum, aliarum rerum numerus iniri non potuit. Hac felicitate remunerauit mitissimus humani generis creator,

Ptol. Philadelph.

Opes Ptolemæi.

tor, regis qualem cunq; mansuetudinem, vt si quis potentia fretus, Dei causa animum benignum in subiectos accipere dedignetur, asperitatem tamen spe terrenorum commodum fugiat.

§ 3.

Magna sunt à viris magnis petenda, magnam rem ab illis postulo in consortio beluarum : dum moderationem iræ postulo : Imò non ego, sed de cælo Do-^{Lex Dei} minus imperat, vt se nemo vlciscatur. Et quamuis ^{mansuetudinem requirit.} bellum geratur, non vindicandi libidine, sed iustitiæ ^{h Semes in Thyestis.} æquitate fundatur sanguis. Megæra, hoc est, dæmonis edictum est : [b] *Nec sit irarum modus, Pudorve.* [i] ^{De non irascendo.} Lacones bella facturi Musis, & amicitiae immolabant, i ^{In longa.} errore suo commonefacti, iuste, non inimice pugnant, vt Plutarchus ostendit. [k] Peruersa Euripidis est atque exitiabilis sententia, quam plerunque nobiles magis verbo, quam facto condemnant : *In iuriam facienti obstare legem iustitia, nullam vlturo.* Planè committit in legem caritatis vindex sui, & iustitiam violat. Nobile est ignoscere victo, donare iniuriam, malefactis beneficium reddere. Qui ad lites & duella properat Ethnico deterior est, nectuetur honorem, sed amittit innocentiam, vnicum animæ decus : munda-^{Malum vindicta.} dum euertit atrox iniuriæ vindicta.

*Si aeterna odia semper mortales gerant,
Nec ceptus vnquam cadat ex animis furor,
Sed arma felix teneat, infelix paret,
Nihil relinquent bella.*

Pythagoras, olla sublata in cinere confundenda signa illius, & surgentem stragula conturbare iubebar, hoc est, [l] vt Clemens Alexandrinus interpretatur, omnes irarum reliquias, & vltionis cupidinem abole-^{C. Strom.} re. Egregie hoc præstitit Consalvus sui temporis Dux, ^{Consalvus} lenitate Deo carus, bellica laude apud mortales gloriosus, Gallos captos & agros benigne curari iubet, ^{Magnus.} quam-

§ 4.

Ira impe-
rij Roma-
ni sanior
ignis.
u Sur. T. 6
x Pruden-
tius Hym.
Eccles.
Tolat.
y Ado. V.
suard.
z II. Aug.
a 10. Ian.
b Sur. T. 3.
Potestas
irata sa-
uum ma-
lum.
c in catal.
d 2. 50.
d 6. Ian.

Romanum imperium, sub Cæsaribus suis cultu positum, ira barbarū fuit, igne, & beluis efferatius, à diabolo nimirum fera illa idolomania in iustos incitabatur. Vbi ignis vim suam remisit, sæuitiem illa intendit [u] Polycarpum plena theatra ad rogum deposcunt, acceptum ignis in modū fornicis cinxit, & venerabundus circumsteterit, nec tamen impiæ leges pepercerunt. [x] Cucuphas ignibus superatis gladio cæditur. [y] Hyacinthum etiam, quem ignis attingere ausus non est, alia tormenta cælo intulerunt. Viri illi nobiles, & magistratus à sua bestia, cui proximi erant consumpti sunt: ira enim beluæ irritatæ supra omnem flammam exardescit. [z] S. Tiburtius aulicus à Tōrquato aulico accusatus, super prunas ambulare iussus, flores ac rosas sibi videri affirmavit, vt Beda, Vsuardus, Deus summi doloris instrumentum in delicias conuertit, dæmon tamen, cuius halitus prunas ardere facit beluā suam furore accendit, vt cum ignis non succenderet, gladium stringeret. Eadem belua, cum Getulium martyrem flamma absumere non posset, fustibus comminuit. Erat ille nobilissimus & doctissimus in aula Adriani, Cæsari catus, cum eo passus eadem est Amantius frater Getulij, Adriano intime familiaris, & Cerealis præfectus, vt [a] Martyrologium Rom. Ado. Beda, [b] Suius. Nec ira beluæ sexui parcere infirmo didicit. [c] Macram Riccius Varus Diocletianæ crudelitatis administer in rogum coniecit, in quo cum perstaret, flammarum victrici mammas abscidit, carcere sæuo afflixit, super acutissimas testas, prunasq; volutauit, donec orantem cælo Deus excepit. Petrus, [d] Rom. martyrol. Nullus sæuendi modus est, cum potestatem efferauit indignatio, cum flamma succingitur iracundia. Nam cum ira etiam imbecillis noxias vires suppeditat: Etenim

Quamlibet infirmas adiuuat ira manus.

1. 8. c. 19. quid non faciet cū vires adsunt? Sane recenser [e] Eusebius

bis imperante in Asia Maximino, disiectis vndique Martyrum corporibus columnas, porticus, forum, plateas, muros illachrymasse.

§ 5.

Sæuior spelæis bestiarum est aula impiorum. Vbi bestię mansuescunt, illa lacerat, comminuit, & pedibus ^{Sauities} conculcat, ut Daniel futurum prænunciauit. Adrianus ipse Brixie spectauit Faustinum & Jovitam occidi, qui ab ignibus & bestiis sæpe liberi, in multis Italie ciuitatibus torti, Brixie, Romæ, Neapoli, Mediolani, & suam innocentiam, & ferocis beluæ cruentas iras ostenderunt. quæ omnia breuissime recenset [f] ^{15 April.} Breuiarium Romanum. Sæpius bestię in sua natura, quam illæ, quæ in humana forma, feritatem immensam circumferunt, mitiores fuerunt, Theclæ, aliisque pepercerunt. [g] ^{g Niceph. l. 6.} Eustachio leones famelici, ut Danieli blanditi sunt, at ne homini deesse videretur, quo ultra Leonem sæuaret tauro vir clarissimus, Dux belli, seruator imperij includitur. Euphemium vrsi & Leones qua potuerunt, strati humi adorarunt, homo leo ad alia tormenta transmissit. Vitum & Modestum ex olla picea sine noxa redeuntes Leo, sed adorabundus ad pedes accidens excepit. Maximæ Donatillæ vrsus ferocissimus blandiens constantiam gratulatus est. Tharaco, Probo Andronico bestię se placabiles, & cicures ostenderunt. ^{Bestia mitiores hominibus.} Ianuarium de fornace egressum posita feritate beluæ admiratæ steteret. Pudit lædere corpus, cui flamma percisset, Abdonem, & Sennenem Persarum Megistanas Leonum & vrsorum reuerentia in arena seruauit, gladiatores conciderunt. Non ignoro innumeros esse martyres, quos bestię veneratæ sunt, quos hominum sæuities immanior sustulit, paucos, eosq; nobiles, & ^{Inter Leones tunc agni.} aulicos memorauit, ut appareat, quam sit facilius beluis seponere naturam, quam homini malitiam: quamque arduum sit, prope rerum fastigia agentibus, temperare feruorem naturæ. Ne tamen animum despondeant, exempla protuli eorū, qui in ipsis bestiarum cubilibus in

T 2

Leo-

Leonum & pardorum familiaritate tales fuere, qualis in medio Leonum Daniel. His præceps, & moderatio-
nis nescia ira, illis nesciens iræ mansuetudo, vitæ ratio-
nes composuit. Vtriq; aulicis ad exemplum propositi
sunt. Iracundiam fugiant, mansuetudinem sectentur.
Imperia seua sunt, sed de sanguine Christi pasta, de cor-
de mansueto clementiam biberunt. Si enim virtus
Christi beluis demere furorem potuit, de quibus cu-
ra non est Deo, quanto magis filiis suis, pro quibus
sanguinem fudit, dabit spiritum bonum petentibus se,
spiritum mansuetudinis & caritatis? Caro serpentum
acre venenum est, at medica manu parata, præstans re-
medium. Imperia in plurimorum exitia nascuntur, ex
illis tamen antidota creat potentia Saluatoris. Chri-
stiano Palatino laborandum est, vt de Christo leni-
tatem hauriat, ne in Ethnicam bestiam degene-
ret.

¶ 6.

*Magna-
sum ira
pertinax.*

h In Medea.

Ira magnatum duas ob causas est pertinax, fastum,
& præcipitantiam. Tanti sublimitatem suam æstimant,
vt grauitèr puniendum existiment, si quis quocunque
modo obstat. Creontes illi sunt, [h] æquum, inquit-
unt, atq; iniquum regis imperium feras. vt tyrannus apud
Senecam causam suam agenti responderet:

I, querere Colchis.

Vere tamen illa, & bene venefica.
Difficile quam sit animum ab ira flectere
Iam concitatum: quamq; regale hoc putet,
Sceptris superbas quisquis admouit manus,
Quam capit ire: regia didici mea.

*Ira sine
ratione.*

In Oedip.

Non facile itas mutant imperantes: dictum Euripi-
dis est. Imperum primum, ne sine causa concitati vide-
antur, retinere perseverant, Vera docentem, velut ex-
probrantem oderunt, iniquitas facit pertinaces, qua-
si iusta sit, si longa. Hac igitur causâ viuax est iracundia
tarde senescit, nec nisi morte finitur, vt Sophocles
docet.

Altera

Altera causa est, quod præceps ruat, non admittat habenas rationis, nisi quibus male ducitur. Non habet ira rationem, nec aliunde capit, nisi qua crescat. Levis censetur dolor, qui capere consilium potest, victa est ira, si rationem audit.

*Cæcus est ignis stimulatus ira,
Nec regi curat, patiturq; frenos
Haud timet mortem, cupit ire in ipsos
—— Ocyus enses.*

*Ira impetu
sus sine
consilio.*

Contra obstantes, quamvis amicissimos armatur, & veluti turbo, ubi turribus, aut arboribus illiditur sonitu vim prodit. Irata mulier

*Non inquit, rapidus amnis, non procellosum mare,
Pontog; corus seuus, aut vis ignium
Adiuta flatu possit inhibere impetum
Irasq; nostras.——*

Quis porro finis tanti furoris? quo fertur impetus?

*——Sola est quies,
Mecum ruina cuncta si video obruta.*

Se ipsa non excipit. Similes sunt illis, qui Orestem, aut Herculem furem agunt, quorum studium est, quam maxime exhibere iracundiam, aut furorem spectabilem, mediocris enim affectus admirationem non habet, sic qui iratus est, omnia, quibus iusta probetur ira, conquirat, omniaq; exaggerat.

§ 7.

Hæc tanta turpitudine merito à concitatione abducere debet: Deinde quod iratus ut alteri noceat, sibi damnum infert, se turbat, verberat, ut alter doleat, [k] virum stultum interficiet iracundia. [l] Fieri non potest, qui alterum lædit, quin prius ipse sibi noceat, illum extrinsecus lædit, se intrinsecus vastat. Si boni sunt cur lædis? si mali, cura ut ægros. [m] Spectaculo fuit Ctesiphon, qui furens ira mulæ calcitranti recalcitrauit, rabiem suam ipse puniens. Ne minus tamen sto-

*Iratus à se
læditur.
k Job. 5.
l Aug serm
16. de verb.
Domini.
m Flutarch. de
ciogymis.*

lide Joannes Rex Angliæ, qui subiectis indignatus, ceruos & damas ex hortis regiis in segetes immisit, ut damno colonos affligeret. Verum ipse in primis & damnum ferarum senlit, & eorum, qui erant ex agris, censuum; facile enim erat pauidas animantes abigere, aut clam mactare.

*Leues i-
rarum
causa.*

Hoc vero proprium habent iracundi cum epilepticis, quod inconditè moueantur, sæuiant, brachia iactent, causas conturbationis non habeant. Pollio Crystallo fracta, puerum ad murenam iubet abripi, & ne timida videretur ira, Cæsare præsentē. Quæ bestia tam leui causa tam enormiter sæuaret? Commodus, quod tepidum esset balineum, in fornacem ardentem proiici balneatorem iussit, nec quieuit, donec nidor pellis, quam pro misero famulo iniecerant fidem executionis fecisset. Scilicet tam importunæ iræ quæuis causa ad carnificinam satis erat.

Mahometes II.

Nero nulla re magis offendebarur, quam si malus Citharædus diceretur. Mahometes Secundus dum ex pomis vnum deesse videret, & tres ex ephebis puerilis furti suspectaret, ventres secari iussit, bene cecidit, quod in primo inueniretur, alioqui vnus pomi causa plures occidisset. Paulus Cracouiensis eum, qui feram inscius à cassibus repulerat, venabulo transfixit. Ita inter hominem, & feram discrimen non facit, & quod asperrium, nescit tenere modum.

*Paulus
Ep. Cra-
couiensis.*

Quemadmodum & L. Domitius eum, qui captam feram deferebat, tanquam extrema meritum cruci affixit. Cruda planè res ira, perisse volunt, quos oderunt. Julianus iratus Christianis iura illis negabat, sæuo ioco gentium odiis obiecit desertos. Quid enim graue est, dicebat, si vna Græcanica manus decem Galilaos interficit? Guntrannus magnam causam habere visus est, sed incertam: Medicos, qui reginam neglexisse videbantur indefensos occidit. Longa ira Galeazij Sfortiæ: Pædago, à quo puer vapularat, iam Dux factus, virgis pœnas

*Galea-
ziji.*

nas

nas rependit, plagasque inflixit, non tam læuas, quam indecoras ætati. Et ille quoque acceptæ iniuriæ nimium memor, discipulos in principis necem instigauit. Vna eademque ira fecit discipulum contumeliosum in magistrum, & hunc crudelem in principem. Ira parit iram, natura enim irascenti sibi quisque irascitur: molienti exitium vicissim insidiatur, sic Perdiccas summus ducum Alexandri iracundia fu- *Perdiccas.*
rens, & supplicia irrogans militum irritatis animis concisus est. Cruda Eruoia Spoletani ducis ira, qui Paulo Chuporo in aula Sigismundi se boatu salutare solito, pellem bouis assuit. Wernarius Episcopus dum ira præceps ad extirpandos Hirsaugienses, equitum turmis præit, decedit, & expirat, vitam ad cædem euntis iusta ira interclussit. Leues itaque ob *Mollis e-*
causas iras graues gerere, vt perniciosissimum, ita *ductio*
peculiare magnatibus: Ad hoc enim facit mollis *facit irac-*
educatio. Dum pueros nemo corrigit, omnes fa- *cundus.*
uent, laudant, blandiuntur, voluntatibus puerilibus nemo obsistit, peruicaces euadunt, & iniuriam existimant, si non colantur, si verum dicatur. Zeno Imperator occidit patricium bene monentem, & vltionem à Deo postulantem. Iram concitatam necratio, nectimor moratus est, donec per ebrietatem correptus simul morbo comitali, viuis ab uxore sepultus, in tumultu, rabioso clamore funus suum ipse lamentatus est. Tanti
mali causa per indulgentiam
omnis eius ætas corrupta,

* *

C A P. XLV.

*Contra iram remedia, & mansuetudinis præcepta,
Magnatibus idonea.*

§ I.

*Difficile
iracundia
remediū.*

*Ratio ad-
bibenda
ira.*

IRacundiæ idcirco difficile est remedium, quia sua cuiq; iusta videtur. Mitia suadentem pro inimico habet. Trabs est in oculo, spiculum in vulnere, dentes viati, quæ dum hærent magnos dolores adferunt, acerbiores vero dum extrahuntur. Prima igitur cura fuerit ostendere, nunquam iustam irascendi causam, nisi cū sibi quispiam irascitur, quod male faciat, non quod male patiat. Sibi aduersari debet, qui ira commouetur, non alteri malum optare. Noli litigare cum inimico tuo, sed cum corde tuo, præsta tibi misericordiam, vt Deo reconcilieris. Itaq; ratione animus conuincendus est, quæ si opportune adhibeatur, vt feruorem solis ros copiosus attemperabit. Cum Galeno Gortynensis dynasta nauigabat, ira concitus seruos gladio vulnerabat, deinde pudore, & pœnitentia ductus lorum Galeno offerebat, & vt ab eo caderetur, rogabat, Verum ille verberare abstinuit, animum ratione ad lenitatem deduxit. Si igitur ratione ostendere promptum erit, causam iræ non esse, facile tanquam ignis aqua affusa exstinguetur. Ratio porro duplex: Nam leui de causa ira concepta inexcusabilis est. Si iniuste læsus est, qui irascitur, ne tum quidem vlscisci ipse debet, non contra violenter agere; nec satisfactionem nisi legitimam, & ordine legum postulare, iræ nequaquam indulgere, potius multam remittere. Atq; adeo hoc secum perpendere: dæmoni simillimum esse, qui vindictam postulat, eiq; gaudet. Spiritus ille exoptat genus humanum, quantum est, maximas, & grauissimas æternum pœnas pendere.

¶ 2.

Premendæ iræ exempla sunt Leones Babylonici. *Manfue-*
 [a] Deus meus misit angelum suum, & conclusit ora Leonum, *tudo in li-*
 & non nocuerunt mihi. Ne quidem cum ingenti septem *bro Danie-*
 dieum fame feritas exaceretur in Danielelem, exarse- *lie.*
 runt. [b] Porro in lacu erant Leones septem, & dabantur eis *a c. 6. 27.*
 duo corpora quotidie, & duæ oves: & tunc non data sunt eis, ut *b c. 14. 31.*
 deuorarent Danielelem. In Danielis libro exempla man-
 fuetudinis rara sunt, agit de sæuissimis bestiis, quæ se
 vlcisci solent, Deo illam tribuit, quia regibus deerat.
 [c] Tibi autem Domino Deo nostro misericordia & propitia- *c c. 9. 9.*
 tio. Daniel ipse & collegæ illius tam dira passi nun-
 quam re, aut verbo iniurias vlti sunt. Prophetat tamen
 de illis, qui Sabbato mortui sunt, nec lapide quidem
 in hostem misso, [d] ut ostenderet patientiam sancto- *d ...*
 rum. De quibus Maccabæorum liber. [e] Et dixerunt: non exi- *c 1. Macc.*
 bimus, neq. faciemus verbū regis, ut polluamus diem Sabbato- *2. 34. 35.*
 rum: Et concitauerunt aduersus eos prælium. Et non responde- *36. 37. 38.*
 runt eis, nec lapidem miserunt in eos, nec oppilauerunt loca oc-
 culta: dicentes: moriamur omnes in simplicitate nostra; &
 testes erunt super nos cælum & terra, quod iniuste perditis nos.
 Et intulerunt illis bellum Sabbathis: & mortui sunt ipsi & vx-
 ores eorum, & filii eorum, & pecora eorum vsq. ad mille animas
 hominum.

De regibus porrò impiis nemo sine crudelitate fuit.
 Mitissimus in grege pereuntium laudatur Ptolemæus
 Lagi, illi summas opes Deus contulit, & regnum diu-
 turnum, atque in posteros propagatum: ut si non mi-
 res, saltē minus crudeles possiderent terram. Hæc
 quoque Daniel prædixit. [f] Et confortabitur rex Au- *f c. 11. 5.*
 stri & de principibus eius præualebit super eum, & dominabi-
 tur ditione: multa enim dominatio eius.

Nemo ex omnibus hirci cornibus, Alexandri duci-
 bus Ptolemæo Lagi filio prudentia, moderatione, cle-
 mentia par fuit, nemo diutius regnavit, nullius posteri
 tam multi, tam diu scepra tenuerunt, [g] ut Hiero-

T s nymus,

tor, regis qualemq; mansuetudinem, vt si quis potentia fretus, Dei causa animum benignum in subiectos accipere dedignetur, asperitatem tamen spe terrenorum commodum fugiat.

§ 3.

Magna sunt à viris magnis petenda, magnam rem ab illis postulo in consortio beluarum : dum moderationem iræ postulo : Imò non ego, sed de cælo Do-
 minus imperat, vt se nemo vlciscatur. Et quamuis bellum geratur, non vindicandi libidine, sed iustitiæ aequitate fundatur sanguis. Megæra, hoc est, dæmonis edictum est : [h] *Nec sit irarum modus, Pudorve.* [i] *h Senec. in Thyesta.* Lacones bella facturi Musis, & amicitiae immolabant, i *De non irascendo.* errore suo commonefacti, iuste, non inimice pugnandum, vt Plutarchus ostendit. [k] *Peruersa Euripi- k In Ione.* dis est atque exitiabilis sententia, quam plerunque nobiles magis verbo, quam facto condemnant : *Iniuriam facienti ob stare legem iustitiæ, nullam vlturo.* Planè committit in legem caritatis vindex sui, & iustitiam violat. Nobile est ignoscere victo, donare iniuriam, malefactis beneficium reddere. Qui ad lites & duella properat Ethnico deterior est, nectuetur honorem, sed amittit innocentiam, vnicum animæ decus : munda-
 dum euertit atrox iniuriæ vindicta. *Malum vindicta.*

*Si aeterna odia semper mortales gerant,
 Nec cæptus vnquam cadat ex animis furor,
 Sed arma felix teneat, infelix paret,
 Nihil relinquent bella.*

Pythagoras, olla sublata in cinere confundenda signa illius, & surgentem stragula conturbare iubebat, hoc est, [l] vt Clemens Alexandrinus interpretatur, omnes irarum reliquias, & vltionis cupidinem aboleret. Egregie hoc præstitit Consalvus sui temporis Dux, Consalvus lenitate Deo carus, bellica laude apud mortales gloriosus, Gallos captos & agros benigne curari iuber, quam-

*Justinianus
in iunio-
rio horri-
da ira.*

quamuis illi paulo ante Hispanos captos in mare demersissent. Indignum sua virtute putauit aliena vitia imitari. Vindicari non debet Christianus, quia nec Christus. Non modo, qui facit, sed & qui vlscitur iniuriam, Dei in se prouocat vindictam. Supra humanam malitiam in vltionem exarsit Justinianus Junior, contra inimicos nauigantem atrox tempestas inuasit. Omnibus periculo attonitis, monebant, qui aderant, vt votum nuncuparet, si euaderet, parsurum inimicis. Veniam enim vitamque à Deo petentem iram ponere erga homines oportere: non cessit, mentem atrocior procella agitauit, flamma in pectore ardebat, non extinguenda vel toto Oceano. *Si parsurus sum*, inquit, *iam nte Deus aequore mergat.* horrenda vox, nulla toto Acheronte sauior. Nec meruit tamen Deus. Vltionem etiam permisit, & ille sauiit immaniter, Leontij & Abdimari capita calcavit, deinde truncauit, Chersonesios deleuit, deinde ipse quoque trucidatus, & viuendi, & furendi finem fecit: atque ita dilata morte ad maiora tormenta profectus est.

¶ 4.

*Moram
ira tenen-
da.*

*m Epist. 9.
n L. 3. 5.
2 de ira.*

*o Plus a-
pophis.*

Hoc quoque iræ nocentis remedium est, vt in illa animi turbatione nihil statuas. Archias Tarentinus, villicum felicem, dicebat, quod ipse iratus esset, vt Plutarchus, [m] Hieronymus. Eodem consilio Platonem vsum scribit [n] Seneca. Moram suavitatem Athetodorus Augusto, Ambrosius Theodosio, Gregorius Leontio Proconsuli, & illi & ego omnibus. Ira subita etsi non feriat immeritum, sibi tamen pœnam, non publico præstat. [o] Themistocles Eurybiadæ baculum intentanti, *Percute*, inquit, *sed tamen audi*, properant fulmina sed diu tamen in nube morantur. Ea causa bene docuit Synesius nullam virtutem æquè sapientiam gignere, atq; mansuetudinem.

Si te cognoueris, si postremus esse assueueris, non indignaberis tibi præter dignitatem, meritumque aliquid

quid euenire. Qui ignoscit sine sacco, & cinere, accipit remissionem peccatorum, Basilio iudice cunctis felicior. ne tuorum sis clemens cognitor, alienorum seuerus Iudex. at nobili, & honorato à vilissimo dedecus allatum est: Indignum tua ira existima, si superbis. Si verè nobilis es, malè merito auxilio esse velis.

Magnificum hoc reges habent,

Prodesse miseris, supplices fido lare

Protegere.

Nocere cuiusuis est, iuuare potentis. Memento te quoque in periculo esse, in arena non quaeritur laudum, quia de vita certatur, de loco certamina negliguntur. Contemne quæ ad rem non pertinent. Sit vita sublimis, animus humilis. Ne tibi opus sit vindicta, suæ quisque malitiæ puniendus traditur. Si vero peccati pœnitet iniuriosum, obuiam eundum est. Suedet illud [p] Justinus: satius est per lenitatem peccantes ab errore abducere, quam per austeritatem in exitium propellere. Hic Dominus benignus est, ne fauiat conseruus. Aureum præceptum magnatibus. Ut disciplinam & rigorem mitiget humanitas, ne opprimant ante, quam corrigant. [q] Mansuetis dabit Deus gratiam. [r] Dirigit mansuetos in iudicio. Magis ergo verendum ne austeritas exasperet, quam ne benignitas dissoluat. Potentia reuerentiam sui extorquet, lenitati sponte offertur.

¶ 5.

Erige ad Daniele animos, & mundum aspice, reges regnant, & se vlciscuntur, bestia præliantur, sed omnes vidit Propheta in eodem rege. Occisum & vltorem Deus iudicauit, cui nunc sui vindicta prodest? nulli. Augmentum tormentis duntaxat addit. Narsetem ad se Phocas iureiurando incolumitatem pollicitus accersit, fraude captum, ira ad aspectum irritata, viuum exurit, nec perfidæ crudelitatis in longinquo pœna.

s Diacon.
l. 17. pœna, Phocę capto, irriso, torto, Monomachi iussu, manus, pedes, virilitas abscissa, truncum corpus in cineres redactum. Sine misericordia subditos premis? [s] Fecit illud Mauritius: cum in eius conspectu vxor & filij occiderentur, aliud non dixit: quam: *Iustus es Domine, & rectum iudicium tuum*, Vindicauit se de hostibus, casurus

c Diacon.
l. 22.
u Blond.
l. 1. de ca. 2. sub hoste crudeliore. [t] Abdallas Saracenus nulli pene pepercit, illum Turris obtinuit. Aistulphus incendio se vltus est, fulmen ipsum exussit. [u] Constantinus solitus excœcare ministros, ipse excœcatus est.

Subita ira periculosa. Ne dubita omnis tua in famulos asperitas reddetur tibi. Critias cæde ciuium non contentus, filias in sanguine parentum saltare coegit, illæ se ex alto præcipitarunt, ipse cum tota domo periit. In coniugem durus es, aut contumeliosus? Alboinum habes, qui cum Rosimundam vxorem lætari cum patre iuberet, ex caluaria enim occisi potabat barbarus, ab ea dormiens perficarium occisus est. Neminem facile in periculum deducas, sæua mandata in iubentem redeunt. Haraldus quartus Daniæ rex, Toconem ex prærupto ducere currum iussit, euasit ille periculum, sed per insidias regem interfecit.

Ne subita iracundia quemquam cæde. Castrucius Castrucanus à principe accepta alapa, contumeliam morte verberantis inspectante rege vltus est, utriq; effrenis, alteri exitialis ira. Infimorum calamitatibus ne per iram insultes, furor sit læsa patiëntia. Bartholomæus ciuis Papiensis Galeazium magnopere rogabat compensationem ingentium damnotum, quorum princeps auctor erat sæpe iterans, filias nobiles elocare se aliter non posse. Galeazius iræ properus, vt vulgo prostitueret, si elocare non posset, respondit. Ille contumelia irritatus, amens in principem ruit, & nisi pugionem fibula zonæ, in quam delatus erat morata esset, investigio dux cecidisset, suæ iracundiæ, alieni furoris victima. Inconsulta res ira est, sui periculi immemor, vt pessumdet hostem: quemcunque irritat iniuria, si eo
proce-

procedit, vt vitam cōtemnat suā, alienæ Dominus est. Formidabilior est, quæ minus æstimatur pœna. Actio-
linus Italiæ citerioris tyrannus, ira beluina semper æ-
stuans, ad triginta hominum millia, non prælio, sed
cruciatibus & ingenio carnificum absumpsit, vulnera-
tus & captus, non obligari vulnus, non edere, non bi-
bere sustinuit, atq; ita sibi ipse carnifex ad æternas pœ-
nas viam inuenit.

Celebrant annales Italici Barnabæ ducis Mediola-
nensis agreste ingenium, irritabile, ad minimas offen-
sas effervescebat. Bellator & venator audiebat, duo mil-
lia canum vicatim alendos diuiserat, minimæ negli-
gentiæ pœnas atroces exigebat. Integram familiam,
quod aprum edisset, suspendio necauit. Ipse quidem
à Joanne Galeazio captus, in tetto carcere miserimus
vitam obiit, filios septem habuit, qui egestate, exiliis,
conuitiis acti, variis casibus, atque orbis in exemplum
diuina iustitia periere. Venatio cum tumultu & ira
cum oppressione subditorum, & exitio venatorum
vna ex causis non minimis, quibus damnantur ma-
gnates, quia voluptatem venandi suorum commodis
& iustitiæ anteponunt: orant Deum pauperes, & Deus
vt promissit, exaudiet orantes.

*Vena-
tiones iras
pariunt.*

¶ 6.

Filiorum igitur Dei lenitatem mansuetudinemque
sequemur, & maxime facient illi quos altiore lo-
co DEVS esse voluit positos. Si inimicus infestus
imminet, cibum, & potum da persequenti. [x] Cal-
linicus militibus, à quibus captiuus ad supplicium
raptabatur precibus aquam sitientibus impetra-
uit. Pulchrior in calamitate mansuetudo. Si insi-
diatus est, si vulnus intulit, imitare Radulphum,
qui illum, à quo vulneratus est, dimisit, quod & Fre-
dericus antistes Ultraiectensis fecit, vulnera diffi-
mu;

*Clementia
Radulphi.*

*x Lip. T. 5.
Sur. T. 6.
Beda.*

Frederici.

*Lauren-
tius Du-
blinensis.
y Sur. t. 6.
14. No-
uemb.*

*z 16. O-
Hob. Rom.
Martyr.
Ado.
a Baldri-
cus Lolē-
sis Ep.
Vincent.
l. 6. c. 150.
Ignosce-
ntium ex-
empla.*

*b Sur. t. 4.
c Sur. t. 6.
Ado, V-
suardus.*

mulans, donec aufugisset parricida. Malum illi qui-
dem intulerunt, sed Deus vertit in bonum : Ea-
sa permisit, vt aliena malicia ignoscendi sit incremen-
tum ad gloriam. Sane vulnus ab inimico inflatum
[y] Laurentio Dublinensi profuit : dum omni studio
elaborat, atque efficit, ne percussor pœnas det iniuriæ.
at per dedecus & calumniam accusor, & morior ita &
Dominus noster mortuus est, & Stephanus, aliq;. Et
vir nobilis gemma magnatum, Petrus de nouo castro,
cum iussu Tolosani comitis interficeretur : Percussori
dixit : *Ignoscat tibi Deus, & ego ignosco.* [z] Eadem Eliphij
viri Magni clementia pro persecutoribus orantis.
Quinetiam Dei iam intentam vindicis manum preces
violentiæ auerterunt. [a] Samsoni Archiepiscopo
Dolensi venenum maleficus porrigebat, in medio co-
nato hominem malus genius occupat, atque horren-
dum torquet. Dolori hostis sui vir sanctus ingemiscit,
suo periculo non irritatus cum lachrymis ad D E V M
conuertitur, & dæmonem ex eius visceribus eiicit,
qui sibi lethale pharmacum pararat. Tale etiam
Christina angelis & hominibus spectaculum præ-
buit. [b] Christophorus Dago Lyciæ regi, à quo ve-
xabatur, oculum suo cruore reddidit. [c] Olympius
Martino Pontifici insidiatus oculis captus est, Marti-
nus capitali inimicum precibus sanauit, & in gra-
tiam recepit.

Quî autem ferre possum ? alapam infregit, pulsauit
virum nobilem, & innocentem. Atrox, fateor, iniuria,
præsertim si innocentem. Si enim nocentem, oportet
ignoscere illum conseruo, cui toties à Deo ignoscitur.
Si innocentem, ne perdas innocentiam vlciscendo,
auge tuam, restitue illi suam : petendo à Deo pœni-
tentiam malefactori. Equites Martinum pulsarant,
equi nec flagello, nec calcaribus adigi potuerunt, vt
loco se mouerent, donèc facti pœnituisset sessores.
Hæc est vltio sanctorum, impetrare à Deo conuersio-
nem peccantium. Famuli negligentia mihi noxia fuit :

man-

mancipium non luet crimen? Homo est, si iracundia non caritatis moderatione plectitur, iam in te ipse crudelis es. Iam magnas pœnas ille dedit, qui meruit, passus est, quicquid exspectauit. Alphonsus cum inter fruteta adducto, deinde remisso ramo grauius læsus esset, dolere se dixit dolorem eius, cuius imprudentia factum esset. Itam ex cute [Si pœna exigenda, etiam Biantis exemplo dole noxiorum cruciatu, & tamen à clementia ne recede. Times ne assiduitate parcendi clementia exhauriatur, & scelera inualecant? Vna est illa causa nō ignoscendi, si aliena iniuria non tua mouere ne tamen Deus hoc meruit, quotidie ignoscens. Quis vero in familia ampla manum & linguam semper teneat. [d] Naturæ cognatio, quæ semper benignitatem postulat, infirmitas, quæ misericordia eger. Documētum Yalubre magni Sforcia, quod filio relinquit, Ne vllum vulnere, aut verberare affligeret, si factum esset, in longinqua ablegaret. Mitis animus Sabaci, capitis damnatos labore atque operis puniebat. Disciplina est necessaria seueritas? credo: vide, ne & tibi. [e] Sigismundus rex Poloniae ad seueritatem hortanti, Quis scis, inquit, an à te incepturus sim? Carnificum est timere, ne non habeant, quos puniant, bonorum virorum optare, ne vlli pœna digni sint: sin autem, habeant quibus ignoscant.

Qui possim ignoscere maleuolo? apud principem me detulit, capitali calumnia. Aliquid inde nascetur boni, summum bonum est, si condones. Quid mali est? apud mundi principem tibi constat fama. Vide nobile aulicum. [f] Eudoxius ad Imperatorem delatus, missiq, qui ad Tyrannum adducerent, inuidiam, atque inimicitias beneficio pensauit, milites conuiuium excepit, qui cum beneuolentia moti nollent in benefactorem esse ingrati, ipse sponte se præsidi obtulit, iussus immolare dæmonibus, aut militia sese abdicare, cingulum posuit, commilitones ad fidem hortatus, & militem centum quatuorque imitatores habuit, qui omnes

d Nazian.

Lett. 6.

Lett. 16.

Sforcia.

e Crom.

Eudoxius
ignoscit.

E. 3. Septem.

Meca-

phrast.

g Bonf.
l. 4 dec. 2.
Ladislai
Pngari
clementia.

Alboinus
crudele
Cotum re-
nocat.

h Crom.
Casimirus
Sendomi-
riensis.

morte sua fidem Christi firmarunt. Cur non referam malo malum, bono bonum, cum possim? Quin bono & malo bonum, ut sis filius eius, qui solem oriri facit super bonos & malos. Magno viro satis est, contra iniuriam, referendi potestas, non opus est facto. [g] Ladislaus victis Hunnis, hostibus assiduis, fœderum nesciis, sæuitia barbaris, milites à cæde continuit. Partecite, exclamat, capite, seruate multitudinem, ut Dei populum amplificemus. Digna clementia, quam æternum victoria comes veneraretur. At iam decreui punire, voti non ignoscere. Peius perficitur, quod male voveretur. Alboinus occisurum Ticinenses iurarat, iamque urbem victam ingrediens, impij voti quasi reus, funestum scelus voluebat animo, verum equus in porta substitit immobilis, cum iratus foderet calcaribus armos, concidit. Omnibus rei nouitate attonitis, subiit familiares crudelis voti recordatio, quo rescisso, sine noxa urbem inuectus parcere miseris didicit. Verum tot irritant animos indigna, non possum ferre. Si posses velle posses & facere: nam aliud non est facere, quam velle. Occasionem minue. Augustus Pollionis crystallina frangi iussit, Cotys rex ipse vascula fragilia comminuit ut iræ materiam subtraheret. Fastuosis decede de via, iracundis loquere blandius. Quandoque se offert occasio, materiam virtutis existima. [h] Sendomirensium dux Casimirus cum Joanne Conaro totam noctem ita feliciter luserat, ut collusori omnia auferret, ille damni dolore, iraque prouectus duci lato, atque insultanti alapam furenter infregit: extrema metuenti Casimirus ignoscit, dolori amici culpam transcribit, adeoque in se transfert: monitum se, ne tam duriter ageret, & per ludum subditos euerteret. Laudamus hoc in alieno animo decus, cur sibi quisque proprium non facit? Parillud Roberti ducis Nortmanniæ, in itinere à suis procul abiunctus, in rusticum incidit, quo cum primum iurgatus est, deinde ventum ad verbera, valido iuueni dux impar sanguine, liuore, & tuberibus obsitus à suis repertus est, in vindictam accensos vlcisci vertit

it, se ita meritum confessus. Monet ille proceres, iniurias, quas infimis inferunt magni à Deo æstimati, illi rusticanos, & pauperes nihili putant, damnabili perbia eas contumelias spernunt, ob quas æternum uciabuntur. Dux, comes, nobilis sum, homines viles a ferre tenentur, ut mea dignitas sit conspicua. Non nētur autem: Dignitas tua benefaciendo inclarescat malefica est, infra omnes est. Dæmonis est potentiam stentare nocendo, torquendo. Quis vero vilis? Ex eodem omnes luto, in eodem omnes imus pulueres, & e purpura, & de sparto. At vero seruulus est. obsequij honesti nomen est, non iniuriæ. Bauo seruulum negligentem venum in catasta exposuit, tanta deinde ob seueritatem pœnitentia ductus est, ut venalicio punientium se dediderit. Bessarion famuli rusticitate à pontificatu impeditus: æquo animo tulit, tantum illi dixit: mihi mitram, tibi galerum inuidisti. Seruanda igitur animi æquitas, excludenda iracundia. Multa melius clementia emendantur, ut fecit Hamon eremita. apud [i] Dorotheum. Lenitas omnibus cara est, etiam in i *Dæmon. 6.* hoste. Phylarchus Arabs ob seruatam in partu, redditamq; uxorem à Ludouico Franco, & ipsum & exercitum seruauit. Alphonsus pueros, imbellemque sexum Caieta eiectos, ut esset commeatus defensoribus, benigne recepit, ac fouit, quæ causa magnum illi amorem populorum, ac viâtorias peperit.

E contrario Otho Tertius nimia seueritate summum odium contraxit, & imperium animis ab alienis eneruauit. Rem gestâ Brunnerus recenset in hunc modum, cuius verba pono: [k] Natalitia Christiana Otho ^{kl. 8. Ba-} Roma celebrauit, imo ferali & cruento conuiuio verius infama- ^{uit.} uit, cuius Tragicum apparatus Thyeste, quam Christiani principis mensa digniorem ex Gotfrido Viterbiensi plures exscripserunt. Accubuerant cum Othone Italicarum urbium familiarumq; Principes, ad hos sub ipsam promulgidem, inmissus praeo ^{Othonis} graui voce omnibus denunciat, Hoc agerent, qui saluos se vellent, ^{seueritas} neq; loco mouerent sese, & tumultu abstinerent, qui prandium ^{odiosa.}

V 2 inter-

turbasset, eum apud mortuos cœnaturum. Cum dicto armata cohors mensis circumfusa cōuiuas omnes in pallorem dedit. Tum ex tabula seditioforum nomina, turbulenta consilia factaq; recitata, & vita carnifici addicta. Confestim ferrum supra reorum capita fuit; eaq; Otho præcisa adnumeratq; bona fide recognoscere sustinuit, sædōq; spectaculo ebruius hospites reliquos metum ad se nihil pertinentem obruere hilaritate iussit; sublati proditoribus patriæ, & seditioforum ciuium sanguine Libertati propinato, epulari, id demum esse beatum conuiuium. Sic quidem ille censuit; cruentas tamen epulas nunquam concoxit, Sanguinarius, infami, sed congruente his moribus nomine, dictus; Italis in posterum conuiuia illius, & imperia pari odio prosequentibus, verēq; æstimantibus pocula sanguine temperantis & conuiuas carpentis in oblectamentum crudelitatis, tam detestabilem esse mensam, quam militiam.

Demum cuicumq; irasceris, quem punitum cupis: Dic, serione illum cœlestibus inferri palatiis, an stygiis fornacibus vri desideres? Nulli tam immitis ira est, nisi soli dæmoni. Quid igitur illi irasceris, cui summum bonum precari debes, quem in cœlo amaturus es ut

1 Doctrin.
6.

Ira & iudicium reprimendum.

teipsum? Facit huc quam recenset historiam [1] Dorotheus, de ira iniqua. An non contremiscimus totis visceribus, dum audimus, quid seniori illi magno contigerit? Qui cum audisset vnum è fratribus in adulterium cecidisse, cum indignatione quod male fecisset, respondit. An non accepisti quam horrenda res de ipso narratur ab antiquis? Aiunt enim sanctum angelum peccatoris illius animam, cum iam è vita migrasset, ad senem detulisse atque dixisse: En quem iudicasti, vita sanctus est, quo me igitur iubes ipsius animam deferre, ad superosne, an ad inferos? Quid, obsecro, hac re potest esse magis horrendum? Nihil aliud innuere seniori voluit angelicus sermo, quam hoc. Si tu iustorum & peccatorum iam factus es iudex, dic mihi, oro, de miserabili hac anima quam sententiam feris, vel ne misereri, an scire? Qua percussus senior ille sanctissimus hac tam horribili re, reliquum omne vite sue tempus inter lachrymas gemitusq; & innumeras arumnas egit veniam tanti peccati deposcens à Deo. Ad pedes tandem Angeli reuertentis procidens, audiuit

liuit impetrasse se veniam à Deo, Deumq; id fecisse, vt ostend-
et, quam ei graue & molestum esset iudicium nostrum temera-
rium, monuitq; ne animo id vnquam faceret.

§ 7.

Nulla est virtus amabilior, nulla dignior. Alphon- *Clementia*
sus clementiam hominum, crudelitatem ferarum esse *homini*
dixit. *propria.*

*Conueniens homini est hominem seruare voluptas,
Et melius nulla queritur arte fauor.*

In alieno quisq; peccato sui quisq; miseretur, alieno
sanguini parcat, tanquam suo. Medicinæ apud sanos
horror, apud ægros est necessitas, Clementiæ apud son-
tes desiderium, apud innocentes veneratio. Rudol-
phum Imperatorem seueritatis aliquando, clementiæ
pœnituit numquam. Pittacus oblatum sibi filij sui in-
terfectorem, vt in eum pro arbitrio statueret, sponte
dimisit; addito sapientiæ digno elogio: *malo parcere,
quam vlcisci.* [m] Nazianzenus adolescenti, qui sibi *m In vita*
insidiatus fuerat, ignouit, ea tamen conditione, vt hæ- *eius.*
resin abiuraret, inimico vitam duplicem reddidit, ani-
mæ, & corporis. Faro sexaginta sex annos in aula re-
gum Franciæ vixit, transiens aliquando carceres vincito- *Captos li-*
rum misertus, pro illis Deo preces obtulit, atq; oraculo *berat cle-*
edoctus omnes resipuisse: *Abite,* inquit, *quia vos factorū* *mentia.*
pœnitet: mox per angelum patefacto carcere omnes ab-
iere. Genouefa quoq; tactu ferratas ianuas aperuit, &
reis veniam impetrauit. Idem quoque studium Leode-
garij fuit, qui regio ortus stemmate, sq' ebat viscere car-
ceres, multosq; vinculis eximere. clementia enim cum
ratione meritis pœnas remittit. Temperat tamen iusti-
tiam, ne ad crimina improbi impunitate prouocentur.
Clemētiam summam iustitiæ accurate miscuit Engel- *Engelber-*
bertus Coloniensis antistes, diues opib⁹, sed pro defen- *tus.*
sione subditorum, inopum solatio fortis & interritus
prouinciam suam, & plebem contra potentes tueba-
tur, magistratus improbos suppliciis coercerat, Cæsa-

re in Sicilia occupato totū imperium tanta auctoritate administrabat, tanta æquitate, vt vias omnes tutas, tribunalia pura præstaret, merces tantæ virtutis martyrium: nam à comite Ysenburgico, quem de sceleribus admonuit, occisus est. Mortui tamen apparuit clemētia: nam precibus suis obtinuit interfectori veram pœnitentiam, ita vt actus in rotam comes inter merita tormenta pie vita defungeretur. Tanta cura viro sancto, vt partīcidam secum in æternitate socium gaudij haberet. Vere Christianus sanguis, non vindictam, sed misericordiam clamans.

C A P. XLVI.

Magnam patientia palæstram esse palatium, curiamq̃.

§ I.

*Danielis
patientia.*

PAtientia fortitudinis pars est nobilissima, maior robore, quo in hostem interriti milites incurrunt, cædunt, fugant mala pati, quam inferre fortius est. Hanc præcipuè Daniel noster excoluit. De Solymis patriis captiuus in Babylonem ductus, de regia Daudica in aulam sæui tyranni, inter idololatrias pius agnus in medio Leonum, sed victor & triumphator, & cum aulæ totius calumniis premeretur, leones Deo duce habuit vindices, quibus obiect⁹ esca parabatur. In aula Chal. dæa, Medica, Persica stetit Christo assimilatus, gentis suæ cladem deplorans, sed sanctis patientiæ lacrymis. Tales commendat, & patientiam sanctorum demonstrat, cum docet pati proprium esse sanctorum. [a]
Et de eruditis ruent, vt consentur, & eligantur, & dealbentur vsque ad tempus præfinitum: quia adhuc aliud tempus erit. Qui regum in obsequio versantur, plurimum præter sententiam ac voluntatem euenire illis necesse est

a. c. 11. 35.

*Patientia
necessa-
ria.*

fit. Vasta est in numerosa domo rerum aduersaria-
um moles, non arte, non vi amoueri potest. [b] In
Iarpasa autem esse aiunt, quæ duorum digitorum <sup>b Arist. de
mirabil.
auditionib.</sup>
qui motu impellatur, si totis viribus connitaris, stet
immota: mala molliter excepta, non vulnerant, leui
tatu declinantur, si turbidus impingas, obstant, &
conterunt. Sola patientia illa reprimat. Omnis vir-
tis laboriosa est, & magnos labores secum regia serui-
tis vehit, qui impatiens est, virtutis est impatiens, pati
cogitur, & ridetur. Nec metue, exantlandus est labor,
eorum sunt fructus, quorum & labores.

¶ 4.

Salomon impatientiam stulto tribuit. *Qui impatiens* <sup>c Prom.
24.29.</sup>
et, exaltat stultitiam suam. Summum malum est con-
tere se dolore, malum sibi geminare. Bias magnum
malum iudicauit, non posse ferre malum: quia nimi-
um ferenda sunt, stultum autem est dolere de eo, quod
vitare nequeas.

De bono patientiæ librum scripsit Tertullianus, de-
inde Cyprianus melior magistro discipulus. Vterque
natum impatientiæ non rebus ipsis, sed animorum
nollitudini, & impatientiæ ascribit. Cunctas enim æ-
umnas grauat impatientia, leues facit, imo lætas pa-
tientia: in tribulationibus enim sancti gloriantur. No- <sup>Patientia
onus lenis
redditur.</sup>
tat patientiæ vim in aula Augusti etiam Epicurus
poëta.

*Leuius fit patientia,
Quicquid corrigere est nefas.*

Tolerabilia fiunt, dum tolerantur aduersa. mitigat
æquus animus, querelæ exasperant, iracundia mise-
ria sauget, quies lenit. Bestiæ dum vincula mordent, &
frangere conantur, sese lædunt. Leue fit, quod bene fertur
onus. mota face crescunt flammæ, quietæ moriuntur.
iuuencos insuetos aratri verbera cogunt operi assuetis
pax est. Indomiti labore, & stimulis aguntur, solus læ-

Communia
via fe-
renda.

borexercet obsequentes, omnis indignatio in tormentum suum proficit: nam & ipsa tormentum est. Themistocles, qui patientia socios, celeritate hostes vicisse est gloriatus, iam natus annos sexaginta quinque impatientia non magni mali taurinum sanguinem henuit. Communia quædam sunt omnibus, quæ delicati ferre nesciunt, non vitio rerum, sed culpa mentis ignauæ. Alexius ex diuturno carcere eductus aërem purum perferre non potuit. Titus æger cælum intuens Deos accusauit, quod immerenti vitam eriperent: cum quotidie morientes videret, & nonnullos ipse initio regni sæuus occidisset. Aduersa te pulsant & grauias? noli te ipse exacerbare, noli addere malis tuis vigilias, inedia, lacrymas. Vis maior trahit? obsequere: repugnando non serius, sed æumnosius ad fata venit.

§ 3.

Ne iniuriam ex opere æstimes, sed auctorem aspice, nostram voluntatem ad patientiam, aliorum & bonas & malas, ad salutem ordinantem. Ferre nos ille voluit, sibi ultionem reservat, qui dixit: *mihi vindictam & ego retribuam*. Quod erga voluntate Dei patiendum est, etiam lubenter ferendum.

Vtilis pa-
tientia.

Patientia hoc insigne est, ut alios quoque faciat bonos. Patiens sis, inquit, Augustinus, ut facias bonos, ut crescat numerus bonorum, non te addas numero malorum. Nunquam malus bonum patitur, sed exercet. Tu bonus tolera malum, ad omnia animus durandus est: ut ipsa infortunia in adiutorium vertantur. Possidonius æger coram Pompeio perorabat, & dolorem increpabat: Nihil agis dolor. Imbecilla se lædī putant, si tangantur. Facile est cetera contemnere, vere Christianum tolerantia ostendit iniuriæ. Adeo, ut in bonorum numero censendus non sit, qui malos ferre nolit. Matrona nobilis & diues ab Athanasio viduam pauperem petebat sibi dari, quam aleret,

eret, dedit Episcopus, bonam, sanctam gratam, cuius modestia liberalitatem remuneraret. At magnanimitas virago patientiæ æstimatrix aliam quoq; postulabat, per quam exerceretur, morosam, iracundam, querulosam, Athanasius dedit, tum vero illa lætati, episcopo gratias agere, austeram illam beneficiis cumulare omnia tolerare, requiem putare vetulæ perturbationes urganti placide respondere, aut tacere, gloriosius arbitrata fugere silentio, quam superare respondendo. Torabit in aula collegas, qui nouit se quoque habere, quod tolerari debeat. Plurimum illi qui alios tolerare volunt, aliis sunt intolerabiles. Nihil sibi, nihil suis detrahis, omnia solent imputare collegis. [d] Non ita dene imperatrix: de regio fastigio ad ima detracta, Deo gratias agebat, quod ad imperiū esset euecta, suis peccatis deberi professa, quæ esset deiecta. Ablatū honorē moderate tulit, certo credebat, Dei amicos nimium honoratos. Honor ciuile bonum est, ad honorandum Deum duntaxat optandus. [e] Eadem in Carolo Crasso animi magnitudo, nec damnis, nec contumeliis fracta. Minora facile feret, etiam is, cui minor est animus. Rem expende. Minimo minimæ cogitationis delicto sibi quisq; plus contumeliæ irrogat, quam inferri totius mundi, vel ingenio, vel malitia queat, asperum ac durum aliquid imponitur? Non tonandum, non insaniendum, non ultio petēda; his enim factis dignum te reddis, ut patiaris, & à Deo non adiuueris. Sine consolatione cruciaris, quia iam tuo merito. Omne vulnus iactatione fit grauius. Vires humanæ Dei adiutorio omnia ferre possunt.

§ 4.

Quæ passus est Dominus crucifixus, quæ martyres cōsidera, nō sterili cogitatione, sed fructuoso voto imitandi. Pro Christo pati gloriosius est quàm regnare toto orbe, quam mortuos excitare, pro illo autem patieris, si eius causa omnia suscipias, omnia condones. Sine igne

V

5

& fer-

*Latitia
patientia.*

f Martyr.
Rom. 2.
Febr.
Syr. 2. 2.
Niceph.
l. 7. c. 15.

& ferro martyr: parua, mediocria, etiam maiora ferre disces, si Christianorum in maximis lætitiā consideres. [f] Nestor Pergæ Episcopus, claritudine generis, & in aula notus, cum in eculeo ad horrorem spectantium tenderetur, non plorabili voce, sed gestiente lætitiā mentis exclamauit: *Benedicam Domino in omni tempore semper laus eius in ore meo.* Cum præses instaret, vt abdicato Christo se tormentis eximeret: *Cum Christo semper fui, & sum, & ero, respondit.* De cruce dependens immemor tormentorum, memor caritatis, populum docebat, cum à circumstantibus impetrasset, vt secum preces sociarent, in oratione spiritum Deo reddidit. Illa est patientia sanctorum, tantum gaudij de magnis malis complexa, quantum doloris caperent ignauī. In plurimis ista fuerunt, maxima in nobilissimis Eusebio, Porphyrio, Pontiano, Vincentio, qui mediis in cruciatibus hilari voce, cum admiratione cunctorum in Dei laudes eruperunt. [g] Eusebius cum neruis distraheretur, igne torreretur, plumbeis contunderetur, excisa lingua trepidantibus ad miraculum tortoribus, orabat: *Gloriatibi Domine Iesu Christe, qui me dignatus es seruis tuis ad gloriam adiungere.* Quid potro rationis afferent, quos minima delicatos ratio in rabiem agit? Si non ritè conditæ epulæ, si calceus pressit, si non lucent orbes, si oculos Attriensis subtile Arachnes textum effugit, si de multitudine nausea, si de ebrietate grauedo dolores attulit, quasi Priamo vi vita euitetur, tragœdias agunt. Optent potius breuia mala, quam æterna. Melius est post paucas angustias beari, quam post breuem lætitiā damnari. Deo credite: nos mala nobis obesse opinamur: ille prodesse nouit.

g Petrus
in Catal.
l. 7. c. III.
Vincen-
tius in
Speculo
l. 20. c.
119.

* *
*

CAP. XLVII.

*Constantia, fortitudo, & generositas principum
& magnatum familiaritate
digna.*

§ I.

Fortitudo alia est in firmitate ossium, robore ner- Robur cor-
uorum, & corporum soliditate ac duritie, de qua poris ina-
m sæpe verum est, fortitudo corporis animæ im- ne.
becillitas. Non est igitur de gladiatoria laterum firmi-
te, non de gigantibus, Milonibus, aliisq; sermo. Illis
erumq; fortitudo exitium adfert, & in paræmia di-
untur, fortes citò naufragium facere. Tales apud Da-
ielem pereunt: [a] Porro viros illos, qui miserant Sidrach, a 6 3. 12.
isach, & Abdenago, interfecit flamma ignis, erant illi viri
rtissimi de exercitu.

Altera fortitudo planè regia videtur, quæ opibus,
rmis, exercitu cōtinetur. Hanc in Nabuchodonosore
rædicat Daniel: [b] Magna arbor, & fortis & proceritas b c. 4. 8.
ius contingens cælum: aspectus illius erat vsque ad terminos v-
niuersæ terræ. Et deinde: [c] Arborem, quam vidisti subli- c v. 17.
nem atque robustam; cuius altitudo pertingit ad cælum, & a-
pectus illius in omnem terram. Tum: [d] nonne hac est Ba- d v. 27.
ylon magna, quam ego adificavi in domum regni, in robore Fortitudo
ortitudinis mea? Eo significatu etiam quarta bestia for- regia.
tis est: [e] Mirabilis, & fortis nimis, dentes ferreos habebat e c. 7. 7.
magno, comedens atque comminuens, & reliqua pedibus suis
conculcans. Et [f] Alexander rex fortis. Hac Darium f c. 11. 3.
Alexander vicit: [g] & cucurrit ad eum in impetu fortitu- g c. 8. 6.
dinis sue. Sic Antiochus Epiphanes & Ptolemæus con-
currūt: [h] & cōcitabitur fortitudo eius, & cor eius aduersum h c. 11. 25.
regē Austri. Neq; hæc fortitudo est, quā quærimus; quia
conteretur. [i] Filia regis Austri Berenice venit quidem, i c. 11. 6.
sed non obtinebit fortitudinem brachii. [k] Et Electi regis Au- k v. 15.
stri consurgent quidem ad resistendum, sed non erit fortitudo.

Ter-

Fortitudo Tertium igitur genus fortitudinis quærendum su-
vera. perest, quod commendate aulicæ dignitati & proce-
lc. 10. v. 1. ribus oportet. Illud quoq; Danieli notum est, [l] anno
 tertio Cyri regis Persarum verbum reuelatum est Danieli co-
 gnomento Balthassar: veritas verbi, & fortitudo (Zaba)
 magna, exercitus magnus, Deinimirum Ecclesiam
 protegentis, & ipsam Ecclesiam fortium. Nam cornu
m c. 8. 9. paruum Antiochus, [m] & factum est grande contra me-
 ridiem, & contra orientem & contra fortitudinem. Fortitu-
 do hic est Ecclesia, & quicam defenderunt Macca-
 bæi, quique fortiter pati, quam malè agere maluerunt,
 vel libri Maccab. describunt. Hæc vocatur fortitudo
n c. 8. 10. cæli. [n] Et magnificatum est vsque ad fortitudinem cæli.
 Deiciet de fortitudine, viros fortissimos, Judam, Jo-
 natham, alios, qui erant & sidera faulta Israelis, & sa-
 lubria. Hos fortes esse viros, sanctos, fidos, principes
o c. 8. 11. fidelium ostendunt proxima verba: [o] & vsque ad prin-
p v. 12. cipem fortitudinis magnificatum est. [p] Hoc robur autem
 contra Ecclesiam datum est propter peccatum. Hos
 esse fortes Dei Angelus contestatur, qui Danieli visio-
q v. 24. nem exponit: [q] Et roborabitur (Antiochus) fortitu-
 do eius, sed non in viribus suis: & supra quam credi potest, vni-
 uersa vastabit, & prosperabitur, & faciet. Et interficiet robu-
 stos, & populum sanctorum. De eodem & de Antichri-
x c. 11. 31. stro sermo est in alia visione: [r] Et brachia ex eo sta-
 bunt, & polluent sanctuarium fortitudinis, & auferent iuge
 sacrificium: & dabunt abominationem in desolationem. San-
 ctuarium fortitudinis est ipsa Ecclesia sancta, tem-
 plum & Sancta sanctorum, Ecclesia virorum fortium
 cum persecutore mundo, & dæmone prælium.

§ 2.

**Fortitu-
dinis offi-
cium.**

Fortitudo timoris, & fiduciæ est moderatrix: Me-
 dia enim inter vtrumque animum tuetur, ne vel metu
 ab officio discedat, vel temeraria audacia mala accer-
 sat. Materia eius est mors & dolor, quem honesti cau-
 sa contemnit, opus eius fortia agere & pati. In bello
 illius

is vsum præcipuum putat Aristoteles, in eo sunt
la terribilia, & ante oculos honesta mors, ad quam
tis stat impavidus. Eum, qui fidenter aut plagas ac-
cit, aut in naufragio fidit, negat ille fortem. at profe-
, qui tormenta sustinet, ne ab officio discedat, vt fi-
s Q. Ciceronis, qui cruciatus perferebat, ne proscri-
um parentem proderet, fortissimus est. Et qui virili
imo quamcunque mortem exspectat, nec deiicitur,
lad Deum assurgit, hanc virtutem exercet. Bellator
tem fortis est, non feriendo hominem: hoc enim &
carnifex facit, sed contemptu sui doloris & mortis, qui
acie necessarius est, & honesti causa: nam carnifex
nctos sine suo periculo cæit. Non solet vt obserua-
t [s] Ambrosius hæc virtus incomitata esse: alias e- s l. 3. offic.
m tuetur, & cum illæ terrore pulsantur, munit. Col- Fortitudo
gæ Danielis ab idololatria abhorrebant, illa fidei re- non sola.
itudo, nisi fortitudini copulata, erat futura vidua,
cessura formidabili flammæ. At nunc animose re- Daniel
ondent: [t] quod si noluerit, notum sit tibi, Rex, quia fortis.
eos tuos non colimus, & statuam auream, quam erexisti, non c. 3. 18.
loramus. Charitatem, & fidem comitatur, & spernit
altum tyranni pallentis ira. Tale in Paulo Aposto-
, & Electis robur. [u] Quis nos separabit à charitate u Rom. 8.
hristi? tribulatio? an angustia? an fames? an nuditas? an 35.
riculum? an persecutio? an gladius? Tali fiducia Da- Danielis
iel deuotionem suam propugnat, nec metu Leonum fortitudo.
empora modumve orandi mutat: [x] quod cum Da- x c. 6. 10.
iel comperisset, id est constitutam legem, ingressus est domum
iam: & fenestris apertis in cœnaculo suo contra Ierusalem tri-
us temporibus in die flectebat genua sua, & adorabat, confite-
aturq; coram Deo suo. Nec minus fortiter agit, cum
y] Bel destruit, templum deiicit, contemptor furio- y c. 14. 27.
e multitudinis; draconem etiam interfecit: Hic fi-
lem, pietatem, zelum, charitatem, ad præclara faci-
nda fortitudo animauit, nec rugitus leonum deter-
uit. Nobile quoque fortitudinis fœmineæ exem-
lum producit Susannam, in qua castitatis decor elu-
cet

cet quidem, sed præcipue laudatur animi robur. Pugna enim eius erat contra libidinem leuior, contra metum grauissima. Hircofos senes, amoris remedia secū adferētes facile erat spernere castæ Matronæ maritum amanti. Nam cæteræ quoq; filiæ Israël non voluptate, sed incusso timore ad flagitium sollicitabantur. [z] Sic
Susanna *fortitudo.* 2 c. 13. 57. faciebatis, inquit, diuus Ephebus, filiabus Israël, & illa timentes (non lasciuientes, non libidinantes) loquebantur vobis. Sed Filia Iuda non sustinuit iniquitatem vestram. Ipsa hæc Susanna testatur, & secum disputat, & fortiter
 a c. 13. 22. 23. 24. concludit: [a] Ingemuit Susanna, & ait: Angustia sunt mihi vndiq; si enim hoc egero, mors mihi est: si autem non egero, non effugiam manus vestras. Sed melius est mihi absque opere incidere in manus vestras, quam peccare in conspectu Domini. Filiorum Dei illa est constantia, reproborum mutabilitas leuitasque animi, qui in carne & sanguine volutantur: sibi dispares ac graues, qui per scelesti
In terribilibus fortitudo. ra à dæmone, quasi in funda rotantur. Porro quamuis fortitudo in metu rerum terribilium omnia ex recta ratione gubernat, qualia sunt mortes, arces & morte acerbiores dolorum stimuli: In minoribus tamen etiam locum habet, cum virtutis ergo ad perpetuos carceres damnantur, cum Marcellus ad catabulum, cum Christiani ad metalla, ad secanda marmora, ad arenarias: relegabantur, cum in seruitutem dabantur: cum paupertatis, famis, sitis, laborum incommoda ferre coguntur.

§ 3.

In aula fortes. Heroicam virtutem ab aula expectare, inter delicias multi superuacuum existimant: materiam causantur deesse virtuti. Vtinam ne virtus materiæ desit. Sane nemo nobilium in aulâ est, qui non strenuus videri, & veluti expertus terroris Achilles, laboret. Prius
Christiani Presci Heroes. scio Christianæ Reipublicæ æuo, integri populi fideles, heroum natio fidem suam, innocentiamq; hac armatura defendebant. Traianus acerbam ac cruentam

am persecutionem mouerat, illi tamen sustinendæ non modo par Christianorum constantia fuit, sed terrorem insuperingentem attulit sæuientibus. Tiberianus præses Imperatori scripsit: *Christianis occidendis se imparem esse*. Tantis se agminibus ad mortē præclaram offerebant: omnia ferre, & fræmæ potius quam culpæ succubere parati. Lumina tum vrbium, & Senatus pro martyrio felicius, quam pro faciebus, mortium candidati, ambiebant. Diu mansit ille religionis vigor, & sine metu fortitudo: nam vere Prudentius canit.

Dei perennis nomen asserentibus,

Mors ipsa subiacet.

Hominem timere, etiam Cæsarem, seruus Dei erubescit. Genesius sane fortiter clamat: *Nō est rex nisi Christus*. *Genesius*
fortitudo.
stus, pro quo si milies occidar, ipsum de ore, ipsum de corde tollere non potestis. Non nocet martyribus, sed persecutoribus sæuitia. Victor vir nobilis fustibus cædebatur, præcone clamante, *Diis immola*: ille è contra: *non sacrifico demonibus, sed me Christo sacrificium offero*. Ibat igitur an cælum rara victima, cædebant hostes victimæ gehennæ. Hoc consequitur ne teneantur in vita prolixa mora, quæ est malorum multorum causa. Expedite Tertullianus. *nihil interest nostri in hac vita, nisi ut quamprimū decedamus.* Et Nazianzenus quoq; optimum esse, ita agere, ut ex vita quamprimum absoluiamur. Nec adultis modo, sed & pueris. Sic Maccabæi fratres, Justus, Pastor, Joannes, Vitus, Paulillus, Florellus, alij plurimi. Omnium quidem Christianorum est fortiter agere, & pati, sed præcipue nobilium & magistratuum: neque enim ullus locus præstantiores martyres, quam aula dedit veros Danielis imitatores. Marinus, dignitate & morte proposita, hanc elegit. [b] Eusebius. Nero b l. 7. c. 14. plurimos Romæ occidit, ut est, apud Tacitum. Claudius sæuior fuit. Achatî Mauritij integræ legiones generose mori, quam cædere hostes maluerunt. [c] Ba- c Tom. 1. 2. ro. Traiano imperante magna pars Romanæ nobilitatis pro Christo sanguinem fudit.

Aulici
martyres.

Gal-

Gallienus nobilitatem Africanam religionis Christianæ tenacem trucidauit. In viris illustribus S. Procopio, Perennio, Gernasio, Protasio, Claudio, durauit illa constantia. Veniunt in hunc censum & reges martyres. Edmundus & Eduardus Angliæ: Wencèslaus Bohemiæ, Canutus Daniæ, Ericus Suetiæ, Olaus Norwegiæ, Sigismundus Burgundiæ: Delicias & tormenta fortitudine animi, non sceptris aut sanguine superauerunt. Virtutis certamen fuit. Omnia sustinuerunt, quæ videre vix sustineant, quorum animus infirmus est. Multa de suorum fortitudine gentiles prædicant, nihil tale, ne fingere quidem ausi sunt, quale nostri fecerunt, Julianum fabulas Deorum secutum

d Orat. 3. Nazianzenus ex martyrum actis confutat. [d] Hæc, inquit, non colis, sed contemnis, qui Herculis rogum, ex calamitate iniuriisq; mulieribus illatus excitatum, admiraris, & Pelopis laniationem, illam, inquam, vel hospitalem, vel à Deorum amore profectam: ex qua Pelopida ab humeris & ebo-
re nobilitati sunt: qui etiam Phrygum, qui tibia suauitate mulcentur, & post tibia cantum contumelia afficiuntur, exactiones, & in Mithræ sacris adhibitos cruciatus, iustasq; aut etiam mysticas vstiones, & hospitum apud Tauros cadem, illudq; apud Troiam puella regie sacrificium, & Menæcei pro Thebanis fusum sanguinem, posteaq; filiarum Scedasi in Leuctrus: Qui Spartanos adolescentes, virgines sese lacerantes, laudas, & aram cruore respersam, Deam castam & Virginem oblectantem: Qui Socratis cicutam extollis, & Epicteti crus, & Anaxarchi virem, quorum patientia coacta potius ac necessaria, quam libera & voluntaria erat: Qui Cleombroti Ambraciota saltum, ad quem ex libelli de anima lectione impulsus est: Qui Pythagoricam illam pro fabis contentionem, & Theanus, aut nescio cuius alius, ex iis, qui Pythagoricis mysteriis initiati erant, eiusque dogmata sequebantur, mortis contemptionem? Quod si tu superiora illa nostra non miraris, at certe præsentia mirare, o omnium sapientissime & fortissime, atque in Epaminondas illos & Scipiones tolerantia ratione intuens: qui simul cum exercitu iter facis, & victum tenuem ac plebeium amplecteris, &

eam

Gentes
minima
fortes.

in gerendi belli rationem laudibus effers, in qua Dux omnia
 ex se administrat. Est quippe generosi & sapientis animi, ne
 ostium quidem virtutem contemnere: verum hostium forti-
 tudini plus tribuere, quam suorum, etiam familiarissimorum
 in auiæ atq; languori.

§ 4.

Dolor grauis solet esse brevis. Non lactatur illa spe ^{Diuturna}
 Christiana fortitudo; longum virtus exercitium am- ^{supplicia.}
 plectitur. Timotheus & Maura nouem ipsos dies in ^{Timotheus}
 cruce pependerunt, nec eos quiritando, plorandoque, ^{Maura.}
 sed mundi conditorem & redemptorem laudando in-
 sumperunt. Non meruebant futurum, qui præsen-
 tia ferebant. Nemo diu hic moritur, etiam si per dies,
 & annos. In futuro multi semper morientur. Hic ex-
 tremum doloris est gaudium plenū, medium consolatio
 occupat, ibi nouus dolor veterē continuat. Inuicta pa-
 riter constantia Faustus sub Diocletiano dies quinque in ^{Rom.}
 cruce perstitit, & orando & monēdo illulit doloti. ^{Mart. 16.}
 Victor quoque tribus diebus in fornace perseverauit vul- ^{Iul. i.}
 tu decoro, & hymnis cœleste numen laudauit. Dolere ^{Faustus}
 se, non cruciari sentiebat, dispergebatur dolor vt fu- ^{Victor.}
 mus, cum mensigne feruidior ad cœlum tenderet. To- ^{Rom.}
 tidem dies post varia tormenta in fornace arsit Chri- ^{Mart. 4.}
 stina. Lucia vidua à filio Euprepio accusata, etiam ^{Iulij.}
 abominante Diocletiano, in lebetē, qui pice & plumi- ^{Lucia.}
 bō bulliebat, toto triduo torra est. cum adhuc sæuieret
 rabies torquentium: domus iudiciaria concidit, iu-
 dicemque oppressit. Procopius Mutium superauit: ^{Procopius.}
 Thus manu accipere iubebatur: ea arulæ prunis ar-
 dentibus, imponebatur, vt, si dolore manum verteret,
 iniectis in ignem suffutibus Diis litasse videretur: ille
 dextram inmotam exuri permisit, & ferre dolorem
 maluit, quam minimam maledicendi occasionem da-
 re. Cumque homines omnia faciant, vt dolore liberent-
 tur, hic ne manum quidem vertere sustinuit: Cantā-
 bat interim verba Dauidica [6] tenuisti manum dexte- ^{e Psal. 7.}
 ram. ^{2. 24.}

*Basilius
martyr.*

ram meam : Et in voluntate tua deduxisti me , & cum gloria suscepisti me. Præfidi lachrymas exprobranti respondit non mirum est, inquit, cum lutum igni admouetur, sudat. Deinde insaniam iudicis se flere protestatur. Eadem animi firmitate manum vt Basilius recenser, Barlaamus immotam tenuit, cum prius variis tormentis debilitatus esset. Et cantabat freudentibus hostibus : *Benedictus Dominus Deus , qui docet manus meas ad prælum, & digitos meos ad bellum.* Nescio an non hos omnes vicerit Gordianus Centurio, qui passus est, quicquid pari voluit. nam pro facto voluntas in Dei iudicio fuit. Paulum metu crudelitatis secesserat, cumque ad necem quæreretur, sponte theatrum ingressus exclamat: *Inuentus sum à non querentibus me.* In tormentis canit: *Dominus mihi adiutor, non timebo, quid mihi faciat homo.* Increpat ignauiam carnificum, ad nouos cruciatus semper illud memorabat : *Damno se affici, quod non sapius mori pro Christo posset.* Hæc lætus, & placida voce prolocutus, in rogam paratum se ipse immisit. [f]

Gordianus.

*f. Prov.
16. b.*

Domus enim iusti plurima fortitudo : & in fructibus impii conturbatio, vt Salomon docet. Primo non temere ausus est, deinde non inconsulte timuit.

¶ 5.

Vltro se offerrebant suppliciis.

Mennas.

Non trahebantur ad supplicia, sed sponte ibant. quod est libertissimæ fortitudinis. Nec fortis est, qui inuitus dolores perfert, quiq; vt timidi gladiatores ferro & igne in vulnera cogi debet : infamis Vlysses qui bellum furore detrectauit. Mennas Diocletiano, vt & Maximiano vehementer charus, & familiaris, die Cæsarium natali, cum omnes aræ viciq; Dæmonum sacrificiis incestarentur, publice Imperatores arguit, & se Christianum professus, omnem suppliciorum atrocitatem tam læto animo tulit, quam auido expectauit.

Felicianus.

Quam præsens constantia Feliciani : nam audito decreto de suo martyrio, *ô quam incundos dies annuncias*, inquit, *octoginta annis iam expectatos.* Nec aliter pertulit, bonum

onum suum ad terminum deduxit, nec terga dolori
 edit, probra sustinuit. Victor Carthagine Proconsul *Victor.*
 minantibus multa barbaris facile consilium expedi-
 it: *Dicite*, inquit, *regi vestro ut me ignibus subiiciat.* Et Am- *Ambrosius.*
 rosus minanti Calligono. *Caput tibi tollo.* respondit:
Deus tibi permittat. Quam animose occurrit Tiburtius *Tiburtius.*
 Valerianus quærenti persecutori, cur Martyrum *Valerianus.*
 corpora sepelirent: *quia nos*, inquit, *feri cupimus eorum*
ocii. Demetrium nobilem & fortissimum ducem Ma-
 ximianus ipse proconsulis Græciæ insignibus ornabat,
 et obligatiorem haberet: Ille quasi ad Euangelium
 prædicandum illo honore incitaretur, ubiq; Christum
 annunciat, deinde in ipsa concione captus optatam
 ibi mortem affirmat. Armerius Albanus, vir clarus & *Armerius.*
 potens promissa libertate, si Mahometem coleret, ab-
 ominatus est apostasiam, & crudelem in modum dis- *Andreas*
 sectus. [g] Andreas sub Maximiano paucis Christia- *g Bemb. l. 5*
 nis militibus multos Persas vicit. de fide accusatus *Hyst. Venet.*
 bellicæ fortitudini adiecit laudem constantiæ Chri-
 stianæ, ornamentum omnium virtutum, & in lectum
 æreum ignibus sævientibus candentem sponte ascen-
 dit, in quo canticis & hymnis se dux magnanimus re-
 frigerabat. Irene quoq; fœminam supergressa minan- *Irene*
 tibus hostibus in rogam ipsa insiliit. Indi Philosophi *Contem-*
 Alexandro respõderunt mentes eum cogere non pos- *nunt sup-*
 se, in corpora habere potestatem, ignem esse asperri- *plicia.*
 mum homini tormentum, illum à se contemni. In igne *Indi.*
 Petrus intimus Diocletiano, & à cubiculis, quasi in rosa *Petrus.*
 placida exspiravit, Pari alacritate Maximus Claudius
 dux domi militiæque nobilis, aulæ decus ad ostia Ti-
 berina viuis exurit.

§ 6.

Virtutem in dolore incitabat spes præmij, quod in *Spe præ-*
 Dei coniunctione cernitur. Pusces medicus aule, sed & *mij.*
 animorum: cum Ananiam senecta debilem ad tormen-
 torum magnitudinē trepidare & expauescere videret:

X 2

non

Ananias
Pufces.

Adrianus.

h 1. Cor.
2. 9.

Plato.
i Rom.
8. 18.

non tenuit se, quo minus nutanti verbis constantiam adderet. *O senex*, inquit, *paulisper oculos claudere & aternavida*. Valuit exhortatio, geminata est palma. Vnus periclitabatur de perseverantia, in ancipiti stabat victoria, duo triūpharunt. Nam & Ananias in agone perstitit, & medico hortatori lingua excisa datum est certaminis consortium, qui ex spectatore factus Athletes speciosissime pugnavit & vicit. Adrianum aulae Diocletianae principem & magistrum officij, nondum de Christo plene instructum, eadem spes ad maximum opus impulit. Cum enim dira cruciamenta perferre Christianos magna alacritate & congratulatione cerneret, magna quædam sperari ab his præmia iudicavit, quæ sicutque ex martyribus quænam illa bona essent, propter quæ omnia, quæ sunt in natura tristissima, ferrent. Cui tres, qui tum lignis extensi, crudis nervis cæsi, lapidibus ora contusi, linguis quamquam radicitus euulsis animose responderunt: *exspectamus [h] quod nec oculus vidit nec auris audiuit, nec in cor hominū ascendit, inenarrabile bonum, quod paravit Deus hīs, qui diligunt eum*. Tum ille lætitia gestiens, à se abiens, & in Christum transiens, dixit exceptoribus: *annotate meam confessionem cum his sanctis & Athleticis Dei, quia & ego Christianus sum*. Trepidare tota aula dæmones, demonumq; ministri Imperator Diocletianus rei novitate perturbatus, cum viro clarissimo disceputationem instituit, victo Imperatore etiam tormenta superavit, & ad agonotheam suam gloriosus ascendit. Plato nobilis Galata è Boiis oriundus, cum à quatuor tortoribus, deinde à duodecim flagellatus in carcerem reduceretur, dicebat: male tugurium suum habitum dictans: se esse immunem, ad constantiam Christianos hortabatur: illud Pauli omnium auribus insonans: *[i] non sunt condigna passionēs huius temporis ad futuram gloriam quæ reuelabitur in nobis*. res horrida, tristis aspectus, dolor inimicus naturæ; totum corpus vnum vulnus, sed heros ille non succensuit malis, non fecit dolorem querela turpem, sed insul-

insultando gloriosum. Cedit enim dolor fortibus, insultat ignavis, Urbicius iudex Lucium duci iubebat, ille letus ad Deum se ire dicebat, ibatq; quasi ad triumphum, & regnū. Elpicius nobilis senator sponte se dedit torquentibus, primum equis indomitis tractus, deinde igne tortus, æquo semper vultu, & placido animo omnia ferebat, & expectabat. Victorem imperante Antonino Sebastianus iudex immaniter torquebat, equuleo neruos luxauerat, secretis naturæ partib⁹ feruens oleum infundi imperabat, tum Martyr: *O quam Victor. suaue est hoc, sicut aqua sitibundo.*

¶ 7.

Non tamē profanæ superbix feroci virtute superabāt Christo nitebātur. Quare maiora humanis decora *Spe Christi certabant.* gentiles intuiti, magicis artibus perseverantiam in tormentis tribuebant. Quod cum Pontiano super prunas *Pontianus.* ambulanti Fabianus iudex exprobraret, ille insigni responso calumnias retorfit: *In nomine Christi super prunas ambulo, tu in nomine Iouis, vel manum in aquam calidam immitte. Si autem praestigia sunt, cur eas Dii tui non tollunt?* Heroum nostrorum robur omne ac vis in humilitate cordis, non sui fiducia fundatur. Quæ enim superbis inesse videtur constantia, fragilitas est. Tam infirma, quam inanis. Gaudium Dei est fortitudo sanctorum. Norunt se moriendo nō perire, sed reddi immortales, ituros in paradysum Dei sui, vt Theophilo aliquando Dorothea promisit. Profectus itaque Christianæ virtutis fortes efficit, & gratia cor stabilis, vt docet Dorotheus. [k] Nam quanto proficit anima, tanto fit fortior & valentior ad ferenda, quæcunq; dura contigerint. *In- k Doctri- mentum enim illud fortissimum dicimus, quod onus quodq; etiam magnum valenter & commode vehit, & si contigerit casu villo offendere vel cadere, ita statim excitatur & resurgit, vt vix offendisse, vel cecidisse se senserit. Debile autem animal cuiuscunq; titudo. oneri etiam leuissimo succumbit, & si ceciderit, ad resurgendum multorum opus habet auxilio. Idem est de anima, quæ quoquo*

magis peccauerit, eo fit semper debilior. atq; in eandem sententiam Nazianzenus. [1] Non enim in veste, sed in animi constantia, humilitas ipsi sita erat, nec colli depressio, aut vocis demissio, aut vultus inclinatio, aut promissa barba, aut capitis ad cutem vsq; rasi exornatio, aut certus incedendi modus humilitatē effingebat (quæ ut ad breue quoddam tempus exprimi possunt, ita quam celerrime sese produnt: nihil enim simulatum constans ac diuturnum est,) quin potius idem, & vita maxime sublimis, & animo perquam humilis erat: cuiusq; ad virtutem nemo aspirare poterat, ad eiusdem congressum perfacilis omnibus aditus patebat.

C A P. XLVIII.

*Fortitudinem ac magnanimitatem veterum nobiles
& palatinos nostros imitari oportere.*

§. I.

Obmurmurari mihi audio, & doctrinæ fortis conuitia. Tunc ista delicatulis nostris? Tu carceres, gladios, eculos, bestias, cruces, ignes? Nondum ad ista maturuerunt, leuissimis mouentur, punctione acus, nisi forte ad superbiam aures perforentur, ferre nequeunt: mortis mentionem tanquam dirum omen exhorrescunt. Semper illis est de morte importuna narratio, etiam senibus, etiam morientibus. Verum ego contra audentior ibo. Non est doctrina Christi Lesbia regula, ad tortuosam morum prauitatem flexilis, ad hanc normā immobilem animorum ædificatio dirigenda est, ut in cœlum vsq; domus excrescat. Nihil dignius est homine quam ut imitetur auctorem. Imitetur & imitatores Christi: perfectiores illos, non multitudinem. Caueant ne filij sint mali ex malis, bestię, ex bestiis: Si autem filij martyrum, opera martyrum faciant, ita lætis vtantur, ut & tristibus gaudeant.

Forti doctrina opus est illi qui saluandi sunt.

Dura non fugienda.

Scilicet

Scilicet aduersis probitas exercita rebus,

Materiem tristi tempore laudis habet.

Si luctandum est cum asperis, ne turbetur nouitate, turpe est cum officio luctari. Indicium malæ mentis est, inter simulationem virtutis, & amorem vitiorum fluctuare. Vigorem veterum capiant, nec sint inconstantes, ne vt conchylia à luna mutantur. Si imbecilles sunt, fortitudinem induant, munimentem infirmitatis inexpugnabile. Aderit illis de cælo auxiliator petra & refugium malorum, ille inquam, qui Quintino, dum flagellis laceratur, acclamat: *Constanse sto, ego tibi adsum.* Plurima, non quod difficilia sint, non audet timidi, sed quia non audent, difficilia sunt, perturbantur non rebus, sed opinionibus. In cælum ardua est via magno labore enitendum est. Memoria fati imminentis, iudicij damnantis, cruciantis inferni delicatis ingerenda est etiam inuitis, Hanc fortitudinem, quæ bello ruetur à barbaris patriam, domi defendit infirmos, à latronibus socios, ab infidelibus orthodoxos palatini dilaudant, nec iniuria: plena iustitia est, Qui enim non repellit à suis iniuriam dum potest, tam in vitio est, quàm ille, qui facit, Est autem non in inferenda, sed capienda iniuria lex virtutis, dum priuatim patimur, non cum publico bono, & quieti studemus.

¶ 2.

Dignos ego procures, duces, tribunos, centuriones, nobiles iudico, quos horret ad Christi, apostolorum, martyrum imitationem. Hos omnes simul: nā erat eo tempore aula castrensis. & in illa decus militiæ. Venerari saltem & suspicere eorum virtutē necesse est. Nazianzenus sane Juliano Apostatæ pro crimine obiicit, talium contemptum virorum. *Non victimas pro Christo casus veritus es? nec magnos pugiles extimuiſti,* Ioannē illū Petrum, Paulum, Iacobum, Stephanū, Lucam, Andream, Theclam, eos, qui & post illos, & ante illos, pro veritate periculus se obiecerunt qui cum igni, & ferro, & beluis, & tyrannis, & presentibus malis, & denunciatis, alacri animo, velut in alienis corporibus,

bus, imo quasi corporum expertes dimicarunt (cur? ne pietatem vel verbo tenus proderent.) Quibus praelari honores & festa constituta sunt: à quibus demones propelluntur, & morbi curantur: quorum apparitiones & predicationes: quorum vel sola corpora idem possunt, quod anima sancta, siue tangantur, siue honorentur: quorum vel sola sanguinis gutta, atq; exigua passionis signa idem possunt, quod corpora?

*Martyres
nos hor-
tantur.*

Quirinus.

Deinde Heroës prisci de pyra, de cruce, de eculeo ad se nos inuitant. Quirinus episcopus ingenti saxo alligatus, mergi non potuit, super aquas ferebat eum Spiritus sanctus, cōcionantem in ripa stantibus, & hortantem, vt votis magnis tormenta subirent, facilia ex difficilimis facerent animi magnitudine. Hanc ad maxima tendere magnum esse, qui cœlestia amat, terrena nec metuit mala, nec cupit prospera. Christo confidentes stare rectos sub omni pondere.

§ 3.

*Leniora
petuntur
hodie.*

Veruntamen non eo solum fine perfectæ constantiæ exempla produxi, quod ei pares omnes iudicem: nam tristissimos ferre cruciatus in suo corpore tanquam alieno, maius est, quam vt ferre queant, qui etiam in noxiorum suppliciis exalbescunt. Minora à nostris exigam. Ne malorum metu leniorum de officio deiici se sinant: in vita innocente perseuerent. Bonum inchoare, malo sine concludere, incipere à ratione, à gratia, desinere in sensu, in delicto monstrosus est; hoc est humano capite ceruicem equinam, serpentinam caudam adiungere. Non autem martyres illi tantummodo ne idolis sacrificarent, aut Christum abnegarent in cruciatibus perseuerarunt. Sed ne in alias quoque Dei leges committerent, vt gloriam Dei propagarent, ne pudicitiam proderent, ne cōscios religionis indicarent, orationem aut docendi munus intermitterent, vt eleemosynas darent, martyres sepelirent, infirmos corroborarent, vt veritati testes essent, ne sacra traderent. Gregorius senior magno zelo restitit

Gregorius.

Julia-

Juliano templum petenti. Felix Tibarensis occisus est, *Virtus o-*
 quod nollet tradere persecutoribus sacras Scripturas. *mnis for-*
Habeo, inquit. sed non do. Euplius eadem de causa diu- *titudine*
 rissime grauissimeq; tortus est, nec tradidit. Ad sup- *defende-*
 plicium vero elogio præstantissimo, alligato ad eius *tur.*
 collum Euangelij codice educitur. Testis scriptæ ve- *Felix Ti-*
 ritatis, & illius testimonio vicissim probatus. *barensis.*
Euplius.

Vitam Iulittæ S. Basilii recenset, opes ereptæ sunt,
 maluit egere, quam Christum deserere. Audita est vox *Iulitta.*
 Heroidis animi plane virilis: *Malo omnia deserere, quam*
vna voce impia Deum offendere. Alacris, ad rogam pergit,
 mulieres notas ad martyrium, virilemque constantiam
 hortatur non solum ex carne viri, participes imbecilli-
 tatis, sed ex ossibus quoque ut fortitudinem æmulen-
 tur ostendit oriundas, & facto fortissimo splendida di-
 cta firmavit, in rogam enim exultabunda insiliit, obla-
 ta Deo in odorem suauitatis. Latissime patet illud: *ma-*
lo omnia perdere, quam vel vna voce impia Deum offendere. Ad
 omne genus officij pertinet. Hinc vitæ nostræ exempla
 ducemus, iudices enim illos habebimus, quos nunc
 admiramur. Tribunal illud in arcu cælesti cōstitutū in-
 teamur & fidos Dei seruos. Dicent illi: amore tui, ô Ju-
 dex, toto corpore laceri steterimus, terēderunt, fidiculæ
 sulcarunt ungulæ, virgæ fustesque lancinarūt, in cruce de
 vulneribus pependimus, supervulnera steterimus, tortū *Pios ad*
 fuit in vulnere corpus, luxerunt in plagis flammæ, dum *crimina*
 iam nō membra, sed vulnera torquerentur, addita do- *nullus ti-*
 lentibus ludibria, & amarulenta spectantium gaudia, *mor adi-*
 atque insultationes. Omnia tamen etiam membra cor- *git.*
 poris perdere maluimus, quam vel vna voce te Deum
 offendere: contra omnia vitia pro omni virtute ista su-
 stinuerunt. Quæ igitur à nobis excusatio obtendi po-
 terit, si sponte ea committamus; ad quæ tormentis adi-
 gi felices illæ animæ adigi non potuerunt: nulla sup-
 plicia illos ad mentiendum, fallendum, potandum,
 scortandum impellere potuerunt. An consortes san-
 ctorum esse possunt, qui ad ista non meru coguntur (&

si metus intentaretur non excusarentur, sed nequitia prouolant, nec metu legum reuocantur?

Tanta igitur maiestas regiae virtutis, si nondum ab angustiis terrenae mentis concipi potest, eo tamen usque proficient Palatini, ut si à Satana species sceleris obiiiciatur, aut sit ex mundi contagione periculum, si vltionis, luxuriae, ebrietatis, iniuriae occasio se offerat, animumque percellat, ita secum stant: Heroas veteres Christi fide inclytos, si fornaces Babylonias, leones, crucesque, & quicquid dolorum cogitare diabolus potest, admotum corporibus fuisset, non commissuros fuisse, ut quicquam sceleris facerent, quare Christianis omnino indignum fore, si nulla necessitate, nulla vi impulsu, sola animi libidine, aut ignauia sese sceleribus contaminent. Si leui irrisu, aut damni metu peccatis, vel suis, vel alienis consentiant.

C A P. XLIX.

Pertinacia constantia larua vitanda, eam potentibus periculosam, sed consuetam.

§ I.

*Multi-
plex per-
tinacia.*

Magnatibus non quidem proprium, sed ordinarium tamen malum, pertinacia, constantiae æmulatrix. Est vero pertinacia opinionis, aut voluntatis sine recta ratione obfirmatio. Idcirco aulis frequens, quod mutare vel inconsiderate, vel cupide constituta, probrosum existiment: Facilius porro decreta mutant reges, quam regum consilia, & urbium curiae. Omnia obtendunt, ne videantur errasse. Pertinacia autem alia est in opinione, à qua nullis rationibus obstinati dimouentur, nec tamen recta ratione tenentur.

tur. Qualis est in hæreticis, alia in sola voluntate, qualis in Alexandro, qui certo non esse se DEVM nouerat, & tamen etiam per amicorum cades diuinitatem affectabat: contumacia voluntatis contra mentem peruicacis. Pertinacia in peccato graui est propria reproborum, ad finem nimirum perseuerans. Quisquis in peccato mortali vitam infelicem claudit, modo sit animo præsentis, etiam contumacia peccat. Leuiore est pertinacia in leuibus delictis. Potest etiam esse in rebus adiaphoris cum nimium suæ opinioni etiam probabili adhærent, aliorum res contemnunt. Cum obstinatione quadam non rei veritate mouentur, aut rationum momentis. Eiusmodi homines cum inusitato iudicio sunt, appellant noua voce, *opinatiuos*. Qualis erat Anaxagoras, qui cum semel niuem atram dixisset, insaniam defendit. Innumera eiusmodi sunt apud philosophos: nullum est enim sine teste mendacium.

¶ 2.

Verum de palatij pertinacia, quæ sæpe prouinciis *Procerum* exitiabilis est, dum id, quod leniter decretum est, *pertinacia* tanquam sacrosanctum, & Reipublicæ necessa- *grauis*. rium defenditur, cum tamen alia causa tuendi non sit, quam quia lata lex est. Quomodo Creon respondit.

[a] Vox constituto sera decreto venit.

a Senec.

Tam scelestæ pertinaciæ exemplum Daniel attulit.

Medea.

[b] Nunc itaq; rex confirma sententiam & scribe decretum: *b c. 6. 8.* vt non immutetur, quod statutum est à Medis & Persis, nec prauaricari cuiquam liceat.

Vrgent vero regem cum minis, & contristant. [c] *c c. 6. 15.* Scito rex, quia lex Medorum atq; Persarum est, vt omne decretum, quod constituerit rex, non liceat immutari.

Durissima procerum cōtumacia, quam rex flectere nequiuit, leonum dentibus commolita est, vt testatur Daniel: [d] *d c. 6. 24.* iubente autē rege, adducti sunt viri illi, qui accusa- *uerant*

uerant Daniele[m], & in lacum leonum missi sunt, ipsi & filii
 & vxores eorum: & non peruenierunt vsque ad pauimentum la-
 ci, donec arriperent eos leones, & omnia ossa eorum com-
 minuerunt. Maior etiam & stolidior Babyloniorum fu-
 ror, non in opinione, sed peruersa voluntate, ideo sine
 vlla ratione contumax. Imposituram sacrificulorum
 Belum Daniel ostenderat, & constabat de fraude toti
 prouinciæ, Draconem etiam noxium interfecit, quem
 certum erat Deum non esse, qui venenum, quod sum-
 pserat, ignorauit, & mortuus est. Cum scirent ista omnia,
 suæ tantum voluntati, & beluino affectui indulgentes
 [e] prophetam ad lacum Leonum deposcunt. Persarum
 quo stupidiora eo peruiaciora erant pectora, ebrij cõ-
 sultabant, & de rebus maximis deliberabant, hæc fir-
 miora, teste [f] Strabone, quam quæ sobrij decreue-
 runt, ab ipsis habebantur.

c. 1. 4.

fl. 15.

§ 1. 4.
 h in equi-
 sibus.

[g] Athenæus [h] Aristophanes & illius Schola-
 stes insaniam Barbarorum exagitauit. Eorum, qui nec
 scientia, nec ingenio valent solet esse in præconceptione
 temeraria obstinatio, nam rationem cur mutandum
 sit decretum non intelligunt. Fuit idem Nabuchodo-
 nosori vitium, qui monitus visione terribili non mu-
 tauit male constituta, retinuitq; peruiaciam [i] nam
 post spaciū mensium duodecim deambulabat in palatio, mi-
 narū Dei, & Danielis consilij immemor, & regno deie-
 ctus in bestiam mutatur. Subito enim Deus obfirma-
 tam contumaciam rumpere solet; quicquid enim su-
 pra modum durum est, etiam præfractum est. De-
 cium peruiacissimum subito paludi immergit. Va-
 lerianum repentina, & fœda seruitute oppressit, &
 in malitiosa miseria obstinatum Persæ viuum exco-
 riarunt. Lucia, Diocletiano imperante, in æstuan-
 tissimo rogo triduum illæsa psallebat, certabat pati-
 entia martyris, & pertinacia iudicis, donec iudicem
 ruina oppressit, socium eius dæmon corripiciens, cum
 equo de ponte præcipitauit. Omnium pene obsti-
 nationem vicit Ebroinus improbitate notus, Geri-
 num

ic. 4. 16.

Valerianus

Ebroini
 contumacia.

num & Leodegarium nobile par fratrum, collegas suos neci dedit. Leodegarium etiam adigere supplicii conatus est, ut Christum negaret, atque æternum perderet, odio in futurum sæculum pertinaciter extenso: Verum & illum cælum excepit, & Ebroinum in ollam Vulcani deferri sanctorum aliqui viderunt. Antiochus pertinaci studio, & cladibus Ægyptum ambiuit repul-
 [k] obstinatam iram vertit in Judæos, gentem innocuam, quorum octoginta milla occidit.

k 2. *Mact.*

11.

Ioseph. l. 13.

c. 7.

§ 3.

Abominabilis porro maxime est pertinacia voluntatis, cum in malo proceditur, non errore aliquo, aut probabili inductione animi, sed quia illa via capturnum est ire, maiestati aduersum arbitrantur mutare cursum. Cuius pertinaciæ exemplar poëtæ proponunt Oedipum oculis erutis deliberata morte ferocientem.

*Voluntatis
pertinacia
pessima.**Pertinaces
omnia rue-
re cupiunt.
I Senec. in
Thebaide.*[1] *Vnicam salutem, vocat, non esse saluum.**Quid verba perdis, quid pectus ferum**Mollire tentas precibus? Hoc animo sedet,**Effundere hanc cum morte luctantem diu**Animam, & tenebras petere.*

Et:

Abiste, nullas animus admittit preces.

Tota Tragedia malæ voluntatis sine ratione obstinationem continet. Hanc tanquam corrigi nesciam, sed suo impetu grassantem, omnia pariter trahentem numen abruptit, nec enim sui, nec aliorum respectu flectitur. Orat, ut nati in facinus ruant, pater Oedipus.

*Ab imo tota concidat domus,**Vrbs concremetur.*

Et ante dixerat:

*Aliquid facite propter quod patrem**Adhuc iuuat vixisse.*

Nihil illi aliud cordi, suo proposito delectatur: Et in l. 7. c. 9. ex victoria quavis voluptatem quærant, ut [m] Aristoteles

*Boleslai
pertina-
cia, &
pœna.*

teles exponit. Mira Boleslai regis Poloniæ pertinacia & totius aulæ. Episcopo infensus erat, scelus suum norat, non monitis, non anathemate mouebatur. à mortuis euocatus Petrus causam antistitis testimonio probauit, milites ad cædem missi ter prostrati sunt, partes dissecti corporis lumine insigni fulgebant, collecta in vnum consolidata sunt, lux ingens sepulchrum gloriosum reddidit, persistit in cõtumacia rex & aula, donec repentino leto sublatum canes deuorant. Horum princeps Pharaon, cuius cor Deus obdurarat. Talis

*Nicepho-
rus.*

*Geila per-
tinacia.*

Nicephorus, qui auditis pauperum clamoribus, cor sibi obduratum dixit. Geila diu pertinax sicarios secreto S. Kiliano immittit, primum dæmon igne consumpsit secreto viscera depascente, & ipse se dentibus lacerauit. Alter versus in rabiem ense suo se interfecit, fœminam diabolus corripuens facinus fateri coëgit. Non subita, sed post multa monita, & prodigia immane facinus ausi perierunt. Pontium in arena vrsi venerantur, venatores occidunt, exclamat populus minime contumax: *Vnus est Deus Christianorum.* Nihil his

*Claudij
& Ana-
bij perti-
nacia.*

mota obstinatio Claudij, & Anabij, quin virum sanctum occiderent, verum eadem hora, qua parricidium commiserunt, vtrunq; dæmon inuasit, Claudio periuram linguam, Anabio maleficos oculos eiecit, vtrunq;

Luxurius.

in suas secum pœnas abripuit. Luxurius Leontij accusatorem, & auctorem, vt in ignem coniiceretur Martyr, coluber illapsus occidit. Hunericum in persecutione contra suam conscientiam prauè pertinacem putrescente corpore vermes exederunt. Demum cauendum in vita communi ne pertinaciter sua tueantur,

*Huneri-
cus.*

neq; quamlibet veritatem, vbiq; existiment defendendam. Sæpius præstat cum pace si-
lere, quam cum contentione
vincere.

C A P. L.

Audacia aula, & iactantia, patricia arrogantia.

§ I.

PAUCIS hic verbis opus, in aula facillime frangitur. Cito vitium illud senescit : sola iuuenum ferocia fere rideretur. Audacissimus in Daniele est [a] Hircus caprarum Alexander. [b] Nam sine mente in pericula se amens ingerebat. Longissime ab arrogante præsumptione absuit vir fortissimus Daniel contra reges, contra proceres, in lacu leonum interritus, timorem suum alia in causa studiose describit. [c] Cumq; venisset pauens corruì in faciem meam. [d] Metuebat & pronus cadebat in terram. [e] In altera quoq; visione metum suum exponit. Fortitudinis enim est moderari timores, nō tollere, ubi timendum est. Audacia porro est æmula fortitudinis, aduersa constantiæ, & specie virtutis illudit. Pericula enim sine ratione, cum temeritate suscipit. Vel quia illius magnitudinem non æstimat, vel quia nimia superandi fiducia fertur. Animos impiorum gemina indurat audacia. Indurat inquam, non roborat: non enim illa ferrea, sed vitrea durities est. Prima audacia in Nabuchodonosore, Antiocho, Antichristo cernitur, omnibusque in peccato perseverantibus, pœnitentiam differentibus. [f] Chaldaus à Daniele monitus in superbia postea creuit, peccata aut non redemit, aut ad deserta rediit. [g] Antiochus contra Deum locutus est, & contra altissimum bellauit. Antichristus se Deum asseret, [h] Et faciet iuxta voluntatem suam rex, & eleuabitur, & magnificabitur aduersus omnem Deum.

Non modo summa est ista, sed etiã stultissima audacia Dei se inimicum profiteri, nullū Deum curare, atq; utinam audacia.

*Audacia**iuuenum**shrafony.**a c. 8.**b Curt. l. 2.**3. 4.**Plus. de**fortuna**Alex.**c c. 8. 17.**d c. 8. 18.**e Cap. 10.**Audacia**larua for-**titudinis.**f t. 4.**g c. 8. 11.**h c. 11. 36.**& 37.**Dei inimi-**cum esse**summa**utinam audacia.*

i Tract.
33 in lo-
an.
k De cul-
tu form.

utinam quam facile improbam audaciam, plane dæmoniacam in illis diaboli optimatibus detestantur omnes, ita sedulo quisq; fugiat. Si quispiam lætali crimine se obstrinxit, Dei inimicus est, se esse nouit in offensa regis vnuerforum, qui est Dominus zelotes, ignis consumens, ista credentem dolere, contrahi, conteriq; animo, contremiscere, plorare, misericordiam petere suppliciter oportet: omne momentum, quo in peccato versatur, inferorum pœnis grauius esse iudicet. Hoc in periculo quotidie versantur impij, inferis, nisi resipiscant, addicti, solam sententiam iudicis moratur misericordia. [i] Interim magna pars ad æternos rogos infertur, dum implent desideria sua præsumptione misericordiæ, vt docet Augustinus & [k] Terullianus.

§ 2.

Audacia
vana iu-
uenum.

De altero genere audaciæ agimus, qua stolidi iuuenes in aula exultant fidentes, opinione scientiæ, dexteritatis, virium inflati, alios iudicare, cuncta censere, facile prouocare, depugnare, negocia suis viribus maiora suscipere, interritos velle videri, etiam terribiles apparere. Si loqui audias Cerberum eduxisse ex Acheronte, aut nepheloccygiam expugnasse credas. Hinc illa vana, nocturnæ grassationes, & noxia duella, aliaque, quæ temeritatis plurimum habent, veræ fortitudinis falsa imitamenta, insipientiæ vera opera, quæ mala vt vitarent Spartani, & iuuentutem ad consideratam periculorum, & dolorum perpersionem impellerent, & suo loco timere docerent, Timori templum posuerunt, [l] vt Alexander ab Alex. narrat. Errorum tum communi, quo tamen audaciam eliminandam ostenderent. Magnorum enim malorum causa est audacia, in turpes errores abeunt ingenia nimium sibi confidentia. [m] Barbara vanitate Troglodytæ bello fessi per vetulas pacem conficiebant, ne petendo, vel dando pacem formidolosi viderentur.

Templi
timoris.
ll. 2. c. 4.

Troglodytæ stul-
ti.
m Diodor.
l. 4.

§ 3.

Audaces ad mala prompti: in bonis sunt timidi, ne ad bellum quidē idonei. stupidi enim sunt, & ignorantia periculi fidentes, cum res ipsa in oculis est opinione decepti consternantur. [n] *Qui confidit cogitationibus suis impie agit:* clamat Salomon. & [o] *Qui confidit in corde suo stultus est:* Non ita sapiens, inauult ille bene time-
 re, quam male fidere. [p] *sapiens timet & declinat à malo: stultus transilit & confidit:*

*Audaces
in malis.*

n Pro. 12.
o Pro. 28.

p Pro. 14.

Intuta est audacia: Carolus filius regis Franciæ, Albini, cuius tum celebris erat fortitudo, præstatiā explorare volens ex venatione redeunti occurrit armatus; & pugnam citi faciem reclus, & mox ab ignorante, quis esset, occiditur. Audaciæ metus opponitur, & magistratus. Factæ sunt leges, ut earum metui humana coerceretur audacia; tutaque sit inter improbos innocentia, & in ipsis improbis formidato supplicio; refrenetur audacia, & nocendi facultas. Non tollo animi magnitudinem, sed temeritatem. Qui omne periculum fugit, timidus, qui omnē suscipit, audax est, fortis eligit quæ declinet, quæ vincat. Fortes fortuna adiuvat, sed magis ratio, audaces stultitia perdit; cum cessat imperus, torpent. Vilis animus est, qui periclitari sine causa sustinet, parua enim magnæ stimat: Si enim fortitudo, & magnanimitas temeritate censentur, iam agyris, funambulonibus, serpentium incantatoribus, vetulis sagis dæmonum conciliatricibus nemo fortior: magna enim pericula subeunt, & in magnis malis sua sponte versantur. Nequissimi seruulorum in comœdiis finguntur dolos & fraudes cōcipere, heros emungere pecunia, & cum res ad votum cesserit, magnis se imperatoribus exæquant. Magnum facinus, inquit, ille non fit sine magno periculo. Furunculi nocturni sub ipsa cruce periclitari non cessant, tot socij pendentes non deterrent, audaces illi sunt, nequaquam fortes. Abiectus est animus, qui leues ob causas ma-

Y *gru*

*Au'aces
animi pu-
silli, &
bruti sunt.*

gnum discrimen adit, impius qui ob malam: Est vitiis
suus vt beluis imperus, qui audacia dicitur, Aua-
ritia, superbia, maxime libido audaces facit, quia
cæcos, temerarios, inconsideratos, brutos, amen-
tes.

C A P. L I.

*De opibus in aula parandis, eorumq; urbana in
curia studio.*

§ I.

*Procerum
auaritia
perniciosa.*

*Opibus
creuit a-
uaritia.*

Diuitiæ regibus, vt arma, vt arces, sunt necessariæ:
patriæ defendendæ, non voluptatibus fruendis:
cum regem vrit ardor opum, cupido minor pernicies
populis adfertur, quam cum in proceribus illud stu-
dium est: facile est vnum satiare, at illi regem circum-
ueniunt, vt largiri & egerē cogatur, ipsi regias opes
possident, subiectos expilant, & de præda sua mutuum
regi dant, vt miserum & furto & vsura opprimant. Vr-
bes & prouincias sibi oppignoratas obtinent, & velut
inerti pecudi barbam vellunt, vellera detrahunt, quæ
cum longo tempore fecerunt, metu vltionis ad frau-
des, perfidiamque vertuntur, coitiones faciunt, vt si
vel regem neccssitas ad frugem cogat, vel hæres ratio-
nem reposcat, potentia obsistere valeant, regemque
sub disciplina velut pupillum continere. Aurum ter-
ra gloriosior plus illicit, quam sapientia, & quod
exitiosum est populis, copia atque vbertate vesana
fitis accenditur. Antiquum est nobilitatem, præcipue
aulicam opibus prouinciarum saginari, sed in mor-
tem:

*Funestas vt opes inopum de sanguine partas
Effundant pleni cum sanguine.*

Olim

Olim minorum urbium direptionibus vivebant, ut *Rapina.*
 refert [a] Thucydides. [b] Saluvianus ait : potentes a l. i.
 putare ad hoc se natos, ut in opprimendis infirmiori- b l. 3. de
 bus nobilitatis specimen præbeant. ped. p.

Rupere sedus impius lucri furor,

Facinus cruentum, prada maiori minor.

Fortes in ventrem abeunt imbecilles, aues impuras vorare cæteras ait Æschylus, aurumq; omnia, & perfringere & perficere. Menander adiicit: etiam inferni portas. Avari igitur procures regnorum sunt calamitas maximorum, non fulmina, non tempestas, non beluarum, non latronum vis ingruens, non ipsum bellum provinciam sævius vastat, quam aulæ rapacitas, quam potentes. Tum demum sibi tutam arbitrantur, cum tantum congesserunt, quantum ad terrendum, vincendumque regem satis esse iudicant. Quod sane in Romano Imperio à pluribus factum esse videmus sæpissime, in aliis regnis frequenter. Nemo dubitare potest. Si F. Tiberios, Seianos, Galbas, Vespasianos, Plautianos, Maximos, Eugenios, Arbogastus, Ricimares, Stilicones, Rufinos, Eutropios, Chrysaphios, memoria recolat, & alios, quos taceo, ne odiosa series me una ad nostra tempora deducat. Non mirum est, Aurum & purpura exercent hominum vitam, & sævis ignibus Æthiæ amor ardet habendi. Insaniæ species est avaritia: in medicos incitat crudelitatem furentium. Eliphium à prædatione, & iniusto diuitiarum desiderio, deterrentem Dani occiderunt. Plutus cæcus est, auri fames grandis est, & ut Augustinus docet, furiosa. Avarus enim quis sanus est.

— Cui? si stat terra & traditus orbis
 Furando tamen & morbo stimulatus eodem
 Ex sese iniuste aliquid querat, cogatq; peculi.

¶ I.

Commune vitium est omnibus plura habendi cupi- *Avaritia*
 do, non senescit ætate, vix morte aboletur. Atticus *communis*
 Y 2 *etiam vitium.*

etiam moriens captat, vt est in Parœmia: pauper impatiens oneris, quo premit inopia, maius affectat, quod imponant diuitiæ. Reges & principes copia ipsi incenduntur, nec illi, quorum fors est Dominus, Cle-

Eduardus. rici pestem facile exuunt insitam: Eduardus rex Angliæ vno die per dispositos prædones Ecclesias omnes expilat. Et nunc quoque templa spoliantur auaritia militum, qui pro fidei & religionis sanctitate ferre arma profitentur; sed tamen magis sacerdotum profanitate & auaritia dehonestantur; Olim zelo religionis & salutaris optabant Ecclesias nunc propter opes & luxum. Nunc propter diuitem Ecclesia pauper deseritur, & pietati succedit cauponatio. Quod procures Ecclesiastici faciunt illi, qui sacerdotium sacerdotio connectunt, arrogantius, quam belli duces, luxuriosius quàm sæculares viuunt, Parochus, & laborantibus inopiam

*Auaritia
procures
magis in-
festat.*

cc. 7.

& famam delegant. Quorum idcirco perniciosior est auaritia, quia illi puniendæ bella Deus permittit. Furor igitur acquirendi, tenendi, augendi communis est, maxime tamen cauendus est magnatibus. Illos sæpius & grauius infestat. Imperia etiam ex profunda honorum & opum cupiditate nascuntur. [c] bestię vnt comedentes & consumentes: Qui ilis proximi ministrat exemplo regni, & habitu auaritiæ actius afflantur. Nabuchodonosor aurum & argentum vndiq; congeffit.

p 4. reg 25.
cc. 3. 1.

[d] Nabuzadadan princeps militiæ etiam æs & ferrum abstulit: in auro aurum & raptor adorati voluit. [e] fecit enim statuam auream. Animos diuitiæ fecere, vt Deum se ex prædone factum credi veller. Quartam bestiam, hoc est Romanum Imperium, vidit Daniel deuorantem omnia. [f] Bestia quarta, regnum quantum erit in terra, quod maius erit omnibus regnis, & desorabit vniuersam terram, & conculcabit & comminuet eam. Vnde tam inextinguibile abdomen, vnde tanta voracitas? Implenda tot Patritiorum, legatorum, quæstorum, proptætorum, proconsulum auiditas insatiabilis, militum, ducum, publicanorum rapacitas mitiganda. Minutis bestioli-

fc 7. 23.

est ex

est ex facili satietas. Vasta moles multo cibo farcienda est. Accendunt dignitates, & titulorum insignia, quæ ut splendorem augent, ita etiam prædandi artes intendunt, & ut vnus crescat multis moriendum est. Leunculus ante didicit hominem vorare, viduos facere, quam fiat leo. De columbarum sanguine crescunt aquilarum pulli: raptu educantur, ut raptu viuant. Daniel regis rapacitatis exemplum nobis producit Ptolomæum, Euergetam, [g] *Insuper & Deos eorum, & sculpsit illa, vasa quoque pretiosa argenti & auri captiua ducet in Ægyptum*: Totam Asiam ad Euphratem vique, quædam etiam in Perside obtinuit, & cum retinere non posse se videret, vniuersam spoliavit, ut supra exposui [h] ex Justino [i] Polybio, aliis. Cyro Deus abscondi-
 ros thesauros dedit, & arcana secretorum, que in tamen beatum non fecerunt opes. Nam ut apparet pessimis dantur maximæ: Nabuchodonosori, Cyro, Alexandro, Romanis, Et Xerxi maximæ, ut testatur Daniel: [k] *Ecce adhuc tres reges stabunt in Perside, & quartus dabitur opibus nimis super omnes*, nescio plane an crudelior auarior, superbior, stolidior Xerxe regum aliquis fuerit. Qui non modo iniquus, sed hæres etiam iniqui Darij, qui Caupo dictus est ignobili pecuniarum æruscatione. Magnas etiam datas Antiocho impiissimo propheta dixit: [l] *& abundantes & vberes vrbes ingreditur*. Nemini quam Antichristo maiores: [m] *Et dominabitur thesaurorum auri & argenti, & omnibus pretiosis Ægypti: per Libyam quoque & Æthiopiam transibit*.

*Euergetæ
auaritia.*

g c. 11. 8. 9.

h l. 19.

i l. 5.

Cyro.

Isa. 45. 3.

k c. 11. 2.

l c. 11. 24.

m c. 11. 43.

Antichristo.

sto.

§ 3.

Quin & illud, historia teste, discimus declinantibus imperiis, ruentibus, feruentissimum esse opum in proceribus studium, hinc auaritia ad interitum impellit. Nam de morituro auidius prædantur, rapta occasione [n] Saluianus obseruauit, suo tempore, ducum, & præfectorum adeo duram fuisse in Romano Imperio

Pe eunte

Imperio

crescit a-

uaritia.

n Degub.

l. 4.

Y 3

acva-

o c. l. i.

Pœna lu-
criniqui.

ac vastatricem auaritiâ, ut incolæ magno numero ad Alemanos, Francos, Gothos infideles profugerent: Desertæ erant prouinciæ, desita commercia, rapacitate præsidum, Imperatores egeni, vix panem in sumptum habebant, proceres, quos dicarant, ne stipem quidem illis largiebantur, legatur historia vicina Augustulo, in quo desit Occidentis imperium, inceptum ab Augusto. Præcipue vero, quia crimina subditorum per auaros præsidēs Deus punit, ipsos deinde reges & aulicos per externos hostes. Hoc nobis indicat Daniel in Judæa factum: regum & optimatum erant grauiora scelera, in illos pœna grauior statuta est: ut Daniel ostendit: [o] *Anno tertio regni Ioakim regis Iuda, venit Nabuchodonosor rex in Ierusalem, & obsedit eam. Quæ omnia libri Regum, Paralipomenon, Prophetia E-saiæ, Jeremiæ, Ezechielis declarant. Sic Romanum Imperium in Occidente, in Oriente, sic regnum Vngariæ, sic alia regna perierunt, dum pro pastoribus ad caulas stabulabant lupi. Hos aliquando fugant arietes ouium, cum non possunt, mittuntur leones, & tigres, quibus gratissima est vrsorum, luporum, vulpiumque, venatio. Ita Deus statuit, ne illi impunita sit improbitas. Deus miraculo quandoque punit. Nunquam male parta profunt, venena sunt vitæ. Guarnerus Bituricas spoliare aggressus, Austregisilum obsistentem habuit & viuum & mortuum: nam cum, eo defuncto, liberis sibi furoris habenas permissas crederet, oratione Austregisili repulsus, & spe frustratus, etiam insatiata in cloacam viscera effundit. Experientia docuit, hoc nostro bello fortes quidem, & insignes viros varie interemptos. auarissimum tamen quemque, & spoliis inhiantem Mars sibi pignoraui, ut in illos Pluto sæua exerceat iudicia.*

§ 4.

Quis audiet hæc? nemo, vel duo, vel nemo. Venter aures non habet. Christum Pharisei irridebant, quia auari

auarierant. Ridebant & seruum, nec enim maior Domino, par tamen doctrinæ auctoritas, ubi Domini verba seruus adfert. Rationibus enim rem examinemus. [p] *Difficile est diuitem intrare in regnū cælorum* Quæ causa est? nolo causam dare. Veritas dixit, *Diues fiet vis?* difficilem aditum paras. Pauperi cælum, diuici palatium patet. Si causam redderem, haberet humana ratio, quod obiceret. Sine causa data Deo credamus. [q] *Facilius est Camelum per foramen acus transire, quam diuitem intrare in regnum.* Non ergo diuites saluantur? plane saluantur: [r] *quia non est impossibile apud Deum omne verbum.* Non dicit promptum, vulgare est, sed non est impossibile. Curas, actiones, & turbas mundi, lites, & bella vide; quid agitur? plerique vt diuites fiant, vt difficile sit intrare in regnum cælorum. Qui dixit: [s] *Vas lutæ* vobis diuitibus, qui habetis consolationem vestram: Idem dixit: [t] *Beati pauperes spiritu, quoniam ipsorum est regnum cælorum.* Felicitatem fugis, exitio propinquas, ad cælum te tendere putas, & profiteris, quid viam obstruis, foramen acus transeundum est, tu tamen multiplici te veste circumdas, & sarcina oneras. Difficultas illa non ex rerum natura, sed affectu possidentium, peccato rapientium, amore retinentium, quibus anxi pallor, quam solis iubar, est iucundior. Magni animi est abundare fortunæ bonis, & opibus non tradere mores. Crispinus & Crispinianus Martyres, quamuis ingentia saxa molaria in aquam præcipitatis alligarentur, in aduersam ripam tamen enauerunt, spectaculum Christianis & persecutoribus facti? Verum singularissimæ gratiæ adiutorio, atq; Angelorum obsequio, tam eorum corpora, quam lapidum pondera sustentabantur. Non minor in cælis admiratio est cum diuites fundorum & thesaurorum pondere pressi, denso luto inclusi, in cælum eluctantur. nō est illis promptus in sublimia volatus, quemadmodum nec camelo facilis per foramen acus est transitus. Impedimenta sunt vitæ non auxilia ingentes diuitiæ.

Pl. s. pol.
l. 7.

Pereat avaritia & diues est natura. Superbiæ fons est rerum affluentia, cæteris vitiis senescentibus, avaritia iuuenescit. Amplitudo fortunæ contra naturam est: [u] vt Philosophus existimat, premit enim insitam vim, mentemq; impedit, vt minimum magna atq; operosa veltis, vt copiosus per venas surgens sanguis cor ac vitalia coarctat, halitum grauat, & cum incaluit, morbos efficit. ita opum redundantiâ animos deiecit si amantur, nam si non amantur recte possidentur, si amantur, hero suo veluti mancipio, ad catenam religato, dominantur.

§ 5:

Quemadmodum facile est opes negligere, vera bona petentibus, ita fieri nō potest, vt luteæ res animum diuinum, & Dei capacem expletum aut quietum reddant.

*Nam quibus æternum spes informatur in æuum,
Omne bonum tenue est, quod præsens ingerit ætas.*

Eupido
insatiabilis.

Mensuram nescit cupiditas, semperq; extra orbitam fertur, quia bonum quod non est hominis persequitur cum ditiozem intuetur, pauperem se arbitratur. Si omnes antecedit, omnes timet, insidiantur & premunt. Non est illi satis quod satis est: Ingenium cupidorum Lucilius expressit.

*Nam si quod satis est homini, id satis esse potisset.
Hoc sat erat, nunc cum hoc non est, quid credimus porro
Diuitias vllos animum mi explere potesse?*

Improba enim spes est, atq; infuturum etiam posteriorum nunquam nasciturorum anxiam curam extenditur. Cupiditas in maiore auri congesta est concitator. Flammæ in sylua infinita, cum ex maiore incendio emicat, vis acerrima est. E contrario, quicquid vult iam abstinuit, qui velle tantum quod satis esse potest. Minimum eget, qui minimum cupit:

Semper auarus eget, nec habet, quod habere videtur.

magis

magis eget, quo plura tenet. Cumulus desiderium auget, Phœnicibus, Sidone, Tyro, Carthagine nulla gens ditior, anchoras etiam argenteas habebant, nulla etiam lucri studiosior, rapacior.

¶ 6.

Hinc nulla meta laborum, quem cupido rerum semper fluentium exagitat. In orbem eunt curæ, totum ubi hominem vindicant, fatigant ærumnis, spinas Christus appellat, angunt, sepiunt, pungunt animum, paupertas sine cura est, aut sine graui cura, quæ pauca optat locupletior est. Hinc inopes in libero campo totti, diuites inter spinas, omnia suspectantes, omnia vitabundi incedunt, & cum omnia cauisse putant, incidunt in laqueos dæmonis. [z] *Nam qui volunt diuites* ^{z 1. Tim.} *feri incidunt in tentationem & in laqueum diaboli.* Hamus ^{6.9.} figitur non omnibus piscibus, sed escam captantibus. Diuitiæ hamus diaboli. Opes sæpius dominos suos perdiderunt, quam seruarunt, & proceres & reges. Quomodo Creon periit & tota domus, [a] respon- ^{a In Me-} det Tragedus. *Quo solent reges capi*, muneribus nimium perniciosus. Non sola Colchis nouit dona non dona dare, dona illita veneno. Aspice curas hominum & tumultus, aspice thesaurizantes temporum mutationibus, & thesauros ad hostes transeuntes, vide tot millia rapientium, populos in prædam natos, & raptores breui omnia perdituros. Rape, congrege, aufer, posside, relinquendū est. Quid Xerxi, cui Daniel maximas diuitias tribuit, profuerunt thesauri? Asianam superbiam in illo punitam [b] Æschylus memorat, sane ^{b In Ato-} miserrime interiit. [c] *Concitabit omnes aduersus Gra-* ^{c c. 11. 2.} *ciam.* Quid tanta molitione egerit, non recenset Daniel, quia euentus spem elusit. Tantum concitauit, & mori uros trans pontum duxit, tot principes, nobilesque perierunt, nihil egit Xerxes, aliquid Mardonius, patuit tamen hominis stultitia, dum Athos perfoditur, dum ad eum literæ scribuntur, mari compedes in-

iiciuntur, verbera infliguntur. Interim ipse scapha trepidus in regnum suum moriturus fugit, ibi mortem inuēturus, opes ad alios defluxere, plurimæ ad hostes, fide diuitiis, auri montes in puluerem abierunt, dum manent integræ curam, dum auferuntur dolores gignunt, somno interstrepunt. Tantummodo in illis prouinciis rectè habitum est aurum, vbi venaculum fuit & multum, vbi & compedes ex auro, quibus nihilo leuius, quam ferro ergastula onerantur. Nesciebant illa precia nuper Indi ad occidentem, cum religione didicerunt & auaritiam, & citius quam religionem. Naues oneratæ facillime merguntur, vacuæ deprimi non possunt. Ne fide opibus, [c] qui fidit corrui, vt Salomon pronunciat. Minime festinandum, [d] celerata substantia minuetur. [e] *Ipsa avarus conturbat domum suam, impegit in laqueos mortis.* Scipsum enim perdit avarus, & antequam capiat, capitur. [f] Clemens Alexandrinus diuitias similes serpentibus dicit, qui cauda tenentur, quod est periculosissimum: Conuersi enim letalem plagam inferunt. Etiam suspiciones falsæ diuitiarum noxiæ sunt, & periculosum est diuitem videri, ideo & aurum pallet, insidiarum metu. Rumoldum, qui spe magnarum opum occidit, tres dunaxar argenteos accepit, sæui facinoris leue precium. Cum Hierosolymas obsideret Titus, fugientium Judæorum aliquis inuentus est aurum deglutisse, fama per manipulos sparsa quingentorum transfugarum ventres vna nocte secti, in paucis tamen inuenta pecunia. Miseri, qui ficalieno errore peribant, miseriore, qui certo scelere tam incerta præmia petebant, intestinorum ambages, & ciborum fæces scrutati, sed auaritiæ nihil est sordidum, cum ipsa omnium rerum sit sordidissima. Nec vllum existimat nefas, nisi egerē. Plutus celerrime scelera, pessime virtutem docet. Horrendum in iudice Vesaliensi exemplum, qui Wernerum puerum, quem Judæi rapuerant, vt cruciarent, flen-

c. *PROV. 1.*d. *PROV.*

13.

e. *PROV. 13.*f. *PAD. 13.*

c. 6.

flentem, & orantem in manibus impiorum torquendum, accepta pecunia reliquit. Bion avaritiam improbitatis metropolim nominabat. [g] Salomon ^g *Prou. 27.* grauior contra illam censor est: inferis ipsis comparat. non enim satiatur, vt nec perditio. aggerit & aggrauat contra se lutum, ne eluctari possit. quemadmodum ab inferendo dicuntur inferi, omnibus hauriendis patulum rictum semper dilatant, neminem exire sinunt, ita avarus omnia possidere solus desiderat. Ipse Plutus duriora quam CHRISTVS imperat, nec fructum habere sinit. Opum amor, porta *Opes fluxa.* mortis. Idcirco improbus & deprauator ordinis, quod DEO vti, nummo frui expetat. nec DEVM colit gratis, sed aliud pro DEO. Quid arte completis relinquenda, mox ipse abiturus? Semper à te dilabitur, quod tenes, vel tu ab eo deficis. Si minus damnum feceris, res per te transeunt, si moraris per eas dilaberis. per domum tuam, & fundos multi transierunt, nemo secum abstulit, stabulum est & diuersorium, per quod imus ad æterna: parum refert quam per magnum domum eas ad regnum, facile æreum nummum spernit, cui iter ad regnum est. Vna nox sæpe aufert omnia. Lydius lapis probat aurum, ipsum aurum probat hominem, auri color mox à lapide recedit, & aurum postquam probauit priorem Dominum, ad alium migrat. Pauper *Initia & finis nudo- rum est.]* omnibus est initium, pauper & finis, nec infans in vtero, nec in tumulo cadauer superbit, nec rapit. Interim sudat pauper in opere diues in cogitatione, hunc ligones, illum computus atterit. Nihil avaritia relinquit incontaminatum, ipsa connubialia fœdera lenocinante pecunia sanciantur. Lylandri, dum opulentus putaretur & cautus, filias sibi iuuenes nobiles desponderant, comperto autem patrem esse pauperem, & innocentem conditionibus renunciarunt, *Spartani avaritiam puniunt.* nec Spartani ephori officio defuerunt, sponsis multam dixerunt, quod pauperē innocentiam contempnissent.

Execra-

Execrables & Deo & hominibus opes congerunt non profuturas, quorum messis est fames pauperum, & de miserorum calamitate fructuosa negotiatio. Rebus præclare gerendis præcipue obstat auaritia, Mithridates victus Romanæ gnarus auaritiæ, insequentes sparsa pecunia moratus est donec effugeret. Nostro quoque tempore progressus & quietem reipublicæ, religionis augmentum auaritia præpedit. Dum reges dissident, & belligerantur, iustitia & religio opprimuntur. ipsa bella per auaritiam infelicitè geruntur, primores exigunt vectigalia, incolas spoliant, thesauros stipant, fame milites moriuntur, aduersum amicos strenui prædatores, & cum spem præda frustrata est, sæui, aduersum hostes ignaui, semper improbi: Magnates suo quæstui consulunt reipublicæ proditores, quis nunc, aut si quis est, quam pauci sunt, qui id faciant, quod Aristides, qui præfectus rei nummariæ & vectigalibus, censuiq; per Græciam colligendo missus, tanto pauperior rediit domum, quantum exposuit, nec enim de publico quicquam attrigit, nec in sumptus quidem diurnos, aut viaticum quicquam accepit.

C A P. LII.

Vsus opum liberalitas, & qualis in magnatibus, in aula sit necessaria.

§ I.

*Eleemo-
syna
suadetur
regibus.
a c. 4. 24.*

BARBARO & scelesto regi, simul opulentissimo, capiti aureo, cum vindictam de cælo imminentem Daniel prædixisset, vnicum remedium sapientissimo consilio proposuit, quod omnium palatiorum frontibus, Palatinorum cordibus inscribendum esset. [a] Quamobrem rex consilium meum placeat tibi, & peccata tua elemosynis redime, & iniquitates tuas misericordis pauperum: forsitan

fitan ignoscet delictis tuis. Non inaniter dictum obseruat
 [b] Ferrandus. Quia potentioribus est facultas Eleemosyna-
 rum potentior. Monet & [c] Damascenus, ab illis, qui
 eleemosynam negligunt, sine causa cælos pulsari. [d] S. Hieronymus paruisse regem vari suo affirmat, ideoq; po-
 nam in mensem duodecimum fuisse dilatam: verum
 regem deinde bonum misericordiæ perdidisse malo
 superbiæ. Quomodo vero Daniel remedium propo-
 nit, cum euenturum malum sciret? Minas existima-
 bat, & mutata regis voluntate posse auerti. Ezechix
 mors prædicta, deinde oranti spacium vitæ produ-
 ctum est. apud Esaiam etiam Deus minas temperatu-
 rum promittit, si vitia corrigan- tur. Hoc perpetuo pro-
 phetæ inculcant, in primis Jeremias, qui patriæ exitio,
 quod prædixit, superfuit. Hæc igitur via vnica super-
 est, regibus & magnatibus ad felicitatem, misericor-
 dia in pauperes, sine qua Dei misericordiæ exortes æ-
 ternum sine misericordia cruciabuntur. Probe in hunc
 sensum Philo. Deus nullius indiget, rex solius Dei: imitare
 ergo nullius indigum, & expende misericordiam. Danielem
 largum fuisse non dubito, quia regi hoc suadet, sed e-
 leemosynas suas ipse non prædicat. Regem vero post-
 quam de pascuis ad palatium rediit indulgentiorem
 fuisse in miseros ratio suadet vt credamus. Sane Euil-
 merodachus eius filius Jechoniæ misertus multa de-
 dit, vt Scriptura testatur: [e] Subleuauit Euilmerodach
 rex Babylonis, anno quo regnare cœperat, caput Ioachim regis
 Iuda de carcere, & locutus est ei benigne: & posuit thronum
 eius super thronum regum, qui erant cum eo in Babylone. Et
 mutauit vestes eius, quas habuerat in carcere, & comede-
 bat panem semper in conspectu eius cunctis diebus vitæ suæ.

In Daniele, præter locum iam allatum, vix liberali-
 tatis exempla habentur, agit de bestiis, quæ laniatu vi-
 citant, opes congerunt, flagitiose dilapidant, partiri in
 alios nesciunt? [f] Baltassar Dei & Ecclesiæ contem-
 ptor auitas opes premebat, donec Medus & Persæ di-
 uiderent: De Cambyse, Xerxe, Dario ultimo constat

aua-

b Paneg.
regula 5.
c De die
iudicii. 8.
Hist. Bart.
d In 4.
Dan.

c 4 Reg.
c. 25. 27.
28. 29.
Reges Da-
nielini non
sunt libe-
rales.
f. c. 5.

g c. II. 43.

auarissimos fuisse, de miserrima Græcorum sorte, qui Persèpoli captiui tenebantur Curtius, aliisque auaritia regum, qui Alexandrum secuti sunt, & rapinæ infames apud omnes historias leguntur, præsertim duorum Antiochorum, magni, & Nobilis. Omnium criminossissime Antichristus & rapier, & dissipabit. [g] *Dominebitur thesaurorum auri & argenti & in omnibus pretiosis Egypti.*

Ille Maozim colet argento, & auro, & lapidibus preciosis, terram diuider gratuito satellitibus suis, & tyrānidis ministris.

¶ 2.

*Regni opes
in regiam
venientes
redire in
populum
debent.*

Porro diuitiæ totius regni paulatim in regia æraria conduntur, inde ad procères reuoluuntur, quare æquum est, per illos in plebē eadem deriuari, & refundi. Quapropter Gregorius Nazianzenus imperio Christiano proprium esse docet, miserere & largiri. Si autem omnium est, esse beneficum: Deum imitari, quanto magis præstare hoc illi debent, qui ad Deum proxime accedunt. Deum antecedunt veritas & misericordia, vt terrestribus diis, Dei vicariis anteambulones suo facto Dominus omnium præstituat, atque hoc i-

*Eleemosyna exstinguit peccatum
hl. 2. strö.
i lñ 6. 12.
Rom.
k Naz.
orat. 10.*

deo vt aulæ peccata redimantur, nam vt ignem aqua ita Eleemosyna exstingit peccatum. Gubernatoribus nauium similes sunt palatini, qui seruant nauem, & epibaras, & pariter seruantur, vt [h] Clemens Alexandrinus exponit. Dabunt facilius recepturi; qui dat sine spe facile eum pœnitet. [i] Origenes. [k] Præcipuus autem Dei cultus est liberalitas, quæ tanta est, quantum prompta voluntas esse voluit, nō quantum facultas permisit. Medici corporis ad certum tempus vitam incertam promittunt, pauperes sunt medici spirituales manus eorum pharmacum est non modo contra morbos animorum, sed contra mortem æternam: claudi sunt, mutili, cæci, sed in cœlum præeunt, certo tramite deducunt, & nostros thesauros in cœlum edendo, & bibendo.

bibendo deportant, quo frustra nituntur diuites sine pauperum glorioso comitatu. Deus est pauperum pater, Iudex diuitum, vis propitium patiem? cole filios.

[l] *Ex substantia tua fac elemosynam, & noli auertere faciem tuam ab vllō paupere: ita fiet, vt nec à te auertatur facies Domini.* [m] *Per misericordiam & fidem purgantur peccata.*

m Pro.

Si pauperes habes pro fratribus sperabis & illum patrem. Si pauperes dedignaris, filios Dei spernis, hereditate filiorum excluderis: nam arrogantia, & tenacitate negasti fratres esse: exules despexisti, non sedebis cum regnantibus. Reges & sacerdotes vngi iussit Dominus, vt largitatem, quæ oleo significatur, illis commendet. Magna est Dei sapientia, potentia, at super omnia opera eius misericordia, ille titulus cæteris præeminet, mūdus enim sola misericordia seruat. Dabis pauperi, & honorabis, natura pares sunt, natura fecit omnes pariter diuites, pauperem adorare iubet [n] S. Bernardus, licet leprosus sit, & æger.

15. 17.

Honorandi pauperes!

n Serm. 3. de com. Dei

§ 3.

Indicium aliquod æternæ prædestinationis est liberalitas, damnationis durities, & immisericordia. Hoc Criterion, de se nobiles, & procures faciant: In pauperibus, & mediocri fortunæ hominibus minus elucet, nisi in animi quadā teneritudine, quæ sæpe fallit, in opulentis signum est euidens, cum sine vana gloria, sine spe retributionis, læto & miti affectu pecuniam, quæ multis, quasi altera anima est in Christi pauperes effundunt. Supremo mundi die, cum sententia æternitatis pronunciabitur, discrimen inter oues, & hædos signabit liberalitas & auaritia. Illi dederunt, hi retinuerunt. Si vir opulentus de sua sorte in futurum anxius est, an ad ouile Christi, an ad dæmonis hædilia pertineat. Quærat hanc in operibus suis signaturam. Dei iam sententiam iudicis audiuit. Expendat an det liberaliter? Nam vt de magno censu particulam exiguae egenis aspergat, quæ potius auaritiæ sit

Liberalitas indicium est prædestinationis.

§ 5.

Hinc oritur obligatio, qua diuites obstringuntur ad largiendam eleemosynam. Quin & mediocres, & aliquando pauperes: nec enim viduæ pauperis minutum reiiicitur. Errant, qui putant se nulla lege teneri. Iustum est dare vt Neocæsariensis ait. Nazianzenus paternâ bona pauperes poscere, non tua affirmat, non sunt tecum nata, nudus in mundum venisti, accepisti, vt lucreris. Noli thesauros recondere, vt perennem vi- Præceptum
tam amittas. Mandatum Dei vis audire. [q] Non obdura- eleemosyna.
bis cor tuum, nec contrahes manum. [r] Idcirco ego precipio ti- q Deut. 15.7.
bi, vt aperias manum fratri tuo egeno & pauperi, qui tecum r V. 11.
versatur in terra.

Salomon peccare asserit, qui non dat pauperi. [s] Qui s Prou. 14.21.
despicit proximum suum, peccat.

Etiâ inimici o. [t] Si esurierit inimicus tuus ciba illum, t Pro. 25.21.
si sitierit da ei aquam bibere. Naïas clamat. [u] Frange esurie- u Eccl. 38.7.
ti panem tuum, & egenos vagosq; induc in domum tuam: cum
videris nudum operiem & carnem tuam ne despexeris. Chri- x Matth. 25.40.
stus ipse minatur, [x] Quamdiu fecisti vni ex his fratri-
bus meis minimis, mihi fecisti.

Hæc est nostra religio, vt Jacobus pronunciat. [y] y c. 1.27.
Religio munda & immaculata apud Deum, & patrè hac est: vi-
sitare pupillos & viduas in tribulatione eorum, &c.

Præceptum porro est graue, & quod ad peccatum mortale obliget: nam diues epulo damnatus est, quia Lazaro manum clausit, nec digitum eius deinde ab Abrahamo impetrauit, quo flammantem linguam refrigeraret. Deinde iudex pronunciat, & iubet ire in ignem æternum, quia eleemosynas non dederint.

§ 6.

Quæ vero & quanta largiar? Superflua? nam superflua recondere eius est, qui caritatem non habet: quod enim tibi superest, cur non dares e-
genti.

Porro superflua sunt, vel naturæ sustentandæ, vel Superflua
perfo- danda.

21.2.9. personæ dignitati non necessaria, vt S. [2] Thomas
 68.47. & [a] alij, & [b] Bellarminus. Natura paucissimis con-
 9.87.49. tenta est, verum non est restringenda ad infimum, sed
 9.118.4.4 vt commodè viuatur, familia alatur, morali enim ra-
 2 Theol. tione, & iudicio viri boni hæc æstimanda sunt, plus re-
 in 4 sent. quirir personæ dignitas siue status: si nobilis est, si in
 dist 15. magistratū, si comes, si princeps, sumptus faciet tantos
 b L.3. de quantos res ipsius feret, & dignitas postulat: non quan-
 bon. oper. tos illi, qui excedunt, non enim capienda sunt exem-
 6.7. pla à vitiosis.

Statuendum itaq; primum est. In extrema necessi-
 tate aliorum dandum esse ex illis, quæ & personæ
 dignitati, & naturæ communiter necessaria sunt: nam
 eo casu sunt omnia communia: & egens ius habet ac-
 cipiendi.

Deinde cui defunt naturæ necessaria, ita vt in gra-
 ui sit necessitate, illi danda sunt illa, quæ dignitati, non
 naturæ necessaria. plurius est enim vita, sanitasque pro-
 ximi, quam status proprius & splendor. Quare cum
 annonæ caritas est, pauperes radicibus, pane ex variis
 seminibus confecto, corticibus cōtulis viuere cogun-
 tur, ita vt nec sani, nec ægri habeant, quo naturam
 tueantur, vnde pestilentia, & varia morborum genera
 nascuntur, procures, & opulenti tenentur sumptus do-
 mesticos minuere, pauperibus succurrere: Hoc si non
 faciunt, non est illis caritas, proximi, nec Dei, in qui-
 bus autem caritas non est, sedem Satanas posuit. Suc-
 currendum dixi, vel mutuū dando, vel donando,
 nam mutuū gratuitum etiam est eleemosyna. Quare
 improbe faciunt, qui ea tempora captant, vt carius o-
 mnia distrahant, vilius emant.

¶ 7.

Hanc quidem doctrinam in controuersiam non vo-
 cant, multi tamen opere non sequuntur, causasq; præ-
 tendunt in speciem graues.

Nihil

Nihil sibi esse superflui contendunt, etsi forte natura non tamen personæ, idq; tribus ex capitibus demonstrare conantur. Primum: Futuros euentus incert. *Reponenda in futurum.* tos esse, sterilitatis annonæ, incendiorum, belli, morborum, filios educandos, filias elocandas: non igitur iam esse superflua quorum usus futurus sit necessarius, reponenda igitur, non donanda.

Alterum caput ex ipso statu, & conditione viuendi sumitur: Nam personæ dignitas variam amplitudinem capit: domus, vestitus, familia, equi, supellex, mensa, cætera in magna varietate sunt. Plerique vero sibi ita indulgent, vt sumptus se minores facere existiment, quam opus sit pro dignitate, atque ea de causa sibi alios proponunt in eodem genere maximos & æquum censent, non minus, quam alij, absumere. In palatio duo sunt comites, ad vnum redit annuus census denum millium, ad alterum sexagenum millium: ditior suæ dignitati censum imparem iudicat, totum intra anni spacium absumit: nam nondum attigit opes comitis Palatini, Flandri, aut Tyrolensis, tam aurem se, quam illos comites iudicat. Ille vero cui res angustior, nihil sibi superesse credit, nisi ad sexaginta millia peruenerit, quo alter comes iam præuenit, atque ille se ratione ab eleemosynis excusat: vt cui desint quinquaginta millia annui census ad vitam pro splendore generis, & dignitate degendam.

Tertium caput est, dignitatis & honoris augmentum, tum in eodem statu, tum in mutatione, Etsi enim iam nobili sufficiant in annum duo millia, futuro tamen Baroni pluribus opus esse, atque ita nihil esse superfluum, nam ad dignitatem familiæ, & honoris incrementum seruari. Nonnulli vero sunt, qui & quamplurimum reponere, & sumptuose viuere, & statum augere contendunt, quin in opibus maximis beneficentiam gentibus exhibere nequeunt.

Locum dare his tergiuersationibus haud facile oportet, reponere in futurum prouidentis est, & suadet sapiens exemplo formicæ. Nectamen contrahenda manus, nec permittendum, vt, dum in futuros vsus, thesauros condimus, in conspectu nostro esuriat, & nudus algeat in paupere Christus. neque ad omnes casus, qui innumeri esse possunt, reseruandæ opes sunt; sed ad ea, quæ euenturâ pene certo noscuntur, certe solent, quique antecedentem curam requirant. Nam de omnibus esse sollicitum hominis est sine causa sese excrucianti, [c] & Dominus nos verat esse sollicitos de crastino. Cui enim rei opportuna erit cogitatio crastina, hodierna est intēpestiua, [d] quin & stultus iudicatur diues, qui in multos annos triticum reponebat, eadem enim nocte ablata est anima diuiti. Et ne leue dictum existimemus. generali sententia Eucliones omnes percellit Dominus. [e] *Sic est omnis, qui sibi thesaurizat, & non est in Deum diues.* Hanc etiam auaritiæ partem regibus Deus prohibuit. [f] *non habebit vxores plurimas, quæ alliciant animum eius, neq, argenti & auri immensa pondera.* nam et si reges pro Republic. & ærario congerere debeant opes, vt fecit Dauid, qui immensos thesauros reliquit, sed pro templo ædificando, & Salomon auxit, non tamen in suos priuatos vsus, nisi postquam deprauatus à mulieribus populum tributis oppressit, & grauissimum iugum posuit super filios Israël. Dauid ita opes congeffit, vt simul in Deum esset diues. [g] *Beatus, qui intelligit super egenum & pauperem.* [h] Inclytus erat Job, & possessio creuit in terra, magnus inter omnes orientales, regum amicus, sed erat diues in Deum. Ipsum iureiurando affirmantem audiamus, & credamus. nam ista dicendo, labiis non peccauit Deo teste. [i] *Si, inquit, negaui quod volebant, pauperibus, & oculos viduæ expectare feci. Si comedi buccellam meam solus, & non comedit pupillus ex ea: (Quia*

ab infantia mea creuit mecum miseratio: & de vtero matris mea egressa est mecum, si despexi pereuntem, eo quod non habuerit indumentum, & absque operimento pauperem. Si non benedixerunt mihi latera eius, & de velleribus ouium mearum calefactus est. Si leuavi super pupillum manum meam, etiam cum viderem me in porta superiorem: Humerus meus à iunctura sua cadat, & brachium meum cum suis ossibus confringatur, semper enim quasi tumentes super me fluctus timui Deum, & pondus eius ferre non potui. Si putavi aurum robur meum, & obrizo dixi: fiducia mea. Si letatus sum super multis diuitiis meis, & quia plurimū reperit manus mea. Abraham quoq; in magnis opibus liberalissimus fuit, consuetudinem eius Scriptura ad exemplum nobis proponit. Angelos, quos peregrinos arbitrabatur quam amice inuidat? cum eos vidit, [k] cucurrit in occursum eorum, ad-^{k Genes.} orat in terram. An vero, vt lucelli aliquid à peregrinis^{18.2.} extorqueat, imo vt Deo veneretur. [l] Et dicit Domine^{1c.18.3.} si inueni gratiam in oculis tuis, ne transeas seruum tuum. Quæ^{4.5.} deinde sollicitudo? mandat Saræ: [m] accelera, inquit,^{m c.18.} tria sata simile commisce: ipse vero ad armentum cucurrit, at-^{6.7.} tulit vitulum teneerrimum, deditq; puero, qui festinauit coxigq; eum, Itaque magnates qui Abrahæ exemplo diuitias augent, opera quoque misericordiæ eius exemplo faciant. Causa vero congregandi in immensum opes non est sacris viris, quibus Canones necessitatem erogandi imponunt, Clericus, aliena rapit, qui ultra necessitatem sibi seruat. [n] Et Isaac presbyter: Si habes quid ultra necessita-^{n c.8.} tem tuam diurnam, pauperibus illud eroga, & eris cum seueritate. offer orationes tuas id est loquere cum Deo, sicut filius cum patre suo. Nihil facit ita appropinquare Deo sicut eleemosyna: nihil facit ita mentis tranquillitatē, sicut paupertas, quæ voluntarie sustinetur.

§ 9.

Quod ad sumptus quotidianos attinet, omnibus ita temperandi sunt vt supersit quod in pauperes erogetur. Nam eorum debitor est diues. In rationib⁹ eorum primum locum eleemosyna occupat. Minuendi sunt ap-

Z 3 para-

Frugali-
tas fons
elemofy-
næ.

n 2. Co-
rinth. 8. 3.
Ibidem
v. 14.

o c. 9. 5.

p Ibidem
c. 6.

q In illud
destruam
horrea
mea.
r Horn.
34 ad An-
tioch.
s Grego-
rius 3.
parte pa-
sta a. i
metet.

paratus, vestium decor, sialiter liberalitas exerceri non potest. Chrysostomus patriarchalis domus splendorem imminuit, & impensas præcidit ad solatia pauperum, succurrere calamitosis, fouere ægros, melius iudicabat, quam dapibus onerari mensam, parietes fulgere. illa æconomia puteus inexhaustus, in quem semper aqua noua succedit exhaustæ. Est illa ditissima frugalitas, quæ æquatur expensis nunquam deficientibus, quæ expenduntur ad ea, quæ oportet, vt quantum oportet. Sunt autem diuites pauperum æconomi, rerum suarum quidem Domini, sed cum recta ratione ex Dei lege expendendarum: Dei autem norma est, ne auertas faciem à paupere. Mediores minus, diuites plus dare oportet, nemo apparere debet vacuus. [n] Apostolus ipse miratur Macedones, quorum altissima paupertas abundauit in diuitias simplicitatis eorum: supra virtutem voluntarii fuerunt: Fiat diuitum abundantia inopia supplementum, vt fiat equalitas. Dent procures proportionem opum, [o] vt benedictionem, non vt auaritiam, nam quod in manu fabri est liberalitas, in manu viri nobilis est tenacitas. [p] Qui parce seminat: parce & metet, qui nihil seminat, nihil metet. qui seminat in benedictionibus, de benedictionibus & metet. Diues si de granatiis non aliter seminat, quam pauperes de cumeris in maledictione seminat. Non constringo diuitum & nobilium liberalitatem, sed hortor in commonitione Dei ad liberalitatem. Diues es, imperium Domini q In illud habes, ne pauperi necessaria deesse sinas: huc rationes destrua confecta, non aliter licet expendere: si dilapidas, horrea Dei ordinationi illudis. [q] Audi Basilium: Tu autem quem debueras ostendere beneficentiæ fructum, illum tibi ipsi corgregas? nam benefacti gratia in dantes reuertuntur. [r] Chrysostomus te non minus rerum tuarum dispensatorem, quam illum, qui est Ecclesiæ æconomus, asserit. [s] illè, qui verba nostra quolibet volentia ad normam legis exigit, vt de omni verbo otioso reddant rationem homines, non magis postulabit, vt opes, quas diuiti

diuiti dedit, & ad alimenta filiorum suorum commisit, non otiose expendant, de omni obolo otioso, quem expenderunt homines, reddent rationem Deo. At mea sunt: vtar vt volo: Quid mihi diuitiæ si non conceditur vti? plane tua sunt, si homines spectes: sunt tamen Dei, cuius & ipse es, quicquid es. Vtere porro vt vis, sed opus est, vt bene velis. vt lingua, vt manu, ita diuitiis non abutendum. [t] Leo Magnus modum exponit: *Etiam terrena & corporea facultates ex Dei largitate proueniunt, vt merito rationem earum quaesiturus sit, qua non magis possidenda, quam dispensanda commisit.* Ab œconomo rationem exigis, & ad Denarium calculi concordare debet, rationem seueram cælestis paterfamilias petet, qui fraudem ignorare non potest, & factam suis filiis vliscitur, & ne factam dubites, [u] lege Bernhardum. *Nostrium est, pauperes clamant, quod effunditis, nobis crudeliter subtrahitur, quod inaniter expenditis.*

Elemosyna necessaria.

t Serm. 5. de coll.

u Epist. 42. ad Henricum.

§ 10.

Qua ex re apparet causa cur tam pauci diuites & magnates in vitam æternam perueniant, quia opibus, quas ad coronam acceperunt, ad perditionem vtuntur. Diuitum illiberalium vita in quarta bestia, quæ deuorabit vniuersam terram effigiatur, omnia comminuit, comedit, & reliqua pedibus conculcat. rapit omnia, statui suo, & quam Christo præfert nobilitati & dignitati, impendit dona Dei, bona pauperum. Status ille quadam mediocritate contentus est, si vestium luxus, si cōuiuiorum apparatus, si spectacula, venationes, res auferunt, non sunt statui necessaria, sed inferni incendia. Quicquid ad luxuriam, ad ebrietatem, ad superbiam expenditur, non pertinet ad decorum, & personæ dignitatem, sed ad bestiam Danielis, omnia conculcantem, Quod vero de incremento status, & augēdis honoribus obliicitur: nō veto: hoc totū moneo, feliciorē esse, qui effusa in egenos largitione minuit dignitatem in terra, auget in cœlo, quam qui ambitio-

Ratio status non excusatur.

ni suæ pauperes Christi postponit, arsurus in contumelia, in conspectu Angelorum, & pauperum, quos contempnit. Auge plane dignitatem tuam, ad titulos maiores aspira, ad regnum ipsum conscende, pauperes interea foue, dabit Deus plura bene vtenti præsens. nam præstat in sudore cum Apostolo, & labore manuum viuere, & habere vt det necessitatē patienti, quam absq; Eleemosyna coram Deo comparere. Titulorum congerie ridendis, male ascensuris verus illud occinam. *Viuite cōtenti casulis & collibus istis O pueri, Marsius dicebat & Hernicus olim, Vestinusq; senex, panem queramus aratro.* Quod si igitur vel me us venturæ inopiæ, vel splendor familiæ atque crescendi studium posset à liberalitate exercenda liberare, pleriq; nobilium & diuitum, quorum sunt ista studia ardentissima, excusarentur. At iudicio supremo, qui ad dextram sunt, omnes de largitate laudantur, & coronantur, qui ad sinistram propter auaritiam damnantur, si facultas alicui defuit, rata est in conscientiarum examinatione voluntas. Est enim & sua pauperi liberalitas, in illo est magnum, vtrique fortunæ ferendæ par, quin si comparentur Eleemosynæ diuitum & pauperum, præponderabunt, quæ de victu quotidiano dantur illis, quæ de abundantia veniunt. Tenuēs damna sua sentiunt, diuites vix nouerunt. Insigne inter diuitem & pauperem certamen à Græcis scriptoribus narratur, in quo tamen palmam pauper tulit. Proscholus homo tenui fortuna saccum, in quo ducenti solidi, inuenierat, professus indicium, Domino diuiti reddidit. Ille gratus partem inuentori offert, & merito, quod non cælasset. Proscholus recusat maiore anmo, quam reddiderat, nolle se dicebat propter iustitiam munera accipere. & laudandus tamen diues, noluit ille recipere, totum, inquit, retineat, nego me amisisse, scio tamen neminem vendicare posse, nec amisisse dicendus erat, qui tam probis manibus dimiserat.

*Proscholus
lmo iustus.*

II.

Liberalitas quædã est in pauperes, vera illa, & lege DEI imperata diuitibus, maior sæpe est in diuites & bene meritos, aut qui tales videntur. vtraque in Constantino, pauperum filios ex horreis publicis ali iussit, ne aut fame, aut ab inuitibus parentibus necarentur. Sanctum hoc regię magnificentię exemplum. Quo deinde in plures beneficentia imperatoria deriuaretur, plures in palatio dignitatum gradus, officia & magistratus instituit, quod anceps alij tanquam munificentię eximię opus laudarunt: aliis visa est noxia profusio, auctis enim aulę impensis, etiam vestigalium acerbior, & exactionum regidior conquisitio sequi solet. Augere omnino procerum & diuitum opes possunt reges, non tamen ex Reipublicę visceribus, nec permittere, at ex inanitis prouinciis, immensas, cruentasq; pauci opes accumulunt. Aurum enim conquirendum est, vt inopia hominum leuetur, [x] quod ^{x Ofor l. i. dereb. E-man.} Joannes Tertius Lusitanię Rex sedulo faciebat. Nam quondam magna est liberalitas, & præcipue magna ^{Non facit accipiendum.} non accipere. Diuitem saluum fore Chrysostomus promittit, si loco pauperis steterit, si abstineat, & tribuat. Cyrus amicos suos thesauros dicebat, Ptolemæus melius ditare, quam ditescere, sed tamen amicos illi vt plurimum de pauperum collatione ditabant. Magnatibus iniustè congerentibus thesauros, seuerissimas leges scripsit, [z] vt Diodorus recenset. ^{z l. 17.} Andronicus Comnenus bonis prouincialium, tanquam sacrilegio abstinere iubebat. Multum ille aberat à fraude Dionysij, qui amicos plenos euacuabat, vacuos abiiciebat. Jam quidam iniusti hæredes dici gaudent. Et beatos iudicant, quorum patres in inferno sepulti sunt. Has igitur opes, si regum profusio afferant, viri fortis & iusti est, non accipere: Potius suadendum vt pauperi donet, hæc est enim caritas. Magnificentiã erga diuites sæpe est vanitas, sæpe datur indignis

*Largitio-
nes & di-
lapidatio-
nes.*

dignis cum iniuria pauperum, & accipientium exitio, dum in malo confirmantur. Quo quidem in genere liberalitas vera Christianorum ab improba gentium magnificentia distinguitur. illi exercitum seruorum, substructionibus insanis, vestitu, auigatione, muneribus gladiatorum patrimonia dilapidabant, Christianorum largitio struendis, ornandisve templis, Xenodochiis Prochodochiis, pauperum misericordia commendatur. Sane non raro obest illis, qui utcumq; se alunt, opum repentina largitio. S. Antoninus dum iter ageret super casam quandam vidit sedentes angelos, iussit inquiri, qui inhabitarent, responsum: viduam, quæ cum tribus filiabus virginibus labore vitam toleraret, pietatem Angelis probatam larga Eleemosyna honorandam duxit. Postluminio rediens super eadem casa vidit Dæmones salientes, explorataque causa, intellexit, mulierculas illas ad ornamenta, & superbiam vsas Eleemosyna. Increpitās igitur ad pristinam virtutem hortatus est. Cautē igitur largiendum non egentibus, ne virtutem dissoluant opum blandimēta, in eos, qui egestate premuntur semper bene collocantur beneficia. In redimendos captiuos vt faciebat Damasceni pater, qui suis opibus & redimebat à barbaris, & liberos sustentabat. In propriam familiam maxime laudabilis est liberalitas, ad disciplinam & fidelitatem ea pertinet. Laudanda & illa, quæ toti prouinciæ impenditur, cum pontes sternuntur, viæ planantur, fontes ducuntur, bestię noxiæ fugantur, omnibus illa, sed maxime pauperibus prodesse solent.

¶ 12.

*Modus li-
beralita-
tis, ante-
uertere
rogantes.*

Anteuertere verecundiam perentium laudabile est. Notum est etiam pueris factum Nicolai Myrensis Episcopi, adeo probatum & amatum, vt etiam pueris occulta munuscula tanquam auctore Nicolao dē-

dentur. Fuit & inter Philosophos quoddam specimen. Ctesibium agrum & pauperem visitabat Arcesilaus, & clam puluino sacculum subiecit, quo inuento Ctesibius; *ludus hic Arcesilai est*, dicebat. Voluit amico dare & sine probro, sine pudore accipientis. quod faciendum esse, etiam monet [a] Isidorus. ^{a Epist. 214. l. 2.} Hanc perfectam esse misericordiam definit [b] Augustinus: *Perfecta misericordia est, ut ante occurratur esurientibus, quam roget mendicus.* ^{b l. 50. hom. 39. & hom.} Non est perfecta misericordia, quæ precibus extorquetur. Benigna etiam liberalitas; nec iniuria offenditur, quo minus aperta sit indigenti. S. Germanus asinum furato, deinde reddenti togam dedit, & maleficio beneficio pensauit. Martinus Abbas furem olerum, qui discedere diuinitus prohibebatur, dimisit: monitum ne mala arte opes quæreret. Nam reuera eiusdem caritatis, & dare miseris, & indulgere, si egestas ad furtum impulit. Furatienim sunt, ut esurientem implerent animam. Liberalitatis etiam augetur decus, si sanus, & cum spes longæ vitæ est expendas. Lucia matrem Eutychiam orabat, ut sana pauperes subleuaret, ne inuita dedisse videretur, nam quid magni est dare, quod deserendum est: Et tamen auari ne morientes quidam solent esse liberales, se uero Dei iudicio, non enim digni sunt, qui orantes, & cælum flagitantes, habeant hæredes, sed ridentes & litigantes, etiam dira imprecantes defuncto, & in tartaro positos manes incessentes.

Det qui retinere potest.

§ 13.

Ingentium præmiorum promissionem liberalitas habet à Deo, - [d] *perfectos enim facit, imitando perfectum Christum, quem misericordia cælo deduxit, ut hominem cælo induceret, ad quod omnes inuitat magnitudine præmii, quos obstrinxit seueritate præcepti.* ^{d Amb. l. 1. c. 11. offic.} [e] Pauperi non dedisse, tulisse, inquit, Fulgentius. Naturæ consentaneum est, ut rerum sit societas, quibus est humanitatis.

f Serm. 12.
de verb.
Domini. tatis. Si autem in ignem mittetur, qui non dedit sua, quid qui rapis aliena? [f] quod Augustinus valde urget. Præmium igitur primum extinxisse peccatum, euasisse ignem, alterum est regnum, variaque regnaturis beneficia. Omnis homo eripiendus est ab incommo-

g l. 3 c. 10. dis, [g] ut Hermes hortatur, quo & ereptores ipsos liberet magnus redemptor Deus. Quare cum pietate & misericordia simul humanam naturam exuisse illos constat, & supra humanum modum potenter torquendos:

h Orat.

16.

Deus de-
dit diuiti,
ut daret
pauperi.

quos contra [h] Nazianzenus disputat. Crudelissimi diuitum negabant, se pauperibus debere succurrere, quod Deus illos miseros voluerit, & cum posset, non dederit: se nec opulentiores Deo, nec mitiores esse. Verum non dedit illis Deus, ut diues daret, dedit diuiti ut per illum daret pauperi, & ne periret pauper, & grauius periret diues. Non dat pecuniam filio pater, mandat tamen æconomo, ut necessaria suppediret, & comiter tanquam minori Domino, & largiter tanquam nobili, cui si maligne, auareque ministret, si fame, siti, nuditate vexet, et si filius non pereat, sui tamen sanguinis incommoda supplicio procuratoris ira patris vindicabit. Magna fuit Alphonsi regis Aragonum in omnes Christianos tanquam fidei domesticos liberalitas, nec vllius vnquam maior gloria, non quaesita, sed oblata. Maior etiam Othonis Bambergensis Episcopi, qui accensa annona pauperes inuisebat, & largiter donabat, munificentiam ornabat humanitate, & blando alloquio. Par Placillæ Augustæ in cura pauperum. Sylvester Pontifex nomina pauperum suo albo inscripta gerebat, ne quempiam per obliuionem negligi contingeret, multo gloriosior illis, quos noctes & dies tabulæ debitorum, & libri censuum exercent, atque ita exasperant, ut omnia crudeliter reposcant. Paulus Primus, & Leo Tertius carceres obibant, æs alienum dissoluebant. Alexander se diuitem fuisse Episcopum, pauperem Cardinalem, Pontificem Mendicum dicebat. Gregorius Tertius tanto amore, & miseratione

mise-

Regia li-
beralita-
tis exem-
pla.

misericors complectebatur, quasi eos ipse genuisset, verus pastor Ecclesiæ, & filiorum Dei pater. Ludouicus Gallæ rex in Asiam vsq; Eleemosynas mittebat. Henricus Con. Salii filius nuptiis scurras & histriones repulit, pauperes inuitauit. Crodegildis Franciæ regina etiam manu & labore pauperibus ministravit. Sordidis & miseris Carolus Nauatræ rex etiam æger seruiuit magno cœlis spectaculo, in Alphonso rege Aragonum miraculo quoque probatum. Eucharistia morientium viaticum ad fœminæ inopis casam deferbatur, ille vt erat obuius, pompam comitatus est, atque, vt regio munere agrum solaretur, iaspidem in manum eius dissimulanter inserit, occultam liberalitatem Deus in publicum eduxit. Fœminam morbo, quo moritura erat, liberauit. Tribunus iussus à Cosroë Persarum restitutæ sanitatis præmium petere, captiuos sibi donari petiit, dati sunt tria illorum millia, quibus comitatus, gloriosus ad suos rediit. [i] Candi i *Proco.*
 dus Sergiopolitanus acceptis à Cosroë ducentis au- l. 2. *bell.*
 reis captiuorum duo millia redemit. Stephanum Vn- *Pers.*
 gariæ regem à liberalitate iniuria non impediuit. Cum enim noctu egrediens Eleemosynam faceret, à cupidis, & comprimentibus lacerata eius barba est.

¶ 14.

Vnus est hic infirmitati humanæ scopulus, ne ita donent, vt egeant ipsi, verentur minuere, at vero vnica est augendi ratio, succurrere pauperibus. [k] Chryso- k *Hom. 33.*
 stomus quæstuosissimam artem vocat, Salomon ipsi ad An-
 promittit Dei spiritum. [l] *Quidat pauperi non indigebit.* l *Prou. 28.*
 In cœlo redduntur omnia centeno fœnore, vt se acce- 27.
 pisse scribit Synesio Euagrius. Oswaldo regi discum argenteum frangenti non modo vita æterna data est, & manet gloriosa resurrectio, qua mortale corpus induet incorruptionem, sed manus quoque eius mansit incorrupta. Non errauit Tiberius cum vxori dixit, nihil defore sibi, si pauperes curaret. Gregorio Secundo Pon-

do Pontifici Deus inter expendendum Eleemosynas multiplicauit. Plucherus episcopus Raceburgensis granarium quod euacuaret in sinus pauperum, plenū inuenit. Charilepho omnia donanti thesaurum Deus ostendit, quem ille mox in pauperes expendit, quod etiam Rodino pauperum sepulchra curanti contigit. Piastrum liberalitas ad regnum euexit. Cum Brigitta equos egentibus dedisset, mox nouos ipsa accepit. Non decrit viro liberali pecunia modo ne vir desit pecuniae. Modo ne gloria de opere bono quaeratur, aut facti pœniteat, quemadmodum de infelici donatore narrat Cedrenus, qui quos ægre dederat triginta libras ab amico recepit, & exiens è templo corruit mortuus. Et obseruatum est plerumque diuites, nobiles, canonicos illiberales derepente mori: Tum cum maxime res suas in tuto locatas arbitrantur, vt non de vno aliquo sed de plerisq; Christus locutus esse videatur, cum dixit, [m] *stulte, hac nocte animum tuam repetunt à se; quæ autem parasti, cuius erunt.*

m Luc.
c. 12. 20.

C A P. LIII.

Iustitia & equitatis in aula tutela, & in senatu presidium.

¶ I.

*Iustitia
necessaria
regnis.
a Eccli. 10.
7. 8.*

LVx altera mundi est iustitia, vbi illa non est, nec res publica est nec populus. Fons est paradisi sine quo arescere terram necesse est. Tenenda in regno est sine illa imperia sunt magna latrocinia. [a] *Odibile inquit, Salomon, coram Deo est, & hominibus superbia: & execrabilis omnis iniquitas gentium. Regnum à gente in gentem trāsfertur propter iniustitias, & iniurias, & cōtumelias, & diuersos dolos. Si per omnes historias eatur nulla nō doce-*

b. r

bit cum iustitia cecidit, perire regna: nec tamen exemplo totius mundi mouentur, ut iusti agant: conqui-
runt opes, & quæ nulli bono fuerunt, sibi fore felices existimant. Iustitiæ præcepta breuia sunt, & dilucida. Honeste viuere, neminem lædere, suum cuique tribuere: Iustitiæ tutela in palatio debet esse: nam propter iustitiam lecti sunt, aut nascuntur reges. Regia est arx æquitatis, in qua si Themis opprimatur nullo loco consistere, semel pulsa permittitur. Hæc est arbor fortissima & pulcherri-
ma, sub cuius ramis omnes gentes requiescunt, quam vidit Nabuchodonosor & oblitus eius, quod esse debuit, excisus est: & in bestiam mutatus: nam rex iniquus erat ultra omnem terram. Daniel iustitiæ sibi conscius in aula vsque ad Cyri annos aliquot durauit, tyrannis & proceribus iniustis superstes inter Leones triumphans, & magno animo pronunciat. [b] *Deus meus misit angelum suum, & conclusit* bc. 6. 22.
ora leonum, & non nocuerunt mihi, qui coram eo iustitia inuentæ est in me.

Iustitia
præceptaDanielis
iustitia

Testimonium habet ex hostibus capitulibus. [c] cc. 6. 4.
qui fatentur non inuenturos se causam contra illum *ex latere regis*. Quamobrem miraculo nobis est Danielis Danielis
Iustitia, & sapientia. Iustitia quidem, quod plurimis Iustitia
tam vastæ Monarchiæ negociis præfectus, interi-
psa primordia, quæ turbulenta atque adeo iniusta esse solent, nihil iniuste egerit. Sapientia vero, quia certo modo, ordine, testibus, omnia disposuit, ut de calumnia desperarent. Multorum innocentia conspiratione maleuolorum euertitur, à morsu Sycophantæ nulla probitas secuta est. Daniele contra virus illud muniuerat integritas, & sapientia. Nec tam miror in illo viro non inuentam iniquitatem, nec vllum crimen verum, sed tam spectatam fuisse innocentiam, ut falsum intentare nec hostes infesti, vitam cum sanguine poscentes, auderent: sed desperatione probandi, accusatione desisterent. Deum imi-
tatur

c. 3. 27. ratusest, de quo cecinisse socios memorat. [e] *Quia iustus es in omnibus, quæ fecisti nobis, & vniuersa opera tua vera, & via tua recta, & omnia iudicia tua vera.*

Qui & periisse regnum confitentur per iniustitiam.

f. 3. 29. [f] *Peccauimus enim & iniquè egimus, recedentes à te, & deliquimus in omnibus.*

Iniustitia
pœna. Et multo expressius Daniel omnium malorum, & desolationis causam fatetur esse peccatum, & iniustitiam. [g] *Peccauimus, iniquitatem fecimus, impie egimus, & recessimus: & declinauimus à mandatis tuis ac iudiciis. Et deinde: Tibi Domine iustitia, nobis autem confusio faciei, re-*
v. 7. *gibus nostris, & principibus nostris.*

h. 9. 12. Mali magnitudinem exprimit. [h] *Et statuit sermones suos, quos locutus est super nos, & super principes nostros, qui iudicauerunt nos, vt superinduceret in nos magnum malum; quale nunquam fuit sub omni cælo, secundum quod factum est in Ierusalem.*

Primum opus publicum de Daniele legimus iustitiæ vindicias: & iniustitiæ pœnas tandem venisse libidinoso calumniatori denunciat. [i] *Inueterate dierum malorum, nunc venerunt peccata tua, quæ operaberis prius.*

§ 2.

Iniustitia
pœna to-
ta proph-
tia Da-
nielis. Finis Danielicæ prophetiæ est diuinæ prouidentiae in mundi gubernatione accuratam rationem ostendere, iniquitatis vindicem. quæ peccata peccatis punit, & iniustitiam alia iniustitia obruit. Joacimus rex iniustus, captiuus ducitur, occisus abiicitur. Jechonias multos annos in carcere detinetur, Sedecia in conspectu occisis filiis eruuntur oculi, principes horum regum plerique trucidati, alij in seruitutem abducti. Hæc iniquitas Hierosolymorum. Iniustior tamen Chaldaus horum ultor, verum iniustitiam ille quoque luit ad bestias damnatus, & Baltasar derepente occisus cum tota aula. Crudelissimo hosti dati sunt in prædam. [k] *Susurabo super eos Medos, qui argentum non qua-*
runt,

k. Isa. 13.
17. 18.

rant, nec aurum velint, sed sagittis paruulos interficient, lactan-
 ribus vteris non miserebuntur, & super filios non parceret oculus
 eorum. Diuisum regnum Baltasar ^{1c. 5. 28.} [l] datum est Me-
 dis & Persis ^{m 25. 25.} [m] Jeremias quoque eos excitat. Et E-
 saias hortatur, ^{5. 28.} [n] *Ascende Ælam, obside Mede.* Nullius ^{21. 2.}
 gētis grauius est punita iniustitia, quā Babylonis, occisi
 omnes proceres, qui iniusti, & munerū captatores. Vix
 Isaia verba suppetunt, quibus calamitatem exprimat.
 [o] *Flulate, inquit, quia dies Domini prope est.* Iniuste do-
 minātur & opprimunt, opes rapiunt, & clamat Domi-
 nus: *uasitas a Domino venit.* Hinc torsiones, vt parturiē-
 tis, facies combustæ, vultus eorum. Et rarum habitatorem
 fore prædicit. [p] *Preciosior erit vir auro, & homo mundo* ^{P 6. 12.}
obrizo. [q] *Subuertit Dominus Babylonem sicut Sodo-* ^{Babylonio-}
nam & Gomorrhæam. Nam qui non pepercere paruulis, ^{rum pœna.}
 quomodo parcerent hostibus armatis? itaq; cum dicit ^{q v. 19.}
 Daniel occisum Baltassarem, de tota quoq; aula acci- ^{Pœna Ba-}
 piendū est. Hoc est n. ab Isaia prædictum. [r] *Omnis, qui* ^{bylonis.}
inuentus fuerit, occidetur: & omnis, qui superuenerit, cadet in ^{1c. 13. 15. 16.}
gladio. Infantes eorum allidentur in oculis eorum: diripientur
domus eorum, & vxores eorum violabuntur. Hæc facta esse
 propter iniustitiam docet [s] Isaias. Nam Israeli dabat se ^{1c. 14. 3.}
requiem, à labore, concussione, seruitute dura. Quid vero ca-
 net. [t] *Sumes, inquit, parabolam istam contra regem Babylo-* ^{1c. 14. 3.}
nis, & dices: quomodo cessauit exactor, quieuit tributum? con- ^{4 5 6.}
 triuit Dominus baculum impiorum, virgam Dominantium, ^{Iniustitia.}
 cadentem populos in indignatione, plaga insanabili, subiiciētem ^{Chaldaea.}
 in furore gentes, persequentem crudeliter. Gauisa est terra, & ^{v. 8.}
 abietes, & cedri Libani sunt lætati. hoc est nobiles, &
 magnates, & dicunt: *Ex quo dormisti non est, qui succidat*
nos. Quin inferi quoq;, & damnati reges gentium veni-
 enti ad supplicia insultant, & causam tormētorum po-
 tentissimorum reddunt. [x] *Nunquid iste est vir, qui con-* ^{x 6. 14. v.}
turbauit terram, qui concussit regna, qui posuit orbē desertum, ^{16 17. 18.}
& vrbes eius destruxit, vinculus eius nō aperuit carcerem? omnes ^{19. 29.}
reges gentium vniuersi dormierunt in gloria, vir in domo sua.
Tu autē proiectus es de sepulchro tuo, quasi stirps inutilis pollu-

tus, & obuolutus cum his, qui interfecti sunt gladio, & descenderunt ad fundamenta laci, quasi cadauer putridum. Non habetis consortium neq; cum eis in sepultura; tu enim terram tuam dispendidisti, tu populum tuum occidisti: non vocabitur in aeternum semen pessimorum. nec lenius posteris fatum. [y] *Preparate filios eius occisioni in iniquitate patrum suorum: non cōsurgent, nec hereditabunt terram, neq; implebunt faciem orbis ciuitatum.*

y V. 21.

Italia barbarorum imperatorum prada.

Longum esset Persarum, & Medorum iniustitiam referre mutuas lanienas, donec à Romanis, Parthis, Turcis subacti sunt. De Græcorum imperio iam supra dixi eos terribilis bestia consumpsit. Quin in Romano imperio, vt maior iniustitia, ita grandiora supplicia: nam postquam belua ingluuiem farcire cœpit, Italiam, Siciliam, Hispanias, Africam, Gallias, Græciam, Asiam, deuorauit, tum vero in sua viscera dentes fixit, sociali latrocinio, Marianis & Syllanis, Pompeianis & Cæsareanis bellis sese cruentauit, acceperunt barbari Imperatores, Latium & nomen, & gentem, & linguam ipsa perdidit. Vbi vel vnus de nobilitate Quiritum? Huius Gothi, Wandali, Longobardi formidata quondam nomina delicias Italiæ possident.

§ 3.

Iniusti belli auctores pereunt. z c. 5. 29. & c. 15. 9. & c. 21. 8. & c. 30. 6. & c. 50. 17. a c. 1. 16. Iniuste ad ministrantes iusta bella perire.

Prisci æui iniquitatibus sua quisq; tempora cōparet. An alibi quoq; Leonū & tigrium regna latrocinentur: expendat. [z] Regna enim Leonum typo Jeremias adumbrat, & [a] Joëli. Opprimunt nobilitas agricolas, curia tribus, patiuntur isti à maioribus dominis, quod minoribus intulerunt, & grandioribus sua quoque manent supplicia. Iniuste parta recondunt, longas posteris opes pollicentur, & omnes ad vnum excidentur, pleriq; etiam hac in vita. Numerent belli decennalis, quo adhuc Germania atteritur capita, & tribunos, pleriq; qui arma contra leges & æquitatem, & iusiurandum sumptum perire, aut exiliis, & inopia premuntur: Ex illis qui sancte arma induerunt, multi auare tractarunt, & hos quoque raptis frui dominus iustus vetuit, aut prædas

prædas excussit, aut morte multavit. Si quis amicos spoliât, de pacato prædas agit, milite onerat innoxios, contributiones cogit, avaritiæ suæ causas publicas prærendit, consiliarios principum furti sui participes reddit, auro corruptus cum hoste colludit, bellum trahit, ut diutius imperet, argentum conquirit, si quis illis consentit, probat, defendit, dissimulat, non vetat, non punit. Si quis numos accipit, ut hæreses tueatur, iam iudicatus est. Mox aderit illa dies, qua dicitur:

[b] *Iam venerunt peccata tua, qua operaberis prius. Iudicans* b Dan. 6. 13-52.
iudicia iniusta. Nemo iudex, nemo præfectus, nemo cē-

tario, tribunus aut dux, nisi iuste agat, publicam infamiam deuitat. Iniustitia est enim vitium publico malo grassans, quare in summo est odio. Quapropter de morte talium beluarum publica lætitiâ exoritur. Nam Iniusti principis mors lata populis.

Deus quoque de morte Babyloniorum gaudere iubet Ecclesiam captivitatis. [c] *Quomodo cessavit exactor?* cl. Isa.

Abies & Cedrus Libani lætiore fronde festum agebāt. 14-4.

Quanta gratulatione quotidie audiuntur mortes non modo hostilium ducum, & copiarum, sed militum amicorum quoq; & tribunorum, quos concussio, rapacitas, crudelitas fecit infames? eadem via ibunt, qui antecedentium vestigiis insistant, quiq; cum debeant, non corrigunt. Iustitia igitur diligenda est: nisi enim diligatur, augetur prohibitione peccandi cupiditas. Si timor desit, de sacrilegio triumphant: furta magna in pompis ferunt. Clamat pauper & nemo audit. Commolunt facies pauperum, cum pulvere terræ conterunt d Isa. 3. 13. c. 6. 2. 7.
 capita pauperum, ut [d] Isaias & [e] Amos de proceribus perituris vaticinantur.

¶ 4.

Porro duplex iustitia, pariterque iniustitia in re- Duplex iniustitia.
 gnis cernitur. Altera cum ius ex æquo, & bono dicitur, & suum cuique redditur. Altera cū pecuniæ publicæ, & census ex fide tractatur. Priori repugnat, cum sententia venditur, aut patrocinium, & legum prætextu vis euertitur, q̃ frequens crimen est, & tamen gra-

Aa 2

uissi-

f. Surius
vita
Chryf.
Chryso-
stomus iusti-
tia defen-
sor.

Iacobus
Nisibis
episcopus.

g. p. 1.

Hanno Co-
loniensis.

uissimum: nam æquitas ficta est duplex iniquitas. Huic se iniustitiæ semper viri magnanimi opposuerunt. Animo se Caracallæ respondit Papinianus: *non tam facile parricidium excusari, quam perpetrari.* [f] Chrysostomus in aula Arcadij oppressam iustitiam, per Eudoxiæ violentiam, restituit, imperatricem aditu Ecclesiæ prohibuit, & causam Deus defendit; cum enim antistiti obistere perseveranti satelles stricto mucrone eadem intentaret, manus ferientis obrigit, steteritque immobilis. Et quamvis tum pulsus vrbe est, postliminio tamen reductus est, & tempestate ad virginem defensionis viduæ cadauer orta procella diuertit. Iacobus etiam Nisibenorum Episcopus saxo in partes diffiliente iudicis iniquam sententiam ostendit, monuitque impie iudicantium pœnam esse, vt in partes minutas, adeoque in puluerem redigantur. [g] quem rapiat ventus à facie terræ. Omnis iniquitas vt flamma Babylonis fornacis in auctores redit, vt Medi, Persæ, Babylonij subcenturiantur Danieli in locum Leonum: vt & faces, quibus vrebatur Mamas Martyr, carnifices interemerunt.

Inter magnates vix laboriosius, & fortius quisquam iustitiam, quam Hanno Colonienſis præsul tuitus est: Ille militum primum ductor, deinde, Canonicus, tandem Archiepiscopus, & Hentici, qui Germanicus Nero habetur, institutor, cōsiliarius & rector, & cum is ad nefanda deflexisset, monitor. Diuina eius vox in discrimine audita est, *Vitam sibi eripi posse, iustitiam non posse.*

Iustitiæ iunxit clementiam. Nam per tumultum à seditiosis ciuibus obsessus, euasit intra quatrduum rediit armatus, & supplices in gratiam recepit. Plane proceres similes esse Galaziæ oportet, gemmæ nobilissimæ, quæ frigus in medio igne retinet, ita illi in feruore, & æstu negociorum, furoris & odij sine affectibus veri normam seruare debent. Alphonsus rex Aragonum, Alexander Scotiæ alique statis diebus ipsi causas audie-

diebant. Iudices in ipsos inquirebant, cauebant, ne *Principis* sententiæ fructum sumptus exuperaret, Nobile enim *debet iniu-* principis officium est, à suis iniuriam repellere. Hoc re- *sistiam pel-* gni firmamentum est, Regnum firmabis, si sit amicis *lato.* libertas, si subditi non afficiantur iniuria. Nulli enim hominum iniuriæ parvæ videntur, plures æquo gravius illas habeant. Qua de causa & Artaxerxes à filio rogatus quomodo tam diu regnasset? respondit: *Iusta facien.* Quicumq; in potestate est, aboleat iniquos: *h Ps.* Omnibus illis dicitur. [h] Non permanebunt iniusti ante oculos tuos. Galba iniquis mensariis præcidit manus, Castrucius ad mensam suspendit, ut instrumentum esset pœnæ ipsa sedes iniustitiæ. Antoninus Florétinus notum medicum excellentem magiæ convictum occidit. Interim alij quoque iustitiam corrumpunt, qui nimium regibus tribuunt, Anaxarchus Alexandro tristi ob Cliti cædem, & mori destinanti suggestit: *Iustum esse, quicquid rex facit.* Hanc Minois larvam summæ iniquitati prætendebant, *qui sibi omnia, & in omnes licere iactabant.* Nihil ulli licet in vllum, nisi ex lege iustitiæ. Ea causa Pythagoras iustitiam definivit numerum æqualiter æqualem. At si est æqualis, quid nî sit æqualiter *Æqualitas* æqualis? æqualia enim æqualitate sunt æqualia. Vir *iustitia.* prudens non modo æqualitatem rei postulabat, ut rem tuam tu habeas, ille suam: Verum etiam æqualitatem iuris, ut eodem iure recuperare suam pauper, quo dives valeat: hanc natura æqualitatem æqualiter poscit, quæ ubi favore, aut potentia violatur, non est æqualitas æqualiter, sed inæqualis iniquitas.

¶

Altera pars iustitiæ est in principis æratio, publicisque thesauris tractandis, de qua re alibi dixi: Vnicum moneo multos ex illis, minutis, sensim & securis furtis sibi opes parare, quæ omnes non furantur, sed rei publ. censeri debent. Aliud quoque

Aa 3

genus

gēnus iniustitiæ in potentibus obseruauī, quod nobiliū familiarū salus ultore cœlo euertitur. Opulenti sunt, & auari, creditoribus tarde, maligneque soluunt, labores & merces ipsi æstimant, non quod æquitas exigit, sed quod ipsis lubitum est, reddunt, it clamor cœlo, ultio in terras descendit. Si tandem persoluant, moram, & damna, & lacrymas, & preces quis reddit? Justino imperante procerum incuriis Byzantij plebes obnoxia vivebat, parum leges, parum magistratus contra potentiam valuit iniurias, creatus est vrbi præfectus, qui tenuiores tueretur, & æquale ius redderet, officio ille suo fungitur, at quidam ex magnatibus, qui fauore regis ad perniciem subditorum abutebatur, ciues iniuria afficiebat, præfecto insultabat, deinde ad conuiuium regium ferox, velut alter Aman proficiscebatur, non tulit indignitatem præfectus, ipse quoque in palatium processit, & ab Imperatoris mensa abstractum, ad supplicium produxit. Tantum erat in præfecto animi, tantum in Cæsare æquitatis.

C A P. LIV.

*Caritas, amicitia, concordia, odia, inimicitie,
discordia in aula, & administratione.*

§ I.

*Caritas,
amicitia.*

Verus amor est, quo Deum super omnia, proximum sicut nos ipsi amamus. Caritas in vno solo esse potest, qui nimirū habet inimicos, & inuitus habet, & vt amicos diligit. Amicitia nisi inter duos esse non potest, est enim mutua beneuolentia, animorumque coniunctio, ac consiliorum communicatio. Hæc mater est concordix, gignit enim opinionū quoq; ac sententiarum consensionem, atque ab ipsa quoq; conseruatur.

qui-

quibus repugnant odia, maleuolentia, inimicitia, discordia, dissensiones, unde lites & rixae palatiorum æterna mala, quæ exasperat similtas, cum plures eadem

RARA VERBA.

petunt, inhiantq; palmæ omnes, quæ vni soli potest contingere. Imminente supremo mundi die refrigescit caritas multorum, & abundabit iniquitas. Nec inusitatum est. Fuit illa quandoque etiam paucorum. [a]

Daniel & eius amicus.

Danielis socios in ipso momento Chaldæi accusant omnes flammæ suggerunt. Medi & Persæ Daniëlem ad Leones deposcunt. [b] Daniel tamen amicitia me-

a c. 3.

b c. 2. ult.

mor sociis à rege, vt constituerentur super opera Babylonis, impetrauit. [c] Susannam ab infestis amatoribus liberauit. Caritatem Danielis testantur orationes quas pro aliis fundebat. [d] Inclina Deus meus au-

c c. 13.

rem tuam, & audi, aperi oculos tuos, & vide desolationem nostram, & ciuitatem, super quam inuocatum est nomen tuum: neque enim in iustificationibus nostris prosternimus preces ante faciem tuam, sed in miserationibus tuis multas. Exaudi Domine placare Domine: attende & fac: ne moreris propter temetipsum Deus meus: quia nomen tuum inuocatum est super ciuitatem & super populum tuum. Amicus Danieli erat Nabuchodonosor. [e] Donec collega ingressus est in conspectu meo

d c. 9. 18. 19.

Daniel, cui nomen Baltassar secundum nomen Dei mei, qui habet spiritum Deorum sanctorum in semetipso: & somnium coram ipso locutus sum.

c c. 4. 5.

Amicissimus Darius, qui eum constituere super vniuersum [f] regnū cogitabat. Qui pro eius salute laborabat. Quod verbum cum audisset rex, satis contristatus est & pro Daniele posuit cor, vt liberaret eum, & vsq; ad occasum solis laborabat, vt erueret. Cum non posset amicum liberare, [g] dormiuit incœnatus, somnus recessit ab eo. Lacum Leonum obsignauit, altera die lacrymabili voce Daniëlem inlclamat, & vlciscitur. Fuit autem Daniel vir amicus Dei & angelorum, qui familiariter cum eo tractabant. [h] Noli metuere vir desideriorum: pax tibi, confortare, & esto robustus. Quod significat virum multa desiderantem bona & virum desiderabilem, ὁ ἀγαπᾷ μὴ πόνον, vt 9. 23.

f c. 6. 11. 4.

Darius amicitia.

g c. 6. 18. 20.

h c. 10. 11.

19. &

alia manus Hippocratis, alia carnificis. Veræ amicitia *Verus amicus.*
indiciū, amico bene velle, non quærere res amici.
non amat digitum, sed gemmam, qui articulum pro-
pter annulum abscindit. Gentiles apud [1] Tertullia-^{1 In Apo-}
num mirantur dilectionem Christianorum, Ecce, dice-^{log.}
bant, *quomodo se amant*, nec mirum, *ipsi enim se oderant*.
Amicitia in paucis, odium commune est. Quamun-
dus amat falsa dilectio, odio sæpe deterior, quia fal-
lax. Operosum est fallere hostem, quia suspectat.
Theogn.

[m] Fallere difficile est inimicum, at amicus amicum,

m Ad Cyr-
num.

Fallere non magno, Cyrne, labore potest.

difficilius itaque censuit Alcmaeon cauere amicum,
quam hostem. Et Sophocles. Nullum maius vlcus *Amicus*
esse, quam amicum malum ac subdolum. Amicitia *falsus.*
specie falluntur plurimi, ea nihil dulcius, nihil pericu-
losius. Vir bonus omnibus est amicus, malus animæ *Inimico-*
sue inimicus. Seruus Dei etiam in hostes beneficus est. *rum dila-*
[n] Paulus Martyr moriturus pro omnibus orabat, et-
iam iudice & tortore. Agnes hominem scelestum, *lio.*
quem ad flagitium in conclaue irrumpentem, Satan *n Euseb.*
elisit, precibus suis vitæ restituit, & maleficio benefi-
cio pensauit. Inimicitias Arianorum grauissimas pas-
sus est Eubesus Samosatenus, ille tamen à muliere a-
more pestiferæ sectæ insaniente letaliter ictus regula,
ab amicis iusiurandum exegit, non expetituros pœ-
nam: vt recenset [o] Theodoretus: ex corde dimit-
tebat, quod omnem Eleemosynam superate, [p] Au-
gustinus docet. Deus inimicos diligi iussit, non perse-
qui, non ad duella prouocare, non calumniari. Theo-
dosius imperio, victoriisque magni nomen assecu-
tus, maior fuit indulgentia in hostes. Inimicorum filios,
quos belli impetus in arma adegerat, ad Ecclesiam
confugientes, etsi nondum Christianos, erudiri ad re-
ligionem, & illa occasione baptizari voluit, insigni
caritate dilexit, rebus suis frui iussit, auxit honoribus,
& post victoriam in neminem priuatas inimicitias vale-

o l. 5. c. 9.
p Enchir.

Theodosii
caritas.

*Christia-
nus nulli
inimicus.*

re passus est. Bella ciuilia, non vt Marius, & Sulla, ac Triumviri finita cædibus infamia reddidit, exorta do-
luit, nulli nocere voluit terminata. Dilectio inimi-
corum proxima Christi est imitatio, præcipuum si-
gnum prædestinationis æternæ. Amator Episcopus
Antisidorensis re & nomine illius imitator, qui caritas
est. Virum nobilem Germanum vrbis gubernatorem
offenderat necessario, & immerito infestum habebat,
atque insidiatorem, diuinitus tamen cognito fore vt
successorem haberet, in clerum suscipit, & moriens E-
piscopatum commendauit, quem is multa virtute
præclare administravit: Hoc perpetuo animis cogi-
tandum, eos quos hic abominamur, fore amicos æ-
ternos, nisi forte nos ob simultatem felicitate exci-
damus. Christianus neminem inimicum habet, nisi
malus; nam quisquis alium odit, etiam malum, non
est bonus: nisi forte tam caute vitia oderit, vt amet
personam: quod in magnatibus rarum est, ita enim
inimicitias exercent, vt insidias moliantur, & san-
guinem fundant: quæ dum machinantur tam hostes
sunt, quam cum feriunt. Tolerare hostem est benefi-
cium, & humanum, amare diuinum. Nemo est quem
non hostem Deus amarit. Quare formidet, quicumq;
Christiano infestus est: nam cum Christo inimicitias
gerit.

§ 3.

*Dei a-
mor.*

Quicumque ex animo Deum diligit, illi non modo
facile est, sed etiam necessarium amare fratrem. Crea-
toris enim & creaturæ dilectio ita est connexa, vt si vel
vnum hominem oderis, hostis Dei iudicaris, non igne
& aqua, sed interdicto cælo proscriptus. Dei vero a-
micitia ad diuinitatem homines perueniunt, & purifi-
simi redduntur, at mundi amore efficiuntur immun-
di. Amor enim ab immortali bono ad peritura trans-
latus contaminat. Amor Dei præstantissimus est numi-
nis cultus, plenitudo legis, summa Scripturarum, vir-
tutum

tutum omnium in vnam arctata maiestas. Scopus vitæ, prora & puppis religionis, ignis mentium munda-
tor, sol illuminator tenebrarum, par morti fortitudo
radix bonorum omnium, ad Deum cursus, pondus *Amoris*
nostrum, vita animæ, gratitudo nostra, quæ semper & *natura.*
datur & debetur, vegetabilis cæli ros, sine quo omnis
arbor est infructuosa, vinculum sine quo omnes virtu-
tes sunt inutiles, imo & spurix; labor mercedis vacuus
est quem non excitat caritas. Illa rerum nostrarum ob-
liuionem inducit, & solas diuitias æstimat Deum,
quem amat. Olympiades, & Maximus Decio infestis
minis imperanti: *Pandite diuitias*; Responderunt: *No-*
strum aurum & argentum Christus est, huc accede, & eris di-
ues. Deum, qui sic amat, Dei amicus est, quicquid
ille amat, diligit, & quicquid odit, abominatur ac fu-
git. Deum super omnia, proximum pari secum gradu
diligit. Hic amor gratuitus est, non quæstuosus: qui
non diligit ad hanc normam, mortuus est. Talis ama-
tor adamanti omnium metallorum, & gemmarum
domitori, par est, nullis illecebris emollescit, tunden-
do non frangitur, impacta rumpit. Magnes est, ho-
mines, angelos, Deum ipsum ad se trahit, & trahitur.
Vtriusque insigne exemplum caritatis ex aula Flauio-
rum Artemius erat per Ægyptum præfectus, tantam
potestatem caritas regebat, idola per totam prouin-
ciam deiiciebat, monitis ex cordibus hominum vene-
rationem eorum euellebat, pietatem inferebat. De-
inde apud Julianum apostatam accusatus, cum im-
pium tyrannum constantissima caritate argueret, atq;
ut idola contemneret, hortaretur, exquisitis suppli-
ciis affectus amorem DEI sui, & re & verbis testatus
est. Acta eius recenser [q] Theodoretus & [r] Ni-
cephorus, [s] Lipoman [t] Surius. [u] Præfectum au-
gustalē vocat Martyrologium Romanū, quæ erat sum-
ma dignitas, toti Ægypto imperabat, vice Augusti, [x]
Strabo regibus illos præfectos adæquat. Posset & ille
auli- x l. 17.

*Artemii
in Deum
amor.*

l. 3. c. 17.
r. l. 10. c. 32.
s. T. 6.
t. T. 5.
u. 20. O-
b. 10b.

y l. 12.

z Menol.

4. Maii.

Eleutherius.

Metaph.

aulicorum speculum dici, eques Romanus, sub Constantino magno, Constantioq; summis etiā belli functus honoribus, & iam in purpura consenescens, gladio truncatus Christi triumphos auxit. Ammianus [y] Marcellinus illius quoque meminit. Erat enim eo tempore clarissimus, & sæculi istius Daniel. [z] Adiungam Artemio Eleutherium senatorij ordinis, cuius pater consulatum ter gessit, & nobilissimi Episcopi, qui Messapiæ sub Adriano, cum matre Anthia cerraui, nomen illi Eleutherius, magna in illo caritas, in Deum fixus, sui oblitus tormenta rapiebat, iussus Deum negare, aut accensum ignem experiri, in rogi luculentum insiliit, fortis erat vt mors dilectio, dolorem pro nihilo reputauit, suauiter se cubare inter sæuos æstus gloriabatur. Persecutores mortuum arbitrati, deponunt, supplicio factus ardentior purgata per ignem caritate, Cæsarem adit, de Deo colendo, dæmonibus deferendis vehementer differit, ad crates & subiectos ignes retruditur, in sartagine pice & adipe decoquitur, in clibano æstuante assatur, nec tamen caritatem mortis tot genera obruere potuerūt, Adriano vrgenti, nam supplicia tyrannus ipse spectabat & asperabat, respondet, *non posse se vi vlla à Christi caritate diuellii*, obiectum sibi Leones non attingere, alligatum equi feroces in montem molliter vexere, bestias ne milites ab illis deuorarentur, impediit, tandem cum matre iugulatus tormenta cum cœlesti beatitudine mutauit. atque inter ista Corebum nobilem præfectum Adriani conuertit, atque ad eadem perpetienda perpulit.

§ 4.

Amicitia
in bonis.

Amicitia nisi in bonis, & cum virtute esse non potest. Nulla cum impiis & infidelibus sincera est, in malis consiliis conspiratio est, Imperator cum Henricum fratrem, & Cunonem principem, in regiam affinitatem assumptum, videret inter se confidentissime inter
sancta

sancta mysteria confabulantes, amicitiam illam in grauissima odia dissensionesque commutatum iri dixit. quas illi deinceps suo malo exercuere. Ea causa fidelis amicus, hoc est vir bonus, & fidus diu quæritur, difficulter inuenitur, difficilius seruatur. Amor sincerus in aulis multa habet impedimenta. Amicitia defert amico, ut æquam, cum amicum amet, ut seipsum, diligendo illum sibi, quamuis minore sit dignitate, exæquat. atque hoc est, quod Ambrosius monuit: amicitiam aut pares accipere, aut facere. In aula paritas suspecta est, atque origo inuidentiæ. Quapropter facilius pauper verum, amicum inuenit, nec est enim de dignitate concertatio, nec opes habet, quæ in vicem Domini amentur. Diues an vere diligatur, ignorat, nisi ad paupertatem veniat, tum denudant se, & fugiunt fortunæ comites, manent quos verā caritas vinxit. Cura igitur veri & boni amici legendi adhibenda est, non enim amicum iudicat Isidorus quem pecunia conciliauit. Sed qui pecuniam expendat: idem enim animus esse debet, & fortunarum communicatio, ut [a] Aristoteles, [b] Plato, [c] Cicero, [d] Gellius etiam suis in tenebris viderunt. Leges amicitiae illas ferunt, ut sit inter bonos, animorum consensione constet, ut idem velint, & nolint, sint omnia communia, & quidem sine fraude. In aduersis & tribus perseuetet: monere errantem liceat. arcana ne cælet, ne turpe aut iniquum postulet. Silentium arcano præstet, opes & vitam pro amico ponat, nunquam aboleat, aut minuat caritatem. Amicitias habeat communes, non inimicitias, quas habere oportet nullas, quare iniusta lex veterum Germanorum apud Tacitum est, ut suscipere tam inimicitias patris, & propinqui, quam amicitias necesse habeant: In hoc enim incumbere omnes oportet, ut amico concilient inimicos. Qui his legibus amicus est, nihil illi comparari potest. Tales non vincendo, aut premendo, sed ne benefaciendo quidem feceris, nisi benefacta grauiti

Æqualitas inter amicos.

*a Mor. 8.
b De leg. 1.
c De leg. 1.
d l. 1. no. 8.*

Amici utri, rari.

tuiti amoris esse senserint. Talium amicorum pauca paria vetustas numerat, nec illos quidem veros, ut Py-lades sanus fuerit, certe Orestes insaniit.

¶ 5.

Beneficio

pauco

feri ami-
cos.

c Xenoph.
lib. vi.

At ramen reges aliquos sibi amicos faciunt benefi-
cio suo. Rectissime Cambysem filium Cyrus docet:
[e] Quare; quod etiam te. Cambyses, minime latet; non est
aureum hoc sceptrum, quod regnum seruat; sed amici fidi, sce-
ptrum sunt regibus fidissimum, maximeq; tutum. Verum ne pu-
tes homines nasci natura fidos; omnibus enim iudem fidi conspi-
cerentur, quemadmodum etiam alia qua natura gignuntur, o-
mnibus conspiciuntur eadem: sed fidos oportet sibi vnusquisque
faciat; quorum acquisitio nullo modo fit vi, sed beneficentia po-
tius.

Verum est, vbi est amor & gratitudo, alioqui si hi-
storiam consulamus, magna regum beneficia plures
fecerunt ingratos, quam amicos, plurimos capitales
hostes. Nam si homines Deo, à quo omnia habent et-
iam animam ipsam, vitamque, sint ingrati, & beneficia
in contemptum auctoris vertunt, non est mirum regi-
bus esse ingratos procures, his famulos. Stultissima est
malorum principum querela, cum indigne ferunt cli-
entes non respondere beneficiis, cum ipsi de donis nu-
minis luxurientur. Meminerint pleriq; vtitatissimæ, &
maximæ caritatis se impatientes esse, quæ viri sinceri,
& recti alios à peccato auertere conantur. Si omnium
in laude est Antigone, quæ Oedipum patrem mori ob-
stinatum viuere coëgit, nonne magis amare dicendus
est, quisquis à morte grauiore præseruat? quod fecit
Paphnutius, qui è Tyria Synodo Maximum eduxit, ne
scelesti contra Athanasium iudicij particeps fieret, ut
[f] Ruffinus narrat. Nonne Ignatius, qui lacu frigidò
se merfit, torsitque ut amicum libidinibus deditum à
flagitio reuocaret, summæ caritatis opus perfecit? Ve-
rum potentium amicitia pestis est, libertati amantium
offendi. At vero apem propter aculeum nemo odio
habet,

A culpa
auocare
magna
caritas.
f l. i. c. 7.

habet, propter mellificium omnes fouent. Hos tamen in necessitate ferunt. quia necessarios esse intelligunt; nullius est ea felicitas, ut sibi sufficiat. ne regum quidē, qui multorum odia, non nisi amicorū praelidio depellere valēt. Quanto minus aulici possunt, quorum certi sunt æmuli, amici incertissimi? Multi vultures, qui fœtorem cadaueris, hoc est, vitia seſtantur? Claudam tanquam gemma sententia [g] Nazianzeni.

Amicus fidelis protectio fortis, & munitum palatium. Ami- g Orat. 6.
cus fidelis, viuus thesaurus. Amicus fidelis super aurum & lapidem pretiosum multum. Amicus fidelis, hortus conclusus, fons signatus, qui opportune aperiuntur & communicantur. Amicus fidelis, solatii portus. Quod si prudentia etiam & iudicio excellat, quanti hoc faciendum? Quod si præterea summa doctrina instructus sit, & quidem omnis generis doctrina, hoc est, tam nostra, quam ea, quæ quondam nostra erat, quanto tandem istud luculentius? Quod si ad has quoq; dotes id accedat, ut lucis sit filius, aut homo Dei, aut ad Deum propius accedens, aut vir desideriorum bonorum, aut quibusdam id genus nominibus dignus, quibus homines diuinos & excelsos ac superna partis exornat Scriptura, id vero Dei iam donum est, meritisq; nostrum prorsus excedat.

¶ 6.

Inimicitia in aula grande malum, & frequens, ut ex *Inimicitia*
 Daniele demonstraui. Fugiet quisquis ab alio nocu- *fugienda.*
 mentum timere potest. Salomon nos monet. [h] *Vir h Pron.*
sapiens si cum stulto contenderit, siue irascatur, siue redeat, non ^{29.}
inueniet requiem.

Quin illa est vesania, ut sua damna negligant, quo noceant alteri. Metuant etiam imbecilles: Terribilis est, quem faciunt angustia audacem. Quin illud secum reputent, ubi semel odia inualuerint mutuo concussu crescere, nec facile ponit. Hoc secum statuatur quisque. Si habeo inimicum, inuitus habeo, & infestus sum amicus. cedat, melius hic bene vinci, quam male vincere. Qui vni hostis est, multos habet ille inimicos, nimirum tot, quot aduersarius amicos. *Causa inimicitia*

citæ ipsa mala est, avaritia, superbia, inuidia. Christi & Apostolorum pax propria, quia caritas, qua amissa
 i Orat. 12. mundus esse desinet, vt [1] Nazianzenus. Contentio
 tamen pietatis causa suscepta melior est, quam vitio-
 sa concordia, sed perniciosior discordia, consilia enim
 inimici, etiam bona destruere nititur. Aristides iustis-
 simus Atheniensium habitus, non fore rebus pacem
 dicebat, nisi se & inimicum in barathrum coniicerent,
 carceris id nomen est. Venenum esse ciuitatis iudica-
 bat primariorum in Republ. dissensionem. Tolerant
 quidem aliquando reges diuersa sentientes, & hostes,
 quia mutuo sunt sibi custodes, & vigilantius excubar,
 qui hostem à tergo imminere audit, verum cum po-
 tentes sunt, facile rem perdunt, & principes ipsos dis-
 sensionibus.

§ 7.

Fauor
breuis.

Nihil amicitæ aulicæ imbecillitatem adeo expri-
 mit, quam, quo vti solent, fauoris nomen. Nemo mi-
 norum gentium appellare maiusculum audet ami-
 cum, sed fauentem, fauori se commendant. Quæ res
 mobilis est, & versatilis, non minus quam ipsa aura fa-
 uonij. Fidere nos hominibus minaciter Deus vetat.
 Nolite confidere in principibus in filiis hominum, in quibus non
 est salus. Fauoris instabilem Zephyrum experti sunt
 k c. 2. 12. Chaldæi. [k] Quo audito, rex, in furore & in ira magna
 præcepit, vt perirent omnes sapientes Babylonis. Nec minus
 Danielis collegæ, & Daniel, quin fauor ipse timendus
 l In Tro- est. Prudenter Calchas apud [l] Senecam.

rad.

Sed fregit illos spiritus hæc, quæ dare

Potuisset alii causa, fortune fauor.

Tu me superbum Priame, tu timidum facis.

Fauor
fallit.

In altum extulit te fauor regnantis? Illo stas loco,
 vnde multi ceciderunt, scopulus multorum est exitio
 infamis. Stas proximus sceptro? Vano fulgore rege-
 ris, momentum rapit omnia. Fauor aulæ similis est
 solis imagini, quæ in aqua relucet, aut luci tremulæ,
 quæ

quæ speculis auratisq; conis excipitur, quæ non modo nubis interpositu, sed minimo corporû motu perditur. ^{m Greg. l. 3. mor.} nō igitur ista magni faciēda sunt, [m] nam qui pro virtute quam egit, humanos fauores postulat, rem magnam vili venalem habet. Hoc obseruet, ne placere conetur, cui non placet virtus. Nam miser est, qui placet malis: mala via eo peruenit. Si regi places iniusto, voluptuario, adulterio per scelerum ministeria, & lenocinia ad fauorem adrepisti. In aula sæpe non virtuti fauetur, sed ex simulatione virtutis gloria quæritur, Dionysius, bonos & dictos viros liberaliter habebat, vt tyrannidos odium mitigaret. Vsthanem nobilem Persam, rex quamuis familiarem carumque ob religionem morti addiderat, rogatus tamen moriturus est, vt si quid vellet, à rege fauente peteret: Aliud non poposcit, quam vt præco ediceret: Ipsum hac sola de causa, quod Christianus esset occidi. Fauetur illis, qui vtilis ^{quibus fauentur.} sunt, saxa molaria in precio sunt, se mutuo tamen attenuant, donec attenuatis noua substituantur, ipsa sternendis viis pedibus calcando aptantur, hic fere exitus & fauorum, & laborum aulicorum.

C A P. LV.

De aula temperantia, deliciis, de abstinentia, sobrietate magnatum, nobilium.

§ I.

COpiam regis domus, exstructasq; dapēs, & apparatus, deliciasque mensarum tolli sibi non reges ^{Aula magnificer. a} magis, quam aula tota sustinet. Magna pars procerum ^{ria.} illo splendore luxurianti dignitatem principum metitur. Magno iudice causam tuentur, & obtinent. Salomon adhuc iuuenis, Deoq; amabilis, gentis electæ, & Ecclesiæ Israëlitiæ magnificentiam regiam dignitatem

Bb

osten-

Salomon
splendidus.
23. reg.
4. 22.

ostentabat, & Christi regis æterni ac beatorum cœnam figurabat. Voluit nos eius sumptus ex parte cognoscere S. Spiritus. [a] Erat, inquit; cibus Salomonis per dies singulos, triginta cori simila, & sexaginta cori farina.

Sumptus
Salomonis

Boues pingues & pascuales nostratibus maiores in singulos annos dena millia nōgenti quinquaginta absumebantur, arietum triginta sex millia quingenti. His additur venatio ceruorum, bubulorum, auium altium multitudo. Vitulos, agnos, oryges, pygargum, tragelaphum, camelopardalum, capras & hœdos omittit. Quin & omnia genera piscium, quorum erat copia ex mari mediterraneo rubro, lacubus, fluuiis, de terræ fructibus, melle, lacte, caseo, butyro, arborum prouentibus, tacent sacræ literæ, cum tamen in regione calida pauca carnes, plurima, quæ sponte nascuntur in cibum adhiberentur. Corus mensura est, quæ & Chomer, continet modios triginta, itaque similæ & farinæ in aula Salomonis in singulos dies consumebantur duo millia, septingenti modij, alia mensura & Gomor, seu גמל decima pars Ephæ. Non iam de mensuris disputo, Corus est mensura, quæ iustum camelipondus continet, dimidium cori onus est muli. Hæc omnia ordinatissime dispēfabantur, ad gustum & salubritatem coquebantur. Adeo ut inter cœtera, etiam cibaria mensæ eius regina [b] Sabæ, adeoque pincernas, eorumque vestes admiraretur. Non ausim ista tollere, non enim res culpanda, sed luxus. Hoc moneo, inter ista Sapientissimi Salomonis salutem venire in dubium, nec ullum esse regem, qui non malit sortem Lazari, quam tanti regis. Sed maneat palatio deliciarum excusatio: immoderatus tamen vsus veniam non habet.

b2. Paral.
3.

¶ 2.

Temperantia
Danielem
audiamus.

Verum Danielem audiamus, magistrum temperantiæ, ciborum delicias aspernantem, vinum aqua mutant.

tantem. Felicitatis principium illi & loci temperantia fuit. [c] *Proposuit autem Daniel in corde suo, ne pollueretur de mensa regis, neque de vino potus eius: Et Malasari audacler loquitur.* [d] *Tenta nos obsecro seruos tuos diebus decem, & dentur nobis legumina ad vescendum, & aqua ad bibendum.* c.c.1.12. d.c.1.12.

Ea causa & formam & sapientiam illis Deus donauit [e] *Pueris autem his dedit Deus scientiam & disciplinam, in omni libro & sapientia: Danieli autem intelligentiam omnium visionum & somniorum.* c.c.1.1.17.

Non sunt illa de Hippocratis aut [f] Galeni disciplina, qui legumine colorē reddi luridum, ingenium obtusum scripsit, quod etiam Theophrastus affirmat. Verum ille qui in deserto docuit exules suos, [g] *non in solo pane viuere homines, sed ex omni verbo, quod procedit de ore Dei.* f Defacul. aliment. g Matth. c.4.4. Alimentorum noxiorum facultates in succos salubres, & ingeniorum subtilitati, sapientiæq; commodos conuertit. Nec modo iuuenis abstinere nos docuit, sed cum iam centum esset annorum, & conuiua Darij regis ieiunauit. [h] *Et posui faciē meam ad Dominum Deum meum rogare & deprecari in ieiuniis, sacco & cinere.* h c.9.3.

Et anno tertio Cyri [i] *In diebus illis ego Daniel lugebā* i c.10.2. *trium hebdomadarum diebus.*

Cur senior regum mensas non fugiebat? an non cōtaminabatur? Alia ratio pueri, & adulti. In tenera ætate edendum erat, quod apponebatur, iam in dignitate tanta de mundis cibis in magna varietate carpebat, suos sibi coquos, pincernas, prægustatores habebat. Itaq; non quæ appetentia suggereret, sed lege permissas libabat escas, vel hoc ipso in regia temperantiæ magister: nam conditissimi fere sapor ex illis erant, quæ lege vetabantur.

§ 3.

Verum tamen magis Daniel temperantiā docet horrore, pœnisque ebtiorum, quam sobrietatis exem-

Bb 2 plis

k c. 28.
7.8.9.

plis. Vnde enim voracissimis bestiis lex temperantiæ? Narrat Joacimum, & principes ductos in captiuitatem, terram vastatam, Deum contemptum, causam reddit Isaias. [k] *Verum hi quoque præ vino nescierunt, & præ ebrietate errauerunt: Sacerdos & Propheta nescierunt præ ebrietate, absorpti sunt à vino, errauerunt in ebrietate, nescierunt videntem, ignorauerunt iudicium. Omnes enim mensæ repletae sunt vomitu sordiumq̃, ita vt non esset vltra locus. Quem docebit scientiam? & quem intelligere faciet auditum? ablatus à lacte, auulsos ab vberibus.*

ll. 48.
26.

Regna cadunt, regesque ad derisum veniunt, dum vino amentes Deum audire non possunt, Moab apud [l] *Jeremiam perit, sed inebriatus, & allidens manum suam in vomitu suo.* Jam ante Danielem natum decem tribus propter ebrietatem in exilium sine spe reditus abiit. [m] *Va coronæ superbiæ ebrius Ephraim*, clamat Isaias.

m c. 28.1.
*Assur per ebrietatē perit.
n Iudith.
4.*

Assyrium imperium cum Sardanapalo pecore ebrio in fauillas abiit, [n] *Antiqui Nabuchodonosoris ducem Holofernem, & virtutem Assyriorum vina strauerunt, vt vna mulier faceret confusionem in domo Nabuchodonosor.*

o c. 5.1.2.

Baltassar iam temulentus cum mille optimatibus sententiam mortis accepit. [o] *Baltassar rex fecit grande conuiuium optimatibus suis mille, & vnusquisque secundum suam bibebat etatem, praecepit ergo iam temulentus vt afferentur vasa aurea & argentea, quæ asportauerat Nabuchodonosor pater eius de templo, &c.* Omnes illi trucidati sunt, vt ex Isaiâ docui superius. Non mitum, aulam Babylonis perire non sobriam, eadem nocte Medi & Persæ irrum-punt & plenas victimas cædunt, cadit ebria ferro nobilitas, & vino stygias super ebibit vndas. Sobrij erant Persæ cum Monarchiam ebriis Chaldæis extorquerent, cum Cyrus ad amnem pane & Nasturtio vesceretur, nec diu tamen imperditos passa est felicitas, in parœciam abiit luxus Persicus. Ebrij cōsultabant, quod sobrij probarent, quod sicci statuissent, madidi ad exam-

Babylon
ebria per-
sit.

men

men reuocabant, & sanctiora ebriorum consilia censebantur [p] Strabo, [q] Athenæus [r] Scholiastes Aristophanis. Sane ingluuies beluæ Danieli ostensa est, ^{p l.15. q l.4. r In equi-} vrsa Persica de qua dicitur, [s] *Et ecce bestia alia similis vris*. ^{s c.75.} *so in parte stetit: & tres ordines erant in ore eius, & in dentibus eius, & sic dicebant ei: surge, comede carnes plurimas.* Tres ^{Vorax vor-} quasi costæ, & ternus in illis ordo dentium, gulæ non ^{sus.} satis erant vna series, triplici mala molebat escas, non enim quiescebat ille edendi exercitus, sed dicitur illi; *Surge, comede carnes plurimas.* quod de crudelitate, & insatiabili voracitate dicitur. *Surge,* inquit, Iudex Babylonis, stupidi pecuarij, aratores erant, frugali, imo sortido victu. Hæc verba Danielis l. i. Herodotus exponit. Cyrus cum ad Persas redisset irritata gula eos ad magna capeffenda induxit. Nam primo lignatum ^{Persa cu-} & grauissimo labore fatigauit. Deinde die altera ^{pidine excu-} conuiuio lauto excipit, atq; in lætitiâ effusus vtriusq; ^{larum pu-} diei sortem expendendam proponit, prioris quidem ^{gnant.} ærumnas laboriosas, tristemq; famem, cibario vix pæne victam, alterius lætitiâ, satietatem & delicias: iubet eligere qua fortuna in posterum viuere peroptent, illa hætenus latentes, torpentes, & vrsorum instar hyberno suctu viuentes spe pabuli ad bella incitauit, & vti beluis pugnandi causa est cibus, ita & Persis, quorum deinceps monstrosa gula fuit, donec à Pardo præcisa decidit, nec mutati tamen mores: Alexander potando periit, aulæ deinde Macedonum, Syrorum & Ægyptiorum regum, meræ popinæ, & vinolentæ pa- ^{Regum e-} ludes fuere, vt Justinus, Polybius Appianus, Liuius, alij ^{brietates.} describunt. [t] Quarta bestia comedebat & absu- ^{t c.7.} mebat, & deuorauit vniuersam terram, creuit vtcunq; sobria, adulta vix Cæsarem habuit sobriū, plerosq; portentoso luxu, donec ad tempora Christiana est ventum, quæ tamen aulas videre coguntur, quam reliquū orbem intemperantiores.

¶ 4.

Ebrietas omnibus quidem hominibus perniciofa,

Bb

3

sed

In aula est sed maxime aula postulat sobrietatem, minime colit: *opus tem-* conditio seruitij regalis animum vigilantem, intentū, *perantia,* & corpus labori idoneum poscit, quod ciborū copia inhabile, marcidumq; efficit, ebrietas viuum tumultu infert. Fœdior est, quæ vino, quam quæ morte sit, sepultura. At temperantia vita est. Vera pulchritudo Deo simili cognoscendo verum, agendo bonum, corp⁹ ornando temperantia acquiritur, vt Clemens Alexandri-
u Pad. nus [x] qui eos maxime cibos probat, quos natura ma-
l. 2. c. 1. turauit, non decoxit ignis. Communis vero cibus fortiores, & prudentiores facit, vt confirmat Clemens, &
x l. 2. c. 4: Antiphanes medicus Delius probauit. Temperantia mentis est sensuumq; seruatrix, corporis tutela, custos arcanorum, doctrinæ apta indoles, prudentiæ munimentum, magistra ingeniorum, sapiētia insuperabilis. Nusquam autem quam in palatio abstinentia laudatior est, inter tot apparatusum illecebras, & inuitantium blandimenta. Clariorem enim temperantiam facit ferculorum summa affluentia gratuito oblata. Hic bene constitutus animus medium tenet, paucis utitur pleraq; intacta relinquit, honesto colloquio animum à cibis auocat. Qui de pleno fonte haurit, non quantum sitis postulat, & sanitas, bibit: prudens in mensa non patinas, & struices epularum, sed quid naturæ opus sit, considerat, nouit non abundantiam, sed edendi bibendique effrenem auaritatem culpari. Daniel puer ipsam affluentiam reiecit, adultus ex illa non nisi necessaria carpsit: Imitatus Dauidem & reges proauos quem & principes imitari necesse est. sane suspicere, & longo interuallo sequi. In diuite aula, regumq; vetrices, inter exquisitas dapes clamat: *Genua mea infirmata sunt à ieiunio: & caro mea immutata est, propter Deum.*

Fœda in Nondum eo peruenit infirmitas nostra? at hoc sal-
sacris vi- tem caueatur, ne genua labent à vino, ne corda grauen-
ris intem- tur crapula ac ebrietate. Si necessitas, vel vsus delicata
perantia. requirit, ne se tamen eo nomine gula palliet, periculū est. Quod si Deus illa regibus præcepta dedit. Quanto
 accu-

accuratius seruanda sunt in episcopiis antistitum. Nihil turpius est, nihil nocentius est, ebrietate inter sacraia ubi ea de causa Aaronis filij ipso initiationis die cecidere. Leges Apostolorum loco mouent, atq; in ordinē redigunt ebrios Episcopos [2] *Episcopus vel presbyter, vel* ^{a Can.} *Canon. diaconus aleis, & ebrietatibus vacans, vel cesset, vel deponatur* ^{43. dist. 35.} *alia versio, Damnetur.* Græce est καὶ ἀπειθῶ deiiciatur. apud [4] Clementem, clerici ebrij triginta diebus cōmunione priuantur, aut ieiis quadraginta feriuntur. ^{a Can. 30.} Miramur ista facta, forte miramur etiam dici, ita vitia victricia leges victas triumphant. Quare multis iam locis militem Deus immittit, vt si vitia non exscindat, saltem materiam subtrahat luxui, nec finis erit nisi prisce modestiæ reditu, ac sobrietatis.

§ 5.

Laudatur prisca frugalitas, etiam regibus consueta. Homerus sane mores prisca bona fide recenset, apud quem Achilles gloriatur in regum conuiuio ad Troiā cæteris certam vini mensuram fuisse positam, sibi, vt & Agammenoni duci summo, illud honoris concessum, vt quantū vini posceret, daretur: nec ebrietate tamen, sed cithara conuiuium finiebat. Scipio Hispaniam magis vigilantia, & sobrietate, quam armis vicit. ^{Regum sobrietas.} Idem se vinum, q̄ remiges bibisse scribit. Alphonfus Aragonius frequenter vino abstinuit. Osorius [b] Emanuel Lusitanæ rex ex cultissima mensa parcissime edebat, vino pene abstinuit. Carol⁹ Magnus ter bibere solitus erat. Maximilianus primus bis duntaxat, q̄ ante seruauit [c] Ferdināus Catholicus. Fridericus tertius ex- ^{c Marian. l. 21.} tra cœnam nō est vsus nisi vino dilutissimo, vt testis [d] ^{d Hist. Boh.} Æneas Syluius. Nam bibendi meta est sitis expulsio. Cyrus de patre rogatus, quando bibere cessaret? quādo, inquit, *sitire desinit.* Duro sobrietatis documento Pescenninus toti exercitui vinum negauit. Sane pugnatorem sobrium esse oportet. Siue certamen sit [e] contra leonem rugientem, siue contra hostem ^{c i. p. 5. 3}

armatum. Contra dæmonem validissima est temperantia, vt [f] Delrio probat. Magis turbat vini intemperantia, magis grauat cibi copia: itaque magni viri hanc semper fugerunt, vt Carolus, Emanuel, Fredericus. Quin & Selymus Turcus, cui tamen non modo vita mortalis, sed cœlestis etiam erat esca & potus, homines enim bruti alias in cœlo voluptates, quam pecudem non agnoscunt ex Machometis disciplina. Eadem cibi parcitas in Fabricio, Scipione, Cæsare, Catone, Augusto, Tito, Traiano, Hannibale, cui ante vesperum sumere cibum non fuit consuetum. Xerxes ipse non nisi in die semel reficiebatur. Olim integra Scotorum natio, non nisi cœnam post leue ientaculum norat. Pythagoras olere vixit: Spartani cupedium coquos vrbe eiecerunt [g] Romani per sexcentos annos non pane, sed pulte vsi, vt Alexander ab Alex. docet, vbi & vide Tiraq. sane Germanis quoq; ante Christi aduentum pro pane pulres.

h l. 2. contra Iovin. Multa contra Iouinianum profert exempla Hieronymus. De abstinentia sanctorum Eadmundi, Caroli magni, Othonis primi, Stephani, Iuanis Dalmatæ aliorumq; catalogum non texo. Vitæ & historiæ passim in manu sunt.

C A P. LVI.

Sanitati, & longevitati conuenire temperantiam, copiam obesse.

¶ I.

*Sanitatis
concilia-
rix tem-
perantia.
a Ecclesi.
37. 32.*

DVO obsunt intemperantibus, & copia, & sapor, qui non sedant famem & sitim, sed irritant cupiditatem. Quibus & sanitas læditur, & mors properatur. Salomon vere monet: [a] Noli avidus esse in omni epulatione, & non te effundas super omnem escam.

[b] Et

[b] Et prouerbiis suis grauiter monet: Cui va? cuius b c. 23. 19.
 patri va? cui rixa? cui fouea? cui sine causa vulnera? cui suffusio oculorum.

Sanitas corporis sobrius est potus: Prosper [c] de c l. 2.
 vita contemplatiua. *Omnia ordinat, ordinata corroborat,*

mentem componit. Chrysostomus quoque contendit: Nihil sic iucundum, vt cibus bene digestus, nihil sic salutem, sic sensuum acumen operari. nihil sic ægritudines pellere, vt moderatum cibi vsum: hinc sospitas est & voluptas, abundantia tam corpora extenuat, quam fames. Hippocrates & Galenus ingluuiem damnant, noxiam corporibus, & mentem eorum adipe quasi luto demersam nihil tenue sapere demonstrant.

Communium ciborum in regia medicorum prima laus est. Galenus notos sibi affirmat, qui ab articulari morbo, & podagra ad cibos communes traducti sint sanati. Sane cum viscera febris vrit, fames & sitis indicitur. quæ lege opus non esset, si nunquam cum fastidio saturitas esset, si nunquam plus corpori indulgeretur, quam satis est valetudini. Quod prudenter Iouianus Pontanus, indicauit, cum diceret, cibus abstineo, vt à me Medici.

Varij enim cibi & dissimiles
 valetudinem affligunt, quemadmodum plures venti
 fluctus cient. Quapropter luxum illum & condimenta
 ab aula Joannes Comnenus eiecit, frugalitatem induxit, Romani quoque Alcæum, & Philesum artifices deliciarum, & suasores vrbe expulerunt, vt refert

*Ciborum
 varietas
 noxia.*

[d] Ælianus: ne gentem martiam frangerent ciborum d l. 9.

lenimento. Innumerabiles morbos multi parant coci. Hinc ex aulis ægritudines & miseræ mortes.

Mæcenas luxuriæ exemplar, verbis etiam, non vita
 modo fractus, luxuriosus, supinus, Augusti amicitia,
 quam virtute clatior, voluptates suas febri triennali,
 pari que insomnia luit. Integro triennio ante mortem
 somnum non vidit, atque in continuo tormento sine
 requie inferos suos in purpura male auspicatus est. Afri
 intemperantes erant, & inter eos perditissimi Car-

Mæcenas.

e Ad De- thaginenses, ideo memorat [e] Cyprianus eorū Epī-
metriann. scopus, præcipitatam senectam, & mundi ipsius mi-
 nuī vires arbitratus est, origo tamen ab intemperantia.
Canos videmus in pueris, capilli deficiunt, antequam crescant:
nec atas in senectutem desinit, sed incipit à senectute: sic in ortu
adhuc suo ad finem natiuitas properat. sic quodcunq; nunc na-
scitur mundi ipsius senectute degenerat: vt nemo mirari debeat,
singula in mundo cœpisse deficere; cum totus iam ipse mundus,
in senectute sit, & in fine.

Mauri-
lius.

E contrario Maurilius Episcopus Andegauensis
 summa abstinentia, triduoano sæpe ieiunio ad decrepi-
 tam ætatem in summis laboribus peruenit, semper sa-
 nus corpore, mente vegetus. Breuis vita gentium fuit,
 quæ deliciis vacabāt, in ea infamia Phæaces, Syri, Jo-
 nes, Cyrenæi, Rhodij, Samij, Lydi, Milesij, Sipontini,
 Syracusani, Tarentini, Colophonij, Leontini. quorum
 morbi cum deliciis certabant. Addita erant & crebra
 balnea, hoc est, [f] vt Clemens Alexandrinus vocat
 αὐθροα πογναφεία, quæ hominem interpolarent, & mun-
 dando detererent, senectutemq; celerarent. Dabis er-
 go ventri, quod debes, non quod potes, sed de ebrici-
 tate videamus.

¶ 2.

Vina
morbos
generant.
g Serm.
231. de
temp.

Vinum immodicum cohortem morborum inducit;
 & medicinę necessitatem morbis ipsis haud leuiorem.
 [g] Augustinus ebriosos paludibus comparat, in qui-
 bus nihil, quod ad votum est, nascitur, non arbores,
 non fruges, ne onera quidem sustinent; non enim a-
 qua rigantur, sed merguntur, hinc ranæ, colubri, san-
 guisugæ, visu fœda insecta nascuntur, sic quoque quos
 vina opprimunt, quicquid aut dolore cruciat, aut fœ-
 ditate offendit, patiuntur. Huic sentinæ exhaurien-
 dæ, siccandisque paludibus viuus perpetuus medico
 labor. Liberis pedissequus est Æsculapius. Elegan-
 ter Callisthenes grandem calicem recusabat, ne Bac-
 chi comitem haberet Æsculapium. Vinum enim co-
 piose

pioſe ingeſtum pro cicuta eſt : nec niſi ſiti curatur. Qua quidem in re Zaleucus ſeueriſſima lege cauit, vt *Zaleucus.* ſi æger contra iuſſum Medici vinum biſſet intemperantius, occideretur, indignum vitæ putabat, qui ſponte morbos auget, quod ille Locris, hoc toti generi DEVS edixit, & pœna capitali ſobrietatem ſanxit. Vinum omnium liquorum eſt calidiſſimum, *Aqua potus commendatur.* quod ſi potens ſit, & fumoſum, vt Thafium, Lesbium, Creticum, Chium, Naxium, non quærit illud ſitis, quo augetur, inflammatur ſanguinem, cui reſtinguendo eſt potus aquæ neceſſarius. aqua ſcilicet, medicamentum vitæ temperatæ. Ea potus maxime naturalis. Hermes in principio generi humani ait ignoratam ebrietatem : id quoque Boëthius exiſtimat.

Somnos, inquit, dabat vmbra ſalubres,

Potum quoq; lubricus amnis.

Verum non ignoraffe illos vinum, ſed temperate uſos verius eſt. Non ſine cauſa Noë vineam plantauit, & vinum bibit. Hactamen in re Dei benignitas apparuit, quod aquam vitæ conſeruatricem eſſe voluit, quod Medici docent, & plus proficerent, ſi plus fidei haberent. Si plures Hippolytos haberent, *[h] Se- h In Hippo.*
neca *po.*

Quos iuuat nudâ manu

Captaſſe fontem.

Baſilius ex Muſonio aquæ potum ſalubriorem docet, & *[i]* Clemens Alexandrinus accurate probat, *[k]* A- *i Exhort. ad gentes. k l. 2.*
thenæus quoque, *[l]* Cardanus, *[m]* Cœlius, *[n]* Plinius, *l l. de a.*

Eſt enim potus naturæ aptus, ſobrius, ſitim facile *quis.*
ſedat, calorem temperat, alimēta melius quam vinum *m l. 34.*
elixat, deducit, digerit, capiti grauis non eſt, viſum a- *c. 14.*
cuit, corpus fouet. Et ne mireris : iam maxima pars *n l. 34.*
Medicinæ eſt aqua, poſtquam vetera Pharmaca, & v- *c. 12.*
triusque Indiæ medicamenta ceſſere morbis, ad aquas venit, acidulæ propinantur, & cur morbis vnæ & ſolæ medeantur nondum cauſa conſtat, niſi quod Deus ſobrie-

sobrietatem commendare voluit, & quæ vera sit panacea ostendere.

§ 3.

Atque hinc intemperantiæ à natura abhorrens, naturam interimens apparet turpitude. Hinc

Ambitiosa fames (sitis) & lauta gloria mensa.

*Ebrietas
contra
naturam.
o Orat.
16.*

Quicquid graditur, volat, natat, nostris ventribus sepelitur, vina peregrina precio ipso commendantur, voluptas vt canis rabidus (siceum [o] Nazianzenus appellat) omnia virulento dente admordet, condimenta & sapes quærit, non vitam. Rosomachæ pellem induti videntur homines bibacitatis, & voracitatis immensæ, cuius gloriam quidam cupiunt, quos heluones de potentia potandi sese iactantes opportune Aristippus refutauit, cum plus bibere mulum, nec inebriari diceret. Sane brutæ animantes non ultra famem & sitim pabulantur, potantve, nec superuacuo onere naturam premunt. Brutos homines, quibus ventrem præter, & ea, quæ sub ventre sunt, nihil curæ est, appellat [p] Clemens Alexandrinus. Justinus de vita Christiana, & Gregorius. Varro illis animam pro sale esse, quod de porcis Cicero dixit, affirmat. Græci *κεντρίο δαίμονας ventridamonas* vocant. Corpus illis pro voluptate est, animus oneri. [q] Aristippus eos sola voce à bestiis differre respondit, [r] Lactantius solis lineamentis esse homines, cætera belluas. [s] Cicero neminem pro homine habendum censet, qui diem vnum in voluptate esse velit, Basilii negat tales sibi notos esse, corpus solum, hoc est beluâ cognoscere. Quomodo igitur illi magnates, & procures, si infra homines, si comparati iumentis insipientibus? Quomodo constare talibus sanitas potest, qui de natura humana in suillam migrarunt? nec tamen illos pudet, famavilis est ebrio, laudem improbitatis ambit. Pudere illos constat, si non improbi prodigi; habeantur.

C A P.

C A P. LVII.

*Alia mala ebrietatis aulica, & pro-
cerum.*

§ I.

AVLÆ præcipue necessaria est prudentia, quam so- *Ebrj im-*
brietate Daniel accepit, industria, vigilantia. Te- *prudentes.*
mulenti autem, quod de Asello pisce dixit Aristoteles,
cor in stomacho habent, cum bibunt, & cum loquun-
tur in lingua. Si illis in membris non locarunt, nullum
habent. Vere [x] Oseas Fornicatio, & vinum & ebrietas *x 6.4.11.*
auferunt cor. Vere enim Deus eorum venter est, & cum
Deo cor est, aut sane non meliore loco quam Deus:
Quin [y] Basilus idola gentium vocat, oculos enim *y Hom de*
habent, & non vident. Errant in voluptatibus, peri- *ebrietas.*
culoso naufragio, merces amittunt, & mentem. Qua-
re Seneca insaniam voluntariam vocat: & sane ebrius,
nisi tempestiue satis prematur, vincendus est. Chry-
sostomus dæmonem voluntarium vocauit. [z] Cle- *z l. 2. pad.*
mens Alexandrinus cor obrui vino, & nauem mari *& l. 2.*
demonstrat, & describit temulentos. Augustinus pu- *stom.*
teum inferni dicit ebrietatem. Profunde enim mergit,
salutis suæ immemores. Nec modo dum vino tan-
quam febris æstuant, verum etiam dum paroxysmus
exsæuit mentis inopes manent, senectam inualidam,
& prudentiæ expertem ferunt. Dei illud decretum est.
[a] *Luxuriosares, vinum, & tumultuosa ebrietas: quicunq;* *a Prov.*
his delectatur, non erit sapiens. *20.1.*

Quam vero sit in aula periculosa talis insipientia,
non tacuit Salomon. [b] *Quando sederis vt comedas cum b Prou.*
principe, diligenter attende, quæ appositæ sunt ante faciem *23.1.*
tuam.

Quare sancta est admonitio sapientissimi regis. [i] *c 23.20.*
Noli esse in conuiujs potatorum, nec in comessationibus eo- *proneb.*
rum,

rum, qui carnes ad vescendum conferunt. Nec præsentia duntaxat intueri: futura considerare iubet Spiritus sanctus. [d] Ne intuearis vinum quando flauescit, cum splenduerit in vitro color eius: ingreditur blande, sed in nouissimo mordebit vt coluber, & sicut regulus venena diffundet.

¶ 2.

Grave peccatum ebrietas.

Periculosum est crimen ebrietas, non enim æstimatur grauitate sui, sed consuetudine, quæ in Germania & in Indiæ barbaria inualuit. Verum illam ipsam peccatricem consuetudinem minis Deus percellit, & pœnis adobruit. Maxime nobiles & principes. [e] Va, inquit, Isaias qui consurgitis mane ad ebrietatem sectandam, & potandum vsq; ad vesperam, vt vino æstuetis. Cithara, & lyra, & tympanum, & tibia, & vinum in conuiujs vestris: & opus Domini non respicitis, nec opus manuum eius consideratis. Propterea captiuus est ductus populus meus, quia non habuit scientiam, & nobiles eius interierunt fame, & multitudo eius siti exaruit. Propterea dilatauit infernus animam suam, & aperuit os suum absq; vlllo termino: & descendent fortes eius, & populus eius, & sublimis gloriosiq; eius, ad eum.

Germania dat pœnam ebrietas.

Tot Germaniæ nobiles diuitesq; ad famem. ad incitas redacti sunt, causam in prædones, & bella non ante conferat quisquam, quam sese examinarit, quam multa ipse perebrietatem perdiderit, an pœnam ipse attraxerit? Ebrietatis enim pœna iustissima in sacris literis describitur, inopia, fames, sitis, at raptores quoque comestationibus indulgent: Illi igitur te, illos alij spoliabunt. Nulli suus deerit carnifex, non in omnes eadem hora, eodemque loco lege acturus, nulli tamen parsurus.

Ebriorum contemptus.

Pittacus eum, qui per temulentiam delinquit, duplo puniendum celsit. Solon principem ebrium morte plecti voluit. Genus enim & officium dedecorant, contemptui obnoxij, adeo vt Antigono regi temulento quærenti, nunquid veller? Zeno responderit:

Abi.

Abi & vomere. nec enim cum puero, nec cum ebrio agiquicquam serio potest: nihil meminit, nihil sapit, spectaculo est.

Grauiſſimum porro in aula crimen eſt, mutua inuitatio, & ad ebrietatem inductio, tam viſitata vt videatur corrigi non poſſe, tam pernicioſa, vt inde omne malum oriri videatur. Conſuetudo illa fuit Babylo-
nis, vt teſtatur [f] Abacuc propheta. *Vae, qui potum dat amico ſuo, mittens fel ſuum, & inebrians vt aſpiciat nuditatem eius. repletus eſt ignominia pro gloria: bibet tu quoq; & conſopire: circumdabit te calix dextera Domini, & vomitus ignominia ſuper gloriam tuam.* Calix dextera Domini vaſtatio, cædes omnium, & vt ſupra dixi mille procerum atque optimatum in conuiuiſio grandi Baſtaſſaris. Nunquam autem ſine felle miſcetur inſania poculum.

§ 3.

Præcipuum temulentiaꝝ probrum eſt, furor, ira, rixæ ſanguineæ, & inter ſcyphos pugna, quæ non ſolius Thraciæ eſt, ſed omnium, quos Bacchi inſania delectat. Nihil ferocius ira quam temetum accendit, non modo, quia duplici flamma pectus uritur, ſed quia ratio, quæ reſiſtere vna debuit, & potuit, infirma eſt, aut ſopita iacet, vt igitur pueri re minima ſubito excandescunt, ſic & ebrij, & ſi potentes ſint ſæuiunt.

Mezentium tyrannorum vetuſtiſſimum, qui Rutulos contra Latinos adiuuit vinolentum fuiſſe Varro tradit, vt appareat vino ſæuitiam efferari, & ne aliunde exempla petantur, Danielis beſtia tertia pardus eſt regnum Græciæ, & Alexander Rex primus, vini inter mortales appetentiſſimus. [g] *Poſthac*, inquit, *aſpicebam, & ecce alia quaſi pardus, & alas habebat quaſi auis, quatuor ſuper ſe, & quatuor capita erant in beſtia, & poteſtas data eſt ei.*

Capita quatuor, præcipua regna quatuor, quæ non vt Perſicum imperium à frugalitate inchoarunt, & paulatim in delicias corrupta ſunt, ſed ipſa ſua initia
vino-

*Alexan-
der tem-
lentus
sanit.*

vinolenta habuerunt, Pardum scribit Oppianus vini
audissimum esse, Alexandro nemo intemperantior,
duas choas haurire solitus erat, in conuiujs cruentus,
compotationibus non minus quam præliis famosus,
cum statuta sunt præmia plurimum potantibus,
non pauci periire, ipse multos per furorem bacchatus,
& fidelissimos occidit. Violentia Pardi tantæ feri-
tatis est, vt si prædam vno alterove assultu non asse-
quatur, in magistros & venatores verrat rabiem, itaq;
ad manum agnos aut hædos habent, quos obiciant
furentibus. Quis non plane videt prædonis Asiatici
temulentiam, certamina potantium, cruentas mensas,
amicorum sanguine vomituque pariter natantes desi-
gnari? Monebat eum Androcydes, cum vinum bibe-
ret, meminisset se terræ sanguinem bibere; verum ille
& sanguinem terræ bibebat, & hominum sanguinem
fundeat, terræ sanguine ebrius, eam humano sangui-
ne vicissim inebriabat, vt cum Hephæstionis manibus
Cusseorum innoxie gentis interneccione parentaret,
quasi crudelitate felicem facturus amicum. Quas alias
parenti inferias aut Libycus Leo, aut Hircana tigris
mitteret? Breui ipse periit, sed quo erat conueniens po-
tu, regnum lacerandum compotoribus reliquit aulicis
suis, qui vt in aula pardi vino, ita bellis cruentis quasi
sanguinolentis venationibus cerrabant. atq; hoc olim
& nunc quoque obseruatum regna nulla sobria in-
terisse, in summis calamitatibus, procerum conuiuia
intemperatiora, cœnas temulentiores. Inter regna
Pardi post regum marcidus saginas vltimo in provin-
ciam redactum est Ægyptium, non quia defendi non
posset, sed quia Antonius ebriofus & vomens manci-
patus scæminæ, totus in luxum soluebatur, cum Cleo-
patra sua epulabatur, & delicias suas vitam vocabant
conuiuentium, deinde desperatis rebus agebant vi-
tam commorientium, auctis conuiuiorum appari-
tibus, luxuq; sic consilia, sic rei gerendæ tempora peri-
bant. Perpende regna in quibus calamitates, non
mi-

*Periunt
regno sum-
mus lu-
xus.*

calamitates non minuunt principum, procerumq; luxum, & breui peritura, aut transferenda crede. Vastus enim in cœlum oritur clamor dispare sono, subditorum, fame, siti, laboremorientium, & aularum de illorum sanguine ebriarum, & per lasciuiam iubilantium. Illa rerum facies in Romano imperio erat imperante Gallieno, capto Valeriano, cum bestia illa omnibus prouinciis per tyrannos & barbaros exhaustis, patre seruitutem seruiente, tandem excoriato, vni saginæ intenta omnia negligeret, sola luxuriantis aulæ licentia magnitudinem suam ostentans: ideoque tanquam porcus in sagina mactatus est. Sic etiam [h] Eliolmus rex Gothorum militum suorum compotor in dolum præcipitatus periit, qui tamen & ipsi ^{h laan. magnus} ob patricidium perierunt. Merito sanè à Deo per- ^{l. 7. c. 17.} missum, vt qui se mutuo ad ebrietatis insaniam cogunt, etiam ad exitia impellant. Vna etiam ex causis est, cur tot Germaniæ comitia in cassum abierint, ebrieras consulentium: non infunditur illis gratiæ cœlestis adiutorium, qui rationem sopiunt, vt ne terrenis quidem consiliis intendere valeant. Sibari- ^{Stultitia in tempe- rantia.} tarum olim ingluuies probro erat, quibus prouerbio obiciebatur: ex illas Smindirides annos viginti, nec orientem solem, nec occidentem viderat, alius cum Spartanorum Phiditia, salubrem, frugalemque victus rationem spectasset, mori se malle, quam sic viuere protestatus est. Apicius adhuc diues vitam abruptit, sine luxu arbitratus viuere se non posse. Hominis sensum, non modo regendi intelligentiam tollit ingluuies: & desperatione pulsat abiectos. Conarus Scotorum rex ob sumptus regno pulsus est, [i] Pericles, Callias, Nicias cum luxuriam pecunia deficeret, in con- ^{i Elian. l. 4.} uiuiocicutam sibi propinarunt, vt vitio suo immorerentur, stupore prorsus profano: nam præstare putabant non esse, quam sobrium esse. Hæc est vinolentiæ insania, in quam Cleomenem incidisse Ælianus tradit, vt plane fureret. quod de Parthis quoq; fœda &

Cc

bar.

barbara gente dicitur, potabant ad insaniam, & mirabantur eos legati Scytharum, quo plus biberent, plus sitire. Verum non modo potentes Scriptura potiores damnat, sed eos quoque qui temperantiæ legem modice quidem, quotidie tamen excedunt. Quis ferat Ciceronis filium duos congios, Torquatum tres haurientem? Potoribus ipsis odio fuit, Diotimus Atheniensis, qui infundibulo appposito potabat, ex quo $\chi\sigma\upsilon$ hominem vocabant. Quis non detestetur Pardum Arctorum Culemum Scotorum principem præmia victori in commestratione largientem: aut Henricum Gortitiæ comitem filiis dormientibus ne non sui similes haberet, vina ingerentem? Quis non merito interfectos fatetur, Nicoclem Cyprium, & Strationem Sidonium luxu certantes Beluinum certamen bene finitensis. Tartaris quidem ignoscimus, tanquam extreme barbaris, qui cum adest copia tantum vorant, portantque, ut triduum solidum consopiti iaceant, nam & Alexandrum biduum dormisse auctor est [k] Athenæus. [l] Sybaritæ eo dedecoris venerunt, ut matulas in conuiuium intulerint, ut idem recenset Athenæus, sed primos id fecisse, imitati sunt alij, vitia facile inueniunt sectatores.

kl. 10. c. 11.
lg. 2. c. 6.

Tales nemo, cui ratio utcumq; constat, non abominatur, verum Christiano ita viuendum est, ut delicias etiam mundas, leues excessus, affluentiam euitet, aliquid potius subtrahat necessitati, quam indulgeat voluptati, ad cibum tanquam medicinam accedat. Cæ-

m. 1. Pet.
5. 8.

terum omnibus dicitur, [m] *Sobrii estote & vigilate, quia aduersarius vester diabolus tanquam leo rugiens circuit querens quem deuoret.*

* *
* *

C A P.

C A P. LVIII.

Castitas aulica, nobilium, diuitum.

§ I.

Sobrietati coniungo castitatem, quæ voluptatis est *Sobrietas*
 libidinosa temperantia: Sunt enim istæ affines con- *& castitas*
 sanguineæq; virtutes. Sobrietas mater est, custosq; ca- *iuncta.*
 stitatis, intemperantia ciborum scaturigo libidinum, a *De Elia,*
 ebrietas ardor cupidinum, æstus Asmodæi. Vere iudi- *&c.*
 cavit [4] Ambrosius, Ebrios ex hominibus effici equos b *Ephes.*
 adhinnientes. Et monet Apostolus. [b] Nolite inebriari s: 8.
vino in quo est luxuria.

Daniel, etsi de stirpe Juda, & familia David, cœ- *Danielis*
 libem viram egit, nulla de vxore, aut liberis eius me- *castitas.*
 moria: Hebræi in illum iniuriosi sunt, cum eunuchum
 vocant. [c] Augustinus, Epiphanius, Hieronymus, alij c *In Psal.*
 de cœlibatu eius testes sunt. Sane defensione casti- *125.*
 tatis puer inclaruit, cum castissimam matronam Su- *d l. i. contra*
 sannam iniuste damnatam eripuit, & calumniatoribus *Iovinian.*
 rationem retulit. [e] Sic fatui, clamat, filii Israel, non iudi- *c 13. 48.*
 cantes, neque quod verum est cognoscetes condemnastis filiam
 Israel.

Et senes increpat. [f] Inueterate dierum malorum nunc *f v. 52.*
 venerunt peccata tua, quæ operabar prius.

Et [g] Semen Chanaan, & non Iuda, species decepit te & *g v. 57.*
 concupiscentia subuertit cor tuum.

Minatur altare angelum, qui medium scindat. Exē- *Babylon*
 plum igitur castitatis Daniel, & vindex, & hoc in aula *meretricis.*
 Babylonis, meretricis impudētissime, in lupanari Chal-
 dæorū, in quo totus scortat⁹ est mundus in quo pari cū
 diis loco erant meretrices, nam sacerdotes eorum teste
 Baruch. [h] Dant ex ipso prostituti, & meretrices ornant: & *h c. 6. 10.*
 iterum cum receperint illud à meretricibus, ornant Deos suos.

Tota ciuitas, adeoque suburbia erant prostibula.

Cc 2 Fœ-

fœdam consuetudinem non tacuit Spiritus sanctus. Mulieres, inquit, Baruch, circumdata funibus in viis sedent, succedentes ossa oliuarum. cum autem aliqua ex ipsis attrita ab aliquo transeunte dormierit cum illo, proxima sue exprobrat, quod ea non sit digna habitare, sicut ipsa, neque funis eius diruptus sit.

Dan. 1. 3. In hac fornace non arsit Daniel, adolescens decorus forma, in quo nulla esset macula, in quo pulchritudo litem pudicitiae non mouit. Tristes quoque exitus libidinum in Balthassare docuit, cum ex vasis sacris regis vxores biberent, & concubinae. Hoc quoque malum pereuntis Solymae fuit, de quo in oratione testatur, [k] Et statuit sermones suos, quos locutus est super nos, & super principes nostros, qui iudicauerunt nos, ut superinduceret in nos magnum malum: quale nunquam fuit sub omni caelo, secundum quod factum est in Ierusalem.

1 c. 1. 3. Mali tanti causae multae, sed praecipua fornicatio, illa enim & aliarum causarum causa. Principium loquendi Domino in Ose. Et quid loquitur. [l] Fornicans fornicabitur terra. Et [m] fornicati sunt, & non cessauerunt. **m c. 4. 10.** Et [n] omnes adulterantes tanquam clibanus succensus à coquente. Hinc malum, quale non est visum sub sole, ut ait **& 18.** Daniel, & [o] Oseas, Et mittam ignem in ciuitates eius (Iudae) & deuorabit ades illius. Quae omnia pluribus Ezechiel Danielis æqualis exposuit. Idcirco enim populus deserto Domino ad idola vertebatur, quia castum Dominus cultum, impudicitiam daemones exigebant.

Beluarum Reges Danielis plerique impuri, incestique morte cruenta periere. [p] Xerxes & domus illa orto ob libidines **Danielis** furore mutua laniena grassata est. Vrsi Persici, & Aegyptij Pardi, matrum & fororum nuptias usurpabant. De **libidines.** Ptolemæis, Philopatre, Eupatore, & demum Cleopatra plena est historia, regnum enim Aegypti post Macedoniae, Asiae, & Syriae interitum in adultera & meretrice defecit. Antichristo Daniel inter ingentia flagitia, etiam **p c. 11. 37.** faeminarum amores obiecit. [p] Et erit in concupiscentiis faeminarum, nec quemquam Deorum curabit: quia

aduersum vniuersa consurget. Figura & anteaambulo [q] q *Hier. in Antichristi* Antiochus Epiphanes palam, spectante *Danielem.* populo scortis miscbatur: Eius pater Antiochus magnus à Romanis victus est, dum sub sericis tabernaculis delectus virginum habet. Itaq; Pardus in Syria atq; Ægypto primum libidinibus fractus, in prædam deinde cessit beluæ fortiori, Romano imperio.

§ 2.

[r] *Sicut ignis probat ferrum, sicut vinum corda arguit in Eccli. 21.* ebrietate potatum, sic aulæ deliciae, ornatus, ocium licentia probat animum castum, qualis fuit Danielis, qualem Niceram suum scripsit P. Jeremias Drexelius ingeniosa elegancia & pietate. Vixit supra centum annos caste integreque Daniel in palatio meretricis magnæ, quæ sua prostitutione orbem polluit, in monte nebuloso, monte pestifero, & à contagio incontaminatam mentem seruauit, quod non minus mirum videri debet, quam socios eius principes Babylonis in fornace æstuanti tima nec ardorem ignis sensisse, nec odorem quidem flammæ piceæ, resinosæ, naphthæ extulisse: Est enim ardor libidinis vt flammæ, qua licet mentis puræ integritas non aduratur, fuligines tamen imaginationum inuita patitur, & ictu quodam appetentiæ reluctata percellitur. At in Daniele victoria absoluta, parum erat, non vinci, perfecte vicit. De libidinibus Babylonis multa Jeremias. Danielis tempore omnis pudor interierat, vxores & filias hospinibus prostitueret, (quod etiam Heliopoli in vfu fuit) beneuolentiæ & urbanitatis esse censebatur.

Medi & Persæ lasciuiam fienarunt, principes adu- *Babylonis* *pæna.* *sl 5.* *cl. 41.* *ul. 7. Sym.* *x l. 7 c. 1.* *Saturn.* *y De Rep.* *Persica.* *totq; gladio occiderunt, paruulos ad petras alliserunt.* Continentiores tamen fuerunt rudes nequitiarum, laboribus attriti manus: vxores ad conuiuia licentiora non admittebant, vt [s] Herodotus [t] Iustinus [u] Plutarchus. [x] Macrobius [y] & Briffonius docent. At quantulum erat, de reuere partem Reip. esse ca-

Cc 3 omni-

Perse in-
stio casti. omnibus locis insidiæ, verba obscæna, si tabellæ turpes
& aspectum sauciarent, & amicos redderent impudi-
cos? si pocula & mensæ instrumenta calatas libidines
oculis ingererent? Ita q; in corruptrice republica, ani-
mo adulteræ, non erant pudicæ corpore, nisi inuitæ.

21.3.c.3. [x] vt Nazianzenus. Castitas enim bonum est volūta-
riū atq; ex virtute: vt Clemens Alexandrin⁹. Qua cau-
Volunta-
ria ca-
stitas. sa nec Athletarum, nec sacrificulorum in precio castitas
erat, vitiis, & dēmonibus, non Deo sacrata. Quē admo-
dum minoris meriti senē autis castitas, quæ etsi non est
naturę luxuriantis impotentia, qualis in Tiberio, ha-
bet tamen facilem sine graui labore victoriam, nec
nim illis vincere gloriosum est, sed vinci turpissimum.
Ætas enim senilis eam passionem pene extirpat, qua
cum certat iuuentus. Victoria amoris non est perfecta
nisi ex alio amore: amore Dei vincitur amor mulierum.
Magno amore Constantiam Constantini magni filiam
deperibat Gallicanus, in matrimonium regiam virgi-
nem periit, genus, & res gestæ dignum faciebant, duo
obstabant, quod & ipse à religione alienus viueret, &
Constantia virginitatem Christo, meliori sponso vo-
uisset.

Gallicani
castitas. Promissum tamen, voti fore compotem, si Scythas
qui tum occupatis Thraciis imperio formidabiles im-
minebāt, vicisset: Infausta fuere belli initia, Philippioli
in Thracia ab hoste obsessus, Tribunis ac militib⁹ dif-
fugientibus, frustra ipse quoq; exitum quæsiuit, tantis
Castita-
tis vir. in angustiis à Joanne & Paulo Constantiæ ministris
admonitus, victorē fore, si voueret se Christianum fo-
re, vix preces ac vota nuncuparat cū adest procera sta-
tura, regioq; vultu iuuenis, humero crucem gestās, & vt
accinctus ense se sequeretur adhortās, parenti magna
armatorū multitudo ad imperia se promptā exhibet,
atq; ita terribilis ad regē barbarorū vsq; penetrauit, qui
humi prostratus, vt eade abstineret orauit, imperata
se facturū, Thracias relicturnum, tributa pensitaturum
promisit. Atq; hæc obrenta Virginis precibus, quæ ti-

midis

midis terga vertentibus forti & crudeli hosti restiterunt. Gallicanus victor & baptizatus, audito sponsam suam Christo obstrictam, nec eam sollicitavit, nec promissam caulatus, ipse quoq; cœlibatum Deo vouit, non iam barbaricæ victoriæ cupidine, sed regni cœlestis religioso ambitu: simul delicias, & eatum altrices diuitias abdicauit, quinque seruorum millia manumisit, libertis, fundos, domosq; dedit, vitam sanctissimā, castissimamq; Ostiæ egit, peregrinis ac pauperibus summus Romani imperij dux ministrauit, dæmones expulit. Deus omnino castitatem viri venerabilem esse etiam gentibus voluit. Nam Juliano per tyrannidem imperante, exactores, qui villulas illius infestabant, à dæmone correpti sunt, qui in acta eius inquitebant, lepra deformabantur, tandem in Ægyptum secessit, vbi ob fidem gladio percussus ad cœleste Capitolium triumphum duxit. [a] Ad historiam recense.

a 25. Iunii.

§ 3.

Seueris legibus Deus olim in lege veteri libidines coërcuit. Et quidē morte. Verat esse meretrices & scortatores. [b] *Non erit meretrix de filiabus Israël, nec scortator de filiis Israël.*

Libido legibus coërcita.

b Deut.

22. 14. &

Grauiore lege sancita est Christianorum castitas. [c] *Audistis, inquit, quia dictum est antiquis non mœchaberis, ego autem dico vobis, qui viderit mulierem ad concupiscendam eam iam mœchatus est eam in corde suo.*

c Matth.

5. 27.

Diuinus Apostolus etiam nominari vetuit, in verbis enim amatoris mortiferū stabulat venenū. [d] Fornicatio autem, & omnis immunditia nec nominetur in vobis, sicut decet sanctos.

d Eph. 5. 3.

Romanę quoq; leges vigorē suū in libidines strinxerunt, Paulus Juriscōf. l. 5. opere perfecto capite plectendos, tentato, in Insulam deportandos cēsuit, sed de his multa lex Julia de adulteriis, & in eam Jurisperiti. Ecclesia etiam graui censura flagitia impura perstringit, præsertim clericorum, scortatores enim non modò tēplis arceat, verum eorum sacrificiis interesse prohibet,

Cc 4 qua

*Castitas
Christia-
norum.*

*Castitas
gentium.*

*Rara pœ-
nitentia
fornica-
tionis.*

qua de re editus est insignis liber ab Alphonso Tosta-
to, dignus quem omnes habeant præfules, & ex eius
præscripto sacerdotes regant. Secuti sunt pleriq; orien-
tales leges Judæorum, Arabes, Ægypti, Tenedii, Ro-
mani quibq; & Græci, Pisidæ equis insidentes ad con-
meliam circumducebant, tanta vexatione, vt vivere
non liberet. Hoc omnino huic vitio singulare est, vt
subito leto puniatur, vt rara sit pœnitentia vera libidi-
nis, adeo vt Hieronymus testetur facilius hic inueniri
innocentes, quam vere pœnitentes. Hinc abrupta
sententia damnantur, hinc elunia Noëtica, Sodomæ
incēdia, Sichimitarum, Beniamitarum excidia: Israë-
litarum ad Beelphegor mortes, Samsonis, Dauidis,
Ammonis supplicia, vel in hac vita tantum, vel in vtra-
que grauissima.

Germanis non sine admiratione castitatem tribuit
Tacitus, ignota illic adulteria, seras iuuenū voluptates,
seruatunt id diu Saxones, adulterā suspendio necabāt,
deinde in rogum cum corruptore coniciebant. Cur
vero raro resipiscant, causa est, quod effectus ille be-
stialis, & proprie pudēdus, vt [e] Aristoteles docet ma-
xime mentem deiicit, & quasi in cloaca detinet, & me-
moriam malefactorum irritetur, quia est quasi clibanus
ardens, animus impudicus. [f] Deinde quia noxia vi-
tæ est Venus, vt, Hieronymus, & [g] Cyprianus demō-
strant. Cum igitur vitam ipsi abrumphant, & raro sit spes
resipiscendi, filium Deus ipse præcidit, ne cumulationes
suppliciorum thesauros sibi thesaurizent, in diem iræ
& iusti iudicii Dei.

¶ 4.

*Libidore-
gna perdit.*

*h l. 7. De
gubern.
Dei.*

Ad principes tamen, iudices, & eorum administratores
præcipue pertinet, vt cautio, inhibitiō, ita negligenti-
æ pœna. Quod non corrigunt, probare censentur.
Verissime hoc intellexit [h] Saluianus. Cum enim mulie-
brē habitum viri sumerent, & magis quam mulieres gradū fran-
gerēt; cum indicia sibi quadam monstruose impuritatis innecte-
rent, & femineis tegminum illigamentis capita velarent, atq;
hoc

hoc publice in ciuitate Romana, vrbe illic summa & celeberrima: quid aliud, quam Imperii Romani dedecus erat, vt in medio reip. sinu execrabilissimum nefas liceret admitti? potestas quippe magna & potentissima, qua inhibere scelus maximum potest, quasi probat debere fieri, si sciens patitur perpetrari.

In Daniele ostendi interitus regnorum ex libidine. Fata aliorum paria fuerunt, sic Spartani, sic Athenienses periere. Miserrime periit Zeno Imperator, inuercundus, vt instar Antiochi publice libidines expleret: non illo melior Basiliscus impudicitiam fame, & nuditate moriens luit. Heraclius VII. incestu infamis obiit, omnes illi cum imperij conuulsione: Zonara teste. Philippicus adulter famosus, Copronymus, Nicephorus pares, sed horribiles exitus habuerunt. Consule Paulum Diaconum. Supergressus omnes est impudentia Michaël Balbus, scortationem crimen negabat esse, inter istas aularum delicias, immanemque luxuriam regnum omnium auaritiæ, & bellis mœrebat obnoxium. Donec Monomacho in lustris noctes, diesque agente, (aula eius splendidissimum lupanar erat) Turcæ Orientem occuparunt, & porro propius Europam venerunt, regibus Christianorum scortantibus. Andronicus, vt est auctor Choniates, homo mollis, incestus, ferino incinctu, quasi Bacchus syluas, & loca *Libidine regna per-eunt.* deserta, cum meretricibus pererrabat, in saltibus ille scortabatur, hostili igne campi, vrbes cædibus vastabantur. Sub rege impuro nulla erat salus, aut requies subiectis. Isacius deinde, Alexius Comnenus regni in angustias reducti, exhaustique reliquias scortis largiebantur, similes Andronicus Junior, (vt Gregoras memorat) Murziflus, Cantacuzenus, libidinum portenta, dedecora nominis Christiani. Quorum turpes, miserabiles cum prouinciarum interitu exitus describere nihil attinet, quibus & tota Græciæ nobilitas extincta est. Vitiza omne genus libidinum & admisit facto, & lege permisit, & breui Gothi interierunt, vt [i] Jorn. Sceleratam legem veterum sustulit Theo- *i l. 16. c. 21.*

dosius. Cautum erat, vt scēminæ in scortationem lapsæ, scortari porro cogerentur, ita scelere scelera puniebantur, nec mores tamen emendabantur. Theodosius finem peccatis, non initium quærebat. [k] Vide Socratem. Illi victoriam contulit cura castitatis, & contrario Cabades Rex Persarum de solio in carcerem detractus est, quod lege lata vxores communes esse sanxisset. Hispania nobilissima prouincia Roderici regis sui libidines luit, annos octingentos à Mauris infessa: nam Julianus dolore filiæ à rege constupratæ vindicta exitiosa iniuriam vltus est, Maurosque aduocauit, & ipse in prælio obiit, & patriæ seruitutem reliquit.

§ 5.

Impudicitia stupor.

Impudicitia proprium malum est intelligentiæ caligo, quemadmodum aurum lutomersum nitorem amittit, ita amor animi cœnum est, eiusque lucem obruit, amor rationis est obliuio, pectus seruum vitiis facit, hinc amor cœcus, credulus, brutus est, & sibi ipsi multa mentitur. Hinc facile labitur, offensæ nescius: Insignis stultitia M. Antonij & L. Flacci tribunorum plebis notata est, quod leges sumptuarias abrogari postularent, ne ciues cogerentur esse frugi, licere sibi volebant ire se perditum. Illa est omnium cœcitas, quos amores vinciunt, perire volunt, obstitentibus furenter irascuntur, rivalitas eos in ferrum agit. Stultitiam Salomon, & cœcitatem describit. [l] Statim eam sequitur quasi bos ductus ad victimam, & quasi agnus lasciuens, & ignorans, quod ad vincula stultus trahatur, donec transfigat sagitta iecur eius: velut si auis festinet ad laqueum, & nescit, quod de periculo animæ illius agitur. Cœci sunt, amant vile scortum, aliquando dæmonem, vt ille, qui post scelus in equi putente corpore, quique in alio cadauere se inuenit, de quo Delrio, Niceras Drexelianus.

Alterum est, quod horrorem cogitationum sanctorum

rum iniicit, ad omnes admonitiones obsurdescit. *Non cedis*
Causam habet Nazianzenus. Nam mens errabunda *admoni-*
circumfert typos operarum, & occupata magno affe- *tionibus.*
ctu, non admittit sanas meditationes. Paulus Aposto-
lus vocat incessabile delictum, quod etiam cum non
est occasio operis, pravis tamen delectationibus sine
intermissione peccetur, quod hoc in flagitio singulare
est. nam crimen etiam nolentes delectat, dat mora vi-
res, & malo suo gaudet. Hinc ab oratione prorsus alie- *Alieni ab*
ni sunt libidinoli, in templis aut oculos circumferunt, *oratione.*
aut fabulis indulgent.

Tertium est amor sui tantus, ut omnis caritatis ob- *Ingens a-*
liuiscantur, sic inueterati Susannam amant, & ode- *mor sui.*
runt. Sic Ægyptia coniux, sic Phædra. Clytemnestra
filias ad necem poscit, Eurydice occidit, Fabia mari-
tum.

Sauus amor docuit natorum sanguine matres
Commaculare manus.

Eodem insanix fonte nascitur inconsiderata rerum
arcanarum patefactio, incontinens pudoris, prodigus
est secreti. Et vxor, & scortum Samsoni secreta extor-
sit, illa ad damnum rei, hæc ad exitium vitæ. Demum *Desperatio*
mortis, & æternitatis timor inutilis, & desperatione *libidinoso-*
plenus, qualem in Antiocho regum luxuriosissimo de- *rum.*
scribit liber Maccabæorum. Fredericus Ciliæ comes
acta in voluptatibus vita, cum nonagenarium deliciæ
fugerent, & fractum corpus non nisi dolores caperet,
sepulchro suo fatum inscribi iussit. *Hæc mihi via est ad in-*
feros. non ausus est sperare veniam, quam nona-
ginta annos contempnit. Plura eius generis
legi possunt apud [m] Philippum
Doultreman.

*m Pad.**Pars 1. c. 7.*

CAP.

C A P. LIX.

*Ratio seruanda in aula, ac potentia opibusq;
castitatis.*

§ I.

MAgnum præsidium sobrietas, & perpetua consideratio, quæ ex intemperantia nascuntur malorum. Verum inter tam multa, quæ sunt toto mundo remedia nullum præsentius est, præter Dei gratiam, quam secum expendere: nullo ex alio peccato plures condemnari: Est enim eius semper præsens occasio, cogitationis materia, & prauæ voluntati ipsa in carne non deest ansa peccandi. Emendatu difficilimum esse a L. c. 13. docet experientia, monet & [4] Toletus. Facem omnium vitiorum Cantipratanus appellat: ipse & Joannes Benedictinus assuetos illi vitio per annos triginta tres, non nisi singulari, & rara gratia reuocari posse. quod tamen non tam annorum numero, quam frequentia delinquentiæ, affectu, aliisque circumstantiis æstimandum arbitror, quo enim violentior est consuetudo, & natura corruptior, eo maiore opus est gratia, vt liberetur, atque redintegretur. Christina terribili visione totum mundum illo crimine obnoxium spectauit, Deumq; iram, & supplicia minantem, quibus auertendis multas ipsa preces fudit, & corporis cruciatus subiit: vt est in eius vita.

Christi-
na.

Deinde vero ad castitatem seruandam magnum momentum adfert, eam suadere, omniaque eo referre, vt eius in aliorum animis excitetur amor. Hoc fecit S. Henricus. Henricus Imperator, fecerunt alij, & inter alios Iulianus vir nobilis, qui Basilisæ Sponsæ persuasit, vt in matrimonio seruata castitate Deo seruirent: probauit institutum Deus in cubili geniali angeli cœlestes odores sparserunt, nuptiale carmen virginitati cecinerunt, Basi-

Henricus.
Basilissa.
Iulianus.

Basilissa non fudit quidem sanguinem, dux tamen & doctrix martyrum vocatur. Julianus princeps martyrum, receptor, & altor ad se confugientium Christianorum, nobili certamine coronatus est, vt [b] Beda, A- b 9. Ian-
do, Vsuardus Metaphrastes. Surius. nuar.

Hoc in Theodoræ laudatur liberatione, quam in Theodora. Iupanar ductam Didymus commutatis vestibus liberauit, cui pro aliena castitate vitam ponenti Martyrium Deus rependit, [c] Menologium, & in primis S. c 28. apr. Ambrosius.

Inprimis autem contra voluptates istas opus est proposito firmo, voluntate obfirmata, vt mori potius per omnia tristitia malit, quam vel mente flagitium admittere. Hoc ex adiutorio gratiæ datur, precibus obtinetur, & robur accipit, vt efficiat, quod cogitauit. Si enim Deus Leones, Dracones, ignes misit, qui virgines suas à lasciuiâ impiorum liberarent, si in scortatores dæmoni potestatem concessit, cur non adsit, quorum est seria non peccandi voluntas? Consideranda, quæ de Daria, aliisque tabulis Ecclesiasticis consignata, Daria. Potamiæ-
quotidie ad imitationem leguntur. In Potamiæna. ille animus erat, quæ Domini sui libidines per flammâs fugiebat, hoc vnum precata, vt lento igne moretur. [d] Juliana Romanæ nobilitatis, Euilasiæ nuptias fugiens, per rogos, succentasque ollas & gladios virginittis votum seruauit, Basilissa quoque regio genere & nomine ad eadem præmia peruenit. Dymna d 16. Ian. Metaph. Lippom. Iuliana. Dymna. fuga euasit patrem meditantem incestos thalamos, & deinde vitam pro virginitate impendit. Vidua Antio- Vidua Antiochena. chena cum duabus filiabus in flumen se præcipitauit, ne pudicitie tristiore naufragio mergerentur. Aliæ multæ mortem præoptarunt, quam violari corpus paterentur, quas Ambrosius, & Augustinus defendunt. Felicula sane in eculeo, immori tormentis suis maluit, quam Flacci principis toro contaminari. De Agnete, Agatha, & coniuge Diocletiani, nemo ignorat. Non augustæ, aut splendidæ nuptiæ illas allicere potuerunt, non

non detertere à proposito tormenta. Qui in animo statuit non peccare, facile crimen euitat, quod sola voluntate committitur, illa fuit Iosephi, illa Susannæ voluntas. Iosephus blanditiis longo tempore molestis adeo peccandi periculo caruit, vt adulteræ responderit. [e] *Quomodo ergo possum hoc malum facere, & peccare in Deum meum?* Cur non poterat seruus rogante domina, & in flore iuuentutis? Non poterat, proposito castitatis inuictio. Lasciui dicunt se non posse abstinere, nimirum languida, & semisauicia voluntate vellent, sed nolunt caste agere. Non possunt, quia nolunt, qualis Antiochus, & Henricus Quartus, & Henricus IV. [f] nequissimus mortalium Licinius, qui negabat in hominibus esse posse castimoniam, quam impuritatem putrescentibus, & verminantibus virilibus summo cruciatu emoriens ita luit, vt in omnem æternitatem non expiet.

¶ 2.

In Deo castus est, quisque castus est. Propositum animi firmum requiritur, sed firmum in Deo, non in homine. Qui stat, in Deo stat, qui in se stat, iam cecidit. omnes illi, & illæ quicquid potuerunt, in Deo potuerunt, & non in se. Ideo multi cadunt, quia sua industria, cautione, ingenio se stare arbitrantur. Donum DEI est castitas. Ea causa sine intermissione orandum, & vigilandum est, ne intremus in tentationem. Sic fecit rex magnus, nondum perditus illecebris: [g] *Et sciui quoniam aliter non possem esse continens, nisi Deus det, & hoc ipsum erat sapientia. scire cuius esset hoc donum: adii Dominum, & deprecatus sum illum, & dixi ex totis precordiis meis.*

Orandi pro castitate. Non patitur orationem libido. Theodoricus cum lupanar, quo transibat, in propinquo esset, Psalmos recitare à Spiritu S. non permittebatur. orationes incensa sunt, quæ ad Dei thronum ab angelis deferuntur, libidines mephitis inferorum, quæ aromatum suauitati misceri non possunt.

[b] Ca-

[h] Catharina Senensis hominem impurum allocuta tantam sensit ex illo barathro graueolentiam, vt ^{h Raimū-} *du in vi-* non nisi obturatis naribus absolueret colloquium ^{ta.} *va-* leret. Mortalibus enim castis intolerabilis ille fœtor est. Euthymius forte obuius cuidam, qui impuras animo cogitationes versabat, tam tærrum sensit odorem, vt se à Dæmone obsideri existimaret, [i] vt refert Cy- ^{i In vita} *Enth.* rillus. Huc pertinet meditatio de vita sanctorum, qui in illa palæstra fortius pugnarunt, atque inuocatio, clientium imitationi studioq; præcipue fauent patroni, maxime mater virgo, vi- ^{Brigida} *Oratio.* go virginum. Sic S. Brigida in Scotia non modo castitatem, sed famam etiam castitatis retinuit illasam, cum tactu lignum altaris reuirefcere fecit: & incontaminatum pudicitæ florem in ^{Chrysanth.} *thua.* pectore germinantem assularum virore probauit. [k] Chrysan- ^{k 25. Oct.} *thum* pater ob religionem carcere coërcuit, sed cum aduersis animum adolescentis inuictum cerneret, domi inter puellas lasciuientes educari iussit, vt illecebris molliret, quem frangere vi non poterat: verum oratione, & Dei auxilio, omnia superauit, donec ad martyrum gloriam assumptus est.

Orantibus enim vicissim D E V S respondet, & præmia castitatis exhibet. Amatori enim viro nobili cum ^{Amator.} sponsæ virginitatem persuasisset, binæ coronæ, merces pudicitæ ostensæ, quas vterq; paulo post assecutus est. Nec sine oratione, nec absq; diuino responso, Pelagia ^{Pelagia.} se ex alto præcipitauit, quam laudat Chrysostomus, quin & aliæ spontaneam mortem elegerunt. Quid autem Pelagia fugiebat? cur se in bonem æreum iniecit? vt fugeret nuptias Diocletiani imperatoris, & quod orauit, obtinuit, flammis absumpta.

§ 3.

Jeiunia, vigiliæ, cilicia, niues spinæ, cæteraque austeritas huc pertinet, omnium vsu ac consuetudine. ^{Corporis} *afflictio.* omnium hoc piorum exempla, & dicta comprobant, & ideo difficilior in aula castitas, quia in affluentia ciborum,

*Bernar-
dinus.*

1 Iob 8.

Sforcia.

*Aspectus
cau-ndi.
Baldui-
nus.*

*Paulus.
Basilius.*

*Iacobus
Ni, ebe-
nus.*

*Occasio
fugunda.*

m l. 2. c. 13.

borum, & molliſſe veſtium plura retia tenduntur. S. Bernardinus petulantem ſœminam de flagitio appellantem, nudam flagello exceperit, tanto verberum cruciatu, vt multo ſe fletu reciperet, vnde pedem impudicum attulerat. Sed fruſtra iſta adhibentur, niſi occaſiones vitentur, ſenſu: cuſtodiantur, oculi duces amorum contineantur, ne animam deſpolient. Sunt oculi ſæpe pleni adulterij, ſunt paranympſi, & lenones, libidinum prorigæ, paciſcendum cum illis ſœdus, [1] ne cogites de virgine, quod facile conficietur, ſi formas illices animo non renuncient. Multo quæ magis vitanda tactus & oſcula flagitiorum præludia. Raro etiam de ſœminis bonis, & bene loquendum. Non magis regium, quam Chriſtianum præceptum magnus Sforcia filio reliquit: Nunquam impudice aſpicere ſœminam. Quod ille mandabat, iam ante Balduinus Soly-morum Rex ſeruarat. Nunquam ille ſœminam intuitus eſt, oculos pudicæ virginis inſtar humi figebat: nec aliter attollebat, quam humanitas neceſſaria poſtulat. Ea conſuetudo Hugonis etiam fuit, adeo, vt pro-cax mulier, vultu, & proteruia meretricia coram ipſo verba faciens animaduerſa non fuerit. Paulus in Eccleſia teſtas orare mulieres iubet. Et Baſilius Chriſtianorum filias non deſponſas in publicum prodire negat. Sane Iacobus Epiſcopus Niſibenus, cum transiens fontem, vbi protervæ puellæ nec caput obnubebant, nec veſtes alius ſuccinctas dimittebant, inuerecundiam deteſtatus, exareſcere fontem, ipſas caneſcere iuſſit, vtramque tamen pœnam precibus exoratus ſuſtulit. Fuit veteris Eccleſiæ ille pudor, ſacerdotibus viri caput nudabant, ſœminæ obtegebant: ſi opere occupatæ veſtem ſuccinxiſſent, in conſpectu ſacerdotis dimittebant, vt tales domi, quales in Eccleſia apparerent. Admirabilior priſcorum Ælamarum verecundia, apud quos nudum conſpici capitale fuiſſe tradit [m] Alexander ab Alexandro. Hinc Spartani, Maſſilienſes, Romani, Florentini, mimos & hiſtriones

nesiecerunt, ut recenset, [n] Plutarchus, [o] Cælius, [p] Boëthius, [q] Sabell. Plane nuptiæ, tripudia, ^{n In La-} comædiæ, nisi omnia sint castissima, fugienda sunt. ^{con.} Multa de his Tertullianus, Cyprianus, Hieronymus, ^{ol. 16. c. 8.} Arnobius, Lactantius, & per ista hodie quoq; inuale- ^{pl. 15. § 9.} scit Asmodæus. Quæ si omnia vitari non pollunt, hoc ^{q. 1. c. 1.} Chrylost. teneatur. *Christianus salvis oculis feminam videt, aduersus libidinem cæcus est.* Adiungo his occupationem feriam præsertim studiorum, quæ auctoritate viræ efficacior est. [r] Quare Daniel quoque visionibus illu- ^{r c. 8. v. ult.} stratus, & æger faciebat opera regis. Maxime vero frequens Eucharistiæ, & confessionis vsurpatio animum roborat, si tamen digne sumantur sacramenta, alioqui signum est sacrilegij, corporis Christi participatio, & in assueto crimine perseverantia.

§ 4.

Omniū deniq; præceptum est, *Principiis obsta.* ^{Initiis ob-} mirum ad alias cogitationes mentem auertendo. Quæ ^{standum.} præcipue duæ sunt, de Christo crucifixæ, & pœnis inferorum: ut non euanida meditatione illa recensens tibi sed efficace voluntate: ut cum primum animum pulsauerit species intemperantiæ, derepente sub cruce te constituas, & ante pendentis Saluatoris pedes cogitata deponas. Nam si Deus hac ipsa hora de vulneribus suis penderet, & te peccaturum ipse derelictus adeo rogaret, ne filium Dei conculcares, ne sanguinem testamenti pollutum duceres, in quo sanctificatus est? ne spiritui gratiæ contumeliam faceres, qua fronte in eius, omniumq; angelorum aspectu facinus committeres? nec refert, quod te nondum viuo pro te ista passus est, maior debetur gratia, quod nondum natum redemit: certe illo tempore te, omniaque acta vel sibi iterum crucifixuri in mente habuit. Quomodo igitur peccare in eius conspectu potes?

Alterum est, ut referas ad cruciatus inferorum ani- ^{Inferorum} mum, & breuissimæ illecebræ opponas omne genus ^{cogitatio.}

Dd

tor.

s Vit. pp.
l. 3. c. 107.

tormentum, quod in natura potest esse atrocissimum, ab eo non separat nos nisi exigua corporis mora, paulum carnis, in qua mille nascuntur causæ moriendi. Et forte iam mors: forte tanta, quanta nunc adest gratia non dabitur. Sane iam morituro non lubet libidinari [s] Magno animo iuuenis quæ scortum ad scelus prouocauit, digitos ordine adussit, vt probaret, an ignem æternum ferre posset, ille generoso facto libidinem non modo superauit, sed exussit, meretrix eadem nocte extincta est: quam victor ille precibus ad vitam sanctius transigendam reuocauit. Hæc si serio animo recondamus, facile ex mente blanditiæ cedent, seriæq; cogitationes subibunt.

C A P. LX.

Honestas & verecundia verborum in aula, turpilorum fugiendum.

I.

Vetit
turpilo-
quium.
a Eph. c. 5.
3. 4.
b c. 3. 8.

PRæceptum Apostoli tenemus. [a] Fornicatio autē & omnis immunditia aut auaritia, nec nominetur in vobis sicut decet sanctos, aut turpitudine, aut stultiloquium, aut scurrilitas, quæ ad rem non pertinet, sed magis gratiarum actio. quin & grauissimis criminibus annumerat sermonem turpem, quando Collossenses ad castitatem hortatur. [b] nunc autem deponite & vos omnia: iram, indignationē, malitiam, blasphemiam, turpem sermonem de ore vestro. Si enim verbum otiosum, si cogitatio otiosa ad Dei tribunal, conscribentibus angelis, & Dæmonibus accusantibus die dicta ad cognitoris sententiam examinabitur, quid de obscænis verbis statuendum sit facile ille iudicabit, qui geminum scurrilitatis obscænæ detrimētum agnouerit, dicentis & audientis. Nam qui ista loquitur, ex abundantia cordis profert de thesauro suo fœda, putida, obscæna, contagiosa, sepulchrum patens est guttur

turcius, vnde cadaueris corrupti mephitis exhalat, nō enim cor mundum est, non pura cogitatio, vnde: tanta spurcicies scaturit, quod dicitur iam cogitatum fuisse, antequam diceretur, vt autē & alteri noceat, profertur ad alienas aures, vt & ille cogitet, q̄ letale est: & contagio pereat vicino, qui sanus vivebat. Daniel puer excitatus à Spiritu S. turpissimi criminis constitutus quæstitor, & adulterij vindex verecundia plane virginali verborum vititur. [c] *Nunc ergo si vidisti eam, dic sub qua arbore videris eos colloquentes sibi.* Atq; eadem ratione alterum aggreditur, [d] *nunc ergo dic mihi, sub qua arbore comprehēderis eos loquentes sibi.* Obscæne senes dixerāt plane Osce, ab his enim dictā obscænitatē docet Priscianus. Verba fœda in necessitate non tacenda, vel horrenda monet Augustinus. Quæ tamē honeste dici & intelligi possunt non sunt turpibus exprimēda. Antiochierat, Antichristi futura est illa turpitudine verborum. quia fuit & rectū, Daniel inuerecundiam illius inter ingentia crimina nō tacuit. [e] *Et post regnum eorum, cum creuerint iniquitates, cōsurget rex impudens facie, & intelligens propositiones.* Virus impurum, & vis septica omnia putrefaciens in visceribus residet, vnde tam pestilens aura exspirat, qualis ex aspidum, basiliscorum, & bufonum sanie venenat incautos, & late loca proxima inficit.

§ 2.

Diluuium illud est, quo mundus obruitur, quo flagitia discuntur, quo timidi animantur, vt patrent audacter, quæ publico plausu dicuntur. *Va mundo à scandalis;* at hic petra scandali, hic colloquia praua corrumpentia bonos mores, comœdiæ lasciuæ, tragœdiæ vetera scelera renouantes; Hic iuuenum, hic virorum prostituta lingua, & nūquam in verborū obscænitare integer animus, neq; enim in polluta mens censeri debet, quæ alienas aures, animoq; contamineat. Virus non effunderet; nisi de pleno vase. Verba pudica testes innocentia, turpia p̄diga fama. Quod in vultu est purpura cœlorū pulcherrimus hoc est in verbis honestas,

Tabulæ pictorum vrbes nobis, prata, sylvas, faciem hominis effigiant, lingua mentem depingit, sermo speculum est animi, vox mentis est filia, nunquam pudicæ impudica. Bonæ spei locus est, quamdiu pudor est, cum sermo turpis ora polluit, fugit pudor: non enim ille loqui sinit impudicā. Verecundia autem tutiorem facit castitatem, impudentia venalem exponit. Quid hic suadeam? Impudicis quidem, vt desinant esse lenones dæmonum, aliis perire nolentibus, vt vitent consortia turpia proloquentium, etiam magnatum, etiam Principum, etiam parentum, suadet illud [f] Ambrosius. Etiam sacerdotū, quos canones turpibus verbis videntes, aut ioculatores, officio dimouent. Sæculares autem turpiloquos iniuriarum damnant leges ciuiles. Fugienda igitur consortia illa: nam Daniel & collegæ illius in Babylonico lupanari praua colloquia, & spurcifica vitauerunt. Imitatus est Danielelem in aula Christiana, Ludouicus Gonzaga sanctæ adolescentiæ exemplar. Palatū inescatur condimentis, anima turpibus iocis, quos etiam [g] Philosophus Dei ignarus, vrbe eiiciendos censet. Quisq; in palatio ea sit fama virtutis, vt nemo eum dignū iudicet, quo præsentē turpe dictū proferat, cuius aures funestet. Nā qui aliis obscenitates ingerit, eos impudicos esse pronūciat, non enim fœda proferret nisi placendi studio, & cœnum suum nemo aperit, nisi porcis, luto amicis. Calanus Indus dogmata sua non nisi à mundis audiri voluit, illis solis & placitura, & fructuosa, improbis ingrata: Quos spurcicies sermonis delectat, immundi sunt, quos offendit casti. Bernardinus obscenos sermones adeo abominabatur, vt & pudore suffunderetur, & illo præsentē nemo nisi castis auribus digna loqueretur. Si forte indecora loquentibus improuisus adueniret, continuo silentium, & tacitus susurrus: *Tace, Bernardinus adest.* Tanta erat veneratio pudicitiae, vt ad eius aspectum etiam impudentiam sui puderet. Hiero Syracusanus, omnium historiis & litteris laudatus, Epicharmo poëtæ, & ami-

fl. 1. of. 20

Ludouicus
Gonzaga.

gl. 4.

Ethi. c. 7.

Bernardinus.

Hiero.

& amico grauem mulctam dixit, quod audiente vxore aliquid turpe dixisset. Sertorius ne in conuiuio quidē quæ infidelibus licentiora fuerant, quicquam dictu inhonestum ferre poruit, Archylas cum necessitas exigeret, vt absurdi aliquid proferret, parieti inscripsit, ne linguā contaminaret. Joannes Picus Mirandulanus comes, ingenio, memoria, scriptisq; celeberrimus, liberos amorum, quos carmine Hetrusco conscripsit, ignibus aboleuit. Maior ingenio fuit castitas, monumenta sua perire, quam per illa animas corrumpi maluit, cœnum esse iudicauit, quod euntes in urbem collutularēt, scopulos, qui naues portum petentes frangerent. Vere iudicauit, etsi ipse de turpiloquio pœnitentiam ageret, non tamen ad felicitatem sibi aditum fore, nisi offensis è medio sublatis. Fugiendi igitur spurcidi, ne à nobis Christum fugemus, adest ille, si abesse ab istis studebimus? Edmundus adhuc puer cum so-

dalium inhonesta colloquia vitabundus per campos inambularet solus, Christum socium habuit, qui sese illi blandum atq; affabilem exhibuit, & ne dabitaret in fronte titulum scriptum ostendit, JESVS Nazarenus rex Judæorum. Quantum crimen sit in prauis colloquiis Dominus ostendit, qui fugam eorum sua præsentia honorauit. Quod si viari non possint illa sodalitia quid agendum sit [b] Clemens Alexandrinus ostendit. Turpiloquio enim os obstruendum est, aspectu, si ætas aut dignitas ferat, seueriore, sermone honesto, auersione vultus, asperiore monitione, quanquam & iuuenum interdum admonitu inueterati dierum maiorum senes dantur in ruborem. Qui vero arrisu, aut vultu sibi placere innuunt, perinde faciunt, atque illi, qui camerinam, putredinemque fœtentis animæ commouēt ventilantq; , vt tætro odore cœtum vniuersum corripiat. Nam hirci illi corde vpupæo, rostro suillo, cū cognatos suos excipere se animaduertunt, multa colloquia miscent, animantur audientium affectu. Scurræ, mimi, comædi spurci, Atellanarum actores, inte-

Picus Mi-
randula-
nus.

Edmundus.

h Pœd.
2.c.6.

Non au-
dienda
turpia.

Spurcidi- stabiliū poëmatum scriptores, turpiū sermonum
ci quales. in aula fatores, aliud non sunt, quam cimices de carie
 & putredine inueteratarum libidinum enati.

§ 3.

Peccatum
mortale
turpilo-
quum.

i Sur. t. 6.
Antani-
nus.

k Sur. t. 2.
Waleri-
cus Ab-
bas.

l Dial.
c 9.

Colloquia impura non sunt, vt multi arbitran-
 tur, delicta leuia, & veniabilia, sed letifera, mors ani-
 mæ. Nam cogitatio iam antecessit, & placuit, qui enim
 illam detestatur, ad aliorum notitiam non defert.
 Cum affectu igitur profertur, alteri cogitatio obscœna
 tanquam serpens in sinu, tanquam dæmon in men-
 tem iniicitur, quæ ne illi allubescat ne ad consensum
 vsq; perducatur, periculum est. Ideoq; mortale crimen:
 Et si enim virus antidoto, qui accipit, sanus euicit, ve-
 nenarius est tamen | scelere suo functus: & quamuis
 scelus perdidit, pœnam tamen non effugiet. Quod in
 verbis damnatur, in gestibus quoq; & risu, de quo su-
 pra dixi, flagitiosum est. Dignum sua sanctitate, dignū
 vigore Episcopali factum. [i] Antonini fuit, qui mu-
 lieres, quarum vestitus illecebrosus, aut gestus lasciu-
 uior, tēplo arcebat, serio grauiora minatus, nisi mores
 conigerent. Sane Aristot. Plutarchus, adeo Euripides
 Spartanorū mores carpunt, negant vllā ibi fœminā ca-
 stā esse posse. Verum de pœnis Venereæ linguæ dicere
 cœperam. [k] Walericus Abbas hyberno cœlo de via
 ad parochum diuertit, dum cum Sacerdote & Præto-
 re ad focum consideret, & scurrilibus iocis, fœdisq; cer-
 tantes frustra admonet, pertæsus nequitiarum vir san-
 ctus excusso puluere pedum domo egreditur, & vigi-
 lans in ultionem turpitudinis diuina iustitia, paro-
 chum perpetua cœcitate, Præto rem horribili virilium
 lue percussit, qua intra breue tempus tetto odore ma-
 gno dolore contabuit, nec quamuis abbatem sæpe ve-
 niam, Deumq; precati à malis liberati sunt: perseue-
 rante ad mortem in aliorum exemptum pœna. Tri-
 stior etiam exitus ioculatoris, ac parasiti fuit, qui face-
 tiis victum quærebat, de quo memorat [l] Gregorius:
 eum audisse Bonifacium Episcopum Fercntinū, &
 præuiso iam fato lætantis, mortuum dixisse: mox in
 exeun-

exeuntem ædibus de sublimi saxum cecidit, atque ob- *Ioculator.*
 triuit, vt altera die inter cruciabiles gemitus animam
 efflaret. Ille salibus impudicis nō petulantia lasciuien-
 di, sed miserabili necessitate corrogandæ stipis, turpi
 sermone abutebatur, quia tamen hoc ipsum moribus
 corrumpendis seruebat, fontem pœna secuta est: quæ
 docuit & ipsos mimos, & eorum auditores graui cul-
 pæ patronos grauissimæ obnoxios esse. Tenenda igitur
 Christianorum verborum verecundia, atq; honestas,
 Deo carissima, pudicitia insignis, castitatis orna-
 mentum, & propugnaculum, quæ & ipsa magnam ha-
 bet à Deo remunerationem. Basilides Satellos ad sup- *Basilides*
 plicium ducebat Potamiænam domini sui libidines *lucifor.*
 reculantem; turba lasciuia, turpibus, petulantibusque
 dictis, quæ virgini & martyri grauiora ipsis tormentis
 accidebant, per viam incessebat; eos Basilides repre-
 hendit, & submouit, indignum ratus pudicas aures
 meretriciis verbis onerari, & præmium recepit, rem
 gestam ita recenset [m] Martyrologium Romanum, *m 30. lun.*
 Alexandrinum atque etiam [n] Eusebius, & [o] Nice- *n l. 6 c. 4.*
 phorus. *Alexandria passio S. Basilidis sub Seuero Imperatore: o l. 5. c. 7.*
 qui cum S. Potamiænam Virginem, quam ad supplicium duce-
 bat, ab impudicorum hominum petulantia tutatus esset, reli-
 giosi officii mercedem ab ea recepit: nam ipsa post iridium illi
 apparens, & eius capiti coronam imponens, non solum eum con-
 uertit ad Christum, sed etiam breui agone certantem, suis preci-
 bus martyrem gloriosum effecit.

C A P. LXI.

*Danielis modestia, eiusq; de superbia magnatum
 & ambitione sententia.*

§ I.

POSSUNT esse magnates aulicique valde humiles ac *Aula su-*
 modesti, possunt & pauperes sumere elati cornua, *pubia.*
 nō tamen est par vtrorumq; in crimine eodē conditio.
 In alto stantes, non altum alta mente sapere ipsis vir-

Dd 4 tuti-

tutibus admirabilius est. Vitium aulæ insitum natura corroboratum vsu est superbia. Ex aulicis moribus nomen illi indidere maiores, cum Hoff. Art / quasi indolemque geniumque aulæ vocarunt. Est enim excellentiæ, quæ contra rationem est, inordinatus affectus, vt S. Thomas [a] exponit, hic si vspiam, in aula est ardentissimus, & rara modestia, quæ nihil sibi præter rationem tribui, nihil sibi extra Dei prouidentiam ac voluntatem postulat, laudari metuit sperni amat. Hæc Danielis virtutes muniuit atque ornauit. Inter initia virtus illa sese exeruit. Seruitutis conditionem agnouit regius puer, nec nomen probrosum fugit, alius esse noluit, quam eum diuina ordinatio fecit. Abstinentiam suam humili obedientia Deo caram effecit. [b] *Tenta inquit, nos obsecro seruos tuos diebus decem, & dentur nobis legumina ad vescendum, & aqua ad bibendum.*

Ad nomen seruitutis etiam captiui ignobiles ingemiscunt. Daniel in sorte infima conditoris sui prouidentiam agnoscit, & veneratur. [c] Arrogantes in contemptu sui vim superbiæ sentiunt, magno enim mœrore deiciuntur, Daniel vltro seruum se nominat, & contemptum contemnit. Collegæ Danielis ex captiuis facti principes Babylonis cum honore non mutant animum. Quam contra tyrannum fortes, tam etga Deum humiles. [d] *Benedictus es Domine Deus patrum nostrorum, & laudabile & gloriosum nomen tuum in secula, quia iustus es in omnibus, quæ fecisti nobis, & vniuersa opera tua vera, & via tua recta, & omnia tua iudicia vera.* Quam sese agnoscant in periculo? [e] *Et nunc non possumus aperire os: confusio & opprobrium facti sumus seruis tuis & his qui colunt te.*

Omnia sibi deesse plorant, principem, ducem, Prophetam sacrificia, oblationes, holocausta, primitias, vt possint inuenire misericordiam, sed omnium loco substituant humilitatē. [f] *Sed in animo cōtrito, & spiritu humilitatis suscipiamur.* Deinde vno consensu ad laudandū Deum consurgunt, vt illi omnia, sibi nihil tribuant. Daniel

a 2.2.9.
161.

Daniel
humilis.

b c 1.12.

c Naz.
orat. 2.

Socij Danielis
humiles.

d c. 3.24.
25.26.27.

e v. 33.

f v. 39.

niel etiam demissior oratio, [g] prosternere se preces ^{g c.9.18.}
 dicit pro monte sancto Dei sui. Prorsus orationi ne- ^{Oratio hu-}
 cessaria est profunda submissio, ut cœlos penetret, ora- ^{milie.}
 tio mendicantis est, superbus mendicus irritat animos,
 liberalitatem nō prolicit. [h] Sed & in cilicio & cinere ^{h c.9.3.}
 iam centenarius Daniel, & orat. [i] Tibi Domine iustitia: ^{i c.9.7.8.}
nobis autem confusio faciei, sicut est hodie viro Iuda & habita-
toribus Ierusalem & omni Israel, his qui prope sunt, & his
qui procul, in vniuersis terris ad quas eiecisti eos, propter ini-
quitatē eorum, in quibus peccauerunt in te. [k] Eadē demis- ^{k c.10.16.}
 sione cum angelis cōuersatur. memor angelos immēsa ^{& 17.}
 sua gloria nūquam extolli. Nec maioribus calamitati-
 bus vnquam vermiculos illos quos homines dicimus,
 conterunt dæmones, quam cum eos inflant, eorumq;
 mentes ab oratione abducant. Pauper enim, qui labo-
 rare non potest, præ fastu mendicare renuit, aut arro-
 gante postulatione largitatem diuitum claudit, nihil
 superest, nisi mors ex fame. Multi orant, solos humiles
 Deus respicit. [l] *Ad quem autem respiciam nisi ad pauper-* ^{l Isa. 66.2.}
culum. Eum audit, qui dicere potest, [m] *Domine non est* ^{m Psal.}
exaltatum cor meum, neque elati sunt oculi mei. [n] *Respexit* ^{130.1.}
enim in orationem humilium, & non spreuit preces eorum. Hu-
milis respicit, & alta à longe cognoscit. Populum enim hu-
 milem facit saluum, cuius altam patriam, humilem fe-
 cit viam. Superbo resistit, etiam oranti. Sine humilita-
 te virtutes sunt sparsus in ventum puluis. Quæ idcirco
 aulicis animo intimo recondenda sunt, de loci enim
 præstantia etiam aliquando in templo, inter sacra con-
 tendunt, & superbia irata à Deo veniam non petunt,
 sed vindictam contra proximum meditantur, non-
 nunquam malunt non adire Ecclesiam, quam cede-
 re, quasi de altiore loco facilius audiendi. Ecce Da-
 niel affligit animam suam. [o] *Et posui faciem meam ad* ^{o c.9.3.}
Dominum Deum meum rogare & deprecari in ieiuniis, sacco
& cinere.

¶ 2.

Porro historia à Daniele perscripta eo tota perti-

Dd 5 ner,

net, vt ostendat, numen superbis resistere, inimicum esse clatis, ruinam semper comitem esse animorum sese exaltantium. [p] Vidit Daniel auream statuam cum argento suo, ære, ferro. luto, in puluerem redactam, vidit & eam, quæ ex solido auro fuerat, à piis contemptam. Sed præcipuum superbiæ exemplum Nabuchodonosor, qui Deo nil potestatis in regno suo esse credebat. arrogantiam suam edicto rex confessus est. [q] In sententia vigilum decretum est, & sermo sanctorum & petitio: donec cognoscant viuentes, quoniam Dominus excelsus in regno hominum, & cuicumq; voluerit, dabit illud, & humillimum hominem constituet super eum,

Causa tot mutationum, vt sciant, Deum regnare, non ambitionem. [r] Hac est interpretatio sententiæ Altissimi, quæ peruenit super Dominum meum regem: Eiciens te ab hominibus, & cum bestiis ferisq; erit habitatio tua, & fœnum vt bos comedes, & rore cœli infunderis: septem quoq; tempora mutabuntur super te, donec scias, quod dominetur excelsus super regnum hominum, & cuicumque voluerit, det illud. Euenisse narrat ipse Nabuchodonosor. [s] Omnia hæc venerunt super Nabuchodonosor regem: post finem mensium duodecim, in aula Babylonis deambulabat. Responditq; rex, & ait: non hæc est Babylon magna, quam ego ædificauit in domum regni, in robore fortitudinis meæ, & in gloria decoris mei. Et ab hominibus eiciens te, & cum bestiis & feris erit habitatio tua: fœnum quasi bos comedes, & septem tempora mutabuntur super te, donec scias, quod dominetur excelsus in regno hominum & cuicumque voluerit, det illud. Eadem hora sermo cõpletus est super Nabuchodonosor, & ex omnibus abiectus est, & fœnum vt bos comedit, & rore cœli corpus eius infectum est: donec capilli eius in similitudinem aquilarum crescerent, & ungues eius quasi auium. Data est regi superbo locus pœnitentiæ, & nam crimen agnouit, ad regnum rediit. [t] Igitur post finem dierum, ego Nabuchodonosor oculos meos ad cælum leuaui, & sensus meus redditus est mihi: Et altissimo benedixi & viuentem in sempiternum laudaui, & glorificaui; quia potestas eius potestas sempiterna, & regnum eius in generationem

& ge-

& generationem. Et omnes habitatores terræ apud eum in nihilum reputati sunt : iuxta voluntatem enim suam facit tam in virtutibus cæli, quam in habitatoribus terræ : & non est, qui resistat manui eius; & dicat ei, quare fecisti : In ipso tempore sensus meus reuersus est ad me, & ad honorem regni mei docoremque perueni : & figura mea reuersa est ad me : & optimates mei, & magistratus mei requæsierunt me, & in regno meo restitutus sum : & magnificentia amplior addita est mihi. Nunc igitur ego Nabuchodonosor laudo, & magnifico, & glorifico regem cæli : quia omnia opera eius vera, & via eius iudicia, & gradientes in superbia potest humiliare.

Aurea plane sententia concludit : Gradientes in superbia potest humiliare, non modo potest, verum re ipsa semper humiliat, vel retinendo ne ascendant, vel cum ascenderint, deiiciendo. Et quidem viuentes sæpe ista vident, at nulla est in hoc mundo humilitio, comparata cum vtilitate damnatorum. Nam ut exaltationis humilitas, ita humiliationis via est superbia. Nihil fulget in cælo splendidius perfecta humilitate, nihil apud inferos turpius superbia, quæ in contumeliosissimo cruciatu durat, & pœnas adauget. Tanto Deo quisque vilior est, quanto sibi preciorior, cælum occupari videmus ab humilibus, superbiam ruere quotidie, nec tamen animos Deo subii-
Superbia
viliū, &
damnanda
dorum.

§ 3.

Patri datum est spaciū pœnitentiæ, filio Balassari Balassaria
superbia. negatum : non enim patris exemplo monitisq; subii-
 ci Deo voluit. Cincta erat Babylon à crudelissimis hostibus, tam periculose vt eadem nocte caperetur, ille Dei contemptu, & arrogantia conuiuia & comestationes agit, inter omnia illi Daniel superbiam præcipue exprobat. [u] Rex Deus altissimus, regnum & ma-
u c. 5. 18.
19. 20. 21.
 gnificentiam, gloriam, & honorem dedit Nabuchodonosor patri tuo. Et propter magnificentiam, quam dederat ei, vniuersi
populi

populi, tribus & linguae, tremebant & metuebant eum: quos volebat interficere: & quos volebat percutiebat: & quos volebat exaltabat: & quos volebat humiliabat. Quando autem eleuatum est cor eius, & spiritus illius obfirmatus est ad superbiam, depositus est de solio regni sui, & gloria eius ablata est: à filiis hominum eiectus est, sed & cor eius cum bestiis positum est, & cum onagris erat habitatio eius: fœnum quoque vt bos comederat, & rore cœli corpus eius infectum est, donec cognosceret, quod potestatem haberet Altissimus in regno hominum: & quemcunque voluerit, suscitabit super illud. Aliorum scelerum, conuiuij, idololatriæ, sacrilegij vna superbia causa fuit: [x] Idcirco ab eo missus est articulus manus, quæ scripsit hoc, quod exaratum est.

x V. 24.

Idem exitus procerum, qui Dario Daniele m detulerunt, inuidia in rabiem acti sunt, illâ superbia accendit: nolebât terre superiorē: [y] Porro rex cogitabat constituere eum super omne regnū. vnde principes & satrapæ quærebant occasionem, vt inuenirent Danieli ex latere regis: nullamq; causam & suspensionem reperire potuerunt, eo quod fidelis esset, & omnis culpa & suspicio non inueniretur in eo.

y c. 6.

z V. 24.

Finis superbiæ contritio. [z] nam iubente rege adducti sunt viri illi, qui accusauerant Daniele: & in lacum leonum missi sunt, ipsi & filii, & vxores eorum, & non peruenerunt vsq; ad pauimentum loci, donec arriperent eos leones, & omnia ossa eorum comminuerunt.

Superbi

seruari nō
possunt.

a c. 8. 7.

Superbus aries Darius ab omnibus relictus, à famulis vulneratus, inter vitam & mortem humi iacuit prostratus: [a] Cumq; misisset in terram conculcauit, & nemo quibat liberare arietem de manu eius, nam mater, vxor, liberi captiuierant, Bessus & cognati regem vixerant: multis bellis actum erat vt Aries seruaretur, Orosius curam illam describit. In tanta malorum multitudine difficilima dictis fides, tribus præliis totidemq; annis, quinquies decies centena millia peditum equitumq; consumpta sunt. Non iuuerunt tanta auxilia Deo superbissimæ genti terminos ponente: & ambitiosa vota moribus & seruitutibus castigante. Omnium quidem regum Persicorum magnus

magnus fastus, summus Xerxi, nec minor Dario Codomanno, qui Monarchiæ ruinam secum traxit, postquam stetisset à Monarchia Cyri ducentos vndecim annos. Sed ista Daniel negligit. De Alexandro pluribus agit: nam ingens eius fuit superbia, misera vita, exitusque, victis & victoribus miserandus. [b] *Sur-* b c. 11. 3. 4.
get, inquit, rex fortis, & dominabitur potestate multa, & faciet, quod placuerit ei. Et cum steterit, conteretur regnum eius, & diuidetur in quatuor ventos cæli. Sed non in posteros eius, neque secundum potentiam illius, qua dominatus est, lacerabitur enim regnum eius etiam in externos, exceptis his.

Fortis omnino rex, in quem omnia congesta sunt, arma Græciæ, Persidos atque Asiæ opes. Fortis, temerarius, audax, quæ vitia superbia incitabantur; & credebatur inuictus. Justinus tantum ait militibus suis fiduciam fecisse, vt illo præsentē nullius hostis arma, nec inermes timerent, nunquam cum hoste congressum, quem non vicerit, nullam urbem obsedisse, quam non expugnarit, nullam gentem adierit, quam non calcarit: ita Justinus Danielis illam sententiam exponit, *conculcauit eum*. Nam reuera nulla conditione vnquam pacem fecit, nisi cum iacentibus, & calcatis. Dominatus est enim potestate multa, tota Græcia, *Superbia* *Alexandri.*
Ægypto, Asia, ad Indum, & Gangem vsque: nullo iure, sola imperandi libidine, Dominum mundi appellari se voluit, plures mundos esse doliuit, diuinitatis opinionem per cædes amicorum affectauit: oracula dæmonum corripuit. nemo plus illo habuit, nemo plura concupiuit, vt vni mundus vnus satis non esset: in illa ardentissima cupidine dominandi sitim mundus extinguere non potuit, adiectis prouinciis, quasi falsa maris aqua accendebatur. Cum Gangem transire exercitus recusaret, ira, doloreq; ardens, quasi victus rediit, biduo se abdit, annulos, calcaria, arma veris maiora spargit, à Macedonibus ad Persas migrat. *Fecit quod placuit*, Nimirum omnibus vitiis turpissimus. A Deo se excitatum cognorat: nam speciem eius Jaddo Judæo-

c Ioseph.
l. 12.

Infelicitas
Alexan-
dri.

c l. 13.

dæorum pontifice adorauit, dixitque [c] arbitrari se quia Deo mittente, exercitum collegerit, Darij victorem fore, Persarum potētiam dissoluturum, & omnia, quæ in mente essent, prospere itura. Hæc superbia inflatum contriuit, cum steterit, inquit, Propheta, contretur. Annos duodecim laboratum est, cum iam pene ad metam ventum est, cum laborum & vulnerum capendus fructus, mors indicitur, redit Babylonem, quasi Bacchus triumphans, potat venenum, præsentibus omnium gentium moritur legatis [c] Justinus extinctum in ipso ætatis, & victoriarum flore Alexandrum narrat. Plutarchus de fortuna Alexandri libellum scripsit, quo probat eum miserrimum fuisse, cura labore, periculis, vulneribus, flagitiis, suorum odio. Cruenta fuit illius ambitio, in Asiam discessurus fratres, & optimates qui obstare in Macedonia poterant, occidit, Aridæum secum duxit, laceratum est regnum mortui, nec ad posteros, sed amicos ab illo euectos peruenit, qui eius vxorem, filios, matrem, fratrem, totam familiam trucidarunt. Olympias mater monstri ipsa superbissima à Castandro obessa, hostis patriæ iudicata, & occisa. Aridæus particulam regni accepit ad hoc solum ne viueret. Roxane, & Barsine vxores, cum postumo vtraque filio Alexandri nulla culpa necantur, sed ne lacerantibus regnum obstarent. Diodorus, Justinus, Polybius, Plutarchus. Sic ambitio insani iuuenis posterorum sanguine, & contumeliis est contrita.

¶ 4.

Superbia
cōmilito-
num Ale-
xandri.

Alexandri commilitones quos viuentis crudelitas non absumserat, mutua ambitio, & cupido regnandi perdidit. Omnia iura humanitatis violat regnandi dira cupido.

Gabriel breuiter, *Lacerabitur regnum etiam in externos exceptis his.* nimium quatuor regibus, Aridæo, Antigono, Seleuco, Ptolemæo, nam quo illi post bella multa

non

non obtinuerunt, in barbaros est translatum. Justinus & Diodorus auctores sunt, mille Bactrianorum vrbes audita morte Alexandri defecisse, earum exemplo totius orientis populos, Ponticas, Scythicasque gentes, occisis præfectis iugum excussisse. Sic magna pars Alexandricæ aulæ periit. Cæterorum mutux cædes fuerunt, omnes intra annos sedecim excepto Seleuco, & Ptolemæo ceciderunt. Cassander, *p In Roa.* vt [d] Pausanias docet & [e] Diodorus, totam do-*res.* mum Alexandri excidit, Cassandrum Demetrius occi-*c. l. 18. 19.* dit, & Alexandri domui parentauit. Perdiccas Meleagrum, hunc Ptolemæus, & Cleomenē, Polyperchontē Alceram. Deinde Philotas Phitonem, Antigonus Philotam, & Eumenem. Antigonus quoq; mox victus periit, vltimi sociorum Lyfimachus, & Seleucus depu-*fl. 3. c. ult.* gnarunt, vt [f] Orosius. Itaque breui spacio triginta quatuor duces cum tota nobilitate, & familia necati sunt, præter innumerabilem multitudinem à barbaris trucidatam, ipsi argyraspides miseri, proditores, egeni peregrinis in montibus perierunt. Tantum superbiæ malum tanto in aulis sanguine de-
scendit.

¶

Nec horum progenies felicior. Seleucus Nicanor late regnauit, posterius eius, qui ad Tigranem vsque, sedecim regnarunt, superbia se mutuo perdiderunt, Antiochus Cyziceni filius à Lucullo constitutus per ludibrium rex, à Pompeio de solio detractus est. Inter *Superbia* Seleucidarum omnium arrogantissimus fuit Antiochus *Epiphanis.* Epiphanes. Vefaniam illius describit [g] Maccabæorum liber secundus. *Super hoc autem superbia repletus, ignem* *g. c. 9. 7. 8.* *spirans animo in Iudæos, & præcipiens accelerari negotium,* *9. 19. 11.* *contigit illum impetu euntem de curru cadere, & graui corporis* *12. 13.* *collisione membra vexari is qui sibi videbatur etiam fluctibus maris imperare, supra humanum modum superbia repletus, & montium altitudines in statera appendere, nunc humiliatus, ad terram in gestatorio portabatur, manifestam Dei virtutem*
in se-

in semetipso contestans : ita ut de corpore impii vermes scaturirent, ac viventis in doloribus carnes eius efflueret, odore etiam illius & fœtore exercitus gravaretur, & qui paulo ante sidera cœli contingere se arbitrabatur, eum nemo poterat propter intolerantiam fœtoris portare. Hinc igitur cœpit ex gravi superbia deductus ad agnitionem sui venire, diuina admonitus plaga, per momenta singula doloribus suis augmenta capientibus. & cum nec ipse iam fœtorem suum ferre posset, ita ait : iustum est subditum esse Deo, & mortalem non paria Deo sentire. Orabat autem hic scelestus ad Dominum, à quo non esset misericordiam consecuturus.

h c.8.25. Daniel paucis:[h] Et contra principē principum consurget:

& sine manu conteretur. Ille anteambulō, & typus Antichristi superbiam illius figuravit. Nam et si Antichristus filius perditionis nullum non scelus admissurus sit, caput tamen criminum eius superbia censeatur, dæmonis lapsus originem habuit, ex illo vitio: Ponam solum meum ad aquilonem, & similis ero altissimo. Initium quoq; nostræ infelicitatis dederunt protoplasti, dum similes fieri diis concupiscunt. Hæc est enim rebellio contra Deum: quam inter homines maximam Antichristus concitabit, Deum honores spoliare adortus, & si posset cœlo exturbare, atque interimere. Quid vero

Antichristus omnibus superbior.

i c.7.8.

k c.7.25.

de illo Daniel? [i] Fuisse ait illi os loquens ingentia. Et quæ illa sint exponit: [k] Et sermones contra excelsum loquetur, & sanctos altissimi conteret: & putabit quod possit mutare tempora, & leges, & tradentur in manum eius usque ad tempus, & tempora & dimidium temporis. Denique totam eius superbiam cæterorum scelerum imperatricem describit. [l] Et faciet iuxta voluntatem suam rex, &

l c.11.36.

37.38.39.

eleuabitur, & magnificabitur aduersus omnem Deum: & aduersus Deum Deorum loquetur magnifica, & dirigetur: donec compleatur iracundia: perpetrata quippe est definitio. Et Deum patrum suorum non reputabit: & erit in concupiscentiis faminarum, nec quenquam Deorum curabit: quia aduersum vniuersa consurget. Deus autem Maozim in loco suo venerabitur: & Deum, quem ignorauerunt patres eius, colet aure & argen-

to, &

to, & lapide pretioso rebusq; pretiosis. Et faciet ut munias Maozim cum Deo alieno, quem cognouit, multiplicabit gloriam, & dabit ei potestatem in multis, & terram diuidet gratuito.

Mundus cadere cœpit superbia, superbia interibit. Regna cum ad summum fastum peruenerunt in se ruunt. Summis negatum stare diu, non quia summos Deus contemnit, cum summus ipse sit, sed quia superbis ruina debetur, non potest esse stabilis: omnes enim ex humili in altum confurrexerunt, etiam regna, & reges, Chaldæi multis seculis Assyriis seruiuerunt, Medi Scythis, Persæ Medis, Macedones fœdissimi gentium habiti sunt, Romani de asylo prodire, sola Dei magnitudo, & quæ ex ipso est humilitas æterna est. Vera inquam, non umbratilis.

C A P. LXII.

Magnis vera humilitas suadetur, & deuitanda superbia.

§ I.

Magnatum plurimi genere, opibus, corporis, animique ornamentis illustres laborioso seruitio aulam sectantur, ut honores gloriamque consequantur, nec propositum dissimulent, altæ & generosæ mentis esse arbitrantur Thyrsi laudis pulsari, Romanum esse iactant amore laudis ardua facere, aspera pati.

Vincit amor patria, laudumq; immensa cupido.

Philosophorum ista, non omnium sunt tamen, prudentiores tam gloriæ, quam voluptatis administram virtutem esse negant. Christiana virtus irritos labores pronunciat, quorum finis est gloria. [a] Amen dico vobis ^{a Matth. c. 6. 2.} receperunt mercedem suam, non modo aulici, sed religiosi bonorum suorum in pauperes dispensatores, etiam

Ee

ma-

martyres, si ita vanitatis amore tument, ut vitam velint pro laude pacisci. Magna vitia Romani gloriæ cupiditate vicerunt, verum non virtute, sed alio vitio: morbo morbum pellunt, laude mollescunt pectora, vituperio franguntur, pari vtrique periculo, qui laude & vituperatione mouetur, si recte faciet famæ cupidine, idem scelus patrabit, vbi mala laudantur, virtutem fugiet, vbi illa vituperabitur. Virtus enim, quæ laudibus ancillari didicit, etiam eodem præmio vitiis seruiet, & ad bene facta erubescet, qui vultu superbo incedit. Plane quo maior quisque est, est eo submissior & fratribus suis benignior esse debet. Qui princeps est sui oppidi, si ad urbem ampliorem veniat, iam cedit potioribus, si ad aulam ducis iam inter ignobiles consistit, si ad comitatum Imperatoris nullo loco habetur, seruus seruorum vocabitur. Omnis enim dignitas non re ipsa, sed comparatione æstimatur. At qui tot hominibus subesse non putat contumeliosum, quid faciet, cum ad Deum accedit? lutum ad conditorem, vermis ad omnipotentem? Abraham in colloquio Dei cinerem se & lutum vocat: Et Isaias infelicem se vocat, quia pollutus sit labiis, Daniel in lacum leonum, cum prandium illi Deus misit, quam submisit: *[b] recordatus es mei Deus, & non dereliquisti diligentes te.*

bc. 12. 3. 7

*Omnia
bona à
Deo.*

Christianus secum expendat, quantus sit comparatus viris sanctis Apostolis, angelis, Deo atque inferiorem se omnibus esse non dolebit, nec laborabit, ut se cognato cineri anteponat. Gloria enim nostra non est in mundi theatro, sed bonæ cōscientiæ testimonio, laus est in cubilibus. Si quid boni Deus contulit, humilis cognoscit auctorem: Alphonfus Deo gratias agebat, quod se hominem, regem, sed maxime quod Christianum fecisset. Bona nostra Dei dona sunt, quæ nos sæpe magni, alij minoris æstiment. Sed quo maiora sunt, eo rationes grauiores redduntur, omnia enim vtiliter expendenda sunt. Imitantur ambitiosi Sostratem Dexiphanem Gnidium, qui marmoribus, quæ Pro-
lemæus

*Alphon-
sus.*

*Sostra-
tes.*

lemæus posuit, nomen illius leui tectorio inscribebat, suum vero ipsi saxo insculpebat, vt paulatim decidente cæmento artificis, non auctoris nomen appareret. Ridicula & misero perniciofa vanitas, sed tamen vsitata, si quid præclare geritur totum est, à Deo, ille vitam, vires, gratiam, auxilium concursusque præstat, nos instrumenta sumus, & nostrum nomen tamen ambitiose gestis inscribimus, laudari nos æquum censemus, Dei vix tenuis mentio. Serra & securis, & malleus contra fabrum gloriamur, lutum contra figulum, quod arrogantissime [c] Pharaofecit, cum diceret: *fluuius iste meus est, & ego feci memetipsum*. Nemo credo hoc nunc dicit; At ita commendari volunt, quasi ipsi sint, quibus omnia debeantur.

*c Exech.
32.2.*

¶ 2.

[d] Daniel alio spiritu, sibi & populo, & regibus confusionem, Deo gloriã tribuit. Hanc ob causam in republica domi militiæq; multa aduersa experiuntur reges & duces, quia non Deo, sed honori militant: & laudum inanibus auris. Respexit modestiam serui sui Deus in tanta sublimitate, eumque ante beatitudinem familiarissime cū beatissimis spiritibus viuere voluit, tanquam amico venturi mundi fata detexit. Cum à Baltassare improbo rege, qui à maiorum suorum etiam vitiis plurimum degeneraret, negligeretur, arcana sua Deus, regnorum mutationes, adeoq; Baltassaris interitum, & finem Monarchiæ sæuientis ostendit. Idq; mox primo anno Baltassaris. Imperij secretis Daniele rex amouerat, & abditos regis sensus, ignotum consiliis casum Babylonis, mortem optimatum Deus aperuit. Justus sed ab hominib. despectus princeps, angelorū familiaritate honoratur. In magna hominis dignatione est, cuius pietatem terrena potestas pressit. Infelix perituri, regis industria, cælare consilia suspecto conatur negotiis captiuum infidum arbitratur, censorem moribus suis grauem in Elymaidem remouet. Deus illi,

*Contem-
ptus à mū-
do à Deo
honoratur,*

Ec 2 illi,

illi, quam non sit curanda illa aulae maiestas, nec dolendum si contemnantur ab illis, qui mox cadauera, terras, aurasque infecturi iacebunt. Superba pondere suo ruunt, humilia firmanentur. bene consitæ arbores agitatæ ventis fortius figunt radices, verminosæ cæruuntur.

§ 3.

*Honore
delectari
non est
sapientis.*

Nomen honor blandum est, sed mala seruitus, æger exitus. Sapiens honore non gaudet, sed honorantium commodis studet, Deum imitatus, cui noster honor nihil conferre potest, honorantibus tantum profuturus. Quid ægro prodest, si medicus laudet, non sanat? Apud Christianos prima militia est honestatis: gloria in contemptu est, nec optanda, nisi ubi utilis est ad boni operis ministerium, alioquin causa est exitij. Quis enim non ridet Tartarorum stoliditatem, qui in omnium rerum ignoratione sordibusque, se solos homines arbitrantur, alios tanquam canes alloquio non dignantur. Stultitia est illa mentis inductio. Barbaris facile ignoscimus, nam omne barbaricum superbum est. Quid de Asclepiade medico iactatore iudicabimus, qui se annis septuaginta ægorasse negabat, & homine altiora agitabat, donec è scalis prolapsus animam inanem effudit, ut Plinius recenset. Chrysippus quidem neminem se doctiorem philosophum puerili iactantia asseuerabat. Durat in mortem arcana sæuities. Bonifacius in vincula coniectus à Sarra Columna contumeliæ dolore in furorem actus vitam finiit. Vere Cato M. Octauio affirmabat in ipsa morte permanere dominandi cupidinem. quin & famæ sitis. Hieronymus Olgiatus ex interfectoris Sfortiæ ducis Mediolanensis, cum animam ageret, omnium securus, de gloria secum agitabat. Collige, inquit, *te Hieronyme, stabit vetus memoria facti: mors acerba, vita perpetua.* Vilissimus animus, cui præmium magnum videbantur sermones stultorum: à sapiente laus non appetitur.

titur, sed fugientem sequitur, non delectat dum offertur. In vita laudari hominem Deus vetat, laudabilem esse iubet. Cordate Pescennius Niger oratori in funebri oratione adulanti, *Lauda defunctū, vt imitemur.* viuentes laudare irrisio est. Themistocles, cui nulla vox illa dulcior, quam qua sua virtus laudaretur, sapiens non erat. Illa dulcissima est, qua Deus laudatur, virtus commendatur.

§ 4.

Quantuscunque te honorantium globus circumdat, quidquid in te titulorum principes ingerunt, si tumidum efficit vanitas, numini es inuisus. [e] *arrogantiam, inquit, & superbiam detestor.* Minatur [f] per Isaiam se arrogantiam humiliaturum: nam omnem arrogantiam humiliat. Rationem dat Salomon [g] *Abominatio Domini est omnis arrogantia.* [h] magnates sane comprehenduntur in superbia sua. [i] Hinc obseruauit Salomon: *contritionem solere precedere superbiam.* [k] *Odi bilis coram Deo est & hominibus superbia,* [l] *sic perit Babylon inclyta in superbia Chaldeorum.* [m] *detracta est ad inferos.* [n] *Audiuimus superbiam Moab, superbus est valde.* Judas etiam translatus & superbia illius in putredinem soluta est. [o] sicut lumbare prophetæ computruit, sic inquit, *putrescere faciam superbiam Iuda, & superbiam Ierusalem multam.* Daniel quando Joacimum, & nobiles ablato recenset, ostendit de superbia Deum iudicasse: & eius æqualis, notusq; [p] *Ezechiel Et adducam pessimos de gentibus, & possidebunt domos eorum: & quiescere faciam superbiam potentium, & possidebunt sanctuaria eorum.* quin illud ipsum quod in tēplo gloriabantur, Deus abominatus est. [q] *polluam ego, inquit sanctuariū meum, superbiam Imperii vestri.* cur autem [r] *detestor ego superbiam Iacob.* Et deinde [s] *Iurauit Dominus in superbiam Iacob.* Hinc illæ clades, apud Nahum: *reddidisse Deus superbiam Iacob.* Sophonias exilia Moabitarum & Ammonitarum describit, & cōparat Sodomæ & Gomorrhæ, & cōclu-

cc. 2. 10. dit minas [t] *Hoc eis eueniet pro superbia sua.* Hostib. quo-
u Ioel. que populi Dōmini Deus minatur. [u] *Ascendet fātor e-*
c. 2. 10. *ius, & ascendet putredo eius, quia superbe egit.* Hoc est iudici-
x De doct. um Dei, quo resistit superbis. Fugienda igitur arrogan-
Christ. l. 3. tia, quæ hostem habet Deum. verum est, quod [x] Au-
c. 23. gustinus docet, nullam esse in scriptura diuina paginā
quæ nō docet Deum superbis resistere, humilibus
dare gratiam. Superbus capere non meretur quod cō-
temnit. Indocilis est, qui doctus vult videri. Quare cum
arrogans sit indocilis, maxime fugienda est in sapien-
tiæ studiis superbia.

¶

*Homines
oderunt.*

Ingens malum est Deum habere inimicum, non ta-
men hoc veretur superbus: hominum laude delecta-
tur, amicos quærit, conscientiam secretam deserit, ru-
mori credit: non tamen hoc ipsum, quod affectat stu-
diose, consequitur. inter superbos sunt semper iurgia
confortem adit. Grauius onus non sustinet tellus, nec
ferunt baiuli, quam hominem superbum. Seruilius

*Seruilius.
Isauricus.*

Isauricus cum iudices monuisset, reum, cuius causa rē
disceptabatur, sibi ambulanti de equo nō descendisse,
effecit, vt damnaretur, tanto odio erat etiam apud su-
perbissimos superbia, vt ciuem superbum, non legum
æquitate, sed detestatione arrogantia obruerent. Certe
ex Angelis superbia dæmones fecit. Ne suis quidem

*Sultanus.
Cothus.*

tolerabiles sunt. Sultanus primus à seruo, quod fami-
liam contemneret, trucidatus est. Cothus victor Tar-
tarorum ob fastum in itinere est interfectus, fructum
victoriae arrogantia in exitium vertit. Eadem causa El-
pis à satellite, Benocaderus à domesticis veneno ne-
catur. Nec eos honor commendat, sed magis reddit inui-
sos. Virtutis præmia ambitio possidet, adeo vt impij
etiam ea de causa Dei prouidentiam illa permitten-
tem culpauerint, & mūdum negligere existimauerint.

*Themur
Cham.*

Leoncluius in historia Moselmanica. Themur Cham
Baiazeti exprobrat. Ab India vsq; ad Siuestā me Deus
consti-

constituit. Inde ad Vngaroste constituit. Si in pretio illi mundus esset, bono & sancto non mihi claudo, tibi *Baias, 111.* Manco dedisset. Ad eū modū Turcæ Mamelucas, homines teterrimos rebus præficiunt, quos pro arbitrio deiicere, & occidere pronum sit, cum non sit, in magnates eadem, aut sane non æque secura potestas læuendi.

¶ 6.

In Imperiis inclinantibus maior superbia, Joacimus, *Superbia* Jechonias, Sedecias precario regnantes, pauperrimo *pereuntium.* regno superbiam auxerunt. Balthassar, qua nocte periit superbissime cœnauit, tanquam bestiarius in publico. Dario victo Bessus & coniurati insidias regno struxerunt, regem occiderūt, etiam Alexandrum spreuerunt. Pereunte Occidentali imperio plurimi tyranni. Bomilcar obsessæ Carthaginis tyrannidem meditatus est, & occisus. Nunc quoq; mutandorū regnorū non vana auguria, & inuisa numini prognostica sapientes obseruāt certiora omnino illis, quæ ex commentitia astrorum efficientia aspectuq; fingunt Ephemeridum propolæ, gentibus profanis deteriores. Nimirum superbia quotidie vestitu, famulitio, titulisq; increscens. Cum super- *Diocle-* bissime Diocletianus ageret, & Iouium se diceret, Pal- *tianus.* ladisq; filium, spiritus minuit viscerum omnium inflatio, lingua vermibus erosa, liquefacta, & putredine fluens carnis sanies. Similis Antiochi interitus, vt ex Maccabæis ostendi.

¶ 7.

Genuina modestia est in æquabili mentis constitutione, quæ cohibet, ne te efferat dignitas, & humilitatis beatitudine excidas, ne mouearis contumelia vlla, *Omnia mereri se quisq; cone-* dedecore; si consideres omne probrū, quod inferri *giat.* potest veritate minus esse. Crimen impingitur falso, honor debitus non defertur. Ingredere conscientie tuæ secretarium, inquire ablato velo proprii amoris: an non merueris præcipitari in opprobrium sempi-

Ec 4 ter-

retinum. Tribue causam tibi, te accusa. Optime abbas
 y Doct. 7. pastor [y] apud Dorotheum. Qui sese accusauerit quicquid
 incommodi, damni, probri, ignominia vel alterius cuiuscumq;
 afflictionis incurrerit, omnia hilare suscipit, omnibus dignissi-
 mum se putat, neque vlllo modo turbari potest. Quid hoc homine
 quietius? Non modo quietem adfert illa contumelia
 patientia, sed delictorum veniam quoque obtinet, vt
 z Doct. 21 sapienter docet idem [z] Dorotheus. Qui debitor alicu-
 ius fuerit, donec reddiderit debitum, quouis locorum abeat, de-
 bitior est, nec habet potestatem sedendi cum quiete. Quod si affi-
 ciatur ignominia ab hominibus, erubescit, tuncque debitum sol-
 uit ac si liber sit. & cum fiducia & audacia potest in populo esse,
 & vbicumque voluerit, sedere. Sic homo cum patienter tulerit
 iniurias, ignominias damna, ob peccata commissa, humilita-
 tem discit & laborem, & ita recedunt ab eo peccata, iuxta
 quod scriptum est. Vide humilitatem meam & laborem meum,
 & dimitte vniuersa delicta mea. Hoc ad proceres, ad reges
 pertinet, quos lex Diuina iubet esse clementes, ad i-
 gnoscentiam faciles. Et si enim princeps est in terra, or-
 tus tamen est de terra. De puluere ascendit ad solium
 iturus in puluerem. Si nullum in calumnia suum cri-
 men agnoscit, merito se pati cogitet, quia impatienter
 illatas contumelias excipit, & animi tumore patien-
 tiam excludit.

¶ 8.

Alij non
 contem-
 nendi.

a Doct. 2.

Detestabilior superbia pars est, qua alios despi-
 ciunt in alto positi, qua eo deueniunt, vt aduersus
 Deum erigantur, vt ostendi in Monarchiis Danielis.
 Insigne exemplum adfert, quod vidisse se testatur. [a]
 Dorotheus Duo autem genera sunt humilitatis, vt item gene-
 ra duo superbiae. Primum superbiae genus est, cum quis fratrem
 suum contemnit eumq; quasi nullius aestimat, seipsum vero cun-
 ctis excellentiorem habeat. Hic statim, nisi se reuocet & respi-
 ciat, sensim labitur in secundam superbiam, ita vt in Deum et-
 iam incipiat insolescere, & bona opera sibi ipsi ascribere,
 non Deo. Memini, fratres mei, vidisse me aliquando huiusmodi
 homi-

hominem, qui in hanc miserrimam seditionem incidisset. Et initio quidem si quis è fratribus locutus quippiam esset in alterius commendationem & laudem, statim illum spernebat, & quasi conspuebat, dicens: Quis est ille. Non est alius prater Zosimam, & qui cum eo sunt. Post cœpit & illos contemnere, ac dicere: neminem alicuius esse prater Macharium: & paulo post: Quis, ait, Macharius? nullus est prater Basilium & Gregorium. Atque etiam non multo post; hos quoq; cœpit pariter spernere, & nullum vilius aestimare, nisi Petrum & Paulum. Cui ego prædixi, quod euenit, fore, vt hos quoq; tempore contemneret. Quod sane factum est, nam eos spreuit, & nihil esse habendum prater Trinitatem asserere cœpit. Statimq; in Deum quoq; factus est insolentior, exarsit, intumuit. Nobis igitur luctandum est cum prima, fratres, ne paulatim in secundam labamur superbiam. Consectaria illa sunt Dei amicos, Dei dona, & in illis gratiam Spiritus sancti, & demum ipsum Deum contemnere. Elati reges & Cæsares, cum omnes contemnerent, diuinitatem affectarunt. Holofernes iussus est omnes Deos de terra tollere, vt solus Nabuchodonosor Deus haberetur. Hoc & statua aurea alterius Nabuchodonosoris requirebat: & Antichristus machinabitur.

¶ 9.

Jucundissimam adfert tranquillitatem nolle primas, obstaculum vitæ est cura honoris, vt optime dis- Humilitas
quietas.
sputat [b] Justinus. Reuera hanc ob causam orbis b De vita
Christiana.
quotidie turbatur. Omnes homines in terra à iustitia longissime abesse disputabat apud Darium Heraclitus, auaritiæ & vanæ gloriæ studio teneri, se fugere inuidiosum splendorem, paucis contentum, solum Persarum non attingere. Laboriosiores, & inquieta arrogantia maiora viribus aggreditur. Taurus auis vocem Superbia
maiora vi-
ribus ag-
greditur.
Democra-
tes.
bouis æmulator, & boando rumpitur. Magna mo-
liuntur, parua possunt. Democrates iam senior arcem
ascendens, cum crebro anhelitu pulsaretur, magnum
spirare se dicebat, sed parum valere. Asthmata sunt, &
spiritus anhelorum, quos angor & infirmitas protrudit,

Ee 5 dit,

dit, non profundunt vires. Magnus animus semper humilis est. Hac vna re similis est caritati omnia sufferenti superbia: nam immania seruitia, contumelias, etiam tormenta perfert, vt gloriam consequatur. Calanus Indus rogum cunctis spectantibus ascendit, vt spectatissime moreretur. Empedocles in Æthnam infiliit, vt ad Deos isse crederetur, sed vanitatem eiecti per æstum ferrei calcei prodiderunt, & Calanum dolentem turba spectatrix irrisit. Magna moliebatur Alexander, cum omnia mors interciperet. Classem mille longarum nauium triremibus maiorū, qua Carthaginēses, & Hispanos domaret. Sex templā quindecim talentum millibus. Migrationes gentium ex Europa in Asiam. Hæc consilia [d] Diodorus apud Macedones lecta, sed neglecta scribit. Diuina enim prouidentia furorem victoris exercitus in sua viscera conuersum, ab aliorum infestatione cohibuit. Hæc in magnis molimina. Eadem est in paruis æmulatio tumentis animi. Labores suscipit, quos sustinere non potest. Hyarbita Maurus imitari Timagenem pertinax, inter pocula declamando crepuit: tanti erat stolide arroganti non cedere.

¶ 10.

Humilitas Africana.

Nobile fugiendi honoris exemplum nobis in schismate Africa exhibuit, in concilium de concordia Episcopi Catholici & Schismatici conuenerant, spes concordie salutaris ostendebatur, ad reditum prouenerant aduersarij. Hoc vnum obtinebatur, in singulis fere urbibus duos Episcopos esse, vni proinde cedendū. Tum omnes Catholici, duobus duntaxat exceptis cessuros se dignitatibus suis polliciti sunt, quin & duos illos, vt pluris redintegratione facerent Ecclesie, quam honorem, perpulerunt, patuit ex modestia, contemptuque prælaturæ apud eos veram fuisse Ecclesiam, qui pro Christi Maiestate, non suis commodis certarunt. Admirabile prorsus, & nostris moribus insuetū, dignitas amatur, & præsplendore viles sunt animæ pereuntium ouium. Quis audiat Augustinum ex eadem regione innotentem. Quo-

ties

ries hominibus præesse desidero, toties Deo meo, præire, contendo. Hoc illi reuera facere non verentur, qui Dei iniussu, etiam per sanguinem ad celsa tēdunt. Quade causa Alexander Mammeæ magistratus inuitis mādabat, virum bonum negabat, se ingerere periculosis laboribus. Nam profecto plurimi magnatum sunt religionis cōtemptores, quæ requirit ipsam modestiam, *Religio hu-* sui despicientiam, non permittet quenquam, ne man- *miles re-* cipium quidem contemni. Radbodus Frisiorum regulus iam baptismo admouendus, cum interrogasset, vbinam maiores sui principes populorum degerent, responsumq; esset, cum infideles fuerint, damnatos, pedem retraxit, professus se cum magnatibus malle apud inferos degere, quā cum grege pauperū cœlos obtinere. Immane malū superbia de regno deiecit, & cruciarium dæmonis effecit. Carantani olim religionē Christianā ea de causa spernebant, inuenit malo remedium Ingo dux dexteritate quadā ratus inueteratos errores tollendos: historiam recenset [e] Brunnerus. *Dum hac e l. 6. p. 21.* apud Hunnos geruntur Christianares in Carantanis, ducis industria, egregia sumpsit incrementa. Ingo tunc genti *Ingo dux* præerat clarissim⁹ belli artibus, idemq; religiosissimus *Carentan-* princeps: animaduenterat hic, primores gentis fere à *norum.* Christo abhorreere. Opibus suis incubantes & immerfi deliciis aspernabātur Deū, qui natus in fœno, & in cruce mortuus diceretur, & quia legē illius male cōuenire cum moribus suis videbant, eam vt rettricam, & beatæ inimicam vitæ iniquis sermonibus traducebant. ridebantur etiā, qui, de plebe, nostra sacra amplexi fuerant, quod inanes spes nimisq; remotas secuti, crucem resferam felicitatis suæ, & precium cœli crederēt paupertatem. Ingo cum molestissime ferret sanctissimæ legi vilitatē obiiici, eamq; maculam natalium haberi, rationem ex ingenio reperit perniciosæ calumniæ abstergēdæ. Festo die epulum adornat sumptu cultuq; magnifico, eiq; non modo nobilitatem, sed ex infima plebe pannosissimū quemque, Christiana tamen professione nobi-

nobilem adhibet; & hos quidem sua dignatus mensa, accipit elegantissimè; vini florem in auro ministrat, & epularum deliciis mira ipse comitate nouam gratiam aspergit: porro purpuratis longe infra hos mensa parca & sobria posita, fictilibus grauida, & cibario pane; cœna reliqua quotidiana, & sola fame condienda; cum interim iis insolentis indignitate spectaculi pene stomachus euerteretur. Macerabantur inuidia, & sicci ieiuniq; humiles illos conuiuas indignantibus oculis deuorabant, quærebantq; inter se, quæ illa noua Saturnalia essent, in quibus tantum liceret seruis? vinum dominicum iis, vnaque deridendos dominos propinari: sibi velut terræ filiis terrestrem cœnam coctam, vappa diluendam. Ingo, ubi tempestiuum visum est, facti sui rationem reddidit, negauitq; in leges urbanitatis à se peccatum; quemq; pro sua dignitate accubuisse; conuiuas non sanguine, sed moribus æstimatedos; nam hos quidem, sub sordido palliolo, nitidissimos animos circumferre; illorum munditias omnes in veste, & cute esse; verum animas grauiter olere, utpote illotas, neq; cœlesti fonte tinctas, veniam igitur sibi darent, si, quorum odore offenderetur, eos à sua mensa paulo longius submouisset. Ea oratio cum hoc facto coniuncta adeo superbos illos animos domuit, ut passim deinde nobilitas Christo nomen daret: Diuinæ legis interpretes ab Arnone Salisburgensi Episcopo, quemadmodum à Virgilio antehac, submissi, in tanta omnium conspiratione voluntatum, Ingone non modo piis studiis fouente, sed allaborante insuper, ingens operæ precium fecerunt. A fundamento virtutum facile sublimitas aulica abducit incautos, & ruinas struere docet. fortes esse & stationis suæ tenaces oportet, cui est curæ, ne loco dimoueatur. Maiores in illis vires postulat militia, qui signa regia, labarâq; ferunt, qui ventis agitantur. Nam reuera aula parentes in filios, hos in genitores armat, ut nimis multæ doceant historiæ. Inter priuatos minus sæuit sæuum & pro-

*Fortes cœ-
tra super-
biam au-
lici.*

proprium dæmonis malum. Superbia porro iracundiæ fomentum est. omnis enim ira ex opinione contemptus nascitur. Quia vero potentes assueti sunt inter blanditias adulatorum, & indulgenter educati ad minimum signum contemptus inardescunt. Si ad iniusta imperia non festinet misera seruientium assentatio, flammæ, & ferrum poscunt.

§ II.

Superbiæ proprium est, omnia, etiam virtutum opera perdere. aurea Hieronymi sententia: Quid prodest abstinentia, si animus tumescit superbia? S. Isidorus dæmonibus eos comparat, qui cibis abstinent, & male loquuntur, quod semper est superbiæ. ex qua inuidia & odium. Quapropter & Bernardus eos abstinere carnibus pecorum, vesci humanis queritur. Ambitiosus tempore laboris mercedem comedit, nisi assidue laudetur, famet. Eadem in vngueto, & vncō mors est, in deliciis & ambitione: & mors non absque dolore. Qui linguam potatricem exterminet, idem perdit magniloquam: quæ omni die vendit diem vnum, quæ omnia etiam misericordiæ opera vertit in crimen. Qui cæteroqui innocentes sunt, ambitio sola facit criminosos, ærugo mentis, venenum cogitationis, subtile malum, quod feruidos facit, si placeat, remissos si displiceant. Non prodesse, sed præesse querit. Inimicitias inter amicissimas serit. E contrario humilitas cuncta conseruat, vt aromata cibis, ita sapores & fragrantiam virtutibus adiicit. Deo gratissima est, quia de rebus vere iudicat, sese agnoscit, & æternæ altitudinis ponit fundamentum. Magis Deo placet humilitas in malefactis, quam superbia in claris facinoribus. Humiliat in damnatione Dominus, quos erectos videt in dominatione. Illos & sibi & mundo ostendet, similes armis auratis, sepulchris dealbatis, quorum interiora sunt apparentibus dissimilima. Principum infidelium vix vlla humilitas. Nam iusticiæ, temperantiæ, clementiæ cultorem forte inueneris, cum ad mode-

*Humilitas
Deo gratia.*

*Principes
humiles.*

Radegun-
dis.

modestiam ventum, omnes seruandæ dignitatis præ-
textu superbiunt. Etiam serui, vt Pallas, qui nō nisi per
libellos cum seruis agebat, ne consociaret sermonem.
Christiani Imperatores, & reges humilimos numerant
& reginas. Nolo congerere exempla, vna Radegundis
sufficit, regina Franciæ, quæ pauperum necessitatibus
labore suo seruiebat, ægrorum putredines abluebat,
nihil aulicorum suorum irrisus morata. De Cœlestino,
& præsertim Cuniberto, Wandregesilo, nobilibus &
sanctis aulicis notæ sunt historiæ, quorum hic currum
mœsti pauperis è luto extraxit, ille suis famulis calceos
detrahare solebat. Tam munifice à Deo honorati, quā
infelicitè à Collegis irrisi. nemo humilè rideat, nemo
laudet arrogantem, hoc est, nemo viles habeat gem-
mas, miretur fumum, ascensu pereuntem. Sola humi-
litas prudens est, superbia facit amentes.

¶ 12.

f l. 10. de
offic.

g In Psal.
7 pœnit.

Ad nos oratio mea tendit magnanimi proceres, vo-
bis enim timeo, ne vitio sublimi, vitio subtili, quod à
multis pro virtute habetur, beatitudine excidatis. De
aula regū metuere prudentis est ex aula Dei per super-
biam primi magnates in rogū deciderūt, etiam huma-
næ superbiæ destinati vindices. Nulla ruina grauior est,
quam superborum, maxime cum ipsa elatio tendat in
Dei iniuriam, vt nos docet aulicorū princeps [f] Am-
brosius & discipulus Ambrosij Augustinus, Humilita-
tem esse Christianorum virtutem, primam, secundam,
tertiam, vt est apud Rhetores pronuntiatio. Eam Deus
honorat, in corda humilium descendens, habitansq̃;
Illa semper meretur veniam, semper accedit ad Deum,
arcet dæmones, in summis tormentis tumorem reti-
nentes. Nemo regnum cœlorum nisi paruulus ingre-
ditur, nemo, inquam, etiam regum maximorum. [g]
Qui sine humilitate virtutes congregat, puluèrem in ventum
spargit, vt sentit Gregorius. Magni esse vultis? nullus est
labor: parui estote. Magnum est esse paruum, quod ni-
si à Christo, qui magnus est disceremus, nemo crede-

ret.

ret. Omnes credimus, utinam opere discamus ab eo, qui mitis est, & humilis corde, qui proposito gaudio sustinuit crucem, confusione contempta, qui cum in forma Dei esset, non rapinam arbitratus est esse æqualem Deo, sed semetipsum exinaniuit usq; ad mortem, mortem autem crucis. Cogita, inquit, [h] Dorotheus. *h. Doct. 11.* Cogita autem attente crucifixum, quot contumelias, quot probra sustinuerit Dominus noster Christus, & posthac omnia demum crucem cōscenderit. Et ita scito neminem in requiem sanctam & perfectam posse peruenire, nisi primum Christo compatiatur, & ferat omnes passionēs eius, iuxta Apostolū dicentem: Si cōpatiemur, & cōglorificabimur. Noli itaq; errare, noli seduci, quia nulla alia salutis via est, præter hanc. Dominus enim, qui in omnibus nobis opem fert, docet nos firma fundamenta domus nostræ iacere super petram, quæ Christus est.

Heraclius nisi posito ornatu corporis in montem Caluarie crucem ferre non potuit. Spinis coronari eodem in loco voluit ne dissimilis Christo esset, ne cultior Domino suo. Nemo vestrum existimet, se fastum cælo posse inferre. Sericum, & aurum & cætera mortis insignia, regia creatoris ignorat, cordis sublimitatem abominatur. Non magis tumens animus, quam putre cadauer in palatium illud admittitur.

C A P. LXIII.

De fama & honore, eoq; vindicando.

§ I.

Non facile deserit causam suam studium gloriæ, *Gloria, honor, speciosos prætextus inuenit.* Optimum quemque *non fama.* esse gloriæ appetentissimum, pueritiam ipsam laudum stimulis ad honesta cogi.

Deniq; non paruas animo dat gloria vires,

Et facunda facit pectora laudis amor.

Magnum iter ascendo, sed dat mihi gloria vires,

Non inuat ex facili lecta corona iugo.

Breue

a l. 4. E-
stic.

Breue curriculum, sed gloriæ cursus sempiternus, trahimur omnes studio laudis. nec fama contemnenda est, quæ proximo, quæ posteritati debetur. Honor quoque in precio est, cuius delectatio proxime ad diuina accedit. Honor auctore [a] Aristotele bonorum externorum maximum est. Ille maxime quæritur a felicibus, opulentis, aulicis: nam cui lucta est cum egestate, licet ambiat, non quærit.

*Donec eram sospes, tituli tangebar amore,
Quarendiq; mihi nominis ardor erat.*

b Prou.
15.
c Prou.
22.
d l. 4.
Ep. 1.

Vbi non est honor virtuti, instabilis est ciuitas. Famam nobis Scriptura commendat. [b] *Fama bona impinguat ossa.* [c] *Melius est nomen bonum, quam diuitia multa.* Habenda itaque cura de bono nomine: hæcenim proximo debetur. Quare vt obseruat [d] Cyprianus diaboli studium est, vt nomen fidelium infamet gloriosum. Quin Augustinus quoq; non audiendos censeret, qui dicunt: conscientiam sufficere. Cauendum eriam ne fama possit fingi probabiliter.

§ 2.

Honorem
petere nō
malum.

c Exerc.
312.

Sunt ista plane vera: nec honoris, nec gloriæ, multo minus famæ studium est à superbia: sed, si non sit ex recta ratione. Honorem petit magnanimus, & ambitiosus, diuitias auarus & liberalis contrario affectu, atque effectu. Non tamen ex vitiis oriuntur facta virtutum, sed aliquando obstacula aliorum vitiorum. Quare falsa subtilitas Cardani fuit. Ex ambitione oriri aliquando actiones magnificentiæ, atque magnanimitatis, ex temeritate opera fortitudinis. Confutat Cardanum [e] Scaliger. *Possent, inquit, vitia definiri per virtutes, & vicissim hæc per illa. Exempli gratia, Liberalitas est prodigalitas moderata. Et magnificentia est ambitio cum recta ratione.* Quomodo igitur ista accipienda sint, breuiter explicandum est, nusquam enim vitium virtuti similis est, quam in gloriæ & honoris materia.

Discrimina ambitiosi & magnanimi ista fere sunt.

1. Am-

1. Ambitiosus omni studio per cuncta obstantia ad *Discrimen* gloriam & honorem tendit, repulsa exanimatur, Ale- *Ambitiosi* xandrum Achilles, Alexander Julium excitat. Magna- *& Magnanimi.* nimus in vtramque sortem paratus, quo æterna sapien- tia libellam inclinarit, eo vergit. David à caulis ad aulam vocatur, inde ad pauculas oves redit. Oculi eius, & cor eius in manu Domini.

2. Magnanimus honorem admittit, sed contume- lia magis gaudet, cuius ipse causa non est. Sic Moses ductor Ægypti, deinde eductor Itraëuitarum, Perfe- ctus aulicus. Fide, inquit, [f] *Paulus Moyses grandis factus* *Hebr. 11.* negavit se filium esse filia Pharaonis. *Magis eligens affligi cum* *24. 25. 26.* populo Dei, quam temporalis peccati habere iucunditatem, ma- iores diuitias æstimans thesauro Ægyptiorum, improprium Christi, aspiciebat enim in remunerationem. Sic ibant Apo- stoli gaudentes à conspectu concilij, quod digni essent pro nomine Dei contumeliam pati.

3. Humili honor queritur ex vero, superbo ex vano. *Ex vero* Vera causa honoris & gloriæ vera, & vnica virtus est: *honor.* & illa præfertim virtus, quæ est gloriæ cōtemptrix. Ve- rus honor, vera gloria non est, quæ non venit à vero iu- dicio, & amore, sed adulatio. vt [g] Bernardus admo- *In Cant.* net. Vere honorabat Abigail Davidē opportuna mon- itrix. Falso ornabat illum Saul, cum generum faceret. Dicebat enim, *Dabo eam illi vt sit illi in scandalum, & sit* *David.* *super eum manus Philistinorum.* Falsus honor in tyrannos collatus, quem timor expressit. Nunquam vera gloria est, quam per male facta improbi aucupantur. Fumus ille est sine flamma. Falsus & ille quem exigit motum as- peritas. Nero eo arrogantia peruenierat, vt neminem salutando, resalutandoq; honoraret: idolum potius, quam homo.

4. Superbus laude delectatur, tanquam præmio virtutis, humilis illa tanquam instrumento vtitur. Ho- *Finis non* nos alimētum est virtutis non ve æ, qui finem operum *est.* gloriam propositum habet à ianua aberrat, est enim honor testificatio virtutis, non præmium. Virtutem

Ff

sequi

sequi debet, nō honorē virtus. Alioqui virtus esse desinit, cui finis ille proponitur, vt superiore capite docui. Honor ille animos altos, non magnos facit: nec enim pumilio, si super Ossam, aut Olympum stet, magnus censebitur.

5. Ambitiosus ex omnibus, etiam malis nomen quærit, magnanimus tantum ex consensu bonorum,

*Non magni faciē-
dua honos.*

6. Magnanimus non magni facit famam, gloriā honorem. Nouit nihil in terra magnum esse, cum sit ipsa punctum. Nouit agrum laudando non fieri meliorem, homines etiam insolentiores. Arrogantium est in honore finem vltimum constituere, & omnibus eum antepondere: eum contra veritatem exigere & habere stimulum pœnarum. Quapropter animi pusilli sunt, prauiq; dum rem parua magni æstimant. Quid est enim fama? Vetus, fumus, vmbra, fabulæ hominū, fama veris falsa miscens, & sua per mendacia. rumorū nutritrix maligna, mortuis nō prodest, viuis crescens nocet. Sollicitus es, quid posterī dicturi sint, cum nihil dicāt, qui ante vixerunt. Hæc igitur omnia contemne ad cœlum iturus, & regnum, & famam tenebis. Si ad inferos detraharis, cruciaberis vbies, laudaberis, vbi non es: sed & à laudatoribus errorem corrigentibus contumelias sempiternas feres.

*Quomodo
optare ho-
norem fas
sit.*

7. Humilium igitur caritati consentaneū est: Honorem gloriamq; ex virtutē, de vero iudicio desiderare, ac petere, nō vt præmium laborum, sed ad Dei vnus sempiternam gloriam, animarumq; salutē: non vt in laude nostra sistamus, sed ea ad Deum laudandum vtamur. Eademq; de causa, & fama curāda est, quæ aliis proſit, hl. i. Ep. 3. non nos commendet. Eo sensu [h] Cassiodorus dixit, *Regnātis facultas sit ditior, cū acquirit thesauros fama.* Hanc ob causam licet & famam tueri, & honorem læsum defendere, cum sine Dei contumelia, & Ecclesiæ dedecore, infamia non potest permanere.

C A P. LXIV.

*Humana vita miseras in proceribus spectabiles esse, & unumquemque admone-
re modestiæ.*

§ I.

VIta hominum miserrima est eademq; breuissima, in pueris breuitate, si ante vicia moriantur, felix: in adultis sola virtute, si perseuerent, beata. Quam speciosa stultis, tam fragilis omnibus. In flore suo cor-rumpitur. In aulis spectatissima est, sed aliis breuitatem suam impendit, raro sibi vacat. Sola diuina prouidentia stabilis est. Mundus in quo agitur, mare est: [a] ralem enim Daniel vidit, in eo grandes bestię, & par-ua, fluctus mediocres, & decumani, pisces & pisciculi. Grandia cœte sibi mutuo sunt præda, minuti gobij omnibus: nullius vita diuturna. Si vero summa vitę breuis est, stulti est spes inchoare longas, infanientis ob spem incertam efferrī, procella audaces, & arrogantes sternit, & ad humiles cogit preces. omnem diem supremum illuxisse, omnem esse horam vltimam quisquis considerat, facile fastum ponit.

Socrates rideri à diis homines dicebat, si se victuros dicerent, & nos ridemus in comœdia personatos Reges, si tanquam vera dignitate superbiunt. Omnia caduca esse docent nos ipsa imperia: Assyrium diuturnum, sed parricidiis funestum, Sennacheribus gentium victor trucidatis in exercitu fortissimis à filiis occiditur. Filius illius Asaraddon à Merodaco Babylonio victus misere periit. Ad Daniele veniamus. Reges Juda exilio, captiuitate, carceribus puniuntur. Nabuchodonosor magnus post grandes labores in bestiam muratur. Baltassar de con-

Ff 2

uipio

b.c.5.1.

30.31.

*Babylonis
interitum.*

cl.6.c.26.

*Cyri pro-
genies.*

uiuio superbo cum mille proceribus male sobriis ad necem & inferos rapitur. Aulæ lætitia fienti, Deoque & Ecclesiæ insultanti, nunciatur improuiso capta Babylon. Subitum metum indicat Jeremias: [b] *Currens obuiam currenti veniet; & nuncius obuiam nuncianti vt annunciet regi Babylonis, quia capta est ciuitas eius à summo*

vsque ad summum. Felici securitati & exultanti superbix interuenire gaudet vindicta, & timere iubet hoc ipso quod non timer. Babylon ruit, & deletur, quid stabile debilioribus? Ambitus eius stadiorum quadringentorum, [c] (Plinius sexaginta millia passuum habet) muri turresque altissimæ, mœnium latitudo sex curruum simul euntium capax, Scriptura vocat murum latissimum. Armatorum, præter ciues, centum millia, in annos viginti commeatus, hæc omnia nox vna perdidit, rex in statéra positus inuentus est minus habens, ipse, optimates, bellatores occisi, allisi ad petram paruuli, regnum diuisum Medis & Persis. Calamitatis pereuntium par erat vincentium triumphus, nulla toto orbe ciuitas maior, opulentior, arrogantior: anno tamen euoluto moritur Darius, & solatia præbet victis, nulla re, quam Danielis disciplina beatior, & fidei confessione. Cyro Darij genero vita longior, laboriosa & ab incunabulis fœta periculis, infans beluis expositus à Deo seruatus est, liberator captivæ Ecclesiæ, vindex impiorum regum & populorum, urbium euersor, humanæ inconstantia exemplum miserabile, in recentis victoria lætitia à Thomyri regina oppressus est, caput in vitrem plenum cruoris, cum exprobratione inhumanæ crudelitatis immissum.

Infauista Cyri propago, filiorum scelere, Cambyfes fratrem occidit, sororem suam, & coniugem fraternæ morti illacrymantem, & grauidam exandescens interfecit, deinde post breue imperium, multa crimina, dum equum ascenderet lapso è vagina gladio secundum femur ictus, ex vulnere moritur. atq; ita Cyri progenies mascula perit. Imperium ad Eunuchos, de-
inde

inde ad Darium peruenit, cuius filius Xerxes *ditatus est Darius.*
opibus maximis, vt ait Daniel, & *concitauit omnes contra Xerxes.*
regnum Græcia : nam decies centena millia Graiis
trucidanda obtulit, arrogantia plusquam humana,
vt qui verbera ponto inflixerit, compedes iniece-
rit, literas ad montes scripserit, quibus imperarit, vt
operis suis se morigeros exhiberent. Thesaurus Ba-
bylonios, Cyri, Darij habebat. Quid vero effectum?
in summa potentia trepidus cæso exercitu scapha fu-
gam capeffit : magnus tamen in fuga, & manebat in
Græcia Mardonius cum centum millibus militum, qui
& ipsi concisi sunt, & dux lapide ictus occubuit. Xer-
xes adulterio & incestu pollutus, fratrem, cuius vxo-
rem & filiam violarat, occidit, ab Artabano patruo sta-
tim ipse est occisus : cum delectu habito tot virorum
millia videret, illacrymatus dicitur, quod post cen-
tum annos nemo ex illis superfuturus esset : nimis in
longum ductæ lacrymæ, non meretur fletum in an-
num centesimum protracta mortalitas, vltra bien-
nium decima pars sola superfuit, & ipsa mox est in-
terfecta, & Xerxes qui centum annos, vt breues
defleuerat, triennio post lacrymas interiit, cum tan-
ti exercitus funera partim audisset, partim oculis
spectasset, & quamuis omni hora videret, quam ni-
hili sint res humanæ, non tamen spiritus posuit, ni-
si cum vita exutus est, & ad tanti sanguinis effusi red-
dendam rationem citatus, ex medio ciuentarum libi-
dinum æstu in barathrum præcipitatus.

¶ 2.

Nunquam vita stabili gradu consistit, mobilior in
magnis. Quamuis ingens sphaera sit, & firma, le- *Vita instabi-*
uissimo tamen impulsu mouetur, cum nulla sui parte, *bilis.*
sed termino solum, punctoq; planitiem attingat, quod
cum firmamento careat, minimo momento motus cie-
tur. Non alia est vitæ firmitas, quicquid est, quicquid

*Regum
statu in-
felix.*

*Reges Per-
sidas.*

possidet, speratq; de momento pendet. Quod abiit, esse desiit, quod futurum est nondum esse capit. Quod actum est restitui non potest, quod impendat tam timendum, quam sperandum est. Si sperata se offerant, abitura sunt, aut relinquenda. Vnde igitur causam sumere superbia potest, de momento, de tenui filo pendula, ut sibi de suo periculo plaudens? omnis ecce mundi gloria finitur, exitu plerunque tragico, quod in regibus Persicis satis Daniel ostendit, & legimus in illis, quos ipse præterit historicis. Artaxerxis Longimani fuit maior modestia, cum secutus est Darius Nothus affinis non filius, ita Xerxis quoque stirps in filio defecit, Darij autem filij Artaxerxes Mnemon Rex, & Cyrus acie configunt. Cyrus ambitione regnum affectabat, fratrem in acie vulneravit, ipse occubuit, Artaxerxis domui perniciem attulit libido, & ambitio. Darium filium regem constituerat indulgens pater, mos erat ut filius, quæ illa die inaugurali peteret, pater negare non posset, petit ille Aspasiam ante Cyri, nunc Artaxerxis parentis pelli-
cem, dedit rex, deinde amore victus eripuit, eam rem tam impotenter Darius tulit, ut Tiribazo adiutorem in patris cubiculum irrumperet, patricidio incestos amores ulturus, Rex præmonitus sicarios trucidavit, filium ex sententia iudicum morte damnavit: nec dedecore tamen abstinuit Atossa filia in uxorem ducta. Filius alter Ochus deinde incestam regiam sanguine miscuit, morte fratrum regnaturus. Arsamem occidit, alterum metu adegit, ut sibi mortem adferret. Ochum, & deinde filium eius Arsamem veneno Bagoas interfecit, Darium Codomannum Armeniæ præsidem in regnum vocavit, cui quod in conuiuio pararat, venenum, ipse bibere coactus interiit: merita sane pœna qui non spe regni, sed honorationis obsequij, & gratiæ duos reges occidit, tertio insidiatus est. Darius ille caries Danielis est, quem Hircus caprum conculcavit. Misera vita, miserrimus honor, diademata,

mata, sceptrâ, solium, satellitium, quid illis miseris, nisi instrumenta nequitiae, pompa funeris fuerunt? Mundus rota est, quæ amatores suos in sublime claros conterit, ut molendinum quos euehit, mox aquis mergit. Desertum est orbis, beluis, quam hominibus aptior, quippe his exilium, illis patria, omnes pariter exagitat, reges regumque amicos infestius. [d] Fulget in regno d *Dan.* aurum, argentum, æs, ferrum, sed luto iunguntur, ut o-2.25. mne corpus fragile sit, quicquid patitur mutabile est. Misera infania: Viuere non est in nostra potestate, & vitæ breuib; ornamentis, tanquam phaleris extolli-mur. Felicitas nostra semper nutat, nihil habet certi nisi mortem, quæ si mala est, omnia perierunt. Aduenæ sumus migrare compellimur, certum tempus esse noluit lutei tabernaculi elocator, nec præmonere, sed vigilantes signum exspectare iussit, tribus digitis, ut nauigantes à morte absumus, & de vitæ fugientis crepundis gloriamur.

¶ 3.

Nec feliciora cornua Hirci, & Pardorum progenies apud [e] Danielelem. In illo regno cruentum ambitionis, & ærumnarum pelagus, ut de omnibus dici possit: homo calamitas. De sociis Alexandri supra dixi eos ambitio in mutuas cædes egit, quorum posterî regna-
c. 8. & 11.
Posteri regum Hircinorum in felices,
runt, nihilo fors melior, Hi fuere Antigonus Seleucus, Ptolemæus. Antigonus post vitâ in castris actam, natus annos octoginta multis vulneribus in prælio concisus est. Seleucus annorum septuaginta septem contra Ptolæmeum pugnans cecidit, cum septem ante menses Lysimachum annum quartum, & septuagesimum agentem acie vicisset, & occidisset. Antigono successit filius cognominis, sub quo paululum Macedonia respirauit, breui imperio Demetrii afflicta est, Brennus gentem ad Gangem vsq; victricem spoliavit, mox bello q; cum Romanis gessit Philippus exhausta
Ff 4 est,

*Elacido-
ne & clades.*

*Seleucide
periere.*

*Antiochi
nepotum
miseria.*

est, & Asiaticæ reliquias prædæ amisit, iugo indignæ pacis pressa; quod excutere dum Perseus conatur in triumphum ductus est, regnum in formam prouinciæ redactum, tum facta est Romanis seruientium vilissima pars, paulo ante gentium dominatrix. Et ne quid dedecori deesset, Persei filius, ut vitam toleraret, scriba factus est. Fortunam Philippus accusare non potuit, superbus, asper, crudelis. Multo minus etiam Perseus, qui fratris Demetrio per calumniam delato, & iussu patris occiso, patricidium captiuitate luit. Hæc est vicissitudo ciuitatis terrenæ, quam fastus ædificat, qui in regno hircorum regio sanguine solium imbuat, ne Philippo quidem patri Alexandri pepercit, qui post triumphalæritiam, filiæque nuptias in ipso theatro à Pausania trucidatus est. De Seleucidis supra ex Daniele dixi, qui eorum gesta usque ad Epiphane[m] recitat. In huius quoque familiæ posteris omnia fastuosa, breuia, incerta. Eupator illius filius cum regnum magno labore tenuisset biennio, occisus est à patruo Demetrio. Hunc misere regnantem Alexander Bales mendacio in familiam Antiochi insitus interfecit: ille quoque fultus regum auxiliis, Ptolemæi soceri potentia securus, ab ipso socero priuatus regno & coniugio, exul in Arabia ceruice truncatur. Mox regnum adiit Demetrius Nicanor, quem frater Antiochus Sedetes auxilio Tryphonis expulit. Nec diu perstitit parricida, quem suasorem, & adiutorem sceleris habuit, sensit ultorem, nam ab eodem Tryphone occisus est, & Tryphon cruentum triennio solium tenuit, atque à suis interfectus, duobus regibus parentauit. Manserunt tamen in posteris fratrum odia, Demetrii Nicanoris filius dictus Antiochus Gryphus, Antiochi Sedetes Antiochus Cyzicenus mutua clade attriti conciderunt, Gryphum Herodianus, Cyzicenum Gryphi filius occidit, cædes deinde omnium facta est, donec Philippus à Gabinio captus, regnum ad Romanos, deinde Tigranem peruenit, & eo victo præcipuum

puum auaritiæ Romanæ irritamentum fuit. Hæc intra breuissima tempora regum, & aulicorum varietas fuit, euerfis in singulorum mortibus, nobilium familiis. cadente quercu ramos quiuis amputat. nam in bellis civilibus paucis parcit ira victoris. atque hæc est maledictionis series, cuius finem in Antichristi sæuitiem deducit Daniel. nam in hoc puncto se premunt, & necant homines, & quod fieri non potest, in paruo esse magni volunt: collidit vitam miseram in arctam coacta ambitio. flet victus, non est victor. Romanum imperium Daniel vidit fortius omnibus regnis, regnum ferreum, & sceptrum de Chalybum durata caminis, quia tamen pedes habet mistos luto, & ferro, coalescere non potest. Ferrum enim & lutum in vnam naturam commisceri nequeunt. Ferrum pingui aëreo plenum frigore duratur, soluitur calore, & fluit riuus, lutum igne durefcit, & in lapidem solidatur: vt autem duo misceantur, eadem causa liquefcere, & durari oportet. Hoc in imperio, hoc in corpore nostro agitur, partium pugna exercentur, & internæ mortium causæ sua bella peragunt: & membro læso in puluerem a stitæ aræ rota moles dissipatur. Anima inter hos conflictus non potest non angī.

§ 4.

Vt corporum morbi, ita mala quoque reipublicæ effœta senectæ augentur, omnia minoris momēti sunt, *De mundi senectæ.* tendente ad finem mundo. Quo honor & gloria paucos annos victuro? Si nongenti superessent tibi iam sexagenario forte vanitas prouida sibi videretur ad magna aspirans, at iam pauci anni, & languor orbis interituri, præcidere iubet omnia. [f] Origenes morbum ante finem mundo tribuit. [g] Gregorius magnus mundi ætatem cum vita hominis comparat, in g *Hom. 1. in Euang.* iuuenta viget corpus, senibus vita sua ægrotudo est. Mundum initio ad propagandam sobolem fuisse robustum, salute corporum viridem, opulencia rerum

pinguem, nunc senectute depressum, & quasi ad vicinam mortem molestis crebrescentibus vrgeri. [h] Am-
 brosius quoq; deposuisse mundum robur iuuentutis
 i Ad De- suâ, marcescente vigore virium. [i] Cyprianus sensu-
 metrium. se mundum, nec iam esse in robore iuuentutis suæ.
 Si igitur mundus ipse canus, & anhelus rogi suum
 spectat, quid nos in illo opes, & gloriam æternam
 molimur? cur non animos ad cœlos novos ad ter-
 ram nouam erigimus? de quibus [k] Petrus & [l]
 Discipulus, quem diligebat IESVS, prophetant? Mun-
 dum perdidisse primævas vires non vno modo acci-
 pio. Hominum ætatem defecisse sensim, & ex natu-
 ræ imbecillitate, ordine quodam non adducor vt cre-
 dam. Ante diluuium superabant annos nongentos,
 Tempora nunc pauci decimam partem attingant. Post diluuium
 atatum. multorum ætas quadringentorum annorum, media
 inter nostram & antediluuiam. Tempore Abrahami
 m Gen. adulti trecentos annos post diluuium, [m] centum an-
 21.5. ni senectam faciebant. cum Abrahamus esset centum
 annorum natus est Isaacus. Erat vero illa ætas iam ef-
 feta, vt constat ex Scriptura. [n] Erant autem amba senes,
 h Gen. 18. prouectaq; atatis, & defierant Sara fieri muliebria. Quæ risit
 11.12. occulte dicens: post quã consenui, & Dominus meus vetulus est,
 voluptati operam dabo? Hoc ipsum tempus Davidis tem-
 pore decreuerat, [o] vt ex Psalmis manifestũ est. dies an-
 o Psal. 89.10. norum nostrorum in ipsis, septuaginta anni, ante diluuium
 non fuit tale decrementũ, cum tamen annis mille sex-
 centis mundus, si naturale esset, pati aliquid debuerit,
 nam trecentis annis post diluuium ætas ad centum
 annos redacta est, celerrimo decremento, quod dein-
 de cessauit, si enim eadem proportionem breuioris vitæ
 & corporis homines nascerentur, iam parui omnes &
 Non defe- vix decem annorum nascerentur. Ab Abrahamo ad
 cit semper mundum. Dauidem anni octingenti numerantur, & non multo
 minor ætas, nec statura; nam tum quoque gigantes
 erant. Non erant maiores hominum vires Alexandri
 tempore, nec ætas longior, adeoq; nec pecudum, nec fru-

fructuum terræ maior fecunditas. Quæ quamvis aliquando deficiant, crebro tamen reparantur, nascuntur è fortibus imbecilles, & ex debilibus validi, ipsa tellus exsucca & arida, letamine & rigatu se ipsa melior efficitur. Deliciis tamen eneruantur delicati, & vitia corporum in posteros transfundunt. Inde quædam gentium senecta, & mundus se ipso deterior. Romani Gallorum Insulorum, & circumpadanorum corpora grandia longosq; gladios horrebant, ipsi statura & viribus impares. Postea sub Cæsare Germani & Ariovistus timebantur. Denique Hunni, Alani, Wandalii, Gothi, Longobardi, Nortmāni metum incussere: nam qui communibus cibis vescuntur, & exercentur validi redduntur. Itaque è locis incultis ac horridis gentium migrationes factæ, præsertim ex Scythia, mollitiem perditorum populorum castigarunt, & vires redintegrarunt, illis seruitutis laboribus, & sobrietate exercitiis, ne paulatim deliciis interirēt, sic quoq; vrbes opulētas coloni, ac inquilini è pagis restaurant. Sine illa agitatione, ac proinde summa rerū incertitudine mundus consistere potest. posse ista restitui docet [p] Delirius noster. Humidum radicale restaurari, natiua illa nimia senectutis ariditas temperari, corrupto succus melior suffici, cæteraque deperdita, & ad hanc commutationem requisita, suppleri ad tempus, natura legi nihil repugnat. Sed nec impossibile, capillorum colorem mutari; cum & coruos candidos viros multi iradiderint. Denique Metamorphosim, quam nunc defendimus, confirmant non pauci locupletes testes. Duo legas exempla apud Torquemadam; Anno 1531. Tarenti fuisse Centenarium senem capularem, qui pilis, cute, vnguibus & situ atq; squallore etatis decidentibus, & in melioris etatis omnia mutatis, de sene iuuenis prodierit, & quinquaginta post annis superuixerit. In Castella quoq; Rioiā alteri cuidam viro similem obtigisse sortem, idq; vulgi fama notissimū fuisse, & ab Ammira Castella sedulo exploratum. Monuedrum regni Valentini oppidum est (olim Saguntus) hic se viuo scribit Valescus Tarentasius, fuisse monialium Abbatissam; cui iam silicernio, subito

Vires restitui gentibus.

p Del. l. 2. q. 23. pag. 178. disq. mag.

men-

menstruū fluoribus renouatis, dentes renati, coma denigrata, rugæ & sulci cutis adequati, mammae pendulae atque pannosae ad instar virgunculae sororiarunt: sic denique se vultu, facie, totoq; corporis habitu iuuentulam exhibuisse, ut rei nouitate percussa, prae verecundia, se cunctorum oculis subtrahere niteretur. Quid multa? Lusitanica historia recentiores scriptores, fidei probatissima, commemorant longa narratione & certa, cui-dam Indo Nobili, annorum quibus vixit trecentorum & quadraginta spacio, iuuenta florem ter exaruisse, & ter re floruisse. Nec desunt, qui in eodem orbe nouo quandam insulam re-per-tam testentur; Bonicam nomine, in qua fons scaturiat, cuius aqua, vino preciosior, pota senium cum iuuenta commutet, quamuis de simili in Lucaya fonte narrationem ortam ex regionis situ salubriore non immerito coniiciat Pet. Chiera 2. p. 2. hist. Peruu. cap. 41. verum siue in Bonica, siue in Lucaya, siue v-trobique talis fons manat, facile video, quam hac incredibilia nonnullis videantur; sed illi cogitent: huiusmodi narrationibus, à quibus rectæ Philosophiæ ratio non abhorreat, quia ipse nihil tale videris, fidem detrudere; singularis esse proteruita & imprudentiæ: qui vero quid ubique gestum fuerit vel non fuerit; id de sua duntaxat opinione aut assensione decernunt; insania aspidere.

§ 5.

*Mundus
naturali-
ter nō po-
test esse
aeternus
ut iam est
permane-
re.*

An vero mundus eo modo, quo iam res eunt con-sistere possit? Crediderunt veteres, fides nostra ab-negat æternum futurum. Quia ita factus est, ut sine summo miraculo esse perpetuus non possit. Non quod res ipsæ reparari non possint, sed quod longo sæ-culorum fluxu aqua terria subeat, ideoq; reddatur angustior, mare terminos suos sensim dilater. Hinc plurimæ eluuiōnes in locis maritimis, irreparabili oppi-dorum & agrorum iactura, in Belgio monumenta tristia visuntur, & luctatur ipsa tellus cum elemento veterem stationem repetente. Terræ motu aliquando nouæ insulæ emicuere, sed paucissimæ, minimæque, plurimæmersæ sunt. Spacia terrarum quotidie minuuntur, maria crescunt. pluuiæ, niues, riui, amnes, flumi-

flumina de montibus lutum deuehunt, ripas atterunt, & cauant, turbido gurgite in Oceanum humum inferunt, grauia semper decidunt, non attolluntur, montibus ac collibus semper aliquid decrescit, aquarum limpidi sunt fontes, flumina lutulenta. Non obseruant illud incolæ breuis æui, quia de magno exigua deciduntur, de magno acervo pauca grana.

Experientia tamen hoc ipsum ostendit: quorundam fluminum aluei limo & arenis opplentur, ut multo, quam ante annos sexcentos altiores sint. Portas veteres vrbs Moguntinæ notauit, quarum summos fornice Rhenus altior pene attingit. Vidi puteos fodi, & urnas, in quibus cineres veterum reconditi seruabantur, sex ipsos sub aqua pedes. Vidi aquam iam ipsa ruderata attigisse. non fuerunt tam depressæ portæ, nec ossa sub aqua defossa, sed Rhenus sensim vndas extulit, & loca altiora occupauit. Cum igitur videamus amnes & flumina præsertim tumentia lutum deuehere ingenti copia, apparet ab æterno hoc fieri non potuisse, omnem terram enim absumpsisset, nec posse durare æternum. Ideoq; omnia ruere natura, & nos ipsos. Nec obstat, quod non aduertimus, contingit quod illis, qui [q] cicutam biberunt, aut aliud saporiferum virus, nō sentiant se mori, nos mundi bonis elati, non sentimus nos citius, illum tardius ad interitum tendere.

Terra naturaliter mari obrueretur, si mundus diu consisteret.

q Scalig. de subt. Exerc. 152.

¶ 6.

Imbecillitas nostra maxime cognoscitur, angelis comparata, [r] ne amicos quidem angelos sine trepidatione cernit vir desideriorum. Fortissimi spectris terrenis, comæ rigescunt, corpus mortuo miserabilius est. Multis ipse metus ad mortem sufficit, non opus est catapultis, fluctibus, & montium ruina, guttula veneni idem potest, quod terramotus, cataclysmi & fulmina tormentorum. Cum illis versari nos putemus, cum principe Persarum Græcorum, Hebræorumq;

r c. 9. & 8.

Facile est mori.

rumq; angelo. Illi nobiscum ambulant, & nos honorant vero caritatis obsequio, acta nostra vident, & qua sunt sagacitate etiam cogitationes. Si corpora spectamus ab omnibus superamur, velocitatem aquilæ, arma leonis, elephantis robur miramur, nec tamen ponimus animos, cum vires exiguæ datæ sint: non enim dedit illas Deus quas capere promptum esset, sed quæ ferociam frangerent. Idcirco tot inopinas mortes cernimus, ut fiduciam superbiamq; vitæ corrigamus. Braccius audito Sforciam in amne Amiterno submersum, gaudium de morte inimici preffit, sibi quoque instare fata haud falso prædixit: nam post menses quinque periit: Ex alieno incommodo suum æstimabat. Quanta miserorum ambitio? Rutilius leniter æger, renunciata fratris repulsa exspiravit. Quævis causa satis est morti, Fabius Senator in haustu lactis pilo strangulatus est. Anacreon acino, alius fumo extinctæ lucernæ. Etiam gaudia lethalia fuere, ut Chiloni, Sophocli. Signum infirmitatis, moriendi facilitas, ac celeritas, quæ sensum sæpe præcipit. Verum nihil adeo potens est ad retundendam arrogantiam quam reddendæ cura rationis. Et quia ignoramus qua in statione locandi simus. Nam si magnus & potens es, non sunt electi multi potentes. Quilq; itaq; sæpe secum verba Danielis perpendat. [s] *Et multi de his, qui dormiunt in terra pulvere: euigilabunt: alii in vitam æternam, & alii in opprobrium, ut videant semper.* Meminerintq; fragilitatē iustorum esse felicem, quæ omnem spem in resurrectionis gloriam nos transferre cogat.

C A P. LXV.

Magnatum ac aule felicitas vera, falsa, eius æstimatio, moderatio.

§ I.

a l. 5 c. 37. **F**elicitas omnium in votis est, præcis dea, & cum fortuna sacrificio culta, ut testatur [a] Augustinus. Ve-

rum

rum donum Dei est, non ipsa dea. omnium bonorum cumulo, sine mali admistione constat. Summa sine dolore voluptas, in hac vita nō est nisi in virtutis veræ cō-

Felicitas

ubi.

stātia. Populi iudicio in palatio summa est, quia ibi humanorum bonorū sunt fastigia. At vero Augustini iudicio reges Christiani nō ideo felices sunt, quia opibus & successibus valēt, sed quia seruiūt summo regi: nam infelix est, quisquis Deum nescit, aut cognito nō paret, etsi omnia norit, & multa mundorum millia possideat. Deus enim gaudiū piorum est, omnibus & singulis in solidum. Huius itaq; felicitas vitæ in bene viuendo cōsistit, vt monet Aristoteles. Augustinus significātius, in altitudine sapientiæ, suauitate consciētiæ, sublimitate virtutum. Daniel nunquam felicitatem viuentium nisi ad cœlestia bona respectu definit. [b] Et dedit ei potestatem, & honorem, & regnum: & omnes populi, tribus & lingua ipsi seruient: potestas eius potestas aterna, qua non auferetur, & regnum eius, quod non corrumpetur. Speciem regni angelus vnus exhibuit, magisq; Danielē terruit atq; in admirationē adduxit, quā vniuersa Chaldeorum gloria. [c] Et

b c. 7. 14.

leuauit, inquit, oculos meos, & vidi: & ecce vir vnus vestitus lineis, & renes eius accincti auro obrizo, & corpus eius quasi Chrysolithus, & facies eius velut species fulguris, & oculi eius vt lampas ardens: & brachia eius, & quæ diorsum sunt vsq; ad pedes, quasi species aris candentis: & vox sermonum eius, vt vox multitudinis. Hanc speciem Prophetæ Deus ostendit, vt intelligeret omnem regum magnificētiā de luto esse, omne gaudium interpolatū mistura doloris. omnia dulcia terminari acerbis, manere nos purā in alio mundo beatitudinem. Ea causa omnium bestiarū corpora exusta, & in cinerem redacta toties inculcat, & regum horribiles exitus. Experti sunt illud ipsi terrenæ felicitatis amatores, quos in falsa opinione beatitudinis exitium deprehendit. Indicatum hoc à priscis Italiæ incolis, qui Latinarum feriis quadrigarum certamine victoriam consecuto, quod summum decus habebatur, inter præmia absinthiten propinabant.

*Externa
non faci-
unt feli-
cem.*

Non igitur felicem faciunt hominem, quæ extra animum sunt, vti nec onera camelum, nec asinum cli-
tellæ, nec equum frena aurea, aut phaleræ. Seruitutis
sunt illa testimonia, & miseriarum instrumenta. Non
iuuat ægium sponda aurea, lassat anhelum tam pon-
dus aurum quam lacerum. Viuere beati omnes deside-
rant, & ea quærunt, quibus miseri fiant. Beata vita
non est, nisi in bono certissimo. Illud in Deo est, &
Deus est, pro illa vita hæc bene impenditur. Alie illud
animo impresserat Cerealis vir Illustrissimus, aulicus
Cæsaris, sed magis Christi. cui cum Licinius consula-
ris suaderet, vt idola coleret, sæpiusq; rogaret, *vis viue-
re?* Respondit: *Si non vellem viuere, Christum non colerem,
non confiterer.* Hanc vitam non putabat vitam, in qua
meliora præcedunt, deteriora sequuntur, vt in vase,
quod sincerum est, primum hauritur, sæculenta ad ex-
tremum subsidunt: sed illam in qua non vnus æui tur-
ba sumus, nec vnus ætatis ad finem properantis, sed a-
lumni æternitatis.

Hic etsi omnia ex animo cedant, non tamen lætan-
dum est, sæpius miser est, cuius voluntas impletur. In
hac vita bonus animus ad felicitatem omnia potest.
Gaudenti carcer latus est, palatium mœrenti angu-
stum, Daniel gaudet in lacu Leonum, Baltassar in cor-
uiuiio futura morte pallet. Felicitas huius vitæ tumet,
plena vento, idcirco nihil recipit, illa plena Deo nil
maius accipere potest. Hortamur itaque, vt hanc ad
illam referat, qui per hanc ad illam eundum esse di-
dicit.

Ætate fruiere, mobili cursu fugit,

Vitæ optimos dies effluere prohibe.

*Vita cu-
randa.*

Solus fruitur, qui virtuti ætatem impendit. nam læ-
tus fructum exspectat. Effluere sinit, qui delicta iuuen-
tutis, aut senectæ, aut inferis luenda transcribit. His
vita supplicium est, non felicitas, breue supplicium,
sed

sed quod morte inchoatur, non enim malis lethum est d Sen. de portus, sed procella. Quare cum festinatione petenda breuitate sunt æterna, quia [d] temporalia sunt breuissima. Ca- visa & de uendum ne nos sæculi ruina opprimat, intentos & ar- consul. ad tonitos inanibus. Excellis multo facilius calus nocet. Polyb. Plur. ad Leoni rugienti Apollo.

Placet in vulnus maxima ceruix.

Et Deus permittit. Nam vt in morborum doloribus incontinentes, ita in prosperitate stulti sunt incurabiles. Segetem nimia perdit fertilitas, vt humi procumbat, immoderata felicitas lassat, deinde sternit animos imbecilles. Magnis ventis similis est fortuna maxima, nunquam non abest. Magno robore opus est vt obstitatur turbini, maiore animo, qui felicitatem vincat.

¶ 3.

Cum igitur felicitatem non faciant opes, non vestis Nihil in Tyriæ fulgor, non vina, non dapes, non quicquid in a- aulæ felix. la blanditur illecebris, vel amplitudine percellit: alia quærenda via est. Nabuchodonosor Chaldeus quicquid optarunt alij, possedit, auream statuam fecit, quam nunc reges omnes simul non possunt. Rex regum erat & dicebatur, quod etiam Persæ imitati sunt cl. 12. fl. 1. damo Persarum g Deprap. Euang. l. 9. [e] teste Justino. [f] Brissono. Regnavit ab India ad Æthiopiam vsque, imo vsq; ad Hispaniam, vt Eusebius ex Beroso, Megasthene, Abydeno probat. Quod quâuis nonnulli de Iberia Asiatica intelligant, tamen veteres auctores de occidentali Iberia sunt accipiendi, quod an verum sit dubito, nam Hispanias occupare sine Italiæ metu, motuq;, aut etiam damno non potuit, de quo tamē apud Romanos scriptores nulla est mentio. Verum de aulæ felicitate certum est, pleriq;, etiam Salomoni nocuisse. Maxime Antiocho, & Antichristo Felicitas nocet. h. 8. 25. infesta, vt Daniel testatur, [h] *Secundum voluntatem suam & dirigitur dolus in manu eius: & cor suum magnificabit, & in copia rerum omnium occidet plurimos: & contra Principem*

Gg

Prim-

si alter, miserum prædicabant. stolide inquam, neq; e-
nim de felicitate vitæ fugientis breuitas, sed æternitas
iudicat. Deinde in ipsa æstimatione felicitatis errabāt.
Si dies in morbo, dolore, labore, contumelia, longus
fuiſſet, atro calculo notabant: Si in conuiuio, luxu, in-
iusta victoria, candore honorabant, at vero dies illi ne-
fasti erāt, & aterrimi, origines ærumnarum. Tanto dies
illi infausti magis, quanto infelicius est esse scelestum,
quam mœstum. [a] Daniel vir desideriorum Deo gra-
tissimus, [b] Noacho, & Jobo comparatus à Spiritu
sancto, in exilium, in seruitutem, in odia impiorum, &
insidias natus est, ad flendas Babylonicæ captiuitatis
ærumnas. Nec felicem fecit aulæ potestas & honos, sed
dignitatis contemptus. Totus liber Danielis nullum
nominat, aut per signa describit, non aduersis exagita-
tum. Socij illius in fornatem conficiuntur, passi, quic-
quid ferre animo destinarant. Sapientes Babylonis
quærentur ad mortem, Nabuchodonosor cum bestiis
stabulatur: Balſasar cum aula trucidatur, reges mu-
tuis cadunt cædibus. Susanna ad mortem ducitur, &
quod morte grauius tanquam adultera.

^a Daniel. 1.
^b Ezech.
14. 14-

§ 2.

Nemo planè ita aberrat, vt statuatur: Eos qui aduer-
sis conflictantur Deo gratos non esse. Sancti in prospe-
ris paudent: non enim testis innocentie est prosperitas,
sed mentem à timore diuino soluit. Nec ærumnæ, ca-
lamitates, contumeliæ reprobationis indicia sunt, sed
probatio virtutis. Nemo plura passus quam apostoli,
& inter eos plura Paulus, quem præter cætera et-
iam Deus naufragiis probauit, quatiebantur latera o-
neraria, stetit nauis mentis inuicta. Quicquid bonis
mali obicitur est vsq; ad tempus, [c] Antiochus co-
gitationes machinatur, contra munitiones, sed vsq; ad
tempus.

^c 7. 12.

Bestiæ læuierunt in sanctos, & dati sunt illis in præ-
dam, non quia Deo derelicti sint, vt bene puer heroici
animi disputabat. [d] Noli frustra errare, nos enim propter

^d 2. Mass.
7. 18.

nos metipfos hac patimur, peccantes in Deum nostrum: & digna admiratione facta sunt in nobis: Et Daniel [e] Aliarum quoque bestiarum ablata esset potestas, & tempora vite constituta essent eis vsque ad tempus & tempus. [f] & cum tempus aduenit regnum datum est sanctis. Nunc quidem contra sanctos Altissimi præualet impietas, Diuinæ providentiæ permissu atque ordinatione. [g] & tradentur in manu eius vsque ad tempus, & tempora & dimidium temporis.

Hæc enim omnia complebuntur, & singulatim commendatum est Danieli vt intelligeret. *Intellige fili hominis, quoniam in tempore finis complebitur.* Et signâter addit: [h] *Dixitq; mihi: ego ostendam tibi, quæ futura sunt in nouissimo maledictionis: quoniam habet tempus finem suum.*

Danielis sancti patiantur. Quorsum toties de aduersitatibus loquitur Daniel, nisi vt ad eas ferendas vocari se iusti & Electi norint, ne animum despondeant, definit tempus, & enoluto tempore promittit regnum, Consideranda sunt quæ de persecutionibus scribit. [i] *Et impii in testamentum simulabunt fraudulentè: populus autem sciens Deum suum obtinebit & faciet. Et docti in populo docebunt plurimos: & ruent in gladio & in flamma, & in captiuitate, & in rapina dierum. Cumq; corruerint, subleuabuntur auxilio parrulo: & applicabuntur eis plurimi fraudulenter. Et de eruditis ruent, vt consensentur, & eligantur, & dealientur vsque ad tempus præfinitum: quia adhuc aliud tempus erit, Et faciet iuxta voluntatem suam Rex, & eleuabitur, & magnificabitur aduersus omnem Deum & aduersus Deū Deorū loquetur magnifica. & dirigetur, donec compleatur iracundia: perpetrata quippe est definitio.*

Ne vero sine redemptione se fore putent, post tribulationem de regno loquitur. Nam oblata potestate bestiarū ostenditur bestialium reprobatio, & patientium assumptio. [k] *Suscipient autem regnum sancti Dei altissimi: & obtinebant regnum vsq; in seculum, & seculum seculorum.*

Non sunt ista de reliquis, congerie lapidum, per quæ vrbium nidores ascendunt, nec de vligine paludum accipienda: sed de regno altissimi, de quo dicit Prophe-
ta. [l]

ta. [l] Regnum autem & potestas, & magnitudo regni, quæ est 1 c. 7. 27.
 subter omne cælum, detur populo sanctorum Altissimi: cuius regnum, regnum sempiternum est, & omnes reges seruient ei, & obedient.

Itaque in Daniele pati aduersa est electorum, ideo autem breue tempus ponitur, quia ostenditur retributio. Sic Daniel post summam tribulationem, quæ tempore Antichristi futura est, salutem Electorum collocat. [m] In tempore autem illo consurget Michael princeps magnus, qui stat pro filiis populi tui: & veniet tempus, quale non fuit ab eo ex quo gentes esse ceperunt vsq; ad tempus illud. Et in tempore illo saluabitur populus tuus, omnis, qui inuentus fuerit scriptus in libro. mc 12. 1.

Salutem autem non temporariam, aut quæ sit luti congestu, corporumve pastu, sed plane splendidam. [n] Et docti fulgebunt quasi splendor firmamenti, & qui nc 12. 3.
 ad iustitiam erudiunt multos, quasi stellæ in perpetuas æternitates.

Breue igitur tempus est summæ tribulationis. Daniel explicat: [o] Et audiui virum, qui indutus erat lincis, qui stabat super aquas fluminis, cum eleuasset dextram & sinistram suam in cælum & iurasset per viuētem in æternum, quia in tempus & tempora, & dimidiū temporis, & cum cōpleta fuerit dispersio manus populi sancti, complebuntur vniuersa hæc. q c. 12. 7.

Joannes in Apocalypsi addit, non fore tempus amplius. vt certo constet piis liberatio, non satis est angelo dicere, iusiurandum solenne præstat. Paucis diebus definit abominationem desolationis. [p] Et à tempore pc 12. 11.
 cum ablatum fuerit iuge sacrificium, & posita fuerit abominatio in desolationem, dies mille ducenti nonaginta. At qui eam vicerit, beatum prædicat. [q] Beatus qui expectat, & q c. 2. 12.
 peruenit vsq; ad dies mille trecentos triginta quinque, omnia vero idcirco fieri assentit, vt [r] Eligantur & dealbentur, & rc 12. 10.
 quasi ignis probentur multi: & impie agent impii, neq; intelligent omnes impii, porro docti intelligent.

Omnes quos orbis infima cloaca continet, quam terram dicimus, boni & mali ad præmia proficiscimur,

Plane similis est militari expeditioni, qua itur ad triumphum, ad militiæ præmia. Eunt vna victi & victores, hi opibus, & gloria inclyti, illi mœsti catenis trahuntur, his æternus honos, illis mors non finienda.

¶ 3.

Iusti probantur.
sc. 131.

Hæc etiam reliquæ Scripturæ comprobant. Nam & Jobum clades morbiq; fidum Deo monstrarunt, & Tobix dicitur: [1] *Quia acceptus eras Deo, 'necessesse fuit vt tentatio probaret te.*

Eccli.
27.7.

Monet quoq; Salomon [1] *vasa figuli probat fornax & homines iustos tentatio tribulationis.*

Bonum est aduersari.

Plane in fornace vitur palea, purgatur aurum. Amplitudines miscentur felicitatibus, acris sunt condimenta suauium. Sensus eorum, quibus sola dulcia placent, puerilis est. Infelicissimum genus est infortunij semper fuisse felicem, nunquam enim probatus est. Et miser, qui nunquam miser, ad lanienam enim alitur & saginatur. De talibus male iudicasse Deos Democritus putabat. Dominus quoque noster, venite nos in mundum pronūciat, vt crucem feramus, nec se dignos esse, qui non tollunt crucem, & sequuntur crucifixum: vitæ igitur rationes conturbant, qui ad hoc se natos arbitrantur, vt in ocio cum dignitate, sine ærumnis vivant:

Vita flumina.

Si nihil, in aula aduersi sibi ominati sunt, non modo cœlestis providentiæ sunt ignari, sed vitæ quoq; communis, quæ etiam tum facillime transigitur, & quasi aqua delabitur in mare mortuum, non potest esse sine vexatione. Flumini enim vita similis, quod curuo tramite decurrens, nunc scopulis suis illiditur & spumat, nunc in ripas impingit, nunc ex alto præcipitatur, in illud sordes vndiq; ingeruntur, nauibus scinditur, in riuos ducitur, molibus arctatur. Vitam nostrā nunc hostes impetunt, nunc æmuli frangunt, ægritudines ad finem impellunt, potentes premūt mundus contaminat, senectus constringit. Nemo tam stultus nauigat, qui non præsumpsit tempestatem: Tu in aulam ingressus nihil mali euenturū cogitasti? Si euenturū putasti,

raſti, præſens perfer, turpe eſt ante pericula ferocem, in iſtis pauidum eſſe, nauem ingreſſus, de iactatione non queritur, nec malis quæ elegit ſponte, ſuccumbit. Qui iſta non meditatus incurrit, ad primum congreſſum vincitur, & miſeriam malè ferendo geminat. *Juſtinus*
Caſar.
Junior capto Circeſio in furorem actus, nec ſani quicquam agere, nec cogitare potuit. Coſroës rex Perſarum *Coſroes.*
in carcere obiit mœrore, ad proſpera fruenda inſtitutus erat, aduerſis impar. Vix Chriſtianus eſt, qui cum incommodo aliquo pulſatur, dolori, aut iræ immittit habenas, me minerint medios inter fluctus ſe deprehēſos à tempeſtate: ſub periculo durandum. Melius perſentes & aſpreta itur ad gloriam, quam per amœnitates ad exitium. Omnia præſentis vitæ mala cum corpore moriuntur, at peccata morte reuiuſcunt, ad quæ vitanda & corrigenda dum à Domino corripimur, ſpem concipimus, cum hoc mundo non dammandos.

§ 4.

Dum clades ingruunt, dum triſtibus flagellamur, manſueſcere diſcimus, humanitatem amiſſam reddit aduerſitas. [u] Leana Danielis dum aliſ ſuper omnia euehitur, in omnes ſæuit, euulſis aliſ cor hominis datum eſt: Diſcit imbecillitatem, & mores bellui noſ exiit. Chaldaeus Monarcha, vt homo fieret, in beſtiam mutatus eſt. Dum omnia feliciter eueniunt, adulatur illis ſanitas falſa & decipit, inerti tranquillitate torpeſcunt: ingenium felicitate corrumpitur, vt quiete ſtagnantes aquæ. Vitium non apparet, niſi moueantur, concuſſæ graueolentiam exhalant. Alexander bello nobilis Maximiano occulta *Alexander*
Mar: yr.
vitia exprobat, & aperta, quæ felicitate occæcatus, non videbat, *Tu habes,* inquit, *Inſanabile malum actus tuos.* Ex illis inhumana crudelitas. Nec in aula ferocioreſ facile inueniaſ illis, quos in deliciis viuenteſ fiducia ſui deludit, ſine metu deterioris fortunæ. Humaniffimi fere ſunt tribuni, cæturiones, militeſ veterani, quos vi gilix, caſtra, vulnera, fameſ & plurimorum morteſ contemnere humana docuerunt. Plus in ſago, & galea,

inter arma & cædes humanitatis discitur, quam inter fallaces aulæ blanditias : nimirum mala nos nobis aperiant : Nabuchodonosor inter bestias humanitatem didicit. Felicitas superbæ mater, huius iniuria proles est.

Religio
crescit ad-
uersis.

x Orat. 3.
yl. 5. c. 6.
de signis
Eccles.

zl. 2. p. 26

Mæror & quæ pulsant mala cordis humani sunt vincula, quæ ventis agitantur arbores aliis figunt radices. Nostra persecutionibus creuit religio, in pace deteriores facti sunt Christiani : vt inter alios [x] Nazianzenus probat. Hoc etiam [y] Bozcius ex fida Ecclesiæ historia demonstrat, iniquissimis temporibus latissime fidem propagatam. Hyems lenior est arborum, vt Plinius docet Prosperitas est Ecclesiæ perniciēs. Vbi nihil asperum, atq; aduersum occurrit, profectus non est solidus. In agro Syracusano si lapides auferas, sterilescunt fruges. Dura fidem firmat, vbi solidū fundamentum non est, labunt ædes. [z] Arnobius sane aduersis crescere religionē docuit. Nonne vel hæc saltem fidem vobis faciunt argumenta credendi, quod iam per omnes terras in tam breui tempore & paruo, immensi huius sacramenta diffusa sunt? quod nulla iam natio est tam barbari moris, & mansuetudinem nesciens, quæ non eius amore versa molliuerit asperitatem suam, & in placidos sensus assumpta tranquillitate migrauerit? quod tam magnis ingeniis præditi Oratores, Grammatici, Rhetores, Consultiuris, Medici, Philosophia etiā secretarimantes, Magisteria hæc expetunt, speris quibus paulo ante fidebant : quod ab Dominis se serui cruciatibus affici, quibus statuerunt, malunt, solui coniuges matrimonii, exheredari à parentibus liberi, quam fidem rumpere Christianā & salutaris militiæ sacramenta deponere? quod cum generapænarum tanta sint à nobis proposita religionis huius sequentibus leges, augeatur res magis, & contra omnes minus atq; interdicta ferum diuinum animosius populus obnitatur, & ad credendum prohibitionis ipsius stimulis excitetur.

§ 5.

Prospera atque aduersa non æstimare, vnicum inuidiæ remedium est, quæ in aula fere principatum exercet.

cet. Chaldæi liuore & maleuolentia [a] Danielis collegas accusant. Sunt ergo viri Iudæi, quos constituisti super opera regionis Babylonis, Sidrach, Misach, & Abdenago: viri isti contempserunt, rex decretum tuum, Deos tuos non colunt, & statuam auream, quam erexisti, non adorant. Sub Dario Medo alij homines, mores etiam peiores: non suo periculo, non innocentia Danielis mouentur, vt partant, plane tartareum illud vitium est. Quare & illi, & vxores, liberique pereunt. Non inuidebant sapientia, non innocentia, sed futura dignitati, quia magni illam aestimabant, dæmon cuius inuidia mors introiuit in orbem terrarum, præ omnibus inuidet saluti. Illi inuidia similima fuit prima hominis ex qua mors fraterna secuta est, Dei enim beneuolentiam Cainus inuidebat Abeli. Omne genus hominum illa pestis infestat, interdum afflat & sanctos. aulam instar spectri, aut Bacchantis Empusæ funestat. Causa est quædam paritas, & rerum animorumq; simultas; nam figulus figulo, & medicus medico inuidet. gratissimus regis quisque esse desiderat, si ille in alium est pronior, liuore mox tabescit, & vt vultur cadaueri, ita malis illius imminet, atque inhiat. Gladiatores odere pares, in arena conclusi, ferro & igne in pugnam adacti inuident; mors aduersarij cuique victoria est. ynde tantum mali? Socios oderunt, & magna petunt quæ petuntur. Pœna inuidia est aliena felicitas, solatium aduersitas, errore magno. Nam aduersa prosunt, prospera dissoluunt, nemo inuidet Martyri in rogo, vel e culleo sudanti, inuident a soto luxurianti. Pusilli enim animi est inuidia, res paruas magni aestimat, filia superbia, genimen viperinum, matris interfectrix. Rheda transit, & tonitru putat, tubus est Astronomicus, qui ex minimis facit ingentia. Semper redit in auctorem, comes fortunæ est. Vere [b] Statius

Inuidia ex
rerum flu-
xarum ni-
mia esti-
matione.

Perverso
inuidet.

b l. 5. Syl.

Quisnam impaata consanguinitate ligauit,
Fortunam inuidiamq; Deus? quis iussit iniquas
Æternum pugnare deas? nullamne notabit

Gg 5

Illu

Ille domum, toruo quam non hac lumine figat?

Proinus, & seu a perturbet gaudia dextra?

*Fortuna
comes in-
uidia.*

*In aula est incitator, quoniam maiora bona videntur, quæ
magis torquent, inuidia est alta petere.*

Inuidia quoniam seu fulmina summa vaporant,

Plerumq; & quæ sunt aliis magis edita cunq;

Nec considerat liuor pericula celsorum, quod nulla celsa tuta, quod oculos turbant despectu, non quod quicquid in altum fortuna tulit, ruitura leuat. Sic Diophon socio crucem altiore inuidebat: de cruciatu gaudebat. Fœditatis vilissimæ vitium est, dæmoni proprium, Deo repugnat: nam dedisse eum aliis bo-

[Pyth. 3.] na indignatur, & ringitur, cognouit hoc Pindarus. *[c]*

Non oportet, inquit, cum Deo contendere, qui nunc his, nunc illis grande decus largitur. Verum in eo errant, quod grande decus non vere æstiment, & fere in nugis aut ludicris ponunt: maiora prætereunt. Hircum caprarum in tanta gloria vrebatur, vt *[d]* Ælianus testatur inuidia.

*d l. 12.
Alexan-
drinui-
dia.*

Perdiccæ inuidebat, quod bellica fortitudine: Lysimacho, quod peritia præstaret. Seleuci magnanimitate cruciatur, Attali regia quadam dignitate. Ptolemæum æmulabatur, quod cuncta illi succedere prospere cerneret. Suis ipse ducibus, & illis ipsis ornamentis, per quæ vincebat, malignus inuidebat, Caligula Homero, Virgilio, Liuius: famam enim magni æstimabat. Tiberius architectum liuore interfecit, *[e]* vt Cælius refert.

*e l. 2. c.
30.*

¶ 6.

*Inuidia
malum.*

Si vere alienum bonum, ex sententia omnipotentis æstimarent, nō hominum errore; nunquam collegis inuiderent, sed pauperes, afflictosq; colerent, magnatum felicitatem horrent. Vitium suum maxime detestarentur. Nam vt prudenter aduertit Nyssenius; *Inuidentiæ calamitas, non est proprium malum, sed alienum bonum: prosperitas è diuerso non proprium bonum, sed proximi malum.* Procius dæmonum est, non suo bono, sed malo

malo alieno gaudere. *Ærugo* & *tabes animi* est, cui hoc vel præcipuum malum inest, quod obsequio effertur invidus. Laudatores alienæ virtutis sunt tortores invidorum, qui lippis similes longinqua non vident: Digni qui ubique oculos habeant, ut ubique torqueantur, ut qui tam alieno bono quam suo malo crucientur, ideoque mœsti viuunt, non quia male ipsis, sed quia aliis bene est. Hanc fortunatis aduersariam parauit improbitas, innascitur ut cantharides tritico luxurianti, ita liuor de fortuna pingui. Tacite sed inimice irascitur, nec vocem edit, cum venena figit. Turbas concitat, amicis insidiatur. Oculos fallit, quibus bona maiora, mala minora apparent. Muscæ ad vlcera, porci ad cœnum aduolant, animalia quæ eodem pabulo vtuntur, bella inter se gerunt, fœnum, & lutum, & volutabrum sibi inuident, nec enim meliorum illis sensus est. Quam detestabilis sit liuor, vel hoc ipsum docet, quod solertissime regitur gloriæ studium, opum cupiditates, iras, odia, amores multi sæpe fatentur, inuidiam etiam cum bonis alienis ingemiscunt sibi esse negant. Scilicet nullius criminis maior est pudor.

C A P. LXVII.

Nobilitatis æstimatio.

§ I.

FVLgens palatij vestibulum nobilitas, & longo ordine proauorum censi magnates, nusquam maior contentio, quam de stemmate, ingens indignatio, si quid possit ignobilis, hinc ira, inuidiaq; vilis animi venenum. Omnia facilius ferunt, quam si nota stemmati inuratur, gladio vindicatur minima de nobilitate controuersia. Et profecto generi deferendum est. Iussit honorari captiuam nobilitatem rex Chaldæus, qui regi

a Dan. 3. regi tamen Jechoniæ non aperuit carcerem. [a] Et ait
3. rex Asphenez præposito Eunuchorum, vt introduceret de filiis
Israel, & de semine regio & tyrannorum.

Danieli & sociis crescendi initium generis claritu-
do dedit. Virtutem barbarus non videbat. Nec alia
b Eccl. 1. mens Salomonis. [b] Beata terra, cuius rex nobilis, & cuius
10. 17. principes vescuntur in tempore suo ad reficiendum, & non ad
luxuriam.

Eleazarus sane heros fortissimus nobilitatis cogita-
c 1. 2. c. 6. tione, se ad virtutem excitat, vt testatur historia [c]
23. Maccab. At ille cogitare capit ætatis ac senectutis sue eminen-
tiam dignam, & ingenitæ nobilitatis canitiem, atq; à puero o-
prima conuersationis actus.

Razias quoq; nobilitatis & natalium memor, mori
d 2. Mac- quam indigne tractari ab hostibus maluit. [d] Razias,
cab. 14. inquit, Scripturâ, quidam de senioribus ab Ierosolymis dela-
37. & tus est Nicanori, vir amator ciuitatis, & bene audiens: qui pro
seq. affectu pater Iudeorum appellabatur. Hic multis temporibus
nobilitati continentie propositum tenuit in Iudaismo, corpus & animam
consenta- tradere contentus pro perseverantia. volens autem Nicanor ma-
nea agit. nifestare odium, quod habebat in Iudeos, misit milites quin-
gentos, vt eum comprehenderent. Putabat enim, si illum dece-
pisset se cladem Iudeis maximam illaturum. Turbis autem ir-
ruere in domum eius, & ianuam disrumpere, atq; ignem admo-
uere cupientibus, cum iam comprehenderetur, gladio se petiit.
Eligens nobiliter mori potius, quam subditus fieri peccatoribus
& contranatales suos indignis iniuriis agi. Sed cum per festina-
tionem non certo ictu plagam dedisset, & turba intra ostia ir-
rumperent, recurrens audacter ad murum, precipitauit semet-
ipsum viriliter in turbas: quibus velociter locum dantibus ca-
sui eius, venit per mediam ceruicem: & cum adhuc spiraret,
accensus animo, surrexit & cum sanguis eius magno fluxu de-
flueret, & grauissimis vulneribus esset saucius, cursu turbam
pertransiit. & stans supra quandam petram præruptam, &
iam exanguis effectus, complexus intestina sua, vtriusq; manibus
proiecit super turbas, inuocans dominatorem vitæ & spiritus,
vt hæc illi iterum redderet: atq; ita vita defunctus est.

Scio

Scio factum Raziæ à nonnullis reprehendi, quod negant vllius sui occidendi datum esse, verum cum tot Martyrum natalitia celebremus, qui in ignem, & in flumen se ex alto præcipitarunt, specialissimo S. Spiritus instinctu, non est causa, cur Raziæ diem dicamus, qui eadem duce nobiliter mori elegit. c Comm. in Macc. [e] Serarius præceptor meus eum defendit Augustino accusante, quamuis ille, contra circumcelliones disputans, quod ex communi norma, non quod speciali Spiritus sancti afflatu liceat, definit. f Iudicum 6.29.30. g c.11. [f] Samson columnam deiicit, & moritur anima eius cum Philistiim [g] ex Epistola tamen ad Hebræos sanctum esse docemur. Tobias etiam genus ex comite filij sui quærit, & cum intelligit esse Azariam Ananiæ filium ex magno genere esse affirmat. h 12.25. i Num. 25. [b] Balaam quoque nobiles, deinde nobiliores ad Balacum mittit legatos. [i] Sur erat nobilissimus, erat princeps Moabitarum, nulla tamen re alia quam lenocinio filia notus. 25.15.

§ 2.

Nemo quamuis promptum habeat in assentatione ingenium potentibus aduletur, nemo nobilibus. Pares omnes nascimur pares. mnes nascimur. omnes nascimur pares. Hoc ius gentium est, de eodem luto pauper est, & reges. Licet hos aurum, illos de celspite culmen tegat, quæ & ipsa de luto sunt. Plus in auro splendoris, plus in celspite fructus. Quare stulti sunt, qui aliena bona iactant, vt propria nulla habent. Justum est piis gaudere parentibus, qui benedictionem Dei posteritati relinquunt, at nunc, qui genere nituntur, magnos iactant, non bonos, non pudet improborum progenitorum, sed pauperum, qui error in regia cœlesti damnatur: atque in angelorum concilio perinde ridetur, ac si quispiam de parentibus cruciariis, bestiariis, bustuariis se se extolleret. Vere ad Imperatorem suum Agapetus: Maiorum nobilitate ne quis delitescit: limum enim habent omnes generis auctorum, & qui purpura byssoq; turgent, & qui paupertate & aduersa valetudine

Ad Iustinianum Imperatorem rem.

tudine affliguntur, tam qui diademate redimiti sunt, quam qui per cubicula excabant: ne igitur intulentum iactemus genus, sed morum integritate gloriemur. Scito o pietatis diuinitus fabricatum specimen, quia quanto maioribus dignus habitus es tribuente Deo muneribus, tanto maius ipsi nomen es. ergo redde benefactori debitum gratitudinis, acceptati debitum ut meritum, & beneficio beneficium rependenti: ipse enim semper & beneficiis prior promeretur, & ut debitum beneficia repensat. gratitudinem autem exigit à nobis, non quæ verborum blandorum prolatione, sed quæ rerum piarum oblatione peragitur.

Nobilitas itaq; nulla est, aut laus exigua Christiani, si Hieronymo credimus: Ex vno omnes nascimur, ex vno renascimur, non vilescere peccatis, vera est generositas, non seruire dæmoni vera libertas.

§ 3.

*Nobilitas
in virtu-
te.*

Virtutis igitur totum est, quod nobilitat. Bene docuit Democritus nobilitatem pecorum in valido corpore, hominum in virtute censer: tribuendus illi honor cum adsunt mores, & dotes animorum: quas natura inchdat, institutio perficit. [k] *Annus producit*, inquit Eurip. *non ager, educatio mores, non genus*. Suffocari se clamabat Epicharmus, cum de genere se iactarent ignobiles. Quid enim cæco cum speculo? Degenerem dedecorat prosapia. Aristippus filios ignauos, & improbos spernebat, nec magis curandos indicabat, quod ex se nati essent, quam pediculos, aut pulices. Nimis hoc asperum, nec paternum illud Stilponis, cum diceret: *Filia me non dedecorat, nec illam ego decoro*. Demetria degenerem occidit. Huniades quoq; Henrico imaginibus glorianti occinebat,

Degeneres.

Non maioribus tuis, sed tibi me comparo.

Non nascitur è milite miles, nec ex luctatore luctator. non est nobilitas, quam sola ostentant insignia; nobilis est, quem vita sancta commendat, quem gratia honestat, ne degeneret, quæ dedignatur seruire vitis, quæ probitatem morum suco, & tumulis opponit, hæc est

est superna, sanguis virtutum, de sanguine Christi ornatum trahens, non à malis, non à sepulchris, non illa quæ sæpe ex malis, sæpe ob flagitia, sæpius venditur [1] ^{1 Isid. l. 1. Epist. 291.} ab Eunuchis & regiæ gratiæ institoribus. Miser est, cui sola maiorum virtus est, miserior, qui auorum crimini- bus clarus est, miserrima est superba nobilitas, quæ cœ- lo ignobilis est. Non est tuum, quod fortuna fecit, tuum non est tuum, quod maiores abstulerunt, & tu- mulo condiderunt, nihil tuum est, nisi opera tua. Ge- nus cum loco virtutis ponitur, res publica interit. No- bilitas debet imponere tibi necessitatem non degene- randi, ne illud audias: Heroum filij noxæ. Hanc igno- bilitatem senibus Daniel exprobrat. [m] Semen Cha- ^{m c. 13.} naan & non Iuda. Virtutum semen ille æstimat damnat vitiorum plebeitatem: Vere [n] Nazianz. Si vero perfe- ^{n Orat. 23.} ctius & latius postulatis, tale erit: Hic ex optimis optimus, & ex nobilibus nobilissimus. Nobilitatem autem dico, non quam pleriq; existimant: absit. Non enim nostrum est, nec philosophi- cum, eam admirari, quæ à fabulis & sepulchris, ac supercilio iam pridem putrefacto manat: nec eam, quæ ex sanguinibus & laceris oritur, quam noctes largiuntur, ac regum, ignobiliū quoq; fortasse, manus, nobilitatem, velut quiddam aliud, iubentium: sed quam pietas & mores notant atq; indicant, & ad primum illud bonum, ex quo originem traximus, ascensio. Huius nobili- tatis hoc vnum argumentum est. Non enim Martyr duntaxat ipse est, sed etiam ex Martyribus. Itaq; virtutis exemplum ipse domi habuit. Virtute Christi, non natiuitate gratia, re- gnumque acquiritur, fidei puritas, virtutis integritas. Vna vera est nobilitas, ipsa pietas, vt sciamus, vnde pro- gressi simus, quo ituri. Illa quæ legibus curiæ sancitur, sine pietate euanida est.

Audite viri nobiles Nazianzenum nobilem gene- re, nobiliorem eruditione, & Patriarchatu, sanctita- te nobilissimum. Veram nobilitatem hunc in modum ^{Triplex nobilitas.} describit. Nobili loco natus est? Probitatem morum generis splendori opponet, atq; ex aduerso spectandū producet. Ita, dupli- si nomine clarus erit, nempe & maiorū imaginibus, & propria virtu-

virtute, ac primum in inspectus. Obscuro & ignobili genere ortus est, quantum ad statum & lutum attinet? (si quid tamen magni inter lutum ac lutum interest) at spiritualement nobilitatem illius loco afferet & qua sese quisq³, vel in melius, vel in deterius effingit: reliquas autem nobilitates, quæ vel seruntur, vel principum diplomatibus comparantur, ut viles & adulterinas, nulloq³ in pretio habendas procul submouebit. Est enim triplex genus. Vnum, quod superne originem traxit: quod quidem si consideremus, omnes peraque nobiles sumus, quippe ad imaginem Dei creati. Alterum, quod à sanguine proficiscitur: cuius ratione haud quidem scio, an quisquam nobilis dici possit, cum corruptione conslet. Tertium à virtute aut vitio agnoscitur, cuius vel vberius, vel exilius participes efficimur, prout, opinor, diuinam imaginem vel integram seruauerimus, vel corrumperimus. Atque hanc demum nobilitatem amplectetur, quisquis verè sapiens ac Philosophus fuerit. Nam quantum illud nobilitatis genus, quod in principum diplomatibus & edictis consistit, tum vlllo loco ac pretio habebit, cum pietatem quoq³ pulchritudinem laudandam duxero, simiamq³ ob id venerari cæpero, quod leo esse iusta sit.

Nobilitas
imago
Dei.

Nobilitas igitur Christiani est imago Dei, ad quam es creatus, ea integra, atque ad Archetypum assimulata, si conseruetur, aut vbi vitium fecit, reparetur. Quid moraris mortalia, & de maioribus gloriaris, à Deo animus factus est, & ad creatoris similitudinem, quæ inclusa temporario vasculo, sed luteo, de carcere, aut carceris sui conditoribus laudem nō nisi inaniissimam captare potest. Hanc Christiani hominis nobilitatem, dignitatemque luculentissime Macarius exposuit. Nam in solo homine Deo complacuit, eum super omnia, etiam angelos extulit, ipse Christus Dei filius Deus, homo factus est, non angelus, amicos, fratres, consanguineos nos suos fecit: Dominus fratrem se profiteretur. [o] Et extendens manum in discipulos suos dixit: Ecce mater mea, etiam fratres mei. Quicumq³ enim fecerit voluntatem patris mei, qui in cœlis est, ipse meus frater, & soror, & mater est.

o Matth.
17. 49.
30.

At

At vero improbis nulla est nobilitas vera. De his elogium Domini habemus. [p] *Vos ex patre diabolo estis,* ^{p Ioan. 8.44.} & desideria patris vestri vultis facere. & Elymam [q] Paulus ^{q Act. 13.10.} filium diaboli nominat. O plene omni dolo, & omni fallacia fili Diaboli, inimice omnis iustitiæ, non desinis subvertere vias Domini rectas.

Et Joannes [r] *In hoc apparuit filius Dei, ut dissolvat opera diaboli. Omnis qui natus est ex Deo, peccatum non facit: quoniam semen ipsius in eo manet, & non potest peccare, quoniam ex Deo natus est. In hoc manifesti sunt filii Dei, & filii diaboli. Omnis qui non est iustus, non est ex Deo, & qui non diligit fratrem suum.* ^{r 1. Ioan. 3. 8.9.10.}

Hæc ergo est nobilitas nostra, iusti sunt filii Dei, non *Soli iusti* est maius tēma, cælo fixum est. Impij filij sunt diaboli, non est maior contumelia, scēditasq; terræ intolerabilis, sub terram condenda, inferis vrenda. Vbi plurima est mundi nobilitas, vbi potentes torquentur potentius. Non enim multi nobiles, non multi potentes sunt à Deo electi, ut testatur, qui in tertio cælo audiuit arcana verba, quæ non licet homini loqui. Paucitatem tamen nobilium & potentium cælo inferendorum putavit illicitū tacere. Imo hoc Spiritus sanctus reuelavit, ne quispiam se ex eorū numero esse gloriaretur, quorum pauci electi, multi sunt reprobi. Nobilitas si cælo gratior, quam plebs esset, appetenda foret. Si privilegia Cæsarium, titulorū series, & signa in cancellaria æternitatis, in libro vitæ rata essent, iure optimò ceræ atriorum ostentarentur: Nūc quia pauperum, initium, lugentium, persecutionem patientium est regnum cælorum, non multorum nobilium, non multorum potentium, paueant, qui in illo stant ordine, quorum multi pereunt, pauci saluantur.

¶ 4.

Cur vero pauci nobiles electi, cur cum insignibus, & funerum pompa subeunt barathrum, æternum arsurū? Perpetuum malum nobilitatis quo pereunt, est superbia, Deo inimica: quod olim fuisse Salustius aliq;

H h

ti a-

s. l. x.

Mamas.

e Surinus in
eius vita.

Rufina

Secunda.

tradiderūt. Alterum malū, q̄ maiores suos in suam gloriā vixisse suspicentur, ocio se dedant, & luxui, [s] Philip. Comminēus nobiles suæ ætatis, nihil scire ait, quasi ad ludū iocumq; nati sint, aliis negocia cōmittere. Nō ita Mamas martyr admirandus, qui licet ob nobilitatē tormentis exciperetur, sibi tamen mortē pro Christo potiozem quouis honore profitetur. Non Rufina nobilissima Romanarū: cum enim Archetilaus religionē Christianam nobilitate indignā affereret, illa cum sorore Secunda, improprium Christi solam nobilitatem esse pronunciat, & hoc testatē nobilissime moriuntur ambæ. Romanus etiam martyr apud Prudētium aliud nobilitatis, & plebis discrimen esse pernegat.

Generosa Christi secta nobilitat viros.

Si prima nostris, qua sit incunabulis

Origo textu stemmatis recenset.

Dei parentis esse ab ore cœpimus.

Cui quisq; seruit, ille vere est nobilis.

Patri rebellis inuenitur degener.

*Nobilitas
ante dilu-
uium.*

Qui igitur se meliores aliis, qui ab eodem conditoris ore esse & viuere cœperunt, vani arbitrantur, merito à Deo repelluntur. Sane annis ante diluuium 1600. nemo de nobilitate se iactare poterat. Annis namq; nongentis triginta, quibus ille vixit, omnium parens auus, atauusq; monstrabatur. Ad Cataclysmū vsq; viuebant multi filij, & filia, quos Adamus genuerat, iam senior, & si nobiles, qui nunc ad Agamemnonē, & Troianos genus referre amant, maiores suos viderent forte plures, quorum puderet, q̄ quos gloriæ sibi esse crederent viderent. Jactantia. n. nobilitatis est de vitæ breuitate, non probitate. Si auus sancte, integre, vixit, nō censetur filius nobilis. Si per fas, & nefas ad honores euectus est, & nunc sub ignib. detestatur diē natiuitatis suæ, de parentis instabilis damnatu, de radice peccati sobolescit nobilitas posterorum. Miratus sum & illud, q̄ in [u] actis Apostol. legitur. Paulo reddidisse mulieres nobiles nō paucas, grande miraculū, q̄ indicare Spirit⁹ S. voluit, & obseruari: magna. n. opus gratia, vt celsa fastigia humilitati Christianæ inclinari se permittant. Sed cur nihil de viris? non multi nobiles, non multi potentes, plures pereundi occasiones viris, quam fœminis.

u. 17. 4.

¶ 5. Nobilitas in Scriptura magis à virtute, & dotib. *Nobiles*
 laudatis, quàm genere accipitur. [x] Moses cōstituit du- *factis.*
 ces & tribunos, nobiles, seu notos, *ἄρχοντας*, qui no- *x Num. 1.*
 minatim vocabātur. Et deinde: [y] Non valeo solus nego- *y 16.*
 tia vestra sustinere, & pondus ac iurgia. Date ex vobis viros sapi- *y Dent. 1.*
 entēs & gnaros, & quorū cōuersatio sit probata in tribubus ve- *13. 14. 15.*
 stris, ut ponā eos vobis principes. Tunc respondistis mihi: Bona res
 est, quāvis facere. Tulistis de tribubus vestris viros sapientes, & no-
 biles, & constitui eos principes tribunos, & cēturiones, & quin-
 quagenarios ac decanos, qui docerent vos singula. [z] Et Samuel *z 1. Reg.*
 vocatur vir nobilis, *ἄνδρα ἄριστον*, Hebrais honorat⁹, grauis. [a] Tales *6. 9.*
 erant cū Dauide fortes factis nobiles. [b] Talis maritus sēmina *a 2. Reg.*
 sapiētis. [c] Alexander quoq; pueris nobilibus, h. e. bellatorib. for- *23. 19. 23.*
 tissimis diuisti regnū. Nobiliū cū ab honesto discesserūt precipua *b Prov. 31.*
 pœna. [d] Reges improbi alligātur in cōpedib. & nobiles eorū in *23.*
 manicis ferreis. [e] Turbata rep. insurgit ignobilis contra nobilē *c 2. Macc.*
 & *ἡ ἀντιπαρθεσία*, In honoris contra honoratū. Nobilium *d Psal. 149. 8.*
 cædes facta in clade Judaica. [f] Propterea captiuus ductus *e Isai. 3. 5.*
 est populus meus quia non habuit scientiā, & nobiles eius inter- *f Isai. 5. 13.*
 ierunt fame & multitudo eius siti exaruit. Propterea dilatauit *14.*
 infernus animā suam, & aperuit os suum absq; vllō terminō, & *Nobilium*
 descendēt fortes eius, & populus eius, & sublimes, glorioſiq; eius, *malorum*
 ad eum. Nabuchodonosor cū Sedecia filios, in patris a- *pœna.*
 lpe aut occidit, ipsum ex oculauit, plebi pepercit, nobi-
 litatem deleuit. [g] Et occidit rex Babylonis filios Sedecia in *g Jerem.*
 Reblata, in oculis eius: Et omnes nobiles Iudā occidit rex Baby- *2. 39. 6.*
 lonis. Quo hoc ostenditur q̄ supra monui, paucos nobi-
 les saluati, delinquētes acerbius puniri. Tēterrimus re- *Ignobile*
 gū, asperrimus tyrānorū, Ecclesię persecutor radix pec- *ininitium.*
 cati, figura est Antichristi Antioch⁹, qui appellatus est
 [h] nobilis. Nemo excepta ipsa bestia à Daniele scelera- *h 2. Macc.*
 rior describitur. Monarchiarū initia non modo parua, *2. 21.*
 sed etiam vilia, & pudēda fuerunt. Chaldæi mancipia
 Assyriorum, Persæ Medorum, Macedones fœdissima
 gens, Romæ cōditor ne legitime quidē natus, & in As-
 sylo fæces Italiæ, qui patrē nominare possent patricia
 dignitate non tam insignes erant, quam aliorum spu-
 ritum genus arguebant. Regia tribus erat Judæ, de in-
 cestu tamen auctoris, ex ea Christus nasci voluit, nec

*Ignobiles
à Deo e-
leſi.*

adulteram in ſerie nobilitatis omittere, vt vanitatem eorum, qui in carne & ſanguine gloriantur, elogio ſuo tolleret. Non reſpicit ortum Deus, Saulem ab aſinis Daudem ab ouibus, Juſtinum ab hara, Cyrum è ſylua Leonem Thracem à caſa, Maximinum à bobus, Macrinum, & Pertinacem à ſeruitute, à pala & cophino ad ſolium vocauit: aut illis diadema permisit, inter eos maxime celebratum Maximini obſcurum genus, conſcios enim natalium ſuorū occidit, qua crudelitate maxime vulgauit infamiam. Quare omnis nobilitas vana eſt, niſi cum eſt incitamentum virtutum. Aut ſi vera eſt, à piis, & cælo fruētibus tantum eſt. Nam de illis gloriari, quos Deus dæmoni torquendos tradidit, non modo vanum eſt, ſed etiam impium. Damnatio enim non ſolum acerba eſt, ſed etiam pudenda. Cum enim ſint miſerrimi, atq; abiectiſſimi, nemo ramen eorum miſeretur, omnes inſultant, & ex merito pati lætantur.

Qua de cauſa nobili, & potenti magna cauſa formidandi, nulla gloriandi eſt. Pauci enim ex illis electi. Opeſe ſæpe iniuſte congerunt, & ſi iuſtas habent, auare poſſident. Caſtra ſere criminum infamia laborant. Olim dictum eſt,

Nulla fides pietasq; viris, qui caſtra ſequuntur.

Habent ramen Chriſtiana caſtra milites timentes Deum, habent cēturiones, qui ex animo orant, & conſitentur non eſſe ſe dignos quorum ſub rectum Chriſtus ſubeat, quorum fidei non inueniatur ſimilis in Iſraël, habent ſuos Cornelios, ſed oppido paucos. Magnates, Tribuni, quæſtores, centuriones, cum feſta adueniunt quibus ad myſteria Chriſtiani inuitantur, ſi ex futuro prælio, aut vrbiſ oppugnatione mortis periculum immineat, miles gregarius facile ad delictorum pœnitentiā & exomologēſin adducitur, remoras non habent. Magnates vel ſcortis adhærent, vel ſubditorū prædas habent, vel militum ſtipendia detinent, quare cū iniuſte ablata reſtituere nolint, vel prorſus myſteriis abſti-

abstinent, vel sacrilego ludibrio illa sumendo cōtamināt. atq; ita aliquādo integri exercitus vix vllōs magnates habent, quibus non sit decreta iam olim gehenna: quia ad pœnitētiā illis viam spolia iniqua obstruunt.

CA P. LXVIII.

De aula vestitu, externis cerimoniis, atq; errore nobilitatis, ac diuitum.

§ 1.

VEstiendi vanitas ab aula fere in ciues populosque manat. Varius est vestitus & mutatur in horas. Or^{Vestium origo crimen.} natus eius maxime cupitus vilib⁹ ingeniis. Sceleris nostri velum est, in paradiso augustior erat, ac venerabilior nuditas, natia puritate refulgens: in cœlesti patria vestiemus gloria, non inferentur in eam maiestātē aut vellera arborum, aut bestiarum exuuiæ: nulla ibi aëris iniuriæ, nec indecora nuditas, cum corpus mortale induerit immortalitatem, cōformatum corpori Christi. Dum iter facimus in illam patriam peccati opprobriū in ambitionem vertimus, & ignominia insignibus superbire lubitum est. Omnibus sumus animantibus stultiore, qui nec pilorum, nec plumarum picta varietate delectantur. Capuanum quendam refert Plinius eam imagine signasse, qua sculptus erat pater eius singulari certamine à Scipione occisus, nos quoq; dum vestes ostentamus, parentum dedecus, mortemq; nobis ad ludibriosam gloriam circumferimus. Porro vestitus non vna ratio est. Grauis est, levis, splendidus, mediocris, sordidus, insanus.

§ 2.

Grauis vestitus erat & splendidus, quo induti collegæ Danielis. [a] *Et confestim viri illi vincti, cum braccis suis, a c. 3. 21. & iaris, & calceamentis, & vestibus, missi sunt in medicum fornacis ignis ardentis.*

Hh 3

Tres

Chaldaei-
cus vesti-
tus.

Tres illi viri Babylonicæ Monarchiæ principes, more aliorum magnatum splendide indui erant. Vestes eorum nominantur, ut furor regis ostenderetur in pœnam festinatîs, apud Romanos quos flagellaturi erant vestibus spoliabant, non exuendo, sed eas dilacerando tum ut plus terroris adferrent, tum ne mora magistratum offenderent. Hic cum veste preciosa in ignem coniiciunt, iræ regis obsequentes. Primum vestimenti genus Braccæ, Hieronymus Græcos ait vertisse Ἀναξυρίδας, quas quidam dici volunt ab ἀναστροφή, quod sursum trahendo induantur. Chaldæus textus vocat Sarbel, hinc veteres auctores retento nomine Sarabel-

De orat. la vocant alij Sarabara, ut [h] Tertullianus. sic habet &
Sarbel. Romana editio, sed Complutensis ἀναξυρίδας, Hiero-

nymus docet legendum Saraballa, quod cum Chaldæo textu convenit. Sarbel ait idem crura hominum significare, ac deinde tegumenta eorum seu tibi alia, ve-

Saraballa. rum Elias Thisbi Sarbelin vocat, quibus crura induuntur. Interpres Græcus olim μώνια, Latinus Ridicula, longe à sententia Danielis digressi. Cur vocet Munsterus amicula, Calviniani, & Lutherani Chlamydas non video causam. Nam & Hebræi vocant tegumenta cru-

Bracca. rum, & Græci & Latini ita vertunt. Theodoretus vocat ἀναξυρίδας, tibialia quod tibia circumdant. Tibialia tamen quæ tota crura & pudenda quoque velent, quales sunt tibialia quorundam caligis annexa. Sic Eustathius in 2. Iliad. appellat. Erat habitus ille Assyrius, Chaldæus

Xenoph. Persicus [e] Cyrus habuit braccas ianthinas. In precio
l. 8. is color fuit, ut constat ex Ezechiele: *Et vestiui te discoloribus, & calceavi te ianthino: & cinxi te bysso & indui te subtilibus.* Eustathius quoque vocat βραχμία, interpretatur, Sui-

d 16. 10. das βραχμία, vocat vestem Persicam. [e] Persius braccatos Persas vocat, sic & [f] Ouid. Isidorus l. 19. originū

e Sat. 3. & Curtius vocat velamenta. In precio fuisse tradit [g]

f l. 5. iust. Xenoph. ubi thoracas pretiosos habuisse, & variegatos

Eleg. 11. anaxyridas seu braccas recēset, Quin & [h] Strabo tri-

g l. 1. ana- plices principum braccas fuisse docet.
tas.
h l. 15.

Alterum vestimenti genus est Tiara, quod Chaldæis dicitur Petasch, quod Hieronymus genus pilei Persici

& Chaldæi appellat. [i] Pollux Carbasian, & Cidarin, [k] Dionysius ἀπικας apices [l] Herodotus Pileum. Et *l. 8. c. 13.* Anacreon. Et Parthicas cohortes cognovit è tiara. [m] Mar- *kl. 2.* tialis Parthos vocat Pileatos. Deniq; Petasch addita *ll. 3.* Latina terminatione Petasus est, erant autem etiam in *ml. 10.* Græcis & Latinis comædiis Persæ Petasati. Quare ne- *ep. 12.* scio quid in mentem venerit illis, qui femoralia vocât. Mirantur illi inter iniiciendum non abreptum, aut decussum pileum, ne in terram quidem cecidisse. Sed admirationem [n] Strabo tollit. Vocat ille tiaram pileum turtitum, alium principibus alium plebi tribuit. Principum ac magorum malas mentumque tegebant, *n. l. 15.* cum elati essent virttis ligabantur, illis in præliis utebantur, & aliquando ad humeros alligabant, meminit eorum [o] Marcellinus, aliiq; historici.

Tertium vestimentum est Carbel Chaldæis, quod alij paludamentum, alij pileum, Hieronymus calceamenta vocat, Septuaginta *ἑκατημιδίας*, nimirum calcei erant, sed ut more ociearum regerent, & tibiæ par- *Calcei.* tem. Initio quidem calceamenta vilissima vestium pars fuit, at ornatu additus est, ut Stephanus de urbibus, Eustathius, Suidas: Sane [p] Clemens Alexandrinus, vetat auratos, gematosq; calceos, & factos inani arti- *p. l. 2. c. 11.* ficio, & cothurnos Persicos ac Tyrrenicos. Persæ autē Medorum, Chaldæorumq; factum celerrime secuti, ut & Alexander magnus Persicos habitus, quare Macedonas suos adhuc rusticulos offendit.

His adiunguntur & vestes alię, nimirum, toga aut stola, & chlamys, & causa cur non exuerint, redditur, quia *iussio regis urgebat.* Primo nominat femoralia quæ exui non poterant, nisi aliis detractis, deinde Tiaram virttis tæniisq; illigatam, tertio calceos, demum alias vestes oblongas, ut erant apud illos quam stolam Medicā posterius dixerunt. ne hanc quidem detraxerunt. Vestes omnes graues & splendidæ fuerunt, credo & versicolores *Variegata* nam tales amabat Oriens. Josepho Jacob fecit tunicā *gestis a-* polymitam, seu ut Hebræus, *particulatū*, non confuta- *mata Ori-* tum, sed intextarum. Et Solymis Deus obiicit indutos *int.*

q. 16. 10. à se varietati, vt Ezechiel habet. [q] Et vestiui te discolori-
 11. 12. 13. bus, & calceau te ianthino: & cinxi te bysso, & indui te subti-
 libus, & ornaui te ornamento, & dedi armillas in manibus tuis,
 & torquem circa collum tuum. Et dedi in aurem super os tuum
 & circulos auribus tuis, & coronam decoris in capite tuo &c.

[r] Ezechiel etiam Assyrios producit vestitos hya-
 10. 23. 6. cintho, & veste varia, quod in Hebræo est perfectioni-
 6. 12. bus, seu vniuersitate. Septuaginta vocant ἐμπέφυκα, be-
 ne subtexta. Persis hæc vsitata fuerunt, luxum & super-
 11. 5. c. 21. biam imitatis Chaldæam. Ammianus describit, & [s]
 11. 3. Ælianus pauonē ait superare Medorum vestes, & Per-
 11. 3. sarum versicoloria [t] Curtius facit purpura distinctas.
 11. 3. Meminerunt [u] Halicarnasseus, [x] Propertius [y]
 11. 4. Xenophon, & Seneca in morte Claudij. *Pictaq; Medi,*
 11. 4. *terga fugatis.* Habitam in precio, & aspectu iucundam
 11. 6. pad. varietatem, ex eo constat, quod ornatus ille caula fuerit,
 * Ezech. cur * Oola Samaria, & Ooliba Ierosolyma intanierint
 23. 36. libidine in Assyrios, & trucidatæ sint. Salomonis fuisse
 exquisitum ornatum Dominus noster indicat, cum ne-
 gat in omni sua gloria coopertum fuisse sicut vnum
 11. 1. reg. è lilis. [z] Regina Saba inter alia quoq; mirata est ve-
 10. 5. stes ministrorum, non regis ipsius; Eum Iosephus de-
 scribit, & adolescentum cinnos auri tamentis spar-
 tos ad solem relucere solitos narrat.

¶ 3.

*Aula or-
 natu pro-
 bandus.*

Gravi igitur vestitu & splendido vsos sanctissimos
 illos Babylonis principes, & Dei martyres, ipsumq; Da-
 nielem in confesso est: nec obstat pietati ornatus, si iu-
 sta causa sumatur. Deus illis insigne magistratus, & ve-
 stem decoram seruauit à flammis intactam. [a] Et con-
 gregati satrapæ, & magistratus, & iudices, & potentes regis,
 contemplabantur viros illos, quoniam nihil potestatis habuisset
 ignis in corporibus eorū, & capillus capitis eorum non esset ad-
 ustus, & sarabala eorum non fuissent immutata, & odor ignis
 non transisset per eos.

Possunt igitur reges diademate, auro, gemmisq; or-
 nati, possunt stare reginæ in vestitu deaurato, circum-
 data

data varietate. Et ad modum regium, aut ultra etiam, si ita regibus visum fuerit, splendere magnates. Exempla habent innumera, & hoc loco socios Danielis, quos vestis Assyria non profanauit, sub textu Babylonio mansit semen Israël, & fortitudo Judæ. nec causa erat, cur peregrina veste Satrapas in se irritarent, cum honor captiuis delatus nimium inuidiæ traheret.

Ratio quædam aulæ peculiaris est, quæ in priuatos non conuenit. Reges enim principesq; cum Dei vices in terris agant, maiestatem numinis quadam magnificentia exhibent. Quemadmodum etiam angeli, quorum in luce & candore diuina puritas figuratur. *[b]* Et ecce, inquit, *vir vnus vestitus lineis, & renes eius accincti auro obrizo, & corpus eius quasi Chrysolithus, & facies eius velut species fulguris, & oculi eius vt lampas ardens: & brachia eius, & quæ deorsum sunt vsque ad pedes, quasi species aris candentis, &c.*

Angeli or-nati appa-rent.

b c. 10. s. 6.

Sacerdotibus quoq; & Pontificibus Deum adeuntibus preciosæ vestes circumdantur, purpura, hyacintho, auro, gemmisque: ad Deum enim animo optimo accedendum est, quod vestium indicat cultura.

Cæterum Justinus Satrapis Persarum purpuream, alij variam, tribuit. Illa quoq; apud Græcos laudem tenuit. vt *[c]* Ælianus, *[d]* Strabo, *[e]* Athenæus testantur. Origo autem Medici, Persiciq; ornatus Chaldaea, *[f]* vt Diodorus Siculus, & Justinus testantur.

c l. 12.

d Strabo

l. 1.

e l. 11.

f l. 2.

§. 4.

Vestis igitur preciosæ, sed grauis finis est, Dei cultus. Hebræi legem audituri iubentur venire munda veste. Populus festo suo concolor esse debet, Martyres Japonici die festo ornantur, & maxime quo pro Christi Martyrium subituri sunt. Vt templa ornantur, ita & corpora, sed Deo, cuius homo est imago, quæ ipsa ad archetypum esse picta debet. Nam si in veste sit ornatus, in moribus turpitudine, recte idolorum templis comparabitur, quod facit *[g]* Clemens Alexandrinus: *g*

vestis preciosa sit grauis.

g p. ad 3.

Hh 5

in c. 2.

in illis omnia bysso, auro & argento fulgent, sed Deus est, vitulus, aut aries, etiam felis, serpens, cœpa, allium. Ordo rerum inuertitur, cum ornatus est aulae regiae, sed vitia haram redolent.

Qua cauenda in vestitu.

Deinde videndum ne ornatus superet statum, aut sumptum: ne subditis sit fraudi: ne multorum attendantur manus, vt vnus luceat articulus.

Vestis peregrina.

h. e. 1. 8. 9.

Sic cultus patrius, qui peregrinum habitum inducit, patriæ contemptor est, & legum, malus ciuis. Grauius hoc crimen est, quam pleriq; existiment. Per Sophoniam Dominus pœnam minatur illis exterorum vitiorum æmulis. [h] *Et erit in die hostiæ Domini, visitabo super principes, & super filios regis, & super omnes, qui induti sunt veste peregrina. Et visitabo super omnem, qui arroganter ingreditur super limen in die illa: qui complent domum Domini Dei sui iniquitate & dolo.*

Principes & filij regum hostiæ cædentur iræ cœlestis, & omnes omnino, qui indulti sunt veste peregrina.

il. 3. pad. 6. 11.

Ante omnia cauendus vestitus leuis, qui inconcinnas habeat varietates colorum, squamas similes serpentinis, qualis est histrionū, de quo Clemens [i] Alexandrinus. Leuitatem voco non modo cum indecens est, sed etiam cum personæ non conuenit, alia decet militem, alia senatorem, quam ornat adolescentem, tam deturpat senem, quia bis puerum demonstrat.

Vestis leuis.

Vestitus insanus.

Insanum habitum voco qualis est, qui spectatur introssulis, & stultis. Amentibus enim qui principum curis gaudia interponunt, vestitus dari solet, ex quo cognoscas facile sapientiā abesse. Plane similis est, quæ ex peregrinationibus referunt iuuenes in Germaniam, qui tanto labore expensisq; nihil sapere didicerunt, illum vestitum dico quem ex præsentis sæculi vano stupore Almodicum libri, & picturæ appellant, nulli probatum, sed modo vsurpatum. Quem insuper insanissimum faciunt, varia capilli tonsura, tortura, horrore, sordibus, monstris.

Almodo.

Vestis insana.

Vestium

§ 5.

Vestium grauium & preciosarum duo fines sunt mali, formæ, & opum ostentatio. Fallunt tamen: nam forma bona non indiget fuce. & sæpe spectatissime vestiuntur, qui in superbia sua famem patiuntur vt canes. Leuis habitus & infanus eodem tendunt, sed minus propositum tenent: nam hic amentia, ille impudicitia professionem continet. Almodicus etiam *Almoda.* militarem terrorem spirat, sed frustra, nemo illa metuit, quæ pueri rident, impexus est, horridusque pilus, & furiam imitatur, sed quia desunt faces & hydri, inermis iactantia ludibrio est. Sed fines illos expendamus. Peccant, qui alienis oculis ornantur, & laqueum animis ponunt. Formæ lis est cum pudicitia, & vere dixit Nazianzenus: [k] Paucos amabilissimos esse castif- *k Orat. 19.* simos. Ornare se vt forma placeat fornicum est. [l] Ta- *l 4. reg.* lis erat inueterata dierum malorum venefica, de qua *6. 9. 30.* historia Regum natrat.

Porro Iezabel introitu eius audito, depinxit oculos suos stibio, & ornauit caput suum, & respexit per fenestram.

Et ne de impudicitia dubites, exprobrat eam Jorammo Jehu. [m] *Qua pax adhuc fornicationes Iezabal matris m 4. reg.* tuæ, & veneficia eius multa vigent. *9. 22.*

Quis porro finis formosæ meretricis & ornatae? forma fama fucus, caput sanguine mistum, & equorum vngulis conculcatum. Ita sacra historia. [n] *At ille dixit eis: præ-* *n V. 33.* *cipitate eam deorsum, & præcipit auerunt eam, aspersusq; est san-* *guine paries, & equorum vngula conculcauerunt eam.*

Hunc etiam in tribu Juda Deus exitio puniuit vt minatus est per Jeremiam. [o] *Tu autem vastata, quid facies?* *o 6. 4. 30.* *cum vestieris te coccino, cum ornata fueris monili aureo, & pin-* *xeris stibio oculos tuos, frustra componeris, ceteros erunt se ama-* *tores tui, animam tuam quarent.*

Non est forma non virilis, decus: sed fœda, si absit vir- *Forma bæ-* *num fra-* *gile.* tus, de glorioso capillo pendet Absolon, & Galeazius

Secun-

p Orat.
31.

Secundus principum pulcherrimus crudeliter podagrarum doloribus cruciatus moritur. In sola superficie forma est, colore & concinnitate membrorum, senectæ & morborum ludibrium, ut [p] Nazianzenus docet:

Non forma aeterna est, nec cuiquam fortuna perennis.

Nimia
forma cu-
ra.

Forma
nobilis.

Corpus perit, & manere formam putas? Quercus pulchra pastum porcis, vitis lignum abiectum potum regibus præbet. Cura formæ muliebrium ingeniorum est. Quod nascitur Dei est, quod pingitur dæmonis. Effigie mentiri non minus turpe est, quam lingua. Philippus quendam è numero iudicum expunxit, quod capillum tingeret: non putabat in tribunali sincerum, qui capillo fucam faceret. Forma virtutis est index, quædam pulchra, sed tamen stultitiæ lineamenta præfert: ianua animi vultus, crebro tamen fallit. Dignitas viri non in solo vultu, sed in ipsa statura, proportionem, compositione, magnitudine, & norma partium cernitur: quæ ut non est contemnenda, utque illa decet, sic eius cura virum dedecet, stolidi Æthiopes ex formæ priuilegio regem creabant. Strabo quosdam gætes post duos menses explorasse pueros, deformes occidisse tradit. Sophitæ non alebant, nisi quibus honesta forma Lycurgi lege exponebatur, inhumana crudelitate. formam maxime deturpat habitus insanus, quem almodicum appellant, leuis prostituit, grauis ornat. Viro nobili

q Luc. ad
Pis.

[q] *Talis inest habitus, qualem nec dicere mæstum
Nec fluidum, læta sed raticitate seuerum,
Possumus, ingenua stat nobilitatis in illo
Pulcher honos, & digna suis natalibus ora.*

¶ 6.

Corporis
composi-
tio.
r Concil.
Carth. 4.

Adiungam & nonnulla de familiaritate, colloquio, moribus externis. Nam flos formæ vox est, vestium ornamenta gestuum decora flexio. [r] Hæc si imposita sint, mentis inæqualitatem indicant. Incessus modo

modo citus, modo tardus machinationes inexplicabiles. oculi vagi impudentiam, deiecti mœsticiam, in altum ducti superbiam, ad hirquos versi nequitiam signant. Incessus grauis, & moderatus modestiam, oculi naturali situ politi animi æquitatem. Pedum sit, dum statur, moderata diductio. Verba pauca, pro re nata, nam minimum loqui, vbi vberior sermo decet, suspicacis est, aut contemnentiis. Ne nimium facilis esto: sic auctoritas perditur, opinione adulationis. Multo minus difficilis: morosi patria est solitudo. Morositas offendit, vt virum austerum, delicatum est genus iracundiæ, vt etiam nimium placendi studium, molestum est. In colloquio manibus pedibusq; gesticulari inde-

Gesticulationes extera.

Verum nihil in moribus æque molestum seueris, æ-

Gestus almodici.

que ridiculum faceris, quam exoticarum gesticulationum affectatio. Insipientium furor, qui patrios mores exosos habent. Geminus error, multiplices ineptiæ. Error est velle placere Germanis de peregrinis gesticulationibus, plerunq; ineptis. Grandior est error, existimare, mimesin, & histrioniam à se decenter in scena exhiberi. Hinc quotidianæ ad fastidium ineptiæ, scio illos, qui peregrinitatem induerunt, mihi non credere, iudicem dabo de Gallia, ex illo enim regno imprudentiores redeunt, qui parum cauti fuerunt ingressi, & multo tempore alieni moris peruersa ridiculaq; imitatione populares delectant. [s] Igitur nulli ignotus s

Euphormio ad Christianissimum regem Ludouicum XIII. hunc in modum scribit. Nullis mortalibus indoles ad speciem virilis elegantie magis facta. Oris intrepidi habitus, motusq; atq; gestus, qui totum corpus decet. Et hic decor virtutem ingentium virorum adornat; exiguis autem animis res.

profuso est, ac veluti naturali munimento, quo suam humilitatem abscondant, aut mitigent. Sic venuste compositi qualemq; vestitum de suæ mutationis infinita serie, tanquam de inexhausta penâ deprompserint, quocumq; salutationis artificio corpus inflectant, putes nihil magis illa institutione connenire.

De icono anim. par.

4. c. 3 p. 73.

Gallici gestus de decet exte-

ros.

nire.

nire. Vicina autem gentes ridiculo errore decepta, ad illorum quoque mores, per eorundem vestium ac motuum variam imitationem putant accedere; ignara, leporis & gratia virtute in nonnullis hominibus vno genio cuncta placere; in aliis autem, in quibus natura ad hos mutabiles habitus propitia non est, eiusdem venustatis imitationem & curam, ingrata ac ludicram esse. Nam virtutes & vitia, & quicunque alij motus ipsis animi recessibus inhaerent, possunt à nobis non multum operosa simulatione effingi; quia adeo ingentibus latebris reconduntur nostri sensus, ut vix ullus deprehendat, veris, an extemporaneis affectibus deducamur. Sic facile humilitatem simulabis, sic odium, amorem, pietatem. At vero quæ non magis imperio animi, quam usu, & externo corporis obsequio perficiuntur, eorum imaginem in te transferre, reluctante natura, non poteris; ut est aptitudo corporis prompto habiliq; decore idonea, ut hilaris iocandi facilitas, & omnino eloquentia non in praeordiis, sed summo ore nata. Hæc autem cum in Gallica consuetudine emineant, ægerrime te ad illius similitudinem transferes, nisi te tuus genius huic indolis sponte admouerit.

Mores
externi in
Germanis
fucus.

Tu ista decere arbitraris? at ille negat. Animis exiguis ait esse pro fuco. Imitatores Gallorum ridiculos ait, ignaros gratiæ. Negat exteris naturam ad tam mutabilis habitus propitiam: utinam vero Germanis ad sinceritatem & constantiam instituta patria perseveret. Ait curam imitandi ingratam ac ludicram: addo etiam principum vultu, atque inusu sociorum castigandam. Fateatur à Gallis ista fingi, ut deprehendi vix possit, veris ac extemporaneis affectibus deducantur. Quid igitur aliud agit nobilis Germaniæ, mimus de Gallia, quam ut gestu moneat, ne credamus affectus regenti? Simulare per ista poteris, non tamen fallere, iam nos scriptor ille docuit, hæc esse simulationis artificia, quæ prædita non fallunt, sed odio sunt. At recte, inquires, mimum ago. Si vera naras, genius igitur tuus, iudicio Euphormionis illi te indoli admouet: hoc est, ut supra dixerat ad motus mutabiles. Mores adolescentiæ Gallicæ, si ad regem ille

Fallacia.

ille vere scribit, imitari te nolim: [t] Adolescentia, in-
quit, ac iuuentus, insano incautoq; impetu vt plurimum fer-
uet. Vana in eiusmodi etate libertas, nunc iocandi, nunc i-
gnotos pariter notosque laceffendi, & vbique titulos nimia se-
curitatis affectans: leues animi, & rumoribus rapti, iam im-
patientes ocij, moxque tumultus. Ostentatio libidinis supra
naturæ desiderium inepta; tum inconsulti risus, neminiq; par-
centes; vis etiam intra se irrequieta, per varium ac multipli-
cem tumultum erumpens. Quidam tamen in omnium exor-
diis rerum induunt non veram, & ideo maiori specie suborna-
tam prudentiam: Veluti matura sapientia compositi, verba
tarde euntia deducunt, lento vultu, & astum cum humanita-
te fingenti. Ex re quoque factum nomen, vt appellent frigidi-
tatem. Sed & virtutis simulatio tunc est ingrata; nec diu
tam scenica persona impatientem omnis veli leuitatem abs-
condit.

Iuuentus
Gallicana
Euphor-
mionis

At humanitatis plenæ sunt illæ actiones. Credo in
illis, in quibus natiuæ sunt: nam si cta humanitas ge-
minata fraus est. Humanitatem docet etiam Germa-
nia de Gallis non iudico, noui plures & humanita-
te, & fide constantiaq; insignes: Euphormio tamen
eos notat, nec timet regi suo ista scribere. [u] Soli Gal-
li quocunque in peregrino solo consederint, præsertim si mise-
ri, & ad opem alienam conuersi, sauisima emulatione decer-
tant. Tum occulta ludibria, liuorque deformis, tum profes-
sa odia, & rixarum etiam ad peregrina tribunalia conciu-
es vocantium derisa improbitas. Sic inter se certantes nescio
qua infamia apud imperitos inundant suam gentem, quasi in
inuidiam nata sit, exorsq; quietis, ac amoris, quo vnius patria
ciues arcana vi natura coniunxit.

u p. 86.
Galli sibi
infecta.

Si te illis moribus ostentes, vide ne suspicionem
moneas, vt te quoque aliena se ceturum, à ciuibz tuis a-
lienum iudicent.

Et tamen, inquis, mores illi politici sunt, & humani.
Audi Euphormionē. [x] Adhuc autē sedius in Galliarum
visceribus peccant, qui passim tanquam gladiatores ad arenam
damna-

x p. 87.

damnati, subitis odiis, armisq; priuatis, ad vltima discrimina committuntur. Rem immanem, & ad istius seculi probrum, leue iurgium, solaq; altercantium ambitione increfciens, aut reuera innocens iocus, plerumq; autem turbulenti ingenii precipitatio ad famam. saepe ad tristissimas cedes, & familiarum orbitatem, lymphatam iuuentutem propellit.

Deliciae sermonum, gestuum fracta, & humilitati, amori, suauitati assimilata concinnitas tantam atrocitatem sub imitamentis ciuilitatis reconditam habet. An & hoc timendum in troissulis Alemannis externo more lymphatis? Sane vestes & gestus, si videat non sanus Orestes, insanos iudicaret. Inter propinquos & illa bella: Euphormio. [y] Et vero nihil iam ad amentiam, aut impietatem residuum in propinquos amicosq; seu iuentibus.

z P. 91. Cur vero ista? [z] Ineptissimo desiderio, inquit Euphormio, fama: vt iactentur magno vita contemptu in arenam processisse, id est, truculentissimum facinus ausi esse barbara ignoratione virtutis. Quisquis igitur exteros praese mores fert, & popularibus obtrudit, nunquam exteriorum vitiorum suspicione carebit: affectatae beneuolentiae simulatione inuisus.

C A P. LXIX.

Conscientiae cura, & innocentia commendata ante omnia magnatibus.

§ I.

Daniel
conscientiam
cōmendat.
a c. 1. f.
b c. 4.
c c. f.
d c. 6. 22.

[a] **D**Anieli sociisq; barbaram aulam ingressis prima cura fuit, ne contaminarentur. [b] Monuit etiam regem, ac conscientiam illius mouet, iubet peccata eleemosynis redimere. [c] Grauius etiam Baltasarem de conscientia admonet, ipse innocentia sua tutus est. [d] Deus meus misit angelum suum, & conclusit ora leonum

Leonum, & non nocuerunt mihi : quia coram eo iustitia inuenta est in me : sed & coram te rex, delictum non feci.

Deus enim innocentia vbiq; vindex est & patronus quod edicto suo Darius ostendit. [e] ipse liberator, atq; c. 6. 17.
saluator, faciens signa, & mirabilia in cælo & in terra, qui liberauit Daniele de lacu leonum.

Ipse enim Deus innocens & sanctus sola conscientia puritate delectatur, homini vultus formositas Deo mentis pulchritudo placita est. [f] Antiquum dierum f. 7.
vidit, vestimentum eius sicut nix candidum, & capilli capitis eius quasi lana munda. Hæc enim purissimæ diuinitatis symbola integritatem nobis quoq; commendant. Nam quæ patimur aduersa, quæq; possunt in nos Deo gratia innocentia.
aduersarij, causam primam habent ex nobis, meremur enim pœnas. Hoc quoq; Daniel prædixit in Ecclesia futurum, quod nunc quoque nimium experimur. Cornu paruulum deiecit ait de fortitudine, & de stellis & conculcasse illas, hoc de viris bonis, magnis, fortibus. Causa autem subiungitur. [g] Robur autem datum est ei g. c. 8. 12.
contra iuge sacrificium propter peccata : & prosterneretur veritas in terra, & faciet, & prosperabitur.

Et [h] deinde surrexisse regem fortem, seu impudentem facie, cum creuerint iniquitates, & roborandam h. v. 13.
eius fortitudinem, non in viribus suis, sed peccatis crederentium. Quod toto capite nono exponit. Finem autem omnium Gabriel Danieli proponit innocentiam [i] Septuaginta hebdomades abbreviata sunt super populum i. c. 6. 14.
tuum, & super urbem sanctam tuam, ut cõsummetur prauaricatio, & finem accipiat peccatũ, & deleatur iniquitas, & adducatur iustitia sempiterna, & impleatur visio, & prophetia, & vngatur Sanctus sanctorum.

Sola curanda est conscientia puritas, & innocentia, hæc omnia potest, quia Deum habet Saluatorem. Hæc Daniele in lacu leonum, hæc Susannam inter iniqua iudicia seruauit. [k] Nam seruatus est sanguis innoxius in illa die. k. c. 13. 62.

Denique conscientiam vnice curandam Daniel nos

*m Ansel.
n 7. Dam.*

docet, iudicium sedit, & libri aperti sunt. [m] Conscientia Codex est, in quo quotidiana peccata scribuntur. Conscientia, inquit [n] Hieronymus, & opera singulorum, in utramq; partem, ut bona vel mala omnibus reuelentur. Bonus liber ille est, quem saepe legimus viuentium. malus liber, qui in accusatoris tenetur manu, qui est inimicus & vindex. de quo in Apocalypsi legimus accusator fratrum nostrorum. Liber ille terrenus est, de quo & Propheta dicit. In terra scribentur. Non dubium quin hic liber ille de quo Apocalypsis. [o] Et vidi mortuos magnos & pupillos, stantes in conspectu throni, & libri aperti sunt: & alius liber apertus est, qui est vita, & iudicati sunt mortui ex his, quæ scripta erant in libro, secundum opera ipsorum.

• 10. 12.

Alterutrum horum librorum quotidie conscribimus quicquid agimus, dicimus, cogitamus in acta referitur. Etiam inania & ociosa, non tantum criminosa presententur.

*Conscientia liber-
tas.*

¶ 2.

Conscientia igitur præ omnibus curanda est, illam nemo decipit, & qui suppressit, pœnam, qui purgat, gaudium sentit. Si illa accusat, nemo liber est. Si non accusat, nullius lingua implicat. Quem de libro Dei non delet conscientia, non potest delere ignorantia, vel malitia aliena. Deus iudex iustus est, conscientia testis verax. Quæ si bona est, nihil illa dulcius, nihil quietius, quotidie virescit, paradisus est, diuinis fluminibus irrigata, si radix sana est, frondes, & flores lætantur, conscientia integra in vultum exit, superat conscientia, quicquid mali lingua finxerit. [p] Ad conscientiam autem diligentiam & custodiam differentia sunt plurima. Rationem enim habemus conscientiam, ad Deum, ad proximum, & ad res. Ad Deum, ne quis scilicet eius præcepta contemnat, etiam in iis, in quibus eum mortalium nemo videt, nemo repetit, nemo iudicat. Custodiat ipse conscientiam Deo in abscondito, ut exempli gratia: Neglexit orationem, ascendit praua cogitatio in cor eius, nec lauit, nec repressit seipsum, sed oblectationi obsecutus est. Vidit proximum quippiam

*p Doroth.
doct. 1. 3.*

vel

vel agentem vel dicentem, statimq. cum suspiciōe illum iudicauit, & vt concludam breuiter, ad omnia diligentia opus est, vel quæ sunt à nobis in abditu perpetrata, vel quæ nullus omnium, nisi Deus & conscientia nostra conspexit. Erga autem proximū conscientia habetur, si nemo quippiam omnino faciat, quod intelligat, quamuis minimam molestiam & afflictionem proximo intuitu asferre. Non re, nō verbo, non animo, non signo, nō aspecta. Sunt enim signa quadam, vt sepe dixi, quibus proximum ladamus, sunt aspectus, quibus eundem affligamus, & molestia non parua afficiamus. Et vt breuiter edicam, quibuscunq. senserit homo molestia se se proximo asferre, ab iis omnibus iubet abstinere conscientia. Quod si contra faciat, commaculatur & rea est, nō ignara ea à se studiose agi, vt noceat, vt affligat. Et hoc est, quod dicimus erga proximum conscientiam custodire. Ad res autem habere conscientiam, est, re nulla abuti omnino, vt scilicet non sinat fœdari rem vel proiici, sed cum viderit quippiam proietum, non negligat, etiam si vile sit sed corripiat potius, & in locum suum statim reponat. Ne quis item propriū vestimentis abutatur, est enim quis exempli gratia, qui tunicam suam queat vnam duasve etiam hebdomadas ferre, & abiens illam ante id temporis abluit & conterit, ita vt cum per menses alios quinque atq. amplius utilis esse posset, crebra lotionem eam reddat inutilem: Contra conscientiam fit hoc. Contrarium in conscientie emundatione peragitur. Lotione crebra, non modo mundior, sed fortior, durabilior, securior efficitur, etiam amabilior, loti cordis os florescit. Bias rogatus quid esset sine metu, respondit: Bona cōscientia. Cum illa munda est, omnia mala contemnuntur. Chrysostomus tantam eius vim esse affirmat: vt sicut scintilla in mari, ita mala omnia bona conscientia extinguantur. Hæc seruos Dei semper contra omnium aduersa firmavit. Mala conscientia timidum facit, radit, vt fluuius ripas, ita animum, semperq. vulnerat, ille ager tectum refugit, vt fumus oculos, ita ista animū morder, illa vnicuique tempestas est sua, cœtera transeunt, hæc perseverat in æternum, opera enim sequuntur in vitam alteram.

Conscientia cura.

§ 3.

*Innocen-
tia studii.**Decus in-
nocentia.**Alphon-
sus.**Vto.**Goar.**qc. 3. Dan**Armin.**r 24. Aug.
mart Rom.**ad Vsuard.**Pontius**Picanus.**trecents**martyres**massa can.**dida.*

Tanto igitur studio incumbendum est, ut crescat cum annis ætas virtutum, ut omne tempus quo meliorem te non sentis, perdidisse te credas. Non enim vita longa optima, sed innocentissima. Nihil sancta maiestas à nobis requirit præter innocentiam, quam facit amor iustitiæ. Est autem illa triumphus gratiæ cum non peccatur, **vbi facultas est, cum abstinetur iniuria** cum nec nocetur inimicis: cum bene iudicatur de omnibus, cum in omnibus esse fides creditur, nisi vbi manifesta perfidia excusationem non tollit. Altare Deo est, in quo requiescit, quod sacrosanctum Deus esse voluit, nec violari potest perniciæ accusatoris. Hæc inter improbos, ut vnio in luto splendidior est. hæc inter pericula secunda est. Alphonsus mirantibus illius securitatē sine satellite ambulantis, respondit, securum esse se innocentia. Innocentiæ omnia elementa famulantur, ignis, aqua, terra, & lux ipsa, quia consciëntia lux est, Vto securim inuentus in sylua, Goar pallium ad solis radios suspendit. Hac pace gestit, in tormentis fruitur iustus. Semper illa emicat, ut sidera, facilius esse vtreum inflatum mergi, quam virum bonum regi docebat Zeno. [q] Innocentiæ trium principum ne fuligo quidem adhæsit, ne odor quidem ignis, picci aut corpori, aut vesti natiuum bonū dempsit. Nulli hominum sunt ad perdendum illum vires, quem Deus defendit. Sempereius causa ad illud tribunal agitur, vbi opprimi non potest, in quo omnis controuersia deciditur. Arminij symbolum erat, *malo mori quam fœdari*. Hoc ille ad speciem innocentia, reuera præstiterunt [r] trecenti illi martyres Carthagine sub Valeriano & Gallieno, quorum multis machinis oppugnata est innocentia, illi vero inter cruciatus aduersum omnia tanquam scu- to innocentia vterentur, tandem, cum præses fornacem calcariam accendi iussisset: *Eligite è duobus vnum, aut thura super his carbonibus offerte Ioui, aut in calcem demergimini, fide armati, Christum Dei Filium confitentes, iclu rapidissimo se in-*

iece-

iecerunt in ignem, & inter vapores calcis in puluerem sunt redacti. Massa candida magis innocentiae luce, quam nitore calcis ardentis. Felicissima tum est innocentia cum *Felicissima est innocentia qua opprimitur.* a persecutoribus opprimitur. Non enim lugendi sunt qui moriuntur, sed qui peccant. Si aliquando Deus illam miraculo rueretur, non tamen felicior est quem persecutio declinat, quam ille, quem sternit. Quod & Daniel monuit. [s] *Et de eruditis cadent, (persecutionis violentia consumpti, & occisi) ut consulentur, & eligantur, & dealbentur usq; ad tempus praefinitum: quia adhuc aliud tempus erit.* *s.c. II. 25.*

Feliciores illi cadendo, quam alij, quos dicit subleuandos auxilio paruulo. [t] *Cumq; corruerint, subleuantur auxilio paruulo.* *t.c. II. 34.* Optimi illi de quibus prophetat. [u] *Et docti in populo docebunt plurimos: & ruent in gladio, & in flamma, & in captiuitate, & rapina dierum.* *u.c. II. 33.*

Joannes Damascenus calumnia manum amisit, felix contumelia, & dolore, restituta est precanti, non ut martyris gloria maior esset, sed ut barbaris diuina potentia patesceret. Hoc ergo studeamus, mundi esse. [x] *x Athan.* Mundus est, qui nullius mali sibi conficius est. *l. 7. 63.* Qui mundam habet mentem, toto corpore mundus est.

¶ 4.

Conscientia puritas gemina est. Abstinere peccatis, & factorum poenitere. Prius paucorum est, alterum eorum quos gratia liberat, Rati, qualis Pudens senator Romanus, S. Pudentiae parens, qui [y] ab Apostolo *y Mart. Rom. 19.* Christi in baptismo vestitus innocentem tunicam vsque ad vitae coronam immaculate custodiuit, sed cuiusq; *Mai. menalog. V. suard. Ado.* nobis incerta est innocentia, etiam cuius nulla appareret culpa, Danielis innocentiae testimonium dat Ezechiel. [z] *Si fuerint tres viri isti in medio, Noe, Daniel, & Iob: ipsi iustitia sua liberabunt animas suas.* *z.c. 14. 14.* Et supra demonstrauimus primam illi curam fuisse, ne contaminaretur cibariis *Poenitentia.* lege vetitis: Deinde vixisse eo modo, ut iniustitia coram Deo non sit inuenta: Sic Christiano Aulico eadem est animi voluntas, & propositi firmitudo, facile vitaret ex-

plo Danielis, ne passim contēpto Deo, pœnas sibi peccando attraheret: est in singulis dictamen diuinū conscientiæ, q̃ nunquā perit, quod officium nobis semper in memoriā reuocat, quod tamen ab imprōbis spernitur, & conculcatur, vt Dorotheus explicat. Hinc malum pessimum consequitur mentis excœcatio. Vt mala sua nō intelligat, nec meditat in res alias intentus. Quod enim oculis tenebræ, hoc menti est peccatum, vt res ipsas non videat, & si quid interlucet, discrimina tamen rerum non cognoscat. Verbum quidem Dei audit, verum vt surdaster confusum susurrum auribus accipit, & sonitu contentus, vocum distinctionem, & subiectum sensum ignorat. Deus limen habitans inaccessum, intuens abyssos, omnia intuetur. Magna pars peccatorū tollitur, si peccanti testis assistat, at vero non facile in palatij frequentia sine teste peccatur, etsi desit cognitor, in cōspectu tamen Dei, & coram multorum millium Angelorum, summam maiestatem offendit. Quantumuis terrenos successus habeant, peccato tamen perpetrando in dæmonis naturam degenerant, quod peccati, haudquaquam naturæ nomen est: vitia naturam peruertunt: Ille quos ad crimen inducit, sibi similes reddit, non potestate cogendi, sed astu suadendi: Epq; facilius, quod quisq; sponte fit malus, nec habet ad peccandum magistrum.

§ 5.

Accedunt in auxilium cupiditatum feruentium, & dæmonis ignem gladio tentationum fodientis, etiam sociorum hortamenta, vt pietas in acie semper periclitatur, inter sacrum, & saxum ingemiscat. pugnando autem ingentem à Dæmone vtilitatem consequi possunt vt Chrysostomus docet, sanctis enim diabolus coronas plectit, improbis laqueos, Casus aliorum retrahere nos debent, à lapsu, non impellere. Lando hino inferos angelus ostendit, summum à peccatis auocamentum, sed malis; qui enim metu iustus est, nondum ad caritatem peruenit: si quemadmodum in sanctorum conspectu sunt

Homa
semper in
conspectu
angelorū.

sunt tormenta impiorum. Sicut scriptum est, [a] *Et hic a Apoc. bibet de vino ira Dei, quod mistum est mero in calice ira ipsius, 14. 10. 11. & cruciabitur igne & sulphure in conspectu Angelorum sanctorum, & ante conspectum Agni, & fumus tormentorum eorum ascendet in sacula seculorū: nec habent requiem die ac nocte, qui adorauerant bestiam & imaginē eius, & si quis accepit Characterē nominis eius. Si inquam ista vidērent forte nouissima sua considerarent, & malorum vitarept causas: Forte dico: dubitare enim me cogit eorum peruiacia omnium contemptrix, qui cum certissimo ista credant, non tamen fide excitantur ad vitanda mala, quæ credunt euentura. Fidei autem certitudo, quam oculorum maior est. Visus fallitur per sepe, prophetico sermoni nunquam subesse falsum potest. Quotidie carceres, flagella, cruces, rogos, mortes repentinas videmus, & tamen inter tot instrumenta pœnarum regnant peccandi libidines. Non cessat culpa, Erius semper in spinis est, peccator perpetes criminum aculeos sentit. Vbi semel impliciti atq; irretiti tenentur, secum onera sua trahunt: vt Isaias prædixit. [b] *Va qui trahitis iniquitatem in funiculis vanitatis, & quasi vinculum plaustris peccatum. Liberati possunt, sed nolunt moneri, nolunt intelligere: [c] Ecce non est, inquit, Isaias, abbreviata manus eo. 5. 9. 1. 2. Domini vt saluare nequeat, nec aggravata est auris eius, vt non exaudiat. Sed iniquitates vestra diuiserunt inter vos & Deum vestrum, & peccata vestra absconderunt faciem eius à vobis ne exaudiret.**

In aulicis casus pronior est, quia per abruptum ascenditur: Cautela debet esse circumspicior. Nusquam enim facilius vitia virtutum specie se ingerunt. Qui manifestè peccat, duplex facit malum, peccat & docet, quod in aula est frequēs ex mutuo conuictu ac consuetudine. Mutuo vitia excusare malunt, quam excutere. Serpunt illa, & contactu nocent, in alios trāseunt, alij alios trudent, nemo retrahit, multitudine impellit, dant animos sociis gloria peccato datur & accipitur. Nectam sancta est vlla societas, in qua non

dc. 5. 9.

9. 10. 11.

e. Prom.

14. 34.

sint peccatores. Nullum malum punicum tam integræ sanitatis est, vt non aliquod granum sit putridum. Facile vulnus, lōga medicina nō vna monitio. Hinc qualescunq; sunt opinione mundi errātis, à Deo reiciuntur, cui odio est impius, & impietas eius. Hinc deinde fons omnium miseriarum. [d] Propter hoc, inquit Isaias elongatum est iudiciū à nobis, & non apprehendet nos iustitia: expectauimus lucē, & ecce tenebræ; splendorem & in tenebris ambulauimus. Palpauimus sicut cæci parietem, & quasi absque oculis attrectauimus, impegimus meridie quasi in tenebris, in caliginosis quasi mortui. Rugiemus quasi vrsi omnes, & quasi columbæ meditates gememus, expectauimus iudiciū, & nō est, salutem, & elongata est à nobis. [e] Iustitia enim eleuat gentē, miseros autem facit populos peccatum: vt sententia Salomonis nemo peccator sit non miser. In concertatione autem malitiæ est miserior, qui vincit; quia plus ex certamine peccati habet.

C A P. LXX.

Magnatibus, Palatinis, magistratibus seria, & grauis pœnitentia conuenit.

I.

*Pœnitentia aliena
ab aula.*

NON vereor ne verba mea repudient: multi enim delicta cognoscunt. Ne tamen se obducent contra flagellantem furdo verberare conscientiam: ne de se male, de regno dæmonis bene mereantur, iustus metus est. Aulam latitiæ esse regiam, & gloriæ gymnasium, non pœnitentiæ carcerem obiectant. Esse ipsis perpetuas nuptias; vbi sponsus sit rex ipse, ad cuius vocē lugere nefas sit. Non ignoro in regno voluptatis ieiunio cilicio, & asperitati plorantium delicta sua non esse locum designatum: sunt triclinia conuiuuiis, atria, choreis, theatra spectaculis, circi ludis, horti deliciis, variâ syluæ in modum venatoribus; extra septa palatii, vt carceres, & latumia, ita pœnitentium ergastula.

stula. Mardocheus scissis vestibus, indutus sacco, sparsus cinere caput, voce magnaibat per mediam ciuitatem clamans. [a] *Et hoc ciulatu vsque ad fores palatij*^{a Esther} *gradiens. non enim erat licitum indutum sacco aulam regis in-*^{4.3.} *trare.*

Regiam Mardocheo ingredi licuit, seruatori regis, *Mardo-* *saccus* vetabat. Quare Esther *consternata misit vestem, chaus non* *ut ablato sacco induerent eum, quam accipere noluit.* Atque *ingressa* *aulam.* ita per internuncios cum regina locutus est, non enim nisi mollibus vestiri in domibus regum esse solebant. Schema pœnitentiæ, habitus miserabilis, in exultante palatio importunus apparatus, & vt musica luctibus, ita luctus gaudiis intempestiuus. Damascenus in historia Iosephari, & Barlaami narrat procul aula, oculisque regum arceri solitos, qui malis humani generis, quæ omnibus timenda sunt, premerentur, mendicos, ægros, leprosos, cœcos, claudos, aliisque miseriis obfitos. *Ab aula repelluntur miseri.*

Verum illa sunt in aula regum impiorum, atq; infidelium. Quamuis in illis quoq; inueniantur Iosephi, Danieles, Nehemiæ, & Estheres.

¶ 2.

Daniel insigni pœnitentiæ exemplo, dum legumi- *Danielis* *ne,* & aqua contentus viuit, omnibus præiuit. Deinde *pœnitent-* *senior pœnitentiam egisse se testatur.* [b] *Et posui fa-* *tiæ.* *ciem meam ad Dominum Deum meum rogare & deprecari in* *b c.9.3.4.* *ieiuniis, sacco, & cinere, & orauit Dominum Deum meum, &* *confessus sum, & dixi: Obsecro Domine Deus magne & terri-* *bilis, custodiens pactum & misericordiam diligentibus te, &* *custodientibus mandata tua.*

Pœnitentiam agebat, & confitebatur peccata sua, corporalis enim exercitatio absq; interna animi contritione ad modicum valet, pietas ad omnia utilis est. [c] Cumq; inquit, adhuc loquerer, & orarem, & confiterer *c V.20.* *peccata mea, & peccata populi mei Israël, & prosternerem pre-* *ces meas in conspectu Dei mei, pro monte sancto Dei mei.* Ean-

- dem quoque rationem post tres annos repetit, panem desiderabilem non comedit. [d] In diebus illis, inquit, ego Daniel lugubam trium hebdomadarum dies. panem desiderabilem non comedi, & caro, & vinum non introierunt in os meum, sed neq; vnguento vinctus sum, donec complerentur trium hebdomadarum dies. Oratio vero tota pœnitentis est,
- e. 9. 17. præsertim illa pars. [e] Nunc ergo exaudi Deus noster orationem serui tui & preces eius: & ostende faciem tuam super sanctuariū tuum, quod desertum est, propter temetipsum. Inclina Deus meus aurem tuam, & audi: aperi oculos tuos, & vide desolationem nostram, & ciuitatem, super quam inuocatum est nomen tuum: neq; enim in iustificationibus nostris prosternimus preces ante faciem tuam, sed in miserationibus tuis multus. Exaudi Domine, placare Domine: attende & fac: ne moreris propter temetipsum Deus meus: quia nomen tuum inuocatum est super ciuitatem, & super populum tuum. Talis & martyrum
- f. 3. 19. in camino. [f] Peccauimus enim & inique egimus recedentes à te: & deliquimus in omnibus, & precepta tua non audiuius, nec obseruauimus, nec fecimus, sicut praeceperas nobis, vt
- g. 33. bene nobis esset. Erubescunt in Dei conspectu. [g] Et nunc non possumus aperire os: confusio & opprobrium facti sumus seruis tuis, & his, qui colunt te, orant vt in sola anima contrita, & spiritu humilitatis accipiantur. [h] Et nunc sequimur te in toto corde, & timemus te, & quarimus faciem tuam.
- h. 3. 41.

Magnatibus necessaria pœnitentia.

Tales animos requirit aula Dauidica, aula Danielis, aula Christiana, vbi etsi sit innocentia, confiteantur tamen & sua peccata, qui etsi non sint criminosi, sunt tamen peccatores; septies in die cadit iustus, impius semper iacet, resurgere enim negligit. Magistratibus atq; illis, qui in dignitate versantur, totius populi salus commendata est, neque enim idcirco regnantibus proximi sunt, vt prouincialium sanguine ditescant, & ad cultrum dæmonis saginentur, sed vt pro subiectis vigilant, laborent, orent, pœnitentiam agant, ita Samuel, Dauid, Daniel, cæteri reges DEVM timentes. Cunctis, qui delinquant, agenda est pœnitentia.

tentia, maxime aulicis, qui & rationem pro aliis reddere cogentur. Omnibus necessaria est, hac in vita, sera est apud inferos, qui nolunt, inquit, Augustinus medicinalem, habebunt pœnalem.

§ 3.

Est quidem vita aulica, ut P. [i] Causin docet, pa- *i Devita aulica.*
 læstra pœnitentiæ, ob multiplicem patiendi occasio-
 nem. Sed plerunq; pœnæ accumuluntur, non pœni-
 tentia, non enim resipiscunt, sed propriis vitiorum pœ-
 nis anguntur. Ambitio sollicitat, avaritia cruciat, inui- *Pœniten- tia aulica.*
 dia suffocat, iræ furor exurit, intemperantia delicias
 tormentis pensat. Extra hominem nihil est, nisi dolor;
 si intus est peccatum, abest omnis consolatio, & simi-
 lis vita damnatorum doloribus. Dolor flagelli semper
 adest, nec temperatur, nisi ubi culpa agnoscitur. [k] *k Sur. in eius vita.*
 Birgitta regiæ stirpis, & aulicæ sanctitatis specimen, si
 qui cum ea ageret, qui letali crimine obstrictus esset,
 aut simulate & fraudulentè loqueretur, tanto fœto-
 re cruciabatur, ut ferendo non esset, se auertere, & ab-
 rumpere colloquium cogeretur. Hanc animi sui Me- *Pœniten- tia nati- ralis.*
 phitin, si illi, qui tanquam auernus exhalant, & Ange-
 lorum naribus inhalant, sentire possent, continuo igne
 & ferro putredinem rescarent. Crebro tamen fœtor
 ille se animo ingerit, & totam Camerinam mouet, ut
 sibi mens ipsa sit intolerabilis, qualè in Tiberio descri-
 bit Suetonius. *Conscientia apud quam non moritur omne,*
quod gerimus, quæ nos in factis nostris accusat & iudicat; quæ
cum non habeat loquendi vsum, nescit tamen tenere silentiū. Po-
test cōscius morte subduci. potest tibi ad tempus prodesse testis cō-
sciētia. Nec rectū superest, & sine te nō est, haret pectori, nec vn-
quā te deserit, & velut quadā pedissequa, nullo abs te temporis
intervallo discedit, tenet te reum, & in sua semper ditione capti-
uum. Et si talis mortuus sit, & cadauer, nā a Deo cecidit, *Pœniten-*
 ut demonstrat [d] Augustin. quiescere tamen nō sinitur, *tia s. ia.*
 quemadmodū Imperatricis Eudoxiæ corpus aliquot *l T. 5. 193.*
 annos in tumulto concutiebatur. Lapsus es, resurge, *e. f.*
 pecca-

peccasti & quiesce, optima pœnitentia non reuerti ad pristina peccata. Renascentia enim est, & noua vita morti repugnans. Ex laboribus sanitas, ex sudore salus, ex pœnitentiâ vita est. affligimur delictis, seruamur per pœnitentiam. In longum multi consultant, & crastinum non habent: Quot millia pœnitentiam differentium aduentus Christi anteuerit? Eam cladem Frederico Cæsari Papa prædixit.

Fata volunt, Scriptura docet, tua facta loquuntur,

Quod tibi vita breuis, pœna perennis erit.

m. Sox.
l. 6. c. 29.

Hæc fere vita est impœnitentium: alia eorum quos Deus elegit, & prædestinauit conformes fieri imagini filij sui. [m] Dorotheus togatus ab amico, sibi parceret, ne perpetuum bellum cum corpore gereret? seuerè respondit: *Quare me illud occidere conatur, mors enim certa non pœnitenti, molliter viuenti.* Lachrymæ, cui pœnitentiæ defuerunt, stridore dentium in tenebris exterioribus conterentur. Tribunal iudicis nec innocens, nec pœnitens veretur. Nec longæ sunt in lamentatione contritiones, lachrymas citò manus diuina abstergit, gratæ sunt cœlo, vinum Angelorum, quo mentes illæ exhilarantur. Rigant sementem pietatis. oratio Deum lenit, lachrymæ cogunt, hæc vngit, illæ pungunt. Nihil tamen profunt lamenta, si iterentur peccata. Pœnitentiæ est delere peccata, quorum est dolor, facta plangere, plangenda non facere,

§ 4.

Rara re-
gum pœ-
nitentia.

n. c. 3. 23.

o. c. 4. 31.

Pœnitentiæ nobis exemplum Daniel exhibet regem Chaldæum, [n] pessimum vltra omnes homines tyrannum. Dum in delicto hæsit, bestia fuit, dum pœnitet, redit in naturam humanam. [o] *Igitur post finem dierum, ego Nabuchodonosor oculos meos ad cœlum leuaui, & sensus meus redditus est mihi: & Altissimo benedixi, & viuentem in sempiternum laudaui, & glorificaui: quia potestas eius potestas sempiterna, & regnum eius in generationem & generationem.*

Impœnitentis exemplum Balthassar, quem Domini ad-

ni aduentus anteuertit, Darius pœnitentiam egit, credo & Cyrum : sed hic iterum plangenda commisit. Cæteri reges Danielici sine pœnitentia periere. Luculentissimam pœnitentiam egit Manasses, & quidam reges Juda, nemo Regum Israël, non admittunt facile humiles lachrymas celsa fastigia. Extot imperatoribus religionem persecutis, atque Ethnicis solum [p] Philippum pœnitentem habemus, vt refert Eusebius. Tot præsidēs periere, pauci pœnitentia sanati sunt. Eleutherius consulari genere ex persecutore martyr factus est. Arianus vt [q] Menologium Græcorum, Metaphrastes, [r] Vliardus testantur præsidum erat cruentissimus, persecutor immanis, sed tandem credidit, &mersum cum sociis mari, delphini in littus retulerunt. Gordianus quoque vicarius vrbis post ista crimina Ecclesiæ additus est. Inter ipsa scelera conuersiones & pœnitentiam Deus operatur. Genesius Romanus in theatro, hoc est scelestissimo orbis terræ ædificio ad pœnitentiam vocatus, vt testatur [s] Martyrologium Romanum, [t] Surius. Item Romæ, aiunt facti, sancti Genesij Martyrii, qui primum sub gentilitate natus, cum in theatro spectante Diocletiano Imperatore, mysteriis Christianorum illuderet, à Deo inspiratus, repente conuersus ad fidem, & baptizatus est. Mox Imperat. iussu fustibus crudelissime cæsus, deinde in equuleo suffensus, & vngularum diutissima laceratione vexatus, lampadibus etiam inflammat, cum in fide Christi persisteret, dicens : non est rex præter Christum, pro quo si millies occidar, ipsum mihi de ore, ipsum mihi de corde auferre non poteritis : martyrii palmam capitis obtruncatione promeruit.

Quæ eadem gratia data & Porphyrio, testibus tabulis sanctorum. [u] Item, sancti Porphyrii mimi, qui coram Iuliano apostata per iocum baptismum suscipiens, Dei virtute de repente mutatus, Christianum se esse professus est, ac mox, iubente eo, securi percussus, martyrio coronatur. Maximos sanctorum labi Deus permisit, vt cæteris & spes veniæ, & resipiscendi darentur exempla. Adamum,

Patriar-

Patriarchas Jacobi filios, Moſen, Aaronem, Gedeonem, Sampſonem, Dauidem, Ezechiam, Apoſtolos, grauius Petrum. Vſazanem, Jacobum interciſum, Hoſium, Conſtantinum, Theodoſium Magnos. Vterque maior Carolus Magnus certos ſibi, inquit Brunnerus, dies ſumebat, quibus genium ipſe ſuum deſraudans maligne famem extingueret; cum publice more Chriſtiano ſupplicaretur, ex palatio ſuo ad D. uſque Emmerammi excalceatus crucem ſequeretur, nihil imminui de maiestate ſuaratus, quam Deo ſubſtrauiſſet.

C A P. LXXI.

*Iudicii diuini in aulis & nobilitate ac magiſtratibus
conſideratio ex Daniele.*

§ I.

*Atheiſ-
mus ma-
gnus.*

Q Vam longe lateq; patet mundus, tam vaſto imperio regnat Atheiſmus, numinis contemptor, qui temporariæ mortis meditationem horret pauido metu, ac refugit, quaſi ad eam non niſi conſiderando iretur, profanus minas tidet æternæ. Stoicorum & Epicureorum delirio imbuti, nuſquam eum eſſe putant, qui mortuus eſt. Mortem pronunciant inimicam corpori, nec animæ parcere, hanc quoque vt pecudum formas emori. Seneca animam euaneſcere diſputat.

*Vt calidiſumus ab ignibus,
Vaneſcit ſpaciū per breue ſordidus,
Vt nubes grauidas, quas modo vidimus
Arctoi Boreæ diſiicit impetus,
Sic hic, quo regimur ſpiritus effluet,
Quarſi quo iaceas poſt obitum loco?
Quo non nata iacent,
Poſt mortem nihil eſt, ipſaq; mors nihil.*

Hæc

Hæc Epicuri, Stoiciq; , vt testatur [a] Plutarchus, & a L. 4. A. 70
 Laërtius in vitis eorū crebro. Animæ tamen immorta- de placis.
 litatem asserūt [b] Plato, quiq; eum secuti sunt, Phere- philos.
 cydes, Thales Milesius, [c] Hippoc. Pythagoras, aliiq; b In Pha-
 Teste [d] Laërtio & Cicerone. Galenus dubitauit. Te- dro Phila-
 stantur id multi quoq; alij apud [e] Clementem Ale- bo.
 xandrinum, vt Epicharmus, qui pietatem colentibus c De car-
 post obitum felicitatem promittit, eosque cælo asse- d l. 1.
 rit, impiis cruciatus apud inferos decernit. vt etiam So- cl. 4. Scrom.
 phocles apud Justinum. Mortem esse certissimam, ho-
 ram incertissimam, vbique illam insidiari viuentibus,
 non est opus docere. Fatentur & illi, qui inter quoti- Mortem
 diana funera non cogitant se morituros. Facilis vero sequuntur
 esset mortis contemptus, si morte inciperent esse nihil, maiora.
 qui ante vitam nihil fuerūt. Verum mors transitus est,
 non ab esse ad nō esse, sed à vita fragili, in vitam aliam,
 in vitam aut mortem æternam, diuino iudicio cuique
 pro meritis constitutam, mors iter est in obscuro, in
 momento longum, ex quo omnia pendent. Miserri-
 mus est, qui non nouit recte mori, qui notus nimis omni-
 bus, ignotus moritur sibi. Mortis causæ multæ, terminus
 vnus ad tribunal iudicis profectio. Non igitur mors,
 sed quod eam sequitur metuendum est: graue, quod
 superest mortuo. Hic quisque solus est, & agnoscit
 non se natum aliis, sed sibi, moritur sibi quisque, &
 onus suum portat. Dies vnus de alio iudicat, de an-
 tecedente subsequens, supremus de omnibus, ille
 præmia disponit, & pœnas infert, nec in scelere fuisse
 felicitatem, nec in virtute miseriam demonstrat.
 Quicquid in mundo fuit, fumum & vanitatem pro-
 bat. Vt Sabinus tertia mortis suæ die in vitam re- Sabinus,
 ductus omnibus persuadere conatus est. Homines in-
 fideles in morte finem pœnarum, vt voluptatum arbi-
 trantur, in DEI iudicio, tum omnium est principium,
 vt Nyssenus disputat. Tota igitur vita nostra præpa-
 ratio est ad illam iuridicalem disceptionem, & bo-
 nam spem præbet, si recte traducatur, si male, exiguam.

Et ni-

f Doctri-
na 6.

Iudicium
Dni.

Et nihil in ea magnum, nisi si quæ signa sunt prædesti-
nationis, & status ille, in quo Deo placere possis; nam
ex apparatu ad iudicium subeundum coniecere pos-
sumus, de euentu. Prouidentia diuinæ admirabile do-
cumentum recenset [f] Dorotheus. Nauem scilicet ser-
uorum, ad quam nescio urbem applicuisse, in qua sane vrbe es-
set virgo sanctissima, salutis suæ admodum diligens & studiosa,
hoc cum accepisset, lata facta est, optabat enim sibi ancillulam
ex his mercari, quam suo arbitratu aleret & enutrirer in Dei
cultu, nec vlla labe mundialis malitia sineret contaminari. Ac-
cerfiri ergo iubet naui gubernatorem, quam statim comperit,
tenere penes se puellas duas eius ætatis, quam optabat. Quibus
visis ex his alteram sibi dato pretio accepit. Vbi vero abiit mer-
cator, haud longe digressus à virgine illa, obuiam habuit sceni-
cam & prostibulam quandam, cui poscenti puellam alteram
pretio dedit. Contemplamini, obsecro, mysterium Dei, contem-
plamini iudicium. Quis potest de re hac sanam asferre ratio-
nem. Suscipit virgo sanctissima puellam primam, eamq; in ti-
more Domini nutrit, instituit, informat, in omne opus bonum.
Docet omnem monasticam conuersationem, ostendit suauita-
tem Angelorum, & mandatorum Dei. Suscipit & prostibula
eodem pretio secundam, & eam (breuiter dicam) diabolicis o-
peribus omnino addicit. Quid enim aliud habeat furia illa,
quod eam doceret, quam animæ suæ interitum & ruinam? Quid
autem dicemus de horribili iudicio hoc? Ambæ parue erant,
ambæ venundatæ, ambæ ignaræ quo proficiscerentur, qui sese
manerent exitus, & ecce in Dei manus altera, altera in manus
diaboli incidit. Pari coniectura de se quisq; sua æterna
fata augureretur: si pie caste, iuste vitam transigit, in Deo
speret perleuerantiam, & locum in latere iustorum. Sin
aliter viuit, non mirum si sursum ad cœlos non ascen-
dat, qui toto vitæ cursu ad inferos præceps ruit.

§ 2.

Daniel
toto libro
iudicium
Dei præ-
dicat.

Danielicæ prophetiæ vnicus scopus est, facta me-
morando futura prædicendo, omnes homines, imprimis
Monarchas reges, magnates, potestate motos, sine sa-
tellite

tellite ad terrificum tribunal sistere: certisque prouidentia documentis Atheismum excludere, populares suos in fide & religione confirmare. Danielis enim liber quamuis idololatriam destruat, primarium tamen finem habet, vt ostendat, regna à Deo dari, & auferri, scilicet lēribus pœnas positas. Qua in re hoc considerandum venit: Judæorum diuersos fuisse affectus ante & post transmigrationem Babylonicam, ante enim furenter in cultum dæmonum prolabebantur, ab exitu ex Ægypto, vsque ad vrbs & templi euersionem: Adeoque post cineres patriæ, & constat ex Exodo, libris Iudicum & regum Jeremia. Postquam ab exilio redire, publice nunquam ad idololatriam deflexerunt, legem tamen haudquaquam seruatunt, multi in scelera varia, imo in Atheismum prolapsi sunt, cuius iudicia sunt in Aggæo, Esdræ libris, & Machabæis. Cui rei occasionem dederunt posterī Persarum & Græci, quorum principes ac sapientes ita diuūm erant contemptores, vt Deum verum ignorarent, mundi gubernationem fato aut sorti adscriberent: vtraque opinione Athei. Contra illos, & qui eos secuti sunt, atque ad finem vsque sæculorum sequentur, Prophetiam Danielis didauit Spiritus Dei. Cum enim regum ortus, bella & interitus describit, tanto ante, quam fierent, diuinam prouidentiam ostendit, vt iam supra sapius explicui. Verum nunc animus est, declarare, Danielem in pœna temporaria non sistere, nec eas sic proponere, vt in illis sit finis supplicij mors & tormenta corporum quæ admouentur impiis, vmbra sunt, & omina flammantis gehennæ, veri cruciatus æternitati reseruantur. Joacimus captiuus ducitur, occiditur, insepultus abiicitur, non est illa pars pœna delictis, plurimos ipse oppressit, trucidarat, didicerat homines comedere, viuas facere, & factus est leo, aspera tulit, at multi innocentes asperiora. Rex Chaldæus Balthassar vix sobrius cum mille magnatibus occiditur. Non tamen vna morte tot scelera expiare potuit. Alexander Asia

Daniel Atheismum refellit.

Daniel nō sistit in pœna temporaria.

Kk

præ-

*Morte nō
expiantur
scelera.*

prædo gentium interfectoꝝ, vir sanguinum, diuinitatis affectator, vini & veneni violentia decidit in lectum, & cognouit se mori, non illi, quam Jaddo Pontifici Judæorum grandius malum accidit. Regum Danielicorū multi subito interfecti leniorem quam insontes mortem habuerunt. Antiochus acerba, & probrosa morte extinctus est, sed multos ipse præsens, & spectator immaniorib⁹ suppliciis occiderat. Nemo superbia, nemo crudelitate, Antichristū superauit, nemo æquauit, Ille sine manu conteretur. Julius Cæsar extra bella ciuilia vndecies cētena millia interfecit, plures in seruitutem vendidit, plerosq; innocentes, vrbes diripuit, non sunt tot mortibus luendis satis viginti tria vulnera. Achab venditus, vt faceret malū, vno vulnere defungitur. Jezabel ebria de sanguine prophetarum præcipitio eliditur, vix vllum illa prophetam lenius occidit. Humana tantumodo spectatibus mors subita & improuisa videri maxime *ἐκ θανάτου* potuit, quam Julius optabat. Et constat quosdā impios, & crudeles inopinato occisos, Pompeius in naui iugulatur, Cleopatra a spide brachio admota in soporem soluta mortem somno succedentem non sensit. Dionysius Tyrannus sui temporis crudelissimus lætitia nimia obiit. Attila sæuior Siculo prima nuptiarum nocte, in thoro geniali sanguinis profluvio celeriter nemine sentiente obiit. Cornelius Gallus homo impurus & Athereus eques Romanus in ipsis flagitiis luxuriæ suæ animus posuere. Giachettus in mortuæ puellæ amplexu mortuus inuentus est. Ardeburus Anglorum rex dum craterem ingentem hausit, subito anima submersa obrigit. M. Opilius Hilarus etiā inter potandum de repente concidit. Mortes illæ impijs optabiles, pijs horribilis videntur: Quare quotidie in Ecclesia sonant illæ preces, *à subitanea & improuisa morte libera nos Domine*. ita tamen viuendum est, ne sit improuisa. Ante annos omnino quindecim, cum vir magnus subito functus esset, aderat mihi alius magnæ dignitatis & prouectæ ætatis, metuensque similem mortem

*Moriendi
leuius.*

ora-

orare se quotidie dicebat, ne à Deo derepente obrueretur, cui alius: Deus neminē præuenit, neminem obruit improviso, iam te quoque per annos sexaginta monet quotidie, & monere pergit, vt in omnem horam sis paratus: Ille, quam paratus nescio, certe anno 1629. in sella confidens exspirauit. Hunc quidem furoris diuini effectum Daniel agnoscit, iramque tristem, & prædixit regibus, regumque ministris, sed hunc in finem, vt experientia docti euenisse, quæ per tot sæculorum seriem vaticinatus est, etiam credamus illa, quæ in alio mundo futura prædixit, & Christi iudicium supremo mundi die. Vbi merces iustis, impiis pœna decernetur: his gehenna, illis regnum.

¶ 3.

Verum in Daniele iudicium Dei perpendamus, [c] ^{g. 2. 1} vidit Nabuchodonosor statuam magnam, terribilem, sublimem, *αιδεαίτη* vocat, Symmachus statuam virilem. [b] Huius statuæ magnitudo figurabat huiusmodi imperia, caput aureum Babyloniam Monarchiam, & ipsum regem de se somniantem, pectus & brachia de argento (recte Iosephus etiam humero addit) Persicum & Medicum significat imperium, quæ iuncta Babylonio velut brachia pectori, in vnum coaluere. Tertia Monarchia ex ære, venter & femora, vbi femoribus male lumbos, aut latera substituunt nouitij interpretes. Nam Hebræū Jerech, & Jarca Chaldaum, cum de homine metio est, semper *μηρὸς* femora significat. Hoc Græcorum est regnum, cuius vëter Asia, Ægyptus & Macedonia, femora, Tibiæ ferreæ, pedesq; partim lutei, partim ferrei, seu ferri impuri, cui adhuc admixtæ sunt portiones terræ, Romanum imperiū est, ^{Romanū imperiū} natura sua semper geminū, semper diuisum. Initio reges habuit, verum senatus elector erat regum, & regum ipse potēs. Primum regem ob asperius ingeniū discerpit, & in cælū esse profectū mentitus est. Eiectis regibus duos consules habuit regiæ potestatis. Cum ad Cæsar-

res rediit, mansit Aristocratia senatus in speciem, & inter senatum & Cæsares perpetuæ suspiciones ac lani-
 næ, collidi crura & pedes diceres. & tamen mansit con-
 sulatus in fastis magis quam curiæ potentia. eo deinde
 contempto, & Byzantium ornante Constantino, du-
 plex etiam senatus, & consulum alter in oriente, alter
 Romæ. Deniq; imperiū Orientale & occidētale. Post-
 quam in Franciam, deinde Germaniam Monarchia
 migravit, manet vetus temperatura ex Monarchico &
 Aristocratico regno. Nusquam in mūdo, quam in Ger-
 mania maior principū libertas, maior potestas, & quæ-
 dam quasi paritas, qualis est crurum & pedum, excepta
 prærogatiua honoris, quæ dextro pedi defertur. Quare
 stulti sunt, qui hūc ordinem inuērtēre conati sunt, aut
 ius Imperatoris minuere, aut principum auctoritatem
 opprimere aggressi, non possunt duē tibiz in vnum cō-
 flari, non possunt non eo modo res ire; monstrum est
 homo vnipes, quod Deus constituit, quod Daniel præ-
 dixit, futurum est: non valent contra consilium Altissi-
 mi machinæ. Si conflare humana temeritas in vnum
 crura ferrea tentaret, mox alio modo diuideretur in
 plures. *Regnum partim firmū, partim fragile, & contritum, &*
tamen, quod in eo luteum est, de plantario ferri est: et
iam sic forte est, & ad mundi finem, seu Antichristum
perseuerabit, Infirmum est, quia ex statuum diuersitate
& legibus eius continua orta quondam certamina, re-
belliones, secessiones, Principum, Cæsariumq; mu-
tux cedes, quales in nulla vnquam alia monarchia, quę
hanc quot sæculis minora priscis fuerūt, non hoc debe-
tur tibiis aut pedibus ferri luteis, sed Christianę reli-
gioni, & Germanicę nationis grauitati, ac fidelitati.
Hæc sunt imperia. Iudicium Dei porro Daniel osten-
dit. [i] videbam ita, donec abscissus est lapis de monte sine ma-
nibus: & percussit statuam in pedibus eius ferreis & fictilibus &
comminuit eos. Tunc contrita sunt pariter ferrum, testa, æs, ar-
gentum & aurum, & redacta quasi in fauillam æstiuæ aræ,
quæ raptæ sunt vento: nullusq; locus inuentus est eis: lapis an-
tem,

ic. 2. 34.

35.

Iudicium

Dei in

Imperio

Romano.

tem, qui percusserat statuam factus est mons magnus, & implevit vniuersam tetram. Regna interitura prædicit, & nouum regnum erigendum, lapis de monte regnū Christi est pusillus grex, augendus fidelitate populorum, & in cælo regnaturus. Non enim agitur de sola euerfione regnorū temporali. nā illæ factæ sunt per lapides cōterentes, sed nō sine manibus, nā regna de gente in gentē translata sunt, propter iniustitiam, sed armis & vulnibus gentium, & in manus fortissimas deueniunt. At Christi regnum sine manibus & opera hominum, de monte, hoc est, de hoc mundo abscissum est. De æterno itaq; regno sermo est, quod etiam indicat Daniel, quando lapide iacto dicit contrita aurum, argentū, æs, ferrum. [k] Tunc contrita sunt pariter ferrum, testa, æs, argē-
tum, & aurū, & redacta quasi in fauillam æstiuæ aræ, quæ rapta sunt vento, &c. At aurum, argentum, æs iam ante defierant. verum est. Sed in vera regnorum contitione reuocabuntur, & qui iam olim se mutuo peremerunt, noua contritione conterentur æternæ damnationis, vt non aliud sint quam fauilla inferorum, semper ardens nunquam deficiens. [l] lapis autem, inquit, Daniel, 1 v. 35. qui percusserat statuam, factus est mons magnus, & impleuit vniuersam terram. Regnum enim Christi obtinebit omnia, totum mundum cælum & terram: nam & im-
piorum rex erit, sed ultor, erunt illi pars populi, sed capriui, & serui pœnæ. Et quamuis sit innumerabilis multitudo, non tamen in regno æstimatur, quia in vnā lacunam ceni compacta, minimā mundi partem occupabit, ad regnum Christi reliquum comparata, tanquam minimus fauillæ atomus in proportionē celsarum, ac parulatum arborum. Significantissime Propheta sic ob oculos ponit extremā vilitatē, & contemptum reproborum, quam humana intelligentia percipere non potest, sicut neq; gloriā electorum. Arenarum minima corpuscula vtcunq; oculus deprehendit, fauilla minoribus constat, quæ cognosci non possunt. Regnum Christi & fidelium est, æternum, pari

De æterno
iudicio a-
gitur.

Damnato-
rū vilitas.

111. 2. 44.
45.

gradu comitatur hostium seruitus, & sub pedibus victoris iacentium infelicitas. [n] In diebus illis, inquit Daniel, regnorum illorum, suscitabit Deus cœli regnum, quod in æternum non dissipabitur, & regnum eius alteri populo non tradetur: comminuet autem, & consumet vniuersa regna hæc: & ipsum stabit in æternum secundum quod vidisti quod de monte abscissus est lapis sine manibus, & comminuet testam, & ferrū, & æs, & argentum, & aurum. Deus magnus ostendit regi, quæ futura sunt postea. Hoc regnum institutum est tempore

*Regnum
Romanū
in varia
gentia.*

Tiberij cum tibiæ maxime inter se colliderētur, & Roma esset carnificina senatus. Cum Filio suo à mortuis suscitato dedit omnē potestatē in cœlo & in terra. Hoc stabit æternum & alteri populo non dabitur. Tantummodo populo, quem elegit Dominus, qui sunt filij Abrahamæ secundum spiritum, quorum libertas & regnum nunc incipit, post iudicium florebit, cum absterferit Deus omnē lachrymam ab oculis eorū. Cætera regna ad gentes diuersas peruenerunt. Nullum magis quam Romanum variauit, quod primo in Romanis familiis fuit, ad Afros deinde, Græcos, Francos, Germanos trās. latum. Deinde in maxime diuersis familiis perseuerauit, haud in vna admodū longo tempore. Regnū Christi constabit ex omni populo, & natione, & lingua, & quemadmodum regni huius non erit finis, ita hostes quoque, socij dæmoniorum, in camino ferreo semper habitabunt, cum igne deuorante, cum ardoribus sempiternis.

¶ 2

*Æternitas
regni
Christi.*

n. 3. 8.

Pœnas huius vitæ temporarias socij Danielis agnoscunt, & populi exilium in flamma æstuante deplorāt. De æternitate tamen securi intrepide respondent: Deos tuos non colimus, & statuum quam erexisti, non adoramus [n] iudicia, inquit, vera fecisti iuxta omnia quæ induxisti super nos, & super ciuitatem sanctam patrum nostrorum Ierusalem: quia in veritate & in iudicio, induxisti omnia hæc propter peccata nostra. Deinde in laudes diuinas effusi, quasi iam cœlos habitarent, æternitatis in singulis versibus men-

tio-

tionem faciunt, tricies septies nomen Domini benedictum & laudabile in sæcula, regnumq; gloriosum pronunciant. [o] Excitant ad laudandum Deum omnes ^{o c. 3.} creaturas, Angelos, animas iustorum. Et demum con- ^{58. 65.}cludūt: *in omnia sæcula misericordia eius*. Ipse rex impius ultra omnem terram cōfiteatur Deū esse regem æternū. [p] *Signa eius, quia magna sunt: & mirabilia eius,* ^{p V. 100.} *quia fortia: & regnum eius regnum sempiternum, & potestas* ^{In regno} *eius in generationem & generationem.* Ipse inter bestias ha- ^{ateno ho-} *bitans laudat viventem in sæcula sæculorū,* ^{stes at. r-} *quia nte se* ^{nū seruiunt.} ipse laudauit, Aliud regnum illi Deus reuelauit, regnū vigilū, regnum spirituum, quorum est perpes actio, nulla quies, nulla fatigatio. [q] Vidit in consilio vigilū ^{q c. 4. 14.} contra se decretum, vt regno excideret, sermonem sanctorum & interrogationem. Docuitq; mortales cum ^{Regnum} cæci furore, & amentia ad scelera rapiuntur, ad illos a- ^{vigilum.}gere in conspectu vigilum, hoc est exercitus Angelorum, vbi omnia in acta referunt, & dies præscribitur finiendis criminibus, inchoando supplicio. Hoc est enim verum iudicium, & iustum. Nam in hoc mundo quamuis ingentibus calamitatibus mali plectantur, patiuntur tamen & iusti & crebro fors impiorum est felicior.

§ 5.

Plenum terroris iudicium, non corporum tantum, sed animarum quoque excidio horrendum supra modum Balthassar extimuit. Nondum mortis elogium ^{Balthassa-} audierat, & magna voce clamat, vt adducantur, qui ^{ris metus.} interpretentur. Deos laudabat suos & à laudatis, tam præmium, quam pœnam expectare fas erat, sed polluta mens, & scelerum conscia, non nisi malum ominari poterat. [r] *Tunc facies regis commutata* ^{1 c. 5. 5. 6.} *est: & cogitationes eius conturbabant eum: & compages re-* *num eius soluebantur, & genua eius ad se inuicem collide-* *bantur.*

Ecce quomodo nondum nota sententia rex pallet,

Kk 4 tre-

tremuit, colliduntur genua, vox cadit. Omnium hoc animis sedeat, cum lætitiæ & Baccho litant, dum sese extollunt, dum fœdis oblectantur, adesse manū, quæ non in regię pariete, sed stylo ferreo, & celte chalybea scribat in silice illud: Mane, Teckel, Phares, siue ut est in Chaldæo Mene, Mene, numerauit, hoc est: numerauit Deus regnum tuum, & compleuit illud, numerauit vitæ annos, dies, omnia delicta, ad minimæ culpæ minimam vsq; cogitationem, & cogitationis omissionem, & omnium horum fontem ac radicem. Iussit iam esse finem vitæ, statuit dare præmia: in annos viginti cōmeatus erat tibi, sed deferendus est, abeundum, moriendū est. Teckel, in statera appensus es, ponderatus es, sed inuentus es minus habens, deficiens. Non fuit illa, quam Deus postulauit operum bonorum grauitas: non pondera virtutum. Phares, ita secundo loco habet Chaldæus textus, primo Pharisin diuidentes. Diuisum est regnum datum Medis & Persis. Datum qui aurū, & argentum nō quærant, sed sagittis paruulos interficiant. Sceleratissimus hominū erat Balthasar, illa nocte interfectus est, at nō tam citę mortis erat illud supplicium. Cum eo optimates, ciuesq;, qui minora peccauerant, & paruuli in tonnes cruciati sunt. Maius igitur malum regi prædixit Daniel [s] Jeremias clades illis exposuit in signi hypotyposi de timore Balthasaris singulatim refert: *Audiuit rex Babylonis famam eorum, & dissolutæ sunt manus eius: Angustia apprehendit eum, dolor quasi parturientem.* Cum vero dicit: [t] *Quoniam peruenit vsque ad calos iudicium eius, & eleuatum est vsq; ad nubes.* Summam pœnam significat, quæ nec morte finitur [u] minatur fore ut ponat montem pestiferum in montem combustionis. [x] *non tollent, inquit, de te lapidē in angulum, & lapidem in fundamenta, sed perditus in æternis, ait Dominus.* Non de crudelitate Medorum, qua Babylon cecidit, sed de pœna inferorum, ad quam raptus est rex Babylonis, minas accipiendas esse docet [y] Isaias. *Infernus subter conturbatus est in occursum aduentus sui.* *Suscitauit tibi gigantes.* O-

Balthasar
damnatu:

s c. 50. 43.

cc. 51. 9.

u v. 25.

xc. 51. 26.

yc. 14. 8.

& seq.

tes. Omnes principes terra surrexerunt de solis suis, omnes principes nationum. Vniuersi respondebunt, & dicent tibi: Et tu vulneratus es sicut & nos, nostri similis effectus es. Detracta est ad inferos superbia tua, cecidit cadaver tuum: subter te sternetur tineæ, & operimentum tuum erunt vermes. Quomodo cecidisti de calo lucifer, qui mane oriebaris? qui dicebas in corde tuo: In cælum conscendam, super astra Dei exaltabo solium meum, sedebo in monte testamenti, in lateribus Aquilonis. Ascendam super altitudinem nubium, similis ero Altissimo. Verumtamen ad infernum detraheris in profundum lacu: qui te viderint, ad te inclinabuntur, teq. prospicient: numquid iste est vir, qui conturbauit terram, qui concussit regna, qui posuit orbem desertum, & vrbes eius destruxit, victis eius non aperuit carcerem? Omnes reges gentium vniuersi dormierunt in gloria, vir in domo sua. Tu autem proiectus es de sepulchro tuo, quasi stirps inutilis pollutus, & obuolutus cum his, qui interfecisti sunt gladio, & descenderunt ad fundamenta lacu, quasi cadaver putridum. Non habebis consortium, neq. cum eis in sepultura: tu enim terram tuam disperdidisti, tu populum tuum occidisti: non vocabitur in æternum semen pessimorum. Multis exponit, dæmonum ac damnatorum acerbissimos sarcasmos, quibus Babylonium regem ad inferos venientem excipiunt. Non est illa poetica prosopopœia, sed vera omnino scelerum exprobatio, & ardentis in ignium vorticibus irrisio & insultatio, quod grauius, quam cæteri regum torqueretur. Utinam omnibus peccare volentibus adlisteret illa manus, & scriberet, videret tot millies millena millia Angelorum acta notantium, tot dæmonum ad pœnas exigendas inhiantium, tot damnatorum insultantium.

¶ 6.

Porro iudicium illud Daniel luculentius, quam vltus Prophetarum descripsit. Nam postquam beluas immanes regnasse, ablatas & exustas se vidisse affirmavit, iudicium confedisse testatur. [z] *Aspiciebam donec throni positi sunt, & antiquus dierum sedit: vestimentum eius*

*Iudicium
de vita æterna
statu est.
z 6.7.8.10.*

candidum quasi vix, & capilli capitis eius quasi lana munda: thronus eius flamma ignis: rota eius ignis accensus. Fluuius igneus, rapidusq; egrediebatur à facie eius. Millia millium ministrabant ei, & decies millies centena millia assistebant ei: iudicium sedit, & libri aperti sunt. Non modo Deum in tribunali, sed filium etiam hominis oblatum illi in nubibus intuitus est, nam pater omne iudicium dedit filio.

a c. 7. 13.

14.

[a] Aspiciebam igitur in visione noctis, & ecce cum nubibus cæli quasi filius hominis veniebat, & vsq; ad antiquum dierum peruenit: & in conspectu eius obtulerunt eum. Et dedit ei potestatem, & honorem, & regnum: & omnes populi tribus & lingua ipsi seruiunt: potestas eius, potestas æterna, qua non auferetur: & regnum eius, quod non corrumpetur. Terribilem porro fuisse illius visionis aspectum, figura iudicij nos docet. [b] Horruit spiritus meus, ego Daniel territus sum in his, & visiones capitis mei conturbauerunt me. Iudicium illud non fuit de morte & pœna bestiarum, & bestiarum temporaria, iam enim ablatae erant, & exustae. Verum de æternis pœnis, aut præmiis, ad hoc enim iudicium post mortem omnium agitur, vt ex iure vnicuique sua statio tribuatur. quod indicant illa verba. [c] Et iudicium sedebit, aut auferatur potentia, & conteratur, & dissipereat vsque in finem. Agi autem de summa rerum, hoc est, de statu humani generis, imo totius creaturæ rationalis, non temporario, sed immutabili ac sempiterno,

b v. 15.

c v. 26.

d v. 18.

Angelus Danieli doctor oppositus assenerat. [d] Suscipient autem regnum sancti Dei Altissimi: & obtinebunt regnum vsq; in seculum, & seculum seculorum. Quin etiam ex eo colligitur de animis cognitionem institui, quia libri aperti sunt. Alludit ad morē tribunalium, ac iudicum, quibus æquitas cordi, qui obsoletas controuersias iudicaturi, vetera librorum, & diplomatum testimonia, & tabulas publicas exquirunt, iudicanda erant antiquissima peccatorum, à parricidio Cain, vsq; ad Eliæ, & Enochii cædem, libri igitur de mortuis scripti proferruntur, tabularia conscientiarum excutuntur, & mundi totius bibliotheca, & res gestæ cogitataeque ad purum

rum descriptæ leguntur. Joannes Euangelista, nouæ legis Daniel hæc eadem explicat. Judicem enim filium hominis aspexit. [e] Et vidi cælum apertum, & ecce ^{c. Apoc.} equus albus, & qui sedebat super eum, vocabatur fidelis, & ^{c. 19. 11.} verax, & cum iustitia iudicat, & pugnat. Oculi autem eius ^{12. 13. 14.} sicut flamma ignis, & in capite eius diademata multa, habens ^{15. 16.} nomen scriptum, quod nemo nouit nisi ipse. Et vestitus erat veste aspersa sanguine: & vocatur nomen eius, verbum Dei. Et exercitus, qui sunt in cælo, sequebantur eum in equis albis, vestiti byssino albo & mundo. Et de ore eius procedit gladius ex vtraque ^{Iudiciū de} parte acutus: vt in ipso percutiat gentes. Et ipse reget eas in ^{omnibus.} virga ferrea: & ipse calcit torcular vini furoris ira Dei omnipotentis. Et habet in vestimento & in femore suo scriptum: Rex regum & Dominus dominantium. Plures throni ponuntur, quia multi sunt iudicaturi, vestis cādida puritatem sententiæ indicat. æternum esse supplicium idem Joannes ostendit. [f] Et tertius angelus secutus est illos, dicens voce magna: si quis adorauerit bestiam, & imaginem eius, & acceperit Characterem in fronte sua, aut in manu sua, & hic bibet de vino ira Dei, quod mistum est mero in calice ira ipsius, & cruciabitur igne & sulphure in conspectu Angelorum sanctorum, & ante conspectum agni: & fumus tormentorum eorum ascendet in secula seculorum: nec habent requiem die ac nocte, qui adorauerunt bestiam, & imaginem eius, & si quis acceperit Characterem nominis eius. Hic patientia sanctorum est, qui custodiunt mandata Dei, & fidem Iesu. Totam rationem deinde exponit Danielis Prophetæ explicator. [g] Et descendit ignis à Deo de cælo, & ^{g. 14. 9.} deuorauit eos: & diabolus, qui seducebat eos missus est in ^{10. 11. 12.} stigmata ignis & sulphuris, vbi & bestia, & Pseudopropheta cruciabantur die ac nocte in secula seculorum. Et vidi thronum magnum candidum, & sedentem super eum, à cuius conspectu fugit terra & cælum, & locus non est inuentus eis. Et vidi mortuos magnos & pusillos, stantes in conspectu throni; & libri aperti sunt: & alius liber apertus est, qui est vita: & iudicati sunt mortui ex his quæ scripta erant in libris secundum opera ipsorum: & dedit mare mortuos, qui in eo erant: & mors & infernus dederunt mor-

mortuos suos, qui in ipsis erant: & iudicatum est de singulis secundum opera ipsorum. Et infernus & mors missi sunt in stagnum ignis. Hæc est mors secunda. Et qui non inuentus est in libro vitæ scriptus, missus est in stagnum ignis. De æterno autem præmio, de Ierusalem cœlesti & regno sanctorum

- h c. 12. 2. pluribus tractat, & quod Daniel breuissime dixit. [b] Et multi de his, qui dormiunt in terra puluere, euigilabunt: alij in vitam æternam, & alij in opprobrium vt videant semper. Joannes integris paginis oculis spectandum obiiicit. Qua ex re apparet Daniele, dum futuri mundi furorem, bella, regum cædes, aularum interitus, familiarum interneciones prædicit, ita illas clades proponere, vt tamen demonstret per hæc mala ad supremum malum, æternam damnationem, populis comitanti-bus proficisci reges, quibus quantum in deliciis fuerunt, & se glorificauerunt, tantum tormentum rependatur, fore vt semper sint miseri, hec vlli miserabiles.
- i Ps. 1. 2. [i] Astiterunt reges terræ, & principes conuenerunt in vnum,
- k Ps. 1. 4. aduersum Dominum, & aduersus Christum eius. [k] Sed Dominus irridebit eos, & habitans in cælis subsannabit eos. Irridebunt eos cœlites, irridebunt inferi. Quo loco potentes apud inferos sint futuri Isaias iam ostendit. [l]
- l c. 14. 9. & seq.

C A P. LXXII.

Omniū rerum, quæ in mundo sunt, aspectu iudicij extremi memoriam ingeri.

§ I.

*Memoria
iudicij.*

INam æna cogitatio delicatis, mœsta diuitibus, necessaria iudicandis. Qui in vinculis ad cognitionem & quaestionē detinetur, totus in eo est, vt meditetur, quid iudici respōdeat, cætorū rerum incurius; verū homines hoc quod solum agere oportuit, solum omittunt.

In vi-

In vita obliuiscuntur Dei iudicis, in morte sui, trislium recordationem fugiunt, ipsa mala non effugiunt, etsi multa vitare datur, hoc vnum sustinendum est. Multa accuratone libris regalibus inscribitur, quod magna leuitate geritur, crescit in hominum pœnas ira Dei, quia crescit quotidie, quod puniatur. Pœna semper est, seu occulta, seu aperta, grauissima est, cum nulla sentitur, talibus enim thesaurizatur ira in die iræ, & iusti iudicij Dei. Rarissimos esse Augustinus arbitratur, quibus hac in vita non repræsentatur pœna, omen futuris supplicij. Et hoc ipsum reges aulæ Danielis ostendunt. Verum patiuntur & boni. *Nunc in vna domo sumus omnes pari sorte, ait [a] Cyprianus, donec ad aternitatis a Ad De- hospitia diuidamur.* Magnatum erit disparitas, quanta *metriani.* inter illum, qui ardet in rogo, & qui regnans sedet in solio, & eiulanti insultat. Figura diuersitatis admirandæ in Daniele præcessit. Daniel & Joacimus eadem *Iudicium Dei facit* ex patria, in eandem captiuitatem, sed Joacimus ex *dispar.* sublimiore fastigio trahitur, Joacimus post contumelias & ludibria captiuus. [b] In regnum restituitur, *b 2. Para. 36. 3.* post violatam fidem, [c] fœda morte defungitur. [d] *c 4. Reg. 24.* Sepultura asini tumulatur. [e] Daniel eadem in vrbe captiuus honoratur, victoribus imperat. Sed exigua *Ier. 36.* illa omnia, & transeuntia, nunc verum discrimen habent, Daniel lucet vt stella in perpetuas æternitates, *c Deuter. 22. 18.* Joacimus ardet vt fauilla inter prunas. Quanto minor olim Joacimo, quo cum captiuus ductus est Daniel, tanto nunc maior. Pœna Danieli fuit probatio, Joacimo supplicium, punire pietas fuit, nam falsa mansuetudo est crudelitas, & non est crudelis, qui occidit crudelem: Hodie eadem res agitur, non eisdem personis. Errant Concionatores, qui metu iudicij percellere auditores verentur, molestiam recordationis amaram depellere conantur, & parcendo occidunt, auferendo leue malum, graue damnum inferunt. Vrsus *Iudicium* mansuetus Dominum dormientem fidus custos ser- *semper in* uabat, eius in fronte muscam pabulantem intuitus, *tentandū.* tanquam

tanquam Domini sui hostem excussissima alapa obtriuuit, ignarus eodem ictu Domini caput frangendum. Pareorum ignorantia, qui mortis metum, sollicitudinem de iudicio, voluptatibus, lucro, honore, vino obruere conantur, & dum muscam auferunt, elephantum se obruunt. Plane crudeliter occidunt, dum curam salutis demunt, qua vna re tot hominum millia pereunt.

§ 2.

*Cæli signa
habent
iudicij.*

Diuina prouidentia postquam hominem ad æternam vitam fruendam creasset, & ad illius hanc vniuersi machinam, tanquam regi palatium extruxisset; omnibus in rebus iudicij sui, & salutis nostræ signa, vt omnia nos admonerent, imposuit, ipsa adeo nos acta mortalium, sermonesque hortantur, vt ad supremum nos diem paremus. Cælum intuētibus occurrit illo in templo angelos peccasse, & celeri exitio deiectos. [f] Si enim, inquit Petrus, Deus angelis peccantibus non peperit, sed rudentibus inferni detractos in tartarum tradidit cruciandos, in iudicium reservari. Hoc ædificium cum principatu amiserunt, vt monet etiam Judas: [g] Angelos vero, qui non seruauerunt suum principatum, sed dereliquerunt suum domicilium, in iudicium magni diei, vinculo æterni sub caligine reservauit. Inculcat illa Petrus. [h] Adueniet autem dies Domini vt fur: in quo cæli magno impetu transient, elementa vero calore soluentur, terra autem, & quæ in ipsa sunt opera, exurentur. Solem admiraris vel aurora surgentē vel crepusculo occumbentem, aut cum medio altissimus orbe est, & lunam chorosque siderum? Veniat in mentem illius diei, quem Dominus prædixit, teste Matthæo. [i] Statim autem post tribulationem dierum illorum, sol obscurabitur, & luna non dabit lumen suum, & stellæ cadent de cælo, & virtutes cælorum commouebuntur: & tunc parebit signum filij hominis in cælo: & tunc plangent omnes tribus terre: & videbunt filium hominis venientē in nubibus cæli cum virtute multa, & maiestate. [k] Erunt enim signa in sole & luna & in ter-

k Luc. c.
21. 25.

ris pressuragentium. Minatus illa olim est Isaias: [l] *Ecce* ^{c. 13. 9.}
dies Domini veniet, crudelis, & indignationis plenus, & ira fu- ^{10. 11.}
roruq; ad ponendam terram in solitudinem, & peccatores con-
terendos de ea. Quoniam Stella cœli & splendor earum, non ex-
pandent lumen suum: obtenebratus est Sol in ortu suo, & Luna
non splendebit in lumine suo. Et visitabo super orbis mala, & cō-
tra impios iniquitatem eorum, & quiescere faciam superbiam
infidelium, & arrogantiam fortium humiliabo. Et quod Æ-
gyptio vaticinatus est Ezechiel ad omnes improbos
pertinet, quorum typus est Ægyptus & Sodomā & Ba-
bylon. [m] Et operiam, cum extinctus fueris, cœlum, & ni- ^{m c. 32.}
grescere faciam stellas eius, solem nube tegam, & luna non dabit ^{7. 8.}
lumen suum. Omnia luminaria cœli mœrere faciam super te: &
dabo tenebras tui in medio terræ. Joël sane omnib. minatur:
[n] Sol & luna obtenebrati sunt, & stella retraxerunt splendo- ^{n c. 2. 10.}
rem suum. Nubes suo conspectu nos admonēt eius, qui ^{& c. 3. 15.}
veniet in nube cum potestate, & maiestate. Consideret ^{Nubes.}
nubium solutis catarrhactis diluvium inductum [o] a- ^{o Isai. 6.}
scēdere Dominum super nubem leuem. [p] Venit in nubibus ^{19. 1.}
cœli filius hominis, ut vidit Daniel. Super nubē quoq; p c. 7. 13.
Joannes vidit Christum, falcem metētem terras: [q] Et q Apoc. c.
vidi, & ecce in nubem candidam: & super nubem sedentem si- ^{14. 14. 15.}
milem filio hominis, habentem in capite suo coronam auream, ^{16.}
& in manu sua falcem acutam. Et alius angelus exiit de tem-
plo, clamans voce magna ad sedentem super nubem: mitte fal-
cem tuam, & mete, quia venit hora ut metatur, quoniam aruit
messus terræ. & misit, qui sedebat super nubem, falcem suam in
terram, & demessa est terra. Quin & liquentis aëreis regio ^{Aer.}
iudicantis nos admonet. Christum venientē excipient
in aëre electi. [r] Deinde nos, qui vivimus, qui relinquimur, r 1. Thess.
simul rapiemur cum illis in nubibus obviam Christo in aëra, & ^{c. 4. 16.}
sic semper cum Domino erimus. Tunc dominari in puro illo
elemento desinet Satanās. quem Paulus appellat [s] s Ephes.
principem potestatis huius aëris. Infectus ille est de ^{4. 2.}
puteo abyssi & obscuratus. [t] Et aperuit, inquit Joan- ^{t Apoc. c.}
nes, puteum abyssi: & ascendit fumus putei, sicut fumus for- ^{9. 2.}
nacis magna: & obscuratus est sol & aër de fumo putei.

Ange.

Tonitru. Angelus quoque septimus Phialam Dei effudit in
u Apoc. aëra & audita est vox de throno & templo: [u] *factum*
19.17. *est.* Tonitru cælum remugit, [x] Formident Domi-
x 1. Reg. num aduersarii eius, *quia semper ipsos in cælis tonabit.*
2.10. **Grando.** Quid autem vox tonitru nisi figura illius vocis, quæ
y Matth. orbem damnabit? Fulgura discurrent, & fulmina
24.27. verberant! Huic similis aduentus filij hominis, [y] *sic-*
ut de throno Dei præcedunt fulgura & voces. Pluuiæ & rores;
 cœlestis patuæ abundantiam significant. Judex tamen
 z **Gen.** cognita causa, [z] *pluit super Sodomam.* [a] *Et pluit su-*
 c. 9. 24. *per peccatores laqueos, ignis & sulphur pars calicis eorum.* Sic
 a **Psal.** iudicabit Deus Gog & Magog. [b] *Et iudicabo, inquit*
 10. 9. *per Ezechielem, eum peste, & sanguine, & imbre vehemen-*
 b c. 30. *ti, & lapidibus immensis: ignem & sulphur pluam super eum,*
 22. *& super exercitum eius, & super populos multos, qui sunt cum*
 c **Psal.** eo. [c] *Ignis etiam, grando, nix, glacies pars calicis impiorum.*
 148. 8. [d] *Grando & carbones.* [e] *Ecce validus, apud Isaiam,*
 d **Pf.** 17. *& fortis Dominus, sicut impetus grandinis, turbo confregens,*
 13. *sicut impetus aquarum multarum inundantium, & emissarum*
 c c. 18. 2. *super terram spatiosam.* Sic ad vindictam veniet, &
 f c. 8. 7. omnia conculcabit. In Apocalypsi: [f] *Et primus An-*
gelus tubæ cecinit: & tanquam mons magnus igne ardens mis-
 g c. 16. 21. *sus est in mare, & facta est tertia pars maris sanguis.* Alia
deinde maior grando: [g] Et grando magna sicut talen-
tum descendit de cælo in homines: & blasphemauerunt Deum
homines propter plagam grandinis: quoniam magna facta est
vehementer.

Terra quam calcamus, ex qua alimur, in quâ reuer-
 temur, illa in sinu suo inferos abscondit, illa nunc mo-
 uet, nunc variis locis ignes euomit, vt ex Æthiâ, He-
 cla: nunc calidas aquas scatuit, ne miremur æterni-
 tatem ignium. Illa hominum sceleribus polluitur, &
 cadaueribus putrescit, in illa quotidiana flagitia com-
 mittuntur, & puniuntur, aspice quam late patet, & re-
 miniscere Prophetiæ Petri: [h] *Terra autem, & qua in*
 h 1. **Epist.** *ipsa sunt opera, exurentur.* [i] *Novam autem terram & no-*
 i V. 13. *uos cælos creabit Dominus.* Cum Joanne vide terram, &
 dic

dic, & habitantibus in terra. [k] Et & terra, & mari, quia ^{k Apoc.} descendit Diabolus ad vos, habens iram magnam, sciens quod ^{12.12.} modicum tempus habet. Timete Deum à cuius conspectu fugit cœlum & angusta est terra, in illa pressura gentium est, quæ meru arefcit: Omnes impij scribentur in terra. Lætos aspicias pampinis colles, quod mediteris, ^{Montes} suppeditant. Vineæ Domini est omnis vir iudæ, expectauit, ^{Colles:} vt faceret vvas fecit autem labruscas. Cultores vineæ ministros, qui filium patris familias occiderunt. [l] Veniet ^{1. Marc:} Dominus & perdet colonos. Montium immanes scopuli in minas pendēt, nec in die iudicij regente eos, qui dicent illis, *cadite super nos, & collibus operite nos à facie sedentis in throno, & à facie iræ agni.* Jacentes vâles, & euntia per alueos flumina, quid aliud quam præcipitia inferorum, & piceos torrentes indicant. Vallem Josaphat in mentem reuoca, in quam vocabuntur omnes gentes, vbi disceptabit cum illis, qui creauit illos. ^{12.9:} Arborēs metuunt securēs, quæ iam ad radicem positæ sunt, & omnis arbor quæ non facit fructum bonum excidatur & in ignem mittatur. Ligna quotidie cæduntur igni, præsertim lignum vitis. ^{Ligna:} Segetes sua habent zizania, ^{Segetes:} quæ in fasciculos colligatæ comburuntur igni inextinguibili, spicæ paleas habent, & grana, pauca de magno agro in horrea Domini referuntur. Terra spectatissimo virore herbescit. & floribus pingitur, sed ^{Fœnum.} fœnum, quod hodie sic vestitur, cras in clibanum mittitur, omnis caro fœnum est, flos veris est, decidit, dum ^{Flos:} superbit, & arefcit. Lapidēs quoque iudicium illud ^{Lapides.} signant: [n] Tempus posuit tenebris, & vniuersorum finem ^{n Iob 28.} ipse considerat, lapidem quoq; caliginis, & vmbra mortis. [o] ^{3. o Ier. 26:} Omnes vrbes erunt in acervum lapidum sicut ^{18.} Ierusalem, [p] non relinquetur lapis super lapidem. ^{p Marc:} Melius est, vt lapis molaris ad collum alligatus te deferat in ^{13.1:} profundum maris, quam scandalum dēs vni ex minimis, qui in Christum credunt. Ipse Dominus positus est in ruinam, & in resurrectionem multorum in Israël, positus à Deo, qui potest de lapidibus suscitare filios

- q Rom. 9.32. Abrahæ. [q] Dominum exercituum, inquit Isaias, ipsum sanctificate: ipse pavor vester, & ipse terror vester. [r] Plurimi offendunt in lapides offensionis, teste Paulo. Et Petrus.
- s 1. Epist. 6.2.7. [s] Vobis igitur honor credentibus, non credentibus autem lapis, quem reprobauerunt edificantes, hic factus est in caput anguli, & lapis offensionis, & petra scandali, his qui offendunt. Vobis nec credunt Metalla. in quo & positi sunt. Metalla ferri, auri, argenti, ab inferis per ergastularios eruuntur venena terræ, de venenis nata, in mortes hominum, in multas ferrum, in plures aurum. vtraque diuini iudicii sunt carnifices. Meminerit
- t c.41.18. Christianus cum suo hoste sibi esse certamen: [t] qui reputat quasi paleas ferrum, quæ Job sensit grauissimum, u 2.9. & vicit. [u] Christus rege gētes in virga ferrea, & quasi vas figuli confringet eas. [x] In plaustris ferreis trituratur Galaad vt vidit Propheta vellicans Sycamotes. Mare i. x c.1.3. ipsum olim mundum totum, nunc partes obruit, & quotidie homines sorbet, ipsis fluctibus & sonitu iudicium minatur extremum. Ipsi populi mare vocantur, [y] impij autem, inquit Isaias, quasi mare feruens; quod quiescere non potest, & redundant fluctus eius in conculcationem & lutum.
- z Thre.c. 2.13. [z] Itaque magna erit sicut mare contritio eorum, vt Jeremias lamentatur. [a] Ipse Antichristus inter duo maria positus peribit, vt Daniel præuidit. Ad terrorem iudicii concurret sauities maris. [b] Et erunt, vt est in Luca, signa in sole, & luna & stellis, & in terris pressura gentium praefusione ne sonitus maris, & fluctuum. [c] Jacobus impium ait simile fluctui maris. [d] Judas fluctus feri maris, despumantes suas confusiones. Si nauem ingressus, duobus digitis à morte abesse te cognoueris, illud memora, forte & inter illos mortuos, quos mare reddet ad iudicium, ego sum. [e] de quibus Joannes: Flumina nos admonent torrentium piceorum, & fluminum igneorum de throno procedentium. Ita Daniel: [f] Fluvius igneus rapidusque egrediebatur à facie eius. Flumen amœnum umbra est illius, quod Joanni Angelus ostendit. [g] Et ostendit mihi fluvium aquæ vitæ splendidum tanquam Crystallum, procedentem de sede Dei
- Pisces. & agni. Pisces in mari, & cetera grandia, perpetuo laniatu viu-

viuentes, inferis vicini magis iudicium Dei indicant. Job sane inde parabolam in doloribus assumit, [h] & h c. 40. in Leuiathan nobis dæmonū principem describit, cu-^{20.} ius vires & pœnam cōsiderare fas est. [i] Sternutatio e-^{i c. 41. 9.} ius splendor ignis, & oculi eius, vt palpebra diluculi. De ore eius lampades procedunt, sicut tede ignis accēsa. De naribus eius pro- cedit fumus, sicut olla succensa atq; feruētis. Halitus eius prunas ardere facit, & flamma de ore eius egreditur. In collo eius mora- bitur fortitudo, & faciem eius præcedit egestas. Membra carniū eius coherentia sibi: mittet contra eum fulmina, & ad locum alium non ferentur. Cor eius indurabitur tanquam lapis, & *Leuiathan* stringetur quasi malleatoris incus. Cum sublatus fuerit, time- bunt Angeli, & territi purgabuntur, cum apprehēderit eum gla- dius, subsistere non poterit, neq; hasta, neq; thorax. Reputabit e- nim quasi paleas ferrū, & quasi lignū putridum. *es.* Non fugabit eum vir sagittarius, in stipulā versi sunt ei lapides fundæ. Quasi stipulam æstimabit malleum, & deridebit vibrantem hastam. Sub ipso erunt radij solis, & sternet sibi aurū quasi lutum. Fer- uescere faciet quasi ollam profundum mare, & ponet quasi cum vnguenta bulliunt. Post eum lucebit semita, æstimabit abyssum, quasi senescentem. Non est super terrā potestas, qua comparatur ei, qui factus est vt nullum timeret. Omne sublime ridet, ipse est rex super vniuersos filios superbiæ. Denique in nobis ipsis, quantus est pauor spectrorum, contra quæ tamen fide, oratione, innocentia munimur. An non ingens ille me- tus nos quotidie admonet, vt ita viuamus, ne eorum crudelitati in æternum torquendi tradamur.

¶ 3.

Quod animal non ingerit nobis memoriam diuini iudicij? [k] volucres cœli, ipsi adeo passeruli dæmo- *k Matth.* nes designant, qui sementem de cordibus auferunt, ne *c. 13. 4.* credentes salui fiant. Non tot in cœlo volucres insidi- antur aut sibi, aut aliis, quot principes & potestates aë- ris huius. Omnia plena laqueis vidit Antonius, expe- riuntur peccatores. Leo signat leonem rugientem, cir- cumeuntē, & quærentem, quē deuoret. Oues & hœdi iudicij formā ostendunt. Animalia munda & immūda *Animalia.*

electos & reprobos. Volucres inuitantur ad carnes principum, & aulicorum. Vt Joannes territus audiuit.

16.19.
17.18.

[1] Et vidi vnum Angelum stantem in sole, & clamauit voce magna dicens omnibus auib; quæ volabant per medium cœli: Venite & congregamini ad cœnam magnam Dei: vt manducetis carnes regum, & carnes tribunorum, & carnes fortium, & carnes equorum, & sedentium in ipsis, & carnes omnium liberrorum, & seruorum, & pusillorum, & magnorum. Sensit illam vindictam Hella Rex Angliæ, Regnerum regem Daniæ excruciatum trucidauerat, tres ille filios reli-

Regnerus.

quit, audita patris calamitate, Siuardus ira fremens telo pedem læsit, Biornus aleas, (aleis enim ludebat) tanta pressit vi, vt sanguinem de manu exprimeret. Iuarus iram adeo pressit, vt ex spectaculo vetaret discedere, Hella iram professam duorum contemnens, Iuarum ultorem fore dixit, nec fefellit augurium, victum captumq; Iuarus circumduxit, vulturem dorso, qui illud roderet, apposuit, Tytij pœnam in hoste imi-

ml.4.c.10.

tatus. [m] Ita Crantzius, Daniel quoq; omnes bestias vidit exustas. Serpentes & reptilia occurrunt? cogita

Serpentes.

serpentem antiquum, diabolum, serpentem, vectem. Vermes calcas? illum signant vermem, qui non moritur in igne, qui non exstinguitur. Serpens hominis præcipue hostis est: alibi tamen ad solatium bonorum, vindictam malorum. Ad Anatoliam virginem missus à Marso serpens eam innoxiam seruauit, mane magistrum suum letalibus spiris amplexus necare cœperat, cum illum Martyr depellit. Charitonem quoq; captum & professum, non sacrificare, etsi millies moriendum sit, aspis de vino latronum absentium bibens, & veneno reliquum inficiens, liberauit. Latrones enim anhelii redeuntibus medicatum à vipera potum haurien-

Anatolia.

Chariton.

tes, sopiti sunt morte. Chariton opes pauperibus diuidit, speluncam vertit in Ecclesiam. Illa iudicia diuinitatis, aliaque innumera Symbola æternorum nunquam animo deponenda sunt, quia nunquam ad illa proficisci intermittimus.

C A P.

CAP. LXXIII.

Omnibus hominum conatibus ac gestis extremi iudicii signaturam à Deo impressam.

§ I.

Hieronymus salubri timore, ne lasciuires, carnem suam configebat: siue ederet, siue biberet, semper insonantem illâ suis auribus tubam audiebat: Surgite mortui, venite ad iudiciû. Nam reuera in cûctis actionibus est causa moriendi, & ad tribunal illud acceden- di, & à Deo metus incussus, & exempla morientium. Conuiuium Bala- faris cæde omnium finitur. Extremus etiam dies inueniet conuiuentes. Jam Dominus apud Matthæum protestatur. [a] Sicut autem in diebus Noë, ita erit & aduentus filij hominis. Sicut enim in diebus erant ante diluuium comedentes & bibentes, nubentes & nuptui tra- dentes, vsq; ad eum diem, quo intrauit Noë in arcam, & non cognouerunt, donec venit diluuium, & tulit omnes: ita erit aduentus filij hominis. Tunc duo erunt in agro. vnus assumetur, & vnus relinquetur. Nabal in conuiuiio contumeliosus, altera die obrigit, Holofernes mori se non sentit, apud inferos de crapula euigilauit. Andeburn, rex Angliæ in ipsa comestatione suffocatus est. Alexander ebrietate & veneno, duplici malo. Sed in ipso cibo mors ex improviso. Augustum ficus, Torquatum placenta, Claudium boletus, Sausceium oui sorbitio. Anacreontem acinus vux, Tarquiniû Priscum spina piscis strangula- uit. Durius Valla medicus mulsi potione, Amurathes Turcus dum craterem ingenti se proluuit, de repente con- cidit. Ipse complures noui, qui post lautam compota- tionem ad causam de æternitate dicendam citati sunt. Quare Christus cum moneret de illa hora inopinato ad omnes ventura, seuerè vetuit ne grauarentur corda crapula, & ebrietate. Nihil igitur tutum, dum corpus

*In omnia-
tione iu-
dicium.*

*In cibo, &
potu.*

*Subita
mortes.*

re tauratur, euertitur. Medicina ipsa temperaturæ correptrix, expultrix morborum quotidie catapotiiis mortem peragit. Adriani dictum memorabile, *Turba medicorum Imperatorem perdidit*. Perdidit Imperatorem Maximilianum I. Iulium 3. Pontificem.

Miserabili fato Carolum Nauarræ regem. Laborabat articulari morbo, additus erat dolori torpor, frigus, & imbecillitas, medicorum iussu linteo, quod aqua vitæ, aqua ardente madebat, insutus est. Sartor filium, quo regem insuerat candelæ flamma præcicens, lintheum incendit, nulla arte succurri potuit, rex viuus tostus, exustusque est. Multos ex balneo mortuos, multos ex Medicorum curis, Plinius recenset. Quam multos ludi absumperunt? Apud Fidenas Theatrum concidit, & sexaginta millia oppressit. Thales in theatro siti & calore exaruit. Philistæi cum theatro conciderunt, funestum lulum ludente Sampson. bc. 16. 25. *[b]* ut est in libro Judicum. Lucie sorori Aurelij cum filio ludenti acu in corde fixa casus mortem attulit. Baldi Jurisconsulti indigna plane mors, sed ad exemplum utilis, catellus ludentis labium momordit, inde rabiosus, & aquæ metuens fugitansque misere interiit. Quoties armis iocose pugnantes inopinate læduntur? nulla non ciuitas exempla præbet. Gallia etiam regia Henricus vndecimus dum hasti ludio exercetur, lanceæ fragimine casu in oculum retorto periit. Ludouicus dum spectat ludentes repente extinctus est. Ludocus primus dux Bauariæ à licario occisus est. Carolus vndecimus Gallie rex, dum laeuatus discurrit, tunica picea Fauni aut furie instar indutus, occurrit ignotus fratri, dumque incaute custodiuntur faces, duos proximos ignis corripuit, & tunica molesta exussit, regie ægerime subuentum est.

§ 2.

Venatores. Lusus principum & magnatum vsitatus, venatio. Multarum regum mortes in syluis. Est vero venatio figura illius,

illius, quam dæmones exercent, capturæ, illi omnium immemores animas captant. [c] Exultat itaq; David c *Psal.* 90. liberatus de laqueo venantium. Dominus certe per Ieremiam minatur se piscatores, & venatores missurum: [d] Ecce ego mittam piscatores multos dicit Dominus, & pesca- d c. 16. 37. buntur eos: & posthac mittā eis multos venatores, & venabuntur eos de omni monte, & de omni colle, & de cauernis petrarum. Quia oculi mei super omnes vias eorum: non sunt absconditæ à facie mea, & non fuit occultata iniquitas eorum ab oculis meis. Cum ad venationem egrederis, hoc ipsum meditare, quod scripsit Michæas: [e] periit sanctus de terra, c c. 7. 2. & rectus in hominibus non est: omnes in sanguine insidiantur, vir fratrem suum ad mortem venatur. [f] Venatio leonis o- f *Ecd.* c. 13. nager in sylua: & pascua diuitum sunt pauperes, & prada deu- c. 13. 23. monum diuites, & cibus eorum electus. Equitatio te delectat? non culpo. Interim respice sursum, & vide equitem in cælo, qualem Joannes. [g] Et vidi cælum a- g *Apoc.* pertum, & ecce equus albus, & qui sedebat super eum, vocabatur fidelis, & verax, & cum iustitia iudicat & pugnat. il- 19. 11. lum inde sequaris, exercitū enim habet. [h] Et exercitus, Equitatio. h *V.* 14. qui sunt in cælo sequebantur eum in equis albis, vestiri byssino albo & mundo. cum ludibundus veheris, & placet quadripes simul in mentē veniat equitū Apocalypticorū albi, rufi, nigri, pallidi, de quo Joānes. [i] Ecce equus pal- i c. 6. 8. lidus: & qui sedebat super eum, nomen illi mors, & infernus sequebatur eū, & data est illi potestas super quatuor partes terræ, interficere gladio, fame, & morte, & bestiis terræ. Multos in equis mors inuenit. Henricus Austriæ Marchio in glacie, Philippus Ludouici Galliæ regis filius equo prolap- sus expirauit. Ipsa multos lætitia exanimauit, de matribus Romanis notum est, cum præter spem filios re- duces complecterentur. Philistion poëta risu crepuit. Philæmon etiam leui causa, quod asinus ficus conui- uis apparatus comederet. Cato, quod carduos, & suo acumine delectatus est, quod dixisset, similes habent labra lactucas. Sophocli & Zeuxi risus leti cau- sa fuit, huic picta vetula, quam intuitus risu expirauit.

sui itaq; amore perit. Itaque non modo tristitia, qua Heli corruit, & eius nurus, & Thamar contabuit, sed ipsa hilaritas nimium præcordia dilatans vitam abrum-
 pit, Sophocles, Dionysius Tyrannus, Philippides nunciata victoria, gaudij magnitudine mortui sunt. Diagoras & Chilon in filiorum Olympionicarum complexu exultanti lætitiæ succubuerunt. Paulus Æmylius Macedonico triumpho filios extulit. Bibulus in ipso ciuili superbiæ tegula percussus interiit. honor ipse acci-
 leo mortis armatur, & de sella curuli ad iudicem vocat. In curia Romana decernitur triumphus, in cœlesti dies dicitur. Nuptialia conuiuia celebras? gaudes ad vocem sponsi & sponsæ? Hoc ante diluuium faciebant nubentes, & nuptui tradentes, donec venit diluuium & tulit a-
 n-
 nes. Septem sponfos Saræ nuptiali nocte Asmodæus suffocatos tribunali diuino stirit, Attila in geniali toro sanguine effuso, nullo aduertente de regio thalamo ad rogos inferorū descendit. Et ne minora nomina taceam Eupolis, Cornelius Gallus, Ladislaus Neopolitanus, Multi alij in vxorum, aut meretricum complexu animas dederunt. Quoties virgines ad lenonem ductas violaturi morte lasciuia luerunt, certe qui ad Sera-
 phim venerant tota nocte dissolutis neruis, alienatis sensibus iacuerunt, quos illa tamen in conspectu iudicis sanauit. At multorum incestos amores longa Deus patientia tolerat? Plane ita est, Dei clementia, quos emendare debuit, in crimine facit obstinatos. Quærebat ex Aca-
 thio Bibjanus, cur Christus, si potest, non punit Imperatores hostes suos? respondet ille, vt suam ostendat bonitatem. Si enim vindictam celeraret, non fore locum pœnitentiæ. Sed Christus iam ante responderat peccatoribus omnibus, facta enim mentione o-
 dodecim virorum, quos turris Silæ oppressit, & quorum sanguinem Pilatus cum sacrificiis miscuerat, leue-
 re admonuit. [k] Putatis quod hi Galilæi præ omnibus Galilæi peccatores fuerint, quia talia passi sunt? Non dico vobis: sed nisi pœnitentiam habueritis, omnes similiter peribitis. Sicut illi
 decem

k 6-13-3: 345

decem & octo, supra quos cecidit turris in Siloe, & occidit eos: putatis quia & ipsi debitores fuerint præter omnes homines habitantes in Ierusalem. Non dico vobis: sed si pœnitentiam non egeritis, omnes similiter peribitis. Aliquos hic punit, vt nemo fere securus sit, aliquos hic præterit, vt alibi sciant esse iudicium. Alta palatia moliris, Turris Siloë suos oppressit, Babylonia linguas diuisit, Jezabel ex alto præcipitata parietem sanguine cruentauit, equorum vngulis obtrita est, at ego euasi, non euasisti, dilatus es ad maius in futuro supplicium. Latro quidam ad murum dormiēs à Serapi tibi visus est moneri, fugeret, ruitura mœnia, vix in tutum peruenerat, cum grandi sonitu murus sternitur. Ille gloriatus Diis esse gratos improbos & homicidas, capitur, & post cruciatus ad crucis totius supplicium rapitur, inde ad summa tartari tormenta detrahitur. Securitas ante periculum, in ipso discrimine facit desperationem. Qualis erat in Laocæte Oroto, qui futuri desperans, cum moreretur dicebat, *Qui plus potest, plus rapiat.*

§ 3.

Vestis ipsa, qua vani homines gloriantur, nostri iudicij nos admonet, vulnera tegit, & pudendam de peccato nuditatem, Pœna est egere veste, supplicium est vestiri. Si vos vestis cruciaret, vt tunica molesta, vt pilei, quos Turcorum legatis Dracula Trāsylvanus; & Tartaris Basilius Moscorum dux clauis affigi capitibus iussit, non esset in dolore fastus, nunc vero rem & famam veste perdunt imprudentes, ignari vestem iudicis nostri aspersam sanguine. Vtinam animo perpendere, ne vnquam [l] sine veste nuptiali in conspectu *Matth.* agni apparerent. Ne induantur pudore. & operiantur *si- 22.* cut diploide confusione sua. Veniat in mentem, qui de bombice gloriaris: [m] *Detracta est ad inferos superbia tua m Is.e.* concidit cadauer tuum: subter te sternetur tinea, & operimen- *14. 11.* tum tuum erunt vermes. [n] *Iob sane operuit cinere carnē suam. n c. 16. 16.* [o] Impios vermes operient. Quorsum pulchra vesti- *o c. 21. 26.*

l l f men-

Clodomirus, statim accitus abbas oraculum pronunciat, breui morte luiturum, & fidem probauit euentus. Danis occurrit S. Elphegus capitur & iniuriose habetur prædones diro viscerum dolore corripuntur, duo milia eo cruciatu pereunt, ceteri accepto pane benedicto liberantur. Sanati liberatorem iterum vinculis stringunt & torquent, pecuniam exquirunt, & à quo vitam acceperunt, occidunt, mox omnibus inuisi, fugiunt omnes, classis eorum centum sexaginta nauium periit, qui fluctibus emerferunt, ab incolis occisi, & ad iudicem missi sunt. Opprimuntur iusti, & in potestatem impiorum veniunt, læuientibus parantur iudicia. Judex qui Metrodoram, & Nymphodoram occiderat, & fornaci corpora iniecerat, obambulans cum suis fulmine in fauillas redigitur, ad pœnas æternas olim redintegrandus. Presbyter Sidonium Episcopum templo prohibere aggressus, Arii morte consumptus est. Nantinus comes sub rege Childerico in Episcopum Hermelinem iniuiosus, rapax, homicida, postquam præsul fato cessit, ab eo citari se dixit, & continuo cum horribili clamore expirauit, at pœnæ genus in corpore Deus signari voluit, carbonis instar atrum apparuit, vt [s] Turonensis refert. Multa similia exempla habemus, quæ ad ferre nihil est necesse, cum peccatores quotidie ad iudicium vocentur. Joannes vidit animas interfectorum sub altari, vltionem exposcentium. [t] *Et vidi subtus altare animas interfectorum propter verbum Dei, & propter testimonium, quod habebant.* 1. Apoc. 6.9. Clamauit sanguis Abel de terra, clamat quotidie innocentium sanguis, clamat in prædonum, & raptorum ærariis pecunia vindictâ. quam nunquam aspicere possunt, quin simul cogitent, propter has ardebo. citissima ac proinde facilima mors, quæ ictu trifulci fulminis infertur, sensum enim præuenit velocitate, in ictu oculi occidit. Adeo, vt qui dormientes fulminantur apertis oculis, qui vigilantes, clausis esse dicantur, quod illi ictu euigilent & ante moriantur, quam clau-

claudere possint, hi territi claudant, nec vita extorta aperire valeant. Mors igitur Frontonis, id iudici nomen erat, celeritate mitis, euentu horribilis fuit, nam velut summi iudicis apparitor ac satelles fulmen momento ad tribunal in ipso crimine deprehensum abripuit, tam citato cursu, quam fulmen fertur. Omnia illa ad iudicem vocant. Ferdinandus I V. cum duos maiestatis damnatos è turri præcipitasset, ab illis ad trigessimum diem citatus ad causam dicendam, eodem die abiit, & sine priuilegio principatus causam dixit, sententia nobis in vltimo die nota erit. Nunc vero si quis iudicia tribunalium, lictores, carnifices, carceres, instrumenta cruciatuum, legum executiones videat, nonne expressa signa, & typos magni iudicij animo concipit? Pingitur ad memoriam vbiq; supremi diei iudicium, sed efficacius animos percellunt illa, quæ peraguntur. Ignis ipse, fornaces, foci, faces, candelæ, scintillæ, nos ignis illius admonet, qui nunquam extinguetur. Sale quotidie vrimur, [u] *omnis enim, in igne salietur, & omnis victima sale salietur*, futurum, ait Dominus, vt quemadmodum salis acrimonia carnes penetrat, nec solam superficiem imbuat, introrsum rapitur, & naturam ipsius conseruat, ita inferorum scimus bustuarios torquendos non leui flamma cuticulam lambente, sed foris intusq; totos igniet, & velut saliet, dum intima quæq; vrit, & cruciabilem immortalitatem ad miseriam tribuit. Concludo cum Salomone,

x c. 12. 13. [x] *finem loquendi pariter omnes audiamus. Deum time, & mandata eius obserua: hoc est enim omnis homo: & cuncta quæ fiunt, adducet Deus in iudicium pro omni errato, siue bonum siue malum illud sit.* Et cum Daniele, qui vsu sapientiæ superauit Salomonem, [y] *iudicium sedit & libri aperti sunt.* [z] *Et multi de his qui dormiant in terra puluere euigilabunt: alij in vitam æternam, & alij in opprobrium, vt videant semper.* Atque his valedico cunctis hæc lectoris, non in longum tempus, breui enim videbimus nos ante Dei tribunal, vt recipiat vnusquisque prout gessit in

u Marc.
6.9.4.8.


x c. 12. 13.
14.

y c. 7. 10.
z c. 12. 2.

sit in corpore siue bonum, siue malum. Hoc omnibus
opto ex animo, omnibus votis, vt dealbentur, & e-
ligantur, vt scribantur in libro vitæ. Audiant à Deo,

quod Daniel: [4] *Tu autem vade ad præsinitum: & a c. 12. 13.*
requiesces, & stabis in sorte tua in
finem dierum.

F I N I S.



7

5-3-1



